

ԵՐԵՎԱՆԻ ՊԵՏԱԿԱՆ ՀԱՄԱԼՍԱՐԱՆ

---

ՀՀ ԳԱԱ ՊԱՏՄՈՒԹՅԱՆ ԻՆՍՏԻՏՈՒՏ

**ՀՐԱԶԻԿ ՍԻՄՈՆՅԱՆ**

**1912–1913 ԹԹ.  
ԲԱԼԿԱՆՅԱՆ ՊԱՏԵՐԱԶՄՆԵՐԸ  
ԵՎ ՀԱՅԵՐԸ**

ԵՐԵՎԱՆ

ԵՊՀ ՀՐԱՏԱՐԱԿԶՈՒԹՅՈՒՆ

2014

ՀՏԴ 93/99  
ԳՄԴ 63.3  
Ս 504

**Սիմոնյան Հրաչիկ**

**Ս 504 1912-1913 թթ. ԲԱԼԿԱՆՑԱՆ ՊԱՏԵՐԱԶՄՆԵՐԸ ԵՎ ՀԱՅԵՐԸ /**  
**Հ. Սիմոնյան. - Եր.: ԵՊՀ Հրատ., 2014, 502 էջ + 8 էջ ներդիր:**

Գրքում ներկայացված է Բալկանյան երկու պատերազմների նկարագրությունը և Հայերի մասնակցությունը այդ իրադարձություններին՝ զերազանցապես ժամանակի հայկական մամուլի հրապարակումների, հայերեն և ռուսերեն զրկանություն, բուլղարերեն առանձին հետազոտությունների, Հայաստանի, Ռուսաստանի և Բուլղարիայի արխիվներում պահպանվող փաստաթղթերի ու նյութերի հիման վրա:

ՀՏԴ 93/99  
ԳՄԴ 63.3

ISBN 978-5-8084-1910-0

© Սիմոնյան Հր., 2014  
© ԵՊՀ Հրատարակչություն, 2014

## **ԵՐԿՈՒ ԽՈՍՔ**

Առաջին Համաշխարհային պատերազմին նախորդել են 1912-1913 թթ. Բալկանյան երկու պատերազմները:

Բալկանյան առաջին պատերազմը ծագեց մի կողմից Թուրքիայի, մյուս կողմից Բալկանյան թերակղզու չորս երկրների՝ Բուլղարիայի, Հունաստանի, Սերբիայի և Չերնոգորիայի միջև: Հարյուրհազարավոր մարդկային կյանքեր խլած այդ արյունահեղ պատերազմի արդյունքում ազատագրվեցին օսմանյան դարավոր բռնակալության տակ հեծող Մակեդոնիան և նշված երկրների պատմական տարածքները:

Բայց բալկանյան հաղթական երկրների իշխող վերնախավերը չկարողացան դիմակայել թուրքական լծից ազատագրված տարածքներից հնարավորինս մեծ բաժին ստանալու գայթակգությունը: Բալկանյան առաջին պատերազմում ամենաչատմարդկային և նյութական կորուստներ կրած Բուլղարիայի կառավարողների անհեռատես քաղաքականությունն ապտճառով երկիրը նետվեց նոր պատերազմի մեջ, այս անգամ երեկվա իր դաշնակիցների՝ Հունաստանի, Սերբիայի ու Չերնոգորիայի դեմ և կրեց ծանրագույն պարտություն՝ զրկվելով Համարյա բոլոր ձեռքբերումներից:

Բալկանյան առաջին պատերազմին իրենց կամքից անկախ մասնակցություն ունեցան նաև Օսմանյան կայսրությունն Հայերը: Հազարավոր հայ երիտասարդներ գորակոչվեցին զինվորական ծառայություն և թուրքական զորքերի կազմում նետվեցին կովի դաշտ: Հակառակ կողմից՝ բալկանյան դաշնակիցների զորքերի չարքերում նույնպես մարտնչում էին բազմաթիվ հայորդիներ: Բուլղարական բանակի կազմում իր հերոսական գործողություններով հատկապես աչքի էր ընկել Հայկական կամավորական վաչտը:

Գտնվելով միմյանց դեմ խոյացող թշնամական բանակների

չարքերում՝ հայ զինվորները կրում էին անհուն տառապանքներ, իրենց հայրենիքից շատ հեռու տալիս հազարավոր զոհեր:

Շուրջ տասը ամիս (1912 թ. սեպտեմբերի վերջից մինչև 1913 թ. օգոստոս) տևած Բալկանյան պատերազմների մասին առկա է բազմալեզու գրականություն: Հայերեն տպագրվել է երկու աշխատություն՝ Արամ Անտոնյանի «Պատկերազարդ ընդարձակ պատմություն Պալքանեան պատերազմին» (Կ. Պոլիս, 1940 թ.) և Բալկանյան առաջին պատերազմի մասնակից Արմեն Սյունու «Հայկական վաշտը Անդրանիկի առաջնորդութեամբ 1912-1913 թթ. Բալկանեան պատերազմում» (Բաքու, 1914 թ.) գրքերը: Բալկանյան պատերազմներին իրենց աշխատություններում անդրադարձել են Մատուր Աղայանը, Գևորգ Ղարիբջանյանը, անվանի պատմաբաններ Մակիչ Արզումանյանը, Համբարձում Կարապետյանը, Գալուստ Գալոյանը: Թեմայի մասին ուսումնասիրություն ունի պատմաբան Զոհրապ Ղասաբյանը:

Սույն աշխատության հեղինակն իր առջև խնդիր էր դրել տալ Բալկանյան երկու պատերազմների նկարագրությունը՝ հենվելով գերազանցապես ժամանակի հայկական, հատկապես պոլսահայ մամուլի հրապարակումների վրա: Վերջինիս էջերում օր օրի լայնորեն լուսաբանվել են պատերազմական իրադարձությունները բալկանյան ռազմաճակատներում և դրանց անդրադարձը թիկունքում: Պոլսահայ մամուլի հրապարակումներն անգնահատելի ճշգրիտ աղբյուրներ են, մասնավանդ եթե նկատի ունենանք, որ դրա առանձին օրգաններ ունեցել են սեփական թղթակիցներ պատերազմական գործողությունների վայրերում:

Գրքում օգտագործված են նաև հրապարակի վրա եղած խնդրո առարկայի վերաբերյալ հայերեն և ռուսերեն գրականություն, բուլղարերեն առանձին հետազոտություններ, ռուսական մամուլում տեղ գտած հրապարակումներ, Հայաստանի, Ռուսաստանի և Բուլղարիայի արխիվներում պահպանվող փաստաթղթեր ու նյութեր:

## ԳԼՈՒԽ ԱՌԱՋԻՆ

### ԲԱԼԿԱՆՅԱՆ ՊԱՏԵՐԱԶՄՆԵՐԻ ՆԱԽԸՆԹԱՅԸ

#### ԹՈՒՐԻԱՅԻ ՏԱՐԱԾՔԱՅԻՆ ԿՈՐՈՒՍՏՆԵՐԸ ԲԱԼԿԱՆՅԱՆ ՊԱՏԵՐԱԶՄՆԵՐԻՑ ԱՌԱՋ

Բյուզանդիայի մայրաքաղաքի գրավումից շատ չանցած՝ խաչնարած ուսմիկ թուրքերը իրենց հայացքն ուղղեցին հեռուները: Հրապարակ էր իջել ուղղակիանապես ուժեղ պետություն, որ իր հաղթական բանակների ուժգին գրոհներով մխրձվեց Եվրոպայի մարմնի մեջ: 1454-1459 թթ. Թուրքիան վերջնականապես նվաճեց ամբողջ Սերբիան, 1456-ին Մոլդավիան իրեն հարկատու ճանաչեց թուրքաց սուլթանին, 1460 թ. նրանք նվաճեցին ամբողջ Հունաստանը, երեք տարի հետո (1463 թ.) ընկճեցին Բոսնիայի դիմադրությունը: Հասնելով Վիեննայի պարիսպներին՝ օսմանյան բանակները ուղղակիեցին Դանուբի գետափունքը, ապա Ադրիատիկ ծովի ափերից առաջացան ցամաքի խորքերը:

1471 թվականին Մեհմեդ 2-րդը նվաճեց Փոքր Ասիայում դեռևս անկախությունը պահպանած Կարամանի օղուզաթուրքմենական բեյլիկությունը, 1475 թ. Ղրիմի խանն ճանաչեց թուրքական սուլթանի վասալ, մեկ տարի հետո (1476 թ.) Վալախիան ամբողջությամբ միացվեց Թուրքիային: 1516 թ. թուրքերը գրավեցին Սիրիան, Լիբանանը և Պաղեստինը, 1517 թ. նրանք մտան Եգիպտոս և մամլուկների ձեռքին խաղալիք դարձած վերջին խալիֆից վերցրին Նրըխա-ի շերիֆը (նահատակի վերարկուն), այն գցեցին թուրքաց սուլթանի ուսին, և նա հռչակվեց բոլոր մուսուլմանների խալիֆ (կրոնապետ): 1526 թ. Մոխաջի մոտ թուրքերը ջախջախեցին հունգարական զորքը և հպատա-

կեցրին Հունգարիան: Երեք տարի հետո՝ 1529 թ., նրանք հասան Վիեննա և պաշարեցին Գերմանա-Հռոմեական կայսրության մայրաքաղաքը: 1539 թ. Արևմտյան Հայաստանի տարածքի վրա փոփոխակի հաջողություններով շարունակական պատերազմներ սկսեցին Պարսկաստանի դեմ, որոնց հետևանքով Վանը հարակից հողերով մնաց թուրքերին: 1574 թ. ենիչերիները մտան Թունիս և քիչ ուշ թուրքաց խալիֆ-սուլթանի հպատակության տակ առան Ալժիրն ու Մարոկկոն: 1672 թ. Լեհաստանը Պողոլիան և Աջափնյա Ուկրաինան հարկադրված զիջեց թուրքերին:

Օսմանների նվաճումների անօրինակ ծավալման պատճառները բազմազան էին, որոնցից հատկապես առանձնանում էին երկուսը. 1) թուրք էթնոսը երիտասարդ էր, թարմ ու եռանդուն, 2) նվաճվող ազգերի ներքին երկպառակտյալ ու անմիաբան վիճակը:

Ուր որ օսմանները ոտք էին դնում, այնտեղ հաստատում էին իրենց տեսակին հատուկ «օրենքները»՝ ծայրահեղ բռնակալություն, գազանային խստություն ու անզթություն, լիակատար արհամարհանք ու ատելություն պարտվածների, հատկապես քրիստոնյաների նկատմամբ:

Բայց լայնարձակ ու այլազան, բազմակրոն ու բոլորովին տարբեր մշակույթների պատկանող բազմազգ Օսմանյան կայսրությունում, որը մեծ համբավ էր ձեռք բերել աշխարհում ու հասել էր զինական ուժի գագաթնակետին, արդեն այդ ժամանակ նկատվում էին թուլացման, քայքայման և դանդաղորեն մեռնելու սաղմեր: Այլ խոսքով, թուրքերի ներքին ուժերն ու միջոցները չէին բավարարում նվաճած լայնածավալ տարածքները հսկելու ու կառավարելու:

Իր հզորության գագաթին հասած Օսմանյան կայսրությունը որքան ուժեղ էր ռազմական տեսակետից, նույնչափ և ավելի տկար էր քաղաքակրթապես: Աշխարհակալական նկրտումները մի կողմից, նվաճած երկրները պահելու մտահոգությունները մյուս կողմից խոչընդոտում էին ոչ միայն յուրացնելու անհամեմատ բարձր եվրոպական քաղաքակրթության տարրերը, այլև շենացնելու և բարգավաճ դարձնելու իր գաղութներն ու բուն երկիրը: Եվ քանի որ կայսրության ողջ ընդարձակ տարածքը

հզոր պահելու համար բավարար չէր միայն բիրտ ուժի կիրառումը, ուստի անհրաժեշտ էր յուրացնել նաև համաչխարհային քաղաքակրթական արժեքները: Սակայն վերջինս լիովին անհարիր էր թուրքերին, ուստի օսմանյան պետությունը գինական ուժը հետզհետե թուլացավ ու տկարացավ, հիեարխիկ բուրգը քայքայվեց, և աստիճանաբար չքացան այն պտուղները, որ իրենց սրերով քաղել էին հաղթապանձ փաղիչահերը:

Պողոլիան և Ուկրաինան գրավելուց 11 տարի հետո՝ 1683 թ., երբ թուրքերը կրկին պաշարել էին Վիեննան, և Արևմուտքում հասունացել էր համատեղ ուժերով թուրքերին վճռելու միտքը, լեհերի Յան Սոբեսկի թագավորի զորքը խոտինի ճակատամարտում ջախջախեց թուրքական բանակը: Դա թուրքերի առաջին խոշոր պարտությունն էր Արևմուտքում: Դրանից անմիջապես հետո «Սրբազան լիգան» (Ավստրիան, Լեհաստանը, Վենետիկը և Ռուսաստանը) մեկ և կես տասնամյակ (1684-1699) կռիվներ մղեց թուրքերի դեմ, որոնց շնորհիվ Հունգարիան ազատվեց թրքական լծից: Սա սկիզբն էր: Օսմանյան ընդարձակ կայսրությունը, որի սահմանները Վիեննայի դարպասներից հասնում էին մինչև Պարսից ծոց, Ատլանտյան օվկիանոսից (Մարոկկո-Ալժիրից) մինչև Պողոլիա, Ղրիմ, Թաման ու Կուբան, սկսեց երեւրալ և անկում ապրել:

Եթե տարածքային առումով Օսմանյան կայսրությունը նշանակալից կորուստներ ունեցավ, ապա դրան զուգահեռ զուտ թուրքական տարրը ուժեղացավ և բավական չահեց, թեև արաբների և եվրոպական ժողովուրդների հետ խառնվելու հետևանքով նա կորցրեց իր նախկին մաքուր մոնղոլական տիպը:

19-րդ դարում աննախընթաց ուժով ծավալվեց ազգային-ազատագրական պայքարը օսմանյան լծից ազատագրվելու համար:

1804-1805 թթ. թուրք զավթիչների դեմ ապստամբեցին սերբերը, 1821 թ.՝ Հունաստանը, որը 1830 թ. մոտերքը ձեռք բերեց անկախություն: Նույն թվականին Ֆրանսիան գրավեց Ալժիրը: 1861 թ. Օսմանյան կայսրությունը ճանաչեց Ռումինիայի պետությունը, 1862 թ. նորից գենք վերցրին սերբերը, և նրանց ճնշման շնորհիվ 1867 թ. թուրքական վերջին կայազորները հե-

ոացան Սերբիայից: 1875 թ. ապստամբություն բռնկվեց Բոսնիայում և Հերցեգովինայում, իսկ 1876 թ.՝ Բուլղարիայում, որը թուրքական ստրկացումից ազատագրվեց 1878 թ.: Զևական դարձավ Թուրքիայի տիրապետությունը Միջերկրական ծովի աֆրիկյան ափերի երկրների վրա:

Ավելի ուշ եվրոպական երկրները սկսում են ուղղակի խլխլել սուլթանի տիրույթները: 1881 թ. Ֆրանսիան գրավեց Թունիսը: 1882 թ. Անգլիան փաստորեն զավթեց Եգիպտոսը, իսկ 1890 թ.՝ Սուդանը: Այդ նույն ժամանակաշրջանում Թուրքիան Ասիայում ունեցավ մեծ կորուստներ. 1877-1878 թթ. պատերազմից հետո նա ստիպված եղավ ռուսական կայսրությանը հանձնել երկու նահանգ՝ Կարս ու Բաթում քաղաքներով, իսկ Անգլիային զիջեց Կիպրոս կղզու կառավարումը: Կրետեն անցավ Հույներին, մեծ ինքնավարություն ձեռք բերեցին արաբական թերակղզու շեյխերը: 1911-1912 թթ. իտալացիները գրավեցին Կիրենայիկան (Ղարբ Թարապուլուսը-Տրիպոլիսը) կամ Տրիպոլիտիան\*:

Այս հաջողությունները ձեռք էին բերվում Ռուսաստանի ուղղակի աջակցությամբ, որը շահագրգռված էր Բալկաններում ամրապնդելու իր դիրքերը: Եվ թեև ցարական Ռուսաստանը այդ դեպքում նախ և առաջ հետապնդում էր իր շահադիտական նպատակները, բայց ռուսական քաղաքականությունը նպաստում էր թուրք կեղեքիչներին Բալկաններից դուրս մղելուն, այնտեղի ժողովուրդների ազատագրմանը և դրանով իսկ օբյեկտիվորեն խաղում էր խիստ դրական դեր:

Տարեցտարի, Օսմանյան կայսրության սահմանների կրճատմանը զուգընթաց, թուրքերը աստիճանաբար նահանջեցին և սկսեցին կուտակվել գլխավորապես Փոքր Ասիայի սահմաններում և Կոստանդնուպոլսի շրջանում:

Թուրքիայից Եվրոպային անցած համարյա բոլոր տարածքների բնակչությունը հիմնականում քրիստոնյա էր, իսկ Աֆրիկայինը մեծ մասամբ մուսուլման արաբներ էին, այլ ոչ թե օսմանյան կայսրության հիմքը կազմող թուրքեր:

Իրենց զավթողական արշավանքների ժամանակ թուրքերն

---

\* Tripolitania (իտալ.) – պատմական ռեգիոն Արևմտյան Լիբիայում:



օսմանյան բոնապետությունն իշխանությունն ընդարձակել էին աշխարհագրական բոլոր ուղղություններով և զավթած տարածքներում ամենուրեք թողնում էին թուրք ազգի համեմատաբար մի փոքրաքանակ չերտ, որն ապրում էր թեև նվաճված, սակայն առավել քաղաքակիրթ ժողովուրդների հետ կողք կողքի, ուստի, անկասկած, մասամբ ենթարկվում էր վերջիններիս ազդեցությունը:

Օսմանյան կայսրության հոգեվարքային վիճակը երկարաձգվում էր եվրոպական տերությունների՝ Անգլիայի, Ֆրանսիայի և Ռուսաստանի մրցակցությունից պատճառով. նրանք ոչ մի կերպ չէին կարողանում համաձայնության գալ օսմանյան կամ, ինչպես այն ժամանակ էին ասում, «օտոմանյան ժառանգության»<sup>\*</sup> բաժանման հարցում: Ֆարական Ռուսաստանը նկրտումներ ու հավակնություններ ուներ Ստամբուլի ու նեղուցների նկատմամբ, բայց Անգլիան ու Ֆրանսիան երկյուղ էին կրում նրա ուժեղացումից. ռուսական նավատորմը անարգել ելք կունենար դեպի Միջերկրական ծով: Ուստի երբ հարմար առիթ էր ներկայանում, Անգլիան ու Ֆրանսիան օսմանյան կարկանդակից անմիջապես վերցնում էին ծանրակշիռ կտորը:

Չնայած այդ ամենին՝ 19-րդ դարի երկրորդ կեսին «օտոմանյան ժառանգություն» մի հսկա զանգված՝ Բալկանյան թերակղզու մեծ մասը, դեռ սպասում էր թուրքական բռնակալությունից իր վերջնական ազատագրմանը:

«Բրիտանական քաղաքականություն» հոդվածում Կ. Մարքսը գրել է. «Մենք պետք է համաձայնենք, որ եվրոպայում թուրքերի մնալը լուրջ խոչընդոտ է այն բոլոր ռեսուրսների զարգացման համար, որոնց տերը պետք է լինի Թրակիական իլիրիական թերակղզին»<sup>1</sup>:

---

<sup>\*</sup> «Օսման» բառը ֆրանսիացիները տառադարձում էին «օտոման», որը մի ժամանակ ընդունված էր նաև ռուսաց լեզվում՝ «Օտոմանների պետություն», «Օտոմանյան կայսրություն»: Այդ արմատը պահպանվել է նաև «օտոմանկա» բառի մեջ. այդպես էր անվանվում թուրքական ցածր դիվանը՝ բարձերով, բայց առանց թիկնակի:

<sup>1</sup> К. Маркс, Ф. Энгельс, Соч., т. 9, стр. 5, 6.

**ՀԱԿԱՍՈՒԹՅՈՒՆՆԵՐԻ ՍՐՈՒՄԸ ԵՎՐՈՊԱԿԱՆ  
ԻՄՊԵՐԻԱԼԻՍՏԱԿԱՆ ՏԵՐՈՒԹՅՈՒՆՆԵՐԻ  
ՄԻՋԵՎ 20-ՐԴ ԴԱՐԱՍԿԶԲԻՆ**

20-րդ դարի երկրորդ տասնամյակի սկզբին Եվրոպան կանգնած էր բախտորոշ իրադարձությունների առջև: Մայրցամաքի տերությունները բաժանված էին ռազմաքաղաքական երկու խմբավորումների: Դրանցից մեկը Եռյակ Համաձայնությունն էր (Անգլիա, Ֆրանսիա, Ռուսաստան), մյուսը՝ Եռյակ գինակցությունը (Գերմանիա, Ավստրիա, Իտալիա), որոնք գինավառ կանգնած էին դեմ հանդիման:

Եռյակ գինակցությունն իր աշխարհագրական դիրքով եվրոպական մայրցամաքի դեմ շարունակական մի պատվար էր, որը Եռյակ Համաձայնության երկրները բաժանում էր միմյանցից, այսինքն՝ Անգլիան ու Ֆրանսիան՝ Ռուսաստանից:

Նշված ժամանակաշրջանում եվրոպական քաղաքականությունն առանցքում ֆրանս-գերմանական, անգլո-գերմանական և ռուս-գերմանական հակամարտություններն էին, որոնցից խորն ու անգիջում էր հատկապես ֆրանս-գերմանականը: Անցյալ դարում Ֆրանսիային պատկանող էլզաս-Լոթարինգիայի ռազմակալումը Գերմանիայի կողմից ծայրագույն թշնամական հարաբերություններ էին ստեղծել երկու երկրների միջև: Գերմանիայի և Անգլիայի հակամարտության գլխավոր պատճառը հետևանք էր ոչ թե երկու երկրների միջև ռազմական հնարավոր ընդհարման, այլ տնտեսական մրցակցություն: Արագորեն զարգացող արդյունաբերական արտադրանքը սպառելու համար Գերմանիան կարիք ուներ նոր շուկաների, որոնք հիմնականում գտնվում էին Ֆրանսիայի և հատկապես Անգլիայի տիրապետությունների տակ: Այս երկու տիրակալություններն ամեն կերպ ձգտում էին ձեռքից բաց չթողնել իրենց «պատկանող» ոչ մի գաղութ, ավելին՝ մշակում էին գաղութային կայսրություններն ընդարձակելու նոր ծրագրեր:

Ինչ վերաբերում էր ռուս-գերմանական հակամարտությանը, ապա այն արդյունք էր ոչ միայն տնտեսական ու քաղաքական շահերի, այլև ցեղային անտագոնիզմի, հետևապես ավելի

խորն էր: Գերմանացիներն ուզում էին միայնակ տիրել բալթյան նավահանգիստները և դրանով իսկ բացարձակ հսկողություն հաստատել այդ ծովում: Մյուս կողմից՝ հարավային ուղղությամբ (Ավստրիա, Բալկաններ) նրանք ծրագրում էին իրենց ենթարկել ոչ միայն գերմանալեզու, այլև սլավոն ժողովուրդներին, որոնց իրական պաշտպանը Ռուսաստանն էր:

Եռյակ համաձայնությունների բրիտի երկրների հետ խոր հակասություններ ուներ նաև **Ավստրիան**: Բայց սրա դրությունը անմխիթարական էր զինուժի և ներքին կայունության տեսակետից: Ավստրո-չունգարիայի ազգաբնակչության մեծ մասը չեխեր, սերբեր, խորվաթներ և այլ սլավոն հպատակներ էին, որոնք բացահայտ հակագերման տրամադրություններ ունեին: Պատերազմի դեպքում իրենց համացեղ պետությունների հաջողություններից թեև առնելով՝ նրանք կարող էին օգտվել պատեհ առիթից և ապստամբել կայսրության դեմ: Բացի դրանից՝ Ավստրիայի հարավային և հարավարևելյան կողմերում սլավոնական պետություններ էին նաև Սերբիան, Չեռնոգորիան, Բուլղարիան, որոնք թշնամաբար էին տրամադրված նրա նկատմամբ գլխավորապես նույն պատճառով. իր կազմում նա պահում էր միլիոնավոր սլավոնների՝ իրենց ազգային տարածքներով: Ամեն կերպ խափանելով Ալբանիայի վրայով Ադրիատիկ ծով դուրս գալու Սերբիայի ձգտումները, Ավստրիան բացահայտ հովանավորում և աջակցում էր նրան, հատկապես այնտեղի կաթոլիկներին, որոնցից ավելի հակասերբական տրամադրություն ունեին մալխոսորները<sup>1</sup>: Ավստրիան այբանացիներին զինում էր, որպեսզի նրանք արգելք հանդիսանան իրենց երկիր իտալացիների թափանցմանը:

Չհանդուրժելով Ալբանիայի նկատմամբ Ավստրիայի բացահայտ ձգտումները՝ Իտալիան իր հերթին ամեն ինչ անում էր վերահսկողություն սահմանելու այդ երկրի վրա և դրանով իսկ

---

<sup>1</sup> Մալխոսորները կաթոլիկ այբանացիների ճյուղերից էին՝ մոտավորապես 27 հազար հոգի, բոլորն էլ լավ սպառազինված (տե՛ս **Արամ Անտոնեան**, Ընդարձակ պատմություն պալքանեան պատերազմին, Պէյրուիթ, 1940, էջ 400-ի սողաատակ):

Աղբիատիկ ծովը վերածելու ներքին ծովավազանի: Այդ նպատակով նա պատրաստության էր բերել իր բանակն ու ուղարկել նա պատրաստության էր բերել իր բանակն ու ուղարկել նա պատրաստանի հետ հարաբերությունների սրացումից, որը ձգտում էր ընդլայնվել Ալբանիայի հարավային տարածքների հաշվին:

Այս պայմաններում Ռուսաստանը շարունակում էր իր ազատագրական պատմական առաքելությունը սլավոնական ազգերի նկատմամբ, որոնք գտնվում էին Ավստրիայի և Թուրքիայի տիրապետության տակ: Այդ էր հիմնական պատճառը, որ վեց մեծ տերություններից Բալկաններում ամենասուր հակասությունը Ավստրիայի և Ռուսաստանի միջև էր: Սլավոնամոլության գաղափարները Պետերբուրգում ոչ միայն չէին մարել, այլև վերազարթոնք էին ապրում:

Ռուսաստանն էր, որ, ժամանակին իր վրա ընդունելով Ասիայի խորքերից եկած մոնղոլների հարվածները, ընկավ նրա տիրապետության տակ և դարեր շարունակ կրեց օտար լուծը՝ դուրս մնալով զարգացման բնականոն ընթացքից: Ռուս ժողովրդի ինքնատիպ մշակույթի զարգացման ճանապարհին կանգնեցին օտարի կառավարչական և մտավոր անկատարությունը, կիսավայրենի բնազդներն ու սովորույթները: Բայց Ռուսաստանն էր նաև, որ 18-19-րդ դարերում մեկը մյուսի հետևից արյունալի պատերազմներ մղեց Թուրքիայի դեմ, աներևակայելի գոհողություններով ազատություն բերեց Բալկանների սլավոնական ժողովուրդներին, դարձավ նրանց պետականության երաշխավորն ու անխորտակելի պատվարը:

Մեծ առաքելություն էր բաժին ընկել նաև հարավային սլավոններին: Նրանք էին, որ Եվրոպայի նախադռանն իրենց վրա վերցրին դեպի մայրցամաքի խորքերն արչավող թուրք գավթիչների հարվածները, ապա ընկնելով նրանց տիրապետության տակ՝ կրեցին անլուր չարչարանքներ ու անարգանքներ: Նրանց դարավոր տառապանքների գնով պահպանվեցին եվրոպական երկրների ինքնուրույնությունը և ազատությունը, նրանց մշակույթը՝ չքեղ պալատները, գեղարվեստը, գրադարանները, նիստուկացրը: Ստեղծվեցին անարգել առաջադիմության պայմաններ, այլապես Եվրոպայի դրությունը կարող էր լինել այնպիսին,

ինչպիսին էին Բյուզանդիան և Հայաստանը անցյալ դարերում:  
Բալկանյան պատերազմի նախօրյակին տերությունների  
ցամաքային ուժերի թվաքանակը հետևյալ պատկերն ուներ:

Ռուսաստանը մշտապես ուներ 1.400.000 զինվոր, որի մի  
մասը ստիպված էր պահել Հեռավոր Արևելքում, Կովկասում և  
ընդհանրապես իր ոչ եվրոպական սահմանագծերին<sup>1</sup>:

Ուժեղ զորաբանակներ ուներ նաև Ռուսաստանի դաշնակից  
**Ֆրանսիան**: Ըստ զորաբանակի մասին օրենքի՝ այդ երկիրը  
պետք է ունենար շուրջ 590 հազար զինվոր ու սպա, բայց նրա  
բանակի թվակազմը 1912 թ. չէր անցնում 460 հազարը<sup>2</sup>: Պատ-  
ճառը երկրում ծննդաբերություն ցածր մակարդակն էր: Չնայած  
դրան՝ ֆրանսիական բանակը, լավ զինված լինելով, երկար ժա-  
մանակ կարող էր դիմագրավել գերմանական հարձակմանը,  
մինչև որ կբացվեր ռուս-գերմանական ճակատը, ինչպես նաև  
ռազմական օգնություն կստանար մյուս դաշնակցից՝ Անգլիա-  
յից: Այդ երկու հանգամանքների շնորհիվ նա նույնիսկ կարող էր  
հավասարվել Գերմանիային:

Եռյակ զինակցություն դաշինքի մյուս երկիրը՝ **Անգլիան**, բուն  
երկրում Ֆրանսիայից քիչ ցամաքային ուժեր ուներ, բայց գա-  
ղութներում տեղակայված զորքերի թիվը՝ ներառյալ նաև հե-  
տևակային զինուժը, որոչ չափով գերազանցում էր ֆրանսիա-  
կանը:

Եռյակ զինակցության գլխավոր ուժը՝ **Գերմանիան**, 1912 թ.  
պահում էր 721 հազար զինվոր: Բալկանյան պատերազմը  
սկսվելուց հետո՝ 1913 թ. փետրվարին, Ռայխսստագը որոշում  
ընդունեց մինչև 1915 թվականը ցամաքային զորքերը ավելաց-  
նել ևս 145.000 մարդով<sup>3</sup>: Այդ ողջ հզորությունը հիմնականում  
նախատեսված էր երկրի արևելյան (ռուսաստանյան) ուղղու-  
թյան համար:

**Ավստրո-Հունգարիայի** զինված ուժերը, որոնց թիվը գերմա-  
նական ուժերի մեկ երրորդն էր, նույնպես հիմնականում տեղա-

---

<sup>1</sup> Տե՛ս «Նոր Հոսանք» (Թիֆլիս), № 1, մարտ, 1913, էջ 230:

<sup>2</sup> Տե՛ս նույն տեղում, էջ 232:

<sup>3</sup> Տե՛ս նույն տեղում, էջ 230:

բաշխված էին կայսրություն արևելյան սահմաններին:

Գերմանիայի և Ավստրիայի հետ ռազմական նույն դաշինքում էր Իտալիան: Թեև 20-րդ դարի առաջին տասնամյակում Իտալիան ձեռք էր բերել տնտեսական տպավորիչ հաջողություններ, բայց այս երկիրը զարգացման աստիճանով դեռ բավական հետ էր մնում իր դաշնակիցներից: Նա նրանց մեծապես զիջում էր նաև զորքերի թվաքանակով: Բացի դրանից, եթե հաշվի առնենք, որ Եռյակ զինակցության մեջ, որի անդամ էր ինքը՝ Իտալիան, նաև գտնվում էր իր դարավոր թշնամի Ավստրիան, ապա պարզ կդառնար, թե որքան անկայուն էր նրա վիճակը:

Այլ հարաբերակցություն էր երկու Եռապետությունների ծովային ուժերի միջև: Եռյակ զինակցության ծովային տորմիդների ուժը Անգլիայի, Ֆրանսիայի և Ռուսաստանի համեմատ բավական թույլ էր, հետևապես այդ տեսակետից Եռյակ զինակցության ծովային ապահովությունը դեռ երաշխավորված չէր: Ահա թե ինչու վերջինս մեծ ջանքեր էր գործադրում մեծացնելու ու ամրացնելու ծովային ուժերը՝ ի հակակշիռ իր հակառակորդների:

Այդ տեսակետից մեծ եռանդով էր գործում Գերմանիան: Սա ծովային ուժերը մեծացնում էր հյուսիսային ուղղությամբ՝ Բալթիկ ծովում և հյուսիսային ջրերում: Գերմանիան, ըստ ծրագրի, հատկապես հսկայական ջանքեր էր գործադրում հյուսիսային ծոցում Անգլիային հավասարվելու համար: Ինչ վերաբերում է միջերկրածովյան ուղղությանը, ապա Գերմանիան այն թողել էր իր ռազմական դաշնակից Իտալիային: Եռյակ զինակցության չըջանակներում վերջինս պարտավորություն էր ստանձնել Միջերկրական ծովում գերմանական տեխնոլոգիայով ստեղծել մի զորեղ նավատորմ, որը կկարողանար այնտեղ մրցել Փրանսիական ռազմածովային ուժերի հետ:

Եռյակ զինակցության ցամաքային պատվարը տարածվելու էր հյուսիսից հարավ՝ չարունակվելով ծովերով՝ դրանով իսկ պատերազմի դեպքում ավելի իրատեսական դարձնելով իր ախոյանների ուժերը տրոհելու գաղափարն ու գործը: Միջերկրական ծովի ողջ երկայնքը դառնում էր եվրոպական մեծ տե-

րությունների հակամարտությունների առանցքը: Որքան էլ կարևոր լինեին բալկանյան և ասիական հողային խնդիրները, դարձյալ դրանք երկրորդական տեղ էին բռնում տերությունների ռազմավարական հարաբերություններում: Միջերկրականը, Սև ծովը, նեղուցները, մեծ նավահանգիստները կյանքի ու մահվան խնդիր էին դարձել իմպերիալիստական բոլոր երկրների համար:

Չնայած տերությունների միջև հակասություններն ու թշնամանքը գնալով խորանում էին, սակայն իրողություն էր, որ կապիտալիզմն իր բարձրագույն աստիճանին՝ իմպերիալիզմին, թևակոխելուց ի վեր Եվրոպային այնուամենայնիվ հաջողվել էր խուսափել համընդհանուր արյունալի պատերազմից: Եվ դա չնորհիվ այն բանի, որ հակառակորդ ռազմաքաղաքական երկու խմբավորումներն ունեին մոտավորապես հավասարաչափ ցամաքային զինված ուժեր, որը և մայրցամաքում ստեղծում էր հարաբերական զսպող հավասարակշռություն:

## **ՄԵԾ ՏԵՐՈՒԹՅՈՒՆՆԵՐԻ ՔԱՂԱՔԱԿԱՆՈՒԹՅՈՒՆԸ ԹՈՒՐԳԻԱՅԻ ՆԿԱՏՄԱՄԲ**

Զարգացնելով նախորդ ժամանակների ավանդույթները՝ մայրցամաքի մեծ պետությունները շարունակում էին զենքով զավթել ուրիշ երկրներ, կողոպտել տեղացի ժողովուրդների հարստությունները: Բայց այդ նույն տերությունների համար բացառություն էր Օսմանյան կայսրությունը: Նրանք խուսափում էին այդ երկիրը զենքով նվաճելուց՝ գերադասելով այնտեղ թափանցել «խաղաղ» միջոցներով: Տերությունների միջև առկա հակասությունները նույնպես նպաստում էին Թուրքիայի ամբողջականություն պահպանմանը:

Իմպերիալիստական որևէ երկրի ձեռքբերումները Թուրքիայում հիվանդագին խանդ էր առաջացնում մյուսների մեջ, և դա էր պատճառներից մեկը, որ նրանցից յուրաքանչյուրը առանձին-առանձին սիրաչաչում էր օսմանյան կառավարությանը և կայսրության տարածքային ամբողջականությունը պաշտպանելու պատրաստակամություն հայտնում:

**Անգլիան**, Եգիպտոսի փաստացի տերը լինելով, պինդ ու հարմար նստել էր Սուեզի ջրանցքի վրա: Նա արդեն մտածում էր գրավել Թուրքական հարավարևելյան նահանգները, որոնք Հարավային Պարսկաստանի վրայով իրար պիտի կապեն իր երկու կարևոր տիրույթները՝ Եգիպտոսը և Հնդկաստանը: Անգլիացիները հողեր էին գնում Օսմանյան կայսրության տարբեր կողմերում՝ Բասրայի, Դամասկոսի և Երուսաղեմի վիլայեթներում: 1909 թ. անգլիացի Վիլքոքսը ամբողջ Միջագետքը ոռոգելու արտոնագիր էր ստացել: Անգլիայի միլիոնատերերը 1910 թ. ձեռնարկել էին Տրիպոլիսից Հալեպ երկաթուղու կառուցումը, որը մի հատվածն էր լինելու Միջերկրականի ափերից դեպի Պարսից ծոցը ձգվելիք «Բաղդադի» գծի, մի նախագիծ, որն ավելին էր լինելու, քան գերմանացիների կապիտալով կառուցվելիք Բեռլին-Բաղդադ-Բասրա երկաթգիծը: Փոքր Ասիայի հարավային մասը նույնպես Անգլիայի ազդեցություն տակ էր: Նույնիսկ Զմյուռնիայի մերձակայքում կային անգլիական գաղութներ:

1912 թ. տվյալներով աշխարհի 18 միլիարդ ոսկեդրամից 11 միլիարդը պատկանում էր **Ֆրանսիային**: Դրա մի մասը Թուրքիայում էր: Սա Եվրոպային պարտք էր 1.204 միլիարդ ֆրանկ, որից Ֆրանսիայի բաժինը 846 միլիոն էր: Բացի դրանից՝ Կ. Պոլսում, Զմյուռնիայում, Սալոնիկում, Երուսաղեմում, Բեյրութում ու կայսրության այլ վայրերում Ֆրանսիան կատարել էր երկու միլիարդ ֆրանկի կապիտալ ներդրումներ<sup>1</sup>: Հենց դա էր պատճառը, որ նա հանդես էր գալիս կայսրության միասնականության օգտին:

Նույնանման պատճառներով Թուրքիայի տարածքային ամբողջականությանը չահագրգռված էր **Գերմանիան**:

Գաղութներ ձեռք բերելու համար Գերմանիան հրապարակ էր բերել այն պատճառաբանությունը, թե երկրում արագ աճում է բնակչությունը, ուստի նրա ավելցուկը վերաբնակեցնելու համար օգուջրի պես անհրաժեշտ են նոր տարածքներ:

---

<sup>1</sup> Տե՛ս «Մշակ», № 238, 26 հոկտեմբերի 1912 թ.:



Գերմանիայի աֆրիկյան ընդարձակ հողերը\* գրավիչ չէին գերմանացի գաղթականներին, այդ աշխարհամասի երկրների կլիմայական պայմանները անբարենպաստ ու անսովոր էին նրանց համար: Մինչդեռ շատ հարմար էին Թուրքիայի ազատ հողերը, ուր և իր ուչազրուծյունն էր բեռեռել գերմանական կառավարությունը՝ սկսած 19-րդ դարի 90-ական թվականների սկզբներից:

Քանի որ Գերմանիան տենչում էր ծովային մեծ տերություն դառնալ, ուստի նախ ձգտում էր ազատ մուտք ունենալ Միջերկրական: Այդ նպատակով նա ամենից առաջ մտադիր էր իր ձեռքը գցել Տրիեստը՝ իբրև վաճառականական դուռ: Ավելին, Գերմանիան նույնիսկ մտածում էր իրեն ենթարկել Ավստրիան, և այդ նպատակին հասնելու համար համագերմանականություն գաղափարների կողմնակիցները ուժգին քարոզչություն էին մղում: Բայց Գերմանիայի ախորժակը դրանով չէր սահմանափակվում. նա կուզենար տիրանալ ողջ Բալկանները:

Հաջորդ քայլը լինելու էր Փոքր Ասիան ամբողջովին իրեն ենթարկելը:

Գերմանացիները արդեն կարողացել էին իրենց ձեռքը գցել Օսմանյան կայսրության տնտեսական կյանքի բազմաթիվ լծակներ: Նա թուրքական իշխանություններից ստացել էր հողային լայնածավալ արտոնագրեր Միջագետքում և մեծ եռանդով ձեռնամուխ եղել ոռոգման մեծ ծրագրերի իրականացման և զուգահեռաբար ոռոգելի հողերի վրա գերմանացի գաղութարարների բնակեցման: Նա իր ձեռքն էր գցել նաև երկրի արդյունաբերության և հանքերի զգալի մասը: Առևտրի բնագավառից աստիճանաբար դուրս էին մղվում հայերն ու հույները:

Վիլհելմ II կայսրի ջանքերով Գերմանիան միաժամանակ կարողացել էր թուրքական սուլթանից ստանալ Բեռլինից մինչև Միջագետք երկաթուղի կառուցելու իրավունքը:

---

\* Այդ ժամանակ Գերմանիայի աֆրիկյան գաղութներն էին Տոգոն, Կամերունը, Գերմանական Արևելյան Աֆրիկան և Գերմանական Հարավարևմտյան Աֆրիկան:

Երկաթուղին, որ Սկյուտարից պիտի ձգվեր մինչև Պարսից ծոց՝ կտրել-անցնելով ամբողջ Փոքր Ասիան, նպատակ ուներ մի կողմից այդ երկրները դարձնել Գերմանիայի բացարձակ մենաշնորհը, մյուս կողմից գերմանական արշավանքի համար ճամփա բանալ դեպի Միջին և Ծայրագույն Արևելք:

Օսմանյան կայսրությունը տարածքով անցկացվելիք այս երկաթգիծը, որ հայտնի էր Բեռլին-Բաղդադ-Բասրա անունով, Գերմանիայի ռազմավարական նպատակների իրականացման գլխավոր միջոցներից մեկն էր, որի վրա նա ծախսում էր հսկայական գումարներ: Բեռլինից Միջագետք ձգվելիք երկաթուղին անցնելու էր եվրոպական Թուրքիայի տարածքով, որի քաղաքական կայունությունը երկաթուղու անվտանգության պահպանման երաշխիք էր: Դա էր հիմնական պատճառներից մեկը, որ Գերմանիան վճռականապես դեմ էր Բալկաններում տարածքային որևէ փոփոխություն: Այս երկրի կառավարությունը հայտարարում էր, որ Թուրքական տարածքներին տիրանալու բալկանյան երկրների ակնկալիքները երբեք չեն իրականանա, քանի որ կհանդիպեն իր զինված միջամտությունը: Ի դեպ, Բեռլինն արդեն հանգել էր այն տեսակետին, որ Թուրքիայում բարենորոգումներ այսուհետև կարող են տեղի ունենալ միայն եվրոպական Թուրքիայում, իսկ նրա ասիական մասում դեռ պետք է սպասել:

Թուրքիայից ձեռք բերելով մեծ առանձնաշնորհումներ՝ Գերմանիան Միջագետքի վերաբերյալ կարող էր կատարելապես հանգիստ լինել միայն այն դեպքում, եթե կարողանար իր ձեռքում պահել Բաղդադի երկաթուղին, որը նրա այդ գաղութը կապում էր մետրոպոլիայի հետ:

Երկաթուղային այդ ճանապարհի վրա կատարելապես իշխելու համար խիստ անհրաժեշտ էր ունենալ Գերմանիայի գերիշխանությունը Թուրքիայի վրա: Հետևապես Թուրքական խնդիրը Գերմանիայի համար դառնում էր ներքին պետական առաջնային հարց:

Երկաթուղու կարևոր կետերի վրա, իբրև անառիկ բնական ամրոց, գտնվում էր Հայաստանը, ուր բնակվում էր մի ըմբոստ ժողովուրդ, որը պատրաստ էր դիմելու ամեն զոհողության՝ իր

ստրկությանը վերջ դնելու համար: Ահա թե ինչու Գերմանիան Հայաստանը դիտում էր դեպի Հնդկաստան և Ծայրագույն Արևելք համագերմանականության առաջխաղացման խոչընդոտ, ինչպես որ Մակեդոնիայում թուրքերի կողմից կատարվող տեղական ջարդերը նրան հարկավոր էին Բալկաններին տիրելու համար: Ահա թե ինչու Գերմանիան օգնում էր Թուրքիային՝ իրականացնելու հայերի կոտորածները, ահա թե ինչու նա հանդես էր գալիս այն պետությունների դեմ, որոնք ուզում էին արգելել այդ ոճիրը:

Հայերը, իսկապես, Փոքր Ասիայի մակեդոնացիներն էին, որոնք նույնպես այն ճամփի վրա էին, որտեղով պետք է անցնեի համագերմանական արշավանքը՝ հասնելու Պարսկաստան և Հնդկաստան: Այդ է պատճառը, որ Անգլիան ու Ֆրանսիան և ինչ-որ չափով նաև Իտալիան փորձում էին հայերին օգնել թուրքական հարստահարումների դեմ իրենց պայքարում: Գոնե փորձում էին ցույց տալ, թե օգնում են:

Օգտվելով Կ. Պոլսի կառավարությունից արտոնություններից՝ գերմանացիները Բաղդադի երկաթգծի շինարարության երկայնքով սկսեցին բնակեցնել հայերին՝ նրանց կտրելով իրենց հայրենի տարածքներից: Դա հետապնդում էր երկու նպատակ. նախ մարդաբնակ դարձնել գերմանական գծի ամալի տարածությունները և շինարարություն ներգրավել էժան աշխատուժ, երկրորդ՝ ստեղծել հայերի նկատմամբ գերմանական հովանավորչության պատրանք:

Այդ քաղաքականությունը նպաստավոր էր նաև թուրք կառավարության ջանքերին, այն է՝ Թուրքահայաստանի Ռուսաստանին սահմանակից մասերում նոսրացնել հայ ազգաբնակչությունը:

Բայց Փոքր Ասիան իր աշխարհագրական դիրքով, բնականաբար, ավելի հակված էր ենթարկվելու Ռուսաստանի ազդեցությունը. վաղ թե ուշ ռուսները հենց այդտեղ պետք է որոնեին Միջերկրական ծով դուրս գալու ճանապարհը, իսկ դա նշանակում էր, որ Գերմանիայի փոքրասիական գաղութին միչտ սպառնալու էր ռուսական վտանգը:

Թուրքական պետությունը հասել էր քայքայման այնպիսի

աստիճանի, որ նրա բաժանումն առանձնապես արգելքների չէր հանդիպի: Այդ դեպքում Գերմանիան կատանար Միջագետքը, Կիլիկիան և Հյուսիսային Սիրիան, բայց և ստիպված կլիներ Ռուսաստանին զիջել Թուրքահայաստանի մեծագույն մասը, այսինքն՝ ոուսաց ներգործությունը կմոտենար Գերմանիայի ազդեցություն տակ գտնվող փոքրասիական հողերի սահմաններին:

Այդ իրադրություն մեջ Գերմանիան պետք է գործադրեր ամեն միջոց, որպեսզի Ռուսաստանը չկարողանար կովկասյան սահմաններից դուրս գալ ու տարածվել դեպի հարավ:

Միջագետքին կապող երկաթուղու անվտանգությունը ապահովելու համար Գերմանիան մեծապես շահագրգռված էր մուսուլմանական ամուր պատենչ ստեղծել Ռուսաստանի կովկասյան տիրույթների և Թուրքիայի միջև, միջնամասի այդ տարածքներից հեռացնել ոուսամետ քրիստոնյա հայերին և նրանց բնակություն վայրերում հաստատել քրդերին ու թուրքերին:

Թուրքիայի ամբողջականություն պահպանմամբ մեծապես շահագրգռված էր նաև Ավստրիան, որը թեև տնտեսական մեծ շահագրգռություններ չուներ Անատոլիայում, բայց թուրքական ռազմակալումը Եվրոպայի մի մասում՝ Բալկաններում, փրկողակ էր նրա համար: Ահա թե ինչու այդ պահին Ավստրիան հայտարարեց, թե ինքը չի հանդուրժի, եթե իր կողմից Թուրքիային վերադարձրած Նովի Բազար սանջակի դեմ Սերբիան կամ Չերնոգորիան ոտնձգություն կատարեն<sup>1</sup>:

Տվյալ ժամանակում Թուրքիայի ամբողջականության խախտումը ձեռնտու չէր նաև պաշտոնական Ռուսաստանին, որովհետև նա շահագրգռված չէր միջազգային մասշտաբով մեծ բարդություններ ստեղծելու:

Եվրոպական մեծ տերությունները պաշտպանում էին Թուրքիայի տարածքային ամբողջականությունը, քանզի նրանց հսկայական կապիտալները շրջանառվում էին Օսմանյան կայսրության մեջ, և բնավ մտադիր չէին դրանք վտանգելու: Այդպես էր Բեռլինի դաշնագրին հաջորդած ավելի քան երեք

---

<sup>1</sup> Տե՛ս «Ազատամարտ», № 1008, 24 սեպտեմբերի (7 հոկտեմբերի) 1912 թ.:

տասնամյակներում, երբ Անգլիայի, Գերմանիայի և Ֆրանսիայի տնտեսական շահերը թելադրում էին պահպանել Օսմանյան կայսրության *status quo*-ն և «կարմիր սուլթանի» իշխանությունը: Այդ շահերից ելնելով է, որ Եվրոպայի մեծերը նկատելու չէին տալիս, թե ինչպես են թուրքերը պարբերաբար հեղում հայերի և մակեդոնացիների արյունը: Վիճակը նույնն էր նաև Բալկանյան պատերազմի նախօրյակին:

Այսպիսով, ծանր, գուցե և անհույս հիվանդի շուրջը զգույշ ու փափուկ քայլերով, իրար հոտոտելով և իրարից սարսափելով՝ պտտվում էին եվրոպական բորենիները, և նրանցից յուրաքանչյուրը կամենում էր որևէ բան «ազատագրել», որևէ մեկին «փրկել», որևէ քրիստոնեական եկեղեցի «հովանավորել», որևէ դժբախտ ազգ «ղուրս կորզել իսլամի ճիրաններից»: ... Բայց բոլորի գլխավոր նպատակը մեկն էր. որքան կարելի է շատ բան պոկել թուրքիայից: Իսկ դա հնարավոր էր, եթե պահպանվեին այդ կայսրությունը, նրա տարածքային ամբողջականությունը:

## **ԲԱԼԿԱՆՅԱՆ ՍԼԱՎՈՆՆԵՐԸ՝ ԹՈՒՐԳԻԱՅԻ ԵՎ ԱՎՍՏՐԻԱՅԻ ՊԱՏՄԱԿԱՆ ՀԱԿԱՌԱԿՈՐԴՆԵՐ**

Կարլ Մարքսը գրել է. «...Ձորս հարյուրամյակ շարունակ թուրքերը հիմնականում ապրել են Փոքր Ասիայում և Հայաստանում, որոնք թուրքական բանակի մշտական համալրման շտեմարան էին ծառայում...»<sup>1</sup>: Այս չորս դարերի ընթացքում նրանք ստեղծել էին մի վիթխարի կայսրություն, որի մեջ բռնափակված ժողովուրդները ենթարկվում էին անմարդկային շահագործման ու դաժան հալածանքների: Եվ դա այն պարագայում, որ թուրք տարրը գերակշռող էր կայսրության ո՛չ ասիական և ո՛չ էլ եվրոպական մասերում:

Ասիական թուրքիայում թուրքերն ամբողջ բնակչության 43%-ն էին, իսկ մնացած 57 տոկոսը կազմում էին արաբները,

---

<sup>1</sup> К. Маркс, Ф. Энгельс, Соч., т. 9, стр. 5-6.

քրդերը, հայերը, ասորիները, չերքեզները, հույները և այլք<sup>1</sup>:

Թվական տեսակետից Եվրոպական Թուրքիայում թուրքական տարրն է՛լ ավելի աննպաստ վիճակում էր: Այստեղ թուրքությունը կազմում էր ամբողջ ազգաբնակչության 25%-ը, իսկ մնացած 75%-ը հույներ, բուլղարներ, հայեր, ալբաններ, սերբեր, չերքեզներ, հրեաներ էին<sup>2</sup>:

Այսպիսով, ամբողջ պետություն մեջ թուրք տարրը հազիվ 34% էր կազմում, այնինչ հպատակ ազգերի և ազգությունների թիվը հասնում էր 66%-ի<sup>3</sup>:

Կայսրություն ոչ մի ժողովուրդ ցանկություն չունեի ապրելու թուրքերի հետ: Նրա ասիական մասում արաբները մերթ ընդ մերթ ըմբոստանում էին թուրքական զորքերի դեմ՝ դրանով ցույց տալով իրենց անհնազանդությունը սուլթանի հանդեպ: Քրդերն ապրում էին ազատ Քուրդիստանի երազանքով: Քրիստոնյաներն է՛լ ավելի ուժգին էին տենչում ազատվել դարավոր անարգ լծից:

Օսմանյան կայսրությունն իսկական դժոխք էր նաև բռնազավթված Բալկանյան թերակղզու սլավոն և հույն ժողովուրդների համար, որոնք դարեր շարունակ կրում էին թուրք զավթիչների ծանր լուծը:

Բալկանյան թերակղզու Հյուսիսային և Հյուսիսարևմտյան սլավոնական մասին տեր էր կանգնել Ավստրիան, որին թեև քաղաքակրթական տեսակետից չէր կարելի համեմատել Օսմանյան բռնապետության հետ, բայց նրա լուծը նույնպես դաժան էր ու անտանելի:

Աշխարհը թևակոխել էր 20-րդ դար, սակայն Ավստրիան բալկանյան սլավոններին առաջվա պես դիտում էր որպես

---

<sup>1</sup> Տե՛ս «Գործ» (Թիֆլիս), № 49, 7 նոյեմբերի 1908 թ.:

<sup>2</sup> Տե՛ս նույն տեղում:

<sup>3</sup> Տե՛ս նույն տեղում: (Իհարկե, միայն թվաքանակը չէր կարևոր, այլև զարգացածության աստիճանը: Այդ տեսակետից էլ թուրքերը բնավ չէին գերազանցում մյուս ժողովուրդներին: Եվրոպական Թուրքիայում նրանցից կուլտուրապես բարձր էին հույները, բուլղարները, իսկ Ասիական Թուրքիայում՝ հայերը):

պատմական հակառակորդներ: Դեպի Մերձավոր Արևելք գերմանական ուսայի ծավալման, այդ առաջապահ երկրի իշխանություն տակ մնացել էին միլիոնավոր սլավոններ, ինչը մշտական ներքին մեծ վտանգ էր<sup>1</sup>, որը, գումարվելով հարավից ու արևելքից սպառնացող վտանգներին, կարող էր ճակատագրական լինել կայսրություն համար, կասկածի տակ դնել նրա պետական ամբողջությունը: Բնական է, որ այս պայմաններում նա ուժեղացնում էր կապերը սլավոնական ժողովուրդների գլխավոր թշնամի Թուրքիայի հետ, ջատագովում նրա տարածքային ամբողջականությունը:

Բայց Ավստրիայի համար մեծ վտանգ էին ներկայացնում ոչ միայն իր ներսի սլավոն բնակչությունը, այլև Թուրքիայի լուծը թոթափած և զարգացման ինքնուրույն ուղի բռնած սլավոնական անկախ պետությունները և հատկապես Սերբիան ու Բուլղարիան: Հակառակ Թուրքիայի նկատմամբ մեծ տերությունների status quo-ի քաղաքականություն՝ բալկանյան փոքր պետությունները և դրանց ժողովուրդները երազում էին ողջ Բալկանները ազատագրված տեսնել օսմանյան դարավոր լծից, թուրքերին վերջնականապես դուրս մղել Եվրոպայից:

Հակառակ եվրոպական տերությունների՝ Թուրքիային Եվրոպայից վերջնականապես դուրս մղելուն մեծապես նպաստում էր Ռուսաստանը: Նրան ամենից առաջ հետաքրքրում էր Դարդանելով ու Բոսֆորով հանդերձ Կ. Պոլիսը տիրելը: Ռուսաստանի համար դա «արևելյան հարցի» էությունն էր:

Եվրոպական մեծ տերությունների համեմատ Ռուսաստանը չատ քիչ կապիտալ էր ներդրել Օսմանյան կայսրության տնտեսության մեջ, հետևաբար այնտեղ նրա նյութական շահերը չնչին էին, այսինքն՝ Թուրքիայի դեմ պատերազմի դեպքում նա այնտեղ քիչ բան ուներ կորցնելու: Բալկանյան պետություններն այդ հանգամանքը համարում էին չափազանց բարենպաստ. գուցե Մեծ Ռուսիան կրկին սատար կանգներ կրտսեր եղբայրներին: Դրսից աջակցության ոչ մի հույս չկար, միակ հույսը ուսն էր: Հենց այդ երկրի տասնյակ հազարավոր զավակների

---

<sup>1</sup> Այդ մասին տե՛ս «Բուլթանիա», № 8 (1054), 9 (22) նոյեմբերի 1912 թ.:

կյանքի գնով էր թուրքական դաժան լծից ազատագրվել բուլղարները, սերբերը, չեռնոգորցիների մեծ մասը, իսկ բուլղարական պետությունն ամբողջովին Ռուսաստանի արարած զավակն էր: Հիրավի, հանուն հավատակից սլավոն եղբայրների ազատագրության՝ 1877-1878 թթ. ռուս-թուրքական պատերազմում ռուսական կայսրությունը կրել էր մարդկային և նյութական ահռելի կորուստներ:

Չնայած այդ ամենին՝ պաշտոնական Ռուսաստանը ստիպված էր եղել միանալու օսմանյան տերություն տարածքային ամբողջականությունը պահպանելու եվրոպական տերությունների վճռին: Ավելին, ռուսական դիվանագիտությունն ամեն կերպ փորձել էր զսպել թուրքիան բաժանված տեսնելու բուլղարների եռանդը<sup>1</sup>: Նա մտահոգ էր, որ հօգուտ սլավոնների իր միջամտությունը կարող է առաջ բերել համաեվրոպական պատերազմ, որին ինքը պատրաստ չէր: Ռուս-ճապոնական պատերազմում կրած պարտությունից հետո երկիրը դեռ ուշքի չէր եկել:

Թուրքերի նկատմամբ է՛լ ավելի արմատական էր տրամադրված Ռուսաստանի հասարակական կարծիքը: Ոչ պաշտոնական Ռուսաստանը, ռուս ժողովրդի ամենատարբեր խավերը բալկանյան սլավոնական ազգերի հետ մշակութային, հոգևոր-բարոյական սերտ կապեր ունեին, ուստի չէին կարող իրենց համակրությունը չարտահայտել նրանց ազատագրական պայքարի նկատմամբ: Սլավոնամետ շարժումը նոր թափ էր առնում:

1908 թ. Ավստրիան գրավել էր Բոսնիա-Հերցեգովինան, և այդ գործողությունը Ռուսաստանը դիտեց որպես նրա՝ դեպի նեղուցների դարպասներ շարժվելու առաջին քայլ: Պետերբուրգը չէր կարող անտարբեր մնալ և ստիպված էր այդ շարժման ճանապարհին ստեղծել զանազան արգելքներ: Եվ նա գտավ ամենաբնական, ամենահավանական և ամենադյուրին տարբերակը, այն է՝ Ավստրիայի և Սալոնիկի միջև ստեղծել բուլղարասերբական պատնեշ: Դա հին ծրագիր էր, որն առաջին անգամ հղացել էր Սան-Ստեֆանոյի նախնական դաշնագրում, որը, սա-

---

<sup>1</sup> Այդ մասին տե՛ս «Красный архив», том первый (восьмой), Госиздат, 1925, էջ 10:



կայն, Բեռլինի 1878 թ. վեհաժողովում Ավստրիան ու Անգլիան կարողացել էին ի չիք դարձնել:

Եվ ահա 1910 թ. սկսած, երբ Եռյակ Համաձայնության երկրները՝ Անգլիան, Ֆրանսիան և Ռուսաստանը, միջազգային ասպարեզում սկսել էին գործել Համաձայնեցված ծրագրերով, պատեհությունները Պետերբուրգի Համար բարենպաստ հող էին ստեղծել աջակցելու բալկանյան սլավոններին:

Իր կառավարությունը Հանձնարարականով Կ. Պոլսի ուսաց դեսպան Ն. Չարիկովը 1911 թ. գաղտնի աշխատանքներ էր տանում մի կողմից զինակցություն կայացնելու նախ բալկանյան սլավոն պետությունների, ապա նաև բալկանյան սլավոնների և հույների միջև:

Ավստրիական հետախուզությանը հաջողվել էր բացահայտել Չարիկովի գործունեությունը: Վիեննայի գանգատի Համաձայն՝ Պետերբուրգը ստիպված եղավ Կ. Պոլսից հետ կանչել իր դեսպանին: Բայց Չարիկովը Պետերբուրգ չվերադարձավ, այլ հիմնավորվելով Ռումինիայի Քեստենջե քաղաքում՝ այնտեղ շարունակեց իր գործունեությունը՝ գլուխ բերելու Համար զինակցություն բալկանյան պետությունների միջև: Նա իրեն գործակից ուներ Բելգրադի ուսուցիչ դեսպան Ն. Հարթվինգին, և նրանք Համատեղ լարված աշխատում էին Ռուսաստանի արտգործնախարար Ս. Սազոնովի հրահանգներով:

Դիվանագիտական աշխարհի Համար 1912 թ. կեսերին արդեն իրողություն էր, որ Բալկանյան դաշնությունը ստեղծվելու է Ռուսաստանի նախաձեռնությամբ ու գործակցությամբ:

1912 թ. գարնանը Նիկոլայ II ցարի հետ Վիլհելմ կայսրի տեսակցությունը, նույն տարվա հունիսին Բուլղարիայի թագավոր Ֆերդինանդի այցելությունը Վիեննա և Բեռլին, ինչպես նաև նույն ժամանակ Չերնոգորիայի թագավորի ճամփորդությունը Վիեննա արդեն կապ ունեին Թուրքիայի դեմ ծրագրած գործողությունների հետ: Օգոստոսին Ռ. Պուանկարեի Պետերբուրգ գնալը և Պարմարալում Ս. Սազոնովի ու Էդուարդ Գրեյի միջև տեղի ունեցած երկար բանակցությունները նպատակ ունեին առնելու Բալկաններում Ռուսաստանի վարած քաղաքականության մասին Ֆրանսիայի և Անգլիայի հավանությունը:

Եթե եվրոպական մեծ պետությունների կառավարությունները, բացառությամբ Պետերբուրգի պաշտոնական շրջանների, դեմ էին Բալկաններում որևէ փոփոխության, ապա նույն Եվրոպայի Հասարակական տարբեր շերտերում գնալով ուժեղանում էին այդ տարածաշրջանից թուրքերին վերջնականապես դուրս մղելու տրամադրությունները: Կարլ Մարքսը գրում էր. «Մենք պետք է Համաձայնենք, որ Եվրոպայում թուրքերի մնալը լուրջ խոչընդոտ է ... Բուն Բալկաններում գտնում էին, որ թուրքերի ծննդավայրն ու Հայրենիքը Միջին Ասիայի խորքերում են, իսկ Փոքր Ասիան, առավել ևս Բալկանյան թերակղզին նրանց Համար եղել ու մնացել են լոկ որպես օտար երկրներ, որոնք միայն Հարկատուներ են և ոչ թե Հայրենիք, որի Հետ կապվեին բարոյապես և որի Համար զոհաբերեին իրենց կյանքը»: Մարքսը այնուհետև գրում էր. «Մենք պետք է Համաձայնենք, որ Եվրոպայում թուրքերի մնալը լուրջ խոչընդոտ է այն բոլոր պաշարների զարգացման Համար, որոնց տերն է Թրակիական-Իլլիրիական թերակղզին...»<sup>1</sup>:

Եվրոպայի Հասարակական կարծիքում տեղի ունեցող այդ փոփոխությունների հիմնական պատճառն այն էր, որ Բեռլինի դաշնագրից անցել էր շուրջ երեքուկես տասնամյակ, բայց Թուրքիան, այդ թվում նրա բալկանյան տիրույթները, չնայած Եվրոպայի Հետ դարավոր շփումներին, մեծ դժվարությամբ էին կարողացել փոքրիչատե Հաղորդակցվել ժամանակի քաղաքակրթական ձեռքբերումներին, խուսափել էին բռնել բարենորոգումների ուղին, որի Հետևանքով ընկել էին տնտեսական, քաղաքական ու բարոյական քայքայման ու կազմալուծման մեջ<sup>2</sup>:

Այս պայմաններում եվրոպական Հասարակական կարծիքը աստիճանաբար թեքվում էր Թուրքիայի բաժանման, նրա ավերակների վրա նոր պետություններ ստեղծելու Հրամայականին: Շատերը նաև Հակվել էին այն մտքին, որ եթե բալկանյան պե-

---

<sup>1</sup> К. Маркс и Ф. Энгельс, Соч., т. 9, стр. 5-6.

<sup>2</sup> Այդ մասին մասնավորաբար տե՛ս «Ուստան» (Կ. Պոլիս) եռամսյա պարբերականի 1911 թ. № 2-ի «Թուրքիա. վիճակագրական ճշմարտություններ» վերտառությամբ խմբագրականը (էջ 237-250):

տուխը և ստիպումներն անհրաժեշտ կամք դրսևորեն և Թուրքիայի դեմ հանդես գան միասնաբար, ապա օսմաններից կարելի կլինի ազատագրել ոչ միայն նրա վերջին եվրոպական տիրույթները, այլև Թուրքերին վռնել հեռու՝ Փոքր Ասիայի խորքերը և Հայաստան, ուր նրանք կստեղծեն իրենց ազգային պետությունը: Ավելի ծայրահեղ Թուրքատյացները գտնում էին, որ նրանց պետք է քչել իրենց նախնական հայրենիքը՝ Միջին Ասիա - Ալթայ:

Եվրոպական անկախ մամուլի առանձին օրգաններ, հասարակական ու գիտական գործիչներ առաջարկում էին բալկանյան քրիստոնյա չորս փոքր պետություններից՝ Բուլղարիա, Սերբիա, Չերնոգորիա, Հունաստան, ստեղծել միապետական կառավարմամբ դաշնային մի պետություն, և նույնիսկ առաջարկներ էին արվում այդ պետության գլուխ ունենալ Հունաստանի Գևորգ Թագավորին, որը սլավոն չէր, որ ցանկանար նոր ստեղծված երկիրը թեքել Ռուսաստանի կողմը, և ոչ էլ զերմանալեզու էր, որ երկիրը տաներ դեպի Ավստրո-Հունգարիա:

Բայց այդ պետությունը քաղաքական կողմնորոշման առումով ի՞նչ դիրք կարող էր բռնել Եվրոպայում: Հարց էր առաջանում, թե նման հսկա քաղաքական միավորումը կայունացնող դեր կկատարեր մայրցամաքում, թե՞ ընդհակառակը: Ստեղծված անորոշությունն ավելի տազնապալից էր դարձնում դրությունը մանավանդ այն պատճառով, որ այդ նորաստեղծ պետությունն ամենից շատ կչոչափեր անգիջում հակառակորդներ Ավստրիայի և Ռուսաստանի կենսական, ռազմավարական շահերը: Շատերը գտնում էին, որ եթե Բալկաններում մարմին առնեն դաշնային պետության սկզբունքը, ապա նման պետական կազմավորումը իր դիրքով և ռազմական նշանակությամբ կարող էր դառնալ ամենամտահոգիչ խնդիրներից մեկը Եվրոպայի ճակատագրում: Իր ծանրությամբ թեքվելով Եոչակ համաձայնություն (Անտանտա) կամ Եոչակ զինակցության կողմը՝ նա կխախտեր եվրոպական հավասարակշռությունը: Իսկ թե այդ ռազմաքաղաքական երկու բլոկներից որի կողմը կթեքվեր նա, մնում էր անորոշ: Բայց մի բան պարզ էր. որքան ամրանար ու զորանար բալկանյան ստեղծվելիք այդ պետությունը, այնքան

նա ուժեղին պիտի ձգտեր դեպի Հյուսիս՝ իր սահմաններում ներառելով իրենից անջատ գտնվող ազգակիցներին: Իսկ Հյուսիսում Ավստրո-Հունգարիան էր:

Թե այս տազնապները որքան էին իրական, ցույց էին տալիս այն շարժումները, որոնք արդեն առաջացել էին Բոսնիա-Հերցեգովինայի տարածքի մի մասում՝ Սլովենիայում, ուր բուռն ցույցեր էին տեղի ունենում ի նպաստ Սերբիայի: Նման տրամադրություններ խմորվում էին ոչ միայն Հարավային սլավոնների շրջանում, այլև Չեխիայում:

Ավստրիան սկսել էր վախ զգալ նույնիսկ իր բարեկամ Ռումինիայից: Այս երկրի մասնուլում և քաղաքական շրջանակներում հետզհետե ուժեղանում էին Համակրական արտահայտությունները ի նպաստ բալկանյան դաշնության, ավելին՝ ձայներ էին լսվում ապագա այդ դաշնությանը միանալու անհրաժեշտության մասին: Եվ եթե մի օր Ռումինիան նույնպես միանար բալկանյան մյուս պետություններին, ապա Ավստրո-Հունգարիայի վիճակը կդառնար Հուսահատական:

Եվ բնական է, որ ամեն բանից առաջ Ավստրիան ձեռնարկեց թույլ չտալու բալկանյան հնարավոր զինակցությունը: Այդ նպատակով նա առաջին հերթին մեջտեղ նետեց Ալբանիայի ինքնավարության խնդիրը:

Ավստրիան ջանք էր գործադրում Ալբանիայի սահմանները գծել այնպես, որ Սերբիան չկարողանա դուրս գալ մեկուսացումից: Աջակցելով Ալբանիային՝ նա նպատակ ուներ վերջինիս Հակազրել Բալկանների սլավոն ժողովուրդներին, որոնց պետական ինքնուրույն կազմավորումները Համարում էր իրական վտանգ իր գոյությանը: Ալբանական ինքնավարության դեպքում կփակվեր դեպի ծով ելք չունեցող Սերբիայի Ադրիատիկի ջրերը դուրս գալու ճանապարհը, և նա կմղվեր էգեյանի ափը, ուր նրա չահերն անխուսափելիորեն կբախվեին Բուլղարիայի և Հունաստանի քաղաքական ձգտումներին և տնտեսական չահերին<sup>1</sup>: Այդ

---

<sup>1</sup> Տե՛ս «Հորիզոն» (Թիֆլիս), № 56, 1913 թ.: Այդ մասին տե՛ս նաև Նիկոլ Աղբալյանի հոդվածը («Լրաբեր Հասարակական գիտություններ», № 2 (590), մայիս-օգոստոս, 1995, էջ 16):

ծրագրի չըջանականերում Ավստրիան պատրաստ էր ամեն տեսակ զիջումներ անելու Բուլղարիային, նույնիսկ Կ. Պոլսի խայծն էր նետում նրա առջև՝ պայմանով, որ նա չկանգնի Սերբիայի կողքին:

Բալկանյան և հատկապես սերբ-ավստրիական հակասութուններում այդ տարիներին ակամայից վճռական դեր էր բաժին ընկել Ալբանիային:

Անկախ պետականությունից զրկված Ալբանիան բաժանված էր տարբեր ցեղերի ու կրոնների<sup>\*</sup>, չուներ ընդհանուր լեզու և գիր: Նրա բազմաթիվ ցեղախմբերը, հին ժամանակներից սկսած, արյան փոխվրեժների մղումով մշտական կռիվների մեջ էին: Այդ ամենը թույլ չէր տալիս ապրել համազգային կյանքով: Ալբանացիների քաղաքակրթական և տնտեսական վիճակը նույնպես շատ խղճալի վիճակում էր: Բայց դրա փոխարեն նրանց առավել կատաղի խմբերը՝ առնաուտները, անհուն նվիրվածությամբ միշտ ծառայում էին թուրքական պետությունը: Սուլթան-խալիֆները մեծապես վստահում էին նրանց, միայն նրանցից կազմված թիկնապահներին էին անվերապահորեն վստահում իրենց կյանքը:

Բալկանյան պետությունների, հատկապես Սերբիայի և Հունաստանի կառավարությունները գտնում էին, որ այբանացիներին պակասում են այն բոլոր նախապայմանները, որոնք անհրաժեշտ են ինքնավար և անկախ պետական գոյություն համար, հետևապես արհեստականորեն ստեղծված այբանական պետությունը անխուսափելիորեն կդառնա չարիքի գործիք Ավստրիայի և Իտալիայի ձեռքին: Ուստի նշված պետությունները հակված չէին թույլ տալու, որ Բալկանյան թերակղզում ստեղծվեր վտանգավոր մի միջնաբերդ, որտեղից Ավստրիան ու Իտալիան կարող էին մահացու դավեր լարել թուրքական բռնապետությունից ազատագրված բալկանյան երկրների դեմ:

Անշուշտ իրավացի չէին սլավոն և հույն այն գործիչները, որոնք այբաններին մերժում էին ունենալ իրենց պետականու-

---

\* Ալբանիայի բնակչության 70%-ը մուսուլման էր, 20%-ը՝ ուղղափառ քրիստոնյա, 10%-ը՝ կաթոլիկ:

Թյունը: Իրավացի էր «Ազատամարտը», երբ գրում էր. «Ալպանիան իր վերջին արիական և յամառ ապստամբութիւններով յստակօրէն իր կամքն յայտնեց պետական ինքնավար գոյութեան մը համար. հետեւեալ, անիկա նոյնքան իրաւունք ունի ազատ ու անկախ կեանքի մը, որքան միւս պալքանեան ազգերը, ո՛ր եւ է բանաւոր հիմ մը չկայ՝ գրկելու զայն այդ իրաւունքէն»<sup>1</sup>:

Ինչպէս տեսնում ենք, Բալկաններում ազգային ու քաղաքական հակասություններն այնքան բազմազան էին և այնքան խորը, որ ոչ ոք չէր կարող կանխատեսել դրանց հանգուցալուծման ժամանակը և միջոցները: Դրա պատճառն այն էր, որ այդ հակասությունները ոչ միայն ներքին զարգացումների արդյունք էին: Այդ ընդարձակ տարածաշրջանում ավանդական հակասություններն ու թշնամությունները սնվում էին նաև դրսից: Դրանց բնույթը մեծապէս պայմանավորված էր պանիսլամիզմի, պանգերմանիզմի և սլավոնամոլութեան շահերի կատաղի բախումով:

## **ԲԱԼԿԱՆՅԱՆ ԴԱՇՆՈՒԹՅԱՆ ԳԱՂԱՓԱՐԻ ՊԱՏՄԱԿԱՆԸ**

Բալկանյան դաշնություն ստեղծելու գաղափարը նոր չէր: Թուրքիայից Բուլղարիայի անկախացումից հետո այն տարբեր առիթներով առաջ էր քաշվում Բալկանների սլավոնական բոլոր երկրներում: Բայց այդ թեման խոսակցական-վերացական մակարդակից այն կողմ չէր անցնում:

Խնդիրն արծարծողների թվում առանձնացավ Սերբիայի վարչապետ Վլադայեան Գեորգիևիչը, որը դեռևս 1892 թվականին առաջին անգամ հրապարակ հանեց այդ գաղափարը, իսկ հետագայում իր կյանքի շատ տարիները նվիրեց հարցի հիմնավորմանը և այն համաբալկանյան խնդիր դարձնելուն:

Քննութեան առնելով բոլոր այն ազգային ու պատմական, միջազգային ու քաղաքական դժվարությունները, որոնք մշտապէս կանգնած էին Արևելյան խնդրի լուծման առջև, Վ. Գեոր-

---

<sup>1</sup> «Ազատամարտ», № 1048, 3 (16) նոյեմբերի 1912 թ.:

գիւնիչը հարց էր տալիս, թե արդյո՞ք մի ելք չկա դժբախտ վիճակից դուրս բերելու Բալկանյան թերակղզին: Եվ նա առաջարկում էր այդ միջոցը՝ գտնելով, որ բալկանյան բոլոր երկրները կարող են լինել անկախ, ազատ, քաղաքակիրթ ու երջանիկ, եթե ամբողջ թերակղզին դառնա մեկ հզոր դաշնակցային պետություն թուրքիայի գլխավորությամբ, իսկ Պոլիսը հռչակվի այդ պետության մայրաքաղաք<sup>1</sup>:

Իր վարչապետության օրերին Գեորգիևիչը նույնիսկ բանակցություններ էր սկսել Աբդուլ Համիդի հետ (1897 թ.), բայց ստացել էր կտրուկ բացասական պատասխան: Սուլթանն ասել էր, թե բալկանյան ազգերի միջև այնքան ուժեղ են հակասությունները, որ ինքը չի հավատում, թե նրանք կցանկանան ընդգրկվել մի դաշնային ընդհանուր պետության մեջ<sup>2</sup>:

Համիդի կողմից մերժում ստանալուց հետո Գեորգիևիչը հույսը կապել էր Ավստրո-Հունգարիայի հետ՝ գտնելով, որ այդ ուղղությամբ կատարվելիք առաջին քայլը պետք է լինի Սերբիայի միացումն Ավստրիային, մանավանդ որ վերջինիս կողմից Բոսնիա-Հերցեգովինայի գրավումից հետո սերբ-խորվաթ ազգի երկու երրորդը արդեն գտնվում է Հաբսբուրգների տիրապետության տակ: Գեորգիևիչի պատկերացմամբ, այդ ընդհանուր պետության մեջ Սերբիան մոտավորապես այն կարգավիճակը պիտի ունենար, ինչպես ինքնիշխան Բավարիան կամ Մաքսոնիան ունեին գերմանական դաշնակցային պետության մեջ: Բայց ավստրիական պետական-քաղաքական գործիչների, այդ թվում Ավստրո-Հունգարիայի արտգործնախարար էրենթալի հետ հանդիպումները նույնպես ոչ մի արդյունք չտվին<sup>3</sup>:

Արդեն պաշտոնաթող լինելուց հետո Գեորգիևիչը վերջնականապես իր հույսը կապում է Ռուսաստանի հետ՝ հատկապես նկատի ունենալով, որ ռուս ժողովուրդն ազգակից է Բալկանյան թերակղզու ժողովուրդների մեծ մասին: Նրանցից հատկապես Սերբիան՝ Եվրոպայում սլավոնականության գլխավոր սյունը,

<sup>1</sup> Տե՛ս «Ազատամարտ», № 1030, 16 (29) հոկտեմբերի 1912 թ.:

<sup>2</sup> Տե՛ս նույն տեղում:

<sup>3</sup> Տե՛ս նույն տեղում:

անվերապահ աջակցություն ցույց կտար Բալկանները միավորելու Ռուսաստանի ջանքերին: Բալկանյան այդ միությունը պատենշ կլինեն ինչպես Հյուսիսային (Ավստրո-Հունգարիա), այնպես էլ Հարավային (Թուրքիա) կայսրությունների ազդեցիվ նկրտումների դեմ<sup>1</sup>:

Սլավոն գործիչը գտնում էր, որ, իհարկե, Բուլղարիայի հետ ավելի դժվար կլինի համաձայնության գալ, քանի որ նա ինքն է ուզում տեր դառնալ Մակեդոնիային, որտեղ բնակչության մեծ մասը բուլղար է: Մյուս կողմից բուլղար ժողովուրդը քաջ գիտակցում էր, որ թեև ինքն անկախ պետություն է, բայց նրա առջև մշտապես կանգնած է թուրքական վտանգը, իսկ Ռուսաստանը, ինչպես միշտ, իր հզոր հովանավորն է:

Մնում էր Հունաստանը: Ոմանք համոզված էին, որ նրան կարելի կլիներ Բալկանյան դաշնություն ներգրավել՝ խոստանալով աջակցել Կրետեն և էգեյան կղզիները միավորելու մայր երկրին<sup>2</sup>:

Բալկաններում մնում էր Ռումինիան՝ գերմանական սկզբունքներով միավորված իր մեծ բանակով, որն ըստ էության գտնվում էր Եռյակ զինակցության տրամադրության տակ, և որը կարող էր աղետալի դերակատարություն ունենալ Բալկանյան դաշնակցության համար, եթե դուրս մնար դրանից: Ուստի քանի որ չէր կարելի սպասել, թե Բեսարաբիայի վերքի պատճառով Ռումինիան երբևիցե կմիանար Բալկանյան ստեղծվելիք դաշնությանը, մնում էր հույս փայփայել, որ նա գոնե չեզոք դիրք կբռներ:

Ահա այսպես, հնարավոր էր, որ Բալկանյան դաշնություն գաղափարը իրականություն դառնար, բայց այդ նպատակին ուղղված Վ. Գեորգիևիչի ջանքերը այնպես էլ մնացել էին թղթի վրա<sup>3</sup>:

Դարեր շարունակ կպած լինելով Եվրոպային՝ թուրքը եվրոպական մշակույթին մնացել էր անհաղորդ: Փոխարենը նա իրեն

---

<sup>1</sup> Տե՛ս «Ազատամարտ», № 1030, 16 (29) Հոկտեմբերի 1912 թ.:

<sup>2</sup> Տե՛ս նույն տեղում:

<sup>3</sup> Տե՛ս նույն տեղում:



անմահացրեց բուլղարական սարսափներով, հայկական կոտորածներով, Լիբանանում թափած արյունով: Զուր չէ, որ մեծ ձեռուկ Գլադստոնն ասել էր, թե «Թուրքին քաղաքակրթելու համար պետք է նրանից խլել սուրը կամ Ղուրանը»: Բայց չէր հաջողվել նրանից խլել ո՛չ մեկը և ո՛չ էլ մյուսը:

Թեև 19-րդ դարում Օսմանյան կայսրությունը բազմաթիվ ճեղքվածքներ էր տվել, և նրա դժոխային տիրապետությունից ազատագրվել էին մի շարք երկրներ, բայց 20-րդ դարի երկրորդ տասնամյակի սկզբին նա դեռ կանգուն էր և շարունակում էր պատուհաս մնալ այնտեղ բռնափակված ոչ թուրք ժողովուրդների համար:

20-րդ դարասկզբի Թուրքիան 15-16-րդ դարերի Թուրքիան չէր: Այժմ այդ կայսրության և նրա ավանդական դաշնակիցների (Գերմանիա, Ավստրիա) դեմ Բալկաններում կանգնած էր թափ առնող սլավոնասեր (սլավոնամոլ) շարժումը: Տվյալ պահին Բուլղարիան հավակնում էր Բալկաններում դառնալու սլավոնասեր շարժման գլխավոր ուժը՝ երկրորդ գիծ մղելով այդպիսին լինելու Սերբիայի ձգտումները: Զինական տեսակետից նա արդեն դարձել էր ամենաուժեղ պետությունը Բալկանյան թերակղզում և այդ պատճառով նույնիսկ ստացել էր «Բալկանյան Պրուսիա» անվանումը: Հենվելով իր ռազմական և տնտեսական ուժերի վրա՝ Բուլղարիան ի վիճակի էր այդ տարածաշրջանում աննախադեպ սրված հակասությունների հանգուցալուծման գործում գլխավոր դերակատարներից մեկը լինելու: Բայց նա չգնաց այդ ճանապարհով: Հինգ հարյուրամյակների կրած տառապանքներից ու վիրավորանքներից ծնունդ առած վրեժխնդրությունը նրա համար Թուրքիային Բալկաններից վոնդելու կենսական անհրաժեշտություն էր դարձել՝ հենվելով լայն ծավալներ ընդունող սլավոնասեր շարժման վրա:

Բայց Ռուսաստանում կային մեծ թվով հասարակական և քաղաքական գործիչներ, որոնք գտնում էին, որ պետք չէ տուրք տալ բուլղար սլավոնասերների չափազանց ցեղամոլությունը: Նրանցից մեկն արտգործնախարար Սերգեյ Սազոնովն էր, որը շատ զգույշ էր համարյա պաշտոնական դարձած համալավ քաղաքականություն իրականացնելիս: Սլավոնասիրության

ուրորտում Սազոնովի չափից ավելի զգույշ ու շրջահայաց քաղաքականությունից խիստ դժգոհություն էր առաջացել հատկապես Պետական դումայի աջ խմբակցություններում, որոնք առաջարկում էին անհապաղ հեռացնել նրան և փոխարենը արտգործնախարար կարգել Փարիզում Ռուսաստանի դեսպան Իզվոլսկուն, որը համապլավոնականության ջերմ ջատագով էր: Ավելին, Սազոնովի նկատմամբ Մոսկվայում մահափորձ էր նախապատրաստվել, բայց ժամանակին այն բացահայտվել էր<sup>1</sup>:

Այնուամենայնիվ բուլղարների համար միանգամայն պարզ էր, որ թուրքական արյունարբու կայսրության դեմ միայնակ հանդես գալը կարող է անկանխատեսելի ծանրագույն հետևանքների հանգեցնել<sup>2</sup>:

Այդ վտանգավոր հեռանկարը բուլղարական իշխանություններին ստիպեց մտածել Բալկանյան ռազմաքաղաքական դաշնություն ստեղծելու մասին: Այդ ձանապարհին Բուլղարիան, սկսած 1909–1911 թվականներից, ամենից առաջ ստանում էր Ռուսաստանի բարոյական աջակցությունը: Ռուսական դիվանագիտությունը, գաղտնի թե բացահայտ, ջանում էր բալկանյան պլավոն պետությունների միջև զինակցություն գլուխ բերել: Այդ պահին դա էր համագերմանականության առաջապահ Ավստրիայի առաջխաղացման դեմ Եվրոպական Թուրքիայում պատենչ կանգնեցնելու միակ միջոցը<sup>3</sup>:

Բուլղարիայի երազանքն էր գրավել իր պետական սահմանից հարավ, մինչև Մարմարա ծովի ափերը ընկած, Թուրքիայի տիրապետության տակ գտնվող հողերը: Բայց նրա գերագույն բաղձանքը, այնուամենայնիվ, Կ. Պոլիսն էր:

1911 թ. դեկտեմբերին Սոֆիայի թուրքաց դեսպանությունից չքացել էր դիվանագիտական գաղտնի գրագրությունների տրցակը՝ արժեքավոր փաստաթղթերով, որոնք հնարավորություն էին տալիս ծանոթանալու Թուրքիայի շատ տարիների

---

<sup>1</sup> Տե՛ս «Ազատամարտ», № 1028, 14 (27) հոկտեմբերի 1912 թ.:

<sup>2</sup> Տե՛ս «Բուլթանիա», № 1057, 12 (25) նոյեմբերի 1912 թ.:

<sup>3</sup> Տե՛ս «Ժամանակ», № 1261, 29 հոկտեմբերի (11 նոյեմբերի) 1912 թ.:

Հակաբուլղարական գործունեությունը: Բարձր Դուռը\* փաստաթղթերն անհետանալու մեջ մեղադրում էր բուլղար կառավարությունը: Իսկ վերջինս այդ փաստաթղթերից արդեն տեղեկացել էր, որ Թուրքիան պատրաստվում է պատերազմել Բուլղարիայի դեմ<sup>1</sup>:

Թուրքիայի մտադրություն մասին տեղեկությունը բուլղարական կառավարությունը շատ հանգիստ ընդունեց: Շատերին նույնիսկ թվում էր, թե Բ. Դուռն սպառնալիքը հենց Բուլղարիայի ցանկությունից է բխում:

Հրապարակ էր իջել նաև Սերբիան, որը չէր ուզում ճանաչել Ավստրիայի կողմից Բոսնիայի և Հերցեգովինայի գրավումը: 1908-ին, երբ Թուրքիայում դեռ նոր էր հրատարակվել սահմանադրությունը, Ավստրիան, օգտվելով ստեղծված անորոշությունից, իրեն էր կցել սերբերով բնակեցված այդ երկու տարածքները:

Բոսնիան ու Հերցեգովինան գրավելու ժամանակ Ավստրիան ռազմակալել էր նաև սլավոններով բնակեցված Նովո Բազարի սանջակը, բայց հետո այն վերադարձրել էր Թուրքիային: Շատ չանցած՝ ավստրիական կառավարությունը հայտարարել էր, որ եթե ռազմավարական կարևոր նշանակություն ունեցող այդ սանջակը Թուրքիայից անցնի սլավոնական որևէ երկրի ձեռքը, ապա ինքը կվերագրավի այն:

Բոսնիան ու Հերցեգովինան գրավելու Ավստրիայի վարչա-

---

\* Բարձր դուռ (կամ Ոսկյա դուռ) անվանումը սկիզբ է առել 1326 թվականին, երբ սուլթան Ուրխանը նվաճած Բուրսայում իր համար կառուցել էր տվել մի չքեղ պալատ՝ ոսկեզօծ բարձր դարպասներով (դռներով): Այդ պալատից էր սուլթանը կառավարում իր տիրույթները: Այդ ժամանակից սկսած՝ Թուրքական կառավարությունը ստացել էր Բարձր Դուռ (Ոսկեզօծ դուռ) անվանումը (տե՛ս A. B. Meuser, Түркія, С. Петербург, 1907, էջ 20-ի տողատակ): Երբ 1453 թ. Թուրքերը գրավեցին Բյուզանդիայի ծիրանածին կայսրերի մայրաքաղաք Կոստանդնուպոլիսը, նրանք այն դարձրին Օսմանյան կայսրության մայրաքաղաք: Այստեղ հաստատված Թուրքական կառավարությունը շարունակեց կրել «Բարձր դուռ» կամ «Ոսկեզօծ դուռ» անվանումը:

<sup>1</sup> Տե՛ս «Հորիզոն», № 285, 22 դեկտեմբերի 1910 թ.:

պետ կոմս էրենթալի հանդուզն ձեռնարկն այն ժամանակ դիվանագիտական սեղանի վրա էր դրել եվրոպական ընդհանուր պատերազմի հավանականությունը: Այդ երկրների զավթումը վտանգել էր Սերբիայի կենսական շահերը: Նրան ձեռնառու էին, որ նշված երկրները մնային Թուրքիայի կազմում, քանի որ վերջինս մահվան հոգեվարքում էր, և դեպքերի հաջող դասավորություն ղեկավարում կարելի էր նրա ժառանգության մի որևէ կտորի տիրանալ, իսկ Ավստրիայից կամ Գերմանիայից ինչ-որ բան սպասելն անիրական էր: Առայժմ հնարավոր էր համարվում Թուրքիային պատկանող Նովի Բազարի սանջակի գրավումը: Դա սկիզբը կլիներ այն անուրջի իրականացման, որ ուներ Սերբիան: Հոգևոր կապերով իրեն ամենամերձ Չերնոգորիան իրեն միացնելը պետք է լիներ նախերգանքն ամբողջ սերը ազգի միավորման, որի ընդհանուր թիվը հասնում էր մինչև 10 միլիոնի, և որից սերբական պետության սահմաններից ներս էր միայն 2.5 միլիոնը: Նրա գլխավոր նպատակներից էր ելք ունենալ դեպի ծով: Ժամանակին սերբերը տարածված էին մինչև Ադրիատիկ ծովը: Ալբանոն (նախկին Լիեչը) և Այաչը (Տիրացցոն) հին սերբական պետության նավահանգիստներ էին: Եվ ահա այժմ Սերբիան ձգտում էր վերականգնել Հին Սերբիան՝ ազատագրելով Ադրիատիկի ծովափը՝ այդ երկու նավահանգիստներով: Նրան պաշտպանում էին բալկանյան մյուս երեք երկրները: Եվ եթե մի օր իրագործվեր Սերբիայի այս երազանքը, ինչը բնավ անհավանական չէր տվյալ պահին ստեղծված պայմաններում, ապա այդ ժամանակ Ադրիատիկ ծովի ամբողջ Դալմաթիայի ափը պիտի անցներ սերբերի ձեռքը: Պետք չէ մոռանալ, որ Մեծ Սերբիայի ստեղծման և առհասարակ սերբ տարրի քաղաքական ուժեղացման գաղափարը ոուս դիվանագիտության վաղուց ի վեր փայփայած նպատակներից մեկն էր: Ուստի բնական էր սպասել, որ նա իր ձեռքից եկածը պիտի չխնայեր կյանքի կոչելու այդ գաղափարը:

Վճռականապես դեմ կանգնելով դեպի Ադրիատիկ ծով Սերբիայի ձգտմանը՝ Ավստրիան դրանով փորձում էր վերջինիս ուղղորդել դեպի հարավ՝ էգեյան ծով, իսկ դա դուր չէր գալիս հունաստանին և Բուլղարիային՝ պատճառ դառնալով բալկան-

յան պետութիւններին միջև թափ առնող համերաչխութեան փրկումները:

4. Պոլսում հրատարակվող «Ժամանակ» թերթը, որպեսզի ցույց տա, որ Սերբիայի ծրագրի իրականացման դեմ կանգնած է Ավստրիան, մեջբերում էր այդ երկրի կառավարութեան պաշտոնական տեսակետը. «Ադրիականի վրայ սերպ նաւահանգիստ բնաւ չպիտի ըլլայ»<sup>1</sup>:

Թուրքիայի նկատմամբ պահանջատեր էր նաև Հունաստանը: Սա, իր հերթին, սահմանադրութեան ընդունման օրերին աշխատեց սեփականացնել Կրետեն: Բուլղարիայից և Ավստրիայից բացի՝ Հունաստանը նույնպես աչք էր դրել Մակեդոնիայի վրա: Բայց ամենից շատ նրա հայացքը հառած էր Կ. Պոլսին՝ Բյուզանդիայի երբեմնի հռչակավոր մայրաքաղաքին: Չէ՞ որ նա ժառանգն էր բյուզանդական կայսրութեան: Հունական թերթերը գրում էին, թե հեռուներից եկած և 1453 թ. Կոստանդնուպոլիսը զավթած թուրքը, քաղաքը Ստամբուլ վերանվանելով, այնպես տիրաբար ու այնպես ամուր է նստել այնտեղ, կարծես ինքն է կառուցել այն և հավերժ էլ մնալու է իր ձեռքում: Չնայած Կ. Պոլսին տիրանալը և՛ հույնի, և՛ բուլղարի փայփայած իղձն էր, բայց դա չխանգարեց, որ նրանք թուրքի դեմ հանդես գան համատեղ:

**Չերնոգորիան** (Գարաղաղ, Սև լեռ) Բալկանյան սլավոնների ամենափոքր պետական կազմավորումն էր: Չերնոգորցիները իրենց լեզվով, գրականութեամբ, պատմական ավանդույթներով նույն սերբերն էին, ինչպես և՛ բոսնիա-հերցեգովինացիք, խորվաթները, և՛ դալմաթիացիները:

Չնայած երկիրը փոքր էր և ուղղակիան տեսակետից թույլ, բայց նրա ինքնակալ Նիկոլա իշխանը լցված էր բուռն ցանկութեամբ՝ ժամ առաջ կյանքի կոչելու հակաթուրքական դաշինքը:

Թուրք-խտայլական պատերազմից ի վեր Եվրոպայի «զինյալ խաղաղութիւնն» սկսել էր ենթարկվել ամենօրյա դժնդակ փորձութիւններին: Երեսուն տարիներ ի վեր արհեստական միջոցներով անշարժ ու անչուկ պահված Արևելյան խնդիրը

---

<sup>1</sup> «Ժամանակ», № 1263, 31 հոկտեմբերի (13 նոյեմբերի) 1912 թ.:

նորից հրապարակ էր գալիս իր հազարումեկ կնճիռներով, և թվում էր, թե այն վերջնական լուծման է սպասում: Այդ նորաստեղծ վիճակը մեծ պետությունների համար հավասարապես վտանգավոր էր դառնում, և նրանք պարտադրված էին վճիռ կայացնելու՝ գործե՞լ, թե՞ ոչ: Վառողի բլուրների ստորոտներով հոսում էին կրակի գետեր, և նրանք, ովքեր վառողը չոր պահելը քաղաքական իմաստություն էին նկատում, հիմա լրջորեն խորհնելու բան ունեին: Եվրոպական մեծերը տագնապում էին, որ շարժումը կարող է դուրս գալ իրենց վերահսկողությունից և վերածվել Թուրքիայի հետ ընդհարման: Իսկ դա հղի էր համաեվրոպական պատերազմի վտանգով, որից խուսափում էին այդ կայսրությունից բոլոր շահ ունեցողները:

1912 թ. սկզբներից Մակեդոնիան նոր ուժով սկսեց փոթորկվել<sup>1</sup>: Արդեն մայիսին Սոֆիայում սկսվեցին բազմամարդ հանրահավաքներ, որոնց մասնակիցները Թուրքիայից պահանջում էին ինքնավարություն տալ այդ հալածյալ երկրամասին: Դրան զուգընթաց՝ Բալկանյան պետությունները ձեռնարկել էին պատերազմի դիվանագիտական նախապատրաստությունը, որն ամռան վերջերից որոշակի դրսևորումներ ունեցավ<sup>2</sup>:

Բալկանյան մայրաքաղաքներում ծավալվել էր տենդագին գործունեություն՝ փոխայցելություններ, կարծիքների բազմակողմանի քննարկումներ և այլն:

Նկատի առնելով ոռու-բուլղարական ավանդական կապերը և Ռուսաստանի շահերի համընկնումը Բուլղարիայի ձգտումների հետ՝ վերջինիս կառավարությունը պատվիրակություն ուղարկեց Պետերբուրգ՝ Մակեդոնիայի և Արևելյան Թրակիայի հարցերը լուծելու համար ոռուսական ցարի օգնությունը հայցելու նպատակով:

Ավստրիայի համար կենաց ու մահու խնդիր էր բալկանյան զինակցությունից ձևավորումը: Բալկաններում ծագելիք պատե-

---

<sup>1</sup> Տե՛ս «Բուլթանիա», № 23 (1101), 1(14) հունվարի 1912 թ.:

<sup>2</sup> Բալկանյան պատերազմների դիվանագիտական նախապատրաստությունների մասին տե՛ս «Красный архив», Том I (VIII), 1925, Госиздат, 1925, Москва-Ленинград, էջ 3-48:

րազմում տուժողը գլխավորապես Ավստրիան էր լինելու: Ուստի պատահական չէր, որ նրա կառավարությունը ամեն ինչ անում էր փոթորկի առաջն առնելու համար՝ ամենից առաջ Ռուսաստանի դիվանագիտական գործողությունները չեզոքացնելու միջոցով: Բայց դա նրան չէր հաջողվում: «Խ՞նչ կլինի Եվրոպական Թուրքիայի հետ» հողվածում Ֆրիդրիխ Էնգելսը նշել էր, թե եվրոպական տերությունների կողմից իրականացվող status quo-ի քաղաքականությունը սուլթանական իշխանության կողմից Օսմանյան կայսրության քրիստոնյա հպատակների ճնշման հավերժացում է, որի հետ չէին հաշտվում բալկանյան ժողովուրդները<sup>1</sup>:

«Հորիզոն» թերթի 1912 թ. № 237-ում գրականագետ Նիկոլ Աղբալյանը գրում էր, որ ներկայումս տերությունների մեծ մասն այլևս կասկած չունի, որ հետայդու հնարավոր չէ Բալկաններում «վիճակն անփոփոխ պահել», հետևապես Եվրոպայի այդ մասի քարտեզի վերաձևումն անխուսափելի է:

## ՍԵՐԲ-ԲՈՒԼՂԱՐԱԿԱՆ ԳԱՂՏՆԻ ՊԱՅՄԱՆԱԳԻՐԸ

Մի շարք կարևոր իրադարձություններ պայմաններ ստեղծեցին, որ թուրքական դարավոր բռնակալությունից ազատագրված Բուլղարիան և Սերբիան 1912 թվականին հակաթուրքական մի նոր շարժում բարձրացնեն Բալկանյան թերակղզում:

Տրիպոլիտանական պատերազմը դեռ չէր վերջացել, երբ թուրքական բռնապետության դեմ ապստամբեցին Սամոս և Իկարիա կղզիների հույները: Միևնույն ժամանակ իրենց գործողություններին նոր թափ հաղորդեցին մակեդոնական չետաները: Հակադարձելով թուրքերը նոր լայնածավալ արյունահեղություններ սարքեցին Մակեդոնիայում, որը մեծ զայրույթ առաջ բերեց բալկանյան ժողովուրդների շրջանում:

Այս պայմաններում բուլղարական կառավարությունը, տոգորված Բալկանյան թերակղզում կայուն և տևական խաղաղու-

---

<sup>1</sup> Տե՛ս Կ. Մարքս, Փ. Էնգելս, Տոչ., I տտ., տ. IX, էջ 393:

թյուն հաստատելու ցանկությունը, դիմեց թուրքական կողմին՝ առաջարկելով Մակեդոնիային տալ ինքնավարություն Օսմանյան կայսրությունից կազմում\*<sup>3</sup>, որից հետո դաշնակցային սկզբունքով Բալկաններում ստեղծել մի նոր պետություն, որի մեջ կմտնեին Թուրքիան, Բուլղարիան, Հունաստանը, Սերբիան, Մակեդոնիան և Չերնոգորիան: Բայց թուրքական կառավարությունը կտրականապես մերժեց առաջարկը:

Ահա այդ պահին էր, որ Բալկաններում պատերազմի նախապատրաստությունը մտավ գործնական փուլ:

Արդեն բավական ժամանակ էր, որ պետությունների դեսպանները և դեսպանախորհրդակցությունները փոխարինվել էին եվրոպական վեհապետների այցելություններով ու հանդիպումներով, որոնք այնքան մեծ ազդեցություն էին ունենում ազգերի ճակատագրի վրա:

1911 թ. ապրիլի 26-ին Սերբիան Բուլղարիային առաջարկեց Թուրքիայի դեմ համատեղ գործողություններ սկսել՝ հայտարարելով, որ «բավականին հարմար են գտնում պահը՝ Մակեդոնիայում ապստամբությունը սատարելու, ստեղծված իրավիճակից օգտվելու և Թուրքիային պատերազմ հայտարարելու համար, ինչով էլ վերջապես կլուծվի արևելյան հարցը»<sup>1</sup>: Սերբիայի այս առաջարկի մասին չուտով տեղեկացան նաև Պետերբուրգում, ինչը առաջ բերեց ռուսական կառավարության խիստ անհանգստությունը:

Բալկանյան զինակցության առաջին գործնական հիմքերը դրվեցին 1911 թ. հոկտեմբերի 11-ին՝ Բուլղարիայի վարչապետ Ի. Գեչոփի և այն ժամանակ Սերբիայի վարչապետ Մ. Միլովանովիչի միջև Սերբիա-Բուլղարիա գնացքում տեղի ունեցած տեսակցության ընթացքում:

Նախախնամությունն այդ երկու սլավոն գործիչների վրա էր դրել դեռևս օսմանյան բռնակալ լծի տակ գտնվող բալկանյան

---

\* Թուրքերի կողմից 14-15-րդ դարերում վերջնականապես նվաճված Մակեդոնիան բաժանվել էր երեք վիլայեթների՝ Բիտոլիի (ք. Մոնաստիր), Կոսովոյի (ք. Ուսկյուբ կամ Սկոպլե) և Սալոնիկի (ք. Սալոնիկներ կամ Սոլուն)

<sup>3</sup> Տե՛ս *А. А. Моголиевич, М. Э. Айрапетян, На путях к мировой войне 1914-1918 гг., ОГИЗ, Государственное издательство политической литературы, М., 1940, էջ 102:*



ժողովուրդների ազատագրութան սկզբնավորումը:

Սերբ և բուլղար կառավարությունների ղեկավարների նպատակն էր վերջ դնել իրենց միջև առկա երկարատև տարաձայնություններին և իրադարձությունների բարեհաջող դասավորության պահին համատեղ ուժերով Թուրքիայի բռնակալումից ազատագրել Հիմնականում սլավոններով ու հույներով բնակեցված Մակեդոնիան և այն բաժանել ազդեցություն չընթացող: Այդ ժամանակ Միլովանովիչի և Գեչովի մտքով բնավ չէր անցնում, թե չատ չուտով՝ ուղիղ մեկ տարի հետո, իրենց երկրները միասնաբար ղենք են վերցնելու թուրք զավթիչների դեմ: Թեև Սերբիայի և Բուլղարիայի ղեկավարների այդ առաջին հանդիպման ժամանակ չստորագրվեց որևէ փաստաթուղթ, բայց տեսակցությունն ապարդյուն չանցավ:

Հարկ է նշել, որ Գեչովի և Միլովանովիչի միջև բանակցությունները, որոնք տևեցին մոտ վեց ամիս, հարթ չէին ընթանում: Երկու պետությունների կառավարությունների միջև խոշոր տարաձայնություններ կային Թուրքիայից ապագա տարածքային ձեռքբերումների վերաբերյալ: Մասնավորապես և՛ Սերբիան, և՛ Բուլղարիան հավակնում էին ողջ Մակեդոնիային: Բուլղարական կողմը գտնում էր, որ այնտեղ գերակշռում է բուլղար բնակչությունը, իսկ սերբերը հակառակն էին պնդում:

Ի վերջո երկու կողմերը եկել էին այն համոզման, որ իրենց վեճերը կարելի կլինի հարթել թուրքական լծից Մակեդոնիայի վերջնական ազատագրումից հետո:

Նույն թվականի ղեկտեմբերին Գեչովի նախաձեռնությամբ այս անգամ Սոֆիայում տեղի ունեցավ երկու երկրների ղեկավարների երկրորդ հանդիպումը: Տեսակցության ժամանակ նրանք քարտեզի վրա իրարից զատեցին Մակեդոնիայի ծայրամասերի այն տարածքները, որոնք սերբերի և բուլղարների միջև երբեք վեճի առարկա չէին եղել: Այնուհետև զրանց արանքում ընկած լայն երկրամասը, այսինքն՝ Վարդար գետի երկու կողմերը, նրանք բաժանեցին Սերբիայի և Բուլղարիայի միջև: Մի քանի վիճելի տարածքների պատկանելիության հարցը նրանք թողեցին ուսսաց ցար Նիկոլայ II-ի հայեցողությանը:

Քարտեզի վրա Մակեդոնիան ազդեցություն չընթացողների բա-

ժանելուց հետո սերբ և բուլղար ղեկավարների հրահանգով կազմվեց դաշնագրի մի տեքստ, որը ներառում էր «երրորդ պետություն», այսինքն՝ Թուրքիայի դեմ հարձակողական ու պաշտպանական կոիվների ենթադրյալ ծրագրեր:

1912 թ. մարտի 1 (13)–ին Սոֆիայում կնքվեց բուլղար և սերբ, այնուհետև բուլղար և հելլեն զինակցությունը: Դարձյալ Սոֆիայում ստորագրվեց Բուլղարիայի և Չերնոգորիայի միջև զինակցություն: Այստեղ մշակվում էին նաև Թուրքիայի դեմ ռազմական գործողություններ վարելու մանրամասները<sup>1</sup>:

Բալկանյան երկրների ղեկավարների առանց միջնորդների հանդիպումներն է՛լ ավելի հաճախակի դարձան 1912 թ. երկրորդ կեսին: Մտքեր էին փոխանակվում այն հարցի շուրջ, թե արդյոք հնարավոր է միասնաբար հանդես գալ, եթե համաեվրոպական պատերազմ բռնկվի, և արդյոք նախադրյալներ կան նախաձեռնող քաղաքականություն վարելու Թուրքիայի հանդեպ, որը շարունակում էր մնալ հիմնական վտանգը ողջ Բալկանների համար:

Դեռ նախքան Տրիպոլիտանական պատերազմը երիտթուրքերը ռազմական պատրաստություններ էին տեսնում մեկ Բուլղարիայի, մեկ Հունաստանի, մեկ Սերբիայի դեմ: Երիտթուրք կառավարությունն ռազմաչունչ տրամադրությունը արագորեն փոխանցվում էր թուրք զանգվածներին<sup>2</sup>:

Ի՞նչ էին Բուլղարիան, Սերբիան, Հունաստանը տակավին 25–30 տարի առաջ՝ թուրքական տիրապետության տակ գտնվող հետամնաց, օգնության կարոտ երկրներ: Բայց այն հանգամանքը, որ նրանք նվիրվեցին շինարար աշխատանքի, նրանց թույլ տրվեց օգտվել եվրոպական առաջադիմության պտուղներից: Անցած տարիներին նրանք կարողացել էին ուժ ամբարել: Նախկինում արհամարհված այդ փոքր պետություններն արդեն հասել էին զարգացման այն աստիճանին, որ ամենքը հարգանքով էին վերաբերվում նրանց: Բալկանյան թույլ երկրներն արդեն զորություն էին ներկայացնում:

---

<sup>1</sup> Տե՛ս «Ժամանակ», № 1326, 2(15) հունվարի 1913 թ.:

<sup>2</sup> Տե՛ս «Հորիզոն», № 128, 13 հունիսի 1910 թ.:

## ԲԱԼԿԱՆՅԱՆ ՌԱԶՄԱՔԱՂԱՔԱԿԱՆ «ՊԱՇՏՊԱՆԱԿԱՆ ԴԱՇԻՆՔԻ» ՍՏԵՂԾՈՒՄԸ

Այդ ամենից հետո ի վերջո գլուխ եկավ բալկանյան չորս երկրների «Պաշտպանություն դաշինքի» ստեղծումը, որի հեղինակներ դարձան բալկանյան երկրների միապետները՝ Ֆերդինանդը (Բուլղարիա), Պետարը (Պյոտր) (Սերբիա), Նիկոլան (Չերնոգորիա), Գևորգը (Հունաստան): Չորս պետություններին միավորում էր թուրքական դարավոր բռնապետության հանդեպ նրանց այրող ատելությունը: Հույն նախարար էլեֆտերիոս Վենիզելոսի և բուլղարական բանակի շտաբի գեներալ Իվան Ֆիչևի գլխավորությամբ կազմվեց թուրքիայի դեմ պատերազմի մանրամասն ծրագիր, որը հավանության արժանացավ Բալկանյան դաշնակից բոլոր չորս երկրների բարձրագույն ղեկավարների կողմից, որոնք պայմանավորվեցին խիստ գաղտնի պահել կնքված համաձայնությունները: Այդ գաղտնի դաշնագրի համաձայն՝ 1) Եթե թուրքիան այդ երկրներից որևէ մեկի վրա հարձակվեր, մյուս երեքը պարտավոր էին պատերազմ հայտարարել նրան, 2) Պատերազմի արդյունքում Մակեդոնիան պետք է ազատագրվեր թուրքական լծից, ստանար ինքնավարություն, ունենար իր իշխանն ու սեփական բանակը և վայելեր Բուլղարիայի հովանավորությունը, 3) Եպիրոսը (Յանյան) անցնելու էր Հունաստանին, իսկ Հին Սերբիան բաժանվելու էր Սերբիայի թագավորության և Չերնոգորիայի միջև, 4) 1912 թ. Սերբիան ուներ 2.9 միլիոն բնակչություն, Բուլղարիան՝ 4.3 միլիոն, Հունաստանը՝ 2.6 միլիոն, ընդհանուր առմամբ՝ 10 միլիոն: Դրա դիմաց Օսմանյան տերությունն ուներ 26 միլիոն բնակչություն<sup>1</sup>: Բնակչության թվին համեմատ՝ պատերազմի պարագային Բուլղարիան գեների էր կանչելու 300.000, Սերբիան՝ 200.000, Հունաստանն ու Չերնոգորիան 80.000-ական մարդ՝ միացյալ ուժերով թուրքիան կործանելու համար, 5) Սալոնիկն անցնելու էր բոլորի տրամադրության տակ<sup>2</sup>:

<sup>1</sup> Տե՛ս *Еджидио Иветич, Балканските Войн, София, 2012, էջ 35, 69:*

<sup>2</sup> Տե՛ս «Աւետարեբ», № 41, 12 հոկտեմբերի 1912 թ.:

Բալկանյան զինակցությունն պայմանագիրը կնքվեց 25 տարով<sup>1</sup>:

«Բալկանյան թերակղզին բալկանյան ժողովուրդներին»․ այս էր չորս զինակիցներին միացնող հիմնական սկզբունքը: Նրանք միավորվեցին կենաց ու մահու պայքարի մեջ մտնելու օսմանյան լծի տակ տառապող իրենց ցեղակիցների ազատագրություն և արժանապատվության համար<sup>2</sup>: Բալկանյան դաշինքի չորս պետություններին միավորել էր դարավոր ատելությունն ամեն ինչ ամայացնող թուրքական տիրապետության հանդեպ:

Ընդհանուր կարծիքն այն էր, որ Բալկանյան դաշնությունը՝ որպես Եվրոպայի կողքին գոյացած ուժ, դառնալու էր եվրոպական մի նոր մեծ պետություն՝ զորավիզ լինելով Եռյակ համաձայնությունը:

Ռուսական դիվանագիտությունը ոչինչ չէր խնայում կյանք առած Բալկանյան դաշնության հիմքերն ամրապնդելու և Բալկանները դաշնային միասնական պետության վերածելու համար: Նրա առջև ուրվագծվում էր ապագա այդ պետությունը՝ իր 16 միլիոնի չափ ազգաբնակչությամբ և ռազմական մեծ ուժով: Թեև Ռումինիան կտրականապես մերժել էր մտնել բալկանյան չորս երկրների դաշնության մեջ, բայց Ռուսաստանն ամեն կերպ փորձում էր նրան վերցնել Ավստրիայի գրկից և մոտեցնել այդ դաշինքին, որի շնորհիվ դաշնության երկրների բնակիչների թիվը կավելանար 8 միլիոնով, և այդ ընդհանուր համախմբումի բնակչության թիվը կհասներ 18 միլիոնի: Այսպիսով Բալկանները կվերածվեր եվրոպական յոթերորդ մեծ տերություն: Բայց այդ բանը տեղի չունեցավ:

Մինչև վերջին պահը, այսինքն՝ մինչև զորահավաքի սկսվելը, պետությունների կառավարությունները, բացառությամբ Ռուսաստանի, անտեղյակ էին Բալկանյան զինակցություն մասին, որովհետև, ինչպես ասվեց, բալկանյան դաշնային երկրների

---

<sup>1</sup> Տե՛ս «Ազատամարտ», № 1045, 1 նոյեմբերի 1912 թ.:

<sup>2</sup> Տե՛ս «Вестник Европы», № 1, январь, 1913, էջ 345:

ղեկավարները պայմանավորվել էին խիստ գաղտնի պահել իրենց միջև ստեղծված ռազմական դաշինքը և բարեխղճորեն կատարում էին իրենց խոստումը: Նշենք նաև, որ ոչ ոքի մտքով չէր անցնում, թե հնարավոր է որևէ միության ստեղծումը մշտապես միջէթնիկական հակասություններով լի Բալկանյան թերակղզում, ուր բոլորը միմյանց հակառակորդ էին: Նշանավոր տնտեսագետ Ռուբեն Բերբերյանի խոսքերով ասած՝ «Բալկանեան թերակղզին մի տեսակ քաղաքական կաթսա էր դարձած, որտեղ եփում էին մակեդոնացի, յոյն, բուլգար, սերբե և թուրք տարրեր...»<sup>1</sup>:

Բալկաններն անչեջ կրակ էր՝ մերթ մարող, մերթ բոցավառվող: Թուրք դիվանագետներից մեկը բալկանյան պատերազմի սկսվելու լուրն առնելուց հետո ասել էր, թե ոչ մեկը չէր հավատում, որ Հունաստանը երբևիցե կարող է ձեռք մեկնել Բուլղարիային կամ Ջերնոգորիային, ուստի երբ եվրոպական թերթերը ծանուցեցին Բալկանյան զինակցություն մասին, ամեն մարդ բավականացավ միայն ուսերը թոթովելով<sup>2</sup>:

Թե դաշնակից երկրների ղեկավարներն ինչպես էին կարողացել զինակցությունը գաղտնի պահել, երևում էր թեկուզ նրանից, որ մինչև պատերազմի սկսվելը բուլղարական նախարարներից ոչ մեկը չգիտեր, որ գոյություն ունի ռազմական որևէ պլան: Զորքերի հրամանատար Սավովն արդեն գրպանում ուներ պատերազմ հայտարարելու ժամկետի մասին Ֆերդինանդ թագավորի գրավոր հրամանը, բայց դրանից ոչ մի տեղեկություն չունեի նախարար-նախագահ Գենաղիևը: Գեներալ Ֆիչևի և Վենիզելուսի կազմած ռազմական ծրագրի ու պատերազմն սկսվելու ժամկետի մասին տեղեկություն չունեի նաև ռուսական դիվանագիտությունը, որովհետև վախ կար, թե անզգույշ միջամտությունը նա կարող է վնասել գործին, թեև ռուսական դիվանագիտությունն էր դաշինքի ստեղծման գլխավոր գաղտնի ոգեշնչողը: Առանց Ռուսաստանի բացահայտ թե քողարկված

<sup>1</sup> «Հայրենիք», № 6 (210), ապրիլ, 1940, էջ 62:

<sup>2</sup> Տե՛ս «Ժամանակ», № 1261, 29 հոկտեմբերի (11 նոյեմբերի) 1912 թ.:

միջամտությունների դժվար թե համաձայնություն գոյանալ միմյանց նկատմամբ կրոնական և ազգային ատելությունները լցված բալկանյան ազգերի միջև, որոնք դեռ երեկ, թուրքերին թողած, բզկատում էին իրար:

Բուլղարիան և Սերբիան իրենց անկախություն վաղորդայնին իսկ պատերազմ էին մղել միմյանց դեմ: Հույներն ու բուլղարները տակավին մի քանի տարի առաջ իրար ջարդում էին: Սերբերն ու չերնոգորցիները, հակառակ իրենց արյունակցություն, մշտապես միմյանց նեղում էին, անպակաս էին փոխադարձ սպանությունները: Պատահական չէ, որ Բալկանները համարվում էր «Եվրոպայի վառոդե տակառ»: Բայց ինչպե՞ս հնարավոր դարձավ մի նպատակի շուրջ գլուխ բերել այս այլամերժ և իրարատյաց պետությունների միությունը, ինչպե՞ս կարողացան գոյացնել մի միասնական գաղափար՝ մի կողմ դնելով իրենց երեկվա ոխն ու քենը և համախումբ ու միաբան կովի ճակատ հարդարել: Պատճառը մեկն էր. նրանք բոլորն ունեին ընդհանուր թշնամի:

Ոգեչնչելով բալկանյան դաշնության գաղափարը՝ Ռուսաստանը ցանկանում էր լուծել երկու քաղաքական կարևորագույն խնդիր. 1) Սլավոնական ազգերի մի ուժեղ պատնեշով փակել գերմանական արշավի ճանապարհը դեպի Մերձավոր Արևելք և Թուրքիայի ասիական նահանգները գրավելու համար պատրաստել նախադրյալներ, 2) Բալկանյան դաշնության միջոցով հարավից սպառնալ Ավստրո-Հունգարիային, որը, ինչպես ասվեց, ձգտում էր գրավել Սալոնիկը և դուրս գալ Միջերկրական ծով:

Բնական ծավալման ընթացքում Բալկանյան դաշնությունը իր հերթին, անտարակույս, ի վերջո իրեն դաշնակից պիտի գտներ հանձինս սլավոնական Ռուսաստանի և այն պետությունների (Անգլիա և Ֆրանսիա), որոնք թշնամի էին Գերմանիային: Այդ էին թելադրում թե՛ նրա աշխարհագրական դիրքը և թե՛ քաղաքական նպատակները:

## ՌՈՒՄԻՆԻԱՅԻ ԴԻՐՔԸ

Բուլղարական կառավարությունը Ռուսինիային առաջարկեց մտնել Բալկանյան դաշինքի մեջ: Ռուսին ժողովրդի մեկ երրորդը գտնվում էր Ավստրո-Հունգարիայի սահմաններում: Այս թիվը թերևս շատ ավելի էր այն ուումիններից, որոնք գտնվում էին Ռուսաստանի սահմաններում՝ Բեսարաբիայում: Եվ եթե Ռուսինիան միանար Բալկանյան դաշնությունը, որին պաշտպան էր կանգնած Ռուսաստանը, ապա այդ դեպքում ապագայի լայն հեռանկարներ կբացվեին նրա համար՝ Ավստրիայից խլելու ուումիններով բնակեցված տարածքները:

Որպես «Ազատամարտի»\* թղթակից Կ. Պոլսից Բալկաններ գործուղված Հակոբ Սիրունին իր թերթին հաղորդում էր, որ ուումինական համարյա բոլոր թերթերը մեծ գովեստով են գրում բուլղար ժողովրդի քաջակորով կեցվածքի մասին, միաժամանակ իրենց կառավարություններին կոչ են անում ամեն տեսակի օգնություն ցույց տալ նրան:

Ի տարբերություն երկրի հասարակական կարծիքի՝ Ռուսինիայի կառավարությունը բռնեց միանգամայն հակառակ դիրք: Նա սկզբից կտրուկ մերժեց միանալ դաշինքին, նաև տեղեկացրեց, թե չի աջակցելու պատերազմող կողմերից ոչ մեկին: Բայց ընդամենը մեկ շաբաթ անց նրա պաշտոնական ներկայացուցիչները բացեիբաց հայտարարեցին, թե պատերազմը սկսվելուն պես Ռուսինիան կովի ձակատ է բացելու Բուլղարիայի դեմ,

---

\* Նշենք, որ այդ ժամանակ Կ. Պոլսում հրատարակվող բազմաթիվ հայկական թերթերից հատկապես առանձնանում էր ՀՅ դաշնակցության «Ազատամարտը», որին վիճակված էր առաջատարի դեր կատարելու թուրքահայ մամուլի ընտանիքում: «Ազատամարտի» շուրջը համախմբված էին պոլսահայ մտավորականության լավագույն ուժերը: Բայց մայրաքաղաքում՝ Իթիհատի քթի տակ, թեկուզ նրա «բարեկամ» Դաշնակցության կողմից հրատարակվող թերթը «Ազատամարտ» կոչվել շատերը լրջախոհության պակաս էին համարում: Թուրքերը հարց էին տալիս, օսմանյան ազատ պետության մեջ ո՞ւմ դեմ է ուղղված այդ ազատամարտը, արդյո՞ք այդ պետությունից ազատվելու և անջատվելու խնդիր ունի թուրքահայությունը, մի բան, որ միաբերան ժխտում էին բոլոր հայ քաղաքական ուժերը և առաջին հերթին՝ Դաշնակցությունը:

քանի որ նրա հետ ունի տարածքային վեճեր: Նրանք պատմական իրավունք էին առաջադրում Բուլղարիայի կազմում գտնվող հիմնականում ռուսին բնակչություն ունեցող Սիլիստրիայի նկատմամբ և վճռականություն հայտնում, որ առիթը ներկայանալու դեպքում իրականացնելու են իրենց այդ իրավունքը<sup>1</sup>:

Եվ հիրավի, ռուսինական զորքերը հրաման ստացան դիրքեր գրավելու բուլղարական սահմանին:

«Ազատամարտը» հաղորդում էր, որ Ռուսինիան սկսել է իր զորքերը համախմբել ոչ միայն բուլղարական, այլև ռուսական սահմանագլուխներին<sup>2</sup>: Մամուլի ուրիշ օրգաններ նշում էին, որ թեև Ռուսինիայի և Թուրքիայի միջև չկա բարեկամություն մասին համաձայնագիր, բայց եթե պատերազմ սկսվի, և թուրքերի գործերը հաջող ընթանան, ապա շատ հավանական է, որ Ռուսինիան անգործ չի մնալու և ռազմական գործողություններ է ձեռնարկելու բալկանյան սլավոն երկրների դեմ<sup>3</sup>: Պատահական չէր, որ նա այդ նպատակով վերջին մեկ-երկու ամիսներին հսկայական քանակի զենք (հատկապես թնդանոթներ և զնդացիրներ) էր զնել Գերմանիայից և Ավստրո-Հունգարիայից:

Բուխարեստում Բուլղարիայի դեսպանը Ռուսինիայի կառավարության արտգործնախարարությունը հարցում էր արել այդ սպառազինումների մասին: Արտգործնախարարը պատասխանել էր, թե տեսնելով, որ բալկանյան մյուս երկրները զինվում են առանց իր երկրին տեղյակ պահելու, ուստի ինքը նույնպես ձեռնարկել է իր բանակի համալրումն ու զինումը, մանավանդ որ Ռուսելիի թուրքական նահանգներում ունի բազմաթիվ հպատակներ, որոնց պարտավոր է աջակցել պատերազմական ընդհարման դեպքում<sup>4</sup>:

---

<sup>1</sup> Տե՛ս «Կովկասի լրագրեր», № 54, 12 դեկտեմբերի 1912 թ., նաև՝ «Բուլթանիա», № 9 (1055), 10(23) նոյեմբերի 1912 թ.:

<sup>2</sup> Տե՛ս «Ազատամարտ», 20 սեպտեմբերի (3 հոկտեմբերի) 1912 թ.:

<sup>3</sup> Տե՛ս նույն տեղում:

<sup>4</sup> Նույն տեղում, 21 սեպտեմբերի (4 հոկտեմբերի) 1912 թ.:



Ռուսներին այդ պատասխանից հետևում էր, որ նա բոլոր միջոցներով շարունակելու է Բուլղարիայի դեմ պատերազմի նախապատրաստությունը: Թիկունքում ունենալով լավ զինված նման հավանական հակառակորդ, որի չեզոքություն տարտամ հավաստիացումները որևէ վստահություն չէին ներչնչում, Բուլղարիան սրբնթաց գնում էր դեպի պատերազմ<sup>1</sup>:

Ռուսաստանն ամեն ինչ անում էր, որպեսզի այդ տազնապալի պահին Ռուսներին մղեր չեզոքության: Բայց Բուխարեստը շարունակում էր չարձագանքել այդ հորդորներին, ուստի Պետերբուրգը սպառնաց պատժամիջոցներով և զորքեր կենտրոնացրեց Ռուսներին սահմանազուխներին:

Դա բավական եղավ ջլատելու ռուսական կառավարության կորովը: Ռուսաստանը մի ծանուցագրով Ռուսներին պահանջեց տեղից չչարժվել և պահպանել կատարյալ չեզոքություն, և եթե ռուսական զորքը մտնի Բուլղարիայի տարածք, այդ ժամանակ ռուսական զինված ուժերը հարկադրված կլինեն արշավելու այդ երկրի սահմանազուխներ<sup>2</sup>:

Թղթակից Հակոբ Սիրունին իր թերթին նաև հաղորդում էր, որ սեպտեմբերի 18-ին Կ. Պոլսից մի պատվիրակություն է հասել Բուխարեստ, որը Ռուսներին կառավարությանը հորդորել է միանալ Թուրքիային, բայց նա, ռուսական սպառնալիքից դրդված, պատասխանել էր, որ իրենց դիրքը կախված է Ավստրիայի և Գերմանիայի վճռից, բայց մինչև հիմա նրանք իրենց կարծիքը չեն հայտնել Բալկաններում հնարավոր պատերազմի մասին, ուստի և Ռուսներին պատրաստ չէ որևէ երկրի աջակցության խոստումներ տալու<sup>3</sup>:

---

<sup>1</sup> Տե՛ս *В. А. Жебокрицкий, Болгария накануне Балканских войн 1912-1913, Киев, 1960, էջ 232:*

<sup>2</sup> Տե՛ս «Ազատամարտ», № 1008, 24 սեպտեմբերի (5 հոկտեմբերի) 1912 թ.:

<sup>3</sup> Տե՛ս նույն տեղում:

## ՊԱՏԵՐԱԶՄԻ ՈՒՐՎԱԿԱՆԸ

Պատերազմի նախօրերին տեղի ունեցող անցքերին եվրոպական տերությունները առաջին պահին վերաբերվում էին բավական հանգիստ, որովհետև համոզված էին, որ սահմանադրական նոր ուժերի ապրող Թուրքիան, որը գերմանացի հրահանգիչների շնորհիվ ունի նաև վերակազմված բանակ, անկասկած կհաղթի իր հակառակորդ բալկանյան դաշնակիցներին, և այն ժամանակ անհրաժեշտ կլինի ջանք գործադրելու հաղթանակած Թուրքիայից վերջիններիս փրկելու և բալկանյան քրիստոնյաների լայնատարած կոտորածները կանխելու համար:

Գերմանական թերթերը գրում էին, որ բալկանյան պատերազմը սանձազերծվել է ուսական զաղտնի ցանկությունների համաձայն, ուստի Գերմանիան և Ավստրիան չեն կարող սլավոններին թույլ տալ ոչնչացնել Թուրքիան:

Սլավոն եղբայրների հանդեպ Ռուսաստանում, հիրավի, կար մեծ համակրանք, և այն աստիճանի, որ մինչև իսկ երկրի ազատական տարրերը, որոնք ընդհանրապես հակառակ էին արտաքին նվաճողական քաղաքականությունը, կողմնակից էին Թուրքիայի նկատմամբ ուսական ազգի զգացմունքները կոնկրետ գործողությունների վերածելու<sup>1</sup>:

Ռուսաստանում բռնկված համապլավոն բուռն շարժումը տազնապի էր մատնել ոչ միայն Եոյակ գինակցության երկրներին, այլև Ռուսաստանի դաշնակիցներ Անգլիային և Ֆրանսիային:

Բոլոր հինգ տերությունների կառավարությունները Պետերբուրգին հորդորում էին սլավոնամոլ հորձանքի առաջն առնել, քանի որ դա կարող էր պատճառ դառնալ համաեվրոպական պատերազմի:

«Ազատամարտը» գրում էր, որ չնայած Պետերբուրգի հավաստիացումներին՝ Թուրքիան վախ ուներ, թե Ռուսաստանը կարող է հարձակվում գործել Կ. Պոլսի ուղղությամբ, մանավանդ

---

<sup>1</sup> Տե՛ս «Ազատամարտ», № 1004, 20 սեպտեմբերի (3 հոկտեմբերի) 1912 թ.:

ուուս Հասարակութեան մի մասը Համառորեն դա էր պահանջում: Հասարակութեան այդ հատվածի տրամադրութիւնները առավել ցայտուն արտահայտիչը “Новое Время” թերթն էր, որը խիստ քննադատութեան էր ենթարկում արտագործնախարար Սերգեյ Սազոնովին՝ որպէս ծայրահեղ խաղաղասերի, և պահանջում էր անհապաղ պատերազմ հայտարարել «չարիքի պետութեանը»<sup>1</sup>:

«Դրութիւնը չափազանց լուրջ է, սլավոնական հոսանքը պետք է կանգնեցնել ինչ էլ որ լինի՝ ճանապարհը դեպի Մերձավոր Արևելք պետք է ազատ լինի», - այս էր ավստրիական և գերմանական մամուլի հրապարակումների կարգախոսը: Միջազգային խնդիրների գերմանացի տեսաբաններն զգուշացնում էին, որ բալկանյան կովից կարող է համաշխարհային հրդեհ ծագել, ուստի տվյալ պայմաններում Գերմանիայի առաջին խնդիրն է Տրիպոլիտանական պատերազմից անմիջապէս հետո Թուրքիային հաշտեցնել Իտալիայի հետ, որպեսզի միավորված Գերմանիան, Ավստրիան, Թուրքիան, Իտալիան և Ռումինիան կարողանան դիմակայել սլավոնների և նրանց համակիր եռակողմ համաձայնութեան պետութիւնների (Ռուսաստան, Անգլիա, Ֆրանսիա) միացյալ ուժին:

Գերմանիան և նրա դաշնակիցները համոզված էին, որ թեև ուուսական կառավարութեան մեջ տվյալ պահին պատերազմի միահամուռ կոչեր չեն հնչում, բայց երկրում սլավոնասեր հոսանքն այնքան ուժեղ է, որ այդ կառավարութիւնը չի կարող երկար ժամանակ դիմանալ նրա ճնշմանը:

Հիրավի, ոուսական կառավարութեան մեջ առանձնանում էր չափազանց զգուշ գործիչների մի փոքր խումբ՝ արտագործնախարար Սերգեյ Սազոնովի գլխավորութեամբ, որը դեմ էր Բալկաններում պատերազմի սանձազերծմանը:

«Ազատամարտը» հաղորդում էր, որ Սերգեյ Սազոնովը Լոնդոնում եղած ժամանակ այնտեղի բուլղար դեսպանին ասել է, թե Ռուսաստանը ոչ մի պատասխանատվութիւն չի ստանձնի, եթե Բուլղարիան որևէ գործողութիւն ձեռնարկի Թուրքիայի

---

<sup>1</sup> Տե՛ս «Ազատամարտ», № 1031, 17 (30) Հոկտեմբերի 1912 թ.:

դեմ<sup>1</sup>: Արտգործնախարարի այդ խոսքերը ցասումի իսկական փոթորիկ էին առաջացրել ռուսական աջ մամուլում՝ “Новое Время”-ի գլխավորությունը:

Սազոնովի տեսակետին, թեև ոչ բացահայտ, համակրում էր Նիկոլայ II ցարը, ուստի սլավոնասերների հարձակումներն ի վիճակի չեղան սասանելու արտգործնախարարի դիրքերը:

Ռուսական կառավարությունից զգուշավորությունը երկչոտություն դիտելով՝ բալկանյան սլավոնական կառավարությունները դժգոհում էին նրանից: Պետերբուրգին անհամաձայնություն էր հայտնում հատկապես բուլղարական մամուլը՝ քննադատության ենթարկելով առանձնապես արտգործնախարարի բռնած դիրքը: Աջ մամուլը միաժամանակ հիացմունք էր արտահայտում Ռուսաստանում կրկին թափ առած սլավոնասիրական շարժման և նրա ղեկավարների, ռուսական մամուլի գերակշիռ մասի վճռականության հանդեպ:

Բալկանյան դաշնության հիմնական ուժը և թուրքիայի ամենահետևողական թշնամին Բուլղարիան էր: Որպես մղձավանջ նա նստել էր օսմանյան պետության կոկորդին, որից ազատվելը հեշտ բան չէր: Բուլղարների համարձակությունն ու վճռակա-նությունը թելադրված էին ոչ միայն թուրքական բռնապետու-թյան դեմ դարերի ընթացքում նրանց մեջ ամբարված այրող ատելությունը, այլև նրանով, որ իրենց երկիրն ուներ ոչ միայն պաշտպանության, այլև հարձակողական գործողությունների նպաստավոր պայմաններ: Երկրի գրեթե ամբողջ հարթավայ-րային սահմանագիծը մի զանգվածային լեռնաշղթա էր, բնական մի պատնեշ՝ մի քանի միջանցքներով միայն: Այդ լեռնաշղթայի առջև փոված էր Արևելյան Ռումելիայի նահանգը՝ մի ընդարձակ գառիթափ:

Ի տարբերություն Բուլղարիայի՝ թուրքիայի բալկանյան տիրույթների աշխարհագրական պայմանները խիստ աննպաստ էին: Տերություն տնտեսական և մշակութային այդ ամենակարևոր հատվածներից մեկը նեղ ու երկարաձիգ երկրամաս էր՝

---

<sup>1</sup> Տե՛ս «Ազատամարտ», № 1001, 15 (28) սեպտեմբերի 1912 թ.:

ռազմական առումով թույլ պաշտպանված:

Եվրոպական Թուրքիան բաժանված էր 6 վիլայեթների՝ **Օդերինի** (էդիրնե, Ադրիանուպոլիս), որը ներառում էր ողջ Թրակիան, **Սուլուեի** (ներառում էր էգեյան Մակեդոնիան և Արևելյան Ռոդոպները), **Կոսովոյի** (Կոսովոն նրա գլխավոր քաղաք Ուսկյուբով (Սկոպլե) և Վարդարյան (Մակեդոնիան), **Մոնաստիրի** (ներկայումս՝ Բիտոլիա, որը գտնվում է Մակեդոնիայի և ալբանական հողերի միջև), **Շկոդրայի** (Թուրքերեն Իսկոդրա), որը համապատասխանում է ներկայիս Հյուսիսարևմտյան Ալբանիային, **Յոանխանայի** (Յանինա, Յանիյա), որը ներառում էր Հարավային Ալբանիան և էպիրոսը<sup>1</sup>:

Ռազմագետներից շատերը գտնում էին, որ Բալկանների բնական պայմանները որքան էլ աննպաստ են օսմանյան զորքի համար, բայց դրուժյունը Թուրքիայի համար բոլորովին հուսահատական չէ, որովհետև նա ունի բնակչության և զորքի թվական առավելություն: Նրանց կարծիքով, թուրքերը ուշադրություն արժանի միայն մի թշնամի ունեն՝ Բուլղարիան: Բալկանյան թերակղզու մակերևութային մեծ խոչընդոտների պատճառով հունական զորքերը ի վիճակի չեն լինի արագորեն միանալու բուլղար զորքին, հետևապես ուժերի մի փոքր թվով կարելի էր կասեցնել նրանց առաջխաղացումը և բուլղարներին զրկել օգնական ուժերից:

Ինչ վերաբերում էր սերբերին, ապա նրանք կարող էին հաջողություն ակնկալել, եթե ի վիճակի լինեին իրենց ուժերը միավորել բուլղարականին: Իսկ դա շատ դժվար չէր, եթե նկատի առնվեր, որ սերբ և բուլղար ժողովուրդները սլավոնամոլության այուններն էին Եվրոպայում, ինչպես նաև այն, որ երկու երկրները ուղղակի միացված էին երկաթգծով:

Բայց ոմանք կարծիք էին հայտնում, որ այդ երկու հանգամանքները դեռ բավական չեն մի քանի ամիսների ընթացքում նրանց միջև ստեղծված սերտ համագործակցությունը տևական ժամանակ պահելու համար: Սրանք գտնում էին, որ, միանալով

---

<sup>1</sup> *Տե՛ս Еджидио Иветич, Балканските Войн, էջ 37:*

բուլղարներին, սերբական զորքը պատերազմական գործողությունների ընթացքում անխուսափելիորեն կդառնա բուլղար զորքի մի մասը, կենթարկվի բուլղարական բանակի հրամանատարությունը թե՛ պատերազմի ժամանակ և թե՛ հաղթանակից հետո՝ ավարը բաժանելիս: Ռազմագետների այս տեսակետը վիճելի էր, քանզի Սերբիան Բալկաններում վարում էր սեփական քաղաքականություն, որը հաճախ հակառակ էր բուլղարականին: Սերբիայի քաղաքական հետաքրքրությունը գերազանցապես ուղղված էր Նովի Բազար սանջակի և Կոսովո վիլայեթի կողմը, որոնց վրա Բուլղարիան որևէ ազդեցություն չուներ:

Դեռևս 1912 թ. օգոստոսի սկզբներին կառավարությունը հանձնարարականով Բուլղարիայի քաղաքներում և այլ խոշոր համայնքներում հրավիրվեցին ժողովներ, որոնցում ընտրված չուրջ հազար պատգամավորներ մեկնեցին Սոֆիա՝ համաբուլղարական ժողովի: Նրանք այնտեղ կառավարությունը միահամուռ առաջարկեցին նախապատրաստվել պատերազմի՝ մակեդոնական եղբայր ժողովրդին թուրքական դարավոր լծից ազատագրելու համար:

Օգոստոսի 12-ին Սոֆիայում տեղի ունեցավ համազգային հսկա միտինգ, որը նախագահում էր նախկին զորավար Պրոտոզերովը: Նա կառավարությունը համարեց վախկոտ, քանի որ ձեռքի տակ ունենալով 400.000-անոց զորք՝ չի դիմում վճռական քայլերի Մակեդոնիայի եղբայր ժողովրդին ազատագրելու համար: Ինչպես Պրոտոզերովը, այնպես էլ նրան հաջորդած ելույթ ունեցողները դատապարտում էին Ֆերդինանդ ցարին Մակեդոնիայի նկատմամբ անտարբերության համար: Նրանցից ոմանք նույնիսկ առաջարկում էին հարձակվել զորանոցների վրա և զենքերը հափշտակելով՝ գնալ ու ազատագրել Մակեդոնիան:

Նույն ոգով արտահայտվեցին նաև ուրիշ ելույթ ունեցողներ, որոնց կոչերը միտինգի մասնակիցները ողջունում էին խլացուցիչ ծափերով: Հենց միտինգի ժամանակ կազմվեց կառավարությունն ուղղված բանաձևի տեքստ, որը ներառում էր երեք կետ. ա) Անմիջապես արտակարգ դրություն հայտարարել երկրում և բանակը պատրաստել պատերազմի, բ) Մեծ տերություն-

ներից պահանջել ճնշում գործադրել Թուրքիայի վրա՝ ինքնավարություն տալու Մակեդոնիային և էգիրների նահանգին, գ) եթե ամենակարճ ժամանակամիջոցում տերությունները չկատարեն այս պահանջը, կառավարությունը պարտավոր է հռչակել ազատագրական պատերազմ, այլապես անխուսափելի են սարսափելի ցնցումներն ամբողջ Բուլղարիայում՝ ողբերգական հետևանքներով:

Սոֆիայում տեղի ունեցող հանրահավաքներում հնչած կոչերը լայն արձագանք էին գտնում ողջ երկրով մեկ: Մեծաշոնիղ հավաքույթներում ժողովուրդը պատերազմ էր պահանջում: Բուլղարիայում ծավալված հակաթուրքական շարժումները ոգեշնչման նոր առիթ դարձան Մակեդոնիայի ազատագրական շարժման բուն մասնակիցների համար, է՛լ ավելի ակտիվացրին խափանարարական գործողությունները, իսկ թուրք-բուլղարական սահմանագծերին հաճախակի դարձան ընդհարումները. սահմանի տարբեր հատվածներում տեղի էին ունենում պահակազորքերի ուժգին բախումներ՝ երկուստեք ծանր հետևանքներով:

Սակայն ռազմական գիտությունն ոչ բոլոր ենթադրություններն էին ճշգրիտ ներկայացնում հնարավոր ռազմական գործողությունների ընդհանուր պատկերը հատկապես զինակցությունամբ մղվող պատերազմներում: Ամեն մի պատերազմ ընթանում է իրեն հատուկ կանոններով, այլ ոչ թե քաղաքական թեւադրությունների համաձայն: Խիստ հավանական էր, որ Սերբիան իր ռազմական ուժի առնվազն մի նշանակալի մասով սեփական պատերազմը մղեր Կոսովոյի վիլայեթում՝ շատ ավելի ցանկանալով միավորում փնտրել Չերնոգորիայի, քան Բուլղարիայի հետ: Եթե այդպես լիներ, ապա պատերազմի այդ երկրորդ թատերաբեմից հզոր վտանգ չէր սպառնա Թուրքիային: Այդ դեպքում հնարավորություն կատանար արագ և հանդուգն գործողություններով ջախջախելու Բուլղարիային, իսկ դա կկանխորոշեր ողջ պատերազմի ելքը:

Ռազմական տեսաբանները գտնում էին, որ հակառակ աշխարհագրական և այլ պայմանների աննպաստ հանգամանքներին՝ Թուրքիայի շանսերն այնքան էլ վատ չեն, եթե նա կարո-

դանա հրապարակ բերել ներքին ուժ և նյութական միջոցներ:

Հակառակ դեպքում Թուրքիան ստիպված պիտի լիներ սահմանափակվել պաշտպանողական մարտավարությունում, որը նրան կախման մեջ կդներ հակառակորդի շարժումներից և սպառնալիքներից:

1912 թ. սեպտեմբերի սկզբին Չերնոգորիայի Կոչանա և Բերանա բնակավայրերի Թուրքերը տեղի սլավոնների կոտորած էին սարքել, որն ավելի էր բորբոքել տեղի բնակչության հակաթուրքական տրամադրությունները՝ պատճառ դառնալով զինված ելույթների Թուրք-չերնոգորյան սահմանագծին:

Այդ դեպքից հետո բալկանյան զինակցությունները անդամները՝ Բուլղարիան, Սերբիան և Չերնոգորիան, համատեղ վերջնագիր ներկայացրին Թուրքական կառավարությունը, որով պահանջեցին վերջ տալ իրենց սահմանազուլաններում շարունակվող խժոժություններին, միաժամանակ կրկին ու կրկին առաջ քաշեցին Մակեդոնիային ինքնավարություն տալու և այն իրենց հովանավորությունը հանձնելու խնդիրը: Առաջադրված այդ պահանջներին զուգահեռ՝ նրանք նաև սկսեցին իրենց ուժերի զորաշարժը և կենտրոնացումը սահմանազուլաններին:

Սեպտեմբերի 15 (28)-ին Բուլղարիան պաշտոնապես շարժման մեջ դրեց իր զորքերը: Զինվորական զննաքններն անընդհատ զենք ու զինամթերք էին տեղափոխում բուլղարա-թուրքական սահմանագլուխ:

Արդեն մի քանի օր շարունակ ժողովուրդը սպասում էր իր կառավարությունից վճռական հայտարարությունը:

Վերջապես սեպտեմբերի 17 (30)-ին կառավարությունը երկար տևած նիստում ընդունվեց Բուլղարիայի ցարի ստորագրած մանիֆեստը: Նիստում ընդունվեցին նաև պատերազմական դրություն մասին հռչակագիրը և զորակոչի մասին հայտարարություն:

Ժողովուրդը ցնծությունը ընդունեց վաղուց սպասված լուրը: Նույն օրն իսկ Սոֆիայի փողոցներ դուրս եկան տասնյակ հազարավոր մարդիկ: Աղմկալից ցույցեր էին տեղի ունենում թագավորական պալատի և վարչապետությունից շենքի առջև, քաղաքի հրապարակներում ու գլխավոր փողոցներում: Բնակչությունն



ամենուրեք զինվորականների պատվին խանդավառ ցույցեր էր անում: Մինչև ուշ գիշեր ծովածալ բազմությունը ոգևորված հավաքվում էր նաև իտալական, հունական, սերբական, անգլիական դեսպանատների առջև: Հետևյալ մեկ-երկու օրերին ամբողջ Բուլղարիան պատրաստ էր հրամանի: Բուլղարահայ ակաճնատեսը, նկարագրելով պահը, գրում էր, որ, բացի մայրերից ու քույրերից, բոլոր տղամարդկանց դեմքերը փայլում էին ուրախությունից, կարծես հարսանիքի էին պատրաստվում<sup>1</sup>:

Այդ օրը զորահավաք հայտարարեց նաև Սերբիայի կառավարությունը: Ոգեչնչված էին մեծ թե փոքր: Բազմամարդ ցույցերն ու միտինգները, ծայր առնելով Բելգրադում, տարածվեցին երկրով մեկ:

Զորահավաք տեղի ունեցավ Չերնոգորիայում: Հունաստանը հայտարարեց ցամաքային ու ծովային ուժերի զորահավաք: Այդ երկրներում նույնպես տեղի էին ունենում աղմկալից ցույցեր, որոնք շարունակվում էին մինչև ուշ գիշեր:

Ոգևորության ալիքը տարածվել էր Մակեդոնիայում: Մակեդոնացիները երթեր էին կատարում ազգային ու բուլղարական դրոշներով, արտասանում էին կրակոտ ճառեր, թևածում էին մակեդոնական, բուլղարական, ռուսական ազգային երգեր:

Դրանից բացի՝ Ռուսաստանը գրեթե բալկանյան պետությունների հետ միաժամանակ Ավստրիայի սահմանագլխի լեհական տարածքում գտնվող իր գործերի մի մասը մարտական պատրաստության բերեց, որպեսզի ոգեչնչի բալկանյան սլավոներին՝ դիմելու համարձակ գործողությունների: Եթե Ավստրիան փորձեր արգելք հանդիսանալ բալկանյան սլավոն պետությունների գործողություններին, ապա ռուս զինվորները պետք է չարժան մեջ դրվեին<sup>2</sup>:

Հետևյալ օրը՝ սեպտեմբերի 18-ին, բուլղարական կառավարությունը կոչով դիմեց տարբեր երկրներում ապրող հայրենակիցներին՝ վերադառնալ հայրենիք և համալրել կովի պատրաստ

---

<sup>1</sup> Տե՛ս «Ազատամարտ», № 1008, 24 սեպտեմբերի (6 հոկտեմբերի) 1912 թ.:

<sup>2</sup> Տե՛ս «Ժամանակ», № 1388, 6–19 մարտի 1913 թ.:

գործամասերի շարքերը: Կոչը լայն արձագանք գտավ: Սեպտեմբերի 19-ին Ռուսինիայում գտնվող բուլղարահպատակները չողեկառքով մեկնեցին Հայրենիք: Նրանց մեջ կային նաև այլազգիներ՝ Հայեր, Հրեաներ, Հույներ և այլք: Սեպտեմբերի 20-ին Օդեսայից Հայրենիք մեկնեցին 3000 բուլղար տղամարդիկ: Նույն օրը Սոֆիայում հեռագիր ստացվեց, որ Ամերիկայից դեպի Հայրենիք են ուղևորվել 10.000 բուլղարներ<sup>1</sup>:

Բուլղարիայի օրինակին հետևեց Սերբիան: Քանի որ հազարավոր սերբեր աշխատում էին Ռուսաստանի տարբեր նահանգներում, ուստի, ստանալով ռուսական կողմի համաձայնությունը, Սերբիայի կառավարությունը կոչ հղեց նրանց՝ չտապվերադառնալ Հայրենիք<sup>2</sup>:

«Ազատամարտը» հաղորդում էր, որ միայն Մոսկվայում արդեն 22 հազար կամավորներ են անդամագրվել Բալկաններ մեկնելու համար: Իսկ “Русское Слово”-ն տեղեկացնում էր, որ նրանց թվում է նաև հայտնի գորավար Ռենենկամաֆը<sup>3</sup>:

Իրենց երկրներում պատերազմի տենդագին պատրաստություններ տեսնելով՝ չորս դաշնակիցները, պայմանավորվածության համաձայն, լուրջ աշխատանքներ էին տանում նաև թշնամու թիկունքում: Հատկապես եռուն գործունեություն էր ծավալվել Մակեդոնիայում՝ պատերազմը սկսվելուց անմիջապես հետո այնտեղ ապստամբություն առաջ բերելու համար: Այդ նպատակով գաղտնի ճանապարհներով Բուլղարիայից այնտեղ էր ուղարկվել 30 հազար հրացան, նույն Բուլղարիայից Մակեդոնիա էր թափանցել չորս տասնյակից ավելի պահեստի սպա՝ մակեդոնական ապստամբական խմբերի ստեղծումը ղեկավարելու համար: Օրինակ՝ նրանցից մեկը՝ Սանդանսկին, 1912 թ. ամռան վերջերին իր հրամանի տակ ուներ 6000 զինված մարտիկ<sup>4</sup>:

Նույնպիսի պատրաստություններ էին տեսնում նաև սլավոնական ուրիշ տարածքներում: Օրինակ՝ Նովի Բազարում

---

<sup>1</sup> Տե՛ս «Ազատամարտ», № 1008, 24 սեպտեմբերի (6 հոկտեմբերի) 1912 թ.:

<sup>2</sup> Տե՛ս նույն տեղում, № 1002, 16 (29) սեպտեմբերի 1912 թ.:

<sup>3</sup> Տե՛ս նույն տեղում:

<sup>4</sup> Տե՛ս նույն տեղում, № 1011, 27 սեպտեմբերի (10 հոկտեմբերի) 1912 թ.:

ապատամբությունն նախապատրաստմամբ զբաղված էր «Նարողնայա Օխրանա» («Ժողովրդի պահպան») կազմակերպությունը, որի կամավոր մարտիկները զինված էին Սերբիայից ուղարկված «Մաուզեր» տիպի հրացաններով և նոնակներով: Ծրագրված էր, որ պատերազմը սկսվելուց անմիջապես հետո Նովի Բազարի ապստամբների գործողությունները ղեկավարելու էր սերբ գնդապետ Ֆադիբը<sup>4</sup>:

Սեպտեմբերի 18 (31)-ի վաղ առավոտյան ամբողջ Պոլսում մեծ հուզում էին առաջացրել եվրոպական հեռագրական գործակալությունների այն լուրերը, թե Բուլղարիան վերջնազիր է ներկայացրել օսմանյան կառավարությունը, ինչպես նաև այն, որ Հունաստանը և Սերբիան միացել են Բուլղարիայի վերջնազիրն:

Թուրքիայի վարչապետի հանձնարարությունամբ առավոտյան ժամը 10-ին նախարարները հավաքվեցին արտակարգ նիստի: Ժողովուրդը խոնվել էր կառավարության շենքի առջև՝ սպասելով նիստի ավարտին և որոշմանը:

Նախարարների խորհրդի նիստը տևեց ութ ժամ՝ մինչև երեկոյան ժամը վեցը: Նիստից հետո առաջինը վարչապետարանից դուրս եկավ և մեկնեց ներքին գործերի նախարար Գանիչ բեյը, ապա՝ շեյխ-ուլ-իսլամը, որն իրեն դիմած լրագրողների հարցին պատասխանեց, թե պատերազմ չկա: Մյուս նախարարներն էլ հավաստեցին, թե պատերազմի մասին չրջանառված լուրերն անհիմն են: Հաջորդ օրվա առավոտյան նույնպիսի հայտարարություն արեց նաև արտգործնախարար Գաբրիել Նորատունկյանը, պատասխանելով «Ազատամարտ» թերթի խմբագրի տված հարցին, ասաց. «Մեր առած տեղեկություննց համաձայն նախարարական խորհուրդը իր երեկուան նիստին մեջ ամբողջությամբ զբաղած է պալքանեան տազնապին խնդրով, եւ օսմանեան ղեսպաններէ հասած տեղեկագիրներու ընթերցումէն ետք, խորհուրդը որոշած է օսմանեան ղեսպաններու միջոցաւ խիստ դիմում մը կատարել եւրոպական դահլիճներու մօտ՝ պալքանեան տէրութեանց եւ մասնաւորապէս Պուլկարիոյ գրգռիչ

---

<sup>4</sup> Տե՛ս «Ազատամարտ», № 1011, 27 սեպտեմբերի (10 հոկտեմբերի) 1912 թ.:

ընթացքին դէմ բողոքելու համար, ինչպէս նաև հրահանգ դրկուեցաւ Րումէլիի զինուորական հրամանատարութեանց պատրաստ գտնուիլ ամէն հաւանականութեան դէմ»<sup>1</sup>:

Չնայած Թուրքական իշխանություններն արտաքնապես ցույց էին տալիս, թէ արտակարգ ոչինչ չի պատահել, բայց Նույն օրն իսկ՝ սեպտեմբերի 18-ի կեսին, Մուհամմեդ Ռիչադ V սուլթանը նույնպէս զորահավաք հայտարարեց: Նույն ժամերին օսմանյան պառլամենտի նիստում մահմեդական պատգամավորները կառավարությունից պահանջեցին անհապաղ պատերազմ սկսել: Թուրք պատգամավորների շուրթերից թունդ հիշոցներ էին հնչում բալկանյան քառյակի երկրների և ընդհանրապես քրիստոնյաների հասցեին:

Կառավարութեան ներսում նույնպէս հնչում էին նախահարձակ լինելու անգուսպ կոչեր: Թուրքերը կարծում էին, թէ վերջապես եկել է ժամանակը ի դերև հանելու «ռուսական մեքենայությունները» և կյանքի կոչելու վաղուց երազած ծրագիրը, այն է՝ 1) Ամեն գնով վերացնել օտարների միջամտությունը օսմանյան գործերին, մեկընդմիջտ թոթափել եվրոպական հսկողությունը, 2) Թուրքացնել կայսրութեան ոչ Թուրք տարրը գորոցյան հանգույցը կտրելու միջոցով, այսինքն՝ կայսրությունը վնասագերծել առաջին հերթին «օտար» քրիստոնյաներից և «կարգի բերել սեփական երկիրը»: Անակնկալներով լի 1912 թվականի սեպտեմբերին Իթթիլաֆի կառավարութեան և Իթթիհադի կոմիտեի ջանքերով երկիրը գլորվում էր դեպի բալկանյան արշունակի պատերազմ:

Այսպիսով, դեռ Իտալիայի հետ պատերազմը չավարտած, Թուրքիան խիզախում էր մի նոր պատերազմի մեջ մտնել: Եթե նկատի առնենք, որ ընդամենը երկու տարի հետո՝ 1914 թ., նա մխրճվելու էր նաև ավերիչ համաշխարհային պատերազմի մեջ, ապա ստացվում է, որ ընդամենը երեք տարում Թուրքիան երեք անգամ պարզել է պատերազմի դրոշը:

Եվրոպական մեծամեծները միջոցներ էին փնտրում՝ «զսպելու» բալկանյան դաշինքի մասնակից երկրների կառավա-

---

<sup>1</sup> «Ազատամարտ», № 1003, 19 սեպտեմբերի (1 հոկտեմբերի) 1912 թ.:

րուլթյուններին, բայց... անօգուտ: Նրանք տասնամյակներ շարունակ թուրքական բարբարոս իշխանությունը թույլ էին տվել մահ ու ավեր տարածելու և անապատ դարձնելու քրիստոնյա ժողովուրդների հայրենիքները: Ոչ ոք չէր զսպել գազազած սուլթանի և թուրք փաշաների վայրագությունները: Եվ ահա, երբ բալկանյան ազգերը վերջապես միավորվել էին վրեժ լուծելու այդ ամենի համար, եվրոպական իշխանավորները աղաղակում էին. «Կահնգ առեք, թույլ չենք տա»:

Դարերով կուտակված զայրույթի փականն արդեն բացվել էր, և այլևս ոչ մի ուժ ի վիճակի չէր հետ պտտեցնելու այն:

Եվրոպական հասարակական կարծիքին ամենից շատ հետաքրքրում էր այն հարցը, թե թուրքերի դեմ սլավոնների հնարավոր պատերազմը արդյոք կմնա որպես տարածաշրջանային կռիվ, թե, դուրս գալով շրջանակներից, կվերափոխվի համաեվրոպականի: Իսկ այդպիսի վտանգ կարող էր առաջանալ, եթե մեծ տերություններից մեկը սկսեր օգնել պատերազմող կողմերից որևէ մեկին:

Պատերազմի վտանգը մոտենում էր արագորեն և իսկական մղձավանջ դառնում Եվրոպայի համար: Երկյուղում էին բոլորը՝ թե՛ պետական պաշտոնյաները, թե՛ զինվորականները, թե՛ աշխատավոր զանգվածը, թե՛ մտավորականները: Տագնապում էին քաղաքական ուժերը:

Սուլթանի կողմից գորահավաք հայտարարվելու օրը՝ սեպտեմբերի 18-ին, Թուրքիայի արտաքին գործերի նախարար Հայազն Գաբրիել Նորատունկյանը նախարարների խորհրդում հայտարարեց, որ թեև դրուլթյունը լուրջ է, բայց դեռ լիովին սպառված չեն պատերազմից խուսափելու հնարավորությունները: Իմանալով այդ մասին՝ նույն օրվա երեկոյան Կ. Պոլսում անգլիական դեսպանը հանդիպում ունեցավ Նորատունկյանի հետ: Երկու ժամ տևած խոսակցությունն անհամար և անհավասարակ նրանք քննարկում էին պատերազմից խուսափելու հնարավորության հարցը<sup>1</sup>: Ընդհանուր եզրակացությունն այն էր, որ պատերազմի

---

<sup>1</sup> Տե՛ս Արամ Անտոնեան, Պատկերազարդ ընդարձակ պատմություն պալքանեան պատերազմին, Կ. Պոլիս, 1912, էջ 429:

վտանգը կարելի է չեզոքացնել, եթե մեծ տերությունները Թուրքիայից հաստատ երաշխիքներ ձեռք բերեն և բալկանյան պետություններին վստահեցնեն, որ Մակեդոնիայում անհապաղ կատարվելու են բարենորոգումներ:

Անգլիայի դեսպանի հետ ունեցած զրույցի բովանդակության մասին Գաբրիել Նորատունկյանը գեկուցեց նախարարների խորհրդի՝ նույն օրը մինչև ուշ գիշեր տևած նիստում, բայց կառավարութունը մերժեց դեսպանի առաջարկը և հայտարարեց, որ չի հանդուրժի որևէ երկրի միջամտությունը կայսրության ներքին գործերին, այդ թվում՝ պատերազմի ու խաղաղության հարցում: Չի սկսի որևէ բանակցություն բարենորոգումների հարցի շուրջ այնքան ժամանակ, քանի դեռ բալկանյան պետությունները չեն արձակել իրենց բանակները:

Թուրքիայի մի ծայրից մյուսը հնչում էին սպառնալիքներով լի թշնամական աղաղակներ:

Բալկանյան ժողովուրդների հայրենասիրական ընդհանուր վերելքը ուժեղացրել էր պատերազմելու ցանկությունը նաև թուրքերի մեջ: Սրանք որպես թուրք ազգին հասցրած անարգանք էին դիտում բալկանյան պետությունների ընդհանուր զորահավաքը:

Սեպտեմբերի 19-ից Կ. Պոլսում սկսվեցին աննախընթաց ցույցեր, որոնց առաջին կազմակերպիչները եղան օսմանյան համալսարանի ուսանողները: Եթե այդ խանդավառ ու պատերազմաչունչ ուսանողական ցույցերի շարժիչ ուժը երիտասարդական ավյունն էր, ապա գոնե համալսարանական թուրք մտավորականութունը պետք է խորհեր պատերազմի ահավոր հետևանքների մասին: Բայց երիտասարդական հայրենասիրական այլքը ի չիք էր դարձնում սթափ դատելու նրանց կարողությունը<sup>1</sup>: Ուսանող ցուցարարներն ուղևորվեցին ռազմական նախարարություն, որի դիմացի հրապարակում արտասանում էին խանդավառ ճառեր: Նախարարության խորհրդական Ֆուադ բեյը, գոհունակություն հայտնելով ուսանողների ձեռ-

---

<sup>1</sup> Տե՛ս «Վերածնունդ» (Կ. Պոլիս), № 5, սեպտեմբեր, 1912, էջ 30:

նարկին, միաժամանակ հայտարարեց, թե կառավարությունն անթերի կկատարի իր պարտականությունը: Ապա համալսարանականները և նրանց միացած խառնամբուխը, դրոշներ բարձրացրած, անցան Պոլսի փողոցներով և ուղղվեցին կայսերական պալատ՝ ճանապարհին անընդհատ գոչելով՝ «Կորչե՛ն չանաք եալայճը\* բուլղարները», «Կեցցե՛ պատերազմը» և այլ կարգախոսներ: Երբ շարքերը մոտեցան Ելզըզ պալատին, սուլթանը մի պահ մոտեցավ պատուհանին և գոհունակություն հայտնեց, որ երկիրն ունի այդպիսի նվիրյալներ<sup>1</sup>: Այնուհետև ուսանողները Պեշիկթաշում հանդիպեցին վարչապետ Քեամիլ փաշային և արտգործնախարար Նորատունկյան էֆենդուն, որոնք գնում էին պալատ՝ շնորհավորելու սուլթանի ծննդյան տարեդարձը: Շրջապատելով նրանց կառքերը՝ ուսանողները սկսում են բարձրաձայնել՝ «Մենք պատերազմ ենք ուզում»: Մերունի վարչապետը մի քանի հուսադրող խոսք է ասում նրանց, որոնցից մի քանիսը, ի նշան երախտագիտության, բարձրանում են վարչապետի կառքը և համբուրում նրա ձեռքերը: Այդ ժամանակ վրա է հասնում ներքին գործերի նախկին նախարար Թալեաթ բեյը, որին ուսանողները դիմավորում են համակրական աղմուկով և «Կեցցե՛ Իթթիհաղը» բացականչություններով<sup>2</sup>: Իթթիհաղական վարչապետ Սայիդ փաշայի անկումից ի վեր առաջին անգամ էր, որ Իթթիհաղը արժանանում էր խանդավառ ընդունելության:

Դեպի համալսարան վերադարձին ուսանողներն անցնում են Բերայով և բուռն ու աղմկալից ցույցեր անում բալկանյան պետությունների դեսպանատների առջև, քարկոծում ու ջարդում են շենքերի ապակիներն ու դռները: Դրանից հետո անցնում են մայրաքաղաքի կենտրոն և կանգ առնում կառավարության պաշտոնաթերթի՝ «Իզդամի» խմբագրության առջև: Դուրս գալով պատշգամբ՝ թերթի խմբագրապետ Ալի Քեմալ բեյը ցուցաբարներին դիմում է ոգեշունչ խոսքերով: «Մենք այսօր պետք է

---

\* Թուրքերեն - պնակալեզ:

<sup>1</sup> Տե՛ս Արամ Անտոնեան, նշվ. աշխ., էջ 431:

<sup>2</sup> Տե՛ս նույն տեղում:

ուրախանանք,- ասում է նա,- որ մեր դեմ ելնողը մեկ թշնամի է, երկուսը է, այլ չորս թշնամի»: Այս խոսքերն ընդունվում են բուռն ծափահարություններով: Ոմանք գոռում էին. «Եթե մեր դիմաց տասը թշնամի, քսան թշնամի ունենայինք, ավելի գոհ կլինեինք»<sup>1</sup>: Վերջում համալսարանականները ևս մեկ ցույց են անում Պապը Ալիի առջև և ցրվում՝ պայմանավորվելով հանդիպել Բուլղարիայի մայրաքաղաք Սոֆիայում<sup>2</sup>:

Արամ Անտոնյանը գրում էր. «Երբ համալսարանականներն այս մտայնութիւնը ունեին, ի՞նչ կրնային ըլլալ հասարակ, ուսմիկ ու մոլեռանդ ժողովուրդին սնուցած զգացումները»<sup>3</sup>:

Հանրային բորբոքված կրքերը մեղմելու նպատակով արտգործնախարար Նորատունկյանը պատերազմի նախօրեին մի օտար թղթակցի շտապեց հայտարարել հետևյալը. «Այս պատերազմը շատ կատաղի պիտի ըլլայ, բայց մեր կողմէ ամէն բան պիտի ընենք որպէսզի վայրագ չդառնայ. պիտի կռուինք քաղաքակիրթ ժողովուրդներու պէս, և եթէ թշնամի երկիր մտնենք, օտար տուն մը գտնուող հիւրերու վարմունքը պիտի ունենանք: Եվրոպա կրնայ ապահով ըլլալ, որ ջարդ չպիտի տեղի ունենայ թշնամի երկրի մեջ»<sup>4</sup>:

Պատերազմը սկսելուն վճռականապես դեմ էին եվրոպական և ռուսական սոցիալիստական շարժման ներկայացուցիչները: Սոցիալիստական կուսակցությունների ղեկավար մարմինները դիմումներ էին հղում «բուլղար, սերբ, մակեդոնացի և հայ ընկերներին», նրանց կոչ անում հանդես գալ Բալկաններում, մանավանդ թուրքական Ասիայում խլրտումների առաջացման դեմ, դրանով իսկ խափանել բալկանյան «խճողված խնդիրներին» իմպերիալիստական կառավարությունների զինու զորությունը միջամտությունը:

Բուլղարիայի սոցիալիստները Սոֆիայում ցույցի էին դուրս եկել «Կորչի պատերազմի կուսակցությունը», «Մենք ոչ մի պա-

---

<sup>1</sup> Տե՛ս Արամ Անտոնյան, նշվ. աշխ., էջ 433:

<sup>2</sup> Տե՛ս նույն տեղում, էջ 434:

<sup>3</sup> Տե՛ս նույն տեղում:

<sup>4</sup> Նույն տեղում:



տերազմ չենք ուզում» և նմանօրինակ այլ կոչերով ու լոզունգներով: Սոցիալիստների այդ մեծ հավաքն առաջ բերեց պատերազմի կողմնակիցների խիստ հակազդեցությունը: Բազմաթիվ ուսանողներ ու նրանց համակիրներ չրջապատեցին ցուցարարներին, տեղի ունեցավ կատաղի ընդհարում, որը արյունոտ հետևանք ունեցավ: Պատերազմի հակառակորդները դիմեցին իրենց մոտ եղած ձեռնափայտերի օգնությունը, որն առաջ բերեց հակառակ կողմի ուժգին հակազդեցությունը: Կատաղի իրարանցումի ժամանակ սպանվեց սոցիալիստների ղեկավարներից մեկը: Ոստիկանությունը ստիպված զենքի դիմեց և մեծ դժվարություններ իրարից բաժանեց հակառակորդներին: Բազմաթիվ ցուցարարներ, որոնք դիմադրել էին ոստիկաններին, ձերբակալվեցին<sup>1</sup>:

Սերբիայի սոցիալիստական կուսակցությունը նախաձեռնել էր հրավիրել բալկանյան սոցիալիստների համաժողով, որին պետք է մասնակցեին Սերբիայի, Բուլղարիայի, Ռումինիայի և Թուրքիայի սոցիալիստական բոլոր կուսակցությունները: ՀՅ դաշնակցությունը նույնպես տվել էր իր համաձայնությունը այդ հրավերին՝ պայմանով, որ համագումարը տեղի ունենա օսմանյան մայրաքաղաքում: Առաջարկությունն ընդունվել էր, և այդ նպատակով Սերբիայի ու Ռումինիայի ներկայացուցիչները եկել էին Պոլիս և դիմել Բ. Դուանը՝ համաժողովի գումարմանը նպաստելու խնդրանքով: Կառավարությունը, սակայն, հարմար չէր գտել այդպիսի համաժողովի անցկացումը կայսրություն մայրաքաղաքում:

Դրանից հետո վերոհիշյալ երկրների սոցիալիստական կուսակցությունների ներկայացուցիչները պատրաստեցին Բալկանների և Թուրքիայի ժողովուրդներին ուղղված մի կոչ՝ հակապատերազմական բովանդակությամբ: ՀՅ դաշնակցությունը նույնպես ստորագրեց կոչը, որի հայերեն թարգմանությունը լույս տեսավ նրա պաշտոնական օրգան «Ազատամարտ» թերթում<sup>2</sup>:

---

<sup>1</sup> Տե՛ս «Ազատամարտ», № 1011, 27 սեպտեմբերի (10 Հոկտեմբերի) 1912 թ.:

<sup>2</sup> Տե՛ս նույն տեղում, № 1014, 30 սեպտեմբերի (13 Հոկտեմբերի) 1912 թ.:

Ավելին, ինչպես վկայում էր Ռուբեն Բերբերյանը, եվրոպական թերթերից մեկը մինչև իսկ գտնում էր, որ «ամենաարդար հարցերն իսկ, որպիսին է Հայկական հարցը, պետք չէ պատճառ դառնայ մեծ պետութիւնների միջև համաերոպական պատերազմի»<sup>1</sup>:

Բերբերյանը նշում էր, որ այդ տեսակետից թուրքահայ հեղափոխական գործը, բացի արդեն Հայտնի ներքին ու արտաքին խոչընդոտներից, տեսնում էր մի նոր բարոյական պատենչ: «Նրա անկեղծ բարեկամները խորհուրդ էին տալիս Հայ յեղափոխական կուսակցութիւններին չառնել իրենց վրայ համաերոպական պատերազմը հրկիզողների դերը: Հայ յեղափոխական զաղափարի համար դա մի նոր (ո՛չ առաջին և ո՛չ վերջին) հարուած էր»<sup>2</sup>:

Բայց համաեվրոպական պատերազմից սարսափած տերութիւնները չկարողացան բեկել իրադարձութիւնների ընթացքը: Բալկաններից փչող քամիներն արդեն տարածում էին վառողի հոտը: Բալկաններում հրդեհ բռնկվելուց հետո ոչ ոք չէր կարող երաշխավորել, թե նրա կայծերը մինչև ուր էին հասնելու, ոչ ոք չէր կարող պնդել, թե այդ կայծերը չէին ընկնելու եվրոպական երկրների վառողի մեծ պահեստների վրա՝ առաջ բերելով աշխարհաստան ավեր ու սարսափ:

Այս մտահոգութեամբ մեծ տերութիւնները հանդես եկան հատուկ հայտարարագրով, որով խոր անհանգստութեամբ բալկանյան պետութիւններին կոչ էին անում հետ կանգնելու վտանգավոր ճանապարհից: Հայտարարութեան հիմնական իմաստն այն էր, որ հնարավոր պատերազմում բալկանյան պետութիւնների հաղթութեան դեպքում նույնիսկ չի փոխվելու իրերի status quo-ն, և նվաճված երկրամասերը վերադարձվելու էին Թուրքիային: Այդ ուղղութեամբ ամենից բարձր աղաղակում էր ավստրո-հունգարական կառավարութիւնը:

Բայց տերութիւնների «խաղաղարար» ջանքերն ապարդ-

---

<sup>1</sup> Տե՛ս «Մշակ», № 227, 13 Հոկտեմբերի 1912 թ.:

<sup>2</sup> Տե՛ս «Հայրենիք», № 6 (210), ապրիլ, 1940, էջ 62:

յուն անցան: Բուլղարական կառավարությունը, որին լիազորել էին Բալկանյան դաշինքի մյուս երեք երկրները, իր գրավոր պատասխանում հասկացնել տվեց, թե ինքն անկարող է դեպքերի առաջն առնելու<sup>1</sup>:

Բայց դրանից հետո էլ հատկապես Բուլղարիայի վրա դիվանագիտական կոշտ ճնշումները չէին դադարում:

Այսպես, սեպտեմբերի 22-ին (հոկտեմբերի 4-ին) իր կառավարության անունից Սոֆիայում ֆրանսիական դեսպանը խիստ դիմում հղեց Բուլղարիայի կառավարությանը՝ առաջարկելով անմիջապես ցրել օրերս զորակոչի ենթարկված ուժերը: Գեշովը դեսպանին վճռականապես հայտարարեց, թե իրեն ներկայացրած դիմումն անընդունելի է Բուլղարիայի համար: Նա հիշեցրեց, որ իր երկիրը տարիներ շարունակ մեծ պետություններին խնդրել է ազդել Թուրքիայի վրա՝ վերջ տալու չզադարող բռնություններին Մակեդոնիայում, բայց բոլոր դիմումներն անհետևանք են մնացել: Հետևապես Բուլղարիան այժմ չի կարող հետ կանգնել իր մեկնարկած ընթացքից<sup>2</sup>:

Բալկանյան քառյակը՝ հանձին Բուլղարիայի կառավարության, վերջնագիր ներկայացրեց Թուրքիային՝ առաջադրելով հետևյալ պահանջները. 1) ազգային ինքնավարություն տալ Օսմանյան կայսրության մեջ ապրող բոլոր ազգերին, 2) օսմանյան պառլամենտում բոլոր ազգերից ունենալ համամասնական ներկայացուցչություն, 3) քրիստոնեաբնակ նահանգներում քրիստոնյաներին թույլ տալ ստանձնել հասարակական և պետական ամեն տեսակ պաշտոններ, 4) քրիստոնյաների բոլոր տեսակի դպրոցների իրավունքները հավասար ճանաչել թուրքական դպրոցներին վերապահված իրավունքներին, 5) Բ. Դուռը պիտի հրաժարվի քրիստոնյաների թուրքացման փորձերից և քրիստոնեաբնակ նահանգները թուրք գաղթականներով բնակեցնելու քաղաքականությունից, 6) քրիստոնյա զորակոչիկների համար պետք է կազմվեն առանձին զորամասեր, իսկ մինչ այդ պահան-

---

<sup>1</sup> Տե՛ս «Ազատամարտ», № 1011, 27 սեպտեմբերի (10 հոկտեմբերի) 1912 թ.:

<sup>2</sup> Տե՛ս նույն տեղում, № 106, 22 սեպտեմբերի (4 հոկտեմբերի) 1912 թ.:

ջի իրականացումը դադարեցնել նրանց զինվորագրությունը, 7) վերականգնվողը Թուրքիայի եվրոպական վիլայեթների ժանդարմերիան՝ չվեյցարական կամ բելգիական հրահանգիչների փաստական ղեկավարությունը, 8) քրիստոնեաբնակ վիլայեթներում նշանակել չվեյցարական կամ բելգիական զենքալ-նահանգապետներ, որոնք պետք է հաստատվեն մեծ պետությունների կողմից. նույն վիլայեթներում ստեղծել բնակչության կողմից ընտրված խորհուրդներ, 9) Մեծ Վեզիրատին կից հիմնել բարձրագույն խորհուրդներ հավասար թվով մահմեդականներից ու քրիստոնյաներից՝ սույն բարենորոգումների ծրագրի իրագործումը հսկելու համար, իսկ մեծ պետությունների և բալկանյան չորս պետությունների դեսպանները իրենց հերթին պետք է հսկեն այդ խորհուրդների գործունեությունը:

Ներկայացնելով այս պահանջները՝ բուլղարական կառավարությունը հույս էր հայտնում, որ Բ. Դուռը դրանք կիրականացնի վեց ամսվա ընթացքում և, իբրև համաձայնություն նշան, անմիջապես հրաման կարձակի զորահավաք չկատարելու, պահեստի զինվորներին հանգիստ ձգելու մասին<sup>1</sup>:

Ինչպես տեսնում ենք, չորս պետությունների պահանջները վերաբերում էին ոչ միայն բալկանյան, այլև Թուրքիայի քրիստոնեաբնակ բոլոր, այդ թվում հայկական նահանգներին:

Իսկ Թուրքիան չէր մտածում բալկանյան չորս պետությունների ներկայացրած պահանջներից որևէ մեկն անգամ ընդունելու մասին: Նա նախընտրեց բալկանյան պատերազմ սկսել, քան գործադրել Բեուլինի դաշնագրի՝ Մակեդոնիային վերաբերող 23-րդ և Հայաստանին վերաբերող 61-րդ հոդվածների գոնե տրամադրությունները:

Բեուլինի 1878 թ. կոնգրեսին հաջորդած ավելի քան երեք տասնամյակների ընթացքում Եվրոպան սուլթան Համիդին հորդորել էր Բալկաններում անցկացնել բարենորոգումներ, բայց նա մշտապես մերժել էր բոլոր առաջարկությունները՝ պատճառաբանելով, թե դրանք կարող են պատուհաս դառնալ կայսրության գլխին:

---

<sup>1</sup> «Հայրենիք», № 6 (210), ապրիլ, 1940, էջ 62:

1908 թ. օսմանյան Հեղափոխություն արդյունքում իշխանություն եկած երիտթուրքերը նույնպես Բալկաններում բարենորոգումներ կատարելը վճռականապես մերժեցին՝ այն կայսրություն համար համարելով կործանարար: Իթթիհադը չդարձավ այն կենսունակ ուժը, որը կարողանար ներքնապես վերանորոգել երկիրը<sup>1</sup>, գրում էր «Ազատամարտը»:

Եվրոպայից հնչող կոչերին արձագանքում էին միայն թուրքական մամուլի մեկ-երկու օրգաններ, հատկապես Կ. Պոլսի «Թանգիմաթ» թերթը, որը հանդես էր գալիս Բալկանյան նահանգները բարեկարգելու պահանջով: Բայց թերթերի մեծ մասը շարունակում էր կառչած մնալ այն տեսակետին, թե կայսրություն եվրոպական մասում բարենորոգում կատարելու որևէ փորձ կարող է փորձանք դառնալ պետություն գլխին:

Մամուլի այդ օրգաններից հատկապես առանձնանում էր իթթիհադական «Թանհինը», որը, տարված հակաքաղաքակրթական մոլուցքով և իսպառ կորցրած ներքին հավասարակշռությունը, մեկը մյուսի հետևից հրապարակ էր հանում հողվածներ, որոնցով փորձում էր ապացուցել, թե կայսրության հողային ամբողջությունը պահպանելու համար, բացի պատերազմից, փրկություն ուրիշ միջոց չկա, և որ պետություն արժանապատվություն առումով որևէ զիջում աններելի է:

Թուրքական համարյա ողջ մամուլը պատերազմ էր պահանջում: «Թանհինը» գրում էր. «Կամ կհաղթենք, կամ կձգենք Ռումելին»: Սեպտեմբերի 21-ին նույն թերթը հրապարակել էր հողված, ուր կային այսպիսի տողեր. «Ուտնահետքերիս ամեն մի մասից արյուն պետք է ժայթքի՛», «Սվինովս վարդաստանները պետք է մեռելաստան դարձնեն», «Գլխությունը պետք է կախեն յաթաղանիս ծայրին, իմաստությունը՝ հրազենիս փամփուշտին, իսկ քաղաքակրթությունը՝ նժույգիս հետևի պայտին»<sup>2</sup>:

«Թանհինից» հետ չէին մնում նաև իթթիլաֆական մամուլի օրգանները: Պատերազմական կրքերը բորբոքելու համար

---

<sup>1</sup> Տե՛ս «Ազատամարտ», № 1014, 30 սեպտեմբերի (13 Հոկտեմբերի) 1912 թ.:

<sup>2</sup> Տե՛ս նույն տեղում, № 1005, 21 սեպտեմբերի (4 Հոկտեմբերի) 1912 թ.:

նրանք մեկը մյուսի հետևից հրատարակում էին կեղծ նամակներ ու հոդվածներ՝ բուլղարների կողմից իրենց երկրում բնակվող թուրքերի դեմ իրականացվող հնարովի բռնությունների մասին, գրում էին, թե քրիստոնյա բուլղարները իբր մզկիթները վերածում են եկեղեցիների, բռնաբարում թուրք կանանց ու աղջիկներին, գանակոծում են մահամեղական կրոնավորներին: Թուրքական մամուլի գրգռիչ հոդվածները փողոցներ և հրապարակներ էին հանում հազարավոր ցուցարարների:

Կ. Պոլսում էլ ավելի մեծ հանրահավաքներ և ցույցեր տեղի ունեցան երկու օր հետո՝ սեպտեմբերի 21-ին: Այդ օրը Սուլթան Ահմեդ մզկիթի ընդարձակ հրապարակում առանձին-առանձին հանրահավաքներ կազմակերպեցին Իթիթիլաֆն ու Իթիթիհադը:

Իթիթիլաֆի հանրահավաքը սկսվեց առավոտյան ժամը 10-ին խառնամբուխի մասնակցությամբ: Անթիվ դրոշակներով ու «Կեցցե՛ պատերազմը», «Պատերազմ ենք ուզում», «Կորչի՛ Բուլղարիան», «Թույլ չենք տա, որ Մակեդոնիան հանձնվի թշնամուն» և այլ կարգախոսներով ցուցարարներն այլևս ունեցան էին հրապարակը: Առավոտյան հավաքվել էր շուրջ 30 հազար մարդ, բայց կեսօրին նրանց թիվը հասավ ավելի քան 100.000-ի: Հավաքվածները, որոնց թվում քիչ չէին հայերը, «Օսմանյան հայրենիքն անարգված» համարելով, պահանջում էին շուտափույթ պատերազմ հայտարարել՝ «ճգմելու համար օձերի գլուխները»: Փուռը փաշայի բացման ճառից անմիջապես հետո խոսք առավ «Սաբահ» թերթի խմբագրապետ Տիրան էֆ. Քելեկյանը և, պատերազմի փառաբանություն անելով, հայտարարեց, թե միայն այդ կերպ կարելի կլինի հանդարտություն ստեղծել Բալկաններում, թե «Օսմ[անյան] սահմանագլուխը պետք է լինի Դանուբը»: Այդ պահին նրա մոտ բերեցին զինվորական համազգեստով և փայտե փոքրիկ հրացանով ութ տարեկան մի թուրք տղայի: Ցույց տալով մանուկին՝ Քելեկյանը դիմեց միտինգավորներին այս խոսքերով. «Հայրենակիցներ՛ր, ահա օսմանցի զինուորին մարմնացումը. ես անոր մէջ կը տեսնեմ ամբողջ բանակին հոգին, և ի նշան այն խոր յարգանքին զոր կը տածեմ բանակին նկատմամբ, կը համբուրեմ զայն»: Վերջում մեկ անգամ էլ պատերազմի կոչ ուղղելով՝ նա ասաց. «Ռումելիի մէջ նահատա-

կուած մեր նախահայրերուն հոգիները վրէժի կը կանչեն մեզ»<sup>1</sup>:

էոմեր Նաջի բեյը, դիմելով մագնիսացած ամբոխին և ցույց տալով բեմում ամրացված դրոշակը, գոչում էր. «Պու օսմանլը շանլը պայրաղը պիր գաչ կյունտեն Սոֆիատա, Աթինատա, Պելկրատա, Չելթինետե բեքզ իտենճեիդ»<sup>\*</sup>:

Հաջորդ ելույթ ունեցողները տարակույս անգամ չունեին, որ բալկանյան գորքին ջախջախելու են առավելագույնը 10 օրում: Իսմայիլ բեյ. «Օսմանցիները կամ 30 միլիոն գերեզմաններ պիտի ձգեն և կամ բալկանյան պետութունների գլուխները ճզմելով դրանք պետք է ցույց տան Եվրոպային»: Ալի Քեմալ բեյ. «Թ՛չնամին մեկը չէ, այլ չորսը: Մենք դրա համար պարծենում ենք, որովհետև ոչ թե հազարների, այլ միլիոնների դեմ պատերազմելուն ենք վարժված: Տասնչորս տարի առաջ ինչպես որ ջախջախեցինք հույներին, հիմա էլ նույնը պիտի անենք»<sup>2</sup> և այլն:

Իհարկե եղան եզակի թուրքեր, որոնք, ելույթ ունենալով, չափավոր էին: Նրանցից էր Դերվիշ Հիմա բեյը, որն իր ճառում ասաց. «Այս պատերազմը, որ կմղվի բալկանեան պետութիւնների դեմ, կրոնական պատերազմ չէ, այլ զուտ հայրենիքի ու հայրենասիրութեան պատերազմ է: Մեր երկրի բնակչութիւնը խառն է. իսլամ թէ քրիստոնեա, ապրում ենք մեկ դրոշի տակ, մեկ դրոշով ենք պարծենում և մահիկն ամենքիս համար նվիրական է հավասարապես: Մեզ իրարից թող բաժանեն միայն աղոթատեղիները: Իսլամը թող իր մզկիթը գնա, քրիստոնեան՝ իր եկեղեցին: Մենք բոլորս սրտով, զգացումով, անձնվիրութեամբ մեկ ենք և մեկ պիտի մնանք իբրև միևնոյն հայրենիքի զավակներ, միևնոյն հողի տերը և միևնոյն երկրի պաշտպանը»<sup>3</sup>: Կ. Պոլսի քրիստոնյաները, մասնավորաբար հայերը երախտագիտութեան զգացումով ընդունեցին Դերվիշ Հիմա բեյի խոսքերը:

---

<sup>1</sup> Արամ Անտոնեան, նշվ. աշխ., էջ 435:

<sup>\*</sup> «Այս օսմանյան փառապանծ դրոշը մի քանի օրում մենք բարձրացնելու ենք Սոֆիայի, Աթենքի, Բելգրադի, Յետինեի վրա» («Հայրենիք», № 12, հոկտեմբեր, 1924, էջ 122):

<sup>2</sup> Արամ Անտոնեան, նշվ. աշխ., էջ 436:

<sup>3</sup> Նույն տեղում, էջ 436-437:

Ելույթներից հետո ընդունվեց բանաձև, որով կառավարությանը պահանջ առաջադրվեց պատերազմ հայտարարել բալկանյան պետություններին: Հանրահավաքի մասնակիցները թափոր կազմած անցան մայրաքաղաքի փողոցներով՝ բարձրաձայնելով պատերազմական կոչեր, ապա ցույցեր կատարեցին օտար պետությունների հյուպատոսարանների առջև և համակրանքի արտահայտություններ՝ Թուրքիային բարեկամ պետությունների դեսպանատների մոտ:

Նույն օրը՝ սեպտեմբերի 21-ի երկրորդ կեսից հետո, Սուլթան Ահմեդի ընդարձակ հրապարակում շոնդալից միտինգ կազմակերպեց Իթթիհադի կոմիտեն: Հավաքին մասնակցում էր ավելի քան 50 հազար մարդ՝ հիմնականում երիտասարդներ: Նախագահում էր Թալեաթ բեյը: Նրա բացման խոսքից հետո հաջորդաբար ելույթներ ունեցան Հասան Ֆեհմին (արաբ գործիչ), Ջեմալեդդին Արիֆ բեյը (փաստաբանների ընկերության նախագահ), Ուբահդուլահը (քուրդ գործիչ), էմանուելիտինը (պառլամենտի նախկին հույն պատգամավոր), Յուսուֆ Աքչուրան (թաթար գործիչ, թուրքականության տեսաբան), Նեսիմ Մազլիսոհը (պառլամենտի նախորդ հրեա պատգամավոր), էոմիր Նաջին (իթթիհադական նշանավոր գործիչ): Վերջինս կարճ, բայց հուզախառն ճառով ոգևորում ու հրահրում էր ծովածալ ամբոխին՝ կոչ անելով «գնալ ու կոխկրճել անարժան ցեղերին»: Վերջում նա բազմությունը կոչ արեց շարժվել դեպի Ֆաթիհի գերեզմանը և այնտեղ ուխտել իր վրեժը: Հայերից ելույթներ ունեցան Հակոբ էֆ. Բոյաջյանը (նախորդ պառլամենտի պատգամավոր Ռոդոսթոյից) և դոկտ. Փաշայանը (ՀՅ դաշնակցության կողմից): Բոյաջյանի ելույթը խիստ ռազմաչունչ էր, որն ընդունվեց հավանության բացականչություններով<sup>1</sup>: Իսկ երբ Թալեաթը ձայնը տվեց դոկտ. Փաշայանին, միաժամանակ նրան ուղղեց մի քանի շոյիչ խոսքեր: «Ազատամարտը» գրում էր. «Թալեաթ բեյ բունն ծափերու մէջ ներկայացուց Տօքթ. Փա-

---

<sup>1</sup> Արամ Անտոնեան, Պատկերազարդ ընդարձակ պատմություն պալքահեան պատերազմին, էջ 438, 439:



չաեանը՝ իբր Դաշնակցութեան ներկայացուցիչ»:

«Պատիւ ունիմ, ըսաւ Տօրթ. Փաշաեան սկսելով իր թուրքերէն ճառը, մասնակցիլ այս միթինկին յանուն Հ. Յ. Դաշնակցութեան, այն կուսակցութեան՝ որ իր վրայ մարմնացուցած է եղեր Հայութեան վիշտն ու տառապանքը, ազգի մը՝ որ իր երեք հարիւր հազար զոհերով աշխատած է ապահովելու փրկութիւն մը այս հայրենիքին համար, եւ որ, տակաւին, պատրաստ է իր հայրենասիրական պարտքը կատարելու ամէն անգամ՝ երբ այս դժբախտ հայրենիքն ու սահմանադրութիւնը վտանգի տակ են:

Հ. Յ. Դաշնակցութիւնը առ հասարակ դէմ է պատերազմին, որ ժողովուրդը կ'ենթարկէ թշուառութեան եւ կարօտութեան: Սակայն Հ. Յ. Դաշնակցութիւնը չի կրնար իր համամտութիւնը չյայտնել պայքարի մը, որ նպատակ ունի պաշտպանելու հայրենիքը դուրսէն եկող յարձակումներուն դէմ:

Բայց ինչ որ մեզ կը շահագրգռէ ամէնէն աւելի, այն ալ սա կէտն է թէ հայրենիքը, մանաւանդ տազնապի ներկայ օրերուն, պէտք ունի ներքին անդորրութեան, եւ ահա այդ բանին համար է որ մենք, Դաշնակցականներս, կը հրաւիրենք բոլոր օսմանցիները՝ առանց ցեղի եւ կուսակցութիւններու խտրութեան՝ ձեռք ձեռքի տուած աշխատելու ներքին անդորրութեան պահպանման»:

Ընկեր Փաշաեան իր ճառը վերջացուց բուն ծափերու մէջ<sup>1</sup>:

Բոլոր հրահրիչ ելույթների իմաստն այն էր, որ օսմանյան ցեղը, որը, վեց հարյուր տարի շարունակ հաղթանակից հաղթանակ գնալով, կերտել է իր դյուցազնական պատմությունը, հիմա անկասելի պիտի գնա Սոֆիայի և Բելգրադի վրա: «Պիտի կովենք մինչև վերջին շունչը, որպեսզի օսմանյան փառապանծ դրոշը կրկին փառավորվի»:

Ինչպես տեսնում ենք, ելույթ ունեցողների ցուցակն այնպես էր կազմվել, որ նրանք ներկայացնեին կայսրության բոլոր գլխավոր ազգերը: Ըստ որում, հայերին տրվել էր երկու ձայն:

Հանրահավաքի վերջում Թալեաթը ընդհանուր խանդավա-

---

<sup>1</sup> «Ազատամարտ», № 1006, 22 սեպտեմբերի (5 հոկտեմբերի) 1912 թ.:

ուրթյան մեջ կարդաց հետևյալ բանաձևը.

«Այսօր Սուլթան Ահմէտի հրապարակին վրայ հաւաքուած ամէն ցեղի եւ կուսակցութեան պատկանող ժողովուրդը. լսելէ ետք զանազան ատենախոսներ՝ որոնք ցոյց տուին ազգին եւ կառավարութեան բռնելիք ընթացքը հանդէպ պատերազմով սպառնացող պալքանեան տէրութեանց՝ կու տայ հետեւեալ որոշումները.

Ա. Արտաքին վտանգին դէմ բոլոր Օսմանացիները միացած են.

Բ. Ամէն Օսմանցի՝ որ կուսակցութեան եւ որ ցեղին ալ պատկանի՝ կողմնակից է կառավարութեան, որ կը պաշտպանէ Հայրենիքի շահերը ընդդէմ պատերազմի վտանգին.

Դ. Պատրաստ է ամէն կերպ զոհաբերութիւն ընել երկրին ամբողջութիւնը. փառքն ու պատիւը պահպանելու համար:

Գործադիր մարմինը պաշտօն ունի այս որոշումները հաղորդելու վարչապետութեան եւ բոլոր մամուլին»<sup>1</sup>:

Թալեաթ բեյի առաջարկով հանրահավաքը կարգադրիչ մասնախմբին լիազորեց գնալ սուլթանի մոտ և նրան փոխանցել ժողովրդի զգացմունքները:

Այնուհետև ծովածալ բազմութիւնը անհամար դրոշներով և ռազմաշունչ բացականչութիւններով ուղևորվեց դեպի Փաթիհ սուլթան Մեհմեդի գերեզման: Բերայով անցնելիս թափօրը խոնվեց արտգործնախարար Գաբրիել Էֆենդի Նորատունկյանի տան առջև, որը գտնվում էր Թաքսիմի հրապարակի վրա՝ Բուլղարիայի դեսպանատնից ոչ հեռու: Յուցարարները պահանջեցին, որ նա պատասխանի, թե կառավարութիւնը և անձամբ ինքը ինչ են մտածում «բալկանյան խաժամուժին պատժելու մասին»: Նախարարն անմիջապէս երևաց պատուհանին և արտասանեց այս խոսքերը. «Վստա՛հ եղեք, վստա՛հ եղեք, որ օսմանյան մեծ ազգը չի թողնի, որ իր իրավունքները ոտքի տակ

---

<sup>1</sup> «Ազատամարտ», № 1006, 22 սեպտեմբերի (5 հոկտեմբերի) 1912 թ.:

առնով են»։ Բայց այս պատասխանը չգոհացրեց։ Դերվիչ Հիմա բեյը նախարարին ասաց, թե «այստեղ բոլոր հավաքվածները պատերազմ են ուզում»։ Հետևեց Նորատունկյանի պատասխանը. «Ամեն բան պիտի կատարվի օրենքի և կանոնի համաձայն և ձեր պահանջները պիտի նկատի առնվեն»։ Այս դիվանագիտական պատասխանը չգոհացրեց ցուցարարներին, և նրանք սկսեցին բարձրաձայն դժգոհել։ Գաբրիել Նորատունկյանն այս անգամ ստիպված էր ջղերը պրկած ամբոխին հետևյալ բառերով հանգստացնել. «Ձավակներս, ապահով եղեք, որ աստված մեզ հետ է, ու մենք պիտի հաջողենք մեր բոլոր ձեռնարկներուն մեջ»<sup>1</sup>։

Ամբոխն արձագանքեց բուռն ծափերով ու բացականչություններով և ռազմաչունչ երգերով շարունակեց իր երթը։ Անցնելով մահամեղական թաղերով՝ նա խմբվեց Ֆաթիհ սուլթան Մեհմեդի գերեզմանի շուրջ, ուր հնչեցին ձառեր ու աղոթքներ։

Սեպտեմբերի 24-ին Կ. Պոլսի մի քանի հազար ուսանողներ, «Մենք վաճառված ենք Եվրոպային», «Ոչ մի ինքնավարություն Մակեդոնիային», «Կեցցե՛ պատերազմը», «Դեպի Սոֆիա՛, դեպի Սոֆիա», «Եթե այսպես շարունակվի, մենք կկորցնենք մեր եվրոպական նահանգները» և նմանատիպ ուրիշ պաստառներով «Միություն և առաջադիմություն» կոմիտեի ուղարկած գործիչների ղեկավարությունամբ մտնում են Բ. Դոան բակը, սպառնում նախարարներին, ապա փորձում խուժել շինությունից ներս։ Ոստիկանությունը հետ է մղում ցուցարարներին, որոնք տեղում սկսում են միտինգ։ Կրակոտ ձառեր են արտասանում իրադարձություններին եվրոպական միջամտություն ղեմ, հայհոյում Ռուսաստանին և Ֆրանսիային, պահանջում անհապաղ պատերազմ սկսել։ Հայտնվում է ծովային նախարարը և ուսանողներին հանգստացնում, թե սահմանադրական կառավարությունն անվարան կկատարի իր պարտականությունը, եթե պատերազմի խնդիր առաջանա։

Օրեցօր սաստկանում էր գրգռումը մայրաքաղաքում, քանի

---

<sup>1</sup> «Ազատամարտ», № 1006, 22 սեպտեմբերի (5 հոկտեմբերի) 1912 թ.։

որ «Միություն և առաջադիմություն» կոմիտեն ամենուր պան-իսլամական կրակ էր բորբոքում: Մյուս կողմից, երիտթուրքերի աջակցությամբ և կառավարության լուռ համաձայնությամբ մոլլաները իրենց հրապարակային ճառերով զրգռում էին ժողովրդին: Իրենց բոլոր ելույթները նրանք վերջացնում էին «մա՛հ գյաուրներին» կոչերով: Ոստիկանությունն անգործ էր, կառավարությունն իր հեղինակությունը պահելու համար չոյում էր ամբոխի բնազդները և անկարգությունների առաջը չէր առնում: Նա ցուցարարներին հանգստացնում էր, թե ինքնավարություն չի տա Մակեդոնիային և այնտեղ քրիստոնյա նահանգապետ չի նշանակի:

Թուրքերի առավել խոշոր ցույցեր տեղի էին ունենում մայրաքաղաքի հայաբնակ Բերա և Ղալաթիա, ինչպես և քրիստոնեաբնակ ուրիշ թաղերում:

Հակաքրիստոնեական ցույցերի ալիքը, դուրս գալով Կ. Պոլսից, տարածվեց երկրով մեկ՝ Արաբստանից մինչև Ռումելիա, էրզրումից մինչև Իզմիր<sup>1</sup>: Ամեն տեղ նույն ազդեսիվ լողունգներն ու կոչերն էին:

Կոստովոյում գումարված միտինգի 40.000 մասնակիցները կառավարչության պաշտոնատան առջև տողանց կատարեցին «Կեցցե՛ պատերազմը» կոչերով: Կեսարիայում 20.000-անոց հանրահավաքում իսլամ և քրիստոնյա ճառախոսները, պատերազմի կոչեր անելով, միաժամանակ չէին զլանում վիրավորական արտահայտություններ անել բալկանյան դաշնակից չորս երկրների, նրանց միապետների ու կառավարությունների հասցեին: Նրանցից մեկը կարդաց բուլղարներին անարգող մի ոտանավոր, որի վերջին տողերն էին.

Տեսա բուլղարական զինվորներ,  
ճակատներին գրված՝ «վախկոտ»:

Միտինգի ավարտին պատերազմի օգտին կատարվեց հանգանակություն, որի արդյունքը եղավ 5000 ոսկի<sup>2</sup>:

<sup>1</sup> Տե՛ս Արամ Անտոնեան, նշվ. աշխ., էջ 442:

<sup>2</sup> Տե՛ս նույն տեղում, էջ 430:

Ցույցերի աղմուկը ծնունդ էր տալիս թուրքերի և մյուս մահ-մեղականների համընդհանուր խանդավառությունը: Կամավորներ էին հավաքագրում ոչ միայն Պոլսում, այլև երկրի տարբեր մասերում: Կամավոր էին գրվում թուրքերը, քրդերը, չերքեզները, նույնիսկ ... հայերից ոմանք: Կամավոր գրվելու համար զինվորական իշխանություններին դիմեց նաև մի կաթոլիկ հայ վարդապետ՝ Հովսեփ Սիրանյանը<sup>1</sup>:

Այդ օրերին մայրաքաղաքում երկու գրույց էր շրջում, թե իբր 1) Եվրոպան որոշել է ավելի վճռական քայլ անել՝ Թուրքիայի ամբողջությունը պահպանելու դիմաց հաստատել եվրոպական հսկողություն, 2) եվրոպական, մանավանդ ռուսական դիվանագիտությունը տողորվել է բարյացակամությունը դեպի հայոց ազգը: Ասում էին, թե Եվրոպան պատրաստ է ապահովելու բալկանյան պետությունների խաղաղեցումը, եթե Թուրքիան Մակեդոնիային և Հայաստանին տա ինքնավարություն:

Այդպիսի խոսակցություններին մեծապես նպաստեց այն, որ Կ. Պոլսի ռուսաց դեսպան ղը Գիրսը արտգործնախարար Նորատունկյանի բնակարանում բալկանյան խնդրի շուրջ կարևոր տեսակցություն ունեցավ նրա հետ: Հանդիպումը տևել էր երկու ժամ: Թե ինչ էին խոսել դիվանագետները, այդպես էլ մամուլում հաղորդագրություն չեղավ:

Եթե Հայաստանին ինքնավարություն տալու և Թուրքիայի վրա եվրոպական հսկողություն սահմանելու մասին լուրերը ճիշտ լինեին, երկուսն էլ մեծապես նպաստավոր կլինեին հայոց համար. տարբերությունն առանձնապես մեծ չէր: Բայց ղրանք լի էին մահացու վտանգներով: Հայերը մեծ վախ ունեին մոլեռանդ, արյունոտ ռուսերից, որոնք, օգտվելով պատերազմական վիճակից, կարող էին հայոց նոր կեղեքումի ու նոր սպանդների դուռ բանալ, ինչպես դա տեղի էր ունեցել 1877-1878 թթ. ռուս-թուրքական պատերազմի ժամանակ և ղրանից հետո: Այդ դեպքում ոչ ոք չէր կարող զսպել թուրքերի ու քրդերի եռանդը: Հայը դարձյալ պիտի մնար բախտի քմահաճույքին, իր դառը

---

<sup>1</sup> Տե՛ս Արամ Անտոնեան, նշվ. աշխ., էջ 442:

ճակատագրի հետ միայնակ՝ ապավինելով միայն աստծու ողորմածությունը:

Նման վիճակում ժամանակ չէր լինի մտածելու ինքնապաշտպանական միջոցներ ձեռնարկելու մասին, քանի որ դա կդիտվեր որպես պատերազմող Թուրքիայի թիկունքին հասցրած հարված, որպես պետական դավաճանություն՝ դրանից բխող բոլոր հետևանքներով: Նույն մտահոգությունը հայտնել էր Գաբրիել Նորատունկյանը՝ «*Буржевые Ведомости*» թերթի թղթակցի հետ ունեցած զրույցի ընթացքում՝ ասելով, թե ապագա պատերազմը կարող է առաջ բերել կայսրության քրիստոնյաների կոտորած<sup>1</sup>: Իսկ այդ կոտորածից քչերը կփրկվեին, քանի որ Եվրոպայի հետ ամեն տեսակի հաղորդակցություն արդեն կտրված էր:

Մեծ ռուզում էր տիրում ոչ միայն Կ.Պոլսի, այլև գավառի հայություն մեջ: Արդեն քրիստոնյաների մասնակի ջարդեր էին տեղի ունենում այս կամ այն նահանգում:

Ամեն հայ գիտակցում էր, որ իր ազգը, ի տարբերություն ալբանացիների ու մակեդոնացիների, տվյալ ժամանակում անկախության ձգտելու որևէ հեռանկար չունի: Հայոց միակ իղձը երկրում հավասար իրավունք ձեռք բերելն էր և կյանքի, ինչքի ու պատվի ապահովությունը: Մնացածը հայն ինքը կստեղծեր իր տքնությունը, իր աշխատանքով:

Շատ չէր անցել այն ժամանակներից, երբ թուրքահայություն վերին ու ստորին հատվածները հակառակ մտածումներ ունեին Թուրքիայի ու թուրքերի մասին:

Ղրիմի պատերազմի օրերին, երբ Եվրոպան Ռուսաստանին ջախջախելու նպատակով կենտրոնացրել էր իր ողջ զինուժը, թե՛ եվրոպական քաղաքական էլիտան, թե՛ լրագրողները, թե՛ մտավորականության սերույցքը օր առաջ էին ուզում տեսնել Թուրքիայի հաղթանակը՝ գտնելով, որ այդ երկիրն ավելի ընդունակ է յուրացնելու եվրոպական արժեքները, քան Ռուսաստանը:

Կ. Պոլսի հայ ղեկավար շրջանները, մտավորականությունը,

---

<sup>1</sup> Տե՛ս «Մշակ», № 207, 20 սեպտեմբերի 1912 թ.:

որոնք սովորել էին եվրոպական լեզուներ, եվրոպական ապրելակերպ, իրենց համարում էին եվրոպայի աշակերտներ և լիովին ընդունում էին նրա մտածելակերպը: Ճիշտ էր նկատել «Անահիտ» հանդեսի հոդվածագիրը՝ գրելով. «Մեր ազգի մեկ մասը եվրոպական կեանքով կ'ապրի, միւսը՝ ասիական. մեր երիտասարդությունը կը կրթուի Արևմուտքի մեջ՝ գործելու համար Արևելքի խորքը: Հակասություն մը կայ մեր մտածման ու կեանքին, մեր գաղափարականի եւ իրականությունից, հայ մտաւորականությունից և հայ ժողովուրդին միջև»<sup>1</sup>: Դա էր պատճառը, որ հայ մեծամեծերը նույնպես ուզում էին տեսնել թուրքերի հաղթանակը, ոգևորվում էին նրանց հաջողություններով, որը և լայնորեն արտացոլվում էր հատկապես Կ. Պոլսի և Ջնյուռնիայի հայ մամուլում: Բանն այնտեղ էր հասել, որ զնյուռնիացի մի հայ հրապարակախոս ուսաների կողմից Կարսի գրավումը համարել էր «բոթ», մեծ դժբախտություն քաղաքակրթությունների համար<sup>2</sup>:

Ռուսական երկրի դեմ արշավանքի նկատմամբ բոլորովին այլ վերաբերմունք էր ցույց տվել իր պատմական հողի՝ Հայաստանի վրա նստած, անհուն տառապանքներ կրող հայ ժողովուրդը, որը ցավով էր ընկալել ուսաց գորքերի անհաջողությունները:

Կ. Պոլսի հայ վերնախավի և գավառի հայությունն այս հակասական վերաբերմունքն ավելի ցայտուն էր արտահայտվել 1877-ի պատերազմի ժամանակ: Կ. Պոլսի հայ լրագրությունը գովաբանում էր Իսմայիլ փաշային, որ պատերազմի սկզբին կարողացել էր հատել ուսական կայսրության սահմանը, գրավել Երևանը և «ազատել» էջմիածինը, այն դեպքում, երբ թուրքական կողմում նույն փաշայի քրդերն անլուր խժոժություններ էին կատարում հայ բնակչության նկատմամբ\*: Վկա՝ Բայազետի քստմնեցուցիչ կտորածը, շեյխ Զալալեղդինի և Ուբայդուլլահի

<sup>1</sup> «Անահիտ», № 5-6, մայիս-հունիս, 1911, էջ 118:

<sup>2</sup> Տե՛ս «Հորիզոն», № 37, 22 փետրվարի 1912 թ.:

\* Հայերի նկատմամբ քրդերի այդ ասպատակությունները և խժոժությունները արտացոլում են գտել Մկրտիչ Խրիմյանի «Հայգույժի» մեջ:

ավերիչ արչավանքները, Ալաչկերտի գաղթականությունը ու նրա սոսկալի վիճակը և այլն: Հայ ժողովրդի մեծ մասը, ընդհանրապես, աղ ու հացով էր դիմավորում ուսական գործերին: Հայերը ուս հրամանատարներին խնդրում էին առաջանալ իրենց երկրի խորքերը: Այդպես էին վարվում նաև ասորիները, որոնք, բանակցություններ վարելով կովկասյան ռազմաճակատի ուսաց բանակների հրամանատարների հետ, նրանց խնդրում էին իրենց գործերը շարժել դեպի Վանա լճից հարավ ընկած տարածքները:

Եվ ահա այժմ՝ 1912 թ., ընդհանուր վախը՝ չնչին բացառություններով, միավորել էր թուրքահայ բոլոր հատվածներին: Հայերը պատերազմ չէին ուզում: «Ազատամարտը» գրում էր, թե այն նոր տառապանքներ է բերելու պատերազմող բոլոր կողմերի ժողովուրդներին: «Բիրաւոր երիտասարդներ երկու կողմէն իրենց դիակները պիտի թողուն վաղը ճակատամարտի դաշտերուն վրայ: ... Անընդունելի է, որ հինգ ժողովուրդներ պիտի բաղխին մէկ մէկու, վատնելով իրենց երակներուն արիւնը, իրենց տնտեսական ոյժը, իրենց բարեկեցութեան միջոցները... Պիտ չհահին պալքանեան ազգերը, որ «պատերազմ» կաղաղակեն: Պիտի չհահի եւ օսմանեան կառավարութիւնը, ինչքան ալ հերոսական յաղթութեամբ պսակուած ըլլայ իր բանակը: Միակ շահողները պիտի ըլլան անոնք, որ մասնակից չեն պատերազմին»<sup>1</sup>:

Հայերի շահը պահանջում էր խաղաղություն՝ երեսուն տարիների վերջերը դարմանելու համար, այլ ոչ թե պատերազմի պատուհասները: Հայ քաղաքական ուժերը նույնպես դեմ էին (համենայնդեպս՝ պաշտոնապես) մոտալուտ արհավիրքին: «Ազատամարտը» հրատարակեց բալկանյան երկրների սոցիալիստական կուսակցությունների հակապատերազմական կոչը, որի տակ ստորագրել էր նաև Դաշնակցությունը<sup>2</sup>:

Հայ քաղաքական գործիչների ընդհանուր կարծիքն այն էր,

---

<sup>1</sup> «Ազատամարտ», № 1006, 22 սեպտեմբերի (5 հոկտեմբերի) 1912 թ.:

<sup>2</sup> Տե՛ս «Հայրենիք», № 12, հոկտեմբեր, 1924, էջ 121:



որ Արշարունի պատրիարքը պետք է կանգնի գործի գլուխ և ներքին հնարավորությունները ի մի բերելով՝ վարի ազգային գործերը:

Իսկ պատերազմը մոտենում էր արագ քայլերով: Այն մոտենում էր մի շարք դրդապատճառների մղումով, որոնցից գլխավորը Մակեդոնիայի քայքայված տնտեսական հանգամանքն էր, որը թե՛ իր զավակների և թե՛ բուլղարների համար ստեղծել էր անտանելի դրույթուն: Պարբերական ջարդերը կամ ջարդերի ուրվականը, ազատ հողերի բացակայությունը և առհասարակ տնտեսական անապահովությունը հալումաչ էին անում գյուղացիներին, իսկ մտավորական մարդիկ թողնում հեռանում էին Բուլղարիա և Սերբիա, ինչպես որ թուրքահայերը գնում էին Անդրկովկաս՝ իրենց ազգակիցների մոտ:

Մակեդոնացիների ծանր վիճակը բարոյապես կաշկանդում էր բուլղարներին: Վերջիններս ուժից վեր ջանք էին գործադրում, որպեսզի իրենց երկրում բարենպաստ պայմաններ ստեղծեին նրանց համար: 1911 թ. տվյալներով Բուլղարիայում պետական պաշտոնյաների 25 տոկոսը և զորքի 15 տոկոսը մակեդոնացիներ էին<sup>1</sup>:

Բուլղարներն սկզբում քիչ բան էին ուզում Բ. Դուռից՝ քիչ թե չատ տանելի կացություն հաստատում Մակեդոնիայում, որպեսզի տեղի բնակիչները մնային իրենց երկրում, այլ ոչ թե ամեն տարի հազարներով մուտք գործեին Բուլղարիա:

Բայց թուրքիան, ինչպես Բեուլինի դաշնագրից հետո ամբողջ ժամանակաշրջանում, այնպես էլ այժմ ոչ մի ցանկություն չէր ցուցաբերում այդ դաշնագրի 23-րդ հոդվածի համաձայն որևէ բարենորոգում անցկացնելու Մակեդոնիայում, այնպես, ինչպես Հայաստանում չէր կիրառում նույն դաշնագրի 61-րդ հոդվածը: Ուրեմն միակ ելքը թուրքական տիրապետությունից Մակեդոնիայի ազատագրումն էր անդիջում կովի միջոցով, որի շարժիչ ուժը պիտի լիներ անհուն ատելությունը դարավոր ոսոխի նկատմամբ:

---

<sup>1</sup> Տե՛ս «Մշակ», № 207, 20 սեպտեմբերի 1912 թ.:

Թուրքական քաղաքական ու պետական վերնախավը, չնայած արտաքինապես իրեն պահում էր անվրդով, ցույց էր տալիս, թե կայսրություն, նրա ամբողջականություն մասին որևէ երկյուղ չունի, բայց իրականում շատ լավ պատկերացնում էր, թե ինչ իրական վտանգ է կախված երկրի վրա: Վարչապետ Քեամիլ փաշան և կառավարություն անդամների մեծ մասը դեմ էին պատերազմին՝ մանավանդ նկատի առնելով Տրիպոլիտանական պատերազմի դասերը: Հակառակ բոլոր ցույցերին և մամուլի հիստերիկ կոչերին՝ կառավարությունը հայտարարեց, թե սպառնալից չեն պատերազմը կանխելու հնարավորությունները: Այս տեսակետի ջերմ պաշտպանը Գաբրիել Նորատունկյանն էր:

Թուրք կառավարողները լավ գիտեին, որ վերահաս պատերազմը ցանկություն դեպքում կարող են կանխել միայն վեց մեծ տերությունները: Բայց տվյալ պահին նրանցից մեկը՝ Ռուսաստանը, ուզում էր այդ պատերազմը, իսկ մյուսները չէին ցանկանում ակտիվորեն միջամտել դեպքերին՝ երկյուղ կրելով, որ դա կարող է վերածվել համաեվրոպական պատերազմի<sup>1</sup>:

Կ. Պոլսից եկած սպառնալիքները ոչ միայն չթուլացրին բալկանյան դաշինքի երկրների կամքը, այլև հրահրեցին դրանց կառավարությունների ու ժողովուրդների ատելություն և վրեժխնդրություն նոր պոռթկումներ:

1912 թ. սեպտեմբերի 22-ին (հոկտեմբերի 5-ին) բացվեց Բուլղարիայի Սոպրանիեի (Ազգային ժողով) հերթական նիստը, ուր թագավորը կարդաց գահաճառ: Միապետն ասում էր, որ Թուրքիան գորքեր է կուտակել բուլղարական սահմանի մոտ, մի բան, որը «չի կարող հանդուրժել մեր երկիրը»<sup>2</sup>: Իր գահաճառը նա վերջացրեց հետևյալ խոսքերով. «Մեր անելիքը հստակ է. բալկանեան միւս պետութիւնների հետ համախորհուրդ պետք է միջոցներ ձեռք առնենք հաստատելու իսկական խաղաղութիւն Բալկաններում»<sup>3</sup>:

---

<sup>1</sup> Տե՛ս «Աւետարներ», № 46, 16 նոյեմբերի 1912 թ.:

<sup>2</sup> Տե՛ս «Ազատամարտ», № 1008, 24 սեպտեմբերի (7 հոկտեմբերի) 1912 թ.:

<sup>3</sup> Նույն տեղում:

Սուպրաններին բուռն ոգևորությունը ողջունեց թագավորի խոսքերը և երկրում հռչակեց պատերազմական վիճակ:

Ապա հանդես եկավ վարչապետ Գեշտյուն և հայտարարեց, թե ինքը խաղաղության համոզված ջատագով է, բայց ստիպված է լուրջ պատասխանատվություն վերցնել՝ անսալով իր խղճի ձայնին, և որ իրեն դրդել են երեք հիմնական պատճառներ. 1) բոլոր խաղաղ միջոցները սպառված են, 2) իրականացված է բալկանյան չորս պետությունների ճակատագրական զինակցությունը, 3) ժողովրդի բացորոշ կամքն է մեկընդմիջտ լուծել մակեդոնական խնդիրը<sup>1</sup>:

Բուլղարիային անմիջապես հետևեց Սերբիան: Հաջորդ օրը՝ հոկտեմբերի 23-ին, բացվեց Սերբիայի Սկոպչինայի (Ազգային ժողով) նիստը, որտեղ թագավորը կարգաց գահաճառ, որից հետո երկրի վարչապետ Պասիչը հայտարարեց, թե ժողովուրդն անհամբեր սպասում է իր միապետի հրամանին<sup>2</sup>: Փոքր Սերբիան, առանց ուշադրություն դարձնելու Ավստրիայի և նրա զինակիցների սպառնալիքներին, ցուցաբերում էր ապշեցուցիչ հանդգնություն և հաստատակամություն:

Նույն օրը ժողովրդին դիմեց Չերնոգորիայի թագավոր Նիկոլան: Նա ասաց, որ չերնոգորցիները պատրաստ են ամեն զոհողության՝ հանուն սուրբ գործի՝ իրենց արյունակից եղբայրների ազատագրության:

Հունական իշխանությունները և մամուլի օրգանները զորակցություն էին հայտնում դաշնակիցների հայտարարություններին և հավաստիացնում, որ լիովին համերաշխ են նրանց քայլերին<sup>3</sup>:

Պատերազմի սպառնալիքը գրեթե իրականություն էր դառնում:

Անգլիական մամուլը արժանահավատ աղբյուրից տեղեկացել էր, որ Թուրքիան Հունաստանին առաջարկել է նրան հանձ-

---

<sup>1</sup> Տե՛ս «Ազատամարտ», № 1012, 28 սեպտեմբերի (11 հոկտեմբերի) 1912 թ.:

<sup>2</sup> Տե՛ս նույն տեղում, № 1008, 24 սեպտեմբերի (7 հոկտեմբերի) 1912 թ.:

<sup>3</sup> Տե՛ս նույն տեղում, № 1004, 20 սեպտեմբերի (3 հոկտեմբերի) 1912 թ.:

նել Կրետեն՝ պայմանով, որ նա հոժարի հեռանալ Բալկանյան դաշնությունից, բայց նա կտրականապես մերժել է<sup>1</sup>:

«Ռեյտեր» հեռագրական գործակալություն հաղորդագրության համաձայն՝ Կրետեն հանձնելու պատրաստակամության թուրքական առաջարկը տեղավորվում է այն տարածքների կորուստների շրջանակում, որ կրել է Օսմանյան կայսրությունը վերջին երեք տասնամյակներին:

Դեռևս Արզուլ Համիդի\* օրոք թուրքական կայսրությունից բաժանվել էին Բուլղարիան, Չերնոգորիան, Բոսնիա-Հերցեգովինան (1878 թ. Բեռլինի դաշնագրով), շատ պետություններ՝ Սերբիան, Ռումինիան, Հունաստանը, Ռուսաստանը, ի հաշիվ Թուրքիայի ընդարձակել էին իրենց սահմանները, 1882 թվականից եզիպտոսում փաստորեն ձևական էր դարձել թուրքական սուլթանի գերիշխանությունը, 1898 թվականից Կրետե կղզին ստացել էր համարյա անկախ կառավարման իրավունք:

Եվ ահա այժմ Թուրքիան ստիպված էր դիմագրավել ավելի մեծ աղետներ: Իսկ դա, բացի Ռուսաստանից, չէր մտնում եվրոպական տերությունների հաշիվների մեջ: Տվյալ պահին նրանցից ոչ մեկը Բալկաններում պատերազմ չէր ուզում: Բայց չուզելը քիչ էր. հարկավոր էր պետությունների միասնական կամք, որը, սակայն, չկար: Եվրոպական տերությունների միջև այն աստիճան սուր էր հակամարտությունը, որ դժվար թե կարելի լիներ նրանց համախմբել ընդհանուր համաձայնություն հուրջ՝ Բալկաններում status quo-ն պահպանելու համար:

Բալկանյան պետությունները շատ լավ ըմբռնել էին եվրոպական կառավարությունների այս դիրքը, ուստի և ջանում էին, բնականաբար, օգտվել դրանից: Ակնհայտ էր, որ եվրոպական

---

<sup>1</sup> «Ազատամարտ», № 1034, 20 հոկտեմբերի (2 նոյեմբերի) 1912 թ.:

\* Արզուլ Համիդը օսմանյան 34-րդ սուլթանն էր, սուլթան Արզուլ Մեջիդի երկրորդ որդին: Նա ծնվել էր 1842 թվականին, գահ էր բարձրացել 1876-ի պալատական հեղաշրջման հետևանքով, երբ սուլթան Մուրադ V-ը (Համիդի մեծ եղբայրը), խելագար հռչակվելով, բռնափակվել էր Ջրաղանի պալատում, ուր և վախճանվել էր 1904 թ.: Սուլթան Համիդի կառավարությունը վերջ էր գտել 1908 թ.: Երիտթուրքական հեղաշրջումից հետո: Մահացել է Կ. Պոլսում, բնական մահով, 1918 թվականին:

խաղաղության բանալին պետք էր փնտրել ո՛չ թե եվրոպական այս կամ այն մայրաքաղաքներում, այլ Սոփիայում, Բելգրադում կամ Աթենքում: Բալկանյան այս երկրների կառավարությունները շատ լավ հասկացել էին, որ մեծ պետություններն այնպես են բաժան-բաժան իրարից, այնպես լարված են իրար դեմ, որ բացառվում է նրանց միավորումը՝ հավաքական ճնշում գործադրելու իրենց վրա:

Կացութունը փրկելու համար, այնուամենայնիվ, տենդագին ջանքեր էին գործադրում Ֆրանսիան և նույնիսկ Գերմանիան: Անգլիան երկդիմի դերում էր:

Ընդհանուր տրամադրություն կար ենթադրելու, որ եթե բալկանյան հարցի շուրջ հնարավոր լինեք Ռուսաստանի և Ավստրո-Հունգարիայի միջև անկեղծ համաձայնություն ձևավորել, ապա պատերազմի հարցը կարելի կլինեք վերացած համարել: Բայց այդ երկու պետությունների բալկանյան շահերն այնքան հակամարտ էին, և նրանց միջև այնպիսի խոր անվստահություն կար, որ ո՛չ Ֆրանսիային հաջողվեց զրականապես ազդել իր դաշնակից Ռուսաստանի վրա, ո՛չ էլ Գերմանիային՝ իր զինակից Ավստրիայի վրա:

Մեծ տերությունների դիվանագիտական այդ խաղում ամենավարագուրված, ամենաառեղծվածային դերը բաժին էր հասել Անգլիային:

Այդ օրերին Ռուսաստանի արտգործնախարար Սազոնովը Լոնդոնում անգլիական կառավարության կողմից հավաստիացում էր ստացել, թե բալկանյան տազնապի ընթացքում իր երկիրը կգործի Ռուսաստանի հետ համերաշխ: Մյուս կողմից Անգլիան, որ Բոսֆորի ափերին գրեթե տերուտիրական էր, ներկայանում էր իբրև Թուրքիայի ամենալավ բարեկամ ու խորհրդատու: «Ինչո՞վ բացատրել Անգլիայի յանուսեան այս երկդիմի քաղաքականությունը, - հարց էր տալիս «Ազատամարտը», - որո՞ւ կողմն է, իրոք, Անգլիան պալկանեան այս տազնապի ատեն՝ Թուրքիո՞յ, թե պալքանեան փոքրիկ տերութեանց»<sup>1</sup>:

---

<sup>1</sup> «Ազատամարտ», 30 սեպտեմբերի ( 13 հոկտեմբերի) 1912 թ.:

Կասկած չկար, որ ավատրո-ոուսական բաղկանյան հակամարտության մեջ Անգլիան Ռուսաստանի պաշտպանն էր, և ինքը նրանից ոչ պակաս էր շահագրգռված՝ ուժեղացնելու սլավոնական տարրը, որը միակ պատենչն էր համագերմանականության վտանգի դեմ հանդիման: Ուստի նրա համակրանքը, անկասկած, բաղկանյան սլավոն ազգությունների կողմն էր:

Բայց մի հանգամանք գալիս էր ծանրակշիռ խոսք ասելու միանգամայն ուրիշ կողմից: Ինչպես վերը նշվել է, Անգլիան ամեն կերպ խուսափում էր Օսմանյան կայսրության նկատմամբ թշնամական դիրք բռնելուց, քանզի իր կայսրության մեջ հարյուր միլիոնների հասնող մահամեղական բնակչություն ուներ: Այդ իսկ պատճառով նա ամեն ինչ անում էր վարագույրի հետևում մնալու և իր ուզածը ուրիշների (տվյալ դեպքում՝ Ռուսաստանի) միջոցով ի կատար ածելու: Իսկ դա նշանակում էր, որ բաղկանյան գործերում Անգլիայի հետաքրքրությունները շատ ավելի նվազ էին, քան Ռուսաստանի և Գերմանիայի:

Գերմանական աջ մամուլն իր կառավարության վրա հարձակումներ էր գործում Ռուսաստանի ճնշման դեմը չառնելու և նրա առջև բացահայտ դիջողական քաղաքականություն վարելու համար: Թերթերը ցավով նշում էին, որ «Թուրք լավ հարևանի» փոխարեն Բաղկաններում առաջ են եկել մի շարք պետություններ, որոնք թաքուն կամ բացահայտ աշխատում են իրենց սահմանները ընդլայնել եղբայրական Ավստրիայի հողերի հաշվին: Այդ պետությունները սլավոնական են, հետևապես՝ Ռուսաստանի հենարանները: Չնայած տվյալ պահին ոուս-բուլղարական հարաբերությունները սառն են, չեչտում էին պարբերականները, բայց Բուլղարիան վճռական ըոպեին կընդունվի սլավոնական միաբանության մեջ, իսկ սլավոնական մյուս երկու պետությունները՝ Սերբիան ու Չերնոգորիան, կմիանան ոուսական կայսրությանը:

Այդ բոլոր սպառնալիքները առաջին հերթին ուղղված են իրենց գլխավոր բարեկամի՝ Ավստրիայի դեմ, որի թուլացումը իրենց թիկունքի քայքայում է նշանակում, տազնապ էր բարձրացնում գերմանական աջ մամուլը:

Սեպտեմբերի 23 (հոկտեմբերի 6)-ին Անգլիայի և Ֆրանսիայի

կառավարութիւնները հանդես եկան խաղաղասիրական նոր և վերջին դիմումով՝ ուղղված բալկանյան չորս դաշնակիցներին: Առաջարկվում էր նորից հնարավորութիւն տալ Թուրքիային՝ Ռումելիում, մասնավորապես Մակեդոնիայում Անգլիայի և Ֆրանսիայի հսկողութեամբ շտապ ձեռնարկելու բարենորոգումներ:

Դաշնակիցները պատասխանեցին, որ Մակեդոնիայի մասին 1878 թ. Բեռլինի դաշնագրի 23-րդ հոդվածը մինչ այսօր Թուրքիան ոտնահարել է, և ոչ մի երաշխիք չկա, թե նա կձեռնարկի այդ հոդվածի կենսագործումը<sup>1</sup>:

Հետևապես օսմանյան պետութեան առջև դրված էր երկու խնդիր՝ բարենորոգում կամ պատերազմ, ասվում էր դաշնակիցների համատեղ պատասխանում:

«Ազատամարտը» համոզված էր, որ պատերազմն այլևս անխուսափելի է, որ այն, ըստ էութեան, լինելու է ժողովուրդների պատերազմ՝ դաժան ու անգութ: Թերթը գրում էր. «Ո՛չ մէկ կայսեր, ո՛չ մէկ թագաւորի, ո՛չ մէկ հանրապետութեան նախագահի, ո՛չ մէկ տէմօքրասիի, ո՛չ մէկ փրօլէթարիաթի ձեռքն է ապահովաբար արգելել այն ցեղային պայմաններուն՝ ուրկէ կրնայ պատերազմը ծագիլ»<sup>2</sup>:

Թուրք օտար մարմինը խցանվել-մնացել էր Բալկանյան թերակղզու ծայրին: Վերջին ճիգերն էին պետք թուրքերին այդտեղից վոնդելու համար: Հասել էր ժամը, և եվրոպական դիվանագիտութեան ոչ մի շանթարգել չկարողացավ խափանել պատերազմը:

Բալկանյան չորս փոքր պետութիւնները՝ Չերնոգորիան, Սերբիան, Բուլղարիան և Հունաստանը, հաշվի չնստեցին ո՛չ եվրոպական մեծերի հորդորներին, ո՛չ հովանավորչութեան մասին նրանց հերթական խոստումներին և ո՛չ էլ Թուրքիայի տարածքային ամբողջականութեան երաշխավոր լինելու մասին նրանց հայտարարութիւններին: Նրանց կազմած սերտ դաշինքն

---

<sup>1</sup> Տե՛ս «Ազատամարտ», № 1009, 25 սեպտեմբերի (8 հոկտեմբերի) 1912 թ.:

<sup>2</sup> «Ազատամարտ», № 1025, 11 (24) հոկտեմբերի 1912 թ.:

արդեն լուրջ գործոն էր Եվրոպայում: Դա մի երիտասարդ, խիզախ ու քաջարի ուժ էր, որը վճռել էր խփել դարավոր ոսոխին, հաղթել կամ ջախջախվել:

## **ԲԱՆՏԱԿԻՑ ՀԱԼԱԾՅԱԼ ԺՈՂՈՎՈՒՐԴՆԵՐ**

Հայ-բուլղարական բարեկամությունը դարերի պատմություն ունի, որի հիմքը երկու ժողովուրդների պատմական ճակատագրի ընդհանրությունն է: Ե՛վ հայերը, և՛ բուլղարները, որոնք ավելի քան հինգհարյուրամյակ տառապում էին թուրքական դաժան լծի տակ, երբ հնարավոր էր լինում, օգնություն ձեռք էին մեկնում միմյանց:

Հայերը Բուլղարիայի հանդեպ իրենց սերն ու անձնագոհություն պատրաստակամությունը հայտնեցին հատկապես թուրքական լծի դեմ բուլղար ժողովրդի ազատագրական պատերազմի տարիներին՝ 1875-1877 թվականներին: Ապստամբ բուլղարների մարտական ջոկատների կողքին ուս ուսի մարտնչում էին հարյուրավոր հայեր: 1877-1878 թթ. ուս-թուրքական պատերազմի ժամանակ նրանք ուսական բանակի շարքերում մաքառել են դարավոր թշնամու դեմ: Ժամանակին ամբողջ Բուլղարիայում հայտնի էին ուս-թուրքական պատերազմի օրերին՝ 1877 թ., թուրքերի դեմ հերոսություն և անձնագոհություն բարձր օրինակներ ցուցաբերած հայերի՝ Պազարճրկ քաղաքի հեռագրատան պաշտոնյա Հովհաննես Սվաճյանի, Բալչըկ քաղաքի հեռագրափոստատան պետ Երանոս Երանոսյանի, Պլովդիվի հեռագրատան հեռագրավար Պողոս Էլմասճյանի, նույն քաղաքից իրավաբան Կարապետ Թագվորյանի, բժիշկ Նշան Թագվորյանի և ուրիշների անունները:

Բուլղարիայի ազատագրումից հետո հայերը սատարեցին երկրի մշակութային և տնտեսական վերելքին, ուժերը ներածին չափով նպաստեցին բուլղարական հայրենիքի վերածնությունը: Ուստի պատահական չէ, որ տարբեր ժամանակների բուլղար պետական, հասարակական, մշակութային գործիչները զանազան առիթներով դրվատել են բուլղարահայությունն և վիրավաճու-



Թյունն ու հավատարմությունը, ջերմ զգացմունքներ արտահայտել հայ ժողովրդի նկատմամբ:

«Հայ ժողովուրդը,- գրել է բուլղար մեծ մտածող Լեոն Պլավան,- ամբողջ մարդկության մեջ ունի ամենախորհրդավոր պատմությունը»<sup>1</sup>:

Բուլղար գրող Նիկոլա Աթանասովը նշել է. «Բուլղարացին հայերի մեջ տեսել է ոչ միայն բռնության և անարդարության զոհերի, այլև մի հերոսական ժողովրդի, որ զգեստնվել է՝ դյուցազնական մարտնչումներից հետո միայն: Ապա կամքի հսկաներ է կանգնեցրել, մեռնելու պատրաստ՝ իրավունքի և ազատության համար: Ինչպես բուլղար, այնպես էլ հայ ժողովուրդների ամենամեծ արժանիքը ազատության ձգտումն է: Եղբայրացած ազատության գաղափարին, հայերը բարոյապես և նյութապես սատարել են մեզ՝ ազատագրվելու թուրքական լծից: Եղբայրության մեջ ի՞նչ կա սրանից ավելի մաքուր ու պայծառ, քան ներշնչվել միևնույն գաղափարով և հավատալ այդ գաղափարի իրականացմանը»<sup>2</sup>:

1894-1896 թթ. հայկական կոտորածները ամենուրեք, այդ թվում Բուլղարիայում, առաջ էին բերել համակրանք հայ ժողովրդի նկատմամբ: Բուլղարիա ապաստանած հայ բեկորներին աջակցություն ցույց տալու կոչեր էին արել բուլղարական մտավորականության լավագույն ներկայացուցիչները, պետական ու քաղաքական բազմաթիվ գործիչներ: Հայ ժողովրդի ողբերգական վիճակը, տառապյալ հայրենիքի առևանգված ազատությունը անհավասար պայքարով հետ բերելու նրա անսահման ձգտումն ու կիրքը ոգեշնչման աղբյուր են եղել բուլղար մեծ բանաստեղծներից մեկի համար: Այդ օրերին հայերի նկատմամբ բուլղար ժողովրդի տածած զգացմունքներն առավել ցայտուն էր արտահայտել պոետ Յավորովը (Պեյո Կրաչկալով):

Հայկական կոտորածներից հետո Բուլղարիայի տարբեր քաղաքներում առաջացել էին հայկական համայնքներ: Դրան-

---

<sup>1</sup> ՀԱԱ, ֆ. 370, ց. 2, գ. 93, թ. 17:

<sup>2</sup> Նույն տեղը, թ. 19:

ցից մեկը ձևավորվել էր Սկոբելևո կայարանում, որտեղ պաշտոնավարում էր Յավորովը: Այստեղ նա առաջին անգամ չփվեց Հայրենազուրկ Հայերի Հետ, ակնանատես եղավ նրանց թշվառ վիճակին: 1898-1899 թթ. Յավորովը՝ Ստրալջա կիսակայարանում որպես հեռագրատան պետ, ավելի մոտիկից է հազորդակից լինում գաղթական Հայերի անհուն ցավերին: Հալածական բեկորների հետ մտերմիկ շփումներից նրա մեջ աստիճանաբար հղանում է Հայերի գեղարվեստական կերպավորման գաղափարը: 1899 թ. սեպտեմբերին տեղափոխվելով Անխալո ծովափնյա գյուղաքաղաք՝ Յավորովը գրում է «Հայերը» («Արմենցի») նշանավոր բանաստեղծությունը: Դա նրա ամենաներչնչյալ ստեղծագործություններից մեկն էր, որը բուլղար ժողովրդի ազգային գիտակցություն մեջ ավելի խորացրեց Հայերի նկատմամբ ունեցած ջերմ զգացմունքները:

Տարագիրներ են նրանք, նրանք բեկոր են չնչին՝

Ոսոխներից հալածված քաջակորով մի ազգի,  
Եվ զավակներն են զրկված՝ Հայրենիքի իրենց հին,

Որ ողջակեզն է դարձել անօրինակ ոճիրի ...:

Օտարներից շատ քչերն են այսքան խոր, սեփականի պես զգացել Հայ ժողովրդի անհուն տառապանքը:

Արդյո՞ք բանաստեղծական մի Հայտնատեսություն ուժով էր, թե Հայերի պատմություն հետ ծանոթությունն էր, որ Յավորովին մղեցին կերտելու բախտակից ժողովրդի զարկված զավակների կերպարը պարտություն օրերին, իսկ հերոսականորեն հպարտ, տանջանքի պահին անգամ գլուխը միշտ բարձր, պատվի զգացումով միշտ պատրաստ դիմագրավելու ճակատագրի նոր հարվածներին:

Նրանց սրտերը ցասման կրակներով են լցված,

Այստերն ի վար արցունքի այրող շիթեր են կաթում,

Որտտի պես է թնդում զայրագին երգը նրանց,

Եվ աչքերում վրեժի կայծակներ են բոցկլտում:

«Հայերը» բանաստեղծությունն առաջին անգամ լույս տեսավ 1900 թ. Բուլղարիայում Հայտնի «Միսլ» Հանդեսի մարտ-ապրիլյան համարում և անմիջապես հեղինակին բերեց համընդհանուր ճանաչում: Ժամանակի գրական-քննադատական միտքն

այն համարեց Յավորովի և առհասարակ բուլղարական քնարերգության ամենանշանակալից երևույթներից մեկը\*:

Բուլղարական թերթերից մեկը գրել է. ««Հայերը» բանաստեղծությունը Յավորովը առհավետ կապեց իր անունն ու անթափառ փառքը հայ ժողովրդի ճակատագրի և անվան հետ: Նույնպես ամուր շողկապեց մեր ժողովուրդներին»<sup>1</sup>:

---

\* Յավորովի «Հայեր» բանաստեղծությունն առաջին անգամ հայերեն լույս տեսավ 1909-ին, Վահան Թեքեյանի խմբագրությունը հրատարակվող «Շիրակ» հանդեսում, բուլղարահայ անվանի իրավարան և հասարակական գործիչ Ստեփան Հինդյանի թարգմանությունը: Տարիներ անց՝ 1933 թ., Յավորովի ծննդավայր Ջիրպան քաղաքում բանաստեղծի հուշարձանի բացման արարողությունը հանդես գալով՝ Հինդյանը ասել է. «Յավորովը ձերն է, քանզի բուլղարերեն գրեց իր «Հայերը», բայց նաև մերն է, քանզի ներչնչվեց մեր ժողովրդի վշտից ու տառապանքից: Չեմ ուզում յուրացնել նրան, այլ ցանկանում եմ շեշտել նրա մեծություն ամենահատկանշական կողմը. Յավորովի մեջ գերիշխում է մարդկայինը, և պատկանելով ձեզ և մեզ, պատկանում է ողջ աշխարհին»:

<sup>1</sup> “Яворов листъ”, 18 оգոստոսի 1935 թ.:

## ԳԼՈՒԽ ԵՐԿՐՈՐԴ

# ՌԱԶՄԱԿԱՆ ԳՈՐԾՈՂՈՒԹՅՈՒՆՆԵՐԸ ՊԱՏԵՐԱԶՄԻ ԱՌԱՋԻՆ ՇՐՋԱՆՈՒՄ

## ՊԱՏԵՐԱԶՄԻ ԲՈՆԿՈՒՄԸ

Առաջինը սուրը պատյանից հանեց փոքրիկ, բայց քաջ լեռնական Չերնոգորիան (Ղարաղաղ, Մոնտենեգրո, Սև լեռ)<sup>1</sup>: Արձակելով առաջին կրակը՝ նա բոցավառեց բալկանյան հրդեհը, որից սոսկում էր բովանդակ եվրոպան:

Բանն այսպես եղավ. Կ. Պոլսում Չերնոգորիայի ներկայացուցիչ Բլամենացը եկավ Բաբը Ալի (Բարձրագույն դուռ) և ներկայացավ արտգործնախարար Գաբրիել Նորատունկյանին: Կարճ խոսակցությունից հետո չերնոգորցին նրան հանձնեց պատերազմի հայտարարությունը պարունակող ծանուցագիր, ուր մասնավորապես ասված էր.

«Վսեմ. Տեր,

Ցավում եմ, որ Սև-լեռան արքայական կառավարությունը զուր է սպառել բոլոր բարեկամական միջոցները, որոնք նպատակ ունեին հաշտարար կերպով լուծել այն բազմաթիվ թշուրիմացություններն ու վեճերը, որոնք անվերջ ծագում են օսմանյան կառավարության հետ:

Համաձայն Օգոստոսափառ Վեհապետիս՝ Ն. Վ. Նիկոլա Ա-ի արտոնություն, պատիվ ունեմ հաղորդելու Ձերդ Վսեմությունը, որ այսօրվանից սկսած չերնոգորյան արքայական կառավարությունը խզված է համարում ամեն հարաբերություն Օսմանյան

---

<sup>1</sup> А. А. Мозилевич, М. Э. Айрапетян, На путях к мировой войне 1914-1918 гг., ОГИЗ, Госполитиздат, М., 1940, стр. 212.

կառավարութեան հետ՝ չեընդգործիչներ ղենքի բախտին ձգելով որքան իրենց, նույնքան և օսմանյան տիրապետութեան տակ գտնվող իրենց եղբայրների\* դարեր ի վեր անտեսված իրավունքների վերականգնումը:

Մեկնում եմ Պոլսից:

Բլամենաց:

25.09 (7.10)

1912 թ.»<sup>1</sup>:

Նորատունկյան էֆենդու համար նորութուն չէր այս զեկուցագիրը, որի մասին նախորդ գիշեր նա տեղեկութուն էր ստացել Չերնոգորիայում իր երկրի ներկայացուցիչ Մուխտար բեյից:

Այդ պահին Թուրքիայի արտգործնախարար Գաբրիել Նորատունկյանի պահվածքն այսպես է նկարագրել Արամ Անտոնյանը. «Իր սովորական պաղարիւնութեամբ՝ արտաքին գործոց նախարարը ընդունեց պ. Բլամենացի ծանուցագիրը, յայտարարելով, որ Օսմ. կառավարութիւնը միշտ բարեացակամ եղած է իր դրացիներուն հանդէպ, բայց քանի որ հիմայ Ղարատաղ կը փորձէ թշնամական ընթացք մը բռնել Թուրքիոյ դէմ և նոյն իսկ պատերազմ կը հռչակէ, Բ. Գուռը կը ընդունի այս հրաւերը և հայրենիքին պատին ու Օսմ. ազգին նուիրական իրաւունքները բարձր պահելու համար կը ձեռնարկէ հարկ եղած միջոցներուն»<sup>2</sup>:

Չերնոգորիայի ներկայացուցչի մեկնելուց հետո Գ. Նորատունկյանը շտապեց նախարարների խորհրդի նշանակված նիստին և վարչապետին հանձնեց Թուրքիայի դեմ պատերազմ սկսելու մասին Չերնոգորիայի հայտարարութիւնը: Փաստաթղթի բովանդակութիւնը վարչապետը ներկայացրեց խորհրդի նիստի մասնակիցներին: Այնուհետև կառավարութեան նիստը լսեց ռազմական նախարարի՝ երկրի զինված ուժերի պատրաստութեան մասին բացատրութիւններն ու հավաստիքները, որից

---

\* Նկատի ունե՛ր մակեդոնացիներին:

<sup>1</sup> «Ազատամարտ», № 1010, 26 սեպտեմբերի (9 հոկտեմբերի) 1912 թ.:

<sup>2</sup> Արամ Անտոնեան, Պատկերազարդ ընդարձակ պատմութիւն պալքանեան պատերազմին, էջ 463:

հետո որոշում ընդունվեց սկսել ուղղակի գործողություններ «չափը կորցրած մանուկի» դեմ:

Բալկանյան պետություններից տարածքով ամենափոքրի և ընդամենը 250 հազար բնակիչ ունեցող Չերնոգորիայի հարձակումը Թուրքիայի վրա սկզբում վերջինիս բավական զվարճություն պատճառեց: Պոլիսը խնդաց, արհամարհեց ու հեզնեց: Մամուլն առաջվա պես բալկանյան սլավոն պետությունների իրական ուժին անտեղյակ Թուրք ամբոխին կերակրում էր սլավոն ցեղի անճարակություն մասին ցնորական հեքիաթներով:

Սուլթանի հայտարարությունից անմիջապես հետո Բ. Դոան կարգադրությամբ Չերնոգորիայի դեսպանություն չենքի վրայից իջեցվեցին նրա զինանշանը և դրոշը: Կեսօրից հետո Բլամենացը ուսմինական շոգենավով մեկնեց Պոլսից՝ նախապես Թուրքիայում իր երկրի հպատակներին հանձնելով Ռուսաստանի դեսպանության պաշտպանությունը:

Նույն ժամին օսմանյան կառավարությունը հեռագրով հրաման հղեց Չերնոգորիայի մայրաքաղաք Չեթինեի օսմանյան ներկայացուցչին՝ անմիջապես վերադառնալ Կ. Պոլիս՝ դեսպանության պաշտոնաթղթերը հանձնելով նույն քաղաքի գերմանական դեսպանատանը<sup>1</sup>:

Հաջորդ օրվա «Ազատամարտում» «Արդեն պատերազմ» խորագրով նյութում կարդում ենք. «Կասկած չի կայ որ պիտի չուշանան նաեւ պալքանեան միւս զինակիցներն ալ հետեւելու Գարատաղի:

Հետեւաբար կարելի է ըսել որ պալքանեան հաւաքական պատերազմը ոչ թէ օրուան, այլ ժամերու խնդիր է միայն:

Եւ ինչ տարակոյս որ կոխվը պիտի մղուի կատաղութեամբ երկու կողմէն ալ...

Նկատի առնելով արդի պատերազմական արւեստի կատարելագործուած գենքերն ու ուղղակի գործիքները, կարելի է այժմէն իսկ նախատեսել թէ որպիսի մարդկային աղէտներու ականատես ըլլալ սահմանուած են ճակատամարտի դաշտերը»<sup>2</sup>:

<sup>1</sup> «Ազատամարտ», № 1010, 26 սեպտեմբերի (9 հոկտեմբերի) 1912 թ.:

<sup>2</sup> Նույն տեղում:

Չերնոգորիայի Հարձակումից ժամեր անց սուլթան Մեհմեդ Ռեչադը հանդես եկավ օսմանցիներին ուղղված Հայտարարությունում, ուր ասված էր, թե իր կառավարությունն ամեն ինչ արել է պատերազմը կանխելու համար, բայց դա չի հաջողվել, ուստի բանակը և ժողովուրդը միասնաբար պետք է պատժեն թշնամիներին: «Այսօր,- ասված էր ուղերձում,- ձեզ վրայ ընկած է սուրբ պարտականություն՝ պաշտպանել Հայրենիքը, որի համար ձեր նախնիներն իրենց թանկագին արիւնն են թափել՝ ապահուելու համար ձեր երջանկությունը: Ուստի ձեր պարտքն է՝ չթողնել, որ թշնամին ոտնակոխ անի այս նուիրական հողը, որի յուրաքանչիւր մասնիկը պահպանում է ձեր նախնիների մասունքները: Համախմբվելով մեր երկրի սահմանագլուխների վրայ, թշնամիներն ուզում են ձեզ ժառանգուած երկիրը խլել ձեր ձեռքից, ուզում են քանդել ձեր զավակների ու թոռների երջանկությունը: Ինչպէս ձեր նախնիները, դուք եւս պէտք է քաջութեամբ պաշտպանեք Հայրենի հողը, վազեք դեպի սահմանագլուխ՝ ձեր սրով կտրելու այն ձեռքերը, որոնք երկարուած են ձեր Հայրենիքի դեմ... Ես վստահ եմ, որ դուք նոր յաղթանակներ եք ավելացնելու ձեր նախնեաց քաջություններու վրայ: Բոլոր օսմանցիներին ուրախացնելու համար Աստուած ձեզ պարգևի նոր պանծալի յաղթություններ»<sup>1</sup>:

Առաջին իսկ պահերից Չերնոգորիայի զինված ուժերը իրենց հարվածներն ուղղեցին Տեչիչ և Թարապոչ բերդերի վրա: Կատաղի մարտերի ընթացքում երկու կողմերը տալիս էին ծանր կորուստներ: Կովի դաշտում թուրքերը թողեցին 700-ից ավելի սպանված և ավելի շատ վիրավորներ ու գերիներ: Չերնոգորցիները տվել էին շուրջ 250 զոհ և 800-ից ավելի վիրավոր: Երկու կողմերի վիրավորներն ու թուրք գերիները փոխադրվեցին Չեթինե: Քանի որ սննդամթերքի խիստ պակասի պատճառով չերնոգորցիներն ի վիճակի չէին հոգալու բոլոր թուրք գերիների ծախսերը, ուստի Նիկոլա թագավորը խնդրանքով դիմեց հունական կառավարությունը՝ թույլ տալ գերիների մի մասը

<sup>1</sup> «Ազատամարտ», № 1014, 30 սեպտեմբերի (13 հոկտեմբերի) 1912 թ.:

փոխադրել էգեյան ծովի կղզիներից որևէ մեկը<sup>1</sup>:

Տեչիչը և Թարապոչը գրավելուց անմիջապես հետո չերնոգորցիները կոիվներ սկսեցին Թուզիի և Շքոթրայի ուղղությամբ, բայց չուտով ստիպված էին հարձակումները դադարեցնել՝ ուժերը կարգի բերելու և ընդհանուր զորահավաք կազմակերպելու համար: Այդ դադարից օգտվելով՝ Շքոթրայի թուրքական հրամանատարությունը կարճ ժամանակում կարողացավ ղենքի կոչել 20.000 թուրք և ավելի քան 10.000 այլբանացի<sup>2</sup>:

Իսկ այդ նույն ժամանակ բալկանյան մյուս սլավոն բանակները տենդորեն վերջին պատրաստություններն էին տեսնում, կառավարությունները բնակչության չըջանում ուժգին քարոզչություն էին մղում և հոգ տանում պարեն ու ռազմամթերք արագ տեղափոխելու դեպի սահմանային գծերի էական կետեր:

Մի քանի օր հետո, իրար հետևից, սրտառուչ նվիրումով Չերնոգորիային միացան Հունաստանը (4 (17) հոկտեմբերի), Սերբիան և Բուլղարիան (5 (18) հոկտեմբերի)՝ չարժեղով իրենց բանակները<sup>3</sup>:

Հիլմի փաշան վիեննական թերթերին տված հարցազրույցի ընթացքում հայտարարել էր, թե «պատերազմը Թուրքիային հանկարծակիի բերեց»<sup>4</sup>: Միայն օրեր անց Բ. Դուռը մանիֆեստ հրատարակեց բալկանյան չորս երկրներին պատերազմ հայտարարելու մասին<sup>5</sup>:

Այսպիսով, եվրոպական կառավարությունների ոչ մի արգելք ի վիճակի չեղավ կանխելու պատերազմը: Բացի Ռուսաստանից, մյուս մեծ պետությունները պատրաստ չէին նման անակնկալի: Ռուսերի պես պայթած պատերազմը հատկապես չփոթեցրել և չչմեցրել էր «խաղաղասեր», եռանդուն դիվանագետներին: Միջպետական նոր հարաբերությունների համար

<sup>1</sup> Տե՛ս «Ազատամարտ», № 1028, 14 (27) հոկտեմբերի 1912 թ.:

<sup>2</sup> Տե՛ս նույն տեղում, № 1027, 13 (26) հոկտեմբերի 1912 թ.:

<sup>3</sup> Տե՛ս «Вестник Европы», № 2, февраль, 1913, էջ 347:

<sup>4</sup> Տե՛ս «Ժամանակ», № 1261, 29 հոկտեմբերի (11 նոյեմբերի) 1912 թ.:

<sup>5</sup> Տե՛ս В. А. Жебокрицкий, Болгария во время балканских войн 1912-1913 гг., изд. Киевского университета, 1961, էջ 46:



պատերազմը դարձավ մի գորեղ առիթ՝ բացելով նոր հեռանկարներ և առավել ևս հարուցելով նոր խնդիրներ:

Թուրքիայի վրա Չերնոգորիայի հարձակման հաջորդ օրն իսկ հետևեց Բալկանյան պետություններին ուղղված Ռուսաստանի և Ավստրո-Հունգարիայի համատեղ ծանուցումը, ուր ասված էր. «Տերությունները պարսավում են ամեն մի գործողություն, որը կարող է խանգարել խաղաղությունը, 2) Հիմնվելով Բեռլինի դաշնագրի 23-րդ հոդվածի վրա, ժողովուրդների շահերի համար տերությունները ձեռք կառնեն Թուրքիայում բարենորոգումների իրագործմանը, նկատի առնելով, որ դրանք ոչ մի վնաս չպիտի հասցնեն Սուլթանի վեհապետությունը և օսմանեան կայսրություն հողային ամբողջականությունը»<sup>1</sup>:

Նույն ժամերին հաջորդեց նաև Գերմանիայի՝ սպառնալիքներով լի նախազգուշացումը բալկանյան դաշնակիցներին: Բեռլինը նրանց սաստում էր, թե «այդ արկածախնդրությունը» կարող է թանկ նստել ոչ միայն Չերնոգորիայի, այլև ողջ տարածաշրջանի համար<sup>2</sup>:

Չուչացավ նաև Իտալիայի կառավարությունից հայտարարությունը, ուր ասված էր, որ իր երկիրը մեծ անհանգստություն է հետևում բալկանյան վտանգի զարգացմանը և վճռել է ամեն բան անել կանգնեցնելու պատերազմը:

Իտալիայի տազնապը հասկանալի էր. պատերազմը անխուսափելիորեն վերջ կտար Բալկաններում հաստատված status quo-ին և նույն պահին հրապարակ կնետեր իտալա-ավստրիական հին վտանգը, այս անգամ նոր՝ թերևս ավելի սուր կերպարանքով: Ավստրիան Բալկանների առաջապահ պետությունն էր և վճռական էր մնալու այդ դերում, այսինքն՝ նա չէր կարող հանդուրժել, որ սերբերը գրավեն Սերբիայի և Չերնոգորիայի միջև ընկած նախկինում Սերբիային պատկանած տարածքը: Հակառակ դեպքում Ավստրիան կբաժանվեր Թուրքիայից, իսկ դա նշանակում է, որ կկտրվեր նաև էգեյան ծովից: Ուստի պա-

---

<sup>1</sup> «Ազատամարտ», № 1011, 27 սեպտեմբերի (10 հոկտեմբերի) 1912 թ.:

<sup>2</sup> Նույն տեղում:

տերազմի պարագային Ավստրիան ստիպված կլիներ դրա առաջն առնելու համար գրավել Նովի Բազարը: Ահա թե ինչու Խտալիան նույնպես սպառնագին դիմեց բալկանյան դաշնակիցներին՝ խաղաղությամբ վերջացնել գործը:

Բայց դաշնակիցներն անդրդվելի էին: Նրանք սեպտեմբերի 26-ի երեկոյան հանդես եկան համատեղ հայտարարությունով, ուր ասված էր. «Տերութիւնների միջամտութիւնը շատ է ուշացած: Տասնյակ տարիներ Եւրոպան մեզ խաղաղութեան կոչեր էր անում, բայց այդ «խաղաղութիւնը» մեզ համար միայն արին է բերել: Մենք այսուհետև Եւրոպայից խաղաղութիւն չենք պահանջելու, միաժամանակ պահանջելու ենք հարգել մեր իրաւունքը՝ թողնել մեզ մեր ձեռքով մեզ համար հաստատելու իրական խաղաղութիւն: Մենք կպաշտպանենք մեր շահերը, որոնք շատ ավելի կենսական են, քան [Թիւրքիայում] Եւրոպայի ունեցած շահերը: Մենք կանենք այն, ինչ եւրոպական դիվանագիտութիւնն անկարող եղավ կամ ավելի շուտ՝ չջանկացավ անել բազում տարիներ: Բալկանեան պետութիւնները որևէ մեկից օգնութիւն չեն սպասում և ոչ էլ դրա համար կոչեր են անում: Մենք վճռական ենք ազատվելու ամէն տեսակի խնամակալութիւնից և մեր իսկ ձեռքով վարելու բալկանեան գործերը»<sup>1</sup>:

Հիրավի, ինչպես հայերը, բալկանյան ժողովուրդները նույնպես իրենց ազատագրությունը անցյալում միշտ փնտրել են դրսում, բայց ոչ մի անգամ օգնություն չէին ստացել: Եվ ահա այժմ նրանք իրենց ձեռքն էին առել սեփական ճակատագիրը. մի կողմ նետելով խնդրագիրը՝ վերցրել էին զենքը: Մնում էր միայն իմանալ, թե որքան հիմնավոր էր նրանց վստահությունը: Մի բան, սակայն, պարզ էր. այս պատերազմի ելքը տակավին կախված էր լինելու ոչ միայն զենքի քանակից, զինվորների թվից ու ռազմական արվեստից, այլև վերջինների տոկունությունից:

Բալկանյան փոթորիկն ամենից առաջ ցույց տվեց հզորների դիվանագիտական խաղերի կատարչալ սնանկությունը: Ոստա-

---

<sup>1</sup> «Ազատամարտ», № 1011, 27 սեպտեմբերի (10 հոկտեմբերի) 1912 թ.:

դուլթյան անունից օրնիրուն ճառող եվրոպական կառավարու-  
թյունները կանգնեցին փաստի առաջ:

Դեռ երեկ բալկանյան քրիստոնյաները հուսահատ ճչում էին. «Կմեռնենք, բայց առաջ կբերենք Եվրոպայի միջամտու-  
թյունը»: Այժմ նույն ազգերը Եվրոպայից խնդրում էին մի բան՝  
չմիջամտել Թուրքիայի հետ իրենց բազմադարյան հաշիվները  
մաքրելու գործին:

Պատերազմն սկսելու առիթով Սալոնիկի սոցիալիստական-  
բանվորական ֆեդերացիան, Ռումինիայի սոցիալ-դեմոկրատա-  
կան կուսակցությունը, Ս. Գ. Հնչակյան կուսակցությունը, ՀՅ  
դաշնակցությունը և Պաղեստինի սոցիալ-դեմոկրատական բան-  
վորական հրեա կուսակցությունը հանդես եկան «Բալկանների  
և Փոքր Ասիայի աշխատավոր ժողովրդի հանրային կարծիքին»  
ուղղված շրջաբերական-կոչով, որում նրանք իրենց զայրույթն  
էին արտահայտում պատերազմը սանձազերծողների հասցեին:  
Կոչում ասված էր. «Կը բողոքենք ու կը հրաւիրենք բանւորական  
ու գիւղացիական զանգւածները ու բոլոր անկեղծ տէճօքրաթ-  
ները, որպէս զի մեզի միանան, ուժգին բողոք մը բառնալու հա-  
մար պատերազմին դէմ, որ ամենէն աւելի աղէտալի հետեւանք-  
ներ կը բերէ իր հետ»<sup>1</sup>:

Կոչը պատերազմի հիմնական պատճառ էր համարում  
Եվրոպայի կապիտալիստական հզոր տերությունների չահադի-  
տական ձգտումները: «Անոնք հրապարակներ կ'ուղեն՝ տեղա-  
ւորելու համար իրենց ապրանքները, իրենց դրամագլուխները եւ  
պիրօքրաթական պաշտօնեաներու այն մեծ թիւը, որուն համար  
այլ եւս տեղ չկայ Մայր Երկրին մէջ»<sup>2</sup>:

Փաստաթղթի հեղինակներն աչքաթող էին անում բալկան-  
յան երկրների վրա հարյուրամյակներ ի վեր հաստատված  
թուրքական բռնապետական լծից ազատագրվելու տեղի բնիկ  
ժողովուրդների բուռն ձգտումը, ազգային կյանքով ապրելու  
նրանց տենչը: Շեշտադրելով բալկանյան ժողովուրդների տնտե-

---

<sup>1</sup> «Դրօշակ», № 19, սեպտեմբեր, 1912, էջ 234:

<sup>2</sup> Նույն տեղում:

սական ծանր վիճակը և այն համարելով եվրոպական կապիտալիզմի շահադիտական ձգտումներից հետո պատերազմի երկրորդ պատճառ՝ սոցիալիստական վերոհիշյալ կուսակցություններն այնուհետև արձանագրում էին, որ Թուրքիայում չկան ազգությունների ազատություն, օրենքի առաջ հավասարություն, կյանքի ապահովություն, անկողմնակալ վարչություն, ուստի այդ ամենի համար կարելի է մեղադրել Թուրքական ռեժիմին<sup>1</sup>:

Ընդունելով, որ միայն ժողովուրդներն իրավունք ունեն փոխելու իրենց հարստահարող ռեժիմները և տնօրինելու իրենց բախտը, նշված կուսակցությունները միաժամանակ հայտարարում էին, որ իրենք ամբողջ ուժով դատապարտում են պատերազմի միջոցով քաղաքական ու ընկերային հարցերը լուծելու ձգտումը՝ գերադասելով «գիտակից ու կազմակերպված զանգուշանքներու բոլոր միջոցներով» կառավարությունների վրա «ներգործելը»: Միայն այդ կերպ հնարավոր կլինի փոխել երիտթուրքերի ռեժիմը և Թուրքիայում հրապարակ բերել մի նոր իշխանություն, որը ներկայացնե՛ր «կայսրության բոլոր ազգութիւնները...»<sup>2</sup>:

Արդյո՞ք արդարացի էր այդ պատերազմը, որ բալկանյան չորս փոքր պետությունները սկսեցին Թուրքիայի դեմ, արդյո՞ք դա պատմական անհրաժեշտություն էր:

Անդրադառնալով այդ հարցին՝ Շուշի քաղաքի մտավորականներից մեկը՝ Հովնան անունով, իր օրագրական նոթերում նկատում էր, որ պատերազմը հնարավոր էր կանխել, եթե Եվրոպան կարողանար Թուրքիային ստիպել բալկանյան ժողովուրդներին տալ կյանքի և գույքի ապահովություն: Բայց Եվրոպան դա չարեց, իսկ Թուրքը չուզեց ճանաչել օրենք ու խիղճ: Ուստի պատերազմի բռնկումը դարձավ անխուսափելի:

Շուշեցի մտավորականը վճռականապես դեմ էր ամեն տեսակի բռնության, առավել ևս ամենամեծ բռնությանը՝ պատերազմին: «Երբ տեսնում ես մի մարտիրոսացում, լինի հայ, ռուս, Թուրք կամ վրացի, - գրում էր Հովնանը, - այդ միևնույն է, ինքնին

<sup>1</sup> «Դրօշակ», № 19, սեպտեմբեր, 1912, էջ 235:

<sup>2</sup> Նույն տեղում:

հարց է ծագում, թե ինչու է նա սպանվել, ինչու է զրկվել իր բնական կյանքից: Եվ այս ու սրա նման հարցերը ճնշում են մարդուն մինչև հոգու խորքը»<sup>1</sup>:

Ամեն մի պատերազմ մարդկային մեծ աղետ է, մեծ չարիք: Բայց երբ պատերազմը նվաճողական է, այլ հանուն բռնաբարված իրավունքների ու ոտնակոխված արդարության պաշտպանություն, ապա այն միանգամայն ըմբռնելի է, նույնիսկ՝ համակրանք պատճառող: Ուստի կարելի է ասել, որ բալկանյան պետությունների կողմից Թուրքիային հայտարարված պատերազմը միանգամայն արդարացի էր, որքան էլ այն լինեք աղետաբեր<sup>2</sup>:

Այդ պատերազմը պատմական անհրաժեշտություն էր, մի կայծակնահար բողոք այն անիրավությունների, հարստահարումների, կոտորածների դեմ, որոնք դարեր ի վեր Թուրքերի ձեռքով տեղի էին ունենում Բալկաններում:

Բալկանյան պատերազմի արդարացի, առաջադիմական և ազատագրական բնույթը ոգևորում էր Բուլղարիայի ժողովրդական լայն զանգվածներին, որոնք պատրաստ էին կռվելու և ազատագրելու Մակեդոնիայի ու Թրակիայի իրենց ստրկացված եղբայրներին:

Սերբ-բուլղարական և հույն-բուլղարական ռազմական կոնվենցիաները Բուլղարիային պարտավորեցրել էին զորակոչել ոչ պակաս 200.000, Սերբիային՝ 150.000, իսկ Հունաստանին՝ 120.000 մարդ: Վերջինս ծովային մարտերի համար պետք է պատրաստեր նաև ռազմական նավատորմը: Պատերազմին նախորդած ամիսներին դաշնակիցների զինված ուժերի թիվը գնալով աճեց:

Քրիստոնյա դաշնակից բանակները հարձակման անցան իրենց բոլոր հնարավորություններով: Այդ բանակներից ամենա-

---

<sup>1</sup> ՀԱԱ, ֆ. 227, ց. 1, գ. 606, թ. 1:

<sup>2</sup> Մանրամասն տե՛ս՝ *Н. Овачиний*, *Болгария и болгары*, С-Пб, 1900. *В. Якушин*, *Балканские войны и их результаты*, Москва, 1914. *А. Садо́мов*, *Болгария*, Москва, 1915. *С. Сизри́ст*, *У порога великой войны*, Петроград, 1924. *А. Тоше́в*, *Балканские войны т-т. 1-2*, София-Пловдив, 1929-1931. *И. Фичев*, *Балканската война 1912-1913 гг.*, София, 1940. *Н. Державин*, *История Болгарии*, т. 4, Москва, 1918. *В. Жебок-рицкий*, *Болгария во время балканских войн 1912-1913 гг.*, Киев, 1961 և այլն:

ուժեղը և ամենակազմակերպվածը բուլղարականն էր, որը նաև ամենալավ բանակներից մեկն էր Եվրոպայում: Նախորդ տարիներին երկրի իշխանությունները լրջորեն զբաղվել էին ռազմական պատրաստություններով, և երկիրը պատերազմ էր սկսել մաքառման պատրաստ ու հաղթելու վճռականությամբ:

**Բուլղարիան** մոբիլիզացրել էր 420 հազար մարդ: Ռազմուժի 297.000 մարտիկներից կազմվել էր երեք բանակ: Առաջին բանակը (79 հազար մարդ) գլխավորում էր Վասիլ Կուտինչևը, երկրորդը (122.000 մարդ)՝ Նիկոլա Իվանովը, երրորդ բանակը (95.000 մարդ)՝ Ռադկո Դմիտրիևը: Այս երեք բանակների ռազմական գործողությունների վայրը լինելու էր Թրակիան, այսինքն՝ Ադրիանուպոլսի ճակատը: Ռադկո Դմիտրիևի բանակն առայժմ պետք է պահպաներ թիկունքը՝ բացազատվելով Յամբոլի տարածքում: Դրանցից բացի, բուլղարներին օգնության էին գալու 48 հազար մակեդոնացի մարտիկներ, որոնց մի մասը միավորվելու էր Թրակիա հասած սերբական երկրորդ բանակի հետ: Հետևակայիններն ունեին ավստրիական արտադրության «Մանլիխեր» և գերմանական արտադրության «Մաքսիմ» տիպի հրացաններ: Հրետանակազմը բաղկացած էր 720 միավորից: Կար ռուսական, ֆրանսիական և անգլիական արտադրության 5 ռազմական ինքնաթիռ: Ռազմածովային ուժերն ունեին 6 ականակիր և մեկ ռազմանավ (“*Надежда*”՝ կառուցված 1898 թ.):

Բանակի ընդհանուր հրամանատարությունն իր վրա վերցրեց **Ֆերդինանդ ցարը**: Բանակի գեներալխիսմուս (ընդհանուր հրամանատարի տեղակալ) նշանակվեց Ռուսաստանում զինվորական կրթություն ստացած **Միխայիլ Սավոլը**\*, գլխավոր

---

\* Զորավար Սավոլը պատերազմում ցույց տվեց ռազմական ակնհայտ տաղանդ: Բայց նրա խոցելի կողմն այն էր, որ անհուն ատելություն տածելով օսմանյան երկրի նկատմամբ՝ երբեմն իր ենթականերին տալիս էր մարտական անիրագործելի հրամաններ, որոնք հանգեցնում էին բուլղար զինվորների մեծաթիվ անմիտ կորուստների: Նա շտապում էր թշնամուն օր առաջ ջախջախված տեսնել, ուստի չէր խնայում իր զինվորների ու սպաների կյանքը: Ակամայից վերհիշում ես Հին Հունաստանում տարածված այն կարծիքը, թե պատերազմն այնքան լուրջ բան է, որ այն չի կարելի վատահել գորավարներին, որովհետև նրանք միշտ ձգտում են մեծ արյունահեղություն:

չտաբի պետ՝ գեներալ Իվան Ֆիչևը<sup>1</sup>:

**Սերբիան** ընդհանուր առմամբ գեների էր կոչել 300.000 մարդ: Առաջին բանակը (132.000 հոգի) գլխավորում էր Թագաժառանգ Ալեքսանդր Կարաջորջիչը: Այս բանակի մի ծայրը Մորավիայում էր, մյուսը՝ Մակեդոնիայի Նիշ-Վրանիա-Ուսկյուբ (Սկոպլե) գծի վրա: Երկրորդ բանակը (74.000 մարդ) գտնվում էր գեներալ Ստեպա Ստեպանովիչի հրամանատարությունից: Այդ բանակի կազմում նաև ընդգրկված էր բուլղարական «Ռիլա» զորամասը, որի ստորաբաժանումները ցրված էին Բուլղարիայի հարավարևմտյան սահմանից մինչև սերբական Կյուստենդիլ քաղաք: Երրորդ բանակը (76.000 հոգի) գեներալ Բոժիդար Յանկովիչի հրամանատարությամբ տեղաբաշխված էր Արևմտյան Սերբիայում՝ հսկելով Կոսովոն: Չորրորդ բանակը (25.000 մարդ)՝ ներառյալ «Յավոր» բրիգադը, տեղաբաշխված էր Կրալևո քաղաքի ու սանջակի միջև և գտնվում էր գեներալ Միխայիլ Ժիվկովիչի հրամանի ներքո: Սերբական ուժերը զինված էին գերմանական «Մաուզեր» հրացաններով, ֆրանսիական «Շնայդեր-Կրեզո» տիպի արագահարված 500 հրանոթներով, ուներին երեք ռազմական օդանավեր: Բանակի գերագույն հրամանատարը և գերագույն շտաբի պետը գեներալ Ռադոմիր Պուտնիկն էր:

Եվրոպական Թուրքիայի սահմաններին տեղաբաշխված հունական զորքը բաժանված էր երկու բանակների: Առաջին կամ Թեսալիայան բանակն ուներ 7 հետևակային դիվիզիա և մեկ հեծյալ բրիգադ՝ Թագաժառանգ Կոնստանտինի հրամանատարությամբ: Այս բանակի կազմում կար 100.000 զինվոր ու սպա և 160 հրանոթ: Նրա առաջին խնդիրն էր հարձակում սկսել դեպի հյուսիս և հասնել Մոնաստիր կամ Սոլուն: Երկրորդն էպիրոսյան բանակն էր՝ տեղաբաշխված Արտայի չրջակայքում, և ուներ 10.5 հազար զինվոր՝ գեներալ Կոստանտինոս Սապունտզակիսի հրամանատարությունից: Այս բանակին էին միացել Կրետե կղզու կամավորների կորպուսը և Իտալիայից եկած զարիբալ-

---

<sup>1</sup> Տե՛ս *Еджидио Иветич, Балканските Войн, София, 2012, էջ 71:*

դիական կամավորներ՝ Զուգեպե Գարիբալդիի որդի Ռիչոտի Գարիբալդիի հրամանատարությունում: Հույները զինված էին ավստրիական «Մնլիխեր-Շոնաուեր» տիպի հրացաններով, ունեին «Շնայդեր-Կրեզո» դաշտային հրանոթներ և չորս ինքնաթիռ: Հունական զինված ուժերում առաջնակարգ նշանակություն էր տրված ռազմածովային նավատորմին, որի կազմում էին իտալական արտադրության «Գեորգիոս Ավերով» հածանավը, 19 ականակիր, մեկ սուզանավ: Ռազմածովային ուժերում հաշվվում էր ընդհանուր առմամբ 4000 նավաստի և սպա՝ ծովակալ Պավլոս Կունդիրիտիսի հրամանատարությունում<sup>1</sup>:

**Զերնոգորիայի ռազմուժը** հաշվվում էր 35 հազար մարդ, որոնք զինված էին ռուսական արտադրության «Բերդան» հրացաններով: Բանակն ուներ իտալական և ռուսական արտադրության 126 թնդանոթ: Զինուժը միավորված էր երեք դիվիզիայի մեջ: Արևելյան դիվիզիան (12.000 հոգի) Յանկո Վուկոտիչի հրամանատարությունում հրաման էր ստացել գրոհել Սանջակը և Նովի Բազարը, ապա շարունակելով հարձակումը դեպի Պրիզրենն ու Կոսովո՝ միանալ սերբական ուժերին: «Զետա» անվամբ դիվիզիան (15.000 հոգի) գահաժառանգ Դանիլո Պետրովիչի հրամանատարությունում խնդիր ուներ առաջնալ դեպի Շկոդրա լճի եզերքին գտնվող նույնանուն քաղաքի ուղղությամբ, իսկ «Լիտորանես» դիվիզիան Միտար Մարտինովիչի հրամանատարությունում հարձակվելու էր Ադրիատիկ ծովի ուղղությամբ: Զորքերի գլխավոր հրամանատարը Նիկոլա թագավորն էր<sup>2</sup>:

Ինչպես տեսնում ենք, Թուրքիայի դեմ զինվորական ամենամեծ ուժ հանել էր Բուլղարիան, այնքան, որքան մյուս դաշնակիցները միասին:

Դաշնակիցներն ընդհանուր առմամբ ունեին մոտ 800.000 զինվոր ու սպա\* (ուրիշ աղբյուրի համաձայն՝ 750.000) և 1500 հրանոթ:

---

<sup>12</sup> Տե՛ս *Еджидио Иветич, Балканските Войн, София, 2012, էջ 71, 72:*

<sup>12</sup> Տե՛ս նույն տեղում, էջ 71:

\* Համեմատություն համար նշենք, որ 1812 թ. Ռուսաստանի վրա հարձակում գործած նապոլեոնյան բանակն ունեցել էր 690.000 հոգի: Երբ 1870



Իր ողջ ուժերը զորահավաքի ենթարկեց նաև Թուրքական կողմը: Կայսրությունն ողջ տարածքում կար 700.000 զինվոր, բայց նա տվյալ պահին Եվրոպական Թուրքիայում ուներ միայն 290.000 զինվոր ու սպա՝ 115.000-ը Թրակիայում և 175.000-ը Մակեդոնիայում, Ալբանիայում, Էպիրոսում, Կոսովոյում և Սանջակում: Ճակատի առաջին գծում նիզամն էր, նրա թիկունքում՝ իխթիազը (ոեզերվը), իսկ սրա թիկունքում՝ ոեղիֆը՝ պահեստազորը\*:

Սպառազինությունների տեխնիկական մակարդակով նույնպես Թուրքիան զիջում էր բալկանյան դաշնակիցներին. նա զինված էր Հին նմուշի գերմանական զենքով, այն ղեպքում, երբ դաշնակիցների մոտ Հիմնականում Փրանսիական նոր զենքեր էին\*\*:

---

Թ. Հուլիսին Պրուսիան Հարձակվեց Ֆրանսիայի վրա, ուներ 550.000 ռազմիկ, իսկ Ֆրանսիան պաշտպանվում էր մոտ 550.000 մարդ ունեցող բանակով: 1877-1878 թթ. ռուս-թուրքական պատերազմին մասնակցում էր 200.000 ռուս և 160.000 օսմանցի: 1905 թ. մարտին Մուկղենի մոտ տեղի ունեցած ցամաքային ճակատամարտին մասնակցություն էին ունեցել 330.000 ռուս և 270.000 ճապոնացի (տե՛ս նույն տեղում, էջ 74):

\* Թուրքական բանակում իսկական զինվորական ծառայությունը (նազիմ) 3-4 տարի էր, որից հետո զինծառայողները անցնում էին ոեզերվ (իխթիազ)՝ 5-6 տարի, այնուհետև պահեստազոր (ոեղիֆ)՝ 9 տարի և վերջում աշխարհազոր (մուստաֆիա)՝ 2 տարի:

\*\* Գրականություն մեջ և մամուլում պատերազմող կողմերի ռազմուժի մասին բերված են իրարից խիստ զանազանվող թվեր: Օրինակ՝ մի աղբյուրում (տե՛ս «Ազատամարտ», № 1034, 20 հոկտեմբերի – 2 նոյեմբերի 1912 թ.) թուրքական զինված ուժերի անձնակազմի թիվը պատերազմի սկզբին ցույց է տրված 600.000, մի ուրիշ աղբյուրում (տե՛ս X. 3. Габдуллин, Младотурецкая революция. Исторический очерк, Государственное социально-экономическое издательство, Москва, 1936, էջ 159)՝ 350.000: Նույն աշխատության մեջ (էջ 159) պատերազմի սկզբին չորս դաշնակիցների միացյալ ուժերի անձնակազմի թիվը հաշվված է 662.000 մարդ, որից Բուլղարիան ուներ 350.000, Սերբիան՝ 172.000, Հունաստանը՝ 115.000, Չերնոզորիան՝ 25.000 մարդ: Թեոդիկը նշում է հետևյալ տվյալները. Բուլղարիա՝ 205.000 զինվոր և 450 թիղանոթ, Սերբիա՝ 112.500 զինվոր և 250 թիղանոթ, Հունաստան՝ 62.000 զինվոր և 150 թիղանոթ, իսկ Չերնոզորիա՝ 50.000 զինվոր: Ընդհանուր առմամբ դաշնակից քրիստոնյա չորս պետությունները, ըստ Թեոդիկի, ունեին 429.500 մարդ և 850 թիղանոթ՝ Թուրքիայի ունեցած 270 հազար զինվորի և 450 թիղանոթի դիմաց (Թեոդիկ, Ամենուրև տարեցույցը. Ազատ Հայուն պատիկ Հանրագիտարանը, 1914, Կ. Պոլիս, 1914, էջ 324):

Ստանալով գեներալխիմուսի բարձրագույն զինվորական աստիճան՝ Թուրքիայի ռազմական նախարար Ֆերիզ\* Նազրմ փաշան նշանակվեց Թուրքական ռազմուժի ընդհանուր հրամանատար:

Ռազմական գործողությունների թատերաբեմը Թուրքական հրամանատարությունը բաժանեց երկու ճակատի՝ Բուլղարիայի ու Սերբիայի և Հունաստանի ու Չերնոգորիայի ուղղություններով: Առաջին ուղղությունը, ուր գործելու էր «Արևելյան զորաբանակը», ավելի կարևոր դեր էր հատկացված, քանի որ այն ներառում էր նաև մայրաքաղաք Կ. Պոլիսը: Այս ռազմաճակատի հրամանատար էր նշանակվել Աբդուլլահ փաշան: Երկրորդ ռազմաճակատում գործելու էր «Հարավային զորաբանակը», որի հրամանատար կարգվեց Ալի Ռիզա փաշան, որ մինչ այդ զբաղեցնում էր հրետաձիգ զորաց հրամանատարի պաշտոնը: Այս երկրորդ ռազմաճակատի հունական հատվածի զորքերի հրամանատար կարգվեց նախկին ռազմական նախարար Մահմուդ Շևքեթ փաշան, որն անմիջականորեն ենթարկվում էր Ալի Ռիզա փաշային<sup>1</sup>: Ռազմածովային նավատորմի հրամանատար նշանակվեց Մահմուդ Մուխտար փաշան<sup>2</sup>:

Մինչ այդ որոշ զսպվածություն հանդես բերած Բ. Գուռը նույնպես հակվեց շուտափույթ պատերազմ հայտարարելու կողմը, թեև հաշտության բանակցություններ էր վարում Իտալիայի միջոցով:

Տրիպոլիտանական պատերազմում հաղթանակ տարած Իտալիան Թուրքիային ստիպեց համակերպվել իր կորուստներին, և 1912 թ. հոկտեմբերի 2 (15)-ին Ուշիում (Լոզանի մոտ, Շվեյցարիա) հաղթած կողմի հետ նա ճարահատյալ կնքեց խաղաղություն պայմանագիր՝ նրան զիջելով համարյա ամբողջ Լիբիան\*\*:

---

\* Բրիգադի գեներալ:

<sup>1</sup> Տե՛ս «Վեմ», № 1, սեպտեմբեր-հոկտեմբեր, 1933, էջ 91:

<sup>2</sup> Տե՛ս «Ազատամարտ», № 1005, 21 սեպտեմբերի (4 հոկտեմբերի) 1912 թ., «Մշակ», № 216, 30 սեպտեմբերի 1912 թ.:

\*\* Իտալիայի հետ կնքած հաշտությունը թեև մի քիչ թեթևացրել էր Եվրոպայում տիրող քաղաքական ծանր մթնոլորտը, բայց դրանով չվերացավ մայրցամաքում ընդհանուր պատերազմի մղձավանջը: Ամբողջ Եվրոպան մասնավել էր սարսափի: Եվ զարմանալի չէ, որ ահարկու վտանգը ստիպում էր զինվել նաև այն երկրներին, որոնք չահագրգռված էին խաղաղություն պահպանելու:

Ազատվելով Տրիպոլիտանական պատերազմի ծանր հոգսից, նաև հաշվի առնելով, որ Բալկանների սլավոն մյուս երկու պետությունները՝ Սերբիան ու Բուլղարիան, անմիջապես չեն հետևել Չերնոգորիայի օրինակին, և նրանք նույնպես իրեն պատերազմ չեն հայտարարել, ու դա համարելով նրանց թուլություն նշան՝ հոկտեմբերի 4 (17)-ին Թուրքիան ինքը պատերազմ հռչակեց Սերբիայի, Բուլղարիայի և Չերնոգորիայի դեմ: Այդ պահին նա ձգեց Հունաստանը՝ Հույս ունենալով, որ սպառված չեն նրան իր կողմը գրավելու բոլոր միջոցները: Բայց այդ Հույսը չարդարացավ: Հունաստանն ինքը նույն օրը պատերազմ հայտարարեց Թուրքիային:

Հոկտեմբերի 5 (18)-ի վառ առավոտյան բուլղարական, սերբական և հունական բանակները հատեցին Օսմանյան կայսրություն սահմանները: Բալկանյան մայրաքաղաքների փողոցներում և հրապարակներում բնակչությունը տոնում էր ցանկալի պատերազմը:

Սկսվեց մարդկային պատմություն դաժան ու արյունահեղ պատերազմներից մեկը: Երկու կողմերը կռվի դաշտ հանեցին հարյուրհազարավոր զինվորներ:

Էրզրումից «Ազատամարտ» թերթի թղթակիցը գրում էր, որ քաղաքի բնակչությունը վստահ է, որ օսմանյան բանակը մեկերկու շաբաթում ցաքուցրիվ է անելու բալկանյան «գաճաճ ազգերի» խաժամուժ զինված խմբերին: «Նանդավառ միթինկներով ու ցոյցերով «պատերազմ» գոռացող էրզրումցիները հայ թէ թուրք, այո չընկրկեցան և զոհողութեան առջև. զոհաբերեցին նիւթապէս, այնքան, որքան կրնային, համոզուած որ օսմանեան քաջարի բանակը պիտի առաջանայ սրարչաւ, յաղթանակներով պիտի պսակուի ան...»<sup>1</sup>:

Թուրքական բանակի շարքերում կռվում էին Օսմանյան կայսրություն բոլոր ազգերի զինվորներ, ինչպես նաև մեծ թվով մահմեդական կամավորներ Բոսնիայից և Հերցեգովինայից: Ավստրիայում և Գերմանիայում թուրքասիրական տրամադրու-

---

<sup>1</sup> «Ազատամարտ», № 1080, 20 դեկտեմբերի 1912 թ.:

Թյունների վերելքի պայմաններում զինվորականներից շատերը, թողնելով ծառայությունը, գնում էին մարտնչելու թուրքական զորքերի շարքերում: Թուրքիայի կողմից կովում էին նաև մեծ թվով գերմանացի և ավստրիացի հրահանգիչ-սպաներ, որոնք տարիներ շարունակ մարզել էին օսմանյան բանակը:

Ուչադրություն էր արժանի մինչ այդ Թուրքիայի դեմ ապստամբած այլբանացիների բռնած դիրքը: Նրանց այն մասը, որ քրիստոնյա էր, համակրանք էր տաժում դեպի բալկանյան պետությունների վարած դատը, իսկ մեծագույն մասը, որ դավանում էր մահմեդականություն, հարել էր թուրքական զորքերին և կտրականապես հայտարարել, թե ինքը թշնամի է բալկանյան քառյակին: Թուրքիան իր հերթին արտոնություններ էր տվել ապստամբ այլբանացիներին և ձեռնարկել էր նրանց պահանջների գլխավոր կետերի կատարումը:

Երբ առաջին անգամ Բալկաններում որոտացին թնդանոթները, Բուլղարիայի թագավոր Ֆերդինանդը պատերազմն անվանեց «Նաչի և Կիսալունի (Մահիկի) պատերազմ»: Նույն կարծիքը տարածված էր Ռուսաստանով մեկ: “Церковный Вестник” թերթը (№ 41, 1912 թ.) ազդարարում էր, թե «պայքարը, որ մղում է քրիստոնյա Բալկանը մահմեդական թուրքերի դեմ ..., բացի քաղաքական և տնտեսական պատճառներից, ստանում է գերազանցորեն կրոնական բնույթ: Քրիստոնեությունը կարծես խաչակրաց արշավանք է կազմակերպել օսմանյան պետության դեմ՝ ի պատասխան այն անյուր տանջանքների ու հարստահարությունների, որ «գյուրները» կրում են մահմեդական թուրքերի ձեռքից: Հույն և սլավոն աշխարհը մահմեդական ռեժիմի անտանելի լծի տակ վերջապես խաչանիչ դրոշակով դուրս եկավ կոիվ հայտարարելու մահմեդական կիսալունին: Կատարվեց այն, ինչ վաղուց սպասվում էր»:

Բուլղարիայի թագավորի արտահայտությունը բուն դրական արձագանք գտավ ռուսական մամուլի էջերում: Նաչի և Կիսալունի միջև պատերազմի թեման առանձնապես հետևողականորեն էր զարգացնում “Русское Слово” թերթը, որը տպագրեց հայտնի լրագրողներ Դորոշևիչի, Ֆիլոսոֆովի, Միխայլովսկու և ուրիշների բազմաթիվ հոդվածներ: Ֆիլոսոֆովը թերթում

տպագրել էր «Կիսալուսինը» վերնագրով մի հոդված, որով սլավոններին կոչ էր անում չխնայել թուրքերին և նրանց քչել Բալկաններից:

Բուլղարիայի թագավորի պատեհ կամ անպատեհ արտահայտած խոսքը թուրքական կառավարությունը և մուսուլմանական կրոնապետները լայնորեն չարաչահեցին՝ ողջ մահմեդական աշխարհը քիստոնյաների դեմ տրամադրելու համար:

Ֆիլոսոֆովի հոդվածի կապակցությամբ Ռուսաստանի 37 մտավորական թուրքեր բողոքի նամակ ուղարկեցին “Русские Ведомости” թերթին, որը տպագրեց նամակը, բայց այն ուղեկցեց խմբագրություն մեկնաբանությամբ՝ ըստ էության պաշտպանելով Ֆիլոսոֆովի հոդվածում առաջ քաշված մտքերն ու դրույթները: Բանը հասավ նրան, որ “Русские Ведомости”-ն լուսությամբ անցավ “Русское Слово”-ի՝ Կարմիր խաչին և գլխության քույրերին ուղղած կոչին՝ չօգնել վիրավոր թուրքերին՝ դա պատճառաբանելով այն բանով, որ հակառակ դեպքում առանց վիրակապի և առանց բժշկական օգնության կմնան բուլղար, սերբ, չեռնոգորցի կամ հույն վիրավորները: Դա նշանակում էր, որ “Русские Ведомости”-ն հավանություն էր տալիս իր գործընկերոջ այդ ծայրահեղ տեսակետին անգամ<sup>1</sup>:

“Русское Слово”, “Русские Ведомости” թերթերի նորանոր հոդվածները բուռն բողոքներ էին առաջ բերել Ռուսաստանի մուսուլման գործիչների մոտ:

Նշված և ուրիշ սլավոնամոլ մամուլի օրգաններին անդադար նամակներ էին հղում ռուսաստանցի թուրքերը՝ Սիմֆերոպոլից, Տոմսկից և այլ վայրերից: “Русское Слово” թերթի խմբագրությունը նամակ էր ստացել նաև Բաքվի թուրքերից, որը զանազան խավերի կողմից ստորագրել էր 54 հոգի, այդ թվում՝ երդվյալ հավատարմատարներ Ալի Մարդան բեկ Թոփչիբաչիևը և Ֆաթալի խան Նոյսկին\*, ինժեներ-տեխնոլոգ Մեչադի բեկ

---

<sup>1</sup> Տե՛ս «Մշակ», № 251, 10 նոյեմբերի 1912 թ.:

\* Հայտնի մուսաֆաթականներ, Ադրբեջանի առաջին Հանրապետության նշանավոր գործիչներ:

Ազիզբեկովը\*, բժ. Բ. Ախունդովը, Հանքային ինժեներ Բեյբուլթխան Զիվանչիրը\*\*, լրագրող Մեհթի բեկ Հաջինսկին, նավթ-արդյունաբերող Ահմեդ Ասադուլանը և ուրիշներ<sup>1</sup>:

«Ուաչի և կիսալուսնի պատերազմի» մասին ուսական թերթերում տպագրված հոդվածների առթիվ Կովկասի մահմեդականներն աներկբայորեն հայտարարում էին, որ եթե, օգտվելով առիթից, Ռուսաստանը պատերազմ սկսի Թուրքիայի դեմ, ապա իրենք պատրաստ են առաջին իսկ հարմար պահին անցնել օսմանցիների կողմը<sup>2</sup>:

Հայ հասարակությունը, հայոց եկեղեցին, հայկական մամուլի օրգանները Կ. Պոլսում, Անդրկովկասում և այլուր խիստ քննադատում էին խաչը մահիկի դեմ հանելու գաղափարը, վճռապես մերժում բալկանյան պատերազմը որպես այդ երկու խորհրդանիշների պատերազմ ներկայացնելու տեսակետը, գտնում էին, որ քրիստոնյաների համար գոյություն չունի նման հարց, այլ միայն կա թուրքական բռնակալությունից կայսրություն ոչ թուրք ժողովուրդների ազատագրության խնդիր:

«Կրոնքի շահագործությունը» վերնագրով հոդվածում «Ազատամարտն» աններելի էր համարում բուլղարների ցարի կողմից խաչի և կիսալուսնի հակամարտությունը՝ այն համարելով «անպատուաբեր ներկայ դարու քաղաքակրթական ոգիին եւ ըմբռնումներուն»: Թերթը նշում էր, որ Ֆերդինանդ ցարի կոչ-հայտարարությունը թերևս ունենար գոյության իրավունք միջին դարերում, երբ կրոնական զգացումը կույր ատելությունը ժողովուրդներին հանում էր իրար դեմ՝ երբեմն հանուն խաչի ու մահիկի, երբեմն հանուն կաթոլիկության կամ բողոքականության:

---

\* Հետագայում բուլղարի, Բաբվի 26 կոմիսարներից մեկը, որը գնդակահարվեց անգլիացիների և էսէռների կողմից 1918 թ. սեպտեմբերին Ախչա-Վումայի ավազուտներում (Թուրքմենիա):

\*\* Հետագայում մուսաֆաթական կառավարության ներքին գործերի նախարար, սպանվել է Հայ վրիժառուի ձեռքով:

<sup>1</sup> Տե՛ս «Մշակ», № 251, 10 նոյեմբերի 1912 թ.:

<sup>2</sup> Տե՛ս նույն տեղում:

Թերթը գրում էր, թե չկա մի կրոն, որն ավելի հարգելի լինի մյուսի նկատմամբ: Բոլոր կրոնները՝ որպես անհատական խղճի խնդիր, հավասարապես հարգելի են և գրեթե համազոր են, համազոր՝ իրենց առավելություններով ու պակասություններով, իրենց բարոյական սկզբունքներով կամ նախապաշարումներով:

Կրոններով չէ պայմանավորված, որ ազգերի մի մասը հասել է առաջադիմության բարձունքների, իսկ մյուս մասը մնացել է հետամնաց ու տվայտում է մտավոր խավարում:

«Պուկարիոյ թագաւորը կրնար թերեւս աւելի կամ պակաս իրաւունքով, ամբաստանել օսմանեան կառավարութիւնը՝ որ բարեկարգութիւն գործ չէ դրած Մակեդոնիոյ մէջ, որ արդարութեամբ չէ վարուած պուկար տարրին դէմ, կրնար այդ ամէնը՝ իբրեւ թերութիւն ու նոյն իսկ քաղաքական յանցագործութիւն զարնել օսմանեան կառավարութեան երեսին. բայց երբեք իրաւունք չունէր կառավարութիւն մը մեղադրել այն բանին մէջ՝ որ իր դաւանանքէն տարբեր դաւանանք, իր կրօնքէն տարբեր կրօնք ունի. երբեք իրաւունք չունէր ատելութեան եւ արինահեղութեան հրաւիրելու իր ժողովուրդը՝ այլ ժողովուրդի մը դէմ, անոր համար՝ որ մէկը քրիստոնեայ է, միւսը իսլամ»<sup>1</sup>:

Կրոնները չեն, որ ազգերը բաժանում են իրարից, դժբախտությունն ու ատելությունն սերմեր ցանում, այլ նրանք, ովքեր, շահագործելով կրոնական զգացումը, քողարկում են իրենց քաղաքական նպատակները կամ շահագիտական բազմատեսակ ձգտումները: Կրոնը շահագործողները իշխող դասակարգերն են, նրանց ներկայացուցիչները, որոնք աթոռներ են զբաղեցնում կառավարություններում ու պառլամենտներում, նրանց հաջորդում են իշխանավորների նետած փչրանքներով կերակրվող ծառաները՝ լրագրողներ, հանրային գործիչներ, պաշտոնյաներ, ամեն դասի ու ամեն արհեստի ստրուկ պորտաբույծներ:

Ֆերդինանդ ցարի ուղերձը բուլղար ժողովրդին ամենուր բացասական արձագանք գտավ: Քչերը եղան Բուլղարիայից դուրս, որ հավանություն տային ցարի կոչին, լինեին նրանք

---

<sup>1</sup> «Մշակ», № 251, 10 նոյեմբերի 1912 թ.:

մահճնեղական թե քրիստոնյա: Բ. Դոան պաշտոնական տեսակետը իր մի ճառում արտահայտեց Նազրմ փաշան, որը, օգտվելով Ֆերդինանդ ցարի սխալից, իր ճառում թույլ չէր տվել ոչ մի վիրավորական խոսք, ոչ մի նախատական բառ, ոչ մի անպատշաճ ակնարկություն թշնամի երկրի կրոնական հավատամքին:

«Ազատամարտի» խմբագրությունը շեշտում էր. «Մենք չենք արդարացնել ոչ ոք: Մեզի համար հավասարապես նախատինքի ու դատապարտությունից արժանի է այն կրոնական զգացումը, որը դուրս գալով իր դերէն կմտնէ քաղաքական գործերում մէջ եւ անով կը զինէ ազգը ազգի դէմ, անհատը անհատի դէմ:

Ո՛չ, Սաչի ու Մահիկի պայքար չէ այն պատերազմը, որ այս պահուս տեղի կունենայ Պալքաններուն մէջ:

Ոճիր է՝ քսաներորդ դարու երեսին, ազգերու կամ դասակարգերու քաղաքական վէճերը փոխադրել կրօնական հողի վրայ, Մահիկը Սաչին կամ Աւետարանը Գուրանին դէմ հանելով, եւ այսպէս մարդկային խիղճը դարձեալ, Արեւելքի մէջ, վերածել այն սպանդանոցին՝ ուրկէ վաղուց ազատած ըլլալ կը թուի գոնէ Արեւմուտքի մէջ»<sup>1</sup>:

«Ժամանակ» թերթը, իբրև այդ ճշմարտությունից անկասկած, վկայակոչում էր մի շարք օրինակներ. «Եթե Եվրոպայի դիւանագէտներուն համար Քրիստոնէի ու Իսլամի հարց գոյութիւն ունենար, թոյլ կուտայի՞ն որ իսլամ վեհապետի մը մէկ քմահաճոյքին համար 300.000 անմեղ հայեր ջարդուէին:

Եթէ Սաչի ու Մահիկի գաղափարը գոյութիւն ունենար, հաւատացեալ Վիլհելմ կայսրը Երուսաղէմ սուրբ քաղաքը այցելելու միջոցին 300 միլիոն իսլամներու պետին, Համիտին կենացը բաժակ կը պարպէ՞ր:

Եթէ Եւրոպայի դիւանագէտները կրօնքի խտիր զնէին, Համիտ պիտի կրնա՞ր իր դատը Եւրոպայի առջև պաշտպանելու համար աշխարհի ամենէն ազատական երկրին՝ Ֆրանսայի նախարարները, Հանսթո եւ ուրիշներ, իրեն փաստաբան գտնել:

Անվիճելի է, եւ նոյնիսկ այս բոպէիս մեր շուրջը անցած դար-

---

<sup>1</sup> «Ազատամարտ», № 1022, 8 (21) Հոկտեմբերի 1912 թ.:



ձաճները կը հաստատեն թէ, Թուրքիա իր գոյութիւնը Եւրոպայի քրիստոնեայ տէրութեանց բարեացակամութեան կը պարտի:

Թուրքիոյ դէմ օտարներուն կողմէ գործուած արարքներուն մէջ կրօնական նկատում տեսնել ու այդ գաղափարով շարժիլ ո՛չ միայն սխալ է այլ եւ մեր երկրին գոյութեան համար աղիտաբեր»<sup>1</sup>:

Հայերի միջավայրում շրջանառւում էր նաև այն կարծիքը, թե Բալկանյան պատերազմն ըստ էութեան պայքար է համասլավութեան և համագերմանականութեան միջև: Եվ ընդհանրապես Թուրքիայի հայկական մամուլի բոլոր օրգանները անվերապահ դատապարտում էին պատերազմը, թեև թվում էր, թե հայերը պիտի որ կողմ ինեին դրան: Դատապարտում էին, քանի որ հակառակ տեսակետ արտահայտելու հնարավորութիւն չունեին: Նրանց մի մասը հավանական էր համարում, որ սկսված կռիվը շուտով վերջանալու է Թուրքիայի հաղթանակով: «Ազատամարտը» գրում էր. «Ձէնքի բաղդը, այսօր վաղը, կրնայ այնպիսի վիճակի մը մէջ դնել անխոհեմ փոքր պետութիւնները, որ պէտք կ'ըլլայ մտածել ո՛չ թէ իրենց ընդարձակման, այլ զիրենք փրկելուն վրայ...»<sup>2</sup>:

Բայց պատերազմը և նրա ելքն այլ կերպ էին պատկերացնում Թուրքիայից դուրս գտնվող հայկական թերթերն ու հանդեսները: Դրանք սկսված պատերազմը համարում էին կռիվ քաղաքակրթութեան և բարբարոսութեան միջև, գտնում էին, որ դա Թուրքիայի համար ճակատագրական կռիվ է ոչ միայն եվրոպական հողի վրա իր վերջին կովանը հաստատելու առումով, այլև իբրև ասիական պետութիւն՝ իր ուժն ու դիրքը պահպանելու տեսակետից:

Չնայած տարբեր վայրերի հայերի տեսակետների տարբերութեանը, սակայն, նրանց զգալի մասը գուշակում էր, թե դրամի պակասի և վերահաս ձմռան պատճառով պատերազմը շատ կարճատև կլինի՝ մեկ-երկու ամիս տևողութեամբ:

---

<sup>1</sup> «Ժամանակ», № 1279, 16 (29) նոյեմբերի 1912 թ.:

<sup>2</sup> «Ազատամարտ», № 1022, 8 (21) հոկտեմբերի 1912 թ.:

Սկսված պատերազմի դեմ շարունակում էին անդիջում հանդես գալ միջազգային երկու խոշոր ուժեր՝ Ֆրանսիան և եվրոպական սոցիալիստական շարժումը:

Նախկինում Ֆրանսիայի կատարած դիվանագիտական ջանքերն ի դերև էին ելել: Բայց անգամ դրանից հետո նա չէր դադարում պատերազմը կասեցնելու միջոցներ խորհել: Փարիզն առաջվանից ավելի տենդագին աշխատանք էր տանում համաեվրոպական պատերազմի առաջն առնելու, իսկ դա գուցե հնարավոր լիներ, եթե նա գործեր իր զինակից Ռուսաստանի ձգտումներին հակառակ: «Ազատամարտը» գրում էր. «Ֆրանսիայի խաղաղարար քաղաքականությունը այժմ ամենամեծ զորություններէն մեկն է, որ ուս համասլաւականութենէ առաջ եկած ընդհանուր բարդությունների դեմ կը կռուի: Արդի ֆրանսիական քաղաքականությունը աւելի մեծ կշիռ մը կը ստանայ մանաւանդ այն պատճառով, որ կը յենուի իր երկրին բովանդակ հասարակական կարծիքին վրայ եւ կը ներկայանայ իրօք ժողովրդական կամքի արտայայտությունը»<sup>1</sup>: Թերթը Ֆրանսիան անվանում էր խաղաղության միակ վստահելի պատվար ոչ միայն Եվրոպայում, այլև ողջ քաղաքակիրթ աշխարհում:

Մամուլն արդեն հաղորդում էր, որ չնայած պատերազմի բռնկումով կատարյալ անհաջողության են մատնվել Ֆրանսիայի խաղաղասիրական անկեղծ ջանքերը, բայց Պուանկարեն նոր ծրագիր է հղացրել, այն է՝ պատերազմը դադարեցնելու համար հրավիրել համաեվրոպական դեսպանաժողով: Նրա այս նոր նախաձեռնությունը մեծ արձագանք էր գտել եվրոպական բոլոր երկրների, հատկապես ազատական տարրերի շրջանում: Ավելին, տրամադրությունների այդ ալիքի վրա գերման ազատական տարրերի մեջ գնալով ուժեղացել էր այն համոզումը, որ իրենց երկիրը ի վերջո պետք է դաշնություն կազմի Ֆրանսիայի հետ: Իսկ դա նշանակում էր, որ կարող էր վտանգվել Եռյակ համաձայնության դաշինքը:

Անդրադառնալով եվրոպական մամուլի այսպիսի լավատե-

---

<sup>1</sup> «Ազատամարտ», № 1022, 8 (21) Հոկտեմբերի 1912 թ.:

սական տրամադրություններին՝ «Ազատամարտը» դրանք համարում էր ոչ իրատեսական. «Ինչ այլ ըլլա սակայն, հազիւ թէ Փուանքարե յաջողի իր այդ նոր ծրագիրը այժմ իրագործել: Ճիշդ է որ առանց եւրոպական համաժողովի մը կարելի չպիտի ըլլայ կարգաւորել պալքանեան հարցը – եւ վաղ թէ ուշ՝ անիկա պէտք է գումարուի: Սակայն մեզի կը թուի թէ այդ գումարումը անհնար պիտի ըլլայ մինչեւ այն ատեն, երբ պալքանեան պատերազմը վարող կողմերէն մէկը կամ միւսը վճռական յաղթանակ մը չէ տարած: Պարզ այն պատճառով՝ որ եթէ մեծ պետութիւնները իրօք համաձայն ըլլային պահպանելու Եւրոպայի քաղաքական արդի հաւասարակշռութիւնը եւ իրերու գոյութիւն ունեցող վիճակը Պալքաններու մէջ, այն ատեն անպայման պիտի կարենային եւ յաջողէին պալքանեան պատերազմին առաջքն առնել»<sup>1</sup>:

Եթե պատերազմի անիվը Ֆրանսիան ձգտում էր շրջել՝ օգտագործելով դիվանագիտական հնարավորությունները, ապա միջազգային սոցիալիստական շարժումը դա փորձում էր անել հարկադրանքով՝ աշխատավոր զանգվածներին և առաջին հերթին բանվորութեանը փողոցներ ու հրապարակներ հանելու, հանրահավաքներ, ցույցեր, գործադուլներ կազմակերպելու, իշխանություններին չենթարկվելու, գորահավաքները խափանելու և այլ ձեռնարկումներով պատերազմող կողմերի և նրանց հովանավոր պետությունների վրա ճնշում գործադրելու միջոցով:

Արդեն 1912 թ. հոկտեմբերի սկզբներից աշխատավորական հսկայական ցույցեր ու բազմամբոխ հանրահավաքներ սկսվեցին ինչպես պատերազմող բալկանյան երկրներում, այնպես էլ եվրոպական մայրաքաղաքներում ու արդյունաբերական խոշոր կենտրոններում:

Սոցիալիստները մեծ տազնապ էին բարձրացնում մամուլի էջերում և պառլամենտներում: Այսպես, Սերբիայի Սկուպչինայում (Ազգային ժողով) հոկտեմբերի 10-ին սոցիալիստ պատգա-

---

<sup>1</sup> «Ազատամարտ», № 1022, 8 (21) հոկտեմբերի 1912 թ.:

մավորներ Լյապոչևիչը և Կասլերովիչը խիստ բողոքեցին «բուր-  
ժուազիայի ծնունդ» պատերազմի դեմ:

Այդ օրերին Բուլղարիայի Սոպրանիեում (Ազգային ժողով) միակ սոցիալիստ պատգամավոր Սազրզովը նույնպես խիստ քննադատության ենթարկեց բուլղարական բուժուազիային՝ պատերազմի նախաձեռնությունամբ հանդես գալու համար: Եվ երբ պատգամավորը դուրս էր գալիս խորհրդարանից, նրան ատրճանակի հարված հասցրեց բուլղար ազգայնականներից մեկը:

Սերբ և բուլղար պատգամավորների այդ ելույթների կապակցությամբ 1912 թ. հոկտեմբերի կեսին Երկրորդ ինտերնացիոնալի սոցիալիստական բյուրոն հանդես եկավ «Բուլոբ երկրների աշխատավորներին» ուղղված կոչով, որով խորին սոսկում էր արտահայտում Բալկաններում տեղի ունեցող զանգվածային զարհուրելի սպանությունների համար և սրտազին ողջույններ հղում Բալկանի սոցիալիստներին, որոնք նման դժվարին պարագաներում անգամ հանդես էին գալիս պատերազմի դադարեցման պահանջով: Բյուրոն ողջույն էր հղում «սերբ և բուլղար մեր ընկերներին, որոնք իրապես արժանի նվիրյալներ են բանվորական գործին»<sup>1</sup>:

Շեշտելով, թե բալկանյան ժողովուրդները կատարելապես իրավունք ունեն պահանջելու իրենց անկախությունը, ինչպես նաև իրենց ազգային հատվածների միացման երաշխիքներ ստանալու, միաժամանակ Միջազգային սոցիալիստական բյուրոն համոզմունք էր հայտնում, թե այդ մեծ նպատակին կարելի էր հասնել առանց պատերազմի, առանց արյուն թափելու և առանց տնտեսական ավերման: Նշվում էր, որ պատերազմը հետևանք է մեծ տերությունների խարդավանքների, բալկանյան տարածաշրջանի պետությունների վեհապետների փառասիրության և բոլոր երկրների շահագործող դասակարգերի ազահու-  
թյան<sup>2</sup>:

---

<sup>1</sup> «Ազատամարտ», № 1025, 11 (24) հոկտեմբերի 1912 թ.:

<sup>2</sup> Տե՛ս նույն տեղում:

Սոցիալիստական բյուրոն պատերազմող երկրների ժողովուրդներին հորդորում էր զանգվածային բողոքի գործողություններով պահանջել արյունահեղություն դադարեցում: Բյուրոն նաև բալկանյան բազմազգ աշխատավորությունը տեղեկացնում էր, որ մոտ ժամանակներս կգումարի միջազգային արտակարգ համաժողով, որտեղ քննություն կառնվեն պատերազմը խափանելու հնարավորությունները<sup>1</sup>:

Մարդկանց մոտ հարց էր առաջանում, թե ինչպես է հնարավոր խաղաղ ճանապարհով լուծել Թուրքիայի հետ բալկանյան ժողովուրդների հակասությունները, արդյո՞ք հնարավոր է կանգնեցնել «անմիտ պատերազմը» և հասնել մակեդոնական ժողովրդի ազատագրությունը: Այդ հարցերի պատասխանը չկար Սոցիալիստական բյուրոյի կոչում:

Միջազգային սոցիալիստական բյուրոն տվյալ պահին փաստորեն հանդես էր գալիս Եվրոպայում status quo-ի պաշտպանությամբ՝ որպես փրկողակի: Բայց չէ՞ որ հատկապես Բալկանների հարցում այդ սկզբունքի ջերմեռանդ կողմնակիցներն էին առաջին հերթին իմպերիալիստական Գերմանիան ու Ավստրիան, ապա նաև՝ Անգլիան ու Ֆրանսիան:

Ստատուս քվոյի պահպանումը բոլոր պետություններից ավելի դժվար էր Ռուսաստանի համար: Մի կողմից նա հայտարարում էր, թե ինքը կողմ է Բալկաններում եղած վիճակի պահպանման, մյուս կողմից հավատարիմ էր մնում այնտեղ իր ավանդական քաղաքականությունը, այն է՝ Բալկաններից թուրքերին վոնդելուն: Նա կարծես թե ուզում էր անհնարին մի բան՝ հակասականությունը ձուլել մի ամբողջություն մեջ, մինչդեռ այդ երկու ձգտումները տրամազօրեն հակառակ էին: Չէ՞ որ Բալկանների, Ռուսաստանի ավանդական քաղաքականություն նպատակը միշտ եղել էր այնտեղից թուրք գավթիչներին վոնդելը և սլավոն ժողովուրդներին ազատություն բերելը: «Եւ եթէ այս պահուս Ռուսիա հավատարիմ է իր այս աւանդութեանց, այն ատէն կարող չէ անկեղծօրեն պահպանել ուզել Պալքաննե-

---

<sup>1</sup> Տե՛ս «Ազատամարտ», № 1030, 16 (29) հոկտեմբերի 1912 թ.:

րու քաղաքական գոյավիճակը»<sup>1</sup>, - գրում էր «Ազատամարտը»:

Որքան էլ տարօրինակ է, Միջազգային սոցիալիստական բյուրոյի տրամաբանությունը հանգում էր նրան, որ եթե բալկանյան երկրների զորքերը Եվրոպական Թուրքիայից գրավեն տարածքներ, ապա, միևնույնն է, խաղաղության դաշն կնքելիս դրանք պետք է վերադարձվեն իրենց տերերին, մի բան, որ անտրամաբանական էր, անիրականանալի:

Անդրադառնալով այդ հարցին՝ Վիեննայի “Neue Fraje Press” թերթը գրել էր. «Մինչև այժմ ոչ ոք չի կարողացել պատասխանել այն հարցին, թե ով պիտի առնի բալկանյան պետությունների կողմից Թուրքիայից նվաճած հողերը, եթե այդ պետությունները հաղթանակ տանեն»<sup>2</sup>: Թերթը նաև համոզմունք էր հայտնել, որ Ռուսաստանը երբեք թույլ չի տա, որ սլավոն պետությունների հաղթանակի դեպքում նրանցից հետ խլվեն գրաված տարածքները, որովհետև ոուս ժողովուրդը այդ բանը երբեք չի հանդուրժի: Թերթը նաև շեշտում էր. «Պալքանեան ազգութիւններու բարգաւաճումը կասեցնելու համար թափուած ջանքերը մինչև հիմա ամուլ մնացած են: Եւ եթէ Թուրքիա բաւական զօրաւոր չէ իր ստացուածքները պահպանելու համար, Եւրոպան պէտք է հաշուի գոնէ այս փոփոխութիւնը»<sup>3</sup>: Թերթը նաև շեշտում էր, որ եթե պատերազմն անհնար է կանգնեցնել ցույցերով ու լոզունգներով, ապա գոնե պետք է հասնել նրան, որ այն չդառնա գազանաբարո: Ուստի տերությունների կառավարությունների գլխավոր պարտականությունը պիտի լինի հակառակորդ կողմերից պահանջել, որ նրանք կոխվր վարեն գոնե պատերազմի միջազգային կանոնների համաձայն, այսինքն՝ խնայեն ծերերին, կանանց, երեխաներին<sup>4</sup>:

---

<sup>1</sup> «Ազատամարտ», № 1022, 8 (21) հոկտեմբերի 1912 թ.:

<sup>2</sup> “Neue Fraje Press” սույն հոդվածը թարգմանաբար արտատպված է «Ազատամարտ» թերթում (№ 1022, 8 (21) հոկտեմբերի 1912 թ.):

<sup>3</sup> «Ազատամարտ», № 1028, 14 (17) հոկտեմբերի 1912 թ.:

<sup>4</sup> Նույն տեղում, № 1025, 11 (24) հոկտեմբերի 1912 թ.:

## ՀԱՅԿԱԿԱՆ ՎԱՇՏԻ ԿԱԶՄԱՎՈՐՈՒՄԸ

1912 թ. աշնանը սկսված բալկանյան պատերազմին Բուլղարիայի հայ զանգվածների ակտիվ մասնակցությունը բնավ պատահական չէր: Դրան նպաստում էր նաև այն, որ պատերազմն արդար և ազատագրական էր:

Բուլղարական բանակի կողքին սկիզբ առավ կամավորական մեծ շարժում, որը ծավալվեց ոչ միայն բուն Բուլղարիայում, այլև Մակեդոնիայում և Թրակիայում: Այն լայն արձագանք էր գտել նաև Եվրոպայում և Ռուսաստանում: Կամավորական հզոր շարժման արդյունքում ստեղծվեց աշխարհազոր: Քանի որ այնտեղ մեծ մասամբ ընդգրկված էին Մակեդոնիայի և Օդրինեի (էդիրնիե, Ադրիանուպոլիս) բուլղար կամավորներ, ուստի այն պաշտոնապես կոչվեց Մակեդոնա-Օդրինյան աշխարհազոր (*Македоно-Одринское ополчение*): Ստեղծված աշխարհազորի հրամանատարությունը ստանձնեց զորավար Նիկոլա Գենեը, որի տրամադրությունն տակ կար 16 հազար զինված կամավոր: Նրանցից ստեղծվեց կամավորական երեք բրիգադ: Դրանցից մեկը 3-րդ կամավորական բրիգադն էր՝ փոխգնդապետ Ալեքսանդր Պրոտոգերովի հրամանատարությամբ: Նա մակեդոնական ազատագրական շարժման ականավոր գործիչներից մեկն էր, որը վայելում էր հսկայական ժողովրդականություն թե՛ Մակեդոնիայում և թե՛ Բուլղարիայում<sup>1</sup>: Բրիգադները իրենց հերթին կազմված էին ջոկատներից, վերջիններս՝ վաշտերից: Պրոտոգերովի հրամանատարությունն տակ գտնվող բրիգադի կազմում կար 29 վաշտ: XII ջոկատի կազմում էր քաջաց քաջ Թորգոմի հրամանի տակ գտնվող III վաշտը<sup>2</sup>:

Պատերազմի հենց սկզբից բուլղարական բանակին աջակից լինելու պատրաստակամություն հայտնեցին բուլղարահայերը: Դա պատահական չէր: Չէ՞ որ բուլղար ժողովուրդը և կառա-

---

<sup>1</sup> Տե՛ս Ծ. Աղայանի նշված աշխատությունը, էջ 304:

<sup>2</sup> Централен държавен архив (София), фонд 1к, опис 3, АЕ 93, лист 1 (կրկնօրինակը պահպանվում է ՀԱԱ, ֆ. 499, ց. 1, գ. 45, թ. 1):

վարությունը թուրքիայից փախած հալածական հայերի նկատմամբ հանդես էին բերել բարեգթություն, պայմաններ ստեղծել, որ նրանք արմատներ ձգեն բուլղարական հողում: Բուլղարահայերն իրենց երկրորդ հայրենիքին ծառայում էին հավատարմությամբ ու ազնվորեն: Բուլղարների նման նրանք էլ սիրել ու թանկ են գնահատել բուլղարական հողը, և պատահական չէ, որ նրանցից շատերի անունները սերտորեն միաձուլված են բուլղար ժողովրդի պատմությունն ու մշակույթին:

Բուլղարահպատակ այն գինապարտ հայերը, որոնք վաղուց էին ապրում այդ երկրում և նրա օրինական քաղաքացիներն էին, կանչվեցին բանակ՝ կատարելու իրենց քաղաքացիական պարտքը. նրանք մտան բուլղարական զնդերի մեջ: Բայց երկրում ապրող հայերի մի զգալի մասը դեռևս Բուլղարիայի քաղաքացիություն չունեն. նրանք հիմնականում 90-ական թվականներին թուրքերի սանձազերծած ջարդերի ժամանակ կամ դրանից հետո ծավալված հալածանքների պատճառով Բուլղարիա անցած հայերն էին, որոնք գերազանցապես կենտրոնացել էին Վառնայում և չրջակա գյուղերում: Քաղաքացիություն չունեցող հենց այս հայերի չրջանում նույնպես ծնունդ առավ կամավորական շարժումը: «Նրանց ոչ ոք չէր պարտադրում գնալ արյունոտ խնջույքին, բայց հասել էր այնքան երկար սպասված հատուցման օրն ընդդեմ իրենց տանջող դարավոր թշնամու»<sup>1</sup>, - գրել է բուլղար գործիչներից մեկը:

Ռոդոսթո - Գալիբոլուի՝ այն ժամանակվա բուլղարական առաջին և վերջին նահանգապետ Իվան Դիմիտրովը գրում էր. «Այս պատերազմը մի արչավանք է եղբայրների ազատություն համար, և տարօրինակ կլիներ հայերի բացակայությունն այդ արչավանքից: Եվ դարեր շարունակ թուրքական լծի տակ ճնշված նրանց համար Բալկանյան թերակղզու չորս քրիստոնյա ժողովուրդների պատերազմը հարմար առիթ էր»<sup>2</sup>:

Պատերազմի նկատմամբ հայերի վերաբերմունքի մասին

---

<sup>1</sup> ՀԱԱ, ֆ. 370, ց. 2, գ. 93, թ. 19:

<sup>2</sup> “Яворовъ листъ”, 18 օգոստոսի 1935 թ.:



բուլղար մի ուրիշ գործիչ՝ բուլղարական բանակի գնդապետ Ս. Ֆրիլպովը, Սոֆիայում լույս տեսնող «Բալկանսկա տրիբունա» թերթում նկատում էր, որ նրանք մասնակցեցին այդ պատերազմին այն գիտակցութեամբ, որ Թուրքիայի դեմ ամեն մի պատերազմ տկարացնում է նրան<sup>1</sup>:

Պատերազմին մասնակցելու բուռն ցանկություն էին հայտնում ոչ միայն Բուլղարիայի հայ երիտասարդները, այլև գալիս էին Կովկասից, Պարսկաստանից, Թուրքիայից և այլ երկրներից: Նրանք անվերապահ խանդավառությունամբ անդամագրվում էին Մակեդոնա-Օդրինյան աշխարհագորին:

Մասնակցելով բալկանյան պատերազմին, ինչպես նկատել է Իվան Դիմիտրովը, հայերը ուզում էին նաև փոխհատուցել բուլղար բանաստեղծ Յավորովին: Նրանք պատրաստ էին «Թանկագին զոհեր տալու ազատության խորանի առջև, արյուն թափելու Մակեդոնիայի, Թրակիայի ազատության համար, որոնք այնքան մոտ էին Յավորովի և բուլղար ժողովրդի սրտին»<sup>2</sup>:

Հայերը ցանկություն հայտնեցին ունենալու նաև մի առանձին ստորաբաժանում և այդպիսի խնդրանքով դիմեցին բուլղարական կառավարությանը: Նախաձեռնությունը գալիս էր ՀՅ դաշնակցության Բալկանյան կենտրոնական կոմիտեից:

1907 թ. վերջերին երիտթուրքերի ու ՀՅ դաշնակցության բանակցությունները և դրանց արդյունքում «եղբայրական դաշինքի» ստեղծումը սառնությունամբ էին ընդունվել բուլղարական կառավարության և մակեդոնական շարժման ղեկավարության կողմից: Ի վերջո սրանք հրաժարվել էին Դաշնակցության հետ վաղուց հաստատված համագործակցությունից: Բայց իրադարձություններն այնպես դասավորվեցին, որ հինգ տարի հետո բուլղարա-մակեդոնական շահերը նորից համընկան Դաշնակցության շահերին: Բուլղար և մակեդոնացի քաղաքական գործիչները անվերապահ ողջունում էին Դաշնակցության կատա-

<sup>1</sup> Տե՛ս «Балканска трибуна», № 1413, 25 օգոստոսի, 1914 թ.:

<sup>2</sup> «Яворовъ листъ», 18 օգոստոսի 1935 թ.:

րած քայլը, որը մեծ աշխուժություն էր առաջացրել հատկապես բուլղարահայ բազմամարդ համայնքում:

Այդ ժամանակ Բուլղարիայում էին Անդրանիկը, Գարեգին Նժդեհը, Լիպարիտ Նազարյանը (Ռ. Լեոնյան), Միքայել Վարանդյանը, Թորգոմը, Ռիլսկի վանքի հայկական ղինվորական դպրոցն\* ավարտած բազմաթիվ հայորդիներ:

Բուլղարական բանակի սպա Կարապետ Վարդազարյանը դեռ բալկանյան պատերազմի նախօրյակին Սոֆիայում խորհրդակցություն էր հրավիրել Անդրանիկ Օզանյանին և հայկական կուսակցությունների՝ Բուլղարիայում գտնվող ներկայացուցիչներին, ուր քննարկվել էր այն հարցը, թե արդյոք հնարավոր է կազմակերպել հայկական կամավորական մի առանձին խումբ՝ Թուրքիայի դեմ սկսվելիք պատերազմին մասնակցելու համար: Որոշ ժամանակ անց՝ պատերազմը սկսելուց հաջորդ օրն իսկ, այս անգամ արդեն Պրովդիվում հրավիրվում է երկրորդ խորհրդակցությունը, որտեղ Կարապետ Վարդազարյանը, Անդրանիկը, Գարեգին Նժդեհը, Լևոն Ֆեներճյանը և Ասատուր Պետրիկյանը որոշում են ընդունում հիմնել հայկական կամավորական ռազմուժ: Կամավորների ցուցակագրման աշխատանքը հանձնարարվում է հասարակական գործիչ Ղուկաս Մինասյանին: Որոշումն ընդունելուց հետո խորհրդակցության մասնակիցները դիմում են բուլղարական կառավարությանը՝ խնդրելով ընդառաջել իրենց ցանկությունը:

1912 թ. սեպտեմբերի վերջերից բալկանյան պատերազմական ճակատներից թուրքական թերթերի էջեր էին թափանցում տեղեկություններ այն մասին, որ հայերը Բուլղարիայում ձեռնարկել են ստեղծել մի ազգային զորամաս, որը բուլղարական կողմից կռվելու է օսմանյան զորքերի դեմ: «Այս պատերազմը մի արշավանք էր եղբայրների ազատություն համար: Եվ տարօրինակ կլիներ հայերի բացակայությունը այս արշավանքում: Դրերը չարունակ ճնշված թրքական լծի տակ, նրանց համար բալ-

---

\* Ռիլսկի վանքի հայ ղինվորական դպրոցի մասին մանրամասն տե՛ս մեր «Ազատագրական պայքարի ուղիներում» աշխատության II գրքի 493-502 էջերում:

կանյան թերակղզու չորս քրիստոնյա ժողովրդների պատերազմը հարմար առիթ էր: Եվ երբ կազմվեց մակեդոնական աշխարհազորը, նրանք էլ կազմեցին իրենց՝ Հայկական բազմամարդ վաչտը»<sup>1</sup>, - տարիներ անց (1935 թ. օգոստոսի 18-ին) գրել է բուլղար նշանավոր պետական հասարակական-քաղաքական գործիչ, դոկտ. Իվան Դիմիտրովը: Շուտով Հայ ազգային զորամասի ստեղծման մասին լուրերը հաստատվեցին: Բուլղարիայի վերին իշխանություններն ընդառաջ գնացին «տանջված, բայց հպարտ ու հերոսական Հայաստանի զավակներին» և որոշում ընդունեցին թույլատրել նրանց կազմելու իրենց ստորաբաժանումը:

Բոլորի հայացքներն ուղղվեցին Վառնայում հաստատված Անդրանիկը: Բուլղարիայում նա ծանոթացել էր և ջերմ հարաբերություններ էր պահպանում մակեդոնական ազատագրական շարժման նշանավոր մի շարք գործիչների հետ, որոնց թվում հատկապես առանձնանում էր Բորիս Սարաֆովը<sup>2</sup>: Շատ չանցած՝ Անդրանիկը եկավ մայրաքաղաք Սոֆիա<sup>3</sup>: Նա անմիջապես բանակցություններ սկսեց բուլղար Մակեդոնա-Օդրինյան երկրապահ զորքերի կամավորական երրորդ բրիգադի հրամանատար, փոխգնդապետ Ալեքսանդր Պրոտոզերովի հետ: Համաձայնություն ձեռք բերվեց, որ բրիգադն ունենալու է բացառապես Հայերից կազմված կամավորական մի խումբ՝ Հայ հրամանատարներով\*:

---

<sup>1</sup> ՀԱԱ, ֆ. 370, ց. 2, գ. 93:

<sup>2</sup> Տե՛ս Աղայան Մ., Հայ ժողովրդի ազատագրական պայքարի պատմությունից, ՀԽՍՀ Գիտությունների ակադեմիայի հրատարակչություն, Երևան, 1976, էջ 999:

<sup>3</sup> Տե՛ս Ա. Մարմարեանց, Անդրանիկը և իր պատերազմները, Կոստանդնուպոլիս, 1920, էջ 195 (Ա. Մարմարյանցը Վահան Թոթովենցի կեղծանուններից է):

\* Մակեդոնա-Օդրինյան երկրապահ զորքերի զորաշարժային մասի սպայակույտի № 3483 վկայականում նշված է. «Մակեդոնա-Օդրինյան երկրապահ զորքերի կազմության ժամանակ նկատի առնելով Հայերի համակրանքը Բուլղարիայի հանդեպ, նրանց անցյալը և կարևորությունը, առանձին զորամասով պատերազմին մասնակցելու իրենց բուռն ցանկությունը, թույլատրվեց կազմել Հայկական մի զորամաս Հայկական ազգային դրոշակով. Հայ սպաներով և խմբապետներով» (վկայականը պահվում է մեր անձնական արխիվում: - Հ. Ս.):

ոգի-հերոսապետը: Բայց անհրաժեշտ էր ունենալ նաև պաշտոնական հրամանատար, և Պրոտոգերոսը Անդրանիկին խնդրեց գտնել մի երիտասարդ սպայի և նրան՝ որպես հրամանատարի ներկայացնել բրիգադի ղեկավարություն չհաստատմանը: Անդրանիկը երաշխավորեց այդ ժամանակ նույնպես Բուլղարիայում գտնվող, այդ երկրի պահեստի ենթասպանների դպրոցն ավարտած և նոր պողպորուչիկ կարգված 26 տարեկան Գարեգին Նժդեհին<sup>1</sup>: Ուրիշ էլ ո՞վ, եթե ոչ այդ երկու խիզախ մարդիկ պետք է կանգնեին հայ կամավորական շարժման գլուխ:

Տեղին է նշել, որ Նժդեհն անմար հիացում ուներ ազգային

---

<sup>1</sup> Տե՛ս Արմէն Սիւնի, Հայկական վաշտը Անդրանիկի առաջնորդութեամբ 1912-1913 թթ., Բալքանեան պատերազմում, Բաքու, 1914, էջ 25: Այս գրքի հեղինակ Արմեն Սյունին (Արշակ Մնացականյան) մասնագիտությունը բժիշկ էր: Նա ծննդով Սյունիքի Ագրակ (Հավանաբար Մեղրու չրջանի Ագարակ) գյուղից էր: «Դաշնակցության գործով» հարյուրավոր դաշնակցականների հետ 1911 թ. բանտարկվում է, բայց մինչև Պետերբուրգում դատավարության սկսվելը երաշխավորությունը ազատ է արձակվել և անցել Կ. Պոլիս: Բալկանյան պատերազմի առաջին օրերին իսկ մեկնել է Սոֆիա և մտել Անդրանիկի խմբի մեջ որպես բժիշկ: Բայց շուտով՝ Հայկական վաշտի կազմավորումից հետո, III բրիգադի հրամանատար Պրոտոգերոսի խնդրանքով նշանակվում է ամբողջ բրիգադի բժիշկ՝ նույն պարտականությունը կատարելով նաև Հայկական վաշտում: Սյունիին ենք պարտական Անդրանիկի և Նժդեհի գլխավորած Հայկական վաշտի կազմավորման ու մարտական գործողությունների, հայ մարտիկների ցուցաբերած անօրինակ խիզախումների մասին խիստ արժեքավոր նշված գրքի (149 էջ) համար: Բալկանյան պատերազմի ավարտից անմիջապես հետո, իրադարձությունների թարմ հետքերով ձեռնարկելով իր տեսածի ու զգացածի մասին հուշագրության ստեղծմանը, հեղինակն այն ավարտել է 1913 թ. դեկտեմբերին, որը լույս է տեսել հաջորդ տարի: Արմեն Սյունիի գիրքը ըստ էության Բալկանյան պատերազմին Հայկական կամավորական վաշտի մասնակցության մասին առաջին հրատարակումն է: Հետագայում՝ 1926 թվականին, հիմք ընդունելով նշված հուշագրությունը, Սյունին Սոֆիայում բուլղարերեն տպագրության է հանձնում իր երկրորդ աշխատությունը, որը, թարգմանվելով հայերեն, դարձյալ լույս է տեսնում Սոֆիայում՝ «Հայկ. զորամասը պալքան-թուրք պատերազմին մեջ» վերնագրով (111 էջ): Պատերազմից հետո Արմեն Սյունին անցնում է բուլղարական պետական ծառայության՝ Սասարովո քաղաքում աշխատելով որպես բժիշկ: Նրա կյանքի հետագա տարիների մասին տեղեկություններ չունենք:

հերոսի հանդեպ: Անդրանիկը իր հերթին գնահատում էր երիտասարդի նվիրվածությունը ուսուցանող գործին:

Եվ նրանք երկուսով ձեռք ձեռքի տված սկսեցին հայկական գործնասի ստեղծումը Մակեդոնա-Օդրինյան աշխարհագրորի կազմում: Հայ երիտասարդները խումբ առ խումբ շտապում էին Սոֆիա՝ նշանակված վայրը:

Հայ կամավորների հիմնական մասը եկել էր Կովկասից, Պարսկաստանից և Թուրքիայից:

Ինչպես չահագրգիռ բոլոր պետությունների, այնպես էլ Ռուսաստանի հետախուզությունները ակտիվ գործունեություն էին ծավալել իրենց գործակալների միջոցով տեղեկություններ հավաքելու դաշնակից երկրներում և ընդհանրապես Բալկանների շուրջ ընթացող զարգացումների մասին: Մեր ձեռքի տակ են Օդեսա քաղաքի ժանդարմերիայի վարչության պետի 1912 թ. հոկտեմբերի 8-ի գաղտնի գեկուցագիրը Թիֆլիսի գավառային ժանդարմերիայի վարչության պետին Սոֆիայում հայկական վաչտի կազմավորման մասին. «Բալկանյան գործակալների տեղեկությունների համաձայն՝ ս./թ. սեպտեմբերի 25-ին Սոֆիայում կայացել է բազմամարդ հավաք, որի ժամանակ քննադատության են ենթարկվել Կոստանդնուպոլսի դաշնակցության գործողությունները՝ համարելով նրանց ազգային գաղափարների և ավանդույթների դավաճաններ, քանի որ նրանք Թուրքիային օգնելու նպատակով Կոստանդնուպոլիս քաղաքում հավաքագրել են կամավորական մարտական ջոկատ: ... Այդ ժողովի ժամանակ որոշում է կայացվել, ի հակադրություն Կոստանդնուպոլսի դաշնակիցների, Բուլղարիայում հավաքագրել կամավորական մարտական դրուժինա, որի կազմում հենց տեղում ցուցակագրվել է 800 մարդ: Ժողովին մասնակից բոլոր հայկական կոմիտեները որոշեցին մեծ գումարներ տրամադրել այդ գործին:

Կազմակերպված դրուժինայի անդամների մի մասը մակեդոնացի կամավորների հետ օրերս մեկնում է Թուրքիա կառավարական հիմնարկները, գորանոցները և վառողի շտեմարանները ավերելու և հրկիզելու նպատակով:

Նույն տեղեկությունների համաձայն՝ երկու հայեր՝ Փոլ Ասկերյանը և Սարգիս Մեկասյանը, օրերս Սոֆիայից մեկնել են

Համբուրգ 1500 միավոր զենք ձեռք բերելու նպատակով, որը պատվիրված էր նախօրոք, և որը նրանք պետք է Վառնա տեղափոխեն Ռիգա-Օդեսայով»<sup>1</sup>:

Մի քանի օր հետո Հաջորդում է նույնաբովանդակ, սակայն փոքր-ինչ մանրամասն մեկ այլ զեկուցագիր, որտեղ արդեն Հայերի՝ Համբուրգից զենք ձեռք բերելու մասին տեղեկությունը Հաղորդելիս օգտագործված է «իբր» վերաբերականը, որ երկբայական, թերահավատ երանգ է Հաղորդում նախադասությունը<sup>2</sup>:

Այս փաստաթղթում կա նաև երկու մեջբերում Հանրահավաքի մասնակից երկու ուսանողի ելույթներից, որ, կարծում ենք, կանխակալ վերաբերմունք առաջացնելու միտում ունի: Առաջինը նշել է, որ «Ռուսաստանն էլ Թուրքիայից ավելի լավ չի վարվում, և վերջերս փակել է մեր եկեղեցիները և ուսումնական հաստատությունները, իսկ վիթխարի թվով մեր Հայրենակիցներ տառապում են արսորավայրերում և տաժանավայրերում»<sup>3</sup>, իսկ երկրորդը իր ելույթն ավարտել է «մահ մեր բազմաչարչար ժողովրդի թշնամիներին՝ Թուրք լինեն դրանք, թե քրիստոնյա»<sup>4</sup>:

Այս տեղեկություններից հետո զեկույցի հեղինակը գրում է, որ «Հայերը Բուլղարիայում պատերազմի ավարտից կամ զինադադարից հետո մտադիր են լիակատար ինքնավարություն պահանջել իրենց համար, իսկ այդ պահանջները չհաջողվելու դեպքում նրանք որոշել են ամենուրեք, ինչպես Թուրքիայում, այնպես էլ Ռուսաստանում անկարգություններ և խռովություններ կազմակերպել»<sup>5</sup>:

«Ըստ ստույգ տեղեկությունների՝ Հիշյալ կուսակցությունը (փաստաթղթերում՝ դաշնակցությունը: – Հ. Ս.) դուրս է բերել 800 մարդուց բաղկացած մեկ դրուժինա Հայտնի ահաբեկիչ Անդրանիկի գլխավորությամբ...»:

<sup>1</sup> ГАРФ, ф. 202 ДОО, оп. 242, 1912 г., д. 14, л. 262.

<sup>2</sup> Նույն տեղում, թ. 266:

<sup>3</sup> Նույն տեղում:

<sup>4</sup> Նույն տեղում, թ. 267:

<sup>5</sup> Նույն տեղում:

«Դրուժինայի և Կարմիր խաչի ջոկատի կարիքների համար «Դաշնակցություն» կուսակցությունը մեծ գումարներ է ծախսում...»:

««Դաշնակցություն» կուսակցության նման վերաբերմունքը Բուլղարիայի կառավարության և բուլղար ժողովրդի հանդեպ պայմանավորված է բացառապես շնորհակալական զգացումներով՝ այն աջակցության և լիակատար ազատության համար, որ մշտապես վայելել է այս կուսակցությունը Բուլղարիայում (Բուլղարիայում է գտնվել կուսակցության ռազմական դպրոցը, գլխավոր զինապահեստը, ռումբերի պատրաստման լաբորատորիան...)»<sup>1</sup>:

Այդ մասին նույնպես ռուսական գործակալները հարկ են համարել հաղորդել իրենց անվտանգության ծառայություններին. «Հայ կամավորների և դրուժինաների հետ պարապմունքները տարվում են ամեն օր և մեծ ինտենսիվությամբ: Որպես հրահանգիչներ հանդես են գալիս հիմնականում հայերը՝ Ռուսաստանի համալսարանների ուսանողներ և պահեստազորի հայ սպաներ: Ռազմական տեսական առարկաներից բացի՝ նրանց դասավանդվում են Հայաստանի պատմություն՝ ժողովրդի կյանքի տարբեր դրվագների մանրամասն նկարագրությամբ, որոնցում գովաբանվում են հայերի ինքնազոհաբերումը, արիությունը և քաջությունը: Հատկապես լուրջ ուշադրություն է դարձվում ողջ Բալկանյան թերակղզու և Կովկասի երկրամասի աշխարհագրական դիրքի ուսումնասիրությանը»<sup>2</sup>:

Բուլղարիայում հայ կամավորական շարժման ակունքներում առաջին հերթին կանգնած էր Հայ հեղափոխական դաշնակցություն կուսակցությունը: Շարժման նախաձեռնողները և առաջնորդները լուրջ տարաձայնություններ ունեին Պոլսի իրենց կուսակիցների հետ, որոնք ստիպված էին սատարել Թուրքիային: Վերջիններս վիճակը բավականին բարդ էր. փաստորեն նրանք երկու կրակի արանքում էին: Հարկավոր էր խոհանք քայլեր ձեռ-

---

<sup>1</sup> ГАРФ, ф. 202 ДОО, оп. 242, 1912 г., д. 14, л. 268.

<sup>2</sup> Նույն տեղում:

նարկել՝ չվտանգելու թուրքահայոց առանց այդ էլ օրհասական վիճակը: Իսկ թուրքիայից դուրս գործող դաշնակցականները Բալկանյան պատերազմը հարմար առիթ էին համարում՝ լուծում տալու հայոց բազմաչարչար հարցին: Այս առիթով ահա թե ինչ է գրում Լ. Տրոցկին.

«Ականատեսը գրում էր, որ նրանք թխամազ տղամարդիկ էին՝ 19-45 տարեկան, տարբեր անցյալ ունեցող: Ահա հին ուղիք, որը վաղուց ի վեր բնավորվել էր Սոփիայում, ձեռք էր բերել փոքրիկ սրճարան: Այժմ նա թողնում է ընտանիքն ու սրճարանը և գնում Անդրանիկի հետևից: Այդտեղ էր և 22-ամյա մի երիտասարդ, որն իր գիտակցական կյանքը ապրել է Լոնդոնում: Տղան մերվել է Անգլիային, հագիվ է խոսում հայերեն, բայց նրա հոգում ամուր նստած մանկական աղոտ հույսերը հավանաբար հանկարծ արթնացել էին և ստիպել նրան ուսին գցելով քաթանն պարկը՝ մեկնել Անգլիայից և գնալ թուրքերի դեմ: Նրա կողքին էր ընտանիք չունեցող պանդոկապանը, որը խնամքով վարում էր իր ոչ մեծ տնտեսությունը, բայց ահա կանչում է իր վարձու օգնականին և ասում. «Տե՛ր կանգնիր, մինչև իմ վերադարձը, իսկ թե չգամ՝ թող քեզ լինի»:

Ջոկատում կային առևտրականներ, ուսուցիչներ, բազմաթիվ բանվորներ ու արհեստավորներ, գերազանցապես կոչկակարներ Ռումինիայից: Ճակատագիրը նրանց բոլորին ժամանակավորապես կապել էր պինդ հանգույցով»<sup>1</sup>:

Բուլղարիայի հայ համայնքը իր վրա վերցրեց վաչտի կազմավորման ծախսերի մի մասը՝ թեթևացնելու համար կառավարություն հոգսը<sup>2</sup>: Վաչտի կազմավորմանը զուգընթաց Սոփիայի հայ հասարակությունն ընտրեց մի մարմին, որը սկսեց դրամ ժողովել և հագուստի ու կոշիկի պատրաստություններ տեսնել: Կանայք քաշում էին սպիտակեղենի հոգսը, իսկ օրիորդները վաչտի համար ձեռագործում են մի ազգային դրոշակ<sup>3</sup>:

Կազմավորումից հետո վաչտը սկզբում ընդգրկվեց Մակե-

<sup>1</sup> Լ. Թրոցկի, Сочинения, том VI, Балканы и Балканская война, Госиздат, Москва-Ленинград, стр. 238.

<sup>2</sup> Նույն տեղում, էջ 111:

<sup>3</sup> Տե՛ս Արմէն Սիւնի, Հայկական վաչտը..., էջ 26-28:



դոնա-Օդրինյան աշխարհագրորի (Հրամանատար՝ գեներալ-մայոր Գենով, գլխավոր շտաբի պետ՝ մայոր Դրվինգով) 6-րդ Օդրինյան ջոկատի կազմի մեջ, ապա Կոստուրինյան ջոկատի և ի վերջո հոկտեմբերի 16-ի հատուկ հրամանով ընդգրկվեց փոխգնդապետ Պրոտոզերովի հրամանի տակ գտնվող երրորդ բրիգադի «Լոզենգրադյան» անվանյալ 12-րդ դրուժինայի (Հրամանատար՝ Կոնև) մեջ: Դրուժինայի կազմում կար 29 վաչտ<sup>1</sup>, որոնցից մեկը հայկականն էր: Վաչտն ուներ 230<sup>2</sup> կամավոր, իր վոյեվոդան (Անդրանիկ) և մեկ սպա-հրամանատար (Նժդեհ):<sup>3</sup> Հետո՝ Թրակիայի արշավանքի ժամանակ, վաչտին միացան նոր հայ երիտասարդներ, և մարտիկների թիվը հասավ 273-ի<sup>3</sup>: Վաչտը այնուհետև տեղափոխվեց 10-րդ Պրիլեպյան դրուժինայի կազմ:

Թեև կամավոր գրվողների թիվը շատ էր, բայց նրանցից չատերը «բախտ չունեցան» ընդգրկվելու վաչտի կազմում, որովհետև բուլղարական բանակի կանոնադրություն համաձայն՝ կամավորական վաչտը պետք է ունենար 150-160 հոգի, բայց բացառություն կարգով հայկական վաչտին թույլատրվել էր ունենալ կրկնակին: Վաչտի կազմավորումն ավարտվեց հոկտեմբերի 8-ին<sup>4</sup>:

Ձևավորվեց մի փոքր զորախումբ, որն անվանում էին և՛ վաչտ, և՛ գումարտակ, երբեմն էլ՝ գունդ: Մակեդոնա-Օդրինյան աշխարհագրորի շտաբի 1912 թ. հոկտեմբերի 3-ի N 2 և N 8 հրամաններով կարգավորվում էին վաչտի ստեղծմանը վերաբերող շարքերը:

Հայկական վաչտի (գումարտակի) կազմում առաջին հերթին ընդգրկվել էր Ռիլսկի վանքի հայ զինվորական դպրոցն ավարտածների մեծ մասը:

---

<sup>1</sup> Държавен военноисторически архив Велико Търново, ф. 435, оп. 1, е. 1, л. 192. Սույն և այնուհետև հիշատակվող բուլղարական արխիվների՝ հայկական վաչտին վերաբերող փաստաթղթերի պատճենները պահպանվում են ՀՀ ազգային արխիվում, որոնցից էլ օգտվել է հեղինակը:

<sup>2</sup> “Балканска трибуна” (София), № 1413, 25 август 1914 г.

<sup>3</sup> Գարեգին Նժդեհին հայկական վաչտի հրամանատար նշանակելու մասին հրամանագիրը պահպանվում է. Държавен военноисторически архив Велико Търново, ф. 422, оп. 1, е. 6, л. 24.

<sup>4</sup> Տե՛ս “Походъ”, София, № 59/63, 21 април 1941 թ., էջ 8:

<sup>5</sup> Տե՛ս Андраник Озанян, Документы и материалы, Ереван, 1991 г., стр. 117.



**Հայկական վաշտը բալկանյան պատերազմի սկզբին, 1912 թ.  
Հոկտեմբերի վերջ, առջևում Նժդեհն ու Անդրանիկը:**

## I Ծրագրեր:


Քաղաքացի Գաբրիել Մեքենյան, ծնունդից Գաբրիել Մեքենյան, Երևան, Երևանյան պաշտպան (Ռուսներ), երկու աստիճանով  
 ուսուցիչ - տնօրեն, օրհանոցի ղեկավար - 15 սեպտեմբեր 1913; ուսուցիչ  
 թուրքական զորքերում.



ԴՐԱՅԻՆ ԳՆԱԿԱԿԵՐՈՒՄԻ ՎԵՐԻՄԻ  
 ԲԱՆԿՈՒ ԿՆԻՍՏԱՆՈՒԿՆԵՐԻ ԱՐԽԻՎ  
 ԵՐԵՎԱՆ  
 ՎԵՐՈՍՈՐԻԳԻՆԱԼԱԿ  
 Փ. 432. Օր. 1  
 Դուբլյոր: 2  
 Ինքնուրույն: 2

## II. Օրհանոցներ:

Դպրատան ղեկավար Կարապետյան  
 Սոց. քաղաքացի: Կարապետյան



12-րդ դրուժինայի հրամանատար Կոնստանտին ստորագրություններ  
 վերադասին ուղարկած տեղեկագրությունը Գարեգին Նժդեհին  
 հայկական վաշտի հրամանատար նշանակելու մասին:

Արխիվային փաստաթղթերը մեզ են հասցրել վաչտի մարտիկների անունները: Ահա նրանցից մի քանիսը՝ Պարույր Էքմեքչյան, Հովհաննես Ասլանյան, Գևորգ Պետրոսյան, Ասլան Մուրադյան, Գրիգոր Ավետիքյան, Զաքար Ուաչատրյան, Սողոմոն Մարտիրոսյան, Արտաշես Մինասյան, Տրդատ Նշանյան, Մկրտիչ Մարգարյան, Արամ Ղարաբեկյան, Սարգիս Մանգասարյան, Նիկողայոս Կարապետյան, Գառնիկ Ստեփանյան, Արամ Ուաչատրյան, Մարգար Գևորգյան, Կարապետ Անտինյան, Մանուկ Հարությունյան, Բարունակ Աղաբյան, Մուշեղ Բաղդասարյան, Հովհաննես Պետրոսյան, Գառնիկ Հայրապետյան, Վարդան Ներսիսյան և այլք<sup>1</sup>:



**Այն ազգային դրոշը, որի ներքո հայկական վաչտը կռվում էր թշնամու դեմ**

<sup>1</sup> Տե՛ս Централен държавен архив (София), ф. 1к, оп. 3, АЕ 93, л. 3:

Վաչտի ստեղծումը նոր երևույթ էր հայ ազգային-ազատագրական պայքարի ողջ ընթացքում, այն ընդգրկվեց բուլղարական կանոնավոր բանակի կազմի մեջ՝ կրելով նրա համազգեստը և զինվորական տարբերանշանները: Բայց դրա հետ միասին զորամասի դրոշը հայկական էր, ազգային:

Բաժանվելով փոքր խմբերի՝ վաչտը ռազմական գործին տեղյակ կամավորների ղեկավարութամբ սկսեց մարզումները: Ռազմական անհրաժեշտ վարժանքներից հետո հայ կամավորները պատրաստվում էին մարտական գործողություններին:

Այդ օրերին, որպես ռուսական մի շարք թերթերի զինվորական թղթակից, պատերազմի թատերաբեմում էր գտնվում Ռուսաստանում հեղափոխական շարժման ականավոր գործիչ, 1917 թ. հոկտեմբերյան հեղաշրջման գլխավոր կազմակերպիչներից ու ոգեչնչողներից, Կարմիր բանակի տաղանդավոր կառուցողներից մեկը՝ Լ. Դ. Տրոցկին (Բրոնշտեյն, 1878-1940), որը Բալկաններում մնաց մինչև պատերազմի ավարտը: Լինելով Սոֆիայում և Բուլղարիայի այլ վայրերում, ինչպես նաև Բալկանյան ուրիշ տարածքներում՝ Տրոցկին մոտիկից չփվեց նաև տեղի հայերի հետ, հաղորդակից եղավ նրանց տրամադրություններին, ականատես եղավ հայ կամավորական վաչտի կազմավորման ընթացքին, հանդիպեց նրա մարտիկներին, հրամանատարներ Անդրանիկին և Նժդեհին:

Պատերազմի ընթացքում Տրոցկին գրեց Հայկական հարցին և հայ կամավորական վաչտին նվիրված հոդվածներ: Առաջին հոդվածը, որ նա գրել էր 1912 թ. նոյեմբերի 12-ին, լույս տեսավ միայն 14 տարի հետո՝ նրա երկերի բազմահատորյակի VI հատորում<sup>1</sup>: Հոդվածը վերնագրված է «Թուրքիայի քայքայումը և Հայկական հարցը»: Դրանում հեղինակը հանդես է գալիս որպես հայ ժողովրդի անկեղծ բարեկամ և Հայկական հարցի ջերմ պաշտպան<sup>2</sup>:

---

<sup>1</sup> Տե՛ս Լ. Թրոցկի, *Сочинения, т. VI, Балканы и балканская война. Государственное издательство, Москва-Ленинград, 1926, էջ 225-235:*

<sup>2</sup> Լև Տրոցկին ամենևին էլ համարժեք գնահատվող մարդ չէր, ուստի պատմություն մեջ նրա դերի գնահատականներն էլ միշտ տրամազծորեն հակասա-

Հայերին վերաբերող Լև Տրոցկու երկրորդ հոդվածը նվիրված է Հայկական կամավորական վաշտին և վերնագրված է «Անդրանիկը և նրա ջոկատը»\*:

Մինչև Հայ կամավորների հետ հանդիպելը պատերազմական այդ օրերին Տրոցկին բազմիցս լսել ու կարդացել էր Անդրանիկի և նրա կամավորների մասին: Նա նկարագրում է, թե ինչպես է ինքը Սոֆիայում 1912 թ. հոկտեմբերի կեսերին հանդիպել Հայկական կամավորական վաշտին, որը պատրաստվում էր մեկնել ուղղափառապետ: Նա մեծ համակրանքով ու վառ գույներով է նկարագրում վաշտի զինվորներին, հիանում նրանց պահվածքով և խանդավառությամբ: «Կամավորները, - գրում էր Տրոցկին, - քաղաքացիական հագուստներով են, բայց զինվորավարի կոկ ու հավաք են, շատերը ոտքերին կապել են փաթաթաններ, մեջքներին՝ քաթանե պայուսակ ու գլխանոց ունեն, կողքից՝ փամփշտակալ: Մեծ մասն ունի սեփական ատրճանակ: Ծաղիկներով զարդարված են գառան մորթուց բարձր գդակներն ու գոտիները: Ահա այս ամենը՝ գառան մորթուց գլխարկ-

---

կան են եղել: Բայց մի կետում բոլորի կարծիքները համընկնում են. Տրոցկին փայլուն մտավորական էր: Դա ցայտուն երևում է նաև նրա «Թուրքիայի քայքայումը և Հայկական հարցը» հոդվածից: Ավելի քան մեկ դար է անցել այն գրելուց, բայց հեղինակի շարադրած շատ դրույթներ ու մտքեր, բացարձակապես ճիշտ լինելով, այսօր էլ այժմեական են:

\* Լ. Ն. Տրոցկու «Անդրանիկը և իր ջոկատը» վերնագրով հոդված-թղթակցությունը լույս տեսավ բալկանյան երկրորդ պատերազմի օրերին «Киевская мысль» թերթի 1913 թ. հուլիսի 19-ի համարում (№ 197)՝ Անտիդ Օտտո կեղծանունով: Սակայն, ինչպես տեքստից երևում է, հոդվածը գրվել է դրանից ամիսներ առաջ՝ բալկանյան առաջին պատերազմի ժամանակ՝ հավանաբար 1913 թ. գարնան սկզբին: Անդրանիկին, Նժդեհին, Հայկական կամավորական վաշտին նվիրված Լ. Տրոցկու հոդվածը հետագայում ղետեղվել է նրա երկերի VI հատորում (տե՛ս Լ. Трoцкuй, Сочинения, т. VI, Балканы и балканская война. Госиздат. Москва-Ленинград, 1926, էջ 235-243): Հոդվածը մեր թարգմանությունը առաջին անգամ հրատարակել ենք «Գարուն» ամսագրի 1990 թ. № 1-ում՝ համապատասխան առաջաբանով:

ներ, ձգված գոտիներ, գլխանոցներ, մաքուր պարկեր և ծաղիկներ,- ջոկատին ոչ միայն մարտական, այլև տոնական տեսք են տալիս»<sup>1</sup>:

Տրոցկին ընթերցողներին է ներկայացնում «երգի ու առասպելի հերոս» Անդրանիկի անձը, տալիս նրա՝ որպես մարդու և մարտիկի կերպարի խտացած բնութագրությունը, բարձր գնահատում հերոսի մարդկային և քաղաքացիական բարեմասնությունները: Այնուհետև հերոսի կյանքից բերում է կենսագրական տեղեկություններ, ցույց տալիս, թե Անդրանիկն ինչպես է հաղորդակցվել հայ ժողովրդի ազգային-ազատագրական շարժմանը, մտել նրա հորձանուտի մեջ: Ըստ որում, Տրոցկին հերոսի կյանքին քաջատեղյակություն է ներկայացնում նրա մարտական գործողությունների մանրամասները, նկարագրում նրա անցած հեղափոխական-մարտական ուղին, այնուհետև հետևում է հերոսի կյանքի հետագա ընթացքին: Անցնելով Կովկաս, ապա Եվրոպա՝ Անդրանիկը, վերջապես հիմնավորվում է Բուլղարիայում:

Հիմա նա ջոկատի ոգին է, գրում էր Տրոցկին: «Նա հոյակապ է իր մուգ գորշավուն կոստյումով, կարակուլե բարձր գլխարկով և լավ կարված զինվորական երկարաճիտ կոչիկներով, որոնցից դուրս ցցված մտրակը ոչ պաշտոնական իշխանություն խորհրդանիշ է: Կողքից կախված են հեռադիտակը և բրաունինգը, կրծքին՝ մի ամբողջ ծաղկեփունջ, ժապավենին մակազրություն. «Ազատություն կամ մահ»: Դա կարմիր խաչի կոմիտեի հայուհիների նվերն է... Վաչտի առջևից ջահելի հստակ քայլվածքով լուռ գնում է Անդրանիկը: Նրա մեջ ամեն բան՝ փայլատակող հայացքը, ծակծկող բեղերը և նույնիսկ ոսկեծոպ գլխանոցը, վկայում են, որ նա կրկին իր տարերքի մեջ է»<sup>2</sup>:

---

<sup>1</sup> Л. Троцкий, Сочинения, т. VI, стр. 243.

<sup>2</sup> Նույն տեղում, Հայաստանում թուրք-քրդական հարստահարիչների դեմ մղված ֆիդայական պայքարի շրջանում Անդրանիկին նվիրված հուշերում և նրա մասին ժողովրդի կողմից հյուսված երգերում ազգային հերոսը ներկայաց-

Իսկ ջոկատի հրամանատար Նժդեհին բոլորը պարզապես դիմում էին «ընկեր Գարեգին»։ «Նա պոետ է, հոեսոր և ուղմիկ՝ ամբողջովին խանդավառված իրեն բաժին ընկած առաքելության կարևորությունը»<sup>1</sup>, - նշում էր հողվածագիրը և ավելացնում, որ նա «պահ անջկոտ էր, ամեն ինչ անում էր, որպեսզի մարտիկները օր առաջ տիրապետեն ռազմական արվեստին։ Զուր չէ, որ Գարեգինը տասն օր շարունակ օրական տասը ժամ նրանց ուսուցանում էր շարային արվեստի գաղտնիքները»<sup>2</sup>։

Զորավարժություններից և անհրաժեշտ այլ նախապատրաստություններից հետո հայկական վաչտը Լոզենգրադյան 12-րդ դրուժինայի կազմում Սոփիայից պետք է մեկներ ռազմաճակատ։

Հոկտեմբերի 24-ի առավոտյան բոլորը կազմ ու պատրաստ շարվեցին։ Նրանք հայկական ազգային դրոշակով էին։ Վերջին ստուգումներն էին կատարվում։ Եկավ Անդրանիկը՝ կտրուկ ու վճռական։ «Րոպեն պատմական էր և փառահեղ, - գրում էր Արմեն Սյունին։- Տղերքը, գեղեցիկ շարած, իսկական զինուորների պէս լուրջ եւ հաստատ՝ կատարում էին իրենց հրամանատարի հրամանները, որը նրանց շարում էր «պոխոզնակոլոնայի» համար։ Եւ վերջապէս, երբ հնչեց վերջին կոմանդան՝ «ձախ թեւդ առաջ - մարչ», - կեցցէները թնդացրին օդը, ծաղիկները թափեցին տղերանց գլխին, «ցտեսութիւն», «բարի ճանապարհ», «բարով յետ գաք» բացականչությունները խառնեցին,

---

ված էր այսպիսին՝ միջհասակ, առույգ ու գեղեցիկ, գլխի փափախը միշտ աջ թեքված, լանջին խաչաձև և մեջքին երեք-չորս փամփշտակալներ, ձախ կողքից կախված տասնոց ատրճանակ։ Անդրանիկի արտաքին տեսքի Տրոցկու նկարագրածը չէր համապատասխանում ժողովրդական երգերի և հուշերի ավանդական նկարագրություններին։ Եվ դա բնական է, քանզի նոր միջավայրը և մարտական նոր խնդիրները առաջադրել էին հագուստ-կապուստի նոր պահանջներ։

<sup>1</sup> Л. Троцкий, Сочинения, т. VI, стр. 243.

<sup>2</sup> Նույն տեղում։



կորան տղերանց ներդաշնակ, քաղցր քայլերգի մէջ... Ուրախ, գլարթ, քայլում էին տղերքը երգելով հայկական երգեր, իսկ ժողովրդի խուռն բազմութիւնը հետևում էր նրանց դեռ երկար ժամանակ, մինչեւ որ արդէն քաղաքը մնաց նրանց յետևում...»<sup>1</sup>:

Առջևում դաժան փորձութիւններ էին, գոհեր ու հերոսացում:

## **ԴԱՇՆԱԿԻՑ ԲԱՆԱԿՆԵՐԻ ՓԱՅԼՈՒՆ ՀԱՂԹԱՆԱԿՆԵՐԸ ՊԱՏԵՐԱԶՄԻ ԱՌԱՋԻՆ ՇՐՋԱՆՈՒՄ**

Ինչ որ չի կարելի պատերազմում անակնկալ համարել, դա, անչուշտ, արյունն ու տառապանքն է: Պատերազմը արդարացի է, թե անարդարացի, անհրաժեշտութիւն է, թե ոչ, միևնույնն է, անխուսափելիորեն շաղկապված է կյանքի ու մահվան երկընտրանքի հետ: Դրոշակների հպարտ ծածանումը, զորավարների ծրագրած հարձակումներն ու նահանջը, զենքերի ահարկու շաչիւնները, դուրացազունների անդիմադրելի խոյանքն ու հաղթութիւնի աղաղակները, որ սուրալով անցնում են ուղղափառների վրայով, իրենց հետևից, ավանդ, թողնում են հերոսական կամ անարգ մահեր, փայփայած իղձերի խորտակում, ապրողների հոգու անանց ցավ: Այլ խոսքով՝ մարդիկ պատերազմի մեջ են մտնում հոժ շարքերով ու ուղղափառներով, փողահարումներով ու թմբուկների զարկերով, բայց գեհեմից դուրս են պրծնում անդամահատված ու մունջ՝ այնտեղ թողնելով իրենց զենքի անշնչացած ընկերներին, իրենց երիտասարդութիւնը: Հենց այդպիսին էր վիճակը բալկանյան պատերազմի ուղղմի

---

<sup>1</sup> Արմէն Սիւնի, Հայկական վաշտը Անդրանիկի առաջնորդութեամբ 1912-1913 թթ. Բալկանեան պատերազմում, էջ 34:

դաշտերում 1912 թ. հոկտեմբերի երկրորդ և նոյեմբերի առաջին կեսերին:

Պատերազմի բոլոր ճակատներում, ուր կռվում էին բալկանյան չորս դաշնակիցների բանակները, ընթանում էին կատաղի մարտեր: Բալկանյան դաշնակիցներն ունեին ոչ միայն թվական և նյութական առավելություն, այլև այն շրջանների բնակչության զգալի մասի համակրանքը, որտեղ տեղի էին ունենում պատերազմական գործողությունները: “Церковный Вестник” ուսսական թերթը (№ 41, 1912 թ.) գրում էր. «Վերջապես բալկանյան քրիստոնյաներն այսօր կռվի դաշտ են նետվում առանց ազգի խտրություն այնպիսի ցնծագին ազդակներով և հանդիսավոր տրամադրությամբ, որ կարծես տոնի են գնում: Ամբողջ սրտով ցանկանում ենք նրանց հաջողություն»:

Կռվի հիմնական ծանրությունը, այնուամենայնիվ, ընկած էր բուլղարական բանակի ուսերին: Ինչպես նշվեց վերը, այդ բանակը զինվել էր նոր տեխնիկայով, պահունակատուփավոր հրացաններով, հաստոցավոր գնդացիներով, արագաձիգ հրետանիով և նույնիսկ ուներ ռազմական ինքնաթիռներ: Այդ նոր սպառազինությունը ավելացնելու էր զորքերի կրակային հզորությունը, բարձրացնելու էր մարտական գործողությունների արդյունավետությունը: Հենց այդ պատճառով պատերազմի բոլոր ճակատներից թուրքերի համար ամենակենսական բուլղարական սահմանագլխի պաշտպանությունն էր: Եվ դա ոչ միայն այն պատճառով, որ բալկանյան չորս պետություններից Բուլղարիան էր ամենասպառազինվածը և ռազմունակը, այլև մանավանդ այն պատճառով, որ եթե բուլղարները կարողանային իրենց ձեռքն առնել Բաբանեսքիի գիծը, այն ժամանակ թուրքական արևմտյան բանակի հետ ռազմաճակատի հաղորդակցությունը բոլորովին կխզվեր, և Կ. Պոլսի ճամփան մինչև Չորլու և Հատըմքեռ հակառակորդների առջև բաց կմնար: Այդ պատճառով օսմանյան բանակի համար կենսական պահանջ էր Դիմոթեքս-Ադրիանուպոլիս-Քրք-Քիլիսե գծի ամեն գնով պաշտպանությունը: Եթե բուլղարներին հաջողվեր ճեղքել այդ պաշտ-

պանական գիծը, ապա Ադրիանուպոլսի (Էդիրնե) շրջապատումը և չեզոքացումը կլինեին անխուսափելի:

Ռազմական պլանները կարողանալով գաղտնի պահել՝ ռազմաճակատի բոլոր հատվածներում բուլղարներին հաջողվում էր հանկարծակիի բերել հակառակորդին: Նախօրոք մանրագնին մշակված ռազմական պլանի համաձայն՝ բուլղար հրամանատարությունը մեծ վարպետությունը կատարում էր հմուտ զորաչարժեր: Նա առերես ցույց էր տալիս զորքերի շարժման մի պլան, բայց կատարում էր մի ուրիշը: Օրինակ՝ ցերեկով զորքի մի մասը երկաթուղով տանում էին որևէ մի ուղղությամբ՝ իբրև դեպի թիկունք, բայց գիշերը նույն զորամասը հետ էր բերվում և ուղղվում դեպի ռազմաճակատ: Շնորհիվ զորքերի արագ տեղաշարժերի, վերադասավորումների ու գաղտնապահությունների՝ հնարավոր էր լինում բռնել ամենահարմար դիրքերը:

«Աւետաբեր» թերթի տեսաբան Հ. Մամիկոնյանը գտնում էր, որ եթե օսմանյան զորքերը կարողանան կանոնավոր հետ քաշվել ամբողջ գծով, ապա մոտ ապագայում մղվելիք ճակատամարտերում կունենան առավելություն, որը թույլ կտա ժամանակ չահելու միջոցով գոնե մեկ շաբաթով կասեցնել բուլղարների առաջխաղացման թափը: Այդ դեպքում թուրքերն ի վիճակի կլինեին պատերազմի դաշտ բերել օրական 20-30.000 զինվոր, որը և կապահովեր օսմանյան բանակի հաջողությունը<sup>1</sup>:

Բայց բուլղարները հասկացել էին թուրքական հրամանատարությունից այդ մտադրությունը և, օգտվելով տվյալ պահին իրենց թվական առավելությունից, ամեն զոհողություն հանձն առնելով, փորձում էին արգելել օսմանյան զորքերի կենտրոնացումը, միաժամանակ պաշարել Ադրիանուպոլիսը և կտրել քաղաք տանող բոլոր ուղիները:

Բուլղարական 2-րդ բանակը գեներալ Ն. Իվանովի հրա-

---

<sup>1</sup> Տե՛ս «Աւետաբեր» (Կ. Պոլիս), № 44, 2 նոյեմբերի 1912 թ.:

մանատարութեամբ, որը զբաղեցրել էր ռազմաճակատի աջ հատվածը, պետք է հարձակում գործեր Ադրիանուպոլսի վրա:

Ռազմաճակատի ձախ թևը զբաղեցրել էր գեներալ Վ. Կուտինչևի 1-ին բանակը, որը պետք է ջարդեր հակառակորդի դիմադրութիւնը և մտնէր Ադրիանուպոլսի ու Լոզենգրադի միջև ընկած հատվածը:

3-րդ բանակը գեներալ Ռադկո Դիմիտրիևի հրամանատարութեամբ, որն իր ուժերը կենտրոնացրել էր ձախ թևում, խնդիր ուներ թշնամուն կործանիչ հարված հասցնելու այդ ուղղութեամբ<sup>1</sup>:

Մինչև հոկտեմբերի կեսերը պատերազմի բախտը դեռ հեղահեղուկ էր: Բուլղարները և նրանց դաշնակիցները պետք է գոհ լինեին իրենց հաջողութիւններով, բայց առայժմ չէին կարող հպարտանալ ձեռք բերածով, քանի դեռ չէին ունեցել մեծ ճակատամարտեր, իսկ մինչ այդ եղած կռիւլները վճռական դերակատարութիւն չէին ունեցել պատերազմի վախճանի տեսակետից: Իսկ օսմանցիները առանց մեծ ճակատամարտ տալու երբեք իրենց թշնամիներին չէին զիջի Ադրիանուպոլիսը (էգիրենն) և Կրկլարելիի (Կրրխ-Քիլիսեի) գիծը:

Ուրեմն ամենաարյունալի կռիւլները դեռ առջևում էին:

Բուլղարների տարած առաջին խոշոր հաղթանակներից մեկը Թրակիայում Կրրխ-Քիլիսեի գրավումն էր 60 կիլոմետրանոց ճակատով մեկ:

Քաղաքում բնակվում էր 16.000 մարդ, որի կեսը հույներ էին, մնացածները բուլղարներ, թուրքեր և հրեաներ:

Եվրոպացի բոլոր մասնագետների վկայութեամբ Կրրխ-Քիլիսե գյուղաքաղաքի ամրութիւնները խիստ մեծ ու էական կարևորութիւն ունեին և օսմանյան արևելյան բանակի խա-

---

<sup>1</sup> В. А. Жебокрицкий, Болгария в период балканских войн 1912-1913 гг. Изд. Киевского университета, 1961, стр. 40, 41.

րիսխն էին: Այս ամբուլթուները Ազրիանուպոլսի (էդիրներ) բերդապարիսպների հետ այն ուղղական հզոր պատնեշներն էին, որոնց հանձնված էր բուլղարական բանակի առաջխաղացումը կասեցնելու գործը:

Դրանից զատ՝ Կրկյարելին՝ որպես ուղղական պատնեշ, Ազրիանուպոլսի գորավիզն էր ու թևարկուն: Այնպես որ, թշնամու կողմից սույն ամբուլթուներին գրավումը թուրքերի համար մեծ կորուստ կլիներ նաև պատերազմի ողջ ընթացքը վճռելու տեսակետից: Այս էր պատճառը, որ Եվրոպայում բուռն ուշադրությունը և սպասումով հետևում էին, թե ինչպես կվերջանա ճակատամարտը<sup>1</sup>:

Կրլի-Քիլիսեի պաշտպանությունը հանձնված էր մի գորաբանակի, որի հրամանատարը Մուխթար փաշան էր: Նրա տրամադրությունն սակ կար 25-հազարանոց զորք: Հարձակվողը բուլղարական 30-հազարանոց բանակն էր՝ զորավար Ռադկո Դիմիտրիևի հրամանատարությամբ<sup>2</sup>: Կրկյարելիի համար ճակատամարտը սկսվեց հոկտեմբերի 9 (22)-ին և տևեց մինչև հոկտեմբերի 11 (24)-ը: Արյունալի կռիվներ ծավալվեցին քաղաքի մատույցներում, իսկ հաջորդ օրը տեղի ունեցան վճռական մարտերը:

Արագորեն կտրելով 420 կիլոմետր՝ բուլղարական առաջին բանակին օգնության հասավ երրորդ բանակը:

Կրկյարելիի վրա թնդանոթային հուժկու ոմբակոծությունից հետո թուրքական զորքի առավել մարտունակ մասերը բնաջինջ եղան: Դրանից անմիջապես հետո բուլղարական հետևակը հարձակման անցավ և հոկտեմբերի 11 (24)-ի ժամը 11-ին խուժեց քաղաք:

Բուլղար զինվորները, որոնք հայտնի էին իրենց զարմանալի տոկունությամբ ու սակավապետությամբ, անօրինակ սխրանքներ էին գործում: Նրանց ոգևորությունը հասել էր հանդգնություն: Սվինամարտում բուլղարները ցույց էին տալիս խելահեղ

---

<sup>1</sup> Տե՛ս «Ազատամարտ», № 1027, 13 (26) հոկտեմբերի 1912 թ.:

<sup>2</sup> Տե՛ս «Առաջամարտ», № 3 (1030), 5 (18) նոյեմբերի 1912 թ.:

քաջություն: Մարտիկները սվիններով առաջ էին խոյանում՝ չսպասելով նույնիսկ, որ հրետանին իրենց համար ճամփա բացի: Շատ անգամ թշնամուց 300-400 մետրի վրա ամբողջ գնդեր կրակի գծից բարձրանում էին առանց որևէ պաշտպանական միջոցի և կատաղաբար նետվում թուրքերի վրա: Սպաներն անգոր էին գսպելու իրենց զինվորների խելահեղ խոյանքը: Դա էր պատճառը, որ այս կովում բուլղարները տվեցին 1700 սպանված և 4000 վիրավոր, իսկ թուրքերն ավելի քիչ՝ 1500 սպանված ու վիրավոր<sup>1</sup>:

Կրկարելիի արյունալի կռիվներում աննախադեպ քաջագործութուններ կատարած բուլղարական զորամասերից մեկի հրամանատարն էր 15 տարուց ի վեր ընդհատակում գործած, Մակեդոնական հեղափոխական կազմակերպության նշանավոր գործիչներից մեկը՝ Միխայել Կերճիկովը: Նրա բազմամարդ զորամասի մարտիկներն առաջնորդվում էին իրենց հրամանատարի «Մեռնե՛նք, բայց թող ազատ լինի մեր Մակեդոնիան» կոչ-հորդորով<sup>2</sup>:

Բուլղարներն անխնա էին թուրք զինյալների հանդեպ և դրանով իսկ սարսափ էին ազդում թշնամու զորամասերի վրա: Բոլոր մարտիկները կովում էին անձնուրացաբար, որովհետև գիտեին, որ եթե չհաղթեն, կվտանգեն բալկանների ամբողջ գործը: Ջլատելով թուրքական ուժերը՝ նրանք փառավոր հաղթանակներ էին տանում բոլոր տեղերում: Չունենալով կազմակերպված մատակարարում և որակյալ դեկավարութուն՝ թուրքական բանակը կրում էր ծանր պարտություններ: Թշնամու ուժերը արագորեն կազմալուծվում էին: Ահաբեկված թուրքերը փախչում էին՝ թողնելով զենքի և ուտեստի առատ պաշարներ: Հաղթահարելով թուրքերի դիմադրության վերջին օջախները՝ բուլղարները գլխովին ջախջախեցին նրանց:

Կրկարելի (Կըրլս-Քիլիսեի) անկումը տեղի ունեցավ սպասվածից շատ շուտ: Թուրքերը քաղաքի բերդում միայն երեք օր

---

<sup>1</sup> Տե՛ս *Еджидио Иветич, Балканските войни*, էջ 81:

<sup>2</sup> Տե՛ս «Առաջամարտ», № 3 (1030), 5 (18) նոյեմբերի 1912 թ.:

դիմադրեցին, թեև 25.000-անոց բերդապահ զորքը կարող էր երկար դիմանալ: Քաղաքի արագ անկման պատճառներից մեկը զինվորների սննդամթերքի պակասն էր: Թուրքական հրամանատարությունը անհոգ էր գտնվել ժամանակին համալրելու զորքին անհրաժեշտ պարենը կամ գոնե կազմակերպված բաժանելու եղածը:

Մեծ կորուստներ տված թուրք զորամասերը, այլևս չդիմանալով բուլղարների կատաղի գրոհներին, խուճապով ու խառնիխուռն փախչում էին արևելյան ուղղությամբ՝ ձգելով վիրավորներին: Թուրք բնակչությունը նույնպես լքում էր իր բնակավայրերը: Մի շարք գյուղերում բուլղար զինվորները հավաքում էին ծնողների կողմից լքված մանուկներին<sup>1</sup>:

Բուլղարների ձեռքն անցան բազմաթիվ գերիներ, թնդանոթներ, ռազմամթերքով լի պահեստներ, 16 վազոն զինվորական պարեն, դրոշակներ և այլն:

Կռիվների ընթացքում ցուցաբերած անկարողության համար թուրքական արևելյան ռազմաճակատի հրամանատարությունը պաշտոնանկ արեց զորավար Մահմուդ Մուխթար փաշային<sup>2</sup>:

«Ազատամարտը» գրում էր, որ եթե մեծ տերությունները չկարողանան խաղաղություն հարկադրել բալկանյան չորս պետություններին, ապա այն, ամենայն հավանակությամբ, կվերածվի համաշխարհային հրդեհի, որի բոցերում կարող է ոչնչանալ եվրոպական քաղաքակրթությունը<sup>3</sup>:

Կրկյարելիից նահանջած թուրքական զորքը դիրքեր բռնեց Փունար Հիսարի մատույցներում:

Կատաղի կռիվները շարունակվում էին:

Մխրձվելով Կրկյարելիի (Կըրխ-Քիլիսեի) և Ադրիանուպոլսի (էլիրնեի) ամրությունների մեջտեղը, բուլղարական զորքը թուրքական արևելյան բանակը բաժանեց երկու մասի: Թուրքե-

---

<sup>18</sup> Տե՛ս «Ազատամարտ», № 1027, 13 (26) հոկտեմբերի 1912 թ.:

<sup>18</sup> Տե՛ս նույն տեղում, № 1030, 16 (29) հոկտեմբերի 1912 թ.:

<sup>18</sup> Տե՛ս նույն տեղում, № 1020, 6 (19) հոկտեմբերի 1912 թ.:

ըր նախապատրաստվում էին պաշտպանական կոիվները:

Բուլղարական Առաջին բանակը առաջ էր գնում մեկը մյուսին հաջորդող գրոհներով: Այդ ժամանակ երկրորդ բանակը չըջապատեց Ադրիանուպոլսը: Մեկ օր հետո նրան միացավ երկրորդ բանակը: Թուրքական ուժերը խուճապի էին մատնվել: Թեև նրանք նոր, թարմ համալրում էին ստացել Կ. Պոլսից, բայց վիճակը փոխել չկարողացան և հետ շարտվեցին պաշտպանական երկրորդ գիծ՝ Էգենի գետի և Լյուլե-Բուրգազ ու Փունար Հիսար բնակավայրերի միջև: Դրանով Թրակիայի օսմանյան բանակը բաժանվեց երկու մասի. առաջինը բացազատվեց Լյուլե-Բուրգազի, երկրորդը՝ Փունար Հիսարի մատույցներում: Թուրքական հրամանատարությունը կարգադրություն էր իջեցրել այլևս չնահանջել: Այս երկու բնակավայրերի ուղղությունների վրա օսմանյան ուժերը հաշվվում էին 130.000, իսկ բուլղարներինը՝ 110.000 հոգի<sup>1</sup>:

Արդեն առաջին շրջանում պատերազմը Թուրքիային ծանր կորուստներ պատճառեց, ավելին, քան Տրիպոլիտանական պատերազմը:

“*Berliner Tagesblatt*” թերթից «Ազատամարտում» թարգմանաբար տպագրված հոդվածում կարդում ենք. «Տասներհինգ օրէն աւելի պակաս ժամանակամիջոցի մը մէջ պալքանեան փոքր պետութիւնները տապալեցին 1829էն ի վեր եւրոպական դիւանագիտութեան կողմէ ա՛յնքան ճարտարօրէն կառուցուած շէնքը: Այլեւս ո՛չ մէկ համաժողով կրնայ արգիլել Արեւելեան խնդրին հաշուեյարդարութիւնը: 1878ին երբ Ռուսերը մինչեւ Պոլսոյ դուռները հասան, Թուրքիան կրցաւ անդամահատութենէ մը ազատիլ: Այսօր քիչ հաւանական է որ նոյնը պատահի»<sup>2</sup>:

Պատերազմական գործողությունների առաջին տասնօրյակը դեռ չբոլորած՝ օսմանյան կառավարությունը դիմեց Ֆրանսիային, որ սա մյուս տերությունների հետ համախորհուրդ ստիպի բալկանյան դաշնակիցներին՝ դադարեցնելու կոիվները բոլոր

<sup>1</sup> Տե՛ս *Эджидусо Иветич*, էջ 81:

<sup>2</sup> «Ազատամարտ», № 1026, 12 (25) հոկտեմբերի 1912 թ.:



ճակատներում և նախապատրաստվելու հաշտության բանակցություններին: Ֆրանսիական կառավարությունը պատասխանեց, որ ընդունելի է Բ. Դուան առաջարկը, որովհետև 1) այն կարող է դիտվել իբրև ոտնահարում մարդկային իրավունքների, 2) վստահ չեն, որ բալկանյան պետությունները չեն մերժի դինադադարի առաջարկությունը: Փարիզը միաժամանակ տեղեկացնում էր, որ մյուս մեծ պետությունների համաձայնություն ղեպքում ինքը պատրաստ է քննելու Կ. Պոլսից եկած միջնորդության հարցը, եթե այդ մասին թուրքական կողմից դիմում արվի<sup>1</sup>:

Առջևում Եվրոպական Թուրքիայի ամենամեծ քաղաքն էր՝ օսմանյան կայսրության երբեմնի (երկրորդ) մայրաքաղաք Ադրիանուպոլիսը (Էդիրնե)<sup>2</sup>՝ իր հռչակավոր ամրություններով, որոնք կառուցվել էին ժամանակի պատերազմական պահանջներին համաձայն: Բերդերը բետոնապատ էին, ապահովված շերտավոր ծածկույթներով: Դա իրականացվել էր 1905 թվականից սկսած: Հին ամրոցների մեծ մասը վերակառուցվել էր ժամանակի ամրաչինության բոլոր պահանջներին համապատասխան: Բալկանյան պատերազմին նախորդած երեք տարիներին կառուցվել էին մի շարք նոր ամրություններ: Կառուցվել էր մարտկոցների և դաշտային պաշտպանության հզոր շղթա, որն է՛լ ավելի էր հզորացրել բերդապարիսպների դիմադրողականությունը: Այդ ամենը հնարավորություն էր տալիս կոտրելու օսմանյան տարածքներ խուժած թշնամու հարձակման առաջին թափը և օսմանյան դաշտային զորամասերին ժամանակ տալ համախմբվելու և դյուրացնելու իրենց հարձակողական գործողությունները: Ադրիանուպոլիսն իր այս դերը կատարեց փայլուն կերպով:

Բրիտանացի հայտնի զինվորական մասնագետների խմբի հաշվարկներով բերդաքաղաքը պաշտպանող զորքը բաղկացած էր հետևյալ ստորաբաժանումներից. հիզումիե երկու զորաբա-

---

<sup>19</sup> Արամ Անտոնեան, Պատկերազարդ ընդարձակ պատմություն պալքանեան պատերազմին, էջ 981, «Հայրենիք», № 12, հոկտեմբեր, 1924, էջ 122:

ժին (Ֆըրջու), նիչանճի III և IV գնդեր (ալաք) և ուեղիֆ պահեստայինների գորաբաժին: Այդ բոլորը միասին կազմում էին 60-հազարանոց զորք: Բերդապարիսպներից ներս թուրքերն ունեին 300 դաշտային թնդանոթակազմ և 45 արագահարված՝ իրենց համակարգերով: Դրանից զատ բերդաքաղաքի ամրությունները պաշտպանում էին հրետանաձիգների 60 գումարտակ, որոնք իրենց տրամադրություն տակ ունեին 250 ծանր թնդանոթ<sup>1</sup>:

Բերդաքաղաքի պաշարման, ապա և գրավման գործը հանձնարարվեց բուլղարական II բանակի ընդհանուր հրամանատար զոր. Իվանովին: Այդ բանակը բաղկացած էր 8-րդ և 9-րդ զորաբաժիններից, որոնց միացվել էր I բանակի 3-րդ զորաբաժինը:

Հոկտեմբերի 5 (18)-ին բուլղարական զորքը հարձակման անցավ քաղաքի վրա: Թեթև դիմադրությունից հետո Ադրիանուպոլսի մատույցներում գտնվող թուրքական զորամասերը քաշվեցին ու փակվեցին ամրոցների գծից ներս: Հոկտեմբերի 9 (22)-ին թուրքական երկու մեծ զորաբաժիններ դուրս եկան ամրոցների շրջագծից և հարձակում գործեցին բուլղարական 3-րդ զորաբաժնի վրա, բայց վերջինիս հաջողվեց շատ արագ կանգնեցնել հակառակորդի հարձակումը և նրան կրկին սեղմել բերդապարիսպներից ներս:

Եթե բուլղարները կարողանային գրավել այդ բերդերի գոնե մի մասը, ապա էդիրնեի անկումը կանխորոշված կլիներ, մանավանդ որ լայնածավալ սովի ուրվականն արդեն սավառնում էր քաղաքի վրա:

Այն պահին, երբ բուլղարական զորքը գնում էր Ադրիանուպոլսի վրա, Բ. Դուռն առաջին փորձն արեց դիվանագիտական միջոցներով կանգնեցնելու նրա հարձակումը: Բուլղարները ընդունեցին առաջարկը, բայց պահանջեցին, որ թուրքերն առանց կովի հանձնեն քաղաքը, այլապես կսկսեն մարտական գործողությունները: Մեծ պետությունները Կ. Պոլսին խիստ ազդու համատեղ առաջարկ արեցին՝ ընդունել բուլղարների պահանջը:

---

<sup>1</sup> Տե՛ս Լոնդոնի «Թայմս» թերթից արտատպված հոդվածը «Բիւզանդիոն» (Կ. Պոլիս) թերթի 1913 թ. մարտի 20 - ապրիլի 2 համարում (№ 4998):

Բ. Դուռը պատասխանեց, թե դա անհնարին է, որովհետև երբ Ադրիանուպոլիսն իր անառիկ բերդով հանձնվի հակառակորդին, նույն րոպեին Կ. Պոլսում արյունալի հեղաշրջում կսկսվի<sup>1</sup>:

Դրանից հետո բուլղարներն ավելի մոտեցան Ադրիանուպոլսին, թեև ամրոցների մարտկոցները դեռ կարողանում էին նրանց պահել որոշ հեռավորություն վրա: Բուլղարների վրա անընդհատ ուժգին կրակ էր տեղում հատկապես Առնաուտքեռ կոչված դիրքից<sup>2</sup>:

Քանի որ չրջապատված Ադրիանուպոլիսը թուրքերը պաշտպանում էին մեծ ուժերով, ուստի բուլղարական զորքերը, ստանալով նոր համալրումներ, ավելի ամրապնդեցին քաղաքի օղակումը:

Ռուսները բուլղարներին փոխանցել էին 5 օղանավ, որոնք հիմնականում կատարում էին հետախուզական թռիչքներ ռազմաճակատի տարբեր հատվածներում և հատկապես Ադրիանուպոլսի ուղղությամբ: Օղաչուներն օդից նետում էին թռուցիկներ, որոնցով թուրք զինվորներին ու սպաներին կոչ էր արվում անձնատուր լինել՝ տեղիք չտալով նորանոր արյունահեղությունների<sup>3</sup>:

Հոկտեմբերի 11 (26)-ի երեկոյան Ադրիանուպոլսի առջև բուլղարական երկրորդ բանակը օսմանյան զորքերին մղեց ամրոցների չրջանակի մեջ և հաստատվեց պաշարման այն գծի վրա, որին կարողացել էր տիրանալ<sup>4</sup>: Որոշ ժամանակ անց քաղաքը բոլոր կողմերից առնվեց ամուր օղակի մեջ<sup>5</sup>: Սկսվեց երկարատև պաշարում: Քաղաքի հզոր ամրություններն իրենց մատուցներին էին գամել բուլղարների բազմահազարանոց զորքը:

Այս պայմաններում բուլղարական հրետանին համառորեն անընդհատ ուժեղացրեցին էր Ադրիանուպոլսի և՛ բերդը, և՛ քա-

---

<sup>1</sup> Տե՛ս *А. Ф. Миллер, Османская империя (Султанская Турция), М., 1946, էջ 36:*

<sup>2</sup> Տե՛ս *«Ազատամարտ», № 1026, 12 (25) Հոկտեմբերի 1912 թ.:*

<sup>3</sup> Տե՛ս *«Ազատամարտ», № 3 (1050), 5 (18) նոյեմբերի 1912 թ.:*

<sup>4</sup> Տե՛ս *«Ազատամարտ», № 1030, 16 (29) Հոկտեմբերի 1912 թ.:*

<sup>5</sup> Տե՛ս նույն տեղում:

ղաքը, որի հետևանքով մեծապես տուժում էր նաև խաղաղ բնակչությունը: Ուստի բուլղարական զորակայանը թուրք հրամանատարությունը հայտարարեց, որ Ադրիանուպոլսի բոլոր ոչ զինվորական բնակիչներին թույլ է տրվում անարգել մեկնել քաղաքից: Թուրք հրամանատարը, սակայն, պատասխանեց, թե ինքն այդ առաջարկը կրնդունի միայն այն դեպքում, եթե բուլղարներն իրենց հերթին դադարեցնեն գրոհներն Ադրիանուպոլսի վրա: Բայց բուլղարական կողմը մերժեց այդ պայմանը:

Քանի որ քաղաքն ամբողջովին չըջապատված էր բուլղարական զորքերի կողմից, այդ իսկ պատճառով թուրքական հրամանատարությունը չէր կարողանում օգնություն հասցնել քաղաքին: Ընդհակառակը՝ բուլղարական բանակի հրամանատարությունը նորանոր ռազմական ստորաբաժանումներ էր ուղարկում էդիրնեն օղակի մեջ առած զորքին:

Բայց բուլղարները քաջ գիտակցում էին, որ որքան ուշանար Ադրիանուպոլսի գրավումը, այնքան պիտի ավելանար օսմանյան բանակի հաջողության հասնելու հնարավորությունը, քանի որ իրենց բանակի հիմնական ուժերը սահմանազուխներին էին, մինչ օսմանյան բանակն ամեն օր նոր համալրում էր ստանում Անատոլիայից:

Հոկտեմբերի 13 (26)-ին թուրքիայի նախարարական խորհուրդը ռազմաճակատի կացությունը երկար քննարկելուց հետո որոշեց տերությունների օսմանյան դեսպաններին ուղարկել չըջաբերական՝ հանձնելու համար այդ երկրների կառավարություններին. այնտեղ ասված էր, որ թուրքիան, հանուն իր արժանապատվության, չարունակում է պատերազմել, բայց ինքը, լինելով խաղաղության անկեղծ կողմնակից, ընդունում է հաշտության գաղափարը, եթե ողջամիտ առաջարկ լինի<sup>1</sup>:

Հոկտեմբերի 15 (28)-ին և 16 (29)-ին Կոստանդնուպոլսից ողջ անձնակազմով իրենց երկրները հեռացան բալկանյան երեք երկրների դեսպանները: Հունաստանի դեսպան Կրիփարիսը մեկնեց հոկտեմբերի 15-ին, Սերբիայի և Բուլղարիայի դեսպան-

---

<sup>1</sup> *Տե՛ս В. А. Жебокрицкий, Болгария во время балканских войн 1912-1913 гг., էջ 112:*

ներ Ներատուվիչը և Սարաֆովը՝ Հոկտեմբերի 16 (29)-ին<sup>1</sup>:

Պատերազմների տարեգրություն մեջ բացառիկ երևույթ էր մի ուժգին Հարվածով Թուրքական բանակին ծնկի բերելը: Թուրքական զորքերը բերդերում երկար դիմացան, բայց բաց դաշտում բախումների երկու շաբաթվա ընթացքում կրել էին ջախջախիչ պարտություններ:

Ռազմաճակատներում կրած այդ պարտությունների պատճառով Թուրքիայում սուր քննադատություն էր ծավալվել Բ. Դուան նկատմամբ՝ առաջ բերելով վարչապետի փոփոխման պահանջը: Պատերազմի շունչը արդեն լավում էր Կ. Պոլսում, երբ 1912 թ. Հոկտեմբերի 16 (29)-ին Հանկարծակի փոխվեց օսմանյան կարիները: Մեծ վեզիր Ղազի Ահմեդ Մուխտար փաշան Հրաժարական տվեց, և սուլթանը վարչապետության կոչեց Քեամիլ փաշային՝ 80-ամյակին մոտեցող մի ծերունու: Թեև նախորդ կառավարության մեջ նա որևէ պաշտոն չէր զբաղեցրել, բայց դա չէր խանգարել, որ այդ գործիչը Ղազի Մուխտար փաշայի գլխավորած նախարարների խորհրդում ամենաազդեցիկ անձը լիներ: Երկրի կառավարման ղեկը Քեամիլ փաշան իր ձեռքն էր առնում խոր ճգնաժամի պահին: Ջեմալեդդին էֆենդին վերահաստատվեց Շեյխ ուլ իսլամի պաշտոնին:

Հոկտեմբերի 18-ին Քեամիլ փաշան կազմեց նոր կառավարություն, որում իրենց պաշտոնները պահեցին ռազմական նախարար Նազըմ փաշան, արտաքին գործերի նախարար Գաբրիել էֆ. Նորատունկյանը և ներքին գործերի նախարար Ռեշիդ փաշան: Նախարարական մնացած պաշտոններին նշանակվեցին նորերը<sup>2</sup>:

Կարիներտի փոփոխությունը, սակայն, չէր կարող արմատական բեկում առաջ բերել ռազմաճակատներում: Իր խմբագրականում «Ազատամարտը» գրում էր, որ «Դաշլիճին արդի փոփոխությունը լավ խորհուած եւ լավ կշռուած քայլ մը չէ: ... Իթթիհատականները համարած են միշտ Քեամիլ փաշան իրենց

<sup>1</sup> Տե՛ս «Ազատամարտ», № 1039, 25 Հոկտեմբերի (7 նոյեմբերի) 1912 թ.:

<sup>2</sup> Տե՛ս «Աւետարեբ», № 44, 2 նոյեմբերի 1912 թ.:

ամէնէն ոխերիմ, եւ թերեւս ամէնէն ազդեցիկ քաղաքական հակառակորդը: ... Դահլիճին փոփոխութիւնը ո՛չ միայն ո՛ւնէ առավելութիւն չի բերեր, այլ, ընդհակառակը, թերեւս կոչուած ըլլայ տեղի տալու քաղաքական աւելորդ թիւրիմացութեանց եւ կնճիռներու: ... Անհրաժեշտ է հնար եղածին չափ ներքին ուժերու համախմբում, քաղաքական հոսանքներու մերձեցում առաջ բերել»<sup>1</sup>:

Բուլղարների առաջխաղացումը դանդաղեցնելու համար մինչև Անատոլիայից նոր համալրում ստանալը Սև ծովի թուրքական ռազմանավերը հրաման ստացան հարձակումներ գործել Բուլղարիայի սևծովյան նավահանգիստների վրա: Հոկտեմբերի 26-ին ուժգին ոմբակոծութեան ենթարկվեցին Բուլղարիայի Վառնա և Բուրգազ քաղաքների նավահանգիստները: “Новое Время” թերթը ռուսական կառավարութունից պահանջում էր խստորեն պատժել թուրքերին, քանի որ այդ երկու քաղաքներում մեծապես վնասվել են նաև ռուսական շահերը: Ի պատասխան ռուսական թերթերի հրապարակումների՝ Պոլսի «Սարահ» թերթը գրում էր, թե բուլղարական նավահանգիստների և Ռուսաստանի միջև առևտրական հարաբերութունները շատ աննշան են, և եթե 10-15 օրը մի անգամ ռուսական մի շոգենավ է մտնում Վառնա կամ Բուրգազ, ապա դա ավելի շատ հետապնդում է քաղաքական, քան առևտրական նպատակներ<sup>2</sup>:

Թուրքական ռազմանավերի արևելյան ուղղութեամբ այդ հարձակումը Ադրիանուպոլիսը չըջապատած բուլղարական զորքին հնարավորութուն տվեց ժամանակավոր դադար առնել, որպեսզի կարգի բերվեն շարքերը, վիրավորները թիկունք ուղարկվեն, կարգավորվի պարենավորման գործը, ստորաբաժանումները համալրվեն նոր զինակոչիկներով ու զենք-զինամթերքով:

Նույնիսկ Ադրիանուպոլսի ուղղութեամբ կարճատև դադարի ժամանակ չէր թուլացել Արևելյան ռազմաճակատի մյուս

---

<sup>1</sup> Տե՛ս «Ազատամարտ», № 1034, 20 հոկտեմբերի (2 նոյեմբերի) 1912 թ.:

<sup>2</sup> Տե՛ս Նույն տեղում, № 1028, 14 (27) հոկտեմբերի 1912 թ.:

Հատվածներում թուրքերի վրա բուլղարների ճնշումը:

Այդ ընթացքում բուլղարական զորքը առաջանում էր Ռոդոսի քաղաքի ուղղությամբ: Թուրքական սակավ զինվորական ուժերը համարյա առանց դիմադրություն նահանջում էին դեպի Ռոդոսի, որի բնակիչների շուրջ կեսը քրիստոնյաներ էին, հիմնականում՝ հույներ և հայեր: Տեսնելով թուրքական զորքի արագ նահանջը՝ քաղաքի թուրք բնակչության շրջանում սկսվեց խուճապ, և ծայր առավ նրա մի մասի փախուստը: Սրա մի զգալի հատվածն ուղղվեց դեպի էրեյլի՝ այնտեղից չոգենավով Անատոլիա գաղթելու համար:

Հոկտեմբերի 18 (31)-ին Ռոդոսի շրջանում արդեն լսվում էին բուլղարական թնդանոթների ձայները: Նույն օրը բուլղար բանակին ուղղված հայտարարության մեջ Ֆերդինանդ թագավորն ասել էր. «Մեր բանակին հրաման տվեցինք սահմանն անցնել և թշնամու դեմ կռվել, որովհետև սպառվել էին բոլոր այն խաղաղ միջոցները, որոնց նպատակն էր կարելին եղածի չափ, որքան հնարավոր է շուտ բարվոքել արյունի և կրոնի մեր եղբայրների կյանքը: Այն գործը, որ մենք հետապնդում ենք, մարդասիրական և նվիրական գործ է: Մենք վստահ ենք, թե մեր զորքը կարողարացնի ազգի կողմից իր վրա դրած հույսերը: Հառաջ Նաչի ու Ջենքի օգնությամբ: Թո՛ղ արդարություն Աստվածը պինդ բռնի մեր աջ բազուկը»<sup>1</sup>:

Պատասխանելով նախարարական խորհրդից ստացված մի նամակի՝ թագավորը հոկտեմբերի 20-ին հետևյալ հեռագիրը հղեց Գեչոպին. «Այժմ ես համոզված եմ, որ մեր քաջարի ու աննման բանակը, որը ծնունդն է բուլղար ժողովրդի պես ժողովրդի և որի անձնագոհությունը ազգային գաղափարների հաղթանակի համար պատմության մեջ իր օրինակը չունի, պիտի կռվի և վերջնականապես պիտի կործանի բուլղար ցեղի հավիտենական թշնամուն:

Ռիլոյից և Ռոդոսից անդին մեր եղբայրները, վերջապես, պիտի լուսավորվեն ազատության արչալույսով»<sup>2</sup>:

<sup>1</sup> «Ազատամարտ», № 1033, 19 հոկտեմբերի 1912 թ.:

<sup>2</sup> Նույն տեղում, 20 հոկտեմբերի, 1912 թ.:

Հոկտեմբերի 20 (նոյեմբերի 2)–ին թուրքերը՝ քաղաքացի թեզինվոր, սկսեցին փախչել Ռոդոսթոլից: Իսկ թուրքական 7.000–ի չափ զինվորներ, լքված հրամանատարների կողմից, դեգերում էին քաղաքի շրջակայքում: Նրանց մեծ մասը նույնպես միացավ հեռացող քաղաքացիական բնակչությանը: Բուլղարներն արդեն քաղաքից երկու ժամ հեռավորությամբ էին: Մահմեդական հազարավոր ընտանիքներ փախչում էին թուրք զորքի մնացորդների հետ: Ռոդոսթոլի հայերը տեղի իսլամ բնակչությանը հորդորում էին չգաղթել: Քաղաքում մնացած շատ իսլամ կանայք և ընտանիքներ ապաստանել էին հայերի տներում, ուր գտնում էին ամեն հոգածություն:

Արագ ռազմերթով Ռոդոսթոլին մոտեցող բուլղարական զորքը հոկտեմբերի 20–ի լույս 21–ի գիշերը դադար առավ հանգստանալու: Օգտվելով դրանից՝ քաղաքի թուրքական իշխանությունները ձեռնարկեցին դատարկելու ռազմամթերքի պահեստները, և դա նրանց հաջողվեց: Առավոտյան Ռոդոսթոլում արդեն մեկ թուրք զինվոր անգամ չէր մնացել: Քաղաքի կառավարումը փաստորեն անցել էր հայերի և հույների ձեռքը:

Հոկտեմբերի 21–ին քաղաքի հունաց և հայոց առաջնորդները, ինչպես նաև թուրք, հայ, հույն հասարակությունների անվանի ղեմքեր գումարեցին համատեղ ժողով՝ խորհելու, թե ինչպես դուրս գան ստեղծված կացությունից: Որոշվեց քաղաքն առանց արյունահեղության հանձնել բուլղարներին: Քրիստոնյա բնակչությունը սպասում էր բուլղար զորքի մուտքին: Բուլղար զորքը առանց դիմադրության հանդիպելու մտավ Ռոդոսթոլ:

Այդ օրերին բուլղարական զորքերը փայլուն հաղթանակներ տարան նաև Վիդայի ճամփի վրա, տիրացան Մուստաֆա–Փաշա քաղաքին, ուր հակառակորդը թողել էր ցորենի մեծ պաշարներ: Այդ ամենով հանդերձ նույն ժամանակ բուլղարները Պոլիս–Սալոնիկ երկաթուղու գծի վրա գրավել էին բազմաթիվ կետեր և թուրքերի համար անկարելի դարձրել Կ. Պոլսից օգնական ուժեր հասցնելը շրջապատված Ադրիանուպոլսին<sup>1</sup>:

---

<sup>1</sup> Տե՛ս «Ազատամարտ», № 1039, 25 հոկտեմբերի (7 նոյեմբերի) 1912 թ.:



Գաբրիել Նորատունկյանի հանձնարարությունում ճանաչված 22-ին (նոյեմբերի 5-ին) Փարիզի թուրքաց ղեկավարը դիմել էր Ֆրանսիայի վարչապետ և արտգործնախարար Ռայմոն Պուանկարեին՝ նրան խնդրելով Անգլիայի հետ համախոհ միջամտել դադարեցնելու պատերազմական գործողությունները, կովող բոլոր կողմերին պարտադրել զինադադար, որից հետո նպաստել նրանց միջև հաշտություն կնքելուն: Անմիջապես հետևել էր Պուանկարեի պատասխանը. նա առաջարկությունը բացարձակապես անընդունելի էր համարել: Պուանկարեն չեղտել էր, որ իր կառավարությունը չի կարող պատերազմող կողմերին զինադադար հարկադրելու պատասխանատվություն ստանձնել:

Ֆրանսիական կողմը հավանաբար եզրահանգել էր, որ Նորատունկյանի առաջարկի արդյունքն ուրիշ բան չի կարող լինել, եթե ոչ կանգնեցնել բալկանյան դաշնակիցների բանակները իրենց կատարյալ հաջողությունների պահին, միաժամանակ թուրքական հրամանատարությունը ժամանակ տալ վերակազմելու բանակը:

Թուրքերի առաջարկության և իր տեսակետի մասին Ֆրանսիական կառավարությունը տեղեկացրեց մյուս Հինգ տերություններին: Անմիջապես ձայնակցեցին Պետերբուրգն ու Լոնդոնը, որոնք հայտնեցին, թե լիովին համակարծիք են Փարիզի հետ:

Բ. Դոնից ստացված հեռագրում ասված էր, որ ներկա պայմաններում կարող է միայն խոսք լինել միջնորդության, այլ ոչ թե միջամտության մասին: Դա նշանակում էր, որ անգլիական կառավարությունը բնական ու տրամաբանական էր համարում տվյալ պահին զինադադար հաստատելու թուրքական առաջարկի մերժումը բալկանյան դաշնակիցների կողմից, քանի որ սրանց բանակների առաջխաղացումը տեղի էր ունեցել այնպիսի արագությամբ, որի նմանը չէր եղել 1877 թվականից ի վեր: Ուստի չէր կարելի հուսալ, թե նրանք սուրը պատյան կզնեն՝ համոզված չլինելով, որ թուրքերը չեն հավաքի իրենց ցաքուցրիվ վաշտերը՝ Չաթալջայի գծերի վրա վճռական դիմադրություն ցույց տալու համար:

Պետերբուրգից Փարիզ հասած հեռագրում նշվում էր, որ

պատերազմի հենց սկզբից Ռուսաստանը հայտարարել է, թե Բալկաններում ինքը հողային ոչ մի պահանջ չի հետապնդում, բայց դեմ չէ, որ վերջապես լուծում ստանան թերակղզու պետությունների տարածքային կնճռոտ խնդիրները, և մեկընդմիջտ վերջ տրվի Մակեդոնիայի տանջանքներին: Նաև չեչտվում էր, որ Ռուսաստանը հակված չէ ճնշում գործադրելու պատերազմող որևէ կողմի վրա:

Յուրօրինակ էր Ավստրիայի կառավարությունից դիրքը, որը կարելի է ամփոփել այսպես. չրջանցել խնդիրը՝ առանց կարծիք հայտնելու: Կոմս Բերթսոլդը Փարիզ ուղարկած հեռագրով հայտարարում էր, թե Գ. Նորատունկյանի առաջարկի նման ձեռնարկը կարող է օգտակար լինել միայն այն դեպքում, եթե պատերազմող երկու կողմերից որևէ մեկը զինադադար խնդրի ոչ թե միջնորդի միջոցով, այլ ուղղակի դիմում հղելով: Ավստրիական արձագանքին հար և նման էր Գերմանիայի պատասխանը:

Ծանոթանալով Բեռլինից ստացված հեռագրին՝ Ֆրանսիայի արտգործնախարար Քամպոնը Գերմանիայի արտգործնախարար Վելստերին հեռագրով հարցապնդում արեց. «Բայց Դուք չեք պատասխանել Ձեզ ուղղված խնդրանքին»: Հետևել էր գերմանացու պատասխանը. «Շատ պարզ է: Դուք էլ զիտեք, թե դեպքերն ինչ արագությունը են հաջորդում իրար»:

Ինչ վերաբերում է Իտալիային, ապա նրա պատասխանը հնարավորինս անորոշ էր: Հոռմից ստացված հեռագրում նշված էր, որ Գ. Նորատունկյանի առաջարկին իտալական կառավարությունը սկզբում դրական էր տրամադրվել, բայց հետո հարմար գտավ միանալ իր երկու զինակիցների (Գերմանիա, Ավստրիա) տեսակետին<sup>1</sup>:

Մինչ քաղաքական գործիչներն ու դիվանագետները խորհում էին պատերազմը դադարեցնելու հարցի շուրջ, հոկտեմբերի 16 (29)-ին ծայր առան Լյուլե-Բուրգազի և Փունար Հիսարի դաժան կռիվները:

Այս ուղղությունը օսմանյան ուժն ուներ 120,000 հետևակ,

---

<sup>1</sup> «Ազատամարտ», № 1043, 29 հոկտեմբերի (31 նոյեմբերի) 1912 թ.:

հեծելագործի 65 ստորաբաժանում (էսկադրոն) և 300 թնդանոթ: Բուլղարներն ունեին 110 հազարի հասնող զորք: Կովին մասնակցում էր բուլղարական երրորդ բանակը՝ Ռադկո Դիմիտրիևի հրամանատարությունում: Ճակատամարտը տևեց հինգ օր: Առաջին երկու օրերին բուլղարները հետ մղեցին թուրքերի բոլոր հարձակումները: Վերջիններիս օգնություն չտալեցին Կրլիս-Քրիլսեի օգնական ուժերը, բայց բուլղարները կարողացան նրանց կանգնեցնել և հետ մղել ելման դիրքերը: Հետագա մի շարք ընդհարումները բարվոքեցին բուլղարների դիրքերը հատկապես ռազմաճակատի աջ թևում, ուր ամրակայվել էին թուրքերի առաջապահ ընտիր ստորաբաժանումները:

Լյուլե-Բուրգազի համար ճակատամարտը աչքի ընկավ սրընթացությամբ, հանդուգն գործողություններով ու քաջագործություններով, որոնք թուրքերին դույզն-ինչ հնարավորություն չէին տալիս կշռադատելու և ծրագրելու հետագա քայլերը: Ամենահմուտ ու հեռատես զինվորական մասնագետներն իսկ զարմացած ու բերանբաց էին մնացել մարտադաշտերում ծավալված անօրինակ զարգացումներից:

Կովի երկրորդ օրը բուլղարական բանակի կենտրոնի ուժերը թնդանոթային փոթորկալի կրակի ուղեկցությամբ անցան վճռական հարձակման օսմանյան բանակի պաշտպանական գծերի ուղղությամբ: Բուլղարական զնդերի մարտիկները հերոսություն ու անձնագոհության աննախընթաց օրինակներ էին ցույց տալիս: Սլանալով դեպի Լյուլե-Բուրգազի ամրոցները՝ նրանք դիմեցին սվինամարտի և թուրք զորամասերին դուրս մղեցին դիրքերից:

Հետևյալ երկու-երեք օրերին ահարկու կոիվը շարունակվում էր: Այս ճակատագծի բազմաթիվ հատվածներում թուրքերը կատաղի դիմադրություն էին ցույց տալիս: Չնայած նրանք հսկայական մարդկային կորուստներ էին կրում, բայց շատ զինվորներ, սպաներ ու զորավարներ տալիս էին համառ դիմադրության փայլուն օրինակներ: Բուլղարների շարքերում մեծ ավերներ էին գործում Աբդուլլահ փաշայի հրետանային մարտկոցները, իսկ Սալիահ փաշայի հրամանատարության տակ գտնվող հեծելագործն այնպիսի կատաղի զրոհներ էր կատարում, որ բուլղար-

ների ամբողջ շարքեր բառի բուն իմաստով հնձվում էին: Այս կովում բուլղարների առաջնագծերում լուրջ ավերներ էին գործում պատերազմի սկզբին Թուրքիայի կողմից Գերմանիայից վարձակալված ռազմական 8 օդանավերը՝ օդաչուներով հանդերձ<sup>1</sup>:

«Թայմսի» հատուկ թղթակից, համաշխարհային համբավ վայելող զինվորական տեսաբան գնդապետ Լիոնելը, որն այցելել էր ռազմաճակատի տարբեր հատվածներ, «Ռայխսսիոստ» գործակալությունը հաղորդել էր, որ Լյուլե-Բուրգազում բուլղարները չկարողացան օգտվել իրենց առավելություններից, մանավանդ հրետանու գերազանցությունից: Մյուս կողմից նա հիացած էր թուրքերի քաջությունը, որոնք այդ պայմաններում կարողացան համառ դիմադրություն ցույց տալ Լյուլե-Բուրգազում<sup>2</sup>:

Լյուլե-Բուրգազի արյունալի կռիվների երրորդ օրը բուլղարները ի վերջո գերազանց կատարեցին իրենց գործը: Ամեն ժամ թուրքական բանակը կորցնում էր հարյուրավոր զինվորներ, իսկ բուլղարական հրետանին ճիշտ նշանառությամբ քարուքանդ էր անում թշնամու դիրքերը<sup>3</sup>:

Չնայած այդ ամենին՝ թուրքական հրամանատարությունը Լյուլե-Բուրգազի ճակատագիծ ուղարկեց նորանոր թարմ զորամասեր, որոնց մեծ մասը կովի դաշտ էր հասել Ասիական Թուրքիայից և անմիջապես մտել մարտի մեջ: Իր հերթին բուլղար հրամանատարությունը կովի նետեց էդիրների պաշարման գծերից հանված մեծաթիվ ուժեր: Բանակի առջև խնդիր էր դրված սրբնթաց արագությունը ճեղքել օսմանյան դիրքերի կենտրոնը: Ռազմական պլանի համաձայն՝ բուլղարական զորքերի հիմնական մասը կենտրոնացավ Կըրխ-Քիլիսեից Վիլե տանող ճանապարհի հարավային հատվածում գտնվող անտառային զանգվածում, իսկ մյուս մասը՝ Լյուլե-Բուրգազի Հյուսիսարևմտյան կողմի օսմանյան դիրքերի ուղղությամբ: Անտառում ծայր

---

<sup>1</sup> Տե՛ս «Ազատամարտ», № 1020, 6 (19) հոկտեմբերի 1912 թ.:

<sup>2</sup> Տե՛ս «Ազատամարտ», № 4 (1051), 6 (19) նոյեմբերի 1912 թ.:

<sup>3</sup> Տե՛ս «Ազատամարտ», № 1041, 27 հոկտեմբերի (9 նոյեմբերի) 1912 թ.:

առած կատաղի կոիվներից հետո, որոնք ընթացան նաև սվինային հարձակումներով, բուլղարները կեսօրվան դեմ կարողացան ձեռքել թշնամու շարքերը: Այդ նույն ժամանակ Հյուսիսարևելյան կողմից Լյուկե-Քուրգազի վրա կատաղի հարձակման անցան նաև հետնագծում հրամանի սպասող բուլղարական զորքերը:

Այն ժամանակ, երբ դեռ ընթանում էր Լյուկե-Քուրգազի համար ճակատամարտը, այդ նույն ժամանակ՝ հոկտեմբերի 17 (30)-ին, բուլղարական բանակի ձախ թևը, անջատվելով հիմնական ուժերից, հարձակում սկսեց ռազմավարական կարևորագույն նշանակություն ունեցող Փունար Հիսարի վրա:

Պաշտպանելով քաղաքը՝ թուրքերը միաժամանակ կորովի հարձակումներ էին գործում բուլղարների առաջապահ զորամասերի վրա, որի արդյունքում նրանց նույնիսկ հաջողվեց հակառակորդին Փունար Հիսարից բավական հեռու չարտել:

Ի վերջո բուլղարների հիմնական ուժերը կարողացան խրվել թուրքական զորքերի ձախակողմյան բնակավայրերի՝ Սկյուզի, Հաջի-Ֆաքրլի, Մանասթր-դաղի տարածքներ, որի հետևանքով թուրքերի առաջացած մասերը կտրվեցին զորքերի հիմնական զանգվածից և ստիպված Հանձնվեցին: Թուրքական ուժերի հիմնական մասը խուճապահար նահանջեց և մտավ Փունար Հիսար: Այդ ընթացքում քաղաք մտավ նաև Կ. Պոլսից հասած մի խոշոր զորամաս և միացավ կովոդներին: Այդ համալրման շնորհիվ պաշարված թուրքական զորքը շարունակեց կոիվը ամբողջ օրը, մինչև որ ծվեն-ծվեն եղած զորամասերի մնացորդները, կովի դաշտից փախուստ տալով, ուղղություն վերցրին դեպի հարավ:

Փունար Հիսարի գծի վրա էր գտնվում Իզգետին-Քեո գյուղը, որտեղ տեղակայված էր Ասիական Թուրքիայից եկած կամավոր քրդերի մի քանի հազարի հասնող ջոկատը: Քրդերը թուրք հրամանատարին փափազ հայտնեցին գրավել բուլղարական զորքի՝ գյուղի դեմ չարված թնդանոթները: Հրամանատարը խորհուրդ էր տվել նման փորձ չանել, բայց նրանք պնդել էին իրենցը և գիշերը զանգվածաբար առաջացել էին դեպի բուլղարների դիրքերը: Վերջիններս, թողնելով, որ քրդերը մոտենան, որից հետո թնդանոթներից փոթորկալի կրակ էին բացել և գրեթե բոլորին

գետին փոել: Հազիվ ողջ էր մնացել մի քանի հոգի<sup>1</sup>:

Այդ նույն օրերին քուրդ կամավորները զգալի կորուստներ ունեցան նաև ռազմաճակատի ուրիշ հատվածներում: Բացի դրանից՝ քուրդ կամավորների մի մեծ խմբի կռվի դաշտ տանող «Ասարի» հաժանավը խորտակվել էր Ռոմելիայի ափերին:

Իսկ Լյուլե-Քուրգազի համար կռիվները դեռ շարունակվում էին: Ճակատամարտը սկսվելուց չորս օր հետո՝ հոկտեմբերի 29-ին, այն թևակոխեց վճռական փուլ:

Ինչպես Փունար Հիսարի, այնպես էլ Լյուլե-Քուրգազի կռիվներում բուլղարները հրաշքներ էին գործում: Թշնամական դիրքերից 300-400 քայլ հեռավորությունից ամբողջ գնդեր ոտքի էին կանգնում և անդիմադրելի խոյանքով սուրում դեպի հակառակորդը: Բուլղար հրամանատարներն այլևս անկարող էին զսպելու իրենց զինվորների՝ պատերազմական կանոններին ոչ հարիր հանդգնությունը:

Հոկտեմբերի 15 (28)-ին բուլղարների աջ թևի զորամասերը կատաղի հարձակումով էսկի-պապա և Ենի-քեո բնակավայրերից դուրս մղեցին հակառակորդին՝ նրան նետելով Լյուլե-Քուրգազի պաշտպանական ամրությունների կողմը: Բայց նահանջող թուրքերի զգալի մասը ոչնչացավ բուլղարական հրետանու փոթորկալի կրակից՝ չհասնելով Լյուլե-Քուրգազի մատույցներին:

Լյուլե-Քուրգազի դեմ երկու ուղղություններով նույնժամյա գրոհող բուլղարական ուժերը արյունալի կռիվներից հետո՝ հոկտեմբերի 29-ին, ամբողջովին քայքայեցին օսմանյան ճակատը:

Լյուլե-Քուրգազի և Փունար Հիսարի երկու ռազմաճակատներում բուլղարական առաջին և երկրորդ բանակները հոկտեմբերի 28-ին և 29-ին գլխավորին ջախջախել էին թուրքական 100-հազարանոց բանակը:

Թուրքական ստորաբաժանումները համառ դիմադրություն փայլուն օրինակներ էին տալիս բոլոր ռազմաճակատներում: Այդ տեսակետից Ադրիանուպոլսի պաշտպանությունից գլուխ կանգ-

---

<sup>1</sup> Տե՛ս Արամ Անտոնեան, Պատկերազարդ ընդարձակ պատմություն պալքանեան պատերազմին, էջ 987-999: Տե՛ս նաև՝ «Ժամանակ», № 1262, 30 հոկտեմբերի (12 նոյեմբերի) 1912 թ.:

նած Շուքրի փաշայի օրինակը եղակի չէր: Այսպես, օրինակ՝ պաշարված Յանիա բերդաքաղաքի օսմանյան գորքի հրամանատար էսադ փաշան կարողացել էր այնպես կազմակերպել քաղաքի պաշտպանությունը, որ բալկանյան դաշնակիցների զորքերն ավելի քան հինգ ամիս, հսկայական զոհեր տալով, չէին կարողանում գրավել այն:

Այդպիսի զինվորական գործիչների թվում էր «Համիդիեն» փոքրիկ մարտանավի երիտասարդ հրամանատար Ռաուֆ բեյը: Այդ նավի մարտական գործողությունների մասին պատերազմի օրերին գրվել են հարյուրավոր հոդվածներ հատկապես եվրոպական մամուլում:

1912 թ. հոկտեմբերի կեսերին աննկատ ձեղքելով Դարդանելի շրջափակումը՝ «Համիդիեն» դուրս է գալիս էգեյան ծով, ուղղություն վերցնում դեպի Եգիպտոս, Ալեքսանդրիայում վերցնելով ածուխի պաշար՝ Սուեզի ջրանցքով<sup>1</sup> մտնում է Կարմիր ծով<sup>2</sup>, ապա, Պորտ-Սայդով դուրս գալով Միջերկրական ծով<sup>3</sup>, մեկնում է Մալթա, մտնում Ադրիատիկ ծով<sup>4</sup>, ակոսում Միջերկրականի ողջ արևելյան ավազանը<sup>5</sup>, սարսափ տարածելով ամենուր:

Այդ ամբողջ ընթացքում «Համիդիեն» հարձակվում ու խորտակում է բազմաթիվ հունական, բուլղարական, սերբական նավեր, այդ թվում՝ բաց ծովերում գտնվող կամ նավահանգիստներում խարխիս գցած խոշոր ռազմանավեր:

Հոկտեմբերի վերջերին՝ բուլղարների տարած փայլուն հաղթանակից հետո, կարելի էր պատերազմը վերջացած համարել,

---

<sup>1</sup> Տե՛ս «Կովկասի լրագրեր», № 51, 6 մարտի 1913 թ., նույն տեղում № 21, 26 հունվարի 1913 թ., «Ժամանակ», № 1388, 6 (19) մարտի 1913 թ., նույն տեղում, № 1389, 7 (20) մարտի 1913 թ., նույն տեղում, № 1416, 3 (16) ապրիլի 1913 թ., նույն տեղում, № 1425, 12 (25) ապրիլի 1913 թ., նույն տեղում, № 1437, 25 ապրիլի (8 մայիսի) 1913 թ.:

<sup>2</sup> «Հեռաձայն», № 2, 24 հունվարի (6 փետրվարի) 1913 թ.:

<sup>3</sup> «Ժամանակ», № 1416, 3 (16) ապրիլի 1913 թ.:

<sup>4</sup> «Կովկասի լրագրեր», № 48, 2 մարտի 1913 թ.:

<sup>5</sup> «Ժամանակ», № 1381, 22 փետրվարի (12 մարտի) 1913 թ.:

բայց հաղթանակը կատարյալ լինելու համար պակասում էր Ադրիանուպոլսի անկումը:

Ոչ միայն թուրքերի ու բալկանյան դաշնակիցների, այլև ողջ Եվրոպայի ուշադրությունը կենտրոնացած էր Ադրիանուպոլսի վրա: Բոլորի համար պարզ էր, որ բերդաքաղաքի գրավումը ծայրաստիճան դժվար է: Ռազմական տեսաբաններն այն կարծիքին էին, որ բերդաքաղաքը ի վիճակի է պաշտպանվելու ամիսներ շարունակ: Իսկ բուլղարական բանակի հրամանատարությունը համոզված էր, որ իր զորքերն ունակ են հաղթահարելու քաղաքի ամրությունները, ուստի և նորանոր զորամասեր էր ուղարկում Ադրիանուպոլիս: Արդեն հոկտեմբերի 20-ի կողմերը Ադրիանուպոլսում և չրջակա մակեդոնական տարածքներում ծայր առած կռիվներին երկու կողմից մասնակցում էր 400 հազար մարդ<sup>1</sup>: «Ազատամարտը» գրում էր, որ բուլղարների ինքնավստահությունը կարող է թանկ նստել նրանց վրա, քանզի բոլոր ռազմագետների կարծիքով Ադրիանուպոլսի ամրոցներն ի վիճակի են դիմակայելու բուլղարական բանակի հարվածներին: Միաժամանակ թերթը նշում էր, որ եթե բերդաքաղաքի թուրքական զորքը նույնիսկ չկարողանա կասեցնել բուլղարների ուժերը, ապա, միևնույնն է, նրանց կստիպի երկար ժամանակ գամված մնալ բերդապարիսպներին<sup>2</sup>:

Հոկտեմբերի 29-ին թուրքական կառավարությունը հայտարարեց, թե Ադրիանուպոլիսը գերեզման է լինելու բուլղարական բանակների համար, և որ այդ բերդաքաղաքի ամրություններից է սկսվելու թշնամու գրաված մակեդոնական հողերի ազատագրումը և Բուլղարիայի մայրաքաղաք Սոֆիայի գրավումը:

Չնայած այդ սպառնալիքին՝ քաղաքում պարփակված թուրքական զորքը ստիպված էր ջանքերի գերազույն լարումով

---

<sup>1</sup> Տե՛ս «Ազատամարտ», № 1031, 17 (30) հոկտեմբերի 1912 թ.: Այդ տեսակետից նշված կռիվները գերազանցում էին 19-րդ դարում Եվրոպայում տեղի ունեցած բոլոր մեծ ճակատամարտերին: Օրինակ՝ Նապոլեոնի դեմ կովոզ դաշնակիցները Լայպցիգի մեծ ճակատամարտում ունեին 200 հազար զինվոր (նույն տեղում):

<sup>2</sup> Տե՛ս «Ազատամարտ», № 1028, 14 (27) հոկտեմբերի 1912 թ.:



պաշտպանվել՝ ուժ չունենալով ճեղքել շրջապատման օղակը:

Հոկտեմբերի 30-ին կոիվները նոր ուժով ծավալվեցին, և ինչպես սպասելի էր, թուրքերը նոր ծանր կորուստներ ունեցան: Բուլղարական հրետանին չարունակում էր մեծ ավերածություններ գործել՝ ամեն թուրք Ադրիանուպոլսի բերդերի վրա տեղալով տասնյակ ռումբեր: Ահավոր խառնաշփոթ էր սկսվել բերդապահ թուրք զորամասերում: Բուլղարները սոսկալի ոմբակոծում էին նաև քաղաքի ոչ բնակելի շինությունները (վարչական շենքեր, գինապահեստներ, ուտեստեղենի պահեստներ և այլն): Այդ սոսկալի ոմբակոծությունների հետևանքով թուրքերը մեծ կորուստներ կրեցին:

Հոկտեմբերի 31-ին Ադրիանուպոլսում (էդիրնե) շրջապատված թուրքական զորքի հրամանատարությունը փորձեց ճեղքել թշնամու օղակը: Նրա հրամանով թուրքական զորքը, դուրս գալով ամրություններից, երեք կողմից հարձակումներ սկսեց բուլղարական զորամասերի դեմ: Սկսվեցին արյունալի մարտեր, որոնք չարունակվեցին ամբողջ օրը: Կռվի ընթացքում թուրքերը մեծ կորուստներ ունեցան, գերվեց նաև օսմանյան բանակի հայտնի զորավարներից մեկը՝ Նայիլ բեյը: Միայն մուլթը վրա հասնելուց հետո նորսացած թուրքական զորամասերը քաշվեցին բերդերից ներս<sup>1</sup>:

Հոկտեմբերի վերջին օրերին Ադրիանուպոլիսը պաշարած բուլղարական զորքերին օգնության հասան սերբական բանակի մի քանի խոշոր զորամասեր, որոնք ընդհանուր առմամբ ունեին 65 հազար զինվոր ու սպա<sup>2</sup>: Այդ հսկա զինուժը մեծապես բարձրացրեց Ադրիանուպոլիսը շրջապատած բուլղարական բանակի մարտական ոգին: Ենթադրվում էր, որ այդ ժամանակ քաղաքը պաշարած սերբ-բուլղարական միացյալ զորքն ուներ 170 հազար զինվոր ու սպա<sup>3</sup>: Այդ ահռելի ուժի դիմաց Ադրիանուպոլսի ամրությունների թուրքական պահակազորքը մոտավորապես ուներ 40 հազար զինվոր:

---

<sup>21</sup> Տե՛ս «Առաջամարտ», № 4 (1051), 6 (19) նոյեմբերի 1912 թ.:

<sup>22</sup> Տե՛ս նույն տեղում, № 3 (1050), 5 (18) նոյեմբերի 1912 թ.

<sup>23</sup> Տե՛ս նույն տեղում:

Բուլղարական գորագնդերը իրար հաջորդող հարվածներով ջանացին կտրել նահանջի գիծը: Այս պայմաններում թուրքական բանակի միայն մի քանի բեկորներ կարողացան ապաստանել Չաթալջայի ամրությունների գծերից ներս:

Դեպի Չաթալջա ուղղություն էր վերցրել նաև Լյուլե-Քուրգազի կոիվներում պարտված թուրքական բանակի փախուստի մատնված զորամասերի հարավային թևը՝ փորձելով հաստատվել այդ պաշտպանական գծի ամրացված դիրքերում: Լյուլե-Քուրգազում պարտություն կրած թուրքական բանակի հյուսիսային թևի բեկորները խառնաչփոթ նահանջով կարողացան հասնել Սերայ-Սթրանջայի գծի վրայի ամրացված դիրքեր և, վերախմբավորելով ուժերը, պատրաստվեցին դիմադրություն: Բայց բուլղարական բանակն այնպիսի արագությունը էր հետապնդում թշնամուն, որ անհնարին էր թվում, թե սրանց կհաջողվի ապաստանել Չաթալջայի պաշտպանական գծերից ներս: Այսպես մտածողներն իրավացի էին, որովհետև բուլղարները ջանում էին կտրել թուրքերի նահանջը դեպի Սթրանջա և Գարաճաքեռ, և դա նրանց հաջողվում էր<sup>1</sup>:

Արյունն առատորեն թափվում էր այն լայնատարծ երկրամասի վրա, որ երեկ Եվրոպական Թուրքիա էր:

4. Պոլսի դիմաց՝ Տերքոսի մոտ, բուլղարական առաջապահ ստորաբաժանումների դիրքավորման պահին Սոֆիայում հրատարակվող կիսապաշտոնական «Բուլղարիա» թերթը «Մի անակնկալ» վերտառություններով հոգվածում գրում էր. «Կոստանդնուպոլսի առջև բուլղարների հայտնվելը անակնկալ է լինելու իրենց նախնիների հոգիների համար: Այդ պահին է, որ զինակից հաղթական բանակները Մարմարայի ափերից թուրքերին պիտի բարձրաձայնեն, թե Բալկանյան ողջ թերակղզում այլևս տեղ չկա Մահիկի համար»<sup>2</sup>:

Էդիրնեից մինչև Չաթալջայի մատույցներն ընկած նահանջի

---

<sup>22</sup> Տե՛ս «Ազատամարտ», № 1041, 27 Հոկտեմբերի (9 նոյեմբերի) 1912 թ.:

<sup>22</sup> «Բուլղարիա» թերթի հոդվածի նշված հատվածի հայերեն թարգմանությունը տե՛ս «Ազատամարտ», № 1041, 27 Հոկտեմբերի (9 նոյեմբերի) 1912 թ.:

ճանապարհին թուրքերը նորանոր կորուստներ էին կրում: «Reichspost» թերթի ռազմաճակատային թղթակից Վազները, նկարագրելով իրավիճակը, գրում էր. «Չորս կողմն աննկարագրելի պատկերներ կը ներկայացնեն. ճամբարները լքված թնդանոթներ, վերիվայր չըջած ռազմամթերքի կառքեր, կոտորտված սայլեր, մեռած ձիեր կը տարածուին...»<sup>1</sup>:

Այդ ճանապարհին ավելի քան 100.000 զինվորներ տանջվում էին սովից: «էքմեք. էքմեք» (հաց, հաց) գոռալով՝ թուրք զորամասերը ցրվել էին դաշտերում: Հրամանատարներից մեկի այն հարցին, թե «Ինչու էք փախչում», զինվորները պատասխանել էին. «Փախչում ենք, որովհետև սոված ենք»: Ռազմական նախարար Նազըմ փաշան և իր ամբողջ սպայակույտը գերագույն ճիգեր արեցին Չորլու-Վիզե-Միտե գծի վրա հակառակորդին կասեցնելու, բայց դա նրանց չհաջողվեց<sup>2</sup>:

էզիրների, առավել ևս Լյուլե-Բուրգազի և Փունար Հիսարի կոիվների ընթացքում թուրքերը ռազմադաշտում թողել էին 40 հազար սպանված ու վիրավոր, մյուս 60 հազար թուրք զինվորներն ու սպաները, բաժանված խմբերի, փախչում էին դեպի Չաթալջա: Բուլղարները գերել էին թշնամու 9000 զինվոր և սպա, նրանց ձեռքն էր անցել 42 արագաձիգ թնդանոթ, 15 վագոն ռազմամթերք, մեծաքանակ պարեն և այլն<sup>3</sup>:

Թրակիայի դաշտերում թուրքական բանակի կրած դժվարություններն առաջ էին գալիս երկու ազդակներից՝ ցեխ և հաց: Ընդհանրապես հացի պակասության խնդիր չկար, սակայն ցեխի պատճառով թուրքերը չէին կարողանում հացը փոխադրել կարիքավոր տեղեր ու զորքը մնացել էր անոթի: Ամեն տեղ սայլերը մխրճվում էին ցեխի մեջ: Նույն պատճառով հնարավոր չէր լինում հրետանին տեղից տեղ փոխադրել:

Նոյեմբերի սկզբին Թրակիայի և Մակեդոնիայի միջև ընկած

---

<sup>1</sup> “Reichspost”-ի հոդվածի թարգմանությունը տե՛ս «Ժամանակ», № 1267, 4 (17) նոյեմբերի 1912 թ.:

<sup>2</sup> Տե՛ս «Աւետարներ», № 46, 16 նոյեմբերի 1912 թ.:

<sup>3</sup> «Ազատամարտ», № 1027, 13 (26) հոկտեմբերի 1912 թ.:

տարածքում թուրքերի կացույթունը դարձավ հուսահատական: Մուստաֆա-Փաշայի և Չորլուի միջև երկաթուղային գիծն արդեն բուլղարների ձեռքին էր՝ բացի էդիրների ամրոցների պաշտպանություն տակ գտնվող մի քանի կիլոմետրի, որոնք արդեն հարում էին բուլղարների ձեռքում գտնվող Ստրումիցային և Մելինիքիին:

Սպասվում էին էլ ավելի արյունալի ու հոգեմաշ կռիվներ էդիրների համար, մի բան, որ բնավ ձեռնտու չէր բուլղարական կողմին, որի հնարավորությունները գնալով նվազում էին, իսկ թուրքական բանակը դեռ հսկայական պահեստի ուժեր ուներ Անատոլիայում:

Հոկտեմբերի 29 (նոյեմբերի 11)-ի հետմիջօրեի առաջին ժամերին բուլղարական զորքերի ճնշման տակ սկսվել էր թուրքական զորքերի ընդհանուր նահանջը Բուրգաս-Բենդեքենդ գծի երկայնքով ի վար՝ դեպի Չորլու: Օգտագործելով իրենց առավելությունը՝ բուլղարները խոյացան նահանջող թուրքերի վրա և այնպիսի ուժով ճնշեցին նրան, որ իրիկնամուտին նահանջը փոխվեց անկարգ փախուստի:

Այլևս չկարողանալով դիմակայել բուլղարների ճնշմանը՝ կազմալուծված թուրքական զորքը, բոլորովին սպառած հետագա դիմադրական կորովը, հոկտեմբերի 31-ի արևածագին խառնիխուռն փախուստով ուղղություն վերցրեց դեպի օսմանյան մայրաքաղաք\*։ Առջևում, սակայն, ոչ թե Կոստանդնուպոլիսն էր, այլ մայրաքաղաքը պաշտպանող Չաթալջայի հզոր ամրությունների գիծը և դրան հարող լայնանիստ տարածքները:

Չաթալջայի\*\* ամրությունները ձգվում էին Սև ծովից մինչև

---

\* Մինչ այդ այն տեսակետն էր իշխում, թե բուլղարական բանակը Չաթալջայի ամրությունների վրա վճռական գրոհ է սկսելու Սև ծովի մոտերքից՝ Տերբոս գյուղի կողմերից, ուր արդեն զգացվում էր ահաբեկված Պոլսի շնչառությունը:

\*\* Չաթալջան բնակավայր է Ստամբուլից 43 կմ դեպի արևմուտք: Դերկոր-Չաթալջա-Չեկմերդչե ամրացված գոտին Մարմարա ծովի և Հունաստանի կողմից պաշտպանում էր Ստամբուլ-Ադրիանուպոլիս երկաթուղին: Չաթալջայի գլխավոր դերը Կ. Պոլսի պաշտպանությունն էր:

Մարմարա: Այն բուլղարական մակընթացութեան դեմ վերջին թումբն էր: Արդյո՞ք կդիմանար հետագա հարվածներին: Եթե բուլղարներին հաջողվեր գրավել Չաթալջայի բարձունքները, ապա, շատ չանցած, նրանք կմտնեին Պոլիս: Մասնագետներից ոմանք կարծում էին, որ դրա համար բավական կլինի երկու օր<sup>1</sup>: Այդ էր պատճառը, որ «Չաթալջա» բառը այդ օրերին Պոլսի 1.5 միլիոն բնակիչների շուրթերին էր:

Ստանալով համարում՝ հոկտեմբերի 29 (նոյեմբերի 11)-ին թուրքերը հարձակում ձեռնարկեցին բուլղարական զորքի կենտրոնի վրա, բայց հետ մղվեցին մեծ կորուստներով: Դրանից հետո բուլղարները Չաթալջայի դիրքերին մոտեցրին 450 թնդանոթ՝ հակառակորդի դիրքերն ավերելու համար<sup>2</sup>:

Հոկտեմբերի 30 (նոյեմբերի 12)-ին բուլղարները հարձակում գործեցին և հաջորդ օրը՝ հոկտեմբերի 31-ին, հասան Գալֆաքեոյի, Չաթալջայի և Առնաուտքեոյի ճակատային հատվածներ և նույն օրը սկսեցին գրոհել Չաթալջայի ամրությունները: Շատ բուռն եղավ կռիվը: Նոյեմբերի 1 (14)-ին նրանց հաջողվեց խորտակել Չաթալջայի պաշտպանական գծի կենտրոնը և գրավել Հատեմքեոն, որը գտնվում էր Պոլսից 21 մղոն հեռավորութեան վրա:

Այդ երկու օրերին բուլղարները գրավեցին Դիմոթեկան, որի հետևանքով կտրվեց հաղորդակցությունը Էդիրնեի և Պոլսի միջև: Հաջորդ օրը թուրքական հրամանատարությունը կացութիւնը փրկելու հուսահատական մի ճիգ արեց և այդ նպատակով Չորլուի ու Սթրանջա գյուղի միջև գտնվող տարածք նետեց Պոլսից հենց նոր ժամանած մի մեծ զորաբաժին, բայց բուլղարական զորքը կարճ ժամանակում հզոր հարվածով ջախջախեց հակառակորդին ու գրավեց թե՛ Չորլուն և թե՛ Սթրանջան:

Նոյեմբերի 1 (14)-ին և 2 (15)-ին, ջախջախելով լեռնամուկ զորքը, բուլղարներն իրենց ձեռքը գցեցին Չաթալջայի ամրոցների ամբողջ առաջին գիծը և սկսեցին հետապնդել թուրքական

<sup>1</sup> Տե՛ս «Բուլթանիս», № 6 (1052), 7 (20) նոյեմբերի 1912 թ.:

<sup>2</sup> Տե՛ս «Առաջամարտ», № 4 (1051), 6 (19) նոյեմբերի 1912 թ.:

գորքի մնացորդներին: Փաստորեն Նազըմ փաշայի բանակը, որի վրա էին դրված Բ. Դուան բոլոր հույսերը, ջախջախված էր, Չաթալջա-Պոլիս հաղորդակցության բոլոր ուղիները կտրված էին, էդիրենն՝ մեկուսացված: Կարծես դեպի մայրաքաղաք բուլղարների առաջխաղացման դեմ այլևս չկար ոչ մի արգելք: Առջևում Պոլիսն էր: Շատերը մտածում էին, որ բուլղարական զորքը չուտով կհայտնվի օսմանյան մայրաքաղաքում:

Թուրքիայի ռազմական նախարար Նազըմ փաշան հոկտեմբերի սկզբներին կովի մեկնող թուրք սպաներին ասել էր. «Սիրելի եղբայրակիցներս, չմոռանաք ձեզ հետ վերցնել ձեր պաշտոնական համազգեստները: Սոֆիայում զորահանդես կատարելիս պետք կգա»: Իսկ հիմա թուրք սպան ու զինվորը մոռացել էին Սոֆիա մտնելու մասին, իսկ բուլղարը պատրաստվում էր գրավել Պոլիսը:

Այնուամենայնիվ, թուրքական հրամանատարությունը գերագույն լարումով հաջողվեց քիչ թե շատ շտկել զործերը ռազմաճակատում: Թուրքական բանակը, որ հոկտեմբերին լիակատար պարտություն էր կրել Թրակիայում, նոյեմբերի սկզբներին կարողացավ ամրանալ Չաթալջայի դիրքերում: Հոկտեմբերի 29-ի նիստում Բ. Դուռը որոշում ընդունեց վճռական հակահարձակման անցնել բուլղարական զորքերի դեմ՝ հնարավոր բանակցությունների ընթացքում նպաստավոր դիրքեր ունենալու համար: Գործի դրվեց բանակի նոսրացած շարքերը համալրելու մանրամասն մշակված ծրագիրը:

Ամբողջ Ասիական թուրքիայով մեկ սկսվեց արական բնակչություն զորահավաք: «Առաջամարտը» գրում էր. «Փոքր-Ասիոյ գիւղացիին խլեցին իր կնոջմէն ու իր մանուկէն, եւ մէկ ժամուայ մէջ զինք զինուոր դարձուցին անծանօթ թշնամիի մը դէմ, ու ահա այժմ անդեկ բազմութեան անօթի մնացորդները պիտի հրդեհեն ու թալլեն՝ իրենց թշուառ գոյութիւնը քարչ տալու համար»<sup>1</sup>:

«Ժամանակ» օրաթերթը Մարաշից ստացած մի անհատի

---

<sup>1</sup> «Առաջամարտ», № 3 (1050), 5 (18) նոյեմբերի 1912 թ.:

նամակից տպագրել էր հետևյալ քաղվածքը. «Ամբողջ Հայէպի և Ատանայի կուսակալութեանց մեջ ունեցեալ, իհիթիյաթ և մուստահֆըզ զինուորները գեների տակ կոչուեցան: Երկու օրէ ի վեր տեղույս 19 տարեկաններու արձանագրութիւն կը կատարուի, կ'ըսուի թէ ասոնք ալ գեների տակ պիտի առնուին»<sup>1</sup>: Սիրիայից Չաթալջա հասան ռեզիֆներ, Իգմիրից՝ նիզամիե զինվորներ, էրզրումից՝ զգալի թվով հայեր, մեծ թվով քրդեր, հիմնականում՝ համիդիե հեծյալներ: Ավելի քան 100 ուլեմ ուղարկվեց պատերազմի դաշտ՝ քարոզելու<sup>2</sup>: Կայսրութեան ասիական մասից ամեն օր ռազմաճակատ հասնող թուրքական զորամասերի շարքերում կային հազարավոր հայ երիտասարդներ, որոնք կոչված էին պատերազմելու ի շահ այն երկրի, որն իրենց ազգի համար դժոխք էր<sup>3</sup>:

Արդեն նոյեմբերի 2 (15)-ին ասիական մասից կովի դաշտ հասան թուրք-քրդական շուրջ 40 հազարի հասնող զինվորներ և բացազատվեցին Չաթալջայի երկրորդ պաշտպանական գծի վրա:

Երկու բանակները՝ թուրքականը և բուլղարականը, խմբավորված լինելով այդ գծի դեմ դիմաց կամ նրա շուրջը, ժամեժամ սպասում էին նոր ընդհարման, որը վերսկսվեց նոյեմբերի 3-ին:

Բուլղարական բանակը, որի երկու թևերը խիստ վնասվել էին օսմանյան նավատորմի թնդանոթաձգութունից, չկարողանալով նպաստավոր դիրք բռնել պաշտպանութեան երկրորդ գծի վրա, ստիպված նահանջեց: Բուլղարները զգալի հետ քաշվեցին հատկապէս Չորլուի ուղղութեամբ:

Զինվորական տեսաբան Լիոնելը թուրքերի գործողութունը այդ պահին և կովի այդ հատվածում համարում էր «սքաչելի»<sup>4</sup>:

Բոլոր ռազմաճակատներում կրած ջախջախիչ պարտութիւններից հետո այդ առաջին նկատելի հաջողութիւնները

---

<sup>1</sup> «Ժամանակ», № 1304, 11 (24), դեկտեմբերի 1912 թ.:

<sup>2</sup> Արամ Անտոնեան, Պատկերազարդ ընդարձակ պատմութիւն պալքանեան պատերազմին, էջ 1012:

<sup>3</sup> Տե՛ս «Մշակ», № 216, 30 սեպտեմբերի 1912 թ.:

<sup>4</sup> Տե՛ս «Առաջամարտ», № 4 (1051), 6 (19) նոյեմբերի 1912 թ.:

ոգեչնչել էին թուրքական կառավարութեանը և ընդհանրապես թրքութեանը:

Նոյեմբերի 6-ի վաղ առավոտյան սուլթանը հետևյալ հեռագիրը հղեց ռազմաճակատում գտնվող ռազմական նախարար և օսմանյան բանակի ընդհանուր հրամանատար Նազըմ փաշային. «Այն դիմադրութիւնը զոր մեր բանակը, Աստուծոյ օգնութեամբ, կրցաւ ցոյց տալ թշնամիին յարձակումներուն դէմ, զիս կ'ուրախացնէ բոլոր օսմանցիներուն հետ:

Այն ջանքերը, զորս դուք կը թափէք մեր հայրենիքը փրկելու համար, պիտի ուրախացնեն հոգիները մեր նախնիքներուն եւ նահատակներուն, որոնք իրենց արիւնով ոռոգած են մեր երկրին հողը, զոր այսօր թշնամին ոտքի կոխան կ'ընէ: Ձեր վեհապետը եւ ամբողջ ազգը ձեզի հետ են: Ձեզմէ, ձեր հրամանատարներէն եւ զինուոր զաւակներէս կը սպասեմ հաստատակամութիւն եւ յարատեւութիւն: Ասիկա այն վայրկեանն է ուր մեր քաջարի զինուորները պէտք է ցոյց տան իրենց հաւատքին ամբողջ եռանդը եւ իրենց բոլոր հայրենասիրական անձնուիրութիւնը:

Պարտականութիւն կը դնեմ ձեր վրայ հաղորդելու համար մեր ներկայ հեռագիրը ամբողջ բանակին եւ Բարձրեալն Աստուծոյ կամօք կը վստահիմ ձեզ»<sup>1</sup>:

Մի քանի ժամ հետո հետեւեց Նազըմ փաշայի հետևյալ պատասխան հեռագիրը ռազմաճակատից. «Երէկ մեծ կորուստներով յետ մղուեցաւ թշնամին, որ կը յառաջանար դէպի աջ թեւում գտնուող մեր զօրաց վրայ: Այս առտու եւս մեծ կորուստներով ետ մղուեցաւ թշնամիին հետեւակազօրքը, որ յարձակում գործած էր մեր ձախ թեւում: Այսօր եւս թնդանոթի կոխը կը շարունակուի բոլոր թեւերուն վրայ»<sup>2</sup>:

Իհարկեւ, եթե բուլղարներն իրենց մեջ բավարար ուժ զգային, ապա թուրքերին ժամանակ չէին տա թարմ ուժերով լրացնելու իրենց բանակը<sup>3</sup>:

---

<sup>1</sup> «Բուլթանիա», № 6 (1052), 7 (20) նոյեմբերի 1912 թ.:

<sup>2</sup> Նույն տեղում:

<sup>3</sup> Տե՛ս «Աւետարներ», № 46, 16 նոյեմբերի 1912 թ.:



Այս վտանգավոր պահին բուլղարական կառավարությունը դիմեց Սերբիային և Հունաստանին՝ խնդրելով որքան կարելի է մեծ թվով զորք ուղարկել Չաթալջայի գիծը: Վերջիններս, հատկապես Սերբիան, լարում էին իրենց ուժերը կովի իրենց հատվածներում թուրքերին վճռական հարված հասցնելու համար, ուստի օգնություն գալու հնարավորություն չունեին: Այդ պայմաններում բուլղարական զորքի 1-ին և 3-րդ բանակները, նոյեմբերի 4-ին գրոհ սկսեց Չաթալջայի ամրությունների վրա<sup>1</sup>: Գրոհը կատարվում էր ռազմագիտական կանոններին հակառակ, առանց հրետանային նախապատրաստության: Հետևակը, գրավելով թուրքերի առաջնային ամրությունները կենտրոնում և ձախ մասում, այնուհետև չկարողացավ առաջ շարժվել, իսկ հետո՝ ստիպված նահանջեց<sup>2</sup>: Ճակատամարտը տևեց երեք օր՝ նոյեմբերի 4-6-ը: Թուրքերին հաջողվեց զգալի կորուստներ պատճառել բուլղարներին և անառիկ պահել Չաթալջան: Բուլղարների մարդկային կարուստներն այստեղ կազմել էր 10.000 մարդ<sup>3</sup>:

Բուլղարական զենքի փայլուն հաղթանակների կողքին անբնական էր թվում թուրքերի հաջողությունը ռազմաճակատի Չաթալջայի հատվածում\*: Բուլղարների անհաջողությունը Չաթալջայի մատուցներում հետևանք էր պատերազմի ամբողջ ընթացքում նրանց տված մեծաթիվ զոհերի: Բուլղար մարտիկների խելահեղ անձնազոհությունների պատճառներից մեկն էր, որ բանակը կրեց մեծաթիվ անդարմանելի կորուստներ: Միայն Լյուլե-Բուրգազի և Փունար Հիսարի հինգ օր ու գիշեր տևած կռիվների ընթացքում նրանք ունեցել էին 15 հազար սպանված ու վիրավոր, իսկ պատերազմի սկզբից կորուստները կազմում

---

<sup>1</sup> Արամ Անտոնեան, Պատկերագրություն..., էջ 1012:

<sup>2</sup> Տե՛ս В. Жебокуцкий, Болгария во время балканских войн 1912-1913 гг., էջ 77:

<sup>3</sup> Տե՛ս նույն տեղում:

\* Մինչ այդ, պատերազմը սկսվելուց ի վեր, թուրքական զորքերի միակ փայլուն էջերը եղել էին Շքոթրա քաղաքի քաջարի պաշտպանությունը սերբական բանակից և էդիրնեի պահակազորքի հանդուգն հարձակումները ամրություններից դուրս:

էին 100.000, այսինքն՝ բանակի 1/3 մասը: Ոչնչացված էր զորքերում գտնվող մտավորականությունը: Հեծելազորում մնացել էին էսկադրոնների փոքր մնացորդներ: Մարտական դրոշի տակ էին կանչվել 16-17 տարեկան պատանիներ: Ադրիանուպոլսի մոտերքից սկսած՝ զորքը համարյա չէր ստանում թնդանոթներ և ուումբեր: Մեծ ընդհատումներով էր կատարվում պարենի մատակարարումը: Բուլղար բժիշկները չէին հասցնում անհրաժեշտ խնամք տանել Սոֆիա հասած հազարավոր վիրավորների նկատմամբ: Այստեղ հանրային բոլոր հաստատությունները, ինչպես նաև բազմաթիվ մասնավոր բնակարաններ վերածվել էին հիվանդանոցների: Վիրավորներին չէին բավականացնում անկողինները, ուստի նրանցից շատերը պառկում էին մերկ տախտակամածների վրա:

Թուրքերի ուրախությունը, սակայն, երկար չտևեց: Չնայած կրած մեծ կորուստներին՝ բուլղարական զորքերի մարտական ոգին ու կորովը առաջվա պես շատ բարձր էին: Զարմանալի է, բայց փաստ. նրանցից ոչ մեկը գերի չէր ընկել:

«Բուլթանիա» թերթի թղթակցի՝ ռազմաճակատից ուղարկած տվյալների համաձայն՝ Չաթալջայի վրա հարձակման համար բուլղարական բանակն ուներ 280.000 զինվոր ու սպա: Նրանցից էզդրների շուրջ տեղաբաշխված էր 100.000 հոգի՝ զորավար Իվանովի հրամանատարությունամբ, Տերքոզեից մինչև էզեյան ծով բռնած էր Դմիտրիևի հրամանի ներքո գտնվող 125-հազարանոց զորքը, Կուտնիչևի 60.000-ի հասնող զորքը տեղաբաշխված էր Մարմարա ծովից մինչև էզեյան ծով տարածքի վրա: Նրանցից բացի՝ բուլղարներն ունեին 70.000 պահեստի զինվորներ և 150.000 մակեդոնացի կամավորներ<sup>1</sup>:

Մամուլը հաղորդում էր, որ Չաթալջան պաշտպանող թուրքական զորքերի թիվը հասնում էր 100.000-ի:

Նոյեմբերի 7 (20)-ից բուլղարական բանակը, վերադասավորելով ուժերը, նոր հարձակում սկսեց Չաթալջայի ամրությունների երկրորդ գծի ուղղությամբ: Վերսկսված արյունալի

---

<sup>1</sup> «Բուլթանիա», № 28 (1106), 9 (22) Հունվարի 1913 թ.:

կոիվները օրեր շարունակ ընթանում էին տեղատարափ անձրևների տակ:

Տարափոխիկ Հիվանդությունները շարունակում էին լայնածավալ ավերներ գործել թուրքական բանակում: Հիվանդություններից մահացած կամ սպանված զինվորների դիակները երկար ժամանակ մնում էին անթաղ, իսկ վիրավորների փրկությունը նրանց մի կերպ Պոլիս հասցնելն էր, որը միշտ չէ, որ հաջողվում էր<sup>1</sup>:

Չզիմանալով բուլղարների ճնշմանը՝ թուրքական զորքերը, մեծ կորուստներ տալով, քաշվեցին Չորլուից: Վիրավորներն ու ռազմական պիտույքները մնացել էին պատերազմի դաշտում՝ անձրևներից գոյացած ցեխաջրափոսերի մեջ: Հազարավոր հիվանդներ փոխադրվել էին Պոլիս կամ դեռ մնում էին պատերազմական վայրերում<sup>2</sup>, իսկ բանակի ցրված մասերը թափառում էին լեռներում: Նրանց հավաքելն ու ի մի բերելը կապված էին մեծ դժվարությունների հետ, քանի որ բուլղար զինվորներն ամեն կողմ էին<sup>3</sup>:

Թուրքական բանակի հրամանատարությունը քաջ գիտակցում էր, որ Չաթալչայի հանձնումը կնշանակեր բուլղարական բանակի առջև անարգել ճանապարհ բացել դեպի Կ. Պոլիս, որն անհնարին կլիներ պաշտպանել: Բ. Դուռը հույսը դրել էր այդ ամրությունների վրա: Թուրքական զորքը պետք է փորձեր այդ տեղից հետ մղել բուլղար բանակի գրոհները և դրանով իսկ ինչ-որ չափով վերականգնել իր ռազմական պատիվը:

Օսմանյան մայրաքաղաքին բուլղարական զորքի մոտենալը եվրոպական կառավարություններում առաջ էր բերել իսկական դիվանագիտական իրարանցում<sup>4</sup>: Եթե բուլղարները կարողանային Չաթալչայի ամրությունները հաղթահարելով Կ. Պոլիս մտնել, դա շատ սուղ կնստեր նրանց վրա: Պոլիս մտնելուց առաջ

---

<sup>1</sup> Տե՛ս «Բուլթանիա», № 6 (1052), 7 (20) նոյեմբերի 1912 թ.:

<sup>2</sup> Տե՛ս «Առաջամարտ», № 2 (1049), 4 (17) նոյեմբերի 1912 թ.:

<sup>3</sup> Տե՛ս «Ազատամարտ», № 1030, 16 (29) հոկտեմբերի 1912 թ.:

<sup>4</sup> Մեծ տերությունների միջև դիվանագիտական պայքարի մասին տե՛ս «Красный архив», № 2 (15), 1926, էջ 1-29, № 3 (16) 1926, էջ 1-24:

նրանք կտային հազարավոր, գուցե տասնյակհազարավոր զոհեր: Ինչո՞ւ այդչափ զոհեր տալ, երբ հենց իրենք՝ բուլղարները, շատ լավ գիտեին, որ, միևնույնն է, Պոլիսը չի մնա իրենց ձեռքում: Դրա դեմ Սերբիան ու Չերնոգորիան որևէ բողոք չէին ունենա, բայց Հունաստանը հաշտ աչքով չէր նայի, թե բուլղարներն ինչպես են մտնում երբեմնի Բյուզանդիայի մայրաքաղաքը: Պոլիսը կոպիտնձոր պիտի դառնար Հունաստանի և Բուլղարիայի միջև: Պատահական չէ, որ բալկանյան գինակցության պայմանագրային փաստաթղթերից ոչ մեկում օսմանյան մայրաքաղաքի մասին որևէ խոսք չէր եղել: Եվրոպական մեծ տերությունները և հատկապես Անգլիան չէին հաշտվի Պոլիսը Բուլղարիային անցնելու մտքի հետ: Պոլսի «Ժամանակ» թերթը բերել էր Լոնդոնի «Թայմս» թերթի կարծիքը, թե «Պոլսոյ գրաւումը Պուլկարիոյ զորութեան անկումը պիտի ըլլայ»<sup>1</sup>: Նույն թերթը, իր մի ուրիշ հոդվածում անխոհեմություն համարելով Կ. Պոլիսը գրավելու բուլղարների մտադրությունը, համոզմունք էր հայտնում, որ այդ քայլով Բուլղարիան իր դեմ կհանի ողջ Եվրոպան, և դրանով ոգեչնչված՝ մայրաքաղաքի ողջ բազմազգ քաղաքացիները դուրս կգան կովի՝ պաշտպանելու իրենց քաղաքը: «Պոլիս մուտքը տարբեր է Թրակիոյ դաշտերուն յաղթանակներուն,- նկատում էր թերթը: - Խնդիրը շատ կը տարբերի: Պէտք է մտածել մեծ բնակչութիւն մը ունեցող և պարտուած զինուորներ ու փախստականներ պարունակող մայրաքաղաք մը մտնելէ առաջ»<sup>2</sup>:

Ֆրանսիացի բարձրաստիճան գինվորականներ Պոմանը և Ստրուվեն, որոնք պաշտոնավարում էին թուրքական անվտանգության մարմիններում, Չանաքկալեի (Դարդանեյի) նեղուցի մոտերքը գտնվող Ֆրանսիական ռազմական նավատորմի ծովակալ Տարթիժ դը Ֆուրնեի հետ համագործակցած՝ խնդիր ունեին բոլոր միջոցները ձեռք առնել Սան-Ստեֆանոյի գծի վրա գտնվող 20.000 թուրք զինվորների պարտությունը դեպքում

<sup>1</sup> «Ժամանակ» (Կ. Պոլիս), № 1267, 4 (17) նոյեմբերի 1912 թ.:

<sup>2</sup> «Ժամանակ», № 1262, 30 հոկտեմբերի (12 նոյեմբերի) 1912 թ.:

նրանց թույլ չտալ դիրքերը թողնելով խուժել մայրաքաղաք: Դեպի Պոլիս փախչող զինվորների հոսքի դեմն առնելու համար թույլատրված էր նրանց ենթարկել ամենադաժան պատիժների: «Նոյնիսկ կը լսեմ,- գրում էր ակնատեսը,- որ խոռովութիւն յարուցանող և բռնի Պոլիս մտնել փորձողները հրացանի պիտի բռնուին»<sup>1</sup>:

Եվրոպացիների բռնած դիրքը ոգեչնչել էր թուրքական կառավարութեանը, որը կայսրութեան մայրաքաղաքը պաշտպանելու համար զորահավաքի էր ենթարկել հնարավոր բոլոր միջոցները: «Աւետաբերը» գրում էր. «Ներկայ դահլիճն արդէն չաբաթներէ ի վեր ապահովութեան խնդրով զբաղեցաւ և լուրջ կարգադրութիւններ եղան մայրաքաղաքին մէջ անդորրութիւնը պահպանելու համար: Ամէն հայրենասէր Օսմանցիի պարտքն է այս տեսակէտով օժանդակել կառավարութեան»<sup>2</sup>: «Ժամանակ» թերթը մեջբերել էր 85-ամյա վարչապետ Քեամիլ փաշայի հայտարարութիւնից մի հատված: Նա ասել էր. «Մի՛ յուսաք, որ ես կամ սուլթանը Պոլիսը թողունք: Հարկ պիտի ըլլայ Վեհապետս իր պալատին եւ զիս ալ իր այս սենեակիս մէջ սպաննել»<sup>3</sup>: Թերթի թղթակիցը շարունակում էր. «Քեամիլ փաշա կը յուսայ որ Եւրոպա՝ իր երկրին մայրաքաղաքը պիտի փրկէ, որովհետեւ բանաստեղծներ Սթամպուլի մինարէներուն մարմարի սպիտակութիւնը և Մարմարայի վրայ մայրամուտը երգած են»<sup>4</sup>:

Բուլղարական բանակի կողմից օսմանյան մայրաքաղաքը գրավելուն դեմ էր ոչ միայն ողջ Եվրոպան, այլև Ռուսաստանը: Շատերն էին համոզված, որ զորավար Սավովի ծրագրի իրականացումը Բուլղարիայի դեմ կհանի ոչ միայն Պետերբուրգի կառավարութեանը, այլև ռուս հանրային կարծիքը, իսկ դա կնշանակեր բուլղար զորութեան վախճանը: Նրանք քաջ գիտակցում էին, որ միայն ռուսական ցարի վճռական «ոչ»-ն է, որ ստիպեց բուլղարներին ամբողջ ամիսներ շարունակ կանգ առնել

<sup>1</sup> «Ժամանակ», № 1269, 6 (20) նոյեմբերի 1912 թ.:

<sup>2</sup> «Աւետաբեր», № 46, 16 նոյեմբերի 1912 թ.:

<sup>3</sup> «Ժամանակ», № 1264, 1 (14) նոյեմբերի 1912 թ.:

<sup>4</sup> Նույն տեղում:

Զաթալչայի ամբուլժյունների մոտ: «Ժամանակը» համոզված էր, որ Ռուսաստանը «պատրաստ է նույն իսկ իր արհնավը պաշտպանելու Սերբիոյ պահանջները, բայց չպիտի թոյլատրէ որ Պուկարիա Վոսֆորի ափերուն վրայ երենայ»<sup>1</sup>:

Թերևս վտանգի այդ զգացողութիւնն էր պատճառը, որ Բուլղարիայում, հատկապես Սոֆիայի մտավորական շրջաններում տեսակետ էր շրջանառւում, թե ճիշտ կլիներ՝ Պուլխը գրավելուց հետո երկրի կառավարութիւնն այն նվիրեր Ռուսաստանին՝ «ի փոխարէն Պուկարիոյ ազատութեան համար այս վերջինին ըրած զոհողութեանց»<sup>2</sup>: Իսկ «Ժամանակ» թերթը վկայակոչել էր «Քեոլնիչե Յայթունկ» թերթի տեղեկութիւնն այն մասին, թե բուլղարները դեմ չեն, որ իրենց կողմից Պուլխը գրավելուց հետո այն հռչակվի միջազգային քաղաք<sup>3</sup>:

Ռուսաստանի տեսակետը ջերմորեն պաշտպանում էր Բալկանյան դաշնակից երկրներից միայն մեկը՝ Հունաստանը: Հույները գտնում էին, որ իրենք են Բյուզանդիայի օրինական ժառանգները, և եթե օսմանյան մայրաքաղաքը գրավվի բուլղարների կողմից, միևնույնն է, այն պետք է հանձնվի իր իսկական տիրոջը՝ հունական թագավորութեանը:

Հույներին ոգի էր տալիս այն, որ իրենց երկրի կառավարութեանը հաջողվել էր պատերազմը սկսելուց ի վեր մեծապես ուժեղացնել բանակը: Նոյեմբերի սկզբներին հունական բանակում ուներ 203 հազար մարդ՝ չհաշված 1912 թ. նորակոչիկներին: Օտար երկրներից շարունակում էին հայրենիք վերադառնալ մեծ թվով կամավորներ, որոնք անմիջապես ընդգրկվում էին զորամասերի մեջ: Միայն հոկտեմբերի վերջին չաբաթում այլ երկրներից վերադարձել և զինվորագրվել էր 1100 կամավոր<sup>4</sup>:

Բանակի անընդհատ համալրումը հույներին հնարավորութիւն էր տալիս լուրջ հաջողութիւններ արձանագրել բալկան-

<sup>1</sup> «Ժամանակ», № 1267, 4 (17) նոյեմբերի 1912 թ.:

<sup>2</sup> Տե՛ս «Լուսաբեր», № 1263, 31 հոկտեմբերի (13 նոյեմբերի) 1912 թ.:

<sup>3</sup> Տե՛ս «Ժամանակ», № 1264, 1 (14) նոյեմբերի 1912 թ.:

<sup>4</sup> Տե՛ս «Ժամանակ», № 1284, 21 նոյեմբերի (4 դեկտեմբերի) 1912 թ.:

յան ռազմաճակատի իրենց հատվածում<sup>1</sup>:

Ինչ խոսք, բուլղարների կողմից օսմանյան մայրաքաղաքի գրավումը փորձաքար էր, որն ընդունակ էր պառակտելու բալկանյան դաշինքը՝ իր բոլոր անկանխատեսելի հետևանքներով հանդերձ:

Բուլղարիայի կամ Հունաստանի կողմից Կ. Պոլսի գրավելուն դեմ էին նաև հայերը, հատկապես պոլսահայերը: Այդ սարսափելի հեռանկարը մեծ մտատանջություն էր առիթել մայրաքաղաքի բոլոր հայերին՝ ահ ու դողի մեջ գցելով նրանց: «Բոլոր աչքերը մեկ կողմ միայն ուղղված են՝ էյուլպի բարձունքները: Նույն կողմերու հորիզոնը երկու-երեք վայրկեանը (րոպեն: - Հ. Ս.) մէյ մը կը ծածկուէր մուխի և թանձր քօղով մը, որ քիչ քիչ կ'նոսրանար և այսպէս շարունակաբար գրեթէ մինչեւ իրիկուն»<sup>2</sup>: Նրանք երկյուղում էին անհանգիստ տարրերի և Կ. Պոլիս վերադարձած զորքի հնարավոր բարբարոսական արարքներից: Նրանց սպառնական հայացքներից ու կերպարանքից երևում էր, որ խոտվարարները ուր որ է նոր փորձանքների էին մատնելու քրիստոնյաներին, առաջին հերթին՝ հայերին:

Օսմանյան արտաքին գործերի նախարար հայազն Գաբրիել Նորատունկյանը նոյեմբերի սկզբներից անանուն նամակներ էր ստանում, որոնցով նրանից պահանջում էին հրաժարական տալ: Նամակներից մեկի հեղինակը գրում էր. «Քրիստոնյա մինիստրը չի կարող մահմեդական պետություն քաղաքականությունը վարել և մանավանդ այնպիսի մի ժամանակ, երբ քրիստոնյաները խաչի պատերազմ են հայտարարել մահիկի դեմ, իսկ շեյխ ուլ-խալամը՝ սրբազան պատերազմ գյաուրների դեմ»:

Թերթերը հաղորդում էին, որ Բ. Դոան նիստում Լոնդոնից ստացված հեռագրերը քննելու ժամանակ շեյխ ուլ-խալամը նույնպես քար էր չպրտել Նորատունկյան էֆենդու կողմը՝ մեղադրելով նրան երկերեսանություն մեջ: Այդ բոլորը Նորատունկյանին ստիպեցին հրաժարական տալ, բայց այն մերժվեց:

---

<sup>1</sup> Հուլյանի հաջողությունների մասին տե՛ս «Կովկասի լրագրեր», № 52, 7 մարտի 1913 թ.:

<sup>2</sup> Տե՛ս «Ժամանակ», № 1268, 5 (18) նոյեմբերի 1912 թ.:

Հետևյալ օրը արտգործնախարարին ընդունեց սուլթանը և նրան հայտնեց իր կատարյալ վստահությունը<sup>1</sup>:

Գարբրիել Նորատունկյանի նկատմամբ թուրքերի սպառնալիքները հոգեկան նոր ալեկոծումներ ու տագնապ էին առաջ բերել պոլսահայություն մեջ: Ռ. Զարդարյանն այդ օրերին Ս. Վրացյանին գրում էր. «Եթե պուլկար բանակը յամառի պնդել Պոլսոյ վրայ քալելու – ինչ որ ստույգ կը թուի գէթ մինչեւ այս ժամը, այն ատէն պէտք է ընդունիլ, որ այս տաճիկները պիտի փորձեն վերջին գազանութիւննին ու պիտի դիմեն ջարդի եւ արինահեղութեան Եւրոպայէն վերջնապէս հեռանալէ ետք:

Պատրաստութիւններ տեսած ենք ու կը տեսնենք շան սատակ չ'ըլլալու համար. եթէ մեռնինք՝ կը մեռնինք դիմադրութեամբ»<sup>2</sup>:

Հոգեկան սոսկալի տագնապի մեջ գտնվող հայերն իրենց փրկությունը տեսնում էին միայն իրադարձություններին Ռուսաստանի միջամտության մեջ և աստծուց օգնություն էին աղերսում: Նրանք ասում էին, թե բավական է՝ ոուսը ձեռք մեկնի, բավական է՝ սևծովյան նավատորմի մի փոքր խմբով երևա Բոսֆորի ջրերում, որ մահամեղական խուժանը զսպվի:

Բայց հայերը հաշվի չէին առնում մի կարևոր հանգամանք: Թուրքերը սովորաբար հանդուրժում էին եվրոպական ռազմանավերի ցույցերը Կ. Պոլսի մատույցներում: Նրանք չատ անգամներ էին այդ բանը տեսել: Եվրոպացիների ռազմանավերը երկար չէին մնում նրանց ջրերում. հեռանում էին առանց Բ. Դոան հետ բարդություններ ստեղծելու:

Այլ էր Ռուսաստանի պարագան, մի երկրի, որին Թուրքիան համարում էր դարավոր ռիսերիմ թշնամի: Ռուսների կողմից նավատորմ ուղարկելը, իհարկե, ծայրահեղ միջոց էր, և այն համազոր կլիներ պատերազմի հայտարարության, մի բան, որ պաշտոնական Ռուսաստանը չէր ուզում:

Ինքնըստինքյան հասկանալի էր, որ Ռուսաստանը չէր կա-

---

<sup>1</sup> Տե՛ս «Մշակ», № 281, 18 դեկտեմբերի 1912 թ.:

<sup>2</sup> «Վեմ», № 1, հունվար-փետրվար, 1935, էջ 90, 91:



րող կատարվող դեպքերին անտարբեր հանդիսատեսի դերում մնալ: Նրա ամենակենսական շահերն առնչվում էին նեղուցների խնդրին: Ինչ էլ որ լիներ, Բոսֆորն ու Դարդանեյը պետք է բաց լինեին ուսական նավատորմի համար<sup>1</sup>: Ռուսաստանը չէր կարող թույլ տալ, որ որևէ ուրիշ պետություն կանգնի իր ճանապարհին, նույնիսկ եթե դա լինի իր ավանդական հովանավորյալ պետությունը: Պարզ էր, որ Բուլղարիան չէր կարող ընդդիմանալ սլավոնական հանրության գլխավոր հովանավորին: Ավելին, Սոֆիայում շատերը գտնում էին, որ եթե բալկանյան զինակից պետությունները կատարյալ հաջողության հասնեն, ապա Բուլղարիան Պոլիսը պիտի մատուցի Ռուսաստանին որպես նվեր<sup>2</sup>:

4. Պոլսի և Դարդանեյի պատկանելիության խնդիրը որքան կարևոր էր Ռուսաստանի, այնքան էլ Եվրոպայի համար: Եվրոպական բոլոր պետությունները՝ մեծ թե փոքր, հայտարարում էին, որ իրենց համար Դարդանեյի հարցը շատ ավելի կարևոր է, քան նույնիսկ ողջ Մակեդոնիայի բաժանման հարցը: «Բոսֆորի նեղուցի մուտքը պետք է բաց լինի բոլորի համար, ուստի և անհրաժեշտ է այնտեղ նավարկության ազատություն հռչակել, այսինքն՝ միջազգայնացնել նեղուցները», - այս էր Եվրոպայի կտրուկ պատասխանը: Նրա համար Պոլիսը և նեղուցները որևէ պետության վերահսկողության հանձնելը վճռականապես անընդունելի էր: Պարզ էր, որ այս և նման հայտարարությունները ոչ այնքան ուղղված էին Բուլղարիային, որքան Ռուսաստանին: Այնպես որ, եթե նույնիսկ բուլղարական զորքը գրավեր Պոլիսը, ապա Եվրոպական ոչ մի պետություն չէր հաշտվի օսմանյան նեղուցները Թուրքիայից օտարելու մտքի հետ: Կարելի է ասել, որ հենց նեղուցները փրկեցին Պոլիսը: Իհարկե՝ այս ամենը քաջ գիտակցում էին Սոֆիայում, ուստի բուլղարական զորքը վարանում էր մտնել Պոլիս<sup>3</sup>:

Բայց, հակառակ իշխանությունների, ուսական թերթերը

---

<sup>1</sup> Տե՛ս «Ազատամարտ», № 1046, 1 (14) նոյեմբերի 1912 թ.:

<sup>2</sup> Տե՛ս նույն տեղում:

<sup>3</sup> «Վեմ», 1, հունվար-փետրվար, 1935, էջ 90, 91:

կաշկանդված չէին. նրանք գրում էին, որ չի կարելի 20-րդ դարում թույլ տալ բարդուղիմեծության գիշերվա միջնադարյան սարսափները, որ Ռուսաստանը բարոյական իրավունք չունի սառնասիրտ մնալու քրիստոնյաների աղաչանքների նկատմամբ, որոնք միանգամայն անպաշտպան են մոլեռանդ ու վայրենի ամբոխի առաջ, մինչև օրս չտեսնված մարդկային մի տեսակի առաջ, որն ամեն ընդհանուր պատրաստ է բղիկ-բղիկ անելու այլազավաններին:

Կ. Պոլսի թերթերը ներկայացնում էին ուսական հասարակական կարծիքը, որի պատճառով ավելի էին բորբոքվում թուրքերի հակառուսական տրամադրությունները:

Իսկ բուլղարների թնդանոթների ահեղամոտենք որոտումներն արդեն լավում էին ոչ միայն Կ. Պոլսի մատուցներում, այլև նրա թաղերում: Չաթալջայի դիմաց կանգնած բուլղար բանակի առաջապահ գործառններն ամեն ընդհանուր կարող էին մտնել մայրաքաղաք:

Բուլղարական բանակի տարած փառավոր հաղթանակների առթիվ երկրի վարչապետ Գեչովը, դիմելով ժողովրդին, ասել էր. «Այլևս ի՞նչ ասենք այսօր, մեծ գործը աւարտելուց յետոյ եւ ի տես քաղաքացիական այն քաջութեան, որ ցոյց տւին մեր մարտիկները զարմացնելով աշխարհը եւ ստեղծելով մի փառք, որ նրանք կաւանդեն ապագայ սերունդներին: Շնորհակալութիւն յայտնենք այս էպոպէան կերտողներին եւ ցաւակցութիւն այն ընտանիքներին, որոնք ողբում են հերոսների մահը»<sup>1</sup>:

Այդ հաղթանակների համար Ռուսաստանի վարչապետն իր խորին համակրանքն էր հայտնել, որին ի պատասխան՝ Բուլղարիայի ազգային ժողովի մի խումբ պատգամավորներ նամակով արտահայտել էին իրենց երախտագիտությունը Ռուսաստանին, նրա կայսրին ու կառավարությունը<sup>2</sup>:

Այս պայմաններում շեյխ ուլ-խալամը մահմեդականներին սրբազան պատերազմի կոչ ուղղեց: Ուլեմները Կ. Պոլսում և զավառներում սկսեցին տարածել հոգևոր առաջնորդի հորդորները:

<sup>1</sup> «Կովկասի լրագրեր», № 39, 13 դեկտեմբերի 1912 թ.:

<sup>2</sup> Նույն տեղում:

Շեյխ ուլ-իսլամի սրբազան պատերազմի կոչը ուժգին տպավորություն գործեց հատկապես Թուրքիայի մահմեդական ստորին խավերի, նավաստիների, նավահանգստային բանվորների ու բեռնակիրների, նաև ուսուցիչների, դպրոցականների և ուսանողների վրա<sup>1</sup>:

Ալեկոծվեց նաև երկրից դուրս գտնվող մահմեդական աշխարհը: Ալժիրում արաբները պատերազմի առթիվ մեծ շարժում էին ծավալել՝ Թուրքիային ամեն ինչում աջակցելու կարգախոսներով: «Եթէ Թուրքերը յաջողին անոնք ալ (արաբները:– Ն. Ս.) կ'ուրախանան եւ Թուրքիոյ սեւ օրերուն խորապէս կտխրեն»,– գրում էր Կ. Պոլսի «ժամանակը»<sup>2</sup>:

Բազմաթիվ ձավացի իսլամ երիտասարդներ ճանապարհ էին ընկել Կ. Պոլիս՝ օսմանյան բանակին միանալու համար: Սրանց միացել էր կարմիր մահիկի մի խումբ: Բացի դրանից, ճավայի իսլամները հանգանակել էին մի քանի հազար ոսկի և հիշյալ երիտասարդների խմբի հետ ուղարկել Պոլիս<sup>3</sup>: Փեշավարի (Հնդկաստան) ուլեմները հոկտեմբերի 29-ին տեղի մզկիթում աղոթել էին օսմանյան բանակի հաջողության համար, այնուհետև հանրահավաք էին գումարել, որի ընթացքում որոշել էին կազմել կարմիր մահիկի մի մարմին և նրա միջոցով հավաքած գումարներով ձեռք բերել բժշկական պիտույքներ և ուղարկել Կ. Պոլսի հիվանդանոցներ: Կալկաթայի իսլամները հավաքել էին 10.000 ոտպի և շարունակում էին այդ գործը՝ օսմանյան բանակին ղեկորայք գնելու նպատակով: Կարաչիի իսլամները ևս, մի հսկա հավաքույթ կազմակերպելով, հենց տեղում անցկացրել էին դրամահավաք: Կ. Պոլսի «Զի Մուհամետան» պարբերականը հաղորդում էր, որ միտինգին մասնակից յոթ տարեկան մի աղջիկ իր մատանին նվիրել էր կարմիր մահիկի հանձնախմբին<sup>4</sup>:

Մահմեդական հոգևորականության կողմից այդ ծայրահեղ միջոցին դիմելը, քրիստոնյաների համար վերին աստիճանի օր-

<sup>1</sup> Տե՛ս «Մշակ», № 242, 31 հոկտեմբերի 1912 թ.:

<sup>2</sup> Տե՛ս «ժամանակ», № 1289, 26 նոյեմբերի (9 դեկտեմբերի) 1912 թ.:

<sup>3</sup> Տե՛ս «ժամանակ», № 1334, 13 (26) հունվարի 1913 թ.:

<sup>4</sup> Տե՛ս «ժամանակ», № 1262, 30 հոկտեմբերի (12 նոյեմբերի) 1912 թ.:

Հասական լինելով, ոչ պակաս վտանգավոր էր նաև օսմանյան պետությունների համար: Եթե ուլեմների քարոզները միայն զորքերի կամ այն մարդկանց խմբերի համար լինեին, որոնք կարող էին զորքերին միանալով նրանց հետ կռվի դաշտ դուրս գալ՝ մաքառելու «զավուրների» դեմ, հասկանալի կլինեին: Բայց զորքի ոգին մեծապես ընկած լինելով՝ սրբազան պատերազմի կոչերն այլևս անզոր էին ազդելու նրա վրա: Թուրքական բանակն օրեցօր նոր պարտություններ էր կրում:

## **ԿՌԻՎՆԵՐԸ ՄՅՈՒՍ ՌԱԶՄԱՃԱԿԱՏՆԵՐՈՒՄ**

Ահռելի արյունահեղ պատերազմը շարունակվում էր Բալկանյան թերակղզու բոլոր սահմանագլուխներին: Թուրքերը ջախջախիչ պարտություններ էին կրում ռազմաճակատների բոլոր հատվածներում:

Պատերազմի առաջին իսկ օրերից մեծ եռանդ դրսևորեց Թուրքիայի մյուս զարավոր թշնամի Սերբիան:

Չնայած սերբական ռազմաճակատում թուրքական բանակն ուներ 100.000-ից ավելի զինվոր ու հրետանու հզոր համակարգ, բայց սերբական բանակը, մինչև որ թուրքերը սահմանագլուխներ կհասցնեին բազմաքանակ ուժեր, արագ ռազմերթերով և թշնամուն հասցրած ուժգին հարվածներով կարողացավ օսմանյան դարավոր ռազմակալումից ազատագրել տասնյակ սերբական բնակավայրեր:

Սերբական զինված ուժերը անկասելի հարվածներով առաջանում էին դեպի արևմուտք՝ դուրս գալու համար Ադրիատիկ ծով:

Ադրիատիկի ափին մեկ կամ ավելի նավահանգիստ ունենալու Սերբիայի պահանջը շատ թթու վիճաբանությունների նյութ էր դարձել եվրոպական բոլոր երկրների մամուլի էջերում: Այնուամենայնիվ, պետությունների մեծ մասը, այդ թվում նույնիսկ Գերմանիան, գտնում էր, որ Սերբիայի այդ պահանջն օրինական է: Ընդհանուր տրամադրությունն այն էր, որ պետք է ստեղծվի ինքնավար Ալբանիա, և նրա միջով ձգվի չեզոք մի ճանապարհ

ղեպի Աղրիատիկ: Այն պետք է դրվեր Սերբիայի բացարձակ տիրապետություն տակ՝ նրան կապելով ծովի հետ:

Աղրիատիկի վեճը ոչ այնքան Սերբիային նավահանգիստ տալուն կամ չտալուն էր վերաբերում, որքան այն բանին, թե որ նավահանգիստը պիտի տրվեր: Ավստրիան ուզում էր, որ Սերբիան այնպիսի մի նավահանգիստ ունենար, որ Ալբանիան չբաժանի երկու մասի<sup>1</sup>, ուստի կտրուկ ղեմ էր Տիրացցո նավահանգստի գրավմանը: Դա կենտրոնն էր ծովափնյա բավական ընդարձակ մի շերտի, որը, Բելգրադի հայտարարություն համաձայն, պետք է միացվեր Սերբիային՝ «Ծովափնյա զինվորական շրջան» անվանումով<sup>2</sup>:

Մեծ պետություններից միայն Ավստրիան էր, որ հանդես էր գալիս ղեպի Աղրիատիկ Սերբիայի ձգտումների ղեմ, և վերջինիս համար պետությունների կողմից նախատեսված ճանապարհին ինքն էր ձգտում տեր դառնալ:

Գերմանացի նշանավոր քաղաքական հրապարակագիր Մաքսիմիլիան Հարտեն Վիեննայում տեղի ունեցած մի կոնֆերանսում, անդրադառնալով ավստրո-սերբական վեճին, ասել էր. «Չափազանց սխալ կլիներ, եթե Ավստրիան իր թշնամություն սլաքն ուղղեր հարևան սլավոնական պետությանը, որն այս պահին արբեցման մեջ է տարած հաղթանակների պատճառով»: Նա շեշտում էր. «Ավստրիայի շահը չի պահանջում, որ Սերբիան որևէ նավահանգիստ չստանա Աղրիատիկի վրա»<sup>3</sup>:

Աղրիատիկում Սերբիայի նավահանգիստ ունենալը Ավստրիան առաջվա պես դիտում էր որպես սերբ-ավստրիական վեճի ամենակնճոտ պատճառը և պատրաստ էր ամեն զնով խափանել այդ ծրագիրը, միաժամանակ անում էր խաղաղության կոչեր:

Չնայած Ռուսաստանը խիստ շահագրգռված էր Սերբիայի՝ ղեպի Աղրիատիկ ծով ելքով, բայց միաժամանակ վախենում էր բալկանյան պատերազմում Ավստրո-Հունգարիայի միջամտությունից, ուստի ստիպված էր զսպել սերբերի գնալով աճող

<sup>1</sup> Տե՛ս «Բուլթանիա», № 6 (1052), 7 (20) նոյեմբերի 1912 թ.:

<sup>2</sup> Տե՛ս «Առաջամարտ», № 4 (1051), 6 (19) նոյեմբերի 1912 թ.:

<sup>3</sup> «Ազատամարտ», № 1047, 2 (15) նոյեմբերի 1912 թ.:

ախորժակը: Ռուսաստանը վախենում էր, որ բալկանյան պատերազմին Ավստրո-Հունգարիայի միջամտությունը կարող է հանգեցնել Գերմանիայի զինված հարձակմանը, իսկ դա նշանակում էր համընդհանուր պատերազմ, որին այդ պահին ռուսական երկիրը բավարար պատրաստված չէր:

Ի պատասխան ռուսական սլավոնամոլ մամուլի մեղադրանքին, թե բալկանյան ողջ ճգնաժամի սկզբնավորողը Ավստրո-Հունգարիան է եղել, Հունգարիայի հայազգի վարչապետ Լ. Լուկաչը “Neue freie Press”-ի թղթակցին հայտարարել էր, թե ինքը վճռականապես մերժում է այդ տեսակետը: «Մենք խաղաղութեան կուսակից ենք, բայց չենք ուզեր որ Աւստրիա նուստանայ»<sup>1</sup>, - ասել էր նա:

Սերբիայի ու Ավստրիայի ձգտումները տրամագծորեն հակընդդեմ էին նաև դեպի հարավ, դեպի էգեյան ծով դուրս գալու հարցում: Ավստրիան երազում էր էգեյան ծովում հաստատվել մշտապես՝ այնտեղ ստեղծելով Porto-Franco (ազատ նավահանգիստ): Ավստրիայի այդ ցանկությունը մեծ տերություններից միայն Գերմանիան էր կիսաձայն հավանություն տալիս: Ակնհայտ էր, որ այդ ծրագիրն անիրականանալի էր ամենից առաջ այն պատճառով, որ դեպի էգեյան Ավստրիայի ուղին պիտի անցներ այնպիսի երկրամասերով, որոնց բնակչության մեծ մասը բուլղարներ և հույներ էին: Ավստրիայի մուտքն էգեյան հակառակ էր բոլոր մեծ պետությունների շահերին, բացի Գերմանիայից: Դա վճռականապես անընդունելի էր հատկապես Ռուսաստանի համար, որը մեծապես շահագրգռված էր, որ Եոչյակ զինակցությունը չկարողանա ամրապնդվել Բոսֆոր-Պարդանելի հարևանությամբ:

էգեյան դուրս գալու Սերբիայի ձգտումն ավելի մշուշոտ էր, քան նույնիսկ այնտեղ հաստատվելու Ավստրիայի բուռն ցանկությունը: էգեյան դուրս գալու համար Սերբիան ստիպված էր լինելու կտրել-անցնել Մակեդոնիայի այն տարածքները, ուր գերակշռում էր հույն բնակչությունը: Բայց դա անհնարին էր: Դա

---

<sup>1</sup> «Ժամանակ», № 1429, 17 (30) ապրիլի 1913 թ.:

կարող էր նաև սկիզբ դնել Բալկանյան հակաթուրքական զինակցություն արագ քայքայման:

Ռուս նշանավոր ռազմագետ-գրող Միխայլովսկին սերբերին խորհուրդ էր տալիս սահմանափակել խխորժակը, հաշվարկել սեփական ռազմական հնարավորությունները, մշտապես հիշել իրենց հյուսիսային հարևան Ավստրիայի նկրտումները և սահմանի վրա մշտական զորք պահել դիմագրավելու համար հավանական բարդությունները: Նա հատկապես վտանգավոր էր համարում այն, որ Սերբիան իր ռազմուժի մի խոշոր մասը փոխադրել է Թրակիայի թատերաբեմ: Անդրադառնալով այդ մտավախությունը՝ սերբական պաշտոնաթերթերից մեկը հավանական չէր համարում, որ Ավստրիան հարձակում կգործի Սերբիայի վրա, որովհետև նա չէր ցանկանա գործ ունենալ Ռուսաստանի սպառնալիքի հետ<sup>1</sup>:

Ձայնակցելով Միխայլովսկուն՝ «Առաջամարտը» գրում էր, որ Ավստրիան ամեն պարագայում Գերմանիային շատ ավելի մոտ է ու հարազատ, քան Սերբիան, ուստի նրա պարտությունն այս վեճում դյուրություն էր կարող է մեծ ձախողանքներ բերել նաև Եռյակ զինակցությունը, ուրեմն և՛ Գերմանիային<sup>2</sup>:

Ի վերջո Ավստրիան հաշտվեց այն մտքի հետ, որ Սերբիան ղեպի Ադրիատիկ ծով կարող է մի փոքր հողաչերտ ունենալ, բայց միայն այն պայմանով, որ դրա վրա երկաթուղի չկառուցի<sup>3</sup>:

Բայց մյուս կողմից, եթե կարելի լիներ արգելել Սերբիայի մուտքը Ադրիատիկ, այդ դեպքում Իտալիան իր դեմ կունենար Սերբիայից ավելի հզոր Ավստրիային, որն անխուսափելիորեն իր ազդեցությունը կտարածեր Ադրիատիկի արևելյան մասերի վրա, մի բան, որը, անչուչտ, նույնքան (եթե ոչ ավելի) վտանգավոր էր Իտալիայի շահերի համար, որքան եթե վերջինս իր դեմ ունենար Սերբիան կամ նույնիսկ Ռուսաստանը:

Ահա թե ինչու Ադրիատիկի խնդիրը ինքնին չափազանց կնճռոտ մի հանգույց էր, որի շուրջը խաչաձևվում էին զանազան

<sup>1</sup> Տե՛ս «Ազատամարտ», № 1046, 1 (14) նոյեմբերի 1912 թ.:

<sup>2</sup> Տե՛ս «Առաջամարտ», № 3 (1050), 5 (18) նոյեմբերի 1912 թ.:

<sup>3</sup> Տե՛ս նույն տեղում:

պետությունների խոշոր շահերը: Բայց նաև ակներև էր, որ դեպի Ադրիատիկ ծով Սերբիայի ճանապարհը փակելու միջոցով այլանական հողերով նույն ծով դուրս գալը Ավստրիայի համար հրատապ անհրաժեշտություն էր: Ֆրանց Յոզեֆի կայսրությունը դեպի Ադրիատիկ և էգեյան ծովեր էին մղում ոչ թե տնտեսական շահերը, այլ հեռուն գնացող նպատակները՝ կայսրության տարածքների ընդլայնումը: Բարեբախտաբար նա այժմ հրաժարվել էր էգեյան ծով իջնելու անիրականանելի ծրագրից և այդ կերպ կարող էր վարվել նաև այլանական տարածքներով Ադրիատիկ մտնելու գաղափարից, եթե դա նույնպես թելադրված չէ տնտեսական նպատակներով: Որ դա այդպես է, վկայում էր այն հանգամանքը, որ Ավստրիան իր տիրապետության տակ ուներ Ադրիատիկի ահագին ծովափեր և հիանալի նավահանգիստներ, որոնց շնորհիվ համաշխարհային շուկան միշտ անարգել բաց էր իր ապրանքների համար:

Ադրիատիկի խնդրի նկատմամբ ավելի սպառնական էր Ֆրանսիայի դիրքը: «Թան» թերթը գրում էր, որ եթե Ավստրիան ուզում է պահպանել գործելու ազատություն, ապա նույն իրավունքն ունեն նաև Ադրիատիկ ծովին հարող մյուս պետությունները: Ուստի եթե նա ճնշում գործադրի վերջիններիս վրա, ապա Եոյակ համաձայնությունը չի լքի նրանց:

Ինչպես ցույց էին տալիս վերջին հեռագրերը, Անգլիան նույնպես տրամադիր չէր Ավստրիային թույլ տալ կասեցնելու Սերբիայի առաջխաղացումը դեպի Ադրիատիկ:

Բեկորադում Գերմանիայի և Իտալիայի ղեսպաններն իրենց կառավարությունների հրահանգով Սերբիայի կառավարությանը հայտարարեցին, թե Եոյակ գինակցության տերությունները համերաշխ են այն հարցում, որ Սերբիայի ներկայությունը Ադրիատիկի վրա իրենք կդիտեն որպես թշնամական գործողություն<sup>1</sup>:

Դրան ի պատասխան՝ հոկտեմբերի 6 (19)-ին սերբական առաջին բանակը, Վրանյա քաղաքից հարավ հատելով օսմանյան սահմանը, մտավ Մակեդոնիա: Երկրորդ բանակը, անցնելով

---

<sup>1</sup> Տե՛ս «Առաջամարտ», № 1042, 28 հոկտեմբերի (10 նոյեմբերի) 1912 թ.:



սահմանը, հարձակում սկսեց բուլղարական Կյուլտենդիլ քաղաքից հյուսիս՝ նպատակ ունենալով փակել Վարդարի հովտում տեղակայված օսմանյան բանակի նահանջի ճանապարհը: Այդ բանակում կարևոր ուժ էին այբան (առնաուտ) ստորաբաժանումները: Բանակի հրամանատարն էր տաղանդավոր զորավար Զեքի փաշան, որն ուներ այբանական արմատներ:

Սերբական երրորդ բանակը հոկտեմբերի 7-ին շարժվեց դեպի Կոսովո՝ նպատակ ունենալով գրավել Պրիշտինան և նպաստել Վարդարում ծավալված ռազմական գործողությունների հաջողությունը:

Սերբական բանակի մյուս զերամասերը շարժվում էին Շկոդրա, Պրիշտինա և Իոնինա քաղաքների ուղղությամբ:

Հոկտեմբերի 8 (21)-ին սերբական «Արևմտյան բանակը» թուրքերի դեմ կատաղի կռիվներ էր մղում Վելիա-Կլավարի և Նովի Բազարի շրջանում: Այս ուղղության վրա գործող թուրքական զորքերում հաշվվում էին 40 հազար առնաուտ և 10 վաչտ նիզամին զորք:

Հոկտեմբերի 8 (21)-ին մեծ կռիվ տեղի ունեցավ նաև Մերտաղի մատույցներում, որտեղ թուրքերի դաշնակից այբանացիները դիրքավորվել էին անտառապատ տարածքի շատ հարմար տեղում: Սերբերը բուռն հարձակումով այբաններին դուրս մղեցին անտառից և ստիպեցին կռիվ մղել բաց դաշտում: Չդիմանալով մեկը մյուսին հաջորդած գրոհներին՝ այբանները, մեծ կորուստներ կրելով, ցրվեցին տարբեր ուղղություններով: Սերբերը գրավեցին Մերտաղը: Սերբական բանակի շտաբը հաստատվեց Վրանիայում:

Կատաղի կռիվներից հետո՝ հոկտեմբերի 9 (22)-ին, սերբական զորքը զորավար Զիվկովիչի հրամանատարությամբ գրավեց Կոսովոյի Պրիշտինա քաղաքը: Նույն օրը սերբերը գրավեցին նաև Կրատովո քաղաքը և Նովի Բազար սանջակի կենտրոն Նովի Բազար քաղաքը<sup>1</sup>: Դրանով մի կողմից դյուրացավ սանջակում թուրքերի դեմ կռիվող սերբ-չերնոգորյան զորքերի գործակ-

---

<sup>1</sup> Տե՛ս «Ազդարար», № 1027, 13 (26) հոկտեմբերի 1912 թ.:

ցուլթյունը, մյուս կողմից ձեռք բերվեց կարևոր հենակետ թուրքական հետազա հարձակումները հետ մղելու համար:

Բայց Նովի Բազարի սանջակի գրավումով չերնոգորցիների և սերբերի միացումը դեռ գլուխ չեկավ: Այն տեղի պիտի ունենար դեռևս Կոստովոյի մոտ, այլ ոչ թե սանջակում<sup>1</sup>:

Ավելի կատաղի եղան հոկտեմբերի 9 (22)-ին Լապ գետի հովտում ծավալված մարտերը, որոնց ընթացքում սերբերը փայլուն հաղթանակ տարան և ոտք դրին Կոստովո դաշտ: Այստեղ էր, որ հինգ դար առաջ սերբերը թուրքերից ծանր պարտուլթյուն էին կրել և կորցրել իրենց ինքնիշխանությունը: Հիմա նրանք կրկին տերն էին պատմական ազգային տարածքին: Այս նշանակալի հաղթանակը տեղի սերբ բնակչութայանն առիթ տվեց անկարագրելի խանդավառ տեսարանների:

Ռազմաճակատի մյուս հատվածներում նույնպես սերբերը հաղթական էին: Հոկտեմբերի 10 (23)-ի կեսօրից հետո նրանց բանակի ձեռքն անցավ Նովի Բազար սանջակի ստրատեգիական կարևոր նշանակություն ունեցող Սենիցա քաղաքը: Դա հնարավորություն էր տալիս տիրանալու ամբողջ սանջակին:

Սենիցայի անկումից հետո թուրքական նոսրացած զորքը արագ նահանջեց դեպի ուժեղ ամրացված Կումանովա քաղաքը: Նահանջի ճանապարհն անցնում էր Մորավա գետի վրայի կամրջով: Երբ նահանջող բոլոր թուրք զորամասերն արդեն անցել էին գետի մյուս ափը, զորքի հրամանատարի կարգադրութայամբ այն պայթեցվեց՝ ժամանակ չահելու և զորքի շարքերը կարգի բերելու համար: Թշնամին ծանր վնասներ հասցրեց նաև երկաթգծերին՝ շատ տեղերում պայթեցնելով դրանք:

Բայց սերբական զնդերի սլացքն անկասելի էր, թշնամուն հետապնդելու նրանց կորովն՝ անսահման: Միայն քսանչորս ժամ տևած տաժանելի աշխատանքից հետո սերբ ամրաչեն զորքին հաջողվեց վերականգնել կամուրջը: Գնացքներն արագորեն սկսեցին զորք տեղափոխել առաջադիրք գծեր: Իսկ թշնամին շարունակում է անկանոն նահանջել՝ մեծաքանակ ռազմավար թողնելով սերբերին:

---

<sup>1</sup> Տե՛ս «Ազդարար», № 1027, 13 (26) հոկտեմբերի 1912 թ.:

Առջևում Կուճանովան էր: Թուրքերը մտադրվել էին ամրանալ այդտեղ, քանի որ քաղաքը պաշտպանված էր ամրակուռ բերդով ու բազմատեսակ այլ ամրություններով: Բայց այդ ամենն ի վիճակի չեղան կանգնեցնելու թշնամու նկատմամբ անհուն ատելությունով լցված սերը զինվորին: Կարճատև, բայց արյունալի ընդհարումից հետո բերդը պաշտպանող թուրքական երեք զորաբաժինները, մեծ կորուստներ տալով, բռնեցին նահանջի ճանապարհը: Հոկտեմբերի 11 (24)-ին՝ կեսօրից հետո, սերբական առաջին բանակը մտավ Կուճանովա:

Այդ կովից հետո Կուճանովա եկած Ֆրանսիացի մի լրագրող իր թերթում այսպես էր նկարագրել տեսածը. «Ահա գտնվում եմ կրուպի լքված թնդանոթների մեջտեղում: Թուրքերը նույնիսկ չեն կարողացել դրանք գործածել: Ռումբերն ու հրացանները գետնին ցաքուցրիվ էին՝ ֆեսերի, արյունոտ ձեռնակեղենի, հուշատետրերի, թնդանոթների գործածություն մասին գերմաններեն հրահանգների հետ: Ավելի հեռվում սպանված ձիերի շուրջ հավաքված էին շները: Սերբ հասարակ քաղաքացիները պատմում էին, որ թուրք հրամանատարներն իրենց ենթականերին խելացնոր կարգադրություններ էին անում: Օրինակ՝ նման հրամաններով թուրք հրետանաձիգներն իրենց մարտկոցները հաստատել էին բաց դաշտում, իսկ լեռների վրայից սերբերի թնդանոթներն անարգել ոչնչացնում էին հակառակորդի հրետանին»: Ապա՝ «Այս ճակատամարտի տեսարանը սրտաճմլիկ էր. ամեն տեղ դիակներ էին, դիակներ և դարձյալ դիակներ էին: Ամեն տեղ միևնույն ահռելի տեսարանը: Ագռավները մշտապես աղիողորմ, դժոխային կոհնչներով թռչում էին գլխավերև՝ սարսափ ազդելով վրաս: Նրանք անթիվ էին, լցված չորսբոլորը...»<sup>1</sup>:

Կուճանովայի անկումը խիստ բացասական ազդեցություն թողեց Վարդարի օսմանյան զորքերի վրա: Այս կովում սերբերը տվեցին 1200 սպանված և 3200 վիրավոր, իսկ թուրքերը՝ 12.000 սպանված ու վիրավոր:

---

<sup>1</sup> Ֆրանսիացի լրագրողի հոդվածի արտատիպը տես՝ «Ազատամարտ», № 1039, 25 հոկտեմբերի (7 նոյեմբերի) 1912 թ.:

Նույն օրերին սերբական երկրորդ բանակը, անցնելով սահմանը, հարձակում սկսեց բուլղարական Կյուտենդիլ քաղաքից հյուսիս՝ նպատակ ունենալով փակել Վարդարի հովտում Զեքի փաշայի հրամանատարությունամբ տեղակայված օսմանյան բանակի նահանջի ճանապարհը:

Հոկտեմբերի 10 (23)-ին Սերբիայի Պետեր Թագավորը Բելգրադից ժամանեց Նիշ: Նրա հետ էին վարչապետ Պասիչը, Սկուպչինայի նախագահ Յովանովիչը, արդարադատություն նախարար Նիկովիչը: Թագավորը ողջունեց հավաքված բազմությունը, ապա խոստացավ, որ սերբական տիրապետության ներքո միևնույն ռեժիմից պիտի օգտվեն ու միևնույն հարգանքը պիտի վայելեն ինչպես սերբ, այնպես էլ թուրք հպատակները<sup>1</sup>:

Երկաթուղու բոլոր կայարաններում խոնված մարդիկ նրան ընդունում էին այնպիսի ջերմագին ողջուններով, ինչպիսին երբեք չէր եղել Սերբիայում: Դա նշանակում էր, որ ի նպաստ պատերազմի ժողովրդական խանդավառությունը երկրում շարունակում էր աճել:

Թագավորի ժամանումը Նիշ առաջ էր բերել տեղի սերբերի հակաթուրքական զգացումների իսկական պոռթկում: Հազարավոր նիշեցիներ և չրջակա բնակավայրերի բնակիչներ, զենք վերցնելով, միացան գորբին:

Այստեղից Թագավորը մի կոչ հղեց Օսմանյան կայսրության բոլոր ժողովուրդներին՝ թոթափել թուրքերի դարավոր լուծը և ստեղծել մի հասարակություն, որտեղ պիտի իշխեն խիղճն ու ազատությունը<sup>2</sup>:

Հոկտեմբերի 11 (24)-ին սերբ հեծելազորային ջոկատները թշնամու համար անսպասելի մտան Թեթովո: Շուտով քաղաք մտան նաև սերբ հետևակ զորքերը: Քաղաքը գրավելուց հետո սերբական մի պահակազորք թողնվեց այդտեղ, իսկ զորքի հիմնական մասն ուղղվեց դեպի Կոսթիվար: Այստեղի թուրք զորամասը կարճատև դիմադրությունից հետո փախավ խելահեղ

---

<sup>1</sup> Տե՛ս «Ազատամարտ», № 1041, 27 հոկտեմբերի (9 նոյեմբերի) 1912 թ.:

<sup>2</sup> Տե՛ս «Ազդարար», № 1025, 11 (24) հոկտեմբերի 1912 թ.:

վազբով: Հաջորդ օրը սերբերը գրավեցին Փերլեփե քաղաքը, ուր նրանց գնդերին միացան հույների առաջապահ գորամասերը և միասին ուղղութուն վերցրին դեպի Հյուսիս<sup>1</sup>:

Այդ արյունալի կռվում մեծ էին սերբերի կորուստները՝ ավելի քան 1000 սպանված և ավելի շատ վիրավոր: Է՛լ ավելի մեծ էր հակառակորդի կորուստը՝ շուրջ 2000 սպանված և նույնքան վիրավոր<sup>2</sup>:

Սերբերի կողմից Նովի Բազար սանջակի նույնանուն կենտրոնի գրավումից հետո 3-4 օր սերբե-թուրքական կռիվներն ընթանում էին փոփոխակի հաջողութուններով. երկու կողմերը շարունակում էին կրել մեծ կորուստներ:

Ստանալով նոր համալրում՝ սերբական բանակն իր հարվածն ուղղեց Սկյուպե քաղաքում կենտրոնացած թուրքական զորքերի վրա: Ծավալված կատաղի կռիվներում վերջիններս չկարողացան դիմանալ քաջարի սերբ գնդերի հարվածներին: Հոկտեմբերի 13 (26)-ին սերբերը հաղթականորեն մտան Սկյուպե (Ուսկյուբ), որը դարեր առաջ եղել էր Մեծ Սերբիայի մայրաքաղաքը: Քաղաքի գրավումը ցնծութուն առաջ բերեց ողջ սերբական աշխարհում: Ամենուրեք թնդում էին «Կեցցե՛ թագավորը», «Կեցցե՛ Մեծ Սերբիան» աղաղակները: Սկյուպեն գրավելու առթիվ հսկա հանրահավաք տեղի ունեցավ Բելգրադում՝ վարչապետ Բուչիչի տան առջև: Լսվում էին խանդավառ բարձրագոչեր. «Աստծո կամքով նոր հաղթանակներ պիտի տանենք», «Եթե պետք լինի, թշնամու գլուխը կճզմենք Պոլսում» և այլն<sup>3</sup>:

Հոկտեմբերի 13 (26)-ին սերբական երկրորդ բանակը գեներալ Ստեպանովիչի գլխավորությամբ գրավեց Շիպ (Իստիբ) և Ագրումիցա քաղաքները: Վերջինս սլավոնամետ հայտնի կենտրոններից մեկն էր ողջ Բալկաններում:

Հոկտեմբերի 15 (28)-ին սերբական և չերնոգորական զորամասերը գրավում են սանջակը:

---

<sup>1</sup> Տե՛ս «Ազդարար», № 1039, 25 Հոկտեմբերի (7 նոյեմբերի) 1912 թ.:

<sup>2</sup> Տե՛ս «Ազատամարտ», № 1043, 29 Հոկտեմբերի (11 նոյեմբերի) 1912 թ.:

<sup>3</sup> Տե՛ս նույն տեղում, № 1030, 16 (29) Հոկտեմբերի 1912 թ.:

Շարունակելով հարձակումը դեպի արևմուտք՝ սերբական առաջին բանակը և նրան միացած «Մորավիա» դիվիզիան նոյեմբերի 3 (16)-ից 5 (18)-ն ընկած օրերին Մոնաստիրի (Բիտոլլա) մոտ վճռական ճակատամարտ տվեց թուրքերին, որոնք ունեին 80.000 կանոնավոր զորք՝ հզոր թնդանոթակազմով: Չնայած թուրքերի թվական գերազանցությունը՝ նրանք չդիմացան սերբերի իրար հաջորդող գրոհներին և, կռվի դաշտում թողնելով 20 հազար սպանված ու վիրավոր, նահանջեցին հարավային ուղղությամբ: Սերբերը վերցրին 50.000 գերի, գրավեցին 250 թնդանոթ, ավելի քան 100.000 հրացան, ռազմամթերքի տարբեր տեսակներ, սալյեր, վրաններ, սննդամթերք<sup>1</sup>: Դա մեծ հաղթանակ էր: Դրան զուգահեռ՝ սերբերը հսկողություն սահմանեցին Օխրիդի վրա:

Բոլոր այդ կռիվներում երկուստեք մեծ կորուստներ էին լինում, բայց հատկապես անհամեմատելի էր թուրքերի զոհերի թիվը: Պատճառներից մեկն այն էր, որ հետևակ զորամասերը և հրետանային հաշվարկները հաճախ չէին կարողանում ձիշտ համագործակցել: Նույնիսկ դեպքեր էին եղել, երբ թուրքական հրետանին կրակ էր բացել յուրային հետևակի վրա:

Սերբական բանակի աննախադեպ հաղթանակները, որ ճանապարհ էին բացում դեպի Ադրիատիկ ծով, տազնապի էին մատնել Ավստրո-Հունգարիային և Իտալիային, որոնք Սերբիայի թիկունքում տեսնում էին ահարկու Ռուսաստանին: Համաձայնություններն արդեն հակված էին այն տեսակետին, որ Սերբիան պետք է դուրս գա Ադրիատիկի ափերը, իսկ Բուլղարիան՝ Էգեյան ծով՝ ստանալով այնտեղի նավահանգիստները<sup>2</sup>: Այդ ամենից բոլորից շատ երկյուղում էր ավստրիական կայսրությունը, որը գիտակցում էր, որ Սերբիայի չափից ավելի ուժեղացումը կարող է անհաղթահարելի ձգողական ուժ դառնալ իր ներսում ապրող 6 միլիոն սերբախոս հարավային սլավոնների համար:

---

<sup>1</sup> Տե՛ս «Մշակ», № 233, 20 հոկտեմբերի 1912 թ.:

<sup>2</sup> Տե՛ս նույն տեղում:

Հոկտեմբերյան կոիվների ընթացքում թուրքերը սերբական ճակատում թողել էին 35 հազար սպանված ու վիրավոր: Թուրքերի մի մասին էր հաջողվել հասնել Կ. Պոլիս:

Սոչոյր էին նաև սերբերի կորուստները՝ 8 հազար մարդ: Պատերազմի սկզբից նրանց ընդհանուր կորուստներն արդեն կազմում էին 16.000 սպանված և վիրավոր<sup>1</sup>:

Հարկ է նշել, որ վիրավորների բուժման գործը ծայրահեղ վատ էր կազմակերպած թուրքերի մոտ: Նույնն էր նաև բուլղարների մոտ: Ընդհակառակը՝ սերբերի սանիտարաբժշկական սպասարկումը գործում էր անխափան: Սերբ վիրավորներին հիմնականում փոխադրում էին Բելգրադ: Սանիտարական ջոկատների տրամադրություն տակ նորագույն բժշկական սարքավորումներ էին: Կարմիր խաչի շարժակազմերի վագոններից հանվել էին բաժնյակների միջնորմները և դրանք վերածել չրջիկ հիվանդանոցների՝ իրենց պարագաներով:

Ամեն օր Բելգրադի երկաթուղային կայարան էին ժամանում 5-6 շարժակազմեր՝ հարյուրավոր վիրավորներով: Օրինակ՝ միայն հոկտեմբերի 25-ին պատերազմի վայրերից Բելգրադ էր հասել 62 վագոն՝ ամբողջովին լցված վիրավորներով<sup>2</sup>:

Ռազմաճակատում սերբական բանակի հաջողություններին մեծապես նպաստել էին Չերնոգորիայի մարտական ջոկատների ռազմական գործողությունները: Պատերազմի դաշտում չերնոգորացիները ցույց էին տալիս անձնագոհ հերոսականություն՝ ապշահար անելով թշնամուն: Նրանք մեկը մյուսի հետևից թուրքերից ազատագրեցին Դեչիչը (սեպտ. 26-ին), Շեպչանիկը (սեպտ. 28-ին), Տուզին (հոկտ. 1-ին), Բերանան (հոկտ. 3-ին), Հուսեյնին (հոկտ. 6-ին), Լոզենգրադը (հոկտ. 11-ին)<sup>3</sup>: Սերբական մի քանի խոչոր ստորաբաժանումներ միացել էին նրանց: Հաղթահարելով այլբանացիների դիմադրությունը՝ սերբ-չերնոգորյան միացյալ ուժերը շարժվեցին Ադրիատիկ ծովի ուղղու-

---

<sup>1</sup> Տե՛ս «Ազատամարտ», № 1039, 25 հոկտեմբերի (7 նոյեմբերի) 1912 թ.:

<sup>2</sup> Տե՛ս նույն տեղում, № 1043, 29 հոկտեմբերի (11 նոյեմբերի) 1912 թ.:

<sup>3</sup> Տե՛ս «Մշակ», № 237, 25 հոկտեմբերի 1912 թ.:

Թյամբ: Որքան նրանք առաջանում էին, այնքան կատաղի էր դառնում այլբան զինյալ ջոկատների դիմադրությունը: Հատկապես արյունալի եղավ չերնոգորցիների կողմից Պլավա քաղաքի գրավման գործողությունը: Կովի ընթացքում մեկ օրում սպանվեց շուրջ 1000 այլբանացի, որոնց թվում՝ զենքը ձեռքին կանայք ու երեխաներ: Անողոք էր կովի աստվածը: Շքոթրա լճի վրա չերնոգորցիները գրավեցին Թուրքական մեկ շոգենավ և Հինգ առագաստանավ, որոնք բեռնված էին զենքով ու պարենով<sup>1</sup>: Հոկտեմբերի 17 (30)-ին Չերնոգորիայի զորքը զորավար Վուքովիչի հրամանատարությունում գրավեց Իփեկը<sup>2</sup>:

Թուրքերը մեծ կորուստներ էին կրում նաև ռազմաճակատի մյուս հատվածներում: Մալկուչի քաղաքի և չրջակա գյուղերի դեմ կովում չերնոգորցիները կարողացան այնտեղից քչել Թուրքերին, որոնք ունեցան բազմաթիվ սպանվածներ ու վիրավորներ: Այդ հարձակման շնորհիվ Թուրքերը հանձնեցին բազմաթիվ գյուղեր<sup>3</sup>:

Թուրքական զորքերի դեմ ծանր կռիվների մեջ էր նաև Բալկանյան դաշինքի մյուս անդամը՝ Հունաստանը:

Հունական կառավարությունները վերջին տասնամյակի ընթացքում մեծ աշխատանք էին տարել բանակի վերակազմություն ուղղությունը: 1905-ից սկսած՝ հետևազորքը ստացել էր առաջնակարգ սպառազինություն, 1907-ից բանակը համալրվել էր Ֆրանսիական ընտիր հրետանիով ու ռազմանյութերով: Բանակի անձնակազմի թիվը 100.000-ից 1911-1912 թվականներին հասցվել էր 170.000-ի<sup>4</sup>:

Հույն ժողովուրդն իր անկախ պետականությունը ձեռք էր բերել հայրենիքի մի հատվածի վրա միայն: Պատմական Հունաստանի մեծ մասը չարունակում էր մնալ օսմանյան բռնակալման տակ: Բալկանյան պատերազմը Հույն ամենալայն զանգվածների

---

<sup>1</sup> Տե՛ս «Ազատամարտ», № 1027, 13 (26) Հոկտեմբերի 1912 թ.:

<sup>2</sup> Տե՛ս նույն տեղում, № 1030, 16 (29) Հոկտեմբերի 1912 թ.:

<sup>3</sup> Տե՛ս «Առաջամարտ», № 4 (1051), 6 (19) նոյեմբերի 1912 թ.:

<sup>4</sup> Տե՛ս «Ազատամարտ», № 1030, 16 (29) Հոկտեմբերի 1912 թ.:



մեջ առաջ էր բերել հայրենիքն ամբողջական տեսնելու անկասելի ձգտում:

«Ազատամարտը» գրում էր, որ կամավոր զինվորագրվող հույների բազմություններն այնքան շատ են, որ ցուցակագրողները երբեմն մերժում են կատարել նրանց խնդրանքը: Դա ցույց էր տալիս հույն ազգի կենսունակությունը և միաբանությունը: Ժողովուրդն ու բանակը հոգեբանորեն լավագույն վիճակում էին՝ հանդարտ ու մտազբաղ<sup>1</sup>:

Հույն երիտասարդությունը ձգտում էր օր առաջ իրեն տեսնել ռազմաճակատում:

Իսկ ռազմաճակատում հարձակման անցած հունական բանակը սկսել էր լայնածավալ գործողություններ:

Հենց առաջին օրերին հունական բանակի զորամասերի հարձակումներից հանկարծակիի եկած թուրքական զորամասերը բռնեցին փախուստի ճանապարհը, թեև շուտով վերագտան իրենց և սկսեցին ցույց տալ կատաղի դիմադրություն: Բայց հույների մարտական ոգին անկոտրում էր, թշնամու նկատմամբ ատելությունը՝ անսահման: Հունական զորամասերը անակնկալ գրոհներով բարոյալքեցին թշնամուն և, չնայած մեծ կորուստներին, հասան Սերֆիչե, ապա գրավեցին Կուլինան: Վերիայում (Գարաֆերիա) տարած փառավոր հաղթանակից հետո նրանք շարունակեցին իրենց հարձակումը դեպի Սալոնիկ: Թափանցելով Մակեդոնիայի տարածք՝ հունական զորքը գրավեց Վոտինա-Մանասորը տանող ճամփի վրա գտնվող Ենիջե քաղաքը, որը Սալոնիկից հեռու էր ընդամենը 50 կիլոմետր<sup>2</sup>:

Հույները որոշ հաջողությունների հասան նաև էգեյանի ծովամարտերում: Հոկտեմբերի 12 (25)-ի վաղ առավոտյան հունական մի զորաջոկատ ափ իջավ Լեմնոս կղզում և կարճատև գրոհով նվաճեց նրա կենտրոն Լիմնին: Թուրք զինվորներն ու սպաները համարյա առանց դիմադրության գերի հանձնվեցին<sup>3</sup>:

---

<sup>1</sup> Տե՛ս «Ազատամարտ», № 1030, 16 (29) հոկտեմբերի 1912 թ.:

<sup>2</sup> Տե՛ս նույն տեղում, № 1027, 13 (26) հոկտեմբերի 1912 թ.:

<sup>3</sup> Տե՛ս նույն տեղում, № 1042, 28 հոկտեմբերի (11 նոյեմբերի) 1912 թ.:

Չնայած հունական ռազմաճակատում գործող թուրքական զորքերի շարքերը համարվել էին օգնական ուժերով, բայց հույներին հաջողվել էր նրանց սեղմել իսլամների կողմից սուրբ քաղաք համարված ԵնիՇե-Վարդարում: Նոյեմբերի 1 (14)-ի առավոտյան կատաղի կոիվ սկսվեց Վարդարի համար, որը տևեց երկու օր՝ մինչև նոյեմբերի 3-ի վաղ առավոտ: Թուրքական զորքը պարտվելով քաչվեց ու սեղմվեց Փերևազայում<sup>1</sup>: Հույների հետևակին ծովից աջակցում էին ռազմանավերը: Հույները առանց կանգ առնելու գրոհեցին ու մտան քաղաք: «Ազատամարտը» գրում էր, որ «Թուրք զինուորներ և պաշրպոզուկներ» հանկարծակիի եկած սրընթաց փախչում էին Սալոնիկի ուղղությամբ, որը ռազմաճակատից ոտքով մի քանի ժամվա ճանապարհ էր: Փերևազայում հույների ձեռքն անցան զինապահատներ, թնդանոթներ, պարեն, հարյուրավոր գերիներ<sup>2</sup>:

Դա այն պահն էր, երբ հույն դաշնակցին օգնության շտապող սերբական առաջապահ զորքերը Սալոնիկից արդեն 40-50 կիլոմետր էին հեռու:

Բայց Սալոնիկը գրավելը հեշտ չէր. գրավված Վերիայից դեպի Սալոնիկ տարածվում էր մի ընդարձակ ճահճային դաշտագետին: Քաղաքը ցամաքի երեք կողմերից պաշտպանված էր հզոր ամրություններով, իսկ Յանիցա-Սալոնիկ հատվածն ակոսված էր արհեստական հսկա հողակույտերով, որոնք, ենթադրաբար, հռոմեական ժամանակներից մնացած արգելապատնեցներ էին: Բայց հունական բանակի հրամանատարության գերազանց մշակած ռազմական պլանի կենսագործումը խոստանում էր կատարյալ հաջողություն:

Այդպես էլ եղավ: Արդեն հոկտեմբերի 20-ի կողմերը Սալոնիկը մեկուսացված էր քաղաքի հյուսիսային գավառներից: Հույների ձեռքում էր Սալոնիկ-Մոնաստրը երկաթգիծը: Քաղաքը պաշտպանող թուրքական զորքը նրանց անընդհատ հարվածներից ուչքի չէր գալիս:

---

<sup>1</sup> Տե՛ս «Ազատամարտ», № 1041, 27 հոկտեմբերի (9 նոյեմբերի) 1912 թ.:

<sup>2</sup> Տե՛ս նույն տեղում:

Մակեդոնիայի առևտրական կենտրոնն և օսմանյան կայսրության երկրորդ մայրաքաղաք Սալոնիկի մոտալուստ անկումն առաջ բերեց մեծ հուզում եվրոպական բոլոր մեծ երկրներում: Երեք ժամ տևած հրետանային կործանիչ հարվածներից հետո հունական զորքը հոկտեմբերի 26-ին (նոյեմբերի 9-ին) արյունալի մարտերով վերջապես ներխուժեց Սալոնիկ: Թուրք զինվորները մտածում էին միայն կյանքը փրկելու մասին. նրանք խմբերով փախուստ տվեցին քաղաքից կամ հանձնվեցին հաղթողների ողորմածությունը: Քաղաքի հանրային բոլոր հաստատությունների, բյուզանդական հին եկեղեցիների վրա պարզվեցին հունական դրոշներ: Քաղաքում հաստատվեց արտակարգ դրություն:

Մակեդոնիայի բոլոր խնդիրներից Սալոնիկի հարցը ամենասուրն էր, ամենախնդրահարույցը: Բանն այն էր, որ Սալոնիկը հունա-հրեական քաղաք էր: Թուրքերն այդ երկու ազգային խմբերին միչտ հանում էին իրար դեմ՝ խորացնելով հակասությունները հասարակական և առավելապես առևտրական մրցակցություն ընագավառներում: Ահա թե ինչու քաղաքը գրավելուց անմիջապես հետո հունական կառավարությունը իր զորքերի հրամանատարությունը անմիջապես հրահանգեց Սալոնիկի հրեա բնակչությունը համոզել, որ նրանք հունական իշխանություն պայմաններում վայելելու են կատարյալ ազատություն և հավասարություն: Միաժամանակ հունական թագավորության հրեական համայնքները Սալոնիկի իրենց ազգակիցներին ուղարկեցին համակրական հեռագրեր՝ նրանց կոչ անելով հաշտ լինել հունական նոր իշխանությունների և քաղաքի հույն բնակչություն հետ<sup>1</sup>:

Սալոնիկի գրավումը ստրատեգիական խոշոր նշանակություն ունեցավ Հունաստանի համար, դրանով նաև խափանվեցին բալկանյան դաշնակիցների պարտություն ղեկըրում այդ նավահանգստի նկատմամբ հավակնություններ ունեցող Ավստրիայի նկրտումները<sup>2</sup>:

<sup>1</sup> Տե՛ս «Բուլթանիա», № 16 (1052), 7 (20) նոյեմբերի 1912 թ.:

<sup>2</sup> Տե՛ս «Ժամանակ», № 1262, 30 հոկտեմբերի (12 նոյեմբերի) 1912 թ.:

Հունական գորքերը համարյա միաժամանակ գրավեցին Կաբբուրունի բերդը: Երբ հակառակորդի զինվորների զինաթափումը վերջացավ, մի խումբ թուրք զինվորներ օդ հանեցին հրետանու զորանոցի մոտ գտնվող ռազմամթերքի պահեստները, որպեսզի դրանք չընկնեն հակառակորդի ձեռքը: Այս պայթյունին զոհ գնացին կամ վիրավորվեցին պահեստների մոտերքում գտնվող հարյուրավոր թուրք զինվորներ<sup>1</sup>:

Հունական բանակը ութ ժամ տևած կռից հետո՝ նոյեմբերի 1 (14)-ին, գրավեց Յանինայից հյուսիս գտնվող Մեցովո քաղաքը<sup>2</sup>: Նույն օրը Հունաստանի թագավոր Գևորգ Ա-ն ճանապարհ ընկավ դեպի Հունական բանակի կողմից ազատագրված Մակեդոնիայի Հունաբնակ տարածքներ: Լարիսայից մինչև Սերֆիչե, էլասոնիայից մինչև Քոզանիա ճանապարհների ամբողջ երկայնքով նրան՝ որպես ազատարարի, դիմավորում էին խանդավառ ցույցերով, կեցցեներով ու օրհնություններով:

Եթե ռազմաճակատում Հունական գորքերի հաղթանակները եվրոպական տերությունների կառավարական շրջանների խիստ անհանգստության պատճառ էին դարձել, ապա, ընդհակառակը, դրանք առաջ էին բերել բալկանյան դաշնակիցների, եվրոպական առաջադեմ հասարակայնության, ռուսական պաշտոնական ու ոչ պաշտոնական շրջանների և նույնիսկ Եռյակ զինակցություն անդամ հարևան Իտալիայի հասարակական լայն շերտերի ջերմ համակրանքը: Չէ՞ որ իր իսկ արյան գնով օտարի ծանր լծից վերջապես ազատագրվում էր Հույն ժողովրդի մի մեծ հատվածը, այն ժողովրդի, որը հեռավոր ժամանակներում գիտություն ու կրթության փարոս էր եղել մոտիկ և հեռու շատ ժողովուրդների համար:

Պատահական չէր, որ Հույն ժողովրդի համար ճակատագրական այդ օրերին նրան շատերն էին օգնության հասնում՝ դրանով, ռազմամթերքով, կամավորներով: Այսպես, Իտալիայում Հույն ժողովրդին օգնելու շարժման մեջ ընդգրկվել էին

---

<sup>1</sup> Տե՛ս «Առաջամարտ», № 4 (1051), 6 (19) նոյեմբերի 1912 թ.:

<sup>2</sup> Նույն տեղում:

երկրի հասարակական ամենատարբեր չերտերի ներկայացուցիչներ: «Ազատամարտ» թերթը հաղորդում էր, որ հունական բանակում ծառայելու համար Իտալիայից Աթենք են հասել 1500 զարիբալղիական կամավորներ, որոնց թվում է զորավար Ռիչոթթի Գարիբալդին՝ իր կնոջ և աղջկա ընկերակցությամբ<sup>1</sup>:

Թուրքիային պատերազմ հայտարարելիս բալկանյան միացյալ պետությունները չէին կարող նույնիսկ ենթադրել, թե իրենք այդպիսի արագությունը, մեկ ամսից մի քիչ ավելի ժամանակահատվածում կարող են այդքան փայլուն հաղթանակներ տանել: Հակառակորդի զորքերը նահանջում էին խուճապահար: Այրված գյուղերը և հազարավոր դիակներն էին սփռված թուրքերի նահանջի ուղիներին: Թուրքերի ոգևորությունը արդեն չբացել էր. Կ. Պոլսի բնակչությունն այլևս հավատ չէր տածում Նազըմ փաշայի հաղթանակների մասին հեռագրերին<sup>2</sup>:

Պատերազմի տխուր երևույթներից էր այն, որ Թուրքիայի հասարակությունը սկզբից ի վեր դրվել էր անգետ վիճակում՝ ինքնագոհ, ինքնավստահ, անտարբեր ու արհամարհող: Եվ զարմանալի չէր, որ թուրքական բանակի այս հերթական խոչոր պարտությունից հետո հիասթափությունը եղավ կատարյալ:

Թուրքիան, որ վաղուց կորցրել էր գերտերություն իր համարումը, օսմանյան հեղափոխությունից հետո տակավին կարողացել էր պահպանել անցյալից մնացած մի կարևոր ժառանգություն, մի հանգամանք, որ այս կամ այն չափով նրան հնարավորություն էր տալիս Եվրոպայի առջև հեղինակություն ունենալու: Դա, այնուամենայնիվ, զինական ուժն էր:

Բայց հիմա պատերազմի քմահաճ աստվածը, ինչպես ուրիշ շատ դեպքերում, այս անգամ նույնպես դրսևորեց իր անկանխատեսելի կամքը. «Հիվանդ մարդը» կորցրեց նաև իր միակ նեցուկ զինվորական ուժը, որի վրա նա ամեն անգամ կարողանում էր հենվել, երբ հարկ էր լինում մտնել եվրոպական պետությունների քաղաքական շահերի հավասարակշռությունը պահ-

<sup>1</sup> Տե՛ս «Ազատամարտ», № 1042, 28 հոկտեմբերի 1912 թ.:

<sup>2</sup> Տե՛ս «Մշակ», № 242, 31 հոկտեմբերի 1912 թ.:

պանելուն ուղղված դժվարակնճիռ ոլորտը: Կասկած չկար, որ զինվորական ուժի անկման հետ Թուրքիան արագորեն մոտենալու էր քաղաքական սնանկության վերջաբանին:

Հակառակ դրան՝ Քառյակ դաշինքի երկրները ցնծում էին եզակի հաղթանակների զինովության մեջ: Սվինների ուժով նրանք արժանացել էին մոտիկ ու հեռու բարեկամների ծափերին: Դա հատկապես վերաբերում էր բուլղար զինվորին, որն անմահացրել էր իր զինվորական տաղանդը:

Պատերազմական գործողությունները լայնորեն նկարագրվում էին Թուրքիայի մամուլի օրգաններում, այդ թվում՝ հայ մամուլի էջերում: Հատկապես պոլսահայությունը չունչը պահած ռազմադաշտից ժամ առ ժամ տեղեկությունների էր սպասում: Պոլսահայ թերթերի՝ «Բյուզանդիոնի», «Ժամանակի», «Արևելքի», «Ազատամարտի» օրինակները ձեռքից ձեռք էին անցնում, մեծապես աճել էին դրանց տպաքանակները: Ռուբեն Զարդարյանը Ամերիկայում գտնվող Սիմոն Վրացյանին գրում էր, որ եթե պատերազմից առաջ «Ազատամարտի» տպաքանակը մոտ 1700 էր, ապա «այսօր Պոլսո մեջ կը ծախուի 6000»<sup>1</sup>:

Թուրքական բանակի անբեկակայելի պարտությունների մասին «Դրօշակը» գրում էր. «Տասնհինգ օրւայ մէջ ահեղի արագութեամբ փուլ եկան թիւրքի վաղեմի ռազմիկի համբան ու վերջին չորս տարիների մէջ վերակազմած բանակի կարողութեան ենթադրութիւնները, նրա վրայ դրւած յոյսերը:

Կազմայուծումն՝ իր բոլոր ճիւղերի մէջ...

Փախչում է թշնամու առջևից քաղցած, անվարժ, հայրենիքի պաշտամունքից զուրկ, պետութեան վրայ հաւատքը կորցրած զինուորը. փախչում է փափկասուն, անփորձ ու այլասեռւած սպան»<sup>2</sup>:

Բալկանյան պատերազմը լայն արձագանք էր գտնում ոչ միայն Թուրքահայ թերթերում, այլև հայ գաղթաշխարհի և Կովկասի մամուլի հայ օրգաններում: Կովկասահայ թերթերն իրենց

<sup>1</sup> «Վեմ», № 1, Հունվար-փետրվար, 1935, էջ 90, 91:

<sup>2</sup> «Դրօշակ» (Ժնև), № 11-12, նոյեմբեր-դեկտեմբեր, 1912, էջ 280:

էջերում բացել էին հատուկ սյունակներ՝ նվիրված ռազմաճակատից ստացած լուրերին, մեկնաբանություններով հանդես էին գալիս հասարակական-քաղաքական նշանավոր գործիչներ: Իր խորհրդածությունները ընթերցողների հետ «Մշակում» կիսում էր պատմաբան Առաքել Բաբախանյանը (Լեո), «Հորիզոնի» էջերում պատերազմի ընթացքը լուսաբանում էր գրականագետ Նիկոլ Աղբալյանը:

Առաջին օրերին օսմանյան կայսրություն արևելյան շրջանների քրիստոնյաների մտահոգությունը մեկն էր՝ սկսված պատերազմը կսահմանափակվի Մակեդոնիայի ժողովուրդների խնդրո՞վ, թե՞ կվերածի Արևելյան հարցի: Բալկանյան փոքր ժողովուրդների հերոսական հաղթարչավը նրանց ապագայի հույսեր էր ներշնչում: «Մի քանի օրից հետո մենք ականջալուր վկա կլինենք նշանավոր դեպքերի, որոնց վիճակված է մեծ դեր խաղալու թուրքահպատակ քրիստոնյաների ձակատագրի որոշման մեջ»<sup>1</sup>, – խոր լավատեսությունը նշում էր Նիկոլ Աղբալյանը:

Ավետիք Իսահակյանը 1912 թ. նոյեմբերի 4-ին Յուրիխից (Շվեյցարիա) Ամերիկայում գտնվող Սիմոն Վրացյանին գրում էր.

«... Տեսա՞ր Թուրքիոյ գլխին ինչ պայթեց. կործանվեց, գնաց, խայտառակվեց: Այժմ էլ չկա Թուրքիա, այլ Մարոքի, Պարսկաստանի նման մի երկիր: Խնդիրը մեր դրությունն է – հայերիս: Մակեդոնացի, բուլղար, հույն, սերբ և այլան կազատվեն, և մնում ենք մենք: Երևի ամբողջ ուժով թուրքը մեր վրա է ընկնելու...»<sup>2</sup>:

Բալկանյան չորս դաշնակիցների հաղթանակները հեշտությամբ չէին ձեռք բերվել: Պատերազմող երկու կողմերն էլ տվել էին մարդկային հսկայական կորուստներ: Արժանահավատ աղբյուրները հաղորդում էին, որ բուլղարական բանակը կոիվների երեք շաբաթների ընթացքում կորցրել էր 100.000 զինվոր,

---

<sup>1</sup> «Լրագրեր հասարակական գիտությունների», № 2 (590), մայիս-օգոստոս, 1995, էջ 18:

<sup>2</sup> Սիմոն Վրացեան, Հին թղթեր նոր պատմութեան համար, Պէյրուի, 1962, էջ 121:

ներառյալ վիրավորները: Սերբերի կորուստները նույն ժամանակ կազմում էր 20.000, հույներինը՝ 12.000, չերնոգորցիներինը՝ 3000 մարդ: Այլ խոսքով՝ կոլիվների առաջին երեք շաբաթների ընթացքում բալկանյան դաշնակիցների կորուստները մոտենում էր 150.000-ի<sup>1</sup>:

Չնայած այդ հսկայական կորուստներին՝ բալկանյան միությունն այդ պահին ուներ 700.000 զինվոր ու սպա<sup>2</sup>:

## **ՀԱՅ ԶԻՆՎՈՐՆԵՐԸ ՊԱՏԵՐԱԶՄԻ ՀՈՐՁԱՆՈՒՏՈՒՄ**

Ռազմաճակատի բոլոր հատվածներում ինչպես թուրքական, այնպես էլ բալկանյան դաշնակիցների բանակներում կոլում էին հազարավոր հայ զինվորներ:

### **ՕՍՄԱՆՅԱՆ ԲԱՆԱԿԻ ՇԱՐՔԵՐՈՒՄ**

Օսմանյան բանակի զինված ուժերում հայերի թիվը կազմում էր զինվորների ընդհանուր թվի 4%-ը, որոնց չուրջ 60%-ը նետված էր կոլի դաշտ:

Եվ այսպես՝ ճակատագրի հեղանակով թուրքական բանակի շարքերում գտնվող հայերը կոլում էին նաև դաշնակից բանակների կազմում գտնվող հայերի դեմ: Նրանք դեմ հանդիման գնդակներ էին արձակում միմյանց վրա՝ ակամայից դառնալով եղբայրասպաններ: Ով գիտե, թե մարտերի ընթացքում քանի հայ է զոհվել հայի գնդակից:

Հայերը և ընդհանրապես քրիստոնյաները ծառայում էին թուրքական բանակի տարբեր զորամասերում, բայց հատկապես հետևազորում (յայա): Եթե մարտերից առաջ թուրք զինվորները զբաղված էին զենքերը կարգի բերելով, հայ զինվորները կա-

---

<sup>1</sup> Տե՛ս «Բուլթանիա», № 9 (1055), 10 (23) նոյեմբերի 1912 թ.:

<sup>2</sup> Տե՛ս նույն տեղում:



տարում էին խրամատ փորողի (լաղըմջե) ծանր աշխատանքը, իսկ մարտից հետո՝ գերեզմանափորի (մեզարջը) պարտականությունը: Հակառակ պոլսահայ թերթերի պատկերացումների՝ ռազմաճակատում հայ զինվորների վիճակն անտանելի էր. նրանք ենթակա էին ազգայնամոլական խտրականությունն ու արհամարհանքի: Բալկանյան դաշնակիցների ամեն մի հաղթանակ նրանց վրա էր թափում իսլամ զինվորների նախատինքի ու հայհոյանքների տարափը, ավելին՝ հաճախ հնչում էին քրիստոնյա և առաջին հերթին հայ զինվորներին կոտորելու կոչեր:

Պատերազմի սկզբին թուրքերից շատերը մտավախություն ունեին, թե հայ զինվորները ռազմաճակատում չեն ցուցաբերի հայրենասիրական եռանդ և հարմար պահերին կանցնեն հակառակորդի կողմը, քանի որ դաստիարակված են թուրքերի նկատմամբ ատելություն ոգով, և ինչպես բոլոր հայերը, նրանք նույնպես երազում են կործանված տեսնել օսմանյան միասնական պետությունը և դրա փլատակների վրա ունենալ սեփականը:

Հայկական մամուլն այդպիսի մտավախությունը համարում էր անտեղի և վնասակար: «Ասիկա անարդար կարծիք մըն է»<sup>1</sup>, - գայրացած էր «Ժամանակ» թերթի հոգվածագիրը:

Դաշնակցության «Բուլթանիա» թերթը գրում էր. «Շնորհիվ իրենց թէ՛ հոգեկան, թէ՛ զինուորական ընդունակություններուն՝ հայերը ի վիճակի են մեծ չափերով նպաստելու օսմանեան կայսրության քաղաքակրթության եւ զինուորական ուժին: Հայերը՝ մանաւանդ այն պատճառով որ չունին իրենց սեփական պետություն մը, ռեւէ առանձին չահ չեն կրնար ունենալ անջատման ձգտելու օսմանեան պետությունէ: Բաւական է որ անոր մէջ ստեղծուին իրենց ազգին անարգել զարգացման համար հաւասարությունն ու արդարությունն վրայ հիմնուած պայմաններ»<sup>2</sup>:

Թուրքահայ շատ գործիչներ և մամուլի համարյա բոլոր օրգանները սին հույսեր էին փայփայում, որ եթե հայ զինվորները լավ կովեն և արժանանան թուրք զինվորական ու քաղաքացիա-

---

<sup>1</sup> «Ժամանակ», № 1267, 4 (17) նոյեմբերի 1912 թ.:

<sup>2</sup> «Բուլթանիա», № 10, 11 (24) նոյեմբերի 1912 թ.:

կան իշխանությունների գովեստներին, ապա դա արմատապես դեպի գրականը կփոխի հայությունն նկատմամբ նրանց վերաբերմունքը:

Կ. Պոլսի հայ ազգային իշխանությունների ու մամուլի կարծիքով թուրքահայությունը օգի ու ջրի պես պետք էր ռազմաճակատում հայ զինվորների քաջությունը: Նրանք շարունակում էին հայ հասարակությունը համոզել, թե ռազմաճակատներում հայորդի զինվորները պարտավոր են թուրքական իշխանություններին ցույց տալ, թե իրենք որքան նվիրված են օսմանյան հայրենիքին, այսինքն՝ նրանք կյանքի գնով պարտավոր են ապահովել թիկունքում գտնվող հարազատների անվտանգությունը: «Ռ՞վ գիտէ որքան նահատակներ իրենց կեանքը զոհած են այն հայրենիքին համար, որ իրենց ազգակիցները երջանիկ ապրելու յոյս ունին միշտ», - գրում էր «Աւետաբերը» և շարունակում, թե ռազմաճակատներում հայ զինվորների կոփվը և օսմանյան հայրենիքի համար զոհվելը կբարձրացնեն հայության արժեքը թուրքական կառավարության և թուրք հասարակության աչքում: «Հայ ազգը թող իր բոլոր միջոցներով մշակե իր զինուորական կարողությունները ընդհանուր հայրենիքի պաշտպանություն համար... Երբ մենք ամէն բան մոռնալով միմիայն ընդհանուր հայրենիքի պաշտպանություն կը նուիրուինք, կարծեմ թէ մեր այս ծառայությունն ալ չեչտելու եւ անոր համաձայն մեր վիճակին բարւոքում պահանջելու իրաւունք կունենանք»<sup>1</sup>:

«Աւետաբերը» գրում էր. «Օսմ[անեան] կայսրութեան դէմ մղուած ներկայ պատերազմին հայերուս մասնակցութիւնն ամէնէն փայլուն ապացոյցներէն մէկն է պաշտպանելու համար այն սկզբունքը թէ հայերը ո՛րչափ անկեղծութեամբ եւ իրենց տրամադրելի բոլոր ոյժերով այս կայսրութեան սերտիւ կապուած են: Իրաւ է թէ բոլոր եղբայրներուն ցուցադրած զինուորական ընդունակութիւնները այնքան գնահատուած են, որ մենք ալ անոնցմէ պէտք չէ ետ մնանք»<sup>2</sup>:

---

<sup>31</sup> «Աւետաբեր», № 45, 9 նոյեմբերի 1912 թ.:

<sup>31</sup> Նույն տեղում:

Եվ որպես ընդօրինակման արժանի՝ Հայ մամուլը մատնացույց էր անում Հայաստանի Հայերին պատուհասող քրդերին: Սրանց համար բալկանյան պատերազմը լավ առիթ էր մեկ անգամ ևս ցույց տալու իրենց ջերմեռանդ նվիրվածությունը մահմեդականությունը, նրա առաջնորդ սուլթան-խալիֆին, իրենց հավատարմությունը թուրքական իշխանություններին: Օսմանյան պառլամենտի սենատի անդամ, քրդական Հայտնի չեյխ Աբդուլ Գատերը իր ազգակիցներին դիմում էր հետևյալ խոսքերով. «Հայրենիքը վտանգի տակ է, կրոնքի թշնամին մոտեցել է: Նրա նպատակն է խալիֆայության աթոռին վերջին հարուածը տալ: Համոզուած եմ, որ քիւրտերը, որոնց սիրտերը Հայրենասիրութեամբ կը վառին, որոնց քաջութիւնը հանուր աշխարհի ծանոթ է եւ որոնք կրօնքի համար պատրաստ են զոհուիլ, պիտի փութան իրենց հայրենակիցներուն հետ իբր մէկ մարդ, սահմանազուլս վազելու»<sup>1</sup>:

Բայց միշտ չէ, որ օսմանյան բանակի հրամանատարները զոհ էին լինում իրենց կրոնակիցներից: Թուրքական մամուլի շատ հրապարակումներից երևում էր, որ ռազմաճակատում քրդերն իրենց այնպես խրոխտ չեն պահում, ինչպես Հայաստանի նահանգներում:

Ռազմաճակատի բոլոր հատվածներում Հայ զինվորները օրինակելի կատարում էին օսմանյան քաղաքացու իրենց զինվորական պարտքը, ցույց էին տալիս խիզախություն բազում օրինակներ: Ամեն օր նրանցից շատերը քաջի մահով ընկնում էին հանուն Թուրքիայի, որը շարունակում էր տանջարան մնալ իրենց ազգի համար:

«Բիւզանդիոնի» խմբագիր Բյուզանդ Քեչեյանը թերթի № 5018-ում տպագրած ընդարձակ հոդվածում ցույց էր տալիս պատերազմում թուրքական բանակի Հայ զինվորների անկողում մարտական ոգին, անձնազոհությունը հանուն օսմանյան Հայրենիքի:

Կռիվների ընթացքում թուրք հրամանատարները կրկին տե-

---

<sup>1</sup> «Ժամանակ», № 1343, 19 հունվարի (1 փետրվարի) 1913 թ.:

սան ու համոզվեցին, թե ինչպիսի քաջ զինվորներ են հայերը, քանզի նրանք ցույց տվեցին, որ զենք գործածելու իրենց հմտությունները, խիզախությունները ու անձնագոհությունները ոչ միայն չէին զիջում թուրք զինվորներին, այլև մեծապես գերազանցում էին նրանց: Հօդս ցնդեց թուրքերի այն կարծիքը, թե հայերը՝ «արևելքի այդ հրեաները», անընդունակ են մեծ կոիվներում իրենց որպես լիարժեք զինվոր դրսևորելու:

Պատերազմի ռազմաճակատներում թուրքական բանակի քրիստոնյա և առանձնապես հայ զինվորների քաջագործությունների մասին իր ընթերցողներին պարբերաբար տեղեկացնում էր **Թուրքահայ մամուլը**:

4. Պոլսի հայկական թերթերն օրեցօր տպագրում էին հեռագրական գործակալությունների հայթայթած լուրերը, թուրքական, եվրոպական և ռուսական մամուլի արժեքավոր հրատարակումները: «Ազատամարտը» պարբերաբար լույս էր ընծայում նաև ռազմաճակատում գտնվող իր սեփական թղթակիցների\* հաղորդումները: Իսկ Բուլղարիայում և Սերբիայում հավատարմագրված էին կովկասահայ «Մշակ», «Հորիզոն», «Կովկասի լրագրեր» թերթերի թղթակիցները: Բազմաթիվ հայ հասարակական-քաղաքական գործիչներ ռազմաճակատներից ստացված լուրերի հիման վրա օրեցօր հանդես էին գալիս մեկնաբանություններով: Կովկասում, օրինակ՝ հատկապես աչքի էր ընկնում Նիկոլ Աղբալյանը, որը պարբերաբար տպագրում էր փաստարկված ու տրամաբանված հոդվածներ, որոնք մեծ հետաքրքրություն էին առաջացնում ընթերցողների մեջ: 1912 թ. հոկտեմբերի կեսերից սկսած «Հորիզոն» թերթում «Թուրքիան և հայերը» խորագիրը կրող հոդվածաշարով նա համակողմա-

---

\* Պատերազմի առաջին շաբաթներին Պոլսի թերթերից ոչ մեկը իրավունք չէր ստացել ռազմադաշտում թղթակից ունենալու: «Ազատամարտը» առաջինն էր, որ կարողացել էր բացառիկ արտոնություններով թղթակից ունենալ ռազմաճակատում՝ հանձին թերթի աշխատակից Հակոբ Սիրունու (Տե՛ս «Հայրենիք», № 12, հոկտեմբեր, 1924, էջ 123): Որոշ ժամանակ անց կառավարությունը թույլտվություններ տվեց «Ազատամարտը» Բալկաններում ունեցավ երկրորդ թղթակիցը՝ հանձին Մ. Փափազյանի:

նիորեն քննում էր սկսված պատերազմի հնարավոր հետևանքները թուրքահայության կյանքի վրա, հայերի ու քրդերի նկատմամբ թուրքական կառավարության ընտրողական մոտեցումները, առաջիկայում թուրքերից ու քրդերից սպասվող հակահայկական գործողությունների հետևանքները:

«Ազատամարտի» թղթակիցներից մեկը հանդիպել էր պատերազմի դաշտից Կ. Պոլիս վերադարձած վիրավոր թուրք սպաների հետ և նրանց չըջանում հարցապնդումներ անցկացրել՝ պարզելու համար, թե ուղղամտակալաբար իրենց ինչպես են դրսևորում օսմանյան բանակի քրիստոնյա զինվորները: Համարյա բոլորի պատասխանը մեկն էր եղել. կոպի ընթացքում նրանք ընդհանուր առմամբ ցուցաբերում են անձնավիրություն և պարտաճանաչություն: Սպաներից մեկը հիացմունքով էր խոսել թուրքական զորամասերից մեկի Յուվան անունով բուլղար զինվորի մասին, որը «օսմանեան անթերի հայրենասիրութեամբ» կոչում էր թուրք-բուլղարական ճակատում: Նա պատմում էր, որ այս բուլղար զինվորը հրաման էր ստացել զինամթերքով լի սնդուկները հասցնել կրակի գիծ: Գնդակների տարափի տակ նա կատարել էր առաջադրանքը: Երբ նա արդեն ուժասպառ էր եղել, վերջին սնդուկը թոկերով կապելով մարմնին՝ սողալով քարչ էր տվել կրակի գիծ: Մի ուրիշ թուրք սպա հայտարարել էր, որ իր հրամանի տակ գտնվող բոլոր հույն զինվորները կոպել են արիաբար, չատերն էլ ընկել են քաջի մահով: Ուրիշ սպաներ ուղղամտակալաբար թուրքական բանակի հույն և բուլղար զինվորներին անդրադառնալիս ասել էին, որ, այնուամենայնիվ, նրանց թվում քիչ չեն նաև դասալիքները<sup>1</sup>:

Իսկ թուրքական բանակի հայ զինվորները: «Նրանք բանակի քրիստոնյա զինվորներից ամենաքաջերն են, ամենապարտաճանաչները», – ասել էին թուրք հրամանատարները: «Նրանց բոլորի մասին կը խոսին մեծ գովեստով և զմայլանքով»<sup>2</sup>, – գրում էր «Ազատամարտը»:

<sup>1</sup> Տե՛ս «Ազատամարտ», № 1039, 25 հոկտեմբերի (7 նոյեմբերի) 1912 թ.:

<sup>2</sup> Նույն տեղում, № 1039, 25 հոկտեմբերի (7 նոյեմբերի) 1912 թ.:

Ով ճակատագրի հեգնանք: Հայր ստիպված էր իրեն հոշոտող թուրքերի շարքերում կռվել ազատարարների դեմ, որպեսզի հետո արդեն գլուխը աղերսեր և ազատություն մուրար նույն բռնադատողներից:

Իրենց քաղաքացիական պարտքն անթերի էին կատարում նաև թիկունքի հայ զինապարտները:

Երամյանը վկայում է, որ թիկունքում գտնվող օսմանյան բանակի հրամանատարներից ոմանք նույնպես երբեմն-երբեմն գովեստի խոսքեր էին հնչեցնում ռազմաճակատ գնալու իրենց հերթին սպասող հայ զինակոչիկների հասցեին: Նա գրում էր. «Ես իմ ականջներովս լսեցի անկեղծ գովեստներ Վանի զինուորական հրամանատար ճապիր փաշայի բերնեն..., որը մեր դպրոցի հիւրասրահին մէջ տեսնելով տասնեակ մը հայ զինուորներ, ոմանք տասնապետ եւ յիսնապետ, հրապարակաւ եւ ի ներկայութեան այլ հիւրերու եւ իրեն ընկերացող թուրք սպայից, յիշեց հայ զինուորներու հաւատարիմ ծառայութիւնները, քաջութիւնները եւ մասնաւորապէս թնդանօթաձիգներու ճարտար նշանառութիւնները՝ ամիս մը առաջ տեղի ունեցած մէկ ռազմափորձին մէջ՝ ի ներկայութեան Երզնկայի Գ. գօրաբաժնի գերագոյն հրամանատար՝ թաթար Օսման փաշայի»<sup>1</sup>:

Հայ զինվորների սխրանքների մասին բազմիցս անդրադարձ է եղել թուրքական մամուլում:

Լոնդոնում Թուրքիայի դեսպան Իսմայիլ հաջի բեյի որդին, գերմանական «Օսմանիչեր Լյոյդ»-ում անդրադառնալով հույների կողմից Յանինայի (Յանյա) պաշարմանը, գրում էր, որ ի հակադրություն թուրքական զորքերի շարքերում գտնվող ալբան ջոկատների վախկոտություն՝ հայերը այդտեղ դրսևորեցին քաջություն ու հաղթելու մեծ կամք: «Յանինայի համար կռվում,- չեչտում էր նա,- օսմանյան զնդերում մի քանի հարյուր հայեր կային, որոնք կռվում էին անվահերաբար: Պահակ կանգնած մի հայ զինվոր սպայի առաջ ողջույն տալիս հոգնածու-

---

<sup>1</sup> Համբարձում Երամեան, Յուշարձան Վան-Վասպուրականի, Բ հատ., էջ 154:

Թյունից երերաց, հենվեց հրացանին և հառաչեց: Թեև ծնկները դողացին, բայց նա ոգի ի բռին իրեն կանգուն պահեց: «Ձե՞ս կարող ավելի ուղիղ կանգնել», – հարցրեց սպան: «Ուժերս ինձ դավաճանել են, – եղավ պատասխանը: – Բայց փույթ չէ: Ես գետին փռվելով թող կործանվեմ, միայն թե կանգուն մնա մեր տերությունը»: Մի ուրիշ հայ զինվոր, արդեն չորս տարի ծառայած, ինձ ասաց, որ էլի չորս տարի կուզենար ծառայել, միայն թե տերության թուրը միշտ սուր և կտրուկ մնար: Պահեստի մի հայ սպա՝ Օհանես էֆենդին, որը մինչ այդ երկու անգամ կռվում վիրավորվել էր, մարտի ժամանակ ալբան ռեզիֆներին զայրացած ասել էր. «Տեսեք, ես մի հայ եմ և այստեղ եմ եկել հեռվից, որպեսզի պաշտպանեմ ձեր երկիրը, իսկ դուք վախկոտաբար փախչում եք»: Ապա մարտի էր նետվել՝ գոչելով. «Դե՛հ առաջ: Կեցցե՛ օսմանյան տերությունը»: Ընկածների ցանկում կային բազմաթիվ հայ անուններ, դրանց թվում նաև Օհանես էֆենդու անունը: Հայերն իրենց փառքով պսակեցին Յանինայի կռիվներում: Մենք այդ քաջերին չպետք է մոռանանք: Այդ չարաբաստիկ կռիվների պատմության մի քանի պատվավոր էջը նրանց է պատկանում: Իրենց մահմեդական զինեղբայրներից արիության ու տոկունության տեսակետից նրանք հետ չմնացին: Նրանց հետ իրենք էլ սով ու տառապանք կրեցին և նրանց տանջանքին եղան մասնակից: Հայ ազգին վայել է ամենամեծ պատիվը»<sup>1</sup>:

Հունական զորքերի դեմ Յանինայի պաշտպանության կռիվներում իր քաջությամբ ամբողջ ռազմաճակատում հայտնի դարձավ մի ուրիշ հայ սպա՝ էսկիչեհիրցի Տիգրան էֆենդին, որը ալբաններից կազմված մի գումարտակի հրամանատարն էր<sup>2</sup>: Անձնական քաջությամբ նա զարմացրել էր իրեն ենթակա զինվորներին:

Այս ճակատում իրենց անձնագոհությունամբ առանձնապես աչքի էին ընկել հայ թնդանոթաձիգները<sup>3</sup>:

<sup>1</sup> «Օսմանիչեր Լոդը»-ում լույս տեսած այդ հոդվածի հայերին վերաբերվող մասի թարգմանությունը տե՛ս «Մշակ» № 198, 20 հուլիսի 1912 թ.:

<sup>2</sup> Տե՛ս Արամ Անտոնեան, նշված աշխ., էջ 891:

<sup>3</sup> Նույն տեղում, էջ 892:

Մի ուրիշ հայտնի թուրք գործիչ՝ Համդուլլահ Սուբհի բեյը, «Իկդամ» թերթում գրում էր, որ ռազմաճակատում «մեր բանակի հայ զինուորներն ամենամեծ դիւցազնութեամբ կը կռուեն...»<sup>1</sup>:

Նույն «Իկդամ» թերթում թուրք հեղինակներից մի ուրիշը նշում էր. «Այսօր հայոց իբրեւ զինուոր ցոյց տուած դիւցազնութիւնը եւ պատերազմելու եռանդը, իբրեւ դարերէ ի վեր հաւաքուած ոյժ մը, որ չէ սպառած, լաւագոյն արդիւնքներ կուտայ՝ գործածուելով ի նպաստ»<sup>2</sup>:

Թուրքական մամուլի առանձին օրգաններ տպագրում, իսկ հայկական թերթերն արտատպում էին հայ զինվորների մարտական սխրանքների մասին հաղորդումներ: Օրինակ՝ «Ժամանակում» կարդում ենք, որ երբ թուրք զորավար Մահմուդ Մուխտար փաշան կռիւի ընթացքում ծանր վերք էր ստացել և ձիուց վար ընկել, առաջինն անմիջապէս վրա էր հասել Հակոբ անունով մի հայ զինվոր և վիրավորին շալակն առած՝ տարել էր 500 մետր և ապահով մի վայրում կապել նրա բաց վերքը<sup>3</sup>:

Մակեդոնացիների և բուլղարների կողմից գերի վերցված թուրքական բանակի երկու հայ զինվորների՝ Գասպար Կավինճյանի և Գրիգոր Դավթյանի մարտական սխրանքների և ողիսականի մասին ընդարձակ ներկայացրել էր «Դեյլի Տելեգրաֆի» շրջիկ թղթակից Մ. Ա. Պոմոնը<sup>4</sup>:

Արշակ Չոպանյանի արխիվում պահպանվում է մի թուրք սպայի «Հայն անպարտելի է» վերտառությամբ անտիպ հոդվածը, ուր նա տեսակետներ էր հայտնում հայ ժողովրդի մասին: Սպան գրում էր, որ հայ մարդն անընկճելի է, նրա պայքարող ոգին՝ անկոտրում: Իր միտքը հաստատելու համար նա բերում էր մի շարք օրինակներ բալկանյան պատերազմից<sup>5</sup>:

---

<sup>1</sup> Թարգմանութիւնը տե՛ս «Ժամանակ», № 1298, 5 (18) դեկտեմբերի 1912 թ.:

<sup>2</sup> Նույն տեղում:

<sup>3</sup> Տե՛ս «Ժամանակ», № 1278, 15 (28) նոյեմբերի 1912 թ.:

<sup>4</sup> Տե՛ս նույն տեղում, № 1266, 3 (16) նոյեմբերի 1912 թ.:

<sup>5</sup> Տե՛ս ԳԱԹ, Արշակ Չոպանյանի ֆոնդ, թղթ. 550, բաժին X, թ. 8:



Կ. Պոլսի «Բիւզանդիոն» թերթը տեղեկացնում էր, որ Մեզիրեում տեղի ունեցած հրապարակային մի բանախոսության ժամանակ Իթթիլաֆի նշանավոր գործիչներից Մեհմեդ Ալի բեյը ուշադրավ ճառ էր արտասանել, որի ընթացքում գովաբանական խոսքեր էր հնչեցրել հայության հասցեին: Նշված թերթը թարգմանաբար մեջբերել էր այդ ճառից հատվածներ:

Դիմելով ներկաներին՝ Մեհմեդ Ալի բեյն ասել էր. «Օսմանցիներ, հայրենիքը ճգնաժամի մէջէն կ'անցնի, պատերազմը կը շարունակուի: Սուրին բախտը չժպտեցաւ մեզի: Մեր արհամարհած թշնամիները, մեր անհոգութենէն օգտուելով, մեր քաղաքները իրարու ետեւէ գրաւեցին եւ մայրաքաղաքին կ'սպառնան...: Բոլոր այս չարիքը մեր անխոհեմ ընթացքէն եւ ցեղային անհամերաշխութենէն առաջ եկան: Մենք չյարգեցինք տարբեր ցեղերու իրավունքներն ու օրինաւոր պահանջները»: Այնուհետեւ ճառախոսն ասում է, որ այսօր գրույցներ են շրջում, թե թուրք հասարակութիւնը պատրաստվում է հայ ցեղը ջարդելու ու թալանի մատնելու: Դա համարելով խելագար մտքերի արդյունք՝ նա շեշտում էր, որ այդպիսի մարդիկ կարող են երկիրն առաջնորդել դեպի լիակատար կործանում<sup>1</sup>:

Հայերին համարելով օսմանյան երկրի ճշմարիտ հայրենասերներ՝ բանախոսը շեշտել էր, որ նրանք տառապած ժողովրդի զավակներ են: Չնայած դրան, չնայած կրած մեծ անարդարութիւններին, «հակառակ մեր ապերախտ վարվելակերպին»՝ նրանք միշտ եղել են իրենց անձնուրաց հայրենակիցները:

«Իրենց զինուորները օրինակելի անձնաւորութիւն մը եւ քաջութիւն ցոյց տուին բանակին մէջ: Պատերազմի ամէնէն կատաղի կռիւներուն մէջ անոնք չընկրկեցան, ոչ ալ նահանջեցին, այլ արիարար դիմադրեցին թշնամիին եւ իրենց կուրծքէն վիրաւորուած ինկան: Հայրս եւ եղբայրներս պատերազմի դաշտէն գովեստներ կ'գրեն միշտ հայերու մասին այս անօրինակ քաջութեան համար: Մենք կոյր պէտք է ըլլանք չտեսնելու ասոնք, եւ չզնահատելու անոնց մատուցած ծառայութիւնները: Երէկ մու-

<sup>1</sup> Տե՛ս «Բիւզանդիոն», № 4945, 16 (29) հունվարի 1913 թ.:

նետիկը **Կարմիր մահիկի** նպաստի համար կոչ մը կ'ուղղէր հասարակութեան, որպէս զի հագուստեղէններու, վիրակապերու նուէրներով եւ դրամական նպաստներով օժանդակենք կատարուելիք հանգանակութեան: Մեր հարուստները, մեր պեյերը խուլ ու անկարեկիր մնացին այդ կոչին: Առաջին նուէրը որ այս առտու կուսակալին յանձնուած էր՝ **Հայ ծեր կնոջ մը կողմէ էր**. ան էր որ ծրար մը հագուստեղէն եւ ոսկի մը նուէր տալով ըսած էր, **Փաշա հաճեցէք դրկել այս չնչին նուէրը մեր վիրաւոր զաւակներուն եւ հայրենակիցներուն: Փոքր նուէր մը այո՛, բայց այս ազնուասիրտ նուէրը ամբողջ ցեղին զգացումներուն արտայայտութիւնն էր: Այս ցոյց կուտար մեր կորուստներուն համար մեզի հետ վշտակցող ազնիւ հայ հոգիներ... մենք պէտք է երախտապարտ ըլլանք հայոց, որոնք իրենց դրամով, կեանքով եւ զգացումներով Օսմանցիութիւնը ցուցնելու մէջ չեն թերանար...»<sup>1</sup>:**

Թուրքական մամուլի առանձին օրգաններ բարձր էին գնահատում նաև ռազմական գործողութիւնների վայրերում ապրող հայերի կեցվածքը, որոնք չէին օգտագործում թուրքերի անհաջողութիւնները՝ բանակի թիկունքում իրականացնելու խափանարարական աշխատանքներ: Ռազմաճակատում կովող հայ զինվորների նման հայ քաղաքացի ազգաբնակչութիւնը նույնպես բարեխղճորեն կատարում էր օսմանահպատակի իր պարտականութիւնները:

Օրինակ՝ «Աւետաբեր» թերթը տպագրել էր ռազմական մի հաղորդագրութիւն, ուր ասված էր, որ երբ բուլղարական զորքը հարձակում էր սկսել Կըրխ-Քիլիսե քաղաքի վրա, և բնակչութիւնը խուճապով հեռանում էր, տեղի հեռագրատան պաշտոնյան, իր կոչմանը հավատարիմ, քաղաքից հեռացավ վերջինը, երբ արդեն հեռագրաթելերը կտրվել էին: Հաղորդագրութիւն մեջ ասված էր, որ «կարելի է հարյուրավոր այդպիսի օրինակներ բերել հայ պարզ պաշտօնեաներու կեանքէն, որոնք հերոսաբար իրենց պարտականութիւնը կատարած են»<sup>2</sup>:

<sup>1</sup> «Բիւզանդիոն», № 4945, 16 (29) հունվարի 1913 թ.:

<sup>2</sup> Տե՛ս «Կովկասի լրագրեր», 7 նոյեմբերի 1912 թ.:

Թուրքական մամուլից «Ազատամարտում» թարգմանաբար արտատպված Հոդվածներից մեկում ասված էր, որ բուլղարների կողմից գերի վերցված 70 հայ զինվորները, որոնք բանտարկված էին Ստարա-Ջազորայում, բացահայտորեն ասել էին, որ իրենք կովել են ուժերի գերագույն լարումով: «Կը ցաւինք որ չկրցանք աւելի երկար դիմադրել պուլկար բանակին»<sup>1</sup>, - հայտարարել էին նրանք: «Ազատամարտը» տպագրել էր այդ բոլոր հայ գերիների անուն-ազգանունները, ինչպես նաև ծննդավայրը, որպեսզի նրանց «մտատանջ և յուսակտոր ծնողները ոգի առնեն»<sup>2</sup>:

Մի ուրիշ առիթով Թուրքական մամուլը վկայում էր, որ օսմանյան բանակի մեծ թվով քրիստոնյա զինվորներ զանգվածաբար լքում են դիրքերը և գերի հանձնվում հակառակորդին, բայց նրանց թվում չկան հայ զինվորներ<sup>3</sup>:

Հայ զինվորների անձնագոհ պահվածքն արժանացավ Թուրքական բարձր հրամանատարությունների: Նրանց մասին մեծ գովասանքով էր արտահայտվել նաև զինվորական նախարար Նազըմ փաշան: Արշարունի պատրիարքը դիմել էր նրան և շնորհակալություն հայտնել հայ զինվորներին տված բարձր գնահատականի համար<sup>4</sup>:

Ինչպես հաղորդում էր «Բիւզանդիոն» թերթը, Մեղիրե քաղաքի գլխավոր շենքի՝ նամակատան դիմահայաց պատին փակցվել էր օսմանյան բանակի հրամանատար Նազըմ փաշայի ծանուցագիրը, ուր գովեստի խոսքեր էին ասված հայ զինվորների մասին: Նշված էր, որ նրանք կովում են անկեղծորեն, քաջաբար ու անձնվիրաբար: Երբ Թուրքերը կարդում էին ծանուցագիրը, «Կեցցե՛ք, կեցցե՛ք» էին ասում հայերի հասցեին և նրա բովանդակության մասին պատմում ուրիշ Թուրքերի: «Հիմա Մեղիրեի մեջ հայեր դրամ կ'հավաքեն՝ մեկնելու պատրաստ զինուորներուն համար հագուստ գնելու որ ճամբուն ցուրտէն

---

<sup>1</sup> «Ազատամարտ», № 1042, 28 հոկտեմբերի (10 նոյեմբերի) 1912 թ.:

<sup>2</sup> Նույն տեղում:

<sup>3</sup> Նույն տեղում, № 1039, 25 հոկտեմբերի (7 նոյեմբերի) 1912 թ.:

<sup>4</sup> «Աւետարներ», № 48, 30 նոյեմբերի 1912 թ.:

չմբսին», - ավելացնում էր «Բիւզանդիոնը»<sup>1</sup>:

Օսկան Հալաճյանի այն գրավոր հարցմանը, թե ուղղափառ կատում ինչպե՞ս են կոչում հայ զինվորները, Նազըմ փաշան պարծանքով պատասխանել էր, թե նրանք իրենց զինվորական և հայրենասիրական պարտականությունը կատարում են կատարյալ հավատարմությամբ և հնազանդությունով<sup>2</sup>:

«Ժեոն թուրք» թերթը հոկտեմբերի 20-ին (նոյեմբերի 2-ին) հրատարակել էր Ռազմական նախարարության հետևյալ նամակը՝ ուղղված «Ազատամարտի» խմբագրությանը. «Թուրքերը հպարտ կրնան ըլլալ հայ եղբայրներուն համար, որոնք կը գտնուին պատերազմի դաշտին վրայ: Ամենքը, առանց բացառությունեան, թշնամիին վրայ կը յարձակին առանց ընկրկելու, և կը կռուին առյուծի պես»<sup>3</sup>:

Հայ զինվորների հասցեին դրվատանքի խոսքեր էին ասվում նաև Օսմանյան խորհրդարանում: Այնտեղ ունեցած ելույթում թուրք պատգամավորներից մեկը ուղղափառ կատում հայ զինվորների պահվածքի մասին ասել էր, թե նրանք կրկին ցույց տվեցին, որ անվերապահ նվիրված են օսմանյան հայրենիքին: «Երբ մեր զինուորներու յաջորդական պարտությունը լսեցինք, - ասել էր նա, - բնականաբար մեր անյաջողությունեանց պատճառները գտնելու հետամուտ եղանք: Եւ որովհետեւ զրոյց կը չըլեր թէ մեր պարտությունեան պատճառը բանակին մէջ քրիստոնեայ զինուորներու ներկայութիւնն է, մանրագնին քննութիւն մը բացինք այս մասին: Մեր կատարած քննութենէն սա եզրակացութեան յանգեցանք թէ «նիզամիէ»ի, այսինքն գործոն բանակին զինուորները լաւ կռուած են: Բէտիֆներն են որ տեղի տուած են: Արդ, ոչ-իսլամ զինուորները նիզամիէ գունդերու մէջ միայն կը գտնուէին: Միւս կողմէ, գիտենք, որ ոչ-իսլամ զինուորներուն մէջ գտնուեցան այնպիսիներ, որոնք փառաւոր կերպով կատարեցին իրենց պարտքը, ասոնց կարգէն են ի մէջ այլոց հա-

---

<sup>1</sup> «Բիւզանդիոն», № 4945, 16 (29) հունվարի 1913 թ.:

<sup>2</sup> «Աւետարան», № 45, 9 նոյեմբերի 1912 թ.:

<sup>3</sup> Նույն տեղում:

յերը եւ հրեաները: Ուրեմն կրնանք ըսել որ բանակին մէջ քրիստոնեաներու ներկայութիւնը ոեւէ կապ չունի մեր պարտութիւններուն հետ... «Այս խօսքերը կարծեմ կը բաւեն Մ. Ժան Ռօտի ըսածները հերքելու համար»<sup>1</sup>, - գրում էր «Ժամանակը»:

Պատերազմի առաջին իսկ օրերից գորահավաքի ենթարկված կայսրութեան մեջ մեծ համարում ունեցող հայ բժիշկները, որոնցից շատ-շատերը կրթութիւն էին ստացել եվրոպական համալսարաններում, մեծ պատասխանատվութեամբ էին կատարում իրենց գործը: Նրանց մեծ մասն ուղարկվել էր ռազմաճակատի առաջին գծեր՝ վիրավորներին տեղում առաջին օգնութիւնը ցույց տալու համար: Օրինակ՝ զինվորական գնացքով առաջիններից մեկը բանակատեղի մեկնեցին զոկտ. Անիկտոս Չոպանյանը, Երվանդ Մ. Սվաճյանը, Հովհաննես Աշըքյանը և անմիջապէս ձեռնարկեցին վիրաբուժական գործողութիւններ հենց խրամատներում: Այդ մասին զրկատանքի խօսքեր էին լսվել օսմանյան խորհրդարանի նիստերից մեկում<sup>2</sup>:

Պատերազմի ընթացքում թուրքական բանակի հայ զինվորները և ռազմական գործողութիւնների վայրերի հայ բնակիչներն իրենց քայլերում չափազանց զգուշավոր էին, որպէսզի մահմեդական զինվորներին առիթ չտան հերթական անգամ իրենց ստորացնելու կամ վտանգելու կյանքը: Բայց ռազմաճակատում հայ զինվորների հերոսական պահվածքը նրանց չէր փրկում հերթական զրպարտութիւններից, ստորացումներից և հալածանքներից: Որքան էլ անձնագոհութեամբ կռվեր հայ զինվորը, միևնույն է, նա համարվում էր անարգ էութիւն, որն ամեն ընդամենը պատրաստ է դավաճանութեան: Թուրք հրամանատարների ու զինվորների մեջ սկսել էին չորջանառովել լուրեր այն մասին, թե հայերի հոգևոր առաջնորդը, նրանց ղեկավարները Ռուսաստանի առջև բարձրացրել են օսմանյան հայրենիքից նրա արևելյան նահանգներն անջատելու և այնտեղ հայկական ան-

---

<sup>1</sup> «Ժամանակ», № 1267, 4 (17) նոյեմբերի 1912 թ.:

<sup>2</sup> Նույն տեղում:

կախ պետութիւնն ստեղծելու հարցը: Թուրքերից ոչ ոք չէր ուզում ստուգել այդ լուրերը, բայց հայ զինվորների շուրջ գնալով խտանում էր ատելութեան մթնոլորտը:

Հայերի հանդեպ թուրքերի ատելութեան բորբոքմանը նպաստում էին եվրոպական թուրքամոլ շրջանակները:

Իր հակահայ գործողութեամբ վաղուց հայտնի ֆրանսիացի բանաստեղծ Պիեռ Լոթին հողված էր գրել և Կըրլս-Քիլխսեի ու Լյուլե-Քուրգազի կոփմներում թուրքերի պարտութեան բուն պատճառը համարել էր օսմանյան բանակի քրիստոնյա զինվորներին: Հողվածում նա մեկը մյուսից լպիրշ վիրավորանքներ էր հասցրել հատկապես հայ զինվորներին՝ նրանց համեմատելով նապաստակների հետ, այսպես էր տարբեր ժամանակների և տարբեր վայրերի հայ հերոսներին, այդ թվում իր կյանքը պարսիկ ժողովրդի ազատութեանն ու առաջադիմութեանը զոհաբերած Եփրեմ խանին:

Մերժելով ֆրանսիացի բանաստեղծի զրպարտութիւնները՝ Կ. Պոլսի հայկական մամուլը ցույց էր տալիս, որ Կըրլս-Քիլխսեի և Լյուլե-Քուրգազի կոփմներում թուրքական զորքերի պարտութեան պատճառները բնավ հայերը և մյուս քրիստոնյաները չեն եղել, երկրորդ՝ թուրք սպանների միահամուռ վկայութեան համաձայն՝ հայերը լավագույն ռազմիկներն են հանդիսացել ամբողջ պատերազմի ընթացքում:

«Աւետարները» նկատում էր, որ Պիեռ Լոթին հայերին նապաստակներ է համարում՝ նկատի առնելով 1909 թ. ապրիլյան աղետը Աղանայում, ուր «անոնք բացարձակապէս անզէն ըլլալով ոչխարի պէս մորթուեցան ...»<sup>1</sup>: Բայց եթե ֆրանսիացի բանաստեղծը ուսումնասիրած լիներ հայերի հին պատմութիւնը, «եթե ան ոուսաց պատմութեան վերջին դարու շրջանին եւ մանաւանդ կովկասեան պատերազմներու պատմութեան ծանօթ ըլլար երբեք այսքան ցնորամիտ ամբաստանութիւններ չէր գրեր ազգի մը մասին, որուն զինուորները դարերով պայքար մղած են Մոտաւոր Արեւելքի ամէնէն հզոր դրացի ազգերուն դէմ եւ

---

<sup>1</sup> «Աւետարներ», № 48, 30 նոյեմբերի 1912 թ.:

որուն զինուորական զաւակները ոռւս բանակին ամէնէն տա-  
ղանդաւոր հրամանատարները եղած են Կովկասի մէջ: Փիէր  
Լոթի իր հանգստաւէտ սենեակին մէջ նստած երբեք իրաւունք  
չունէր իր վառ երեւակայութեան ոյժ տալով անարգելու եփրեմ  
խանի պէս զօրավարի մը յիշատակը, որ պարսից ազատութեան  
համար իր կեանքը զոհեց եւ Պարսկաստանի ամէնէն տաղան-  
դաւոր հրամանատարը հանդիսացաւ՝ իր նեղութեան եւ տագ-  
նապի օրերուն: Անոր յաջորդը Քեռին նոյնպէս հայ մըն է եւ մեծ  
եռանդով կը շարունակէ Պարսկաստանի ազատագրութեան  
պայքարը»<sup>1</sup>:

Թուրքահայ մամուլի օրգանները հիշեցնում էին, որ օսման-  
յան բռնակալութեան լծից ազատվելու համար հայերը հարյուր-  
հազարավոր զոհեր են տվել, բայց նրանք ուրիշների պես երբեք  
ցանկություն չեն ունեցել օգտվելու կայսրութեան ձգնաժամային  
վիճակներից: «Աւետաբերը» այդ առնչությամբ գրում էր.  
«Միթէ չէի՞ն կրնար հայեր ալ իրենց ոյժերը վերապահելով եւ  
աւելի եւս զօրացնելով Թուրքիոյ այսպիսի ձգնաժամերէն օգ-  
տուելով: ... Արդեօք մեր մինչեւ այժմ հարիւր հազարներով  
տուած զոհերը եւ միւս կողմէն ալ մեր պատերազմին բոլոր հոգ-  
ւով ու մարմնով մասնակցութիւնը, ապացոյց չե՞ն Փիէր Լոթի-  
ներու համար թէ հայը այս կայսրութեան մէջ օսմանցիներու օս-  
մանցին է: Ո՞ր տարրը ըլլար հայոց տեղ, այսքան կոտորուելէն  
եւ ջարդուելէն եւ իր սեփական հայրենիքին մէջ ալ տնտեսապէս  
եւ նիւթապէս փճանալէն ետքը դեռ այսքան օրինակելի հայրե-  
նասիրութիւն, այսքան անձնուիրութիւն եւ հաւատարմութիւն  
կրնար ցուցնել պետութեան եւ պետական գաղափարին»<sup>2</sup>:

Կարծես ի պատասխան Պիեռ Լոթիի զրպարտութեան՝ Թուր-  
քական «Միլլի Մեշրուրիթ» ազգայնական կուսակցութեան օր-  
գան «Իֆհամ» թերթը, որը հաճախ էր անդրադառնում հայկա-  
կան գործերին, 1912 թ. նոյեմբերի 13 (26)-ին «Հայերը և նրանց  
կացութիւնը» խորագրով խմբագրականում գրում էր, թե

---

<sup>1</sup> «Աւետաբեր», № 48, 30 նոյեմբերի 1912 թ.:

<sup>2</sup> Նույն տեղում:

Բարկանյան պատերազմը Թուրքիայում ապրող քրիստոնյաների համար փորձաքար է, և նրանց մասին երկրում տարաձայնվում են ամենատարբեր տեսակետներ: Խմբագրականում նշվում էր, որ մասնավորաբար եվրոպական թերթերն են դիտումնավոր կերպով լուրեր տարածում, թե քրիստոնյաների մոտ մարած է հայրենասիրական եռանդը, որը իբր պատճառ է դարձել օսմանցիների պարտությունների: «Մեր քրիստոնյա հայրենակիցների հայրենասիրական զգացմունքների վրա տարակուսելը մեղք է,- գրում էր «Միլլի Մեշրութիեթը»: Թշնամիներն աշխատում են անջատողական որոմ ցանել, հատկապես փորձում են գրգռել Թուրքիայի «հայրենասեր ու եռանդուն» հայ ժողովրդին: Բայց «օսմանեան մամուլն այս հարցում խիստ չափաւոր ընթացքի մը հետեւեցաւ եւ այդ լուրերը չարտատպեց», «որպեսզի օսմանցիութեան չահերը քիչ – շատ վնասելիք ծանր կացութիւն մը առաջ չգայ: Բնաւ տարակոյս չկայ, որ մեր հայ հայրենակիցներուն մեջ հրապարակագիրներէն շատեր միշտ շրջահայեաց եւ խոհեմ ընթացքի մը կը հետեւին եւ Թուրքիոյ արտաքին քաղաքականութեան այսօրուան վիճակին հասնելուն համար ցաւ կ'զգան»<sup>1</sup>:

Պատերազմում հայ զինվորների «ղավաճանություն» մասին լուրերը թափանցում էին գավառներ:

1912 թ. հոկտեմբերի 31-ի թվով Կ. Պոլսից Լոզան հղած նամակում Ակնունին (Սաչատուր Մալումյան) Ավ. Ահարոնյանին գրում էր. «Պատերազմը վատ է գնում շատ թուրքերի համար, հետեւաբար միջամտությունը մօտիկ է եւ մեր անելիքը շտապողական: Ի նկատի ունեցէք:

Երկու օր առաջ քուրդերը այստեղ մտադիր են եղել հակաքրիստոնէական «ցոյց» անել՝ ոստիկանությունը այս անգամ սանձեց: Ի՞նչ պիտի լինի ներսը»<sup>2</sup> (նկատի ունենալով հայաստանը: - Ն. Ս.):

---

<sup>1</sup> Հոդվածի թարգմանությունը տե՛ս «Ժամանակ», № 1277, 14 (27) նոյեմբերի 1912 թ.:

<sup>2</sup> «Հայրենիք», № 1 (276), հունվար, 1949, էջ 16:



Իսկ «ններսում» առաջվա պես անտանելի էր հայերի դրու-  
թյունը: Թեև ռազմաճակատներում հայ զինվորը թուրքական  
բանակի շարքերում կռվում էր առանց կյանքը խնայելու, բայց  
այնտեղ՝ Հայաստանի գավառներում, շարունակում էին հալած-  
վել նրա հարազատները, չէին դադարում սպանությունները<sup>1</sup>:

Ռազմադաշտերում հայ զինվորների սխրանքները սովորա-  
բար ներբողող «Աւետաբերը» հիմա զայրույթով արձանագրում  
էր, որ տականքները սկսել են սրել իրենց ժանիքները: «Այն  
ատեն, երբ մեր զավակները պատերազմի դաշտին վրայ իրենց  
միւս եղբայրակիցներուն հետ արիւն կը թափեն մայր հայրենիքը  
պաշտպանելու համար եւ մյուս կողմէն ալ հայկական նահանգ-  
ներու մէջ ալ սովորական դարձած Հայահալած Հայաջինջ աւա-  
զակային բռնակալութիւնը կը շարունակուի, դեռ կը գտնուին  
անխիղճ մարդիկ, որոնք չեն դադրիր հայերը ստապատիր  
զրոյցներով մեղադրելէ...»<sup>2</sup>:

Կարինից «Ազատամարտին» գրում էին. «Պատերազմի չա-  
րագուշակ բախտը մեզի չժպտեցաւ, եւ ահա ամէն կողմէ մեր  
թուրք հայրենակիցները սկսան վատարանել բանակին մէջ հե-  
րոսաբար կռուող հայերը... «Քրիստոնեայ զինուորներն են մեր  
պարտութեան գլխաւոր պատճառները», այսպէս կը խօսին  
այժմ, մեր քաղաքին անկիւններուն մէջ մեր թուրք հայրենա-  
կիցներէն շատեր, թերեւս զրագէտ ու անզրագէտ անուաները.  
Իսկ ժողովուրդներու տականքը կազմող տարրերը ինչ որ  
խորհրդաւոր կացութիւն մը կը մատնեն...»<sup>3</sup>:

«Ազատամարտի» թղթակիցը հիշեցնում էր, որ պատերազ-  
մը սկսվելուց մի քանի օր հետո Բ. Դուռը հանդես էր եկել երկրի  
բնակչությանն ուղղված հատուկ կոչով, ուր նաև ասված է, որ  
յուրաքանչյուր օսմանյան քաղաքացի սառնասրտությունը  
պետք է ընդունի ստեղծված վիճակը և պատրաստ լինի հաղ-  
թահարելու բոլոր դժվարությունները: Բայց այդ կոչը չի ընկալ-

---

<sup>1</sup> Տե՛ս «Աւետաբեր», № 47, 23 նոյեմբերի 1912 թ.:

<sup>2</sup> Նույն տեղում, № 48, 30 նոյեմբերի 1912 թ.:

<sup>3</sup> «Ազատամարտ», № 1080, 20 դեկտեմբերի 1912 թ.:

վել քաղաքի թուրք բնակչության մեծ մասի կողմից: «Եւ մինչ-  
դեռ թուրք երեւելիներու խումբ մը շնորհաւորելու կուգայ հայ  
զինուորներու հերոսական քաջութիւնը,- նշում էր թղթակիցը,-  
անդին սրճարաններու անկիւնները և գիշերուան լուսթեան մէջ,  
կարգ մը մուժ ուժեր դիւային ծրագիրներ կ'որոճան...»<sup>1</sup>: Նրանք  
չէին հավատում, թե հայը կարող է նվիրված լինել օսմանյան  
երկրին:

«Հայերը ուրախ են մեր պարտությունները տեսնելով», -  
իրար փսփսում էին թուրքերը: «Հայի երեսին նայի՛ր, եթե ուրախ  
է, ուրեմն, մենք պարտված ենք, եթե տխուր է՝ հաղթական  
ենք»<sup>2</sup>, - ասում էին նրանք:

«Աւետարներ» թերթի աշխատակիցը վկա էր եղել, թե  
ինչպես մի խումբ թուրքեր ոխակալ հայացքներ էին նետում  
փողոցով անցնող հայերի վրա: Նրանցից մեկը բարձրաձայնել  
էր, թե որքան էլ սրանք երդվեն, թե իրենք օսմանյան զորքերի  
հաղթանակի ջատագովներն են, իրականում երազում են  
Թուրքիան տեսնել ջախջախված ու կործանված<sup>3</sup>:

Եվ դա այն դեպքում, երբ «գյավուր» հայ ժողովուրդն իր  
արյան տուրքն էր տալիս՝ ի պաշտպանություն օսմանյան երկրի,  
որում ինքը կրում էր անլուր տառապանքներ:

Եվ դա այն դեպքում, նկատում էր պարբերականը, որ ամեն  
օր ռազմաճակատում կյանքից զրկվում են տասնյակ հայորդի-  
ներ, իսկ Կ. Պոլսի հիվանդանոցներում ու հիվանդանոցների վե-  
րածված շինություններում հայ վիրավորների թիվն արդեն հա-  
զարներով է հաշվվում: Իրենց անորոշ ճակատագրին էին սպա-  
սում բազմաթիվ հայ գերիները:

Կ. Պոլսի հայկական մամուլը սպանված հայ զինվորների մա-  
սին հազվադեպ էր տեղեկություններ հաղորդում: Դրա հիմնա-  
կան պատճառն այն էր, որ արյունալի կռիվներից հետո սպան-  
վածների դիակները թաղում էին տեղում, քանի որ զրանք թի-

<sup>1</sup> «Ազատամարտ», № 1080, 20 դեկտեմբերի 1912 թ.:

<sup>2</sup> Գաբրիել Թազուրեան, Երազանքի և տառապանքի տարիներ (1908-  
1915), Գահիրէ, 1961, էջ 111, 112:

<sup>3</sup> Տե՛ս «Աւետարներ», № 46, 16 նոյեմբերի 1912 թ.:

կունք տեղափոխելը կապված էր մեծ դժվարությունների հետ: Բացի դրանից, այդ տեղափոխությունը կնպաստեր երկրում պարտվողական տրամադրությունների ուժեղացմանը: Սպանվածները սովորաբար ներկայացվում էին որպես անհայտ կորածներ:

4. Պոլսի հայկական մամուլում պարբերաբար տեղեկություններ էին երևում հայ գերիների, նրանց վիճակի, նրանց ազատելու հնարավորությունների մասին: Օրինակ՝ «Ժամանակ» թերթը նոյեմբերի 14-ին տեղեկացնում էր. «Այս պահուս Սօֆիա կը գտնուին հետեւեալ պոլսեցի հայ գերիները.- Արչակ Յովսէփ Յովսէփեան (Գումգաբու), Կարապետ Խաչիկեան (Կէտիկ-Փաշա), Գր. Դաւիթեան (Գանտրիլի), Արթին Ստեփանեան (Գումգաբու), Հայկ Մկրտիչեան (Ֆէրիտիէ), Յակոբ Նշանեան (Ֆէրիտիէ): Ուրիշ 20 գերիներ արալանպեկցի, պարտիզակցի, զմիւռնիացի և պրուսացի են: Հայ գաղութը կազմած է մասնաւոր յանձնախումբ մը՝ որ հայ գերիները խնամելու պարտականութիւնը ստանձնած է»<sup>1</sup>:

Թերթի մի ուրիշ հաղորդման մեջ կարդում ենք. «Սպանւն-ճաքցի հետեւեալ հայ զինուորներուն մասին տեղեկութիւն ունեցողներէն կը խնդրուի որ խմբագրութեանս լուր տան, յիշեալներուն ընտանիքները մտահոգութենէ ազատելու համար.- Սէլպի Աղասիեան, Ստեփան Աղասիեան, Յովսէփ Չաքրեան, Պողոս Ճանքեան»<sup>2</sup>:

Այսպիսի հայտարարություններ հայկական թերթերը տպագրում էին ամեն օր:

Ռազմաճակատում թե թիկունքում հայերի կողմից օսմանյան քաղաքացու պարտքի անթերի կատարումը նրանց նկատմամբ առաջ էր բերել բալկանյան դաշնակիցների, հատկապես Հունաստանի իշխանությունների որոշ շրջանների հակակրանքը: Նրանց համար միանգամայն անըմբռնելի էր, թե ինչու օսմանյան կայսրության ամենահալածված տարրը այդպիսի բարեսրտությամբ աջակցում է իր թշնամուն:

<sup>1</sup> «Ժամանակ», № 1277, 14 (27) նոյեմբերի 1912 թ.:

<sup>2</sup> Նույն տեղում:

Ուստի բարկանյան զորքերի կողմից գերված հայ զինվորները շատ հաճախ ավելի խիստ պատիժներ էին կրում, քան նույնիսկ թուրք գերիները: Առանձին դեպքերում չհիմնավորված հալածանքների էին ենթարկվում նաև հայ խաղաղ քաղաքացիները:

Օրինակ՝ ի պատասխան «օսմանյան հայրենիքին» հայերի ցուցաբերած հավատարմության, իբր թուրքերի օգտին լրտեսություն կատարած լինելու մեղադրանքով, հոկտեմբերի 27-28-ին Հունաստանում ձերբակալվում են այդ երկրի մոտ 100 հայ քաղաքացիներ, ուղարկվում Նեապոլիս քաղաք և նետվում տեղի բանտը: Հոկտեմբերի 31-ին (նոյեմբերի 13-ին) այդ մասին հեռագիր է հասնում Կ. Պոլսի հայոց պատրիարքարան:

Լուրը մեծ հուզում էր առաջ բերել մայրաքաղաքի հայություն մեջ: Հայոց Արչարունի պատրիարքը, Գրիգորիս վրդ. Պալաքյանին հետև առնելով, դիմում է հունաց դեսպանատուն, բայց այցը վերջանում է անարդյունք: Հաջորդ օրը՝ նոյեմբերի 1-ի առավոտյան, հայոց ազգային ժողովը քննություն առավ պատահածը<sup>1</sup>: Ամբաստանյալ հայերի ազատմանը նպաստելու խնդրանքով Արչարունի պատրիարքը դիմում է Կ. Պոլսի ֆրանսիական դեսպան Մ. Պոնբառին և խնդրում, որ նրա կառավարությունը հարկ եղած միջոցներ ձեռնարկի Հունաստանում ձերբակալած հայերին ազատ արձակելու համար: Դեսպանն իր կարգին դիմել էր Ֆրանսիայի արտգործնախարարություն՝ Աթենքի կառավարությունը դիմում կատարելու համար:

Ընդունելով Արչարունի պատրիարքի խնդրանքը՝ ֆրանսիական կառավարությունը հեռագրով դիմում է Հունաստանի արտաքին գործոց նախարարություն, որն իր հերթին պատասխանում է, թե «ձերբակալված հայերի կատարած լրտեսությունը փաստ է, հետևապես նրանց ազատելն անկարելի է»:

Հունական կողմի այս պատասխանը Կ. Պոլսում Ֆրանսիայի դեսպանը հանձնում է Արչարունի պատրիարքին: Վերջինս, շնորհակալություն հայտնելով ֆրանսիական կառավարությանը, միաժամանակ բուռն կերպով բողոքում է հայոց վերա-

---

<sup>1</sup> Տե՛ս «Ժամանակ», № 1263, 31 հոկտեմբերի (13 նոյեմբերի) 1912 թ.:

գրված երևակայական հանցանքի դեմ, որը ոչ մի հիմք չուներ և արդյունք էր թյուրիմացություն<sup>1</sup>:

Հունական կառավարությունից գործողությունների նկատմամբ հայկական շրջաններում մեծ դժգոհություն էր առաջացրել նաև մի ուրիշ դեպք:

Անտեղյակ բալկանյան պատերազմի բռնկման մասին՝ 49 հայ պանդուխտ երիտասարդներ սեպտեմբերի վերջերին ամերիկյան նավով մեկնել էին Կ. Պոլիս՝ այնտեղից Հայաստան անցնելու համար: Մինչև Դարդանել մտնելը նավը մի քանի ժամով կանգ էր առել Պիրեայում: Տեղեկանալով, որ նավում մի խումբ հայ երիտասարդներ կան, հունական իշխանությունների կարգադրությամբ ոստիկանությունը խուզարկում է նրանց: Հայ երիտասարդները նետվում են բանտ: Մեղադրանք է առաջադրվում, թե նրանք Պոլիս են գնում, որպեսզի կամավոր մտնեն թուրքական բանակ և կռվելու մեկնեն թուրք-հունական ռազմաճակատ: Շաբաթներ շարունակ գտնվելով բանտում՝ նրանք ենթարկվում են երկարատև հարցաքննությունների:

Պոլսի հայկական ազգային իշխանությունները և հայ մամուլը զարմանք են հայտնում այդ անսպասելի դեպքի առնչությամբ: Տեղի ունեցածը որակելով որպես «քաղաքակիրթ երկրի մը կողմէ անմեկնելի ու անորակելի ընթացք, որը հակառակ է միջազգային օրենքներու և սովորութեանց», «Առաջամարտը» գրում էր. «Այս տեսակ բարբարիկ բրտություն մը թերեւս ներելի ըլլար սպասել ո եւ է կիսակիրթ կամ բռնակալ կառավարութենէ. բայց ոչ Յունաստանէն՝ որ ազատութեանց ու քաղաքակիրթութեան հին խանձարուրն է եղած, որ պատմական վեհ ու ազնիւ աւանդութիւններով կը պարծի, եւ որ վերջապէս, ներկայիս ալ, կը կարծենք թէ հեռու է ինքզինք կամայական ու պաշիպօզուդ կառավարութիւն մը համարելէ»<sup>2</sup>:

Հունական կառավարությանը հղած իր նամակ-բողոքով Կ. Պոլսի հայոց պատրիարքարանը պահանջում էր անհապաղ

<sup>1</sup> Տե՛ս «Ժամանակ», № 1274, 11 (24) նոյեմբերի 1912 թ.:

<sup>2</sup> «Առաջամարտ», № 15 (1075), 29 նոյեմբերի (12 դեկտեմբերի) 1912 թ.:

ազատ արձակել պանդուխտ հայ երիտասարդներին, որոնք Ամերիկայից ուղևորվել էին Հայաստան՝ տեսակցելու հարազատներին: Նամակում նշվում էր, որ Ամերիկայից եկած նավը Պիրեա է հասել հոկտեմբերի 4-ին, իսկ Նյու Յորքից Հունաստան հասնելու համար պահանջվում է չուրջ երկու շաբաթ:

«Ազատ երկրի մը վարիչներուն համար պատուաբեր բան չէ անմեղ քաղաքացիներ չարչարել նկուղներու մէջ եւ նկատի չառնել այն սրտմտութիւթիւնը, որ կը լեցնէ ամբողջ հայ ժողովուրդի սիրտը, ներկայ առիթով,- գրում էր պատրիարքարանը իր նամակում:- Մենք խստօրէն կը բողոքենք յոյն կառավարութեան այն անիրաւ եւ անթոյլատրելի վարմունքին դէմ, հրաւիրելով որ Պոլսոյ յոյն մամուլին լաւագոյն ներկայացուցիչները իրենք եւս արտայայտիչն ըլլան, այս հարցին մէջ, հայ ժողովուրդի զգացած դառն զգացումներուն ու բողոքին»<sup>1</sup>:

Կ. Պոլսի հայկական թերթերում տպագրված Արշարունի պատրիարքի նշված նամակ-բողոքը արձագանք էր գտել հունական թերթերի էջերում: Մի շարք նշանավոր հույն գործիչներ անհեթեթություն էին համարել իրենց իշխանությունների անմտածված քայլը: Նավը անօրինական խուզարկելու համար վրա էր հասել նաև ամերիկյան կողմի բողոքը: Հասարակական դժգոհության և ամերիկյան իշխանությունների ճնշման տակ հայ երիտասարդներն ազատվել էին բանտից՝ մինչև պատերազմի վերջը Հունաստանում մնալու պայմանով:

## **ԲՈՒԼՂԱՐԱԿԱՆ ԲԱՆԱԿԻ ԿԱԶՄՈՒՄ**

Բալկանյան քրիստոնյա պետություններում բնակվող հայերը շահագրգռված էին իրենց ապաստան տված երկրների բանակների հաղթանակներով: Նրանցից շատերը Բուլղարիայի, Սերբիայի և Հունաստանի զինված ուժերի շարքերում բարեխղճորեն կատարում էին իրենց քաղաքացիական պարտքը՝ իբրև զինվոր կամ զորական:

---

<sup>1</sup> «Առաջամարտ», № 15 (1075), 29 նոյեմբերի (12 դեկտեմբերի) 1912 թ.:

Մենք տվյալներ չունենք, թե բաղկանյան դաշնակիցների բանակներում որքան է եղել հայերի թիվը: Հասկանալի պատճառներով այն շատ ավելի փոքր է եղել, քան թուրքական բանակի հայ զինվորների քանակը: Բայց դրա փոխարեն ամենուր բարձր է եղել նրանց մարտական ոգին:

Անցել էին օրեր, բայց հայկական վաշտին դեռ ոչինչ չէր բաժանվել այն պատճառով, որ դրուժինան պարզապես ոչինչ չուներ: Միայն տվել էին տրեխներ, որոնք այնքան վատն էին, որ չուտով ծակծկվում ու շարքից դուրս էին գալիս\*: Ինչպես բուլղար զինվորների մեծ մասը, այնպես էլ հայ կամավորները քայլում էին կիսաբորիկ, բայց առաջ էին գնում՝ ուշադրություն չդարձնելով ոչ մի բանի:

Բուլղարական զորքի հետ հայկական վաշտը կրում էր մեծ զրկանքներ: Չնայած դրան՝ հայ մարտիկների տրամադրությունը շատ բարձր էր: Արմեն Սյունին գրում էր, որ նրանք «ցամաք հաց ունենալուց էլ իրենց երջանիկ էին զգում... Բայց դժբախտությունը կայանում էր նրանում, որ այդ ցամաք, սև հացն էլ էր շատ անզամ բացակայում: ... Տրտունջ, դժգոհություն չէր լավում»<sup>1</sup>:

Հաշվի չառնելով մեծ դժվարությունները՝ վաշտն անցավ Սամկով-Դոլն-Բանիա -Տրնովո-Սեյմեն քաղաքներով: Հոկտեմբերի 27-ին Տրնովոյում հայ մարտիկներին բաժանվեցին հրացաններ՝ 150-ական փամփուշտներով: Շարունակելով ճանապարհը՝ վաշտը, սաստիկ ցրտից տառապելով, հոկտեմբերի 30-ի գիշերը հասնում է Խասքով քաղաք, ուր հաջորդ օրը տեղի է ունենում մեծ զորահանդես: Ոգեչունչ ճառով հանդես է գալիս Պրոտոզերովը: Ապա երեկոյան նրա մոտ նեղ շրջանակներում տրվում է ճաշկերույթ, որին հրավիրվել էր նաև Անդրանիկը:

---

\* Բուլղարական բանակի զինվորների մեծ մասը տրեխ էր հագնում (տե՛ս Արմեն Սիւնի, Հայկական վաշտը..., էջ 36-ի տողատակը): Հայ կամավորները ռազմաճակատ մեկնելիս հագել էին Սոֆիայի հայերի նվիրած կոշիկները, բայց երկարատև ռազմերթերում և կռիվներում դրանք մաշվել էին, որի պատճառով նրանք նույնպես տրեխներ էին ստացել:

<sup>1</sup> Նույն տեղում, էջ 40:

Նոյեմբերի 1-ին վաչտը գորքի հետ մեկնում է Խասքովից և նույն օրն անցնում բուլղար-թուրքական սահմանը, մտնում թուրքաբնակ Այդուրմուչ գյուղը, որի բնակիչները նախօրոք փախել էին:

Անցնելով թալանված ու դատարկված գյուղերի միջով՝ նոյեմբերի 2-ին վաչտը հասնում է Արդա գետի ափին գտնվող Կոջալի թուրքական քաղաք, որի ունևոր բնակիչները, ամեն ինչ թողնելով, նախօրոք փախել էին:

Նույն օրը վաչտը հրաման ստացավ լեռնային թնդանոթածիգ գորամասի հետ մասնակցել Ադրիանուպոլսի (էդիրնեի) վիլայեթի գրավմանը՝ թուրքական զորքը քշելով մինչև Մարմարա ծով:

Կամավորական զորքը բաժանվեց երեք սյունի: Հայկական վաչտը 12-րդ դրուժինայի հետ մտավ ձախակողմյան սյունի մեջ:

Նոյեմբերի 3-ին դուրս գալով Կոջալի քաղաքից և անցնելով Արդա գետը՝ վաչտը հաջորդ օրը հասավ Մաստանլու քաղաքի մատույցները: Իսկ կամավորական զորքի մյուս մասերն արդեն մտել էին քաղաք և արյունալի մարտեր էին մղում թուրքական զորքի դեմ: Հայկական վաչտի տղաները լուռ ու մունջ, շարանշարան գնում էին առաջ: Վաչտի հետ գրոհի գնացող Արմեն Սյունին հետագայում վերհիշել է. «Երկար ժամանակ լուռ դիտում էի նրանց և քիչ էր մնում արտասուելի: Ո՞ւր են գնում այդպիսի պատրաստակամութեամբ, առանց տրտունջի, առանց ափսոսանքի...»<sup>1</sup>:

Անդրանիկի վաչտը առջապահ էր: Նա նույնիսկ այդ դժվարին պահին տղաներին անընդհատ ոգեչնչում էր՝ չմոռանալով կրկնել. «...Կուի մէջ մարդ իւր անձի մասին չէ, որ պետք է մտածի»<sup>2</sup>:


Կամավորական զորքը մտել էր Ռոզոպյան շրջանը: Նրա ամենաբարձր՝ Ուզուն-Համիդլեր անվանյալ լեռնաշղթան իջխում էր մոտակա բարձունքների վրա՝ հսկելով բոլոր ճանապարհներն ու լեռնային չավիղները:

---

<sup>1</sup> Արմեն Սիւնի, Հայկական վաչտը..., էջ 57:

<sup>2</sup> Նույն տեղում:





Հայկական վաղտի տեղագրությունը Ուզուն-Համիդեր լեռնաշղթայի փեշերին ծավալված մարտերի ժամանակ: Կազմվել է III բրիգադի շտաբում, մարտերից անմիջապես հետո (պահպանվում է Բուլղարիայի Վելիկո Տըրնովո քաղաքի Պետական ռազմապատմական արխիվում, Փ. 437, ց. 1, գ. 1, թ. 72, պատճենը գտնվում է ՀՊԱ-ի 370 ֆոնդում):

Ուղուն-Համրդերի կովին Անդրանիկի գլխավորությամբ հայկական վաշտի մասնակցության և կրած կորուստների մասին վերադասին հղած Մակեդոնա-Օդրինյան աշխարհազորի շտաբի զեկուցագրից մի հատված

и сферическая въ ивѣстаго положенія на позиціи нѣ. Я мѣри чѣмъ нѣмцы 2 разныя сѣтры могутъ задрѣти зановѣтъ на 2<sup>а</sup> арменскѣ фронтѣ да прѣдѣле единаго вѣдѣтъ въ берѣго и да одѣлѣтъ нѣ перемѣнѣтъ. Сѣтры покалѣ зановѣтъ пачѣ нѣ и 3<sup>а</sup> фронтѣ. Положеніемъ на фронтѣтъ отъ 12<sup>а</sup> групѣтъ въ вѣр. 30 м. сѣтры пачѣтъ и показановѣтъ сѣтры № 2.

Водѣтъ, все така описановѣтъ, се угрожаетъ вамѣ. Нѣмцы дѣтъ така, обарѣ, се чѣха збѣжовѣтъ на, Мѣмѣ Маглицѣ. Това бѣмѣ музикалѣтъ на VI групѣтъ на. Едно обѣтъ чѣтъ оглаи чѣтъта пощѣтъ. Шѣрѣтъта артилерѣтъ мѣтъта. Подполковникѣтъ Резникѣтъ задрѣтъ сѣ 1<sup>а</sup> фронтѣ отъ групѣтъта сѣ и арменскѣтъ вѣтъго за вторѣтътъ сѣ 15 отъ фронтѣ сѣмѣ мѣтъта отъ 2<sup>а</sup> фронтѣ на 12<sup>а</sup> мѣтъго сѣтъ групѣтъта бѣтъ сѣтъмѣ въ данѣ мѣтъду нѣмѣтъта и чѣтъѣтъта пощѣтъ.

### Ночната атака.

Сѣтъта се рѣтъти изѣтътъ. Въ вѣр. 120 м. сѣ. пачѣтъ фронтѣтъ да поведа групѣтъта сѣ въ атака. Изѣтътъта агѣтъта да прѣдаде зановѣтъта сѣ да атакалѣтъ нѣ 3<sup>а</sup> фронтѣ, а сѣмѣ поведатъ вторѣтъта арменскѣ фронтѣ, како прѣтъмѣтъ нѣтъ сѣмѣтъ вѣтътъ и 4<sup>а</sup> нѣ чѣтътъ Хамилѣтътъ, Нѣмѣтъта, чѣтъ 50-100 нѣтъта по сѣтъта, нѣмѣ бѣтъ задрѣтътъ отъ музѣтътъ, нѣмѣ како нѣтътъта осѣмѣтътъ како да нѣмѣтъ бѣтътъно бѣтътънѣ задрѣтътъ сѣ чѣтътъмѣтъ. Сѣтътъ нѣмѣтъ мѣтътъта сѣтътъ, прѣтътъ вѣтътъ на нѣтътъ бѣтътъ задрѣтътъ, нѣмѣтъ нѣтътъта и нѣмѣтъ чѣтътъ да нѣтътъ на нѣтътъ, дѣтъ нѣ



Հենց այստեղ նոյեմբերի 6-ին Հայկական վաշտին վիճակվեց մակեդոնացի կամավորների շարքերում կատաղորեն ընդհարվել դարավոր թշնամու հետ: Թուրքական զորքը, սարերի վրա խրամատներ փորած, սպասում էր բուլղարական զորքին:

Արեգակի առաջին ճառագայթները նոր էին չողացել լեռների վրա, երբ որոտացին երկու կողմերի թնդանոթները: Հրետանային նախապատրաստությունից հետո երկու կողմերը շարժվեցին միմյանց դեմ: Սկսվեց մի սոսկալի ընդհարում: Ռազմադաշտում մի կատարյալ քառս էր ստեղծվել. միմյանց կոտորում էին հազարավոր մարդիկ:

Թեև թշնամին Ուզուն-Համիդներում գլխովին ջախջախվեց և ցաքուցրիվ եղավ լեռնամասերում, բայց բնաջնջվեցին նաև կամավորական բազմաթիվ ստորաբաժանումներ:

Զգալի կորուստներ էր ունեցել նաև Հայկական վաշտը\*:

1912 թ. նոյեմբերի 4-ին բուլղարական բանակի Կոջալիի զորախումբը սկսեց հետապնդել գեներալ Մեհմեդ Յավեր փաշայի կորպուսը: Զորախմբի մեջ էր մտնում 3-րդ բրիգադը, որի Լոզենգրադյան 12-րդ դրուժինայի կազմում էր Հայկական վաշտը:

Նոյեմբերի 9-ին զորախումբը գեներալ Գենևի հրամանատարությունամբ հարձակման անցավ Արդա գետի վրայի Կոջալի քաղաքի՝ թուրքերի ամրացած դիրքերի վրա: Հայկական կամավորական վաշտին վիճակված էր մարտի մեջ մտնել ամենադժվարին տեղամասերից մեկում\*\*։ Տեղի է ունենում արյունալի մարտ Մոմչիլգրադի մոտ:

Ճակատամարտի մասնակիցներից մեկը հետագայում՝ 1941 թվականին, գրել է. «Հայկական վաշտը հպարտորեն ծածանում

---

\* Ուզուն-Համիդների կողմի նկարագրությունից հետո Արմեն Սյունին նշված գրքում այլևս չի անդրադարձել Հայկական վաշտի հետագա ուղամական գործողություններին:

\*\* Բալկանյան առաջին պատերազմում Հայ կամավորական վաշտի մարտական գործողություններին հանգամանորեն անդրադարձել ենք մեր՝ «Անդրանիկի ժամանակը» աշխատության մեջ (տե՛ս գիրք Ա, Երևան, «Կախա» հրատ., 1996, էջ 342-365), ուստի այստեղ հարկ չենք համարել ծավալվելու:

էր իր դրոշը: Նրա մոտ կանգնած էր փառապանծ Հայ ազգային հերոս, հին հեղափոխական Անդրանիկը: ... Նա առաջինն է կրակում և, դայրույթից գոռալով, բյուրավոր սպառնալիքներ է ուղղում Հայ ժողովրդի թշնամիների հասցեին: Վաչտի կորուստներն այնքան մեծ էին, որ նա ամեն ընդհանուր էնթուզիստ էր վտանգի: Հասավ ամենակրիտիկական պահը, և մարտիկները ցույց տվեցին, որ իրենց համար հայրենիքի\* պատիվն ավելի բարձր է, քան իրենց կյանքը...»<sup>1</sup>: Նրանցից շատերն ընկնում են քաջի մահով: «Հայերը շատ ծանր զոհեր են տալիս, - այնուհետև նշել էր հեղինակը: - Նրանց դիմաց սեպ զառիվերով կտրված մի փոքր հովիտ լիքն էր սպանվածներով ու վիրավորներով: Համենայն դեպս, նրանք երջանիկ էին, որ գտնվում էին այն վաչտերի թվում, որոնք արդեն թշնամու խրամատների առջևում էին: Առանց հաշվի առնելու զոհվելու վտանգը, բոլորը նետվում են առաջ և կատաղի ձեռնամարտից հետո գրավում թշնամու դիրքը»<sup>2</sup>:

Հայկական վաչտի կամավորները նույնպիսի քաջությամբ կռվեցին Մաստանլու քաղաքի մոտերքում տեղի ունեցած արյունալի ընդհարումներում (նոյեմբերի 4): Այստեղ վաչտը բռնել էր ճակատի ամենավտանգավոր տեղը, կռվում էր քաջությամբ և տալիս շատ զոհեր: Իսկ Անդրանիկը կատարյալ հանգստություն առաջ էր գնում սաստիկ հրացանաձգության գնդակների տարափի տակ<sup>3</sup>: Մարտիկների խիզախությունն առաջ էր բերել մերձակա դիրքերի բոլոր կամավորների հիացմունքը: Նրանց հասցեին ամբողջ դիրքերի վրա բերնից բերան անցնում էին շնորհավորական աղաղակներ. «*Браво арменци, браво!*» («Կեցցե՛ք Հայեր, կեցցե՛ք»):

\* Նկատի ունեւ թուրքահայաստանը:

<sup>1</sup> Արմէն Սիւնի, Հայկական վաչտը Անդրանիկի առաջնորդութեամբ 1912-1913 թթ. Բալքանեան պատերազմում, էջ 66:

<sup>2</sup> Նույն տեղում:

<sup>3</sup> Նույն տեղում:

Հետապնդելով թշնամուն՝ Լոզենգրադյան ջոկատը նրա հետ կռվի բռնվեց Բալկան-Դերեսիի մերձակայքում (նոյեմբերի 7): Այստեղ էլ հայ կամավորներն աչքի ընկան իրենց խիզախու-թյամբ: Ընդհուպ մոտենալով թուրք ասկյարներին՝ նրանք առանց երկմտելու ձեռնասվինամարտի էին բռնվում: Վաչտն այստեղ էլ զգալի կորուստներ տվեց:

Հաջորդ երկու օրերին (նոյեմբերի 8-9) հայկական վաչտը մասնակցում էր Գյումյուրջինե քաղաքի գրավմանը: Տեղի հայ համայնքը ցնծությամբ դիմավորեց քաջագուն կամավորներին<sup>1</sup>:

Հայ կամավորները հաջորդ անօրինակ սխրանքը կատարեցին Ֆերայի մոտ, Մեհրամլի գյուղի տարածքներում տեղի ունեցած արյունահեղ ճակատամարտում (նոյեմբերի 15)<sup>2</sup>: Այստեղ աշխարհազորայինների դեմ կանգնած էին Մեհմեդ Յավեր փաշայի կորպուսի հիմնական ուժերը: Թուրքերը ամրացել էին լայնատարած Մարիցա վարարած գետի ափին և հրետանային ու հրացանային զնդակոծության տակ էին առել աշխարհազորայինների դիրքերը: Թվում էր, թե անհնար է թշնամուն դուրս չպրտել պաշտպանական ամրություններից: Բայց բուլղարական «Շումի Մարիցա» («Հուզվի՛ր Մարիցա») քայլերգի հնչյունների տակ:


Լոզենգրադյան ջոկատի մարտիկները նետվեցին առաջ: Քաջարի հայ կամավորներն Անդրանիկի գլխավորությամբ առաջինը սկսեցին վճռական գրոհը: Իրենց խիզախությամբ ու հնարամտությամբ հայ մարտիկներն ուղղակի հրաչքներ էին գործում:

Շատ տարիներ անց Լոզենգրադյան ջոկատի զորամասերից մեկի հրամանատար, հետագայում «Մակեդոնա-Օդրինյան աշխարհազորի միության» նախագահ Միլան Դամյանովը Սոֆիայում տպագրվող “Походъ” թերթի 1941 թ. ապրիլի 27-ի համարում (№ 59/63) լույս ընծայած հոդվածում մանրամասն նկարագրել է հայկական վաչտի հերոսական մաքառումները ռազմաճակատի այդ հատվածում:


---

<sup>1</sup> Արմեն Սինի, Հայկական վաչտը Անդրանիկի առաջնորդութեամբ 1912-1913 թթ. Բալքանեան պատերազմում, էջ 79, 80:

<sup>2</sup> Տե՛ս Ասատուր Մակարեան, Յուշագիրք Թրակիոյ և Մակեդոնիոյ հայ գաղութներու, Սելանիկ, 1929, էջ 534-539:



Մեհրամլի գյուղի մատույցներում տեղի ունեցած արյունալի կռվի տեղագրությունը: Հայկական վաչտը կռվի ամենաթեթև կենտրոնում էր (տեղագրությունը կազմված է III բրիգադի շտաբում և պահպանվում է Բուլղարիայի Վեփկո Տըրնովո քաղաքի Պետական ռազմապատմական արխիվում, ֆ. 437, ց. 1, գ. 1, թ. 81):



Մաստանլու քաղաքի մատույցների լեռնագոգում տեղի ունեցած ընդհարումը թուրքական զորքի հետ: Կենտրոնում հայկական վաշտի դիրքերն են (տեղագրությունը կազմվել է III բրիգադի շտաբում), ընդհարումից անմիջապես հետո (պահպանվում է Վելիկո Տըրնովո քաղաքի Պետական ռազմապատմական արխիվում):



«Հայկական վաշտին վիճակվեց գրավել Թշնամու ամենա-  
դժվարամատչելի տեղամասերից մեկը,- գրում էր Մ. Դամ-  
յանովը:- Կոփը հետզհետե թեժանում էր և ժամը 3-ին կեսօրից  
հետո՝ ավելի սաստկանում: Թշնամու հրետանային և հետևա-  
կազորային արտակարգ ուժեղ կրակը կանգնեցնում է մեր  
առաջխաղացումը, իսկ մեր առաջ պարզվում են Թրքական խո-  
րունկ խրամատները, որոնք վերջանում են մի գահավեժ մերկ  
բարձունքով:

Մեր կորուստները մեծ են: Հայկական վաշտը խճուղու եզեր-  
քումն է: Վաշտի հրամանատար պարուչիկ Նժդեհը ատրճանակը  
ձեռքին վազում է մարդուց-մարդ և նրանց քաջություն ներ-  
շնչում: Թշնամու կրակն այնքան ուժեղ է, որ զրուժինաները  
հազիվ են դիմանում:

«Սվինամա՛րտ, սվինամա՛րտ...» լավում է պարուչիկ Նժդեհի  
ձայնը, նա առաջ է ընկնում և մեկ մարդու պես նրան են հե-  
տևում հայ քաջերը»:

Այնուհետև Միլան Դամյանովը նշում էր, որ «այսօր էլ դեռ  
տեսնում եմ սպանված հայերի շիրիմներն այն հովտում, որտե-  
ղից խճուղին կտրում-անցնում է բուլղար-հունական սահմանա-  
գիծը: Այս տեղամասում կանգնած է մի համեստ հուշարձան՝  
նույն ճակատամարտում ընկած զինվորների հիշատակին: Սահ-  
մանապահ զինվորները հաճախ նստում են նրա պատվանդանին  
և զարմանքով կարդում սպանվածների անունների մեջ նաև ոչ-  
բուլղարական օտար անուններ: Ու մտածում են.

- Ի՞նչ գործ ունեն նրանք այստեղ...

Ո՛չ, զինվո՛ր, մի քայլ նահանջի՛ր և զինվորական պատիվ  
տո՛ւր նրանց: Այդ անունները օտար չեն, այլ մե՛րը, մեր զենքի  
եղբայրների՛նը, որոնք իրենց երիտասարդ արյունն են թափել  
հայրենիքի ազատության համար, և ճակատագրի եղբայրներ՝  
Մակեդոնիայի և Թրակիայի ազատության համար:

Հարգա՛նք՝ զոհված հերոսների պայծառ հիշատակին:

Փա՛ռք հայկական վաշտին»<sup>1</sup>:

Այդ կովում ծանր վերք ստացած հայերից մեկը, որն ամիս-

---

<sup>1</sup> “Походь”, № 59/63, София, 27 апреля 1941.

ներ անց բուժվում էր Սոֆիայի հոսպիտալներից մեկում, “Киевская мысль” թերթի թղթակից Լև Տրոցկուն պատմել է. «Մենք (հայ կամավորները: – Ն. Ս.) կովի պահին չէինք վախենում: Ես առաջ էլ մահ էի տեսել: Քրդերը հորս ու մորս իմ աչքի առաջ մորթեցին, իմ աչքերով եմ դա տեսել: Մեր մեջ կային այնպիսիները, որոնք, թվում էր, վախից կմեռնեին: Բայց իրենց պահում էին հերոսի նման: Մի տղա կար՝ Պողոսը, 16 տարեկան, Ռոդոս-թոյից: Ես նրան հարցրի՝ դու ինչու ես այստեղ: Հա, ասեմ նաև, որ նա առաջավոր դիրքերում 15 ժամ սոված էր մնացել: Յավուր [փաշային] հետապնդելիս Պողոսն առջևում էր և ամենավտանգավոր տեղերում: Բոլորն էլ լավ էին կովում... Անդրանիկը հրացանը ձեռքին կովում էր մեզ հետ հավասար, բայց մարտի ժամանակ իսկական հրամանատար էր: Գարեգինը շատ խիզախ է, կովի դաշտում երբեք ծնկի չի եկել, թուրը ձեռքին դիրքից դիրք էր անցնում: Մեզ հետ Գարեգինը կիսում էր վերջին պատառը: Երբ մեզանում ընկավ առաջին մարտիկը, Գարեգինը մոտեցավ, համբուրեց ճակատը և ասաց. «Ահա առաջին նահատակը»: Եվ այսպես էլ հետագայում: Ով ընկնում էր՝ Գարեգինը մոտենում էր, համբուրում և կանչում. «Կարմիր խաչ»: Հայտնվում էին սանիտարները և տանում վիրավորներին...»<sup>1</sup>:

Թուրքերի կատաղի դիմադրությունը նրանց չփրկեց գլխովին ջախջախվելուց: Հայերեն, ռուսերեն, բուլղարերեն մարտական կոչերով՝ «Առաջ», “На пред!, на нож!”, նրանք ներխուժեցին թշնամու դիրքերը և նրան պարտադրեցին ձեռնասովինամարտի: Թուրքերը, անսպասելի հզոր հարվածից չչմած, սասանվեցին<sup>2</sup>: Բայց նահանջելու տեղ չունեին. ճանապարհը կտրում էին Մարիցայի ջրառատ ալիքները: Նրանք ստիպված անձնատուր եղան Լոզենգրադյան քաղերին: Այնուհետև մի քանի ժամ անընդմեջ գերի թուրքերի շարանը գլխահակ անցավ վեհապանձ հաղթողների շարքերի առջևով: Գերի էին ընկել 10 հազար զինվոր և 242 սպա, այդ թվում՝ Մեհմեդ Յավեր փաշան և

<sup>1</sup> “Киевская мысль”, № 197, 19 июля 1913 г.

<sup>2</sup> Արմէն Սիւնի, Հայկական վաշտը Անդրանիկի առաջնորդութեամբ 1912-1913 թթ. Բալկանեան պատերազմում, Բաբու, 1914, էջ 63, 66, 68:

երեք զնդապետ: Յավեր փաշայի Կոջալիի բանակի ջախջախմանը՝ որպես ռազմական արվեստի փայլուն օրինակի, իր հուշերում անդրադարձել է Խորհրդային Միության մարշալ Հովհ. Ք. Բաղրամյանը<sup>1</sup>:

Երբ արդեն սկսված էր հիտլերյան Գերմանիայի հարձակումը Խորհրդային Միության վրա, բուլղարական մի ուրիշ պարբերական՝ Սոֆիայում լույս տեսնող «Բալկանսկա տրիբունա» թերթը, 1941 թ. օգոստոսի 25-ին (№ 1413) տպագրել էր զնդապետ Ս. Ֆիլիպովի հոդվածը, որը նույնպես նվիրված էր բուլղարական բանակի կազմում հայկական վաշտի մարտիկների առասպելական քաջագործություններին<sup>2</sup>:

Բանակի, աշխարհազորի և ժողովրդական զանգվածների հայրենասիրական խանդավառությունը, թուրք ստրկացնողների դեմ պայքարելու դրոշի ներքո նրանց մարտական միախմբումը տասնապատկում էին ազատարարների ուժերն ու հարձակողական պոռթկումը: Թուրքական զորքերը, դաժան պարտություն կրելով, ամենուրեք խուճապահար նահանջում էին: «Թուրքերի նահանջը, - նշել է Վ. Ի. Լենինը, - վերածվել էր խենթացածների, սովյալների, տանջահարների, խելագարների ամբոխի անկարգ փախուստի»<sup>3</sup>:

Փառահեղ հաղթանակից հետո Մեհրամլիի շրջանում աշխարհազորի զորամասերը, այդ թվում հայկական վաշտը, սլացան առաջ և գրավեցին քաղաքներ Սոֆլուն (նոյեմբերի 19-ին), Ուզուն Քյուփրին (նոյեմբերի 21-ին), Քեչանը (նոյեմբերի 23-ին) և մի շարք ուրիշ բնակավայրեր\*:

Դրանք Բալկանյան պատերազմի առաջին շրջանի վերջին ռազմական գործողություններն էին:

Հայ մարտիկների ուրախությունը մթազնում էր այն տխուր իրողությունից, որ զենքի իրենց քաջարի ընկերներից չատերը

<sup>1</sup> Տե՛ս *И. Х. Баграмян, Мои воспоминания, Ереван, 1979, էջ 19:*

<sup>2</sup> ՀԱԱ, ֆոնդ 370, ց. 2, գ. 94:

<sup>3</sup> *В. И. Ленин, Полн. собр. соч., т. 22, стр. 160.*

\* Նշված քաղաքների և շրջակա բնակավայրերի գրավման նկարագրությունը տրված է նաև հայկական վաշտի օրագրում:

սպանվել էին կատաղի կոիվներում, որոնք մղվել էին Հայաստանից հազարավոր մղոններ հեռու՝ օտար մի երկրում: Հայկական վաչտում քաջաբար կռված ու զոհված մարտիկների թվում էին Գալուստ Թեփեյանը, Գառնիկ Կարապետյանը, Միհրան Կորովյանը, Հովհաննես Ավետիսյանը, Հակոբ Սոխրապյանը, Արմենակ Ասլանյանը, Գրիգոր Մարտիրոսյանը, Արշակ Կարապետյանը, Կարո Պողոսյանը և ուրիշներ:

Շատ էր նաև հերոսություն բարձր օրինակներ տված վիրավորների թիվը, որոնց ճակատից ուղարկել էին թիկունք՝ բուժվելու: Նոյեմբերի վերջերին Սոֆիա բերին առաջին հայ վիրավորներին՝ մոտ 20 մարդու: “Киевская мысль” թերթի թղթակից Լև Տրոցկին այցելում է նրանց և ընթերցողների հետ կիսում իր տպավորությունները: Իր հոդվածում նա վերարտադրում է առանձին վիրավոր կամավորների պատմածները մարտական գործողությունների մասին, պատերազմի դաժանությունները և նրանց կրած տառապանքները, միաժամանակ շեշտում «մարտիկների բարոյական և մարտական բարձր ոգին, դժվարություններ հաղթահարելու զարմանալի կամքը և տոկունությունը»<sup>1</sup>:

Հայ վիրավորների մի մասին Սոֆիա էին բերել տարբեր հոսպիտալներից: Ֆիլիպոպոլ քաղաքից բերված վիրավորներից մեկը Լև Տրոցկուն պատմել էր, որ երբ թագուհին այցելել էր հոսպիտալ և հարցուփորձ արել նաև իրեն, ինքը ասել էր. «Դուք արդեն լավ եք, թուրքերին Ասիա եք քշում, իսկ դրանից Հայաստանի վիճակը կրկնակի կվատթարանա»: «Համբերեք, ձեզ համար էլ լավ կլինի», - փորձել էր համոզել թագուհին: «Այս բացիկն էլ նվիրեց իբրև մխիթարություն...», - Տրոցկուն ցույց տալով բացիկը՝ հեզնել էր վիրավոր մարտիկը<sup>2</sup>:

Հայկական վաչտի մարտիկներից բացի՝ թշնամու դեմ հերոսաբար կռվում էին հարյուրավոր ուրիշ Հայորդիներ՝ բալկանյան դաշնակիցների բանակներում, բուլղարական բանակի ուրիշ զորամասերում և պարտիզանական ջոկատներում:

<sup>1</sup> “Киевская мысль”, № 197, 19 июля 1913 г.

<sup>2</sup> Տե՛ս նույն տեղում:

43  
Гр. Бавуде на  
Дневникъ



ДЪРЖАВЕН ВОЕННОИСТОРИЧЕСКИ АРХИВ  
ВЕЛИКО ТЪРНОВО  
ВЕРНО СОРИГИНАЛА  
Ф. 437 оп. 1 а. с. 1 л. 22 а  
Директор: [Signature] Изготвено: 4

Հայկական վաշտի օրագրի առաջին էջը

Արխիվային փաստաթղթերը մեզ են փոխանցել Մակեդոնա-Օդրինյան աշխարհագորի ուրիշ գորամասերում կովող հայ զինվորների անուններ: Այսպես, 8-րդ վաչտում կովում էին 5 հայեր<sup>1</sup>: 17-րդ վաչտի զինվորներից 4-ը ստացել էին քաջության խաչեր, որոնցից երկուսը՝ հայեր՝ Արչակ Կարապետյանը (էրզրումցի) և Միմոն Հասրաթյանը (մշեցի)<sup>2</sup>:

26-րդ վաչտի կազմում թշնամու դեմ կովում էին Բաբկեն Մարտիրոսյանը (սիվասցի), Հովհաննես Զոհրաբյանը (բողարջիկցի), Կարապետ Համբարձումյանը (նախիջևանցի), Գանիել Չորմիզյանը (վանեցի), Գեղեոն Միրզոյանը (երևանցի)<sup>3</sup>: Մակեդոնիայում փառաբանվում էր Հովհաննես Չաուչի անունը, կոիվներում հռչակված հերոսներ էին 12-րդ Լոզենգրադյան ջոկատի 3-րդ վաչտի հրամանատար պողպորուչիկ Թորգոմը՝ շատ խստապահանջ ու ջղային մի երիտասարդ, կամավորներ Ասլանը, Գավրոշը, Արամը, Բալբաչին և շատ ուրիշ հայեր<sup>4</sup>:

Բալկանյան փոքր պետությունները 1912 թ. միացյալ ճակատով գրավել էին համարյա ամբողջ եվրոպական Թուրքիան: Նա Բալկանյան թերակղզում կորցրեց Մարիցա գետից արևմուտք գտնվող իր բոլոր տարածքները: Երկրի սահմանները հաստատվեցին էնոս-Միդիա գծով: Բալկանյան թերակղզու ամբողջ տարածքը՝ ներառյալ Ալբանիան, Մակեդոնիան, Հին Սերբիան և Արևմտյան Թրակիան, պետք է իրար մեջ բաժանեին հաղթողները: Թուրքիան կորցրեց նաև էգեյան ծովի Կրետե, Խիոս, Միտիլենա, Սամոս և ուրիշ ավելի մանր և ավելի պակաս կարևորություն ունեցող կղզիներ: Մի ժամանակ աշխարհին ահ ու սարսափի մատնած ահարկու կայսրությունն անզոր եղավ պաշտպանվելու բալկանյան փոքրիկ պետություններից, որոնց ժողո-

---

<sup>1</sup> Տե՛ս *Державен Военнополитический архив Велико Търново*, ֆ. 423, օղ. 3, Է. 11, և. 142.

<sup>2</sup> Տե՛ս նույն տեղում, Է. 41, և. 94:

<sup>3</sup> Տե՛ս նույն տեղում, Է. 82, և. 63:

<sup>4</sup> Տե՛ս «Բանբեր Հայաստանի արխիվների», № 1 (83), 1989, էջ 209:

վուրդներին նա դարեր շարունակ ստրկացրել էր:

Թուրքահայերը, նրանց մամուլի օրգանները գտնում էին, որ վերը նշած տարածքների կորուստը բնավ էլ ողբերգություն չէ Թուրքիայի համար: «Ժամանակը» շեշտում էր, որ որևէ ժողովրդի մեծությունն ու ազդեցությունն իր սահմանների ընդարձակության մեջ չէ. օրինակ՝ Թուրքիային դժվար է Շվեյցարիայից մեծ պետություն համարել, որն իր տարածքի մեծությամբ նրա մի նահանգն է լոկ: «Ներկայ դարուս մեջ ժողովուրդները, պետութիւնները այնչափ աւելի մեծ են եւ յարգուած՝ որչափ մեծ է իրենց ճարտարարուեստը, իրենց գեղարուեստը, իրենց գրականութիւնը, մէկ խօսքով իրենց քաղաքակրթութիւնը: Ներկայ դարուս մէջ ապրելու, իրենց գոյութիւննին տեւականացնելու իրաւունքը ունին միայն այն ազգերը, այն պետութիւնները՝ որոնք ըմբռնած են ներկայի պահանջները, որոնք կրցած են իւրացնել քաղաքակրթութեան պտուղները: Թուրքիան անկարելի է որ չըմբռնէ այս իրականութիւնը, առանց դիմելու կորուստեան անդունդը...: Թուրքիայի սահմանները կրնան կրճատուիլ, կրնան աւելի մօտենալ Պօլիսին, եւ սակայն անիկա կրնայ աւելի մեծնալ, աւելի յարգելի դառնալ»: ... Թուրքիան շատ բան է կորցրել ընդարձակվելով և հիմա պիտի շահի փոքրանալով: «Բաղդատաբար նեղ սահմաններով Թուրքիա մը,- շարունակում էր թերթը,- աւելի հնարաւորութիւն պիտի ունենար իր երկիրը պահելու ներդաշնակ անդորրութեան մը մէջ՝ որ միակ պայմանն է տնտեսական, քաղաքական եւ բարոյական բարգաւաճման, մէկ խօսքով քաղաքակրթութեան տարածման: Անատօլուի այն բոլոր նահանգները՝ ուր մինչեւ այսօր գրեթէ կիսավայրենի ցեղեր եւ քաղաքակրթապէս չա՛տ ետ մնացած տարրեր միշտ աւեր ու կողոպուտ են գործեր, ոչնչացնելով լոյսի, քաղաքակրթութեան այն բոլոր ծիլերը՝ որոնք հագիւ ուրեմն առաջ են եկեր այդ մոռյլ միջավայրերուն մէջ... Այն ատեն [ավելի նեղ սահմաններով] Թուրքիան պէտք չունենար իր հասոյթները մսխելու զինուորական խոշոր պիւտճէներու մէջ, եւ այսպէս մինչեւ վիզը խեղդուելու խոշոր պարտքերու մէջ, որոնք օրէ օր կը ծանրանան, աւելի՛ կքելով աշխատաւոր ժողովուրդի մեջքը ընդհակառակը երկրի բոլոր ուժերը կը յատկացուին հանրային

կրթութեան, հանրօգուտ շինութիւններու»<sup>1</sup>:

4. Պոլսում հրատարակվող «Հեռաձայն» թերթի հոդվածի հեղինակը նույնպես գտնում էր, որ Բալկաններում Թուրքիայի կրած տարածքային կորուստները սարսափելի չեն, «եթէ մենք գիտնանք արդար, անաչառ և ուղղամիտ վարչութեամբ մը կառավարել երկիրը: ... Փառք Աստուծոյ, Ռումէլիին և ամբողջ Եւրոպիոյ թագուհին՝ Պոլիսը, մերն է... Անատոլուն ունինք մեր առջեւ, այն հայաշատ եւ լայնածաւալ երկիրը՝ որ ամբողջ Եւրոպիոյ կեսին մոտ է: Միջագետքը ունինք ... որ անցեալին ամէնէն հսկայ կայսրութիւններն ու թագաւորութիւնները ուռճացուցեր է իր մէջ եւ գիտութեանց ու արուեստից օրրանը եղած է. Կիլիկիան, Սուրիան ունինք փառաւոր, յուճի վաճառաշահ երկրներ, որոնք անդորրութեան, արդարութեան ու հեղինակաւոր վարչութեան մը կ'սպասեն մէկ քանի տարուան մէջ փայլելու եւ ամէնէն զարգացած քաղաքներուն հաւասարելու համար:

Ամէն չարիքէ բարիք մը կը ծնի...»<sup>2</sup>:

Ընդամենը մի քանի տասնյակ տարի առաջ բալկանյան ժողովուրդները հայոց բախտակիցներն էին: Հայերը և բալկանյան ազգերը դարավոր տառապանքի եղբայրներ էին, միասին էին տվայտում նզովյալ դժոխքում, որի անունն էր թուրքական բռնապետութիւնը: Բայց միասին տանջվածները միասին չփրկվեցին: Բալկանն ազատագրվեց, բայց խոչտանգված ու արյունաքամ հայաչխարհի վրա շարունակում էր նստած մնալ թանձր խավարը:

Վրա է հասնում 1912-ի դեկտեմբերը: Քրքրված կոչիկներով ու թրջված հագուստներով, երկարատև ուղևորները\* տան-

---

<sup>1</sup> «Ժամանակ», № 1280, 17 (30) նոյեմբերի 1912 թ.:

<sup>2</sup> «Հեռաձայն», № 24 (1369), 15 (28) փետրվարի 1913 թ.:

\* Հոկտեմբերի 23-ին՝ Սոֆիայից դեպի ռազմաճակատ շարժվելուց հետո, հայկական կամավորական վաշտը պատերազմի առաջին շրջանում (մինչև 1912 թ. նոյեմբերի 20-ի զինազաղարի հաստատումը) անցել էր մի երկար երթուղի՝ Սոմակով-Կոստենեց-Բանսկո-Տըրնովո-Պլովդիվ-Սեյմեն-Նասկովո-Կոջայի-Մաստանլու-Գյումուրչինե-Ֆերե-Սոֆյու-Դեմոտրիկա-Ուզուն Կեպրու-Կեչան-Մալկարա-Ռոդոսթո (տե՛ս Андраник Озаян, Документы и материалы, էջ 111):



Ջահար հայ կամավորները չէին կորցրել իրենց մարտական ոգին և պատրաստ էին նոր առաջադրանքներ կատարելու: Քեչան քաղաքում մեկշաբաթյա հանգստից հետո հայկական վաչտը III բրիգադի կազմում շարժվեց դեպի հարավ և ղեկտեմբերի 13-ին հասավ Մալկարա գյուղաքաղաք: Ուրերայի համաձայնակի պատճառով հրաման եղավ քաղաքում կանգ չառնել: Բայց հայ համայնքի խնդրանքով հայկական վաչտին թույլատրեցին մեկ ժամ մնալ այդտեղ՝ հայրենակիցների հետ հանդիպելու համար: Ջերմ և հուզիչ հանդիպումից հետո՝ զորայունը շարունակեց իր ուղևորվածը և ղեկտեմբերի 15-ին մտավ հունարնակ Պանաղոս գյուղը<sup>2</sup>, որը գտնվում էր Մարմարա ծովի գեղատեսիլ ափին՝ Ռոդոսթո քաղաքից 8 կիլոմետր հեռու: Այստեղ աշխարհազորայիններն ստացան սպիտակեղեն, տաք հագուստ, կոշիկեղեն, դեղորայք, որ բերել էին Կարմիր խաչի Ռուսաստանի կազմակերպություն (ՊՕԿԿ) անունից: Ավարտվեց հաղթական պատերազմի առաջին փուլը:

Վաչտը կոչված էր թուրքական ներխուժումից պաշտպանելու Մարմարայի ծովեզերքը:

## ՀԻԱՑԱԿԱՆ ԳՆԱՀԱՏԱԿԱՆՆԵՐ

Տարիներ հետո վերհիշելով հայկական վաչտի քաջագործությունները՝ բուլղարական բանակի սպա Կոնևը գրում էր. «Մ, առյուծներ են, կատարյալ առյուծներ: Ինչպիսի՜ քաջ տղաներ կան, մարդ ուղղակի զարմանում է, գնդակների տարափի տակ շատերը երգով էին կոչվում...»: Այնուհետև Կոնևը նկարագրում է բազմաթիվ մարտերից մեկը, երբ հայ կամավորները «մեզ ազատեցին անխուսափելի պարտությունից և, գուցե կործանումից»<sup>3</sup>: «Այդ օրը թշնամին բնական ամբողջությունների ետևում պատասպարված անընդհատ ուժեղացում էր բուլղարական

<sup>1</sup> Տե՛ս Վարդան Յ. Ոռչիկեան, Մալկարայի հայ գաղութը (1610–1922 թուականներ), Փլովտիվ, 1943, էջ 81:

<sup>2</sup> Տե՛ս Արմէն Միւնի, Հայկական վաչտը..., էջ 99, 100:

<sup>3</sup> «Վիլուշ–Արարատ» պուլկարահայ տարեգիրք, էջ 191, 192:

դիրքերը, անչարժուծյան դատապարտելով բուլղար զորամասը, փոքրիկ մի շարժումը կարող էր մահացու հարվածով վերջանալ: Կովի այդ թեժ միջոցին Անդրանիկը, իր հետ ունենալով միայն անձնուրաց կտրիճներ, զնդակների տարափի տակ մոտենում է թշնամու դիրքերին և 2,5 ժամ տևող սաստիկ հրաձգությունից հետո նրան ստիպում է նահանջել<sup>1</sup>: Այդ հաղթությունից անմիջապես հետո հայ կամավորները օգնություն են շտապում հարևան բուլղար զորամասին: Կոնկրետ շարունակում է իր պատմությունը. «Հայկական զորամասը մարտ է սկսում գրավելու համար այն բլուրը, որտեղ ամրացել էր հակառակորդը: Մյուս վաշտերը հեռու էին մնացել, թշնամին իր կրակի ամբողջ ուժը կենտրոնացրել էր հայերի վրա: Ի վերջո հակառակորդը տեղի տվեց, և ամբողջ մի օր այդ ամուր դիրքը մնաց հայերի ձեռքին, մինչև որ վրա հասավ բրիգադը»<sup>2</sup>:

Մակեդոնա-Օդրինյան երկրապահ զորքերի հրամանատար, զորավար Գեննի, սպայակույտի ներկայացուցիչ մայոր Դրվինգովի, համհարզ կապիտան Նիքոլովի՝ Հայկական վաշտի մասին տված բնութագրական վկայականում ասված էր. «Ընդհանրապես հայկական զորամասը, հակառակ հագուստի չգոյություն, միշտ եղած է ուժեղ իր չարքաշությունը, կարգապահությունը, տոկունությունը եւ արտակարգորեն քաջ կոփվներում: Այդ զորամասի բոլոր մարտիկները կարող են հպարտանալ իրենց քաջ գործերով, իսկ Հայաստանը պետք է վստահ լինի, որ այսպիսի զուսակներով, որոնք ընդունակ են մեռնելու օտար դատի համար, մոտ ապագային պիտի ձեռք բերէ երջանիկ եւ տեւական ազատություն»<sup>3</sup>:

Ահա և հայ կամավորներին տրված բազմաթիվ գնահատականներից մի ուրիշը. Հայկական վաշտի սանիտար Դիմիտր Կոստանտինովը 1914 թ. հրատարակած իր հուշ-հոդվածում նշում էր, որ պատերազմում հայ զինվորները երբեք խուճապի չէին մատնվում, չէին նահանջում նույնիսկ այն ժամանակ, երբ դրա

---

<sup>1</sup> «Վիդուշ-Արարատ» պուլկարահայ տարեգիրք, էջ 191, 192:

<sup>2</sup> Նույն տեղում:

<sup>3</sup> Փաստաթուղթը պահպանվում է մեր անձնական արխիվում:

անհրաժեշտությունը կար: Եվ որտեղ հայտնվում էր հայկական վաչտը, ամենուրեք լսելի էին ողջույնի բացականչություններ:

Մինչ թուրքերը մեկ գովաբանում, մեկ էլ դավաճան էին համարում հայերին, բուլղար հասարակական միտքը միանշանակ արտահայտում էր իր համակրանքը օսմանյան բռնապետության տակ հեծող հայ ժողովուրդի և հիացումը պատերազմի ռազմաճակատներում մաքառող նրա զավակների հանդեպ:

Այդ օրերին բուլղարական թերթերում հայկական խնդրի մասին լույս էին տեսնում բազմաթիվ հոդվածներ՝ բոլորն էլ մեծ համակրանքով դեպի հայ ժողովուրդը: Դրանցից երկուսը հեղինակել էր Բուլղարիայի Առաջադիմական կուսակցության ղեկավար, երկրի Սոպրանիեի նախագահ, հաշտության բանակցությունների Բուլղարիայի կողմից առաջին պատվիրակ ղոկտ. Տանևը: Նրա մի հոդվածը թարգմանաբար տպագրել էին Կ. Պոլսի «Առաջամարտը» (11 դեկտեմբերի 1912 թ.) և Թիֆլիսի «Հորիզոնը» (№ 19, 25 հունվարի 1913 թ.):

Առաջին հոդվածում Տանևը գրում էր, որ ներկայումս, երբ Թուրքիայի դեմ տարած հաղթանակների շնորհիվ փաստորեն Եվրոպայում ստեղծվել է յոթերորդ մեծ պետությունը, իրենց վրա սրբազան պարտականություն է ընկնում ամեն գնով պաշտպանել այդ ազգը, որն ունակ է ուրիշի ցավերը ամոքելու համար նվիրաբերել իր զավակների կյանքը:

Տանևի մյուս հոդվածում ասված էր. «... Յիշենք մինչևե վերջ, որ մենք ազատարարներ ենք եւ իբր այդպիսիներ մեր վրայ պարտականութիւն է դրած ձեռք կարկառել մեր հայ եղբայրներուն, որոնց ցաւերն ու տառապանքները աւելի մեծ են քան մերինները: Հիմայ մեզի սրբազան պարտականութիւն մը կիյնայ. պաշտպանենք այդ ազգը, բարձրացնելով Պերլինի դաշնագրով խոստացւած բարեկարգութիւններուն հարցը, կամ գոնէ պահանջենք Լիբանանի նման վարչութիւն մը. Ռուսիան ալ ամբողջովին մեզի հետ պիտի ըլլայ: Միթէ՞ այս կենսունակ, եռանդուն, ընդունակ, կենդանի, աշխատասէր, նախաձեռնող, խնայող արթուն եւ համեստ ազգը արժանի չէ՞ աւելի լաւ վիճակի մը: Ո՞վ կրնայ ասոր մասին կասկածիլ»:

Անդրադառնալով վերջին դարերում օսմանյան բռնակալու-

Թյան տակ հեծող հայ ժողովրդի անհուն տառապանքներին՝ հողվածագիրը նկատում էր. «Եթէ ճակատագիրը խորթ մայր չըլլար ազգին, ան պիտի ըլլար մեծ ազգ մը եւ Աստուածաշունչի Արարատին շուրջ հիմա պիտի ունենայինք խիստ առանձնայատուկ մշակոյթ մը, ու իմացական նոր արժէքներով պիտի հարստանար մարդկութիւնը: Հայերն ունեն արտակարգօրէն առանձնայատուկ լեզու մը, լեցուն յստակ դարձածքներով, որոնց չէք կրնար հանդիպիլ ուրիշ լեզուներու մէջ: Ով ճանչցած է հայերը, միշտ ապշած է շուտ ստեղծագործելու եւ կառուցանելու անոնց ընդունակութիւններուն վրայ»:

Այնուհետև Տաներ շարունակում է. «... Հայ ժողովուրդն ալ կը պայքարէր Պերլինի դաշնագրին 61-րդ յօդուածին համար. այդ յօդուածը կերաշխաւորէր Հայաստանի, ամբողջ ազգի մը ինքնավարութիւնը: Բայց, աւանդ, անոր, Հայ ազգին համար ո՛չ մէկ անգամ լուրջ խօսք չէ եղած: Մինչեւ այսօր ազատ ապրելու համար բարձրացւած ամէն ձայն խեղդւած է հայ արիւնին մէջ: Իսկ այս ազգին զարգացումը, ազգային գիտակցութիւնը եւ թիւն կարեւոր են: Ահա թէ ինչո՛ւ վաղը, երբ Պուլկարիա եւ Պալքանեան դաշնակցութիւնը պիտի աւարտեն իրենց ազատարարի գործը, պէտք է պահանջեն այս ազգին իրաւունքները, 61-րդ յօդուածին գործադրութիւնը: Ասով մենք մեր անկեղծ ազատարարի գործը աւելի պիտի ժողովրդականացնենք աշխարհի առջեւ»:

Տվյալ պահին հայության գլխավոր թշնամին Տաներ համարում էր կիսավայրենի քրդությանը՝ նշելով. «Կենդանի ազգ մը, ինչպէս են հայերը, ձգել որ ոչնչանա, քիւրտերէն իսկ անդին անգոյն Ալպանիա մը անբնական բարձրացման մեջ է: ... Թղթակցութիւնները հայ ազգին վիճակին մասին հետզհետէ աւելի վրդովիչ լուրեր կը հաղորդեն, մինչ քիւրտերը իրենց ակռաները կը սրեն: Հազարաւոր նոր մարդիկ զազանաբար պիտի մորթուին: Ալպանական խնդրէն առաջ պէտք է դրւի Հայկական հարցը կամ գոնէ ալպանական հարցին դէմ Ռուսիան պիտի դնէ Հայկական հարցը: Հայաստան ունի իր պատմութիւնը, իր լեզուն: Բոլոր զարգացեալ ազգերու կողքին ալ երկար եւ յամառ պայքարներ է մղած իր ազատագրման համար եւ եւրոպական քաղաքակրթութիւնը Արեւելքի մէջ մտցնելու նպաստած: Անոր

չի պակսիր ազգային գիտակցութիւն, գրականութիւն: Ան կենդանի է, ան պէտք է ապրի: Հակառակ պարագային՝ «քրիստոնեայ» Եւրոպան անգամ մը եւս Հանդիսատես պիտի ըլլայ անոր նոր Հերոսական պայքարներուն, բայց այն ատեն անոնք սուգի պիտի նստին Եւրոպայի համար ալ: Ատանան պէտք չէ կրկնի: Մինչմաներու լուսանկարները երկար ժամանակ «Քրիստոնեայ» Եւրոպային թոյլ պիտի տան, որ զբօսնու Պալքանեան պատերազմին արիւնայի պատկերներով...»:

Եվ Տանկը բուլղար ազգի և նրա պետութեան պարտականութիւնն էր համարում՝ ուժերը և հնարավորութիւնները ներածին չափով աջակից լինել Թուրքիայի հայ ժողովրդին, նրա ազատագրական տենչանքներին: Նա գրում էր. «Մենք որ մեր մորթին վրայ զգացած ենք հալածանքները, միթէ չպիտի՞ փութանք ամէնէն առաջ օգնութեան հասնելու այդ հալածեալ ազգին: Ամբողջ իմացական աշխարհը, որ, կը յուսանք, խիղճ, հոգի եւ սիրտ ունի, մեր մարդասիրական գործին պիտի նպաստէ: Ասիկա մեր պարտականութիւնն է. քայլ մը, զոր կը պարտաւորէ մեր պատիւը: Եւ այսպէս, – Mementa Armenia – յիշենք Հայաստանը»:

Տարիներ անց՝ 1935 թ. օգոստոսի 18-ին, դոկտ. Իվան Դիմիտրովը “Яворов листъ” թերթում գրում էր. «Հիրավի, Հայերը փոխհատուցին բուլղար բանաստեղծ Յավորովին, որն իր ստեղծագործութեան մեջ չէր մոռացել նաև Հայաստանի դժբախտ ճակատագիրը և երգել էր այդ ճակատագիրն՝ իր «Հայեր» անունով հոչակավոր բանաստեղծութեան մեջ: Հայերը ոգևորված նրանից և իրենց ազատութեան գաղափարից, կատարեցին իրենց պարտականութիւնը Յավորովի և Բուլղարիայի հանդեպ: Նրանք զոհեր տվեցին նաև Մակեդոնիայի և Թրակիայի ազատութեան համար, որոնք այնքան մոտիկ էին Յավորովի և ամբողջ բուլղար ժողովրդի սրտին: Նրանք կատարեցին նաև հայ հայրենիքի հանդեպ իրենց պարտականութիւնը՝ թանկագին զոհեր տալով ազատութեան խորանի առաջ:

Սակայն, մենք կատարեցի՞նք արդյոք մեր պարտականութիւնը [Հայերի հանդեպ] մինչև վերջ և հարկավոր զգուշավորութեամբ:

Այն Հայերը, որոնք մասնակից էին հայկական վաշտին, և

նրանք, ովքեր վաչտից դուրս էին, ամբողջովին նվիրված Բուլղարիայի ազատագրական պայքարին, արժանի փոխհատուցում էին բանաստեղծ Յավորովին և նրա հիանալի «Հայեր» եղերերգին: Այդ բանաստեղծությունքամբ Յավորովը առհավետ կապեց իր անունը և իր անթառամ փառքը՝ հայ ժողովրդի ճակատագրի և անվան հետ: Նույնպես նա իրար շողկապեց մեր երկու ժողովուրդները: Հայերն այսօր մի անգամ ևս հատուցում են բանաստեղծին, կանգնեցնելով նրա հուշարձան-կիսանդրին Բուլղարիայի մայրաքաղաքում»<sup>1</sup>:

### ՀԱԿԸՆԴԴԵՄ ԿԱՐԾԻՔՆԵՐ

Թուրքահայ հասարակական-քաղաքական գործիչների և Կ. Պոլսի հայ մեծահարուստների մի մասը, հայ եկեղեցու սպասավորները և մամուլի պահպանողական օրգանները հակված չէին արդարացնելու քառյակ դաշինքի գորքերի կազմում իրենց ազակիցների մասնակցությունը պատերազմին:

Պատերազմի դեմ հանդես եկող հայկական մամուլի օրգաններում տպագրված հոդվածների հեղինակները զարմանք էին արտահայտում հանուն ուրիշ երկրի չահերի բուլղարական բանակի շարքերում կռվող հայ մարտիկների ցուցաբերած այդաստիճան անձնուրաց պահվածքի համար:

Բուլղարական բանակի կազմում Անդրանիկի և Նժդեհի գլխավորած վաչտի գործողությունների մասին քաջատեղյակ էին Կ. Պոլսում: Թուրքական մամուլի առավել ազգայնամոլ օրգանները հայկական վաչտի գոյությունը փաստը օգտագործում էին հայությունը նկատմամբ թշնամական նոր գործողություններ հրահրելու համար: Կային նաև համեմատաբար «մեղմ» հրապարակումներ: Այսպես՝ անդրադառնալով վաչտի մարտական գործողություններին՝ «ԻՖհամ» թերթը իր խմբագրականում գրում էր, թե դա դավաճանություն է առաջին հերթին թուրքահայ ազգի չահերին: Նա միմյանցից առանձնացնում էր Թուր-

<sup>1</sup> «Яворовъ листъ», 18 августа 1935 г.

քիայում և արտասահմանում ապրող հայերին և վերջիններես համարում երկրորդական կարգի<sup>1</sup>:

Եթե հայկական վաշտի կատարած հերոսությունների մասին լուրերը ոգեչնչում էին Թուրքիայից դուրս գտնվող հայերին, հատկապես հայ երիտասարդությունը, ապա Թուրքահայերի մեջ դրանք նոր տազնապներ էին հարուցում, քանզի համոզված էին, որ իշխանությունները դա հեշտությունը չեն մարսի, և որ Թուրքերն անպայման նոր վրեժխնդրությունների կղիմեն:

Սահմանադիր ուսմկավարների օրգան «Ազգ» (Բոստոն) Թերթի թղթակիցը Կ. Պոլսից գրում էր. «Անշուշտ քաջութեան ինչպիսի ապացույցներ ալ տուած ըլլան Անդրանիկ և իրենները, պատերազմին բախտն ու ելքը իրենք չվճռեցին և ոչ իսկ կարելի է ըսել, թե ավազի հատիկի մը չափ ազդեցութիւն ունեցան դեպքերու ընթացքին վրայ, որոնք նոյնը պիտի ըլլային, ինչ որ եղան ու են այսօր, բայց չմոռնանք, որ իրենց անխորհուրդ ու յիմարական ձեռնարկը, եթե բան մը չհահեցուց պուկարներուն, շատ բան կորսունել տուավ մեզի:

Մեր հերոսները, երբ Գրըգ Քիլիսեէն մինչև Տեսե Աղաճ իրենց քաջագործութիւնները կը ցուցադրին, մոռցած էին Թերեսս որ ատոնց հաշիվն՝ իր տոկոսովը մեկտեղ, Թուրքիոյ մէջ ապրող իրենց երկու միլիոն անգեն ու անպաշտպան արիւնակիցներէն կրնար պահանջուիլ»<sup>2</sup>:

Այնուհետև հողվածագիրը նշում էր, որ իրենց հավատակիցներին քրիստոնյաների դեմ գրգռելու համար մահամեղական կրոնավորները դիմում են ամեն տեսակի սաղրանքների, հայտարարություններ են անում, թե պատերազմը սկսած քրիստոնյաների նպատակներից մեկը մզկիթները եկեղեցիների վերածելն է և իսլամության բնաջնջումը: «Ճիհատի կոչին հետ եթէ այս հեքիաթներն ալ հասնին զավառի վայրագ խուժանին ականջներուն, ինչ կըլլայ տպավորութիւնն ու հետևանքը:

Կարելի չէ մտածել, թէ հայկական դատը որևէ կերպով կրնայ նպաստավորուիլ այսպիսի արկածախնդրություններէ:

<sup>1</sup> Տե՛ս «Ազգ» (Բոստոն), № 38, 5 մարտի 1913 թ.:

<sup>2</sup> «Ազգ» (Բոստոն), № 38, 5 մարտի 1913 թ.:

Պուլկարին, սերպին ու հելլենին խուսափուկ համակրութիւնը կուտի մը չափ իսկ արժեք չունի, անոնք հազիվ իրենց պահանջները կրնան ապահովել ու անկե անդին փոյթներին իսկ չէ եթէ հայաբնակ նահանգներուն մէջ քար քարի վրայ չմնայ»<sup>1</sup>:

---

<sup>1</sup> «Ազգ» (Բոստոն), № 38, 5 մարտի 1913 թ.: Բալկանյան պատերազմում բուլղարական բանակի կազմում հայկական կամավորական վաշտի մասնակցութեան մասին հաճախակի անդրադառնում էին Կ. Պոլսի թուրքական թերթերը: Այդ հրապարակումները զայրույթ էին առաջ բերում ոչ միայն փողոցում, այլև Բ. Դոան աշխատասենյակներում: Զայրույթի կենտրոնում Անդրանիկն էր: Շապին-Գարահիսարի թուրք իշխանութունները պատրաստվում էին վրեժի: Անդրանիկի վաղամեծ կնոջ՝ Վերոնիկայի քույր Ազնիվ Թաճյանը վերհիշել է. «Թուրքերը կատաղած կուզեին մեզ կոտորել, եթե պզտիկ հրաման մը տային: Ան ատեն արդեն մենք ալ հարաբերութիւններս կտրեցինք Անդրանիկի հետ. երևի ինքն ալ գուշակած էր այս եղելութիւնը և ինքն ալ չէր գրեր մեզ նամակ» (ՀԱԱ, ֆ. 370, ց. 2, գ. 4, թ. 45): Սակայն որոշ ժամանակ անց թուրքերը առիթը գտան և գործի անցան: Քաղաքից դուրս մի քանի երիտասարդներ կանգնեցնելով՝ ոճրագործները, «Թող Անդրանիկը գա ու ձեզ փրկի» ասելով, սպանում են նրանց, ապա իբրև պատասխան Անդրանիկի գործողութունների՝ սրի են քաշում քաղաքի մոտ գտնվող Համգալու հայկական գյուղը (տե՛ս նույն տեղում): Երբ 1915 թ. սկսվեց հայերի ցեղասպանությունը, թուրքերը դաժան դատաստան տեսան Անդրանիկի հայրենի քաղաքի՝ Շապին-Գարահիսարի հայությունը հետ: Դահիճներն առանձնակի դաժանութեամբ հաշվահարողարի են թարկեցին նրա հարազատներին ու ազգականներին: Նրանք ոչնչացրին Անդրանիկի եղբորը և նրա ողջ ընտանիքը, հորեղբոր բոլոր զավակներին՝ իրենց ընտանիքներով, այդ թվում հորեղբոր որդուն՝ գրականագետ Գագիկ Օզանյանին: Թուրքերն առիթը բաց չէին թողնում ասելու, որ քաղաքի հայերին ջարդելով՝ նաև լուծում են իրենց վրեժը Անդրանիկից, որ «նրանից չառած վրեժը առնում են նրա համաքաղաքացիներէն և ազգ ու ազգականներէն, քանի որ չեն կարող հաշտուիլ անցած-դարձած դեպքերուն հետ» (ՀԱԱ, ֆ. 370, ց. 2, գ. 4, թ. 47): Թուրքերը «կ'ըսեին թե ի՞նչ գործ ունեւր Անդրանիկ Պալքաններուն մէջ և պուլկար բանակին միացած իր հայ խումբերով նոյնիսկ հանդգնեցավ առաջինն ինքը մտնելու էտիրեն քաղաքը ... Թուրքեր անչափ գազազած էին և երկու խոսքէ մեկը կը պոռային և կ'ըսեին «Թող ձեր Անդրանիկը գա և ձեզ փրկէ»: Նրանք բորբոքուած անխնայ կոտորեցին բոլոր ձեռքն ընկած տղամարդկանց, որոնց գերեզմաններն անհայտ եղան, իսկ երեխաները, աղջիկ, կին, քջեցին, տարին հոս, հոն, իրարմէ բաժանեցին, ցիր ու ցան ըրին և մեկըզմեկէ անտեղեկակ պահեցին» (նույն տեղում):



Արյունահեղ կոիվները շատ ծանր էին նստում Բալկանների քաղաքային բնակչության վրա: Մեծ կորուստներ էին կրում նաև Հայ խաղաղ բնակիչները՝ սպանվածներ, վիրավորներ, թալանվածներ: Թուրքահայ մամուլի օրգանները Կ. Պոլսի հայկական իշխանությունների ուշադրությունը հրավիրում էին եվրոպական Թուրքիայում ծավալված արյունահեղ կոիվների հետևանքով այնտեղի հայերի ծանրագույն պայմանների վրա: Հայոց պատրիարքարանը չէր կարողացել օգնության ձեռք մեկնել իր հոտին: Քննադատելով պատրիարքին՝ հայկական մամուլը չեչտում էր, որ նա նույնիսկ ստույգ տեղեկություններ չունի բալկանյան հայերի մասին, որի պատճառով չի կարողացել կազմել մի հանձնախումբ՝ հետին թշվառություն ենթարկված հայերին ինչ-որ չափով օգնություն ցույց տալու համար: Թերթերը հայկական պատասխանատու մարմինների ուշադրությունը հրավիրում էին պատերազմի արհավիրքներին ենթակա ազգակիցների նվազագույն կենսական պահանջներին բավարարություն տալու խնդրի վրա<sup>1</sup>:

Անկախ ամեն ինչից՝ հայությունը խաղաղություն էր ուզում, իսկ պատերազմը համարում էր համամարդկային չարիք: «Աւետաբերի» հոդվածագիրը նկատում էր. «Մարդիկ պատերազմի միջոցին կատարելապէս վայրի գազաններու պէս զիրար բզկտելու կը ձգտին և տասնեակ հազարներով կ'իյնան մահասփիւռ ոռւմբերու և գնդակներու միջոցով: Ո՞րքան ընտանիքներ իրենց միակ նեցուկներէն կը զրկուին, ո՞րքան մարդիկ դժբախտութեան յետին անդունդը կը գլտորին, ո՞րքան նիւթական կորուստներ ուրախութեամբ կը տանին մարդիկ իրենց նմանները կոտորելու համար»<sup>2</sup>:

Բալկանյան առաջին պատերազմի նկատմամբ բուլղարահայության ակտիվ վերաբերմունքը, հայկական վաչտի գործողությունները եվրոպական հասարակական կարծիքը միանշանակ չընդունեց. ընդհանրապես զուսպ լինելով իր գնահատականնե-

---

<sup>1</sup> «Աւետաբեր», № 46, 16 նոյեմբերի 1912 թ.:

<sup>2</sup> Նույն տեղում:

րում՝ այս դեպքում չէր արդարացնում հայերի բռնած դիրքը: Հատկապես դա վերաբերում էր եվրոպական սոցիալիստներին, որոնք ավանդաբար կողմնակից էին Օսմանյան կայսրության տարածքային ամբողջականության պահպանմանը՝ այն դիտելով որպես հուսալի պատվար դեպի Եվրոպա ուսական առաջխաղացման դեմ: Ֆրանսիացի հայտնի սոցիալիստ Ժորեսի օրինակով Միքայել Վարանդյանը նույնպես քննադատաբար էր գնահատում պատերազմի օրերին հայերի մեծ մասի հակաթուրք կեցվածքը: «Ամէն պարագայի իրողութիւն մըն է,- գրել է նա,- որ բալկանեան պատերազմէն ի վեր Ժողէս ի սպառ պաղեցավ մեզմէ. վասնզի տեսավ, որ ամբողջ հայութիւնը, մասնավորապես Թուրքահայերն իրենց պատրիարքով, Ազգային ժողովով և բոլոր քաղաքական կուսակցութիւններով բացարձակապես թշնամական դիրք էին բռներ հանդեպ թրքութեան և նետուեր էին Ռուսիոյ գիրկը...»

Էլ այնուհետև չէինք լսել Ժողեսի ձայնը հայ դատի մասին, էլ նա չէր երեւար մեր մտերմական հավաքոյթներու մէջ, էլ չէին ազդեր անոր վրայ մեր և անգամ Պրեսանսէի թախանձանքներն ու յորդորները - Պրեսանսէի՝ որ այդ միջոցներուն վերսկսեր էր «Պրո Արմենիայի» հրատարակութիւնը Վիքտոր Բերարի և մեզի (ՀՅ դաշնակցութեան: - Հ. Ս.) հետ... Չեմ մոռնար *Salle Wagram*-ի հոյակապ միթինկ մը, ուր հրաւիրուած էին Ժողէս, Վայիան և Պրեսանսէ խոսելու արեւելեան տազնապի մասին: Ուր տրուեցավ նախ Պրեսանսէի, որ ամէնէն հմուտն էր օրուան հրատապ միջազգային խնդիրներու մէջ: «Պրո Արմենիայի» (եւ երբեմն *Temps*-ի) խմբագրապետը աննման վարպետութեամբ վերլուծեց բազմահազար ժողովրդի առջեւ բալկանեան, Թուրքական կնճիռները և անցնելով հայկական խնդրին, ըսաւ ի միջի այլոց հետեւեալը. «Մեր ամէնէն պերճախօս ձայները, որոնք վաղուց ի վեր այնքան եռանդով պաշտպանել են հայ դժբախտ ժողովրդի դատը, այսօր տարաբախտաբար լռութիւն կը պահպանեն այդ դատի հանդէպ»:

Շեշտակի ակնարկ մըն էր Ժողէսին: Մեծ հոնտորը ելաւ իր հերթին խօսելու արեւելեան տազնապի շուրջը և կը սպասէինք, որ գէթ քանի մը խօսքով պիտի յիշատակեր հայկական հարցը.

բայց եւ ոչ մի խօսք չարտասանեց... Այդպէս - յամառ լուծիւն մինչեւ իր մահը: Ժողովք վշտացեր ու երես դարձուցեր էր մեզմէ ... Սորունկ ցավ մըն էր մասնաւորապէս այն հայ մտաւորականներու համար, որոնք դեռ 1896-ի թուականէն ճիգեր ըրեր են գրաւելու այդ մեծ Փրանսացին մեր բարեկամներու շարքը»<sup>1</sup>:

Այո՛, կարծիքները հակասական էին, մեկը մյուսին ժխտող: Դա հետեանք էր ոչ միայն հայկական վաշտի գործունեութիւնը գնահատողների սուբյեկտիվ ընկալումների, այլև Թուրքիայում ապրող հայ բնակչութեան դժխեմ կացութեան:

## **ԹՈՒՐԲԱԿԱՆ ԲԱՆԱԿՆԵՐԻ ՊԱՐՏՈՒԹՅԱՆ ՊԱՏՃԱՌՆԵՐԸ**

Ընդամենը մեկ ամսից մի փոքր ավելի ժամանակահատվածում թուրքական բանակները բալկանյան պատերազմի բոլոր ճակատներում կրել էին ջախջախիչ պարտութիւններ: Դիվանագետներն ու մամուլը վկայակոչում էին հետևյալ պատճառները.

1) Բուն պատճառը ներքին տնտեսականն էր: Թուրքիայով ճանապարհորդած եվրոպացիներից մեկը երկիրն անվանել է «աղքատ հարուստ»: Հիրավի, նման բնութագրումը շատ դիպուկ էր: Բնական հարստութիւնների տեսակետից Թուրքիան առավել ինքնաբավ երկրներից մեկն էր, հողի պտղաբերութեան տեսակետից աշխարհում առաջիններից էր, տաք և խոնավ կլիմայի շնորհիվ ուներ փարթամ և բազմատեսակ բուսականութիւն: Երեք կողմից շրջապատված լինելով ծովերով՝ ուներ բացառիկ բարենպաստ հաղորդակցութեան ուղիներ աշխարհի երկրների մեծ մասի հետ: Թուրքիայի ափերի բազմաթիվ նավահանգիստները հարմար կայաններ էին ապրանքների ներմուծման ու արտահանման համար: Չնայած այդ ամենին՝ երկիրն ընդհանուր առմամբ հետամնաց էր, արտադրողական ուժերը քիչ թե շատ զարգացում էին ապրել վերջին 20-30 տարիներին,

---

<sup>1</sup> «Սինոն Զաւարեան», Ա. հատ., Պէյրութ, 1983, էջ 52, 53:

այն էլ հիմնականում մայրաքաղաքում և ծովափնյա շրջաններում: Երկրագործություն մեջ դեռևս իշխող էին ծայրահեղ հետամնաց արտադրական միջոցները, ուստի արտադրողականությունը քիչ արդյունավետ էր: Մահմեդական զանգվածների մեջ շարունակում էր տիրել միջնադարյան խավարը, եվրոպական քաղաքակրթության տարրերը դեռևս սաղմնային վիճակում էին:

2) Մյուս պատճառը տնտեսականից բխող սոցիալականն էր: Չնայած բացառիկ բնական պայմաններին՝ Թուրքիայի բնակչությունը համարվում էր ամենաաղքատներից մեկը: Նա չէր օգտվում այն բոլոր բարիքներից, որ նրան կարող էին տալ հողն ու ընդերքը: Ինչպես գյուղացիությունը, այնպես էլ քաղաքային բնակչությունը մշտական կարիքի մեջ էին, պետական գանձարանը դատարկ էր, պետական ծառայողներն իրենց աշխատավարձն ստանում էին մեծ ուշացումներով:

3) Հաջորդը կառավարման անարդար համակարգն էր: Անդրադառնալով այդ հարցին՝ Կ. Պոլսի «Աւետաբեր» թերթը գրում էր. «Երկրին մէջ տիրող ապօրինութեան, անարդարութեան հետեւանքով ամէն ոք դժգոհ է... Օսմանեան» կայսրությունն առանց հիմնական բարեփոխումներու չի կրնար գոյութիւն ունենալ: Եթէ մենք ալ աշխարհի մէջ իբր քաղաքակիրթ պետութիւն մը պիտի ապրինք, պէտք է որ ամէնէն առաջ ամբողջ կայսրութեան մէջ հիմնական բարեփոխութիւն ներմուծենք: Միջնադարեան ըմբռնումներով եւ կազմակերպութեամբ այլևս ոչ միայն չենք կրնար մեծ ազգերու շարքը դասուիլ, այլ նոյն իսկ մեր գոյութիւնն ու անկախութիւնը չենք կրնար պաշտպանել: Այս բարեփոխութեան հարցին նշանակութիւնը մեր Կայսրութեան համար նոյն իսկ այս պատերազմէն աւելի կարեւոր է: Վարիչ շրջանակները վերջապէս պիտի հասկնա՞ն արդեօք այս ճշմարտութիւնը»<sup>1</sup>:

4) Վճռորոշ էր բանակի անբավարար զինվածությունը, զինվորների ու սպանների ռազմական ցածր պատրաստվածությունը:

---

<sup>1</sup> «Աւետաբեր», № 44, 2 նոյեմբերի 1912 թ.:

նը, նրանց չարքերում անհրաժեշտ կարգապահույթյան պակասը, անձնակազմի բարոյահոգեբանական անմխիթար վիճակը:

Սույլծան Աբղույ Համիդի 35 տարիների գահակալությունն պայմաններում անդամալուծվել էր բանակի կառավարման համակարգը, նրա վարչական բովանդակ մեքենան, սպառնազին պակասել էր վարժ ու կարող հրամանատարների թիվը: Երիտթուրքական հեղափոխությունը հաջորդած տարիներին զինվորականներն ավելի շատ զբաղվում էին քաղաքական խնդիրներով, քան զինավարժություններով: Մոռացություն էին տրված թուրքական զինվորականության հին ու եզակի ռազմական ավանդույթները: Զորամասերում մեծ թիվ էին կազմում ռեզիդենտները (պահեստի զինվորները), որոնք հակառակորդի հետ առաջին իսկ ընդհարման ժամանակ խմբերով լքում էին կովի դաշտը: Այնինչ 21-29 տարեկան կանոնավոր զինվորները մինչև վերջ մնում էին իրենց դիրքերում: Այդ էր պատճառը, որ վիրավոր թուրք զինվորների թվում համարյա չկային ռեզիդենտներ: Թեև թուրք սպաները կարծիք էին հայտնում, որ կոպիտ սխալ է իրենց զինվորական ունակություններն արդեն կորցրած ռեզիդենտներին կովի դաշտ հանելը<sup>1</sup>, բայց վերին հրամանատարությունը կտրականապես հերքում էր սպաների այդ տեսակետը:

Բալկանյան ռազմաբեմում թուրքական զորքերի առաջին լուրջ պարտություններն առիթ դարձան, որ իթիլաֆի կառավարությունը և մամուլը նորանոր մեղադրանքներ ներկայացնեն իթիլահադին: Շեշտվում է, որ իտալական պատերազմից և ներքին բազում խնդիրներից առանց այն էլ նեղն ընկած երիտթուրքերի կառավարությունը, միամտաբար հավատալով մեծ պետությունների խոստում-երաշխիքներին, թե թուրքիայի դեմ այլևս պատերազմ չի լինելու, ցրեց իր զորքերի մեծ մասը: Այդ պահից «մենք խաբուեցանք, յանկարծակիի եկանք եւ կործանուէցանք»<sup>2</sup>, - նշում էր իթիլաֆական բարձրաստիճան պաշտոնյաներից մեկը:

---

<sup>1</sup> Տե՛ս «Ազատամարտ», № 1030, 16 (29) հոկտեմբերի 1912 թ.:

<sup>2</sup> Տե՛ս «Առաջամարտ» (Կ. Պոլիս), № 1072, 28 նոյեմբերի (10 դեկտեմբերի) 1912 թ.:

Վարչապետ Ահմեդ Մուխթար փաշան «էքո դը Պառի» պարբերականին տված հարցազրույցում ասել էր, որ երիտթուրքերն իրենց կառավարման տարիներին բանակում ամեն ինչ տակնուվրա են արել: Ամենից առաջ նա շեշտադրում էր սպայական կազմում տեղի ունեցած աննպաստ փոփոխությունները: Մինչև 1908-ի օսմանյան հեղափոխությունը թուրքական բանակի սպայակազմի մի մասը համալրվում էր զինվորական ծառայությունից, մյուս մասը՝ զինվորական վարժարաններից: Դա հաճո չլիցք երիտթուրքերին, որոնք նախկին սպայության մեծ մասին հանգստյան կոչեցին, շատերն էլ կամավոր թողեցին բանակը, և երեք տարվա ընթացքում զորամասերը համալրվեցին ավելի քան 1500 երիտասարդ անփորձ սպաներով: Նախկինում 800 զինվորից կազմված գումարտակն ուներ 16-17 սպա, իսկ հիմա՝ ավելի քան կրկնակի պակաս՝ 7 սպա: Սպաները սերտ հարաբերությունների մեջ չէին իրենց ենթակա զինվորների հետ: Մուխթար փաշան շարունակում էր. «Մեր բոլոր քաջ զինուորները առանց գլխի մնացած էին, ինչ կ'ուզէիք որ ընէին: Եւ յետոյ, հին թուրքերուն ատեն սպան միշտ իր զինուորներով կ'զբաղէր, անոնց համար ամէն բան կ'ընէր: Մինչդեռ մեր երիտասարդ սպաները Պէրլինի պէս կ'ուզէին ընել: Մարզանքէն վերջ սուրը պատեանը կը զնէին եւ այլեւս գործերնին վերջացած էր»<sup>1</sup>:

Փոն դեր Հոյց փաշան, «Ասիական-գերման ընկերություն» հրավերով այնտեղ ունեցած ելույթում անդրադառնալով թուրքական բանակի կրած պարտություններին և կարծես անհամաձայնություն հայտնելով Ահմեդ Մուխտար փաշային, բայց փաստորեն հաստատելով նրա ասածը, նշել էր. «Պէտք է գիտնալ, որ մինչեւ 1909, Թուրքիա նոր մեթոտով բանակ մը չունէր: 1909էն ետք ձեռնարկեց բանակին վերակազմութեան, սակայն այդքան կարճ ժամանակամիջոցի մէջ ան չկրցաւ իր բանակը վերակազմել, ինչ որ չպիտի կրնար ընել ուրիշ ոեւէ տէրութիւն: Պուկարիա 27 տարիէ ի վեր պատրաստուած էր այս պատե-

---

<sup>1</sup> «Ժամանակ», № 1264, 1 (14) նոյեմբերի 1912 թ.:

րազմին: Թուրքիա, նոյնիսկ Անատոլու վերջին տասը տարուան միջոցին անվերջ կոիւներով հիւժեցաւ: Պետութիւնը կանգուն պահելու համար անլուր զոհողութիւններ պահանջուեցան, ու հիմա եւրոպական նահանգները կը կորսուին եւ Թուրքիոյ ձեռքը մնալիք միւս նահանգներն է որ պիտի կրեն ծանրութիւնը»<sup>1</sup>:

Բայց Իթթիլաֆը շարունակում էր բացահայտել գերմանացիների և անձամբ գերմանացի զորավար ֆոն դեր Հոյց փաշայի օգնությամբ Իթթիհազի կողմից Թուրքական բանակի վերակառուցման ճակատագրական արատները: Անդրադառնալով բանակի աններելի թերութիւններին՝ Իթթիլաֆական վարչապետը շեշտադրում էր, թե իր կառավարութիւնը որքան մեծ ջանքեր է գործադրել բանակը լիակատար ջախջախումից փրկելու համար: «Պուկարիոյ դէմ կրցայ 200.000 զինուոր հաւաքել պատերազմի սկիզբները: Յունաստան և Գարատաղ ինձ մտահոգութիւն չէին պատճառեր: Ամէն բանէ առաջ պէտք էր պուկարները կեցնել»<sup>2</sup>: Նա շեշտում էր, որ օսմանյան ձախողումներից հատկապես աններելին այն է, որ բոլորովին բարձիթողի է գորքի կերակրման հարցը: Զինվորներն օրերով տառապում են սովից, այն դեպքում, երբ ռազմաճակատ հասած վագոնները լիքն են հացով ու այլ սննդամթերքով: Անկազմակերպվածութեան և ուտելիքի բաշխման անկանոնութեան պատճառով նրանք օրերով մնում են առանց ուտելիքի: «Ի՞նչ կ'ուզէիք որ ընէին. սպա չունէին, անօթե էին, փախան»<sup>3</sup>:

5) Մեծ էին Թուրքիայի և բալկանյան դաշնակից բանակների զորքերի ու զենքերի որակների տարբերութիւնները: «Ազատամարտը» թարգմանաբար արտատպել էր Փարիզում հրատարակվող երիտթուրքական «Ժեոն Թյուրք» թերթում Իթթիհազական գործիչ Հակոբ Շերբեթճյանի հոդվածը, որտեղ նա գրում էր, որ Թուրքական բանակի խոշոր պարտութիւնների գլխավոր պատճառներից մեկն այն է, որ նա առաջնորդվում է պրուսական ռազմական արվեստով և գործածում է համարյա միայն

<sup>1</sup> «Ժամանակ», № 1264, 1 (14) նոյեմբերի 1912 թ.:

<sup>2</sup> Նույն տեղում:

<sup>3</sup> Նույն տեղում:

գերմանական զենք: «Այժմէն կը թուի որ կարելի է դաս մը առնել այն տխուր դէպքերէն, որոնք սուգի մատնեցին մեր Հայրենիքը,- գրում էր նա: - Այս դասը այն է որ մարաջախտ ֆօն տէր Կօլցի եւ Փրուսիացի մարզիկներու ա'յնքան զովաբանուած զինուորական կազմակերպութիւնը սնանկացած է Թուրքիոյ մէջ: Այդ անբաւականութեան ապացոյցը ձեռք բերուած է, ու գերման թերթերը իրենք ալ Հաստատած են այս բանը, ո'չ առանց դառնութեան: Գերմանական կազմակերպութիւնը ձախողեցաւ Հաւանաբար անոր Համար որ չէր Հարմարեր օսմանցի զինուորին նկարագրին, բայց նաեւ եւ անտարակոյս այն պատճառով որ կարծուածին չափ կատարեալ չէր: Մեր Հայրենիքին ի մեծ զօրախտութիւն, փորձառութիւնը Հաստատեց այն թէզը զոր միշտ պաշտպանած ենք Հոս, Հրաւիրելով մեր կառավարութիւնը որ զգուշանայ գերմանական բարեկամութենէն, գերմանական մարզանքէն, գերմանական յորդորներէն, գերմանական ապրանքներէն»<sup>1</sup>: Ռազմաճակատում թուրք Հրետանավորները մշտապես բողոքում էին, որ իրենց տրամադրության տակ գտնվող հիմնականում գերմանական հրանոթները չեն կարողանում դիմանալ թշնամու բանակների ֆրանսիական «Շնեյդեր-Կրեզո» նորագույն հրանոթների հարվածներին<sup>2</sup>: «Քրուսի թնդանօթներուն վարնոցութիւնը պատճառ եղաւ որ մեր Հրետանին քանդուի Քրէօզէի գործարաններուն պատրաստած թնդանօթներէն: Ամէն կողմ կ'երեւայ այն աղետալի ազդեցութիւնը զոր Քայզերին Հպատակները ունեցած են մեր Հայրենիքին վրայ»<sup>3</sup>:

6) Թուրքերը աներևակայելի դանդաղկոտությամբ էին ընդօրինակում եվրոպական առաջավոր գիտությունն ու տեխնիկան, պատերազմելու արվեստը:

4. Պոլսի «Ժամանակ» թերթը թարգմանաբար արտատպել էր Ալի Բենալ բեյի «Իկղամ» («Խիզախություն») թերթում տպագրված հոդվածը, ուր հեղինակն անդրադառնում էր պա-

<sup>1</sup> «Ազատամարտ», № 1030, 16 (29) հոկտեմբերի 1912 թ.:

<sup>2</sup> Նույն տեղում:

<sup>3</sup> Նույն տեղում:



տերազմում թուրքական բանակի պարտություն հենց այդ պատճառին: «Արեւելքի եւ Արեւմուտքի հակառակութիւնները յավիտենական են,- գրում էր Քեմալ բեյը:- Այսօր սակայն այս կոխին մէջ Արեւմուտքն է որ կը յաղթէ, մինչ Արեւելքը կը պարտուի: Որովհետեւ ան գիտութիւն է, ուսում է, քաղաքակրթութիւն է, մինչ ասդիկներ անոր հետ բաղդատմամբ տգիտութիւն է, ուսման չգոյութիւն է, քաղաքակրթութեան պակաս է: Այս ճշմարտութիւնը չի հասկնալ մտաւորապէս իյնալ կը նշանակէ: Այս տեսակէտով Արեւելքին եւ Արեւմուտքին միջեւ Եւրոպայի մէկ անկիւնը սեղմուած թուրքերուն քաղաքակրթական պարտականութիւն մը կ'իյնար, որ էր ազգային բարքերը պահպանելով հանդերձ տրտմաբանութեամբ, ուսումով եւ քաղաքակրթութեամբ կարելի եղածին չափ Արեւմուտքի մօտենալ, արեւմտեան քաղաքակրթութիւնը իւրացնել... Մասնաւորաբար եւրոպացիներուն համար արեւելեան ազգերը մեծ խնդիր մը կը կազմեն: Այս ազգերը կարելի չէ անկեալ վիճակի մը մէջ թողուլ: Բիրտ ուժով զանոնք ջնջելն ալ հակամարդկային է...»<sup>1</sup>:

7) Նշենք նաև, որ օսմանյան կայսրությունն ընդարձակաճավալ էր, միաժամանակ նրա հաղորդակցության միջոցները շատ թերի էին, որի պատճառով թուրքական կառավարությունը մեծ ուշացումով էր կարողանում գորքերը հասցնել պատերազմի դաշտ և դրանք կենտրոնացնել ռազմաճակատի առավել վտանգավոր հատվածներում: Անատոլիայից եկած օգնական զորքի մի մասը ստիպված էր եղել հետիոտն երկար տարածություն կտրել և Փոքր Ասիայից պատերազմի դաշտ էր հասել հոգնած ու վհատված: «Ազատամարտը» գրում էր, որ մասնավորապես բուլղարների հաջողությունների հիմնավոր պատճառներից մեկը նրանց երկրի տարածքի փոքրությունն է, որը զորահանությունը դարձնում է ավելի դյուրին ու արագ, քան թուրքիայում<sup>2</sup>:

8) Բալկանյան դաշնակից երկրների հաղթանակներին նպաստում էր նաև այն, որ նրանց երկաթուղիներն ու ճանա-

---

<sup>1</sup> Տ'ես «Ժամանակ», № 1262, 30 Հոկտեմբերի (12 նոյեմբերի) 1912 թ.:

<sup>2</sup> Տե'ս «Ազատամարտ», № 1028, 14 (27) Հոկտեմբերի 1912 թ.:

պարհները եվրոպական Թուրքիայի համեմատ ավելի կատարելագործված էին, գործում էին ավելի կանոնավոր, որի շնորհիվ կարողանում էին կարճ ժամանակի ընթացքում գլուխ բերել գորքերի տեղափոխումը ռազմաճակատներ:

9) Մամուլը նշում էր նաև թուրքերի պարտությունն ոչ էական պատճառներ ևս. օրինակ՝ թուրք զինվորին երբեք չէր հետաքրքրում, թե ինքն ինչու է կոպում: Նա պարզապես կոպում էր Ալլահի և Փաղիշահի համար:

10) Վերջապես, ոչ պակաս կարևոր նշանակություն ուներ այն հանգամանքը, որ Տրիպոլիտանական (Իտալական) պատերազմում կրած ծանր պարտությունից հետո թուրքական բանակը պատրաստ չէր մի նոր, է՛լ ավելի արյունահեղ պատերազմի, որպիսին Բալկանյանն էր:

## ՊՈԼԻՍԸ ՏԱԳՆԱՊՆԵՐԻ ՄԵՋ

4. Պոլսին բոլորը նայում էին նախանձով: Դիվանագիտական շատ խարդավանքներ էին հյուսվել նրա շուրջը, և շատ սրեր խաչվել նրա մատույցներում, բայց երկար դարեր ի վեր ոչ մեկին չէր վիճակվել տիրանալ օսմանյան մայրաքաղաքին

Նոյեմբերի 4 (17)-ի առավոտյան բուլղարական մի քանի զորամասեր արդեն օսմանյան մայրաքաղաքի դռների առջև էին: Քաղաքն արթնացավ թնդանոթաձգություն գոռ որոտմունքներից, որոնք լսվում էին առավելապես Բերայի բարձունքներում և արձագանքում Շիչլիում, Թալիմհանեում, Թաթավլայում, Մաքրիգյուղում, Ուսսգյուղում և մայրաքաղաքի ուրիշ մասերում: Հեռագրերը հաղորդում էին, որ արդեն հետևակի ընդհարումներ են սկսվել Հատեմ Քեոյի և Տերքոսի կողմերում: Այստեղ էին կենտրոնացել բուլղարական բանակի առաջապահ ուժերը, որոնք խնդիր ունեին Քեաղըտհանների վրայով առաջանալ դեպի Շիչլի: Այդ ուղին ընտրվել էր խուսափելու համար օսմանյան մարտանավերի ուժակոծությունից:

Բայց բուլղարական հետևազորը, որ փորձում էր առաջանալ

Թուրքական բանակի աջ թևով և կենտրոնով, հետ մղվեց հրետանու զորավոր կրակով:

Բուն մայրաքաղաքում տիրում էր սոսկալի տրամադրություն: Օսմանցիների օրոք այն երբեք այդպիսի ընկճված ու խուճապահար վիճակի մեջ չէր եղել: Նախկիններում Բ. Դուռը եվրոպական այս կամ այն խոշոր պետությունից երկյուղներ էր ունեցել, ընկրկել էր նրանց ռազմական ուժի առջև: Բայց որ թուրքական կառավարությունը վախ ունենար, թե բալկանյան փոքր պետությունները կարող են վտանգ սպառնալ կայսրության մայրաքաղաքին, ոչ ոքի մտքով չէր անցել: Կ. Պոլսի ամրացումը Պապը Ալիում (Կ. Պոլիս) հիմնական մտահոգություն էր դարձել: Այդ ուղղությունը ուժերի գերագույն լարումով աշխատում էր մայրաքաղաքի մուհաֆըզը\*:

Այս պայմաններում Պոլսի նավահանգստում գտնվող օտար մարտանավերից զորախմբեր դուրս եկան՝ մայրաքաղաքի իրենց դեսպանատների ապահովությունը հսկելու համար: Դրանք ստանձնեցին նաև քաղաքի տարբեր հատվածների պաշտպանությունը:

Պոլիսը բուլղարներից պաշտպանելու համար կարծես միավորվում էին բոլոր երկրները: Նրանցից ոչ մեկը չահագրգռված չէր, որ բուլղարները տեր դառնան օսմանյան մայրաքաղաքին և վերահսկեն Դարդանեյը: Նրանք բոլորը լավ էին հասկանում, որ Կ. Պոլսի և նեղուցների status quo-ի խախտումն անխուսափելիորեն առաջ կբերի այնպիսի թնջուկներ, որոնք ոչ ոք այլևս չի կարող միայնակ հաղթահարել:

Արագ կազմվեց մայրաքաղաքի պաշտպանություն հատակագիծ, որի համաձայն՝ ֆրանսիական զորքը պիտի պաշտպաներ Բերայի, Պանկալթիի և Շիչլիի կողմերը, իտալական զորքը՝ Իչխանաց կղզիները, ռուսականը՝ Ֆեներն իր չրջաններով, անգլիականը՝ Ղալաթիան, ավստրիականը՝ Թոփխանեն, գերմանական նավաստիները պաշտպանելու էին Սկյուտարի կողմը, իսպանացիները և հոլանդացիները պիտի իրենց պաշտպանու-

---

\* Պաշտպան բանակի հրամանատարությունը:

Թյան տակ առնեին Գուճ-Գափուն, Ենի-Գափուն և Սամաթիան, ուունհնացիները՝ Բոսֆորը<sup>1</sup>:

Մեծ ուժեր էր Պոլիս հանել հատկապես Գերմանիան: «Բու-թանիա» թերթը հաղորդում էր, որ գերմանական «Գեոբեն» զրահապատ հաճանավը ցամաք է նետել 470 նավաստի և 11 սպա, արագահարված երկու թնդանոթ, բազմաթիվ զնդացի-ներ: Նավաստիները պաշտպանում էին գերմանական դեսպա-նատունը, հյուպատոսարանը և հիվանդանոցը: Թերթը նշում էր, որ Պոլսում ափ հանված ավատրիական նավաստիների թիվը կազմում է 300, ֆրանսիականը՝ 250, իտալականը՝ 200<sup>2</sup>: Քաղաքի պաշտպանությունը համար խստագույն միջոցներ էր ձեռնարկել թուրք ժանդարմների գերմանացի հրամանատար Պաուսանը՝ Պոլսում խարխախ նետած եվրոպական մարտանավերի ընդհանուր հրամանատարը: Բ. Դուռը հույս ուներ, թե Եվրոպան վերջին բուստին պատժամիջոցներով կսպառնա բալկանյան քառյակին: Չնայած տերությունները դեռ շարունակում էին հայտարարել, թե իրենք երաշխավոր են Թուրքիայի տարածքային ամբողջականությունը պահպանմանը, բայց իրականում պատ-րաստ չէին կատարելու իրենց խոստումը: Նույնիսկ նախորդ՝ 19-րդ դարում, ուսական սպառնալից գրոհները Թուրքիայի վրա անկարելի էր համեմատել նրա ներկա ճգնաժամի հետ, որովհետև եթե այն ժամանակ արևմտաեվրոպական պետու-թյուններն իրենց ռազմական ուժով ու խորհուրդներով կանգ-նած էին Թուրքիայի կողքին, ապա այժմ վիճակը բոլորովին այլ էր: Նրանք հիմա գործնականում չեզոք էին:

Այնուամենայնիվ, մայրաքաղաքի պաշտպանությունը գլխա-վոր ուժը շարունակում էր մնալ թուրքական զորքը: Քաղաքի բոլոր շրջաններում տեղակայված թուրքական զորամասերին հայտարարված էր, որ նահանջող զինվորներն ու սպաները կզնդակահարվեն տեղում: Իսկ Սան-Ստեֆանոյի բարձունքների վրա բացազատվել էր թուրքական 20-հազարանոց զորաբա-

<sup>1</sup> Տե՛ս «Ազատամարտ», № 4 (1051), 6 (19) նոյեմբերի 1912 թ.:

<sup>2</sup> Տե՛ս «Բուլթանիա», № 6 (1052), 7 (20) նոյեմբերի 1912 թ.:

նակ, որի խնդիրն էր թույլ չտալ պարտված զորամասերի մուտքը Կ. Պոլիս, այլ նրանց ուղղորդել Փոքր Ասիա<sup>1</sup>: Բ. Դուռը միաժամանակ Հայտարարել էր, որ եթե թշնամին մտնի Պոլիս, ապա քաղաքի բնակիչները պարտավոր են կռվել մինչև վերջին շունչը: Իբր իրեն նույնպիսի զոհողություն էր պատրաստում նաև Իթթիլաֆի կառավարությունը կազմը, համենայնդեպս՝ խոսքով: «Առաջամարտ» թերթը հաղորդում էր. «Քեամիլ փաշա մեծ տերութիւններու ղեսպանները հավաքելով, անոնց յայտարարած է թե այն պարագային, երբ պուլգարները Պոլիս մտնեն, սուլթանն ու ինքը որոշած են մեռնիլ»<sup>2</sup>:

Կ. Պոլսի վրա բուլղարական զորքերի մոտալուտ Հնարավոր հարձակումը տագնապ ու խուճապ էր առաջ բերել ոչ միայն Բ. Դուռն, այլև Կ. Պոլսի դիվանագիտական բոլոր շրջաններում: Սկսվեցին վախվորած դիվանագետների փոխայցելություններ: Այդ օրվա առավոտյան Թուրքիայի արտգործնախարար Գաբրիել Նորատունկյանը գնաց ռուսական ղեսպանություն՝ բանակցելու ղեսպան դը Գիրսի հետ, որից հետո եղավ վարչապետի մոտ: Անգլիական ղեսպանատան առաջին թարգման Ֆիցմորիսը շտապեց Նորատունկյանի բնակարան և տեսակցեց նրա հետ, որից հետո երկուսով մեկնեցին Բ. Դուռ՝ խորհրդակցելու վարչապետի հետ: Օրվա ուշ ժամերին ավստրիական ղեսպան Պալավիչինը, գալով Բ. Դուռ, տեսակցեց Քեամիլ փաշայի և Նորատունկյանի հետ<sup>3</sup>:

Նոյեմբերի 5-ի առավոտյան լուրեր հասան Պոլիս, որ տերությունները սպառնալիքներով բուլղարները դադարեցրել են հարձակումը մայրաքաղաքի վրա, միաժամանակ Հայտարարվեց, որ այդ դադարը ժամանակավոր է: Հակասական լուրերը շատերի մեջ համոզմունք էին ստեղծել, թե, այնուամենայնիվ, բուլղարները մտնելու են Պոլիս և հենց այնտեղ են թելադրելու զինադադարի իրենց պայմանները: Նրանք համոզված էին, որ

<sup>1</sup> Տե՛ս «Առաջամարտ», № 4 (1051), 6 (19) նոյեմբերի 1912 թ.:

<sup>2</sup> «Առաջամարտ», № 3 (1050), 5 (18) նոյեմբերի 1912 թ.:

<sup>3</sup> Նույն տեղում:

միայն այդ գնով է հնարավոր փակել պատերազմի արյունոտ էջը և ձևափոխել Եվրոպայի քարտեզը:

Այն ժամանակ, երբ Կ. Պոլիսն անկման նախօրյակին էր, երբ կենաց ու մահու կռիվ էր ընթանում բալկանյան դաշնակիցների և Թուրքիայի միջև, այդ նույն ժամանակ ՀՅ դաշնակցությունն օրգան «Առաջամարտում» տպագրվում է զարմանալի կարճատեսությամբ, իրականությունից բոլորովին կտրված «Մեծ երազի սկիզբը» վերտառությունը հողվածը, որի հեղինակը է. Ակնունին էր (Ուսչատուր Մալումյան)<sup>1</sup>:

Ակնունին նշում էր, որ մի քանի տարի առաջ, երբ բուլղարական զորքը գրոհում էր Սերբիայի վրա, կամ երբ Սոֆիայի ազգայնամոլները «Կորչեն հույները» աղաղակներով նրանց դուրս էին քշում իրենց մանուկ պետությունից, և կամ երբ բալկանյան չորս պետությունները նույնքան կասկածամիտ էին միմյանց նկատմամբ, որքան այսօր Թուրքն է դեպի հույնը կամ քուրդը՝ դեպի հայը, ով կարող էր երևակայել, թե կգա մի օր, երբ այդ երկրները կկանգնեն համատեղ պայքարի դրոշի տակ, կողք կողքի՝ ծառայելով քաղաքական և քաղաքակրթական նույն իդեալին:

Հողվածագիրը գտնում էր, որ մի օր բալկանյան չորս երկրներին կմիանան նաև Ալբանիան ու Ռումինիան, և դրանով իսկ նախադրյալներ կստեղծվեն, որ ժամանակի ընթացքում դաշինքի բոլոր անդամ պետությունները միավորվեն՝ ստեղծելով բալկանյան համադաշնային մեկ միասնական պետություն, որի շնորհիվ Բալկաններում ընդմիջտ կվերանա թշնամությունը, տարածաչրջանի բոլոր ժողովուրդները կապրեն համերաչխ, եղբայրաբար:

Ավելին, Ակնունին չէր բացառում, որ բալկանյան երկրներին մի օր կարող է հետևել նաև օսմանյան կայսրությունը, որ համերաչխություն և համադաշնություն գաղափարը կարող է խթան հանդիսանալ Մերձավոր Ասիայի համար, որը նույնպես ձգտում է ձերբազատվել դարերի տանջանքներից և ապրել նոր կյանքով՝ համատեղ ու համերաչխ: Նա գրում էր. ««Աներեւակայելի երազների» այդ առաջին իրականացումը զորեղ ու յուսաբեր՝

---

<sup>1</sup> Տե՛ս «Առաջամարտ», № 4 (1051), 6 (19) նոյեմբերի 1912 թ.:

նեցուկ է աւելի մեծ երազների յաղթանակին. այն, որ կը գայ մի օր, եւ ո՛վ գիտէ, գուցէ նոյնքան արագ որքան առաջինը, երբ համադաշնակցութեան սքանչելի գաղափարը սրարչաւ կ'անցնի Բոսֆորի վրայով, որպէս զի Եւրոպայից մուտք գործէ Ասիա, եւ Փոքր-Ասիական գետնի վրայ տնկէ այն ծառը, որ արդէն այսօրն համով պտուղներ է տալիս բալկանեան հողի մէջ...»<sup>1</sup>:

Իր պարզամտութեամբ հայտնի հեղինակը չէր բացառում, որ Օսմանյան կայսրութիւնը ոչ միայն կդառնա եղբայրական ժողովուրդների Արևելյան համադաշնութիւն, այլև վաղ թե ուշ նա կմիանա Բալկանյան համադաշնութեանը, և կստեղծվի մի հզոր ու միասնական պետական օրգանիզմ, որը կձգվի Սերբիայից մինչև Մերձավոր Արևելքի խորքերը՝ մինչև մահմեդականների կրոնական կենտրոն Մեքքա, մինչև Եմեն:

«Քաղաքական թշնամութիւնները անցողական են եւ մոռացուկ,- նշում էր հողվածագիրը:- Եւ ո՛չ մի լուրջ, տեւական պատճառ չկայ որ արգիլէ օսմանեան կայսրութեան Փոքր-Ասիական հատուածին, ցնցուած պատերազմի տխուր դասով, հաշտութեան ձեռք մեկնել այսօրուան թշնամուն, ու մոռացած ծանր վէրքէրը, քայլել դէպի դրացիական նոր կեանքը, որ սերտ ու ամուր պիտի լինի Բոսֆորի այս ու այն կողմը, թէ՛ տնտեսական տեսակէտից, թէ՛ քաղաքական հողի վրայ, եւ թէ նոյնիսկ երկու կողմերը ապրող ազգութիւնների պատմական կապերի պատճառաւ»<sup>2</sup>:

Եվ այսպես, ըստ Ակնունու՝ «Բալկանյան դաշնութիւն, բոլոր ազգերի ինքնավար, անկախ կենցաղով,- ահա այսօրուան փաստը:

Փոքր-Ասիական Դաշնութիւն, բոլոր ազգերի ինքնավար կեանքով, չաղկապուած պետական ազգահաւասար կազմի մէջ,- ահա այսօրուան տենչանքը:

Բալկանեան այսօրուան Դաշնութեան եւ Փոքր-Ասիական վաղուան Դաշնութեան միացումը, մէկը իբրեւ դրօշակիր եւրոպական քաղաքակրթութեան, միւսը իբրեւ յառաջապահ ասիա-

<sup>1</sup> «Առաջամարտ», № 4 (1051), 6 (19) նոյեմբերի 1912 թ.:

<sup>2</sup> Նոյն տեղում:

կան վերածնությունները:– Ահա մեծ երազը, երազների երազը, որին պէտք է ձգտին ու ծառայեն բոլոր նրանք, որոնք միտք ունին, որոնք առօրեայ մանրացնող յոռետեսությունների գերին չեն, այլ նախակարապետները վաղուան մեծ յեղաշրջումին եւ ազգերի դաշնությունների հոյակապ գաղափարին»<sup>1</sup>:

Իսկ դրությունը Պոլսում ժամ առ ժամ վատթարանում էր:

Եվրոպական Թուրքիայի տարբեր հատվածներից, հատկապես ռազմաճակատի բուլղարական հատվածից հեռացել և մայրաքաղաք էին լցվել շուրջ 25 հազար իսլամ բնակիչներ, որոնք հիմնականում տեղավորվել էին պետական շինություններում: Պատերազմի դաշտից Պոլիս էին վերադարձել տասնյակ հազարավոր օսմանյան զինվորներ, որոնք երեկ տուն ու տեղ թողած գնացել էին մահվան դաշտ և այժմ մայրաքաղաքի վրայով վերադառնում էին կայսրության ասիական մասի իրենց բնակավայրերը՝ անդամալույծ, դառնացած հոգով ու հացի կարոտ<sup>2</sup>:

Նկատի ունենալով ծայրահեղ լուրջ կացությունը Կ. Պոլսում՝ քաղաքի ողջ քրիստոնյա բնակչությունը հույսը դրել էր եվրոպական մեծ պետությունների պաշտպանություն վրա: Նրանք սարսափով սպասում էին, որ ռազմաճակատից վերադարձած թուրքաց զորքերը, պարտությունից գազազած, կարող էին խոչոր ջարդեր կատարել: Տագնապն ուժեղանում էր մանավանդ այն պատճառով, որ տարբեր պատրվակներով ամեն օր ձերբակալվում էին մեծ թվով քրիստոնյաներ: Զանգվածային շուրջկալներ ու կալանավորումներ էին տեղի ունենում մերձքաղաքային բնակավայրերում՝ Վոդենում, Ֆլորինում, Գեգելում, Սալոնիկում և այլուր<sup>3</sup>:

Մայրաքաղաքում պարենային ճգնաժամ էր: Հատկապես խիստ էր վերահսկվում հացի բաշխումը: Մեկ այստեղ, մեկ այնտեղ բռնկվում էին տարափոխիկ հիվանդություններ՝ հիմնականում տիֆ ու խոլերա: Նման հիվանդություններով վարակվածներն անմիջապես մեկուսացվում էին: Ի պատիվ բժիշկների՝

<sup>1</sup> «Առաջամարտ», № 4 (1051), 6 (19) նոյեմբերի 1912 թ.:

<sup>2</sup> Տե՛ս «Բուլթանիա», № 6 (1052), 7 (20) նոյեմբերի 1912 թ.:

<sup>3</sup> Տե՛ս «Մշակ», № 234, 21 հոկտեմբերի 1912 թ.:



առայժմ հաջողվում էր զսպել վտանգավոր հիվանդությունները, արգելափակել դրանց լայն տարածումը: Մամուլը գրում էր, որ որքան էլ տարօրինակ է, այս երկու հիվանդությունները ինչ-որ չափով զսպիչ դեր են խաղում դեպի բուն մայրաքաղաք բուլղարական գորքի առաջխաղացմանը՝ վարակի երկյուղի պատճառով:

Օրվա տարբեր ժամերի ռազմաճակատից գնացքներով Կ. Պոլիս էին բերվում հարյուրավոր վիրավորներ՝ զինվորներ ու սպաներ: Օրինակ՝ հոկտեմբերի 24-ին Պոլիս հասավ 500 վիրավոր, հաջորդ օրը՝ 720<sup>1</sup>: Նոյեմբերի սկզբին մայրաքաղաքում կուտակվել էր 20 հազար վիրավոր: Վիրավորների մի մասը լցվել էր տեղի հիվանդանոցները, այդ թվում հայկական Սբ. Սաչ հիվանդանոցը<sup>2</sup>: Քանի որ դրանք այլևս ի վիճակի չէին ընդունելու նոր վիրավորների, ուստի իշխանությունների հրամանով ժամանակավոր բուժատների վերածվեցին նախ հունական և եվրոպական, ապա և հայկական վարժարանները: Վերջիններից առաջինը փակվել էր Եսայանը, ապա՝ Գրիգոր Լուսավորիչը: Փակվել էին նաև մանկապարտեզները, որբանոցները\*, Հյուրանոցները, այդ թվում լավագույն Հյուրանոցներից մեկը՝ մայրաքաղաքի գլխավոր փողոցի՝ Բերայի վրա գտնվող Թոքաթյանը\*\*:

---

<sup>1</sup> Տե՛ս «Ազատամարտ», № 1039, 25 հոկտեմբերի (7 նոյեմբերի) 1912 թ.:

<sup>2</sup> Տե՛ս «Մշակ», № 233, 20 հոկտեմբերի 1912 թ.:

\* Այդ ժամանակ մայրաքաղաքում գործում էին Գալֆայան, Գարակեղյան, Սբ. Փրկչի երկսեռ և Շիշլիի Տիկնանց Միություն որբանոցները: Հայ կաթոլիկ համայնքն ուներ Անարատ հղիության որբանոցը:

\*\* Հյուրանոցը պատկանում էր Հայտնի ձեռներեց ու բարեգործ, համեստ խառնվածքի տեր Մկրտիչ Թոքաթյանին: Ծննդավայր Փոքր Ասիայի Թոքաթ քաղաքից գալով Կ. Պոլիս՝ նա իր Հյուրանոցը կառուցել էր Հայոց եկեղեցու տարածքում, և որպես փոխհատուցում այն պետք է մի քանի տարի պատկաներ եկեղեցուն: Հյուրանոցը կահավորվել ու կարգավորվել էր եվրոպական վերջին նորաձևություններով, բոլոր հարմարություններով ու հարմարանքներով: Առաջին հարկում տեղավորված էին Կոստանդնուպոլսում լավագույն ռեստորանն ու սրճարանը, որոնք գրավում էին մայրաքաղաք եկած բոլոր ազգությունների մարդկանց, տեղի հասարակության բարձրագույն խավին, հատկապես մտավորականությանը:

Վերավոր հայ զինվորները թուրք վերավորների հետ տեղավորված էին քաղաքի զանազան հիվանդանոցներում: Օրինակ՝ հոկտեմբերի 15-ին ուղևորակատից Պոլիս բերված բոլոր հայ վերավորները տեղավորվել էին գերմանական հիվանդանոցում: Նրանցից չատերը ծանր վիճակում էին: Նրանց թվում էին տիգրանակերտցի Ֆարչըն գավառի Սուր գյուղացի Գրիգոր Գալոյանը, պահեստի սպա Գրիգոր Մոճիկյանը (պանդորմացի), Մինաս Թերզյանը (գանձըլարցի), Արթինի որդի Հովհաննեսը (սերաստացի) և այլք: Սրանց բախտակից հայերից մի քանիսը արդեն մեռել էին ծանր վերքերից<sup>1</sup>:

Հոկտեմբերի 24-ին «Ազատամարտ» թերթի խմբագիրներից մեկը այցելել էր «Նուրը Օսմանիե» ակումբում բացված հիվանդանոց, ուր վերավորների թվում կային 40-ի չափ հայ զինվորներ<sup>2</sup>:

Նոյեմբերի 4 (17)-ին Կ. Պոլսի Գյումուշսուի հիվանդանոցում պառկեցրել էին մի մեծ խումբ հայ վերավորների, որոնց թվում էին ինեկեսլցի Զատիկ Հակոբյանը, ազջեհիրցի Գարեգին Եղիայանը, պրուսացի Մթեմեն Գևորգյանը, պանդորմացի Սամվել Մանուկյանը, աֆիոն-գարահիսարցի Կարապետ Հարությունյանը և ուրիշներ<sup>3</sup>:

Վերավորների բուժման գործին հիմնականում լծված էին եվրոպական պետությունների Կարմիր Նաչի ընկերությունների կողմից ուղարկված բժիշկները<sup>4</sup>:

Հիվանդանոցներում մեծ աշխատանքով, իրենց մասնագիտական բարձր որակներով հայտնի բազմաթիվ հայ բժիշկներ կային: Նրանցից մի մեծ խումբ առանց հանգստի լարված աշխատում էր Մաքրիգյուղում, ուր բազմաթիվ շինություններ վերածվել էին հիվանդանոցների: Օրինակ՝ ուղևորակատի վարժարաններից մեկում տեղավորված վերավորների բուժմանը լծված էին 9 հայ բժիշկներ՝ Նանջյանը, Էմիրզեն, Ալլահվերդին, Պալ-

<sup>1</sup> Տե՛ս «Ազատամարտ», № 1045, 31 հոկտեմբերի (13 նոյեմբերի) 1912 թ.:

<sup>2</sup> Տե՛ս «Ազատամարտ», № 1039, 25 հոկտեմբերի (7 նոյեմբերի) 1912 թ.:

<sup>3</sup> Տե՛ս «Առաջամարտ», № 3 (1050), 5 (18) նոյեմբերի 1912 թ.:

<sup>4</sup> Տե՛ս «Ազատամարտ», № 1039, 25 հոկտեմբերի (7 նոյեմբերի) 1912 թ.:

Թագաբար, Մուլթուֆյանը, Զոհրապը, Սերթյանը, Գարեգին Գյուրքչյանը, Ֆնտոգյանը<sup>1</sup>:

Մաքրիգյուղի բոլոր հիվանդանոցների ընդհանուր բժշկապետ, դեր-հազարապետ Ալի Իսմայիլ բեյը «Ժամանակ» թերթի խմբագրություն ուղարկած շնորհակալագրում մեծ գովեստով էր խոսել հիշյալ հիվանդանոցներում անձնվիրաբար աշխատող հայ բժիշկների մասին, որոնց թվում հատկապես շեշտել էր Զիլյան և Շերիտճյան բժիշկների անունները, բարձր էր գնահատել հայտնի վիրաբույժ Իփլիքչյանին, որը հաջողություններ կատարում էր ծայրահեղ դժվարին վիրահատություններ և մահից փրկում օրական 5-6 ծանր վիրավոր<sup>2</sup>:

Վիրավոր զինվորների խնամքի գործը մեծապես դժվարացել էր այն պատճառով, որ մայրաքաղաքում բռնկված խուլերայի համաճարակը թափանցել էր զինվորական հիվանդանոցներ: Խուլերայի գոհ էին գնում Երկրաչափական վարժարանի, Սելիմիեի համալսարանի, Գյուլհանեի՝ հիվանդանոցների վերածված շինությունների վիրավոր զինվորները, թեև դրանցում նախապես խիստ միջոցներ էին ձեռնարկվել վարակի տարածման դեմ<sup>3</sup>:

Բժիշկները չէին կարողանում օգնություն հասնել բոլոր վիրավորներին, չէին բավականացնում դեղամիջոցներն ու բժշկական սարքավորումները, և որ հատկապես անտանելի էր, բժշկական անձնակազմերը զաղտնի հրաման էին ստացել առաջին հերթին ուշադրություն դարձնել թուրք, ապա մահամեղական ոչ թուրք վիրավորներին: Իսկ դա նշանակում էր, որ քրիստոնյա վիրավոր զինվորները պետք է սպասեին՝ տանջվելով ցավերի մեջ: Եվ դա այն դեպքում, երբ հայոց պատրիարքարանի կողմից հիվանդանոցներ ուղարկած սփոփիչ խմբերն այցելում էին ոչ միայն հայ, այլև տվյալ հիվանդասենյակի բոլոր վիրավորներին: Թերթերը հաղորդում էին, որ պատրիարք Հովհ. Արշարունին այցելել է մայրաքաղաքի հիվանդանոցներում բուժվող թուրք,

<sup>1</sup> Տե՛ս «Ազատամարտ», № 1039, 25 Հոկտեմբերի (7 նոյեմբերի) 1912 թ.:

<sup>2</sup> Տե՛ս «Ժամանակ», № 1269, 6 (19) նոյեմբերի 1912 թ.:

<sup>3</sup> Տե՛ս «Ազատամարտ», № 1041, 27 Հոկտեմբերի (9 նոյեմբերի) 1912 թ.:

հայ և այլ ազգերի վիրավոր զինվորներին, նրանց մաղթել չուտափույթ ապաքինում:

Հիվանդանոցներում տիրող վայրենի խտրականություն պայմաններում Կ. Պոլսի հայկական իշխանությունները, հասարակական ու քաղաքական կազմակերպությունները մայրաքաղաքի հիվանդանոցներին աջակցելու լայն գործունեություն էին ծավալել:

**Հենց այդ օրերին էր, որ կազմակերպվեց Հայ կարմիր խաչը,** որն իր ծնունդն ավետեց մի մարդասիրական կոչով, ուր մասնավորապես ասված էր. «Բոլոր քաղաքակիրթ աշխարհն օգնութեան փութաց այս դժբաղդներուն (վիրավորներին: - Հ. Ս.)՝ առանց ցեղի ու կրօնի խտրություն: Հայ ազգն եւս, որ իր ծոցէն հազարաւոր զինուորներ տուաւ, որոնք այս պահուս կը գտնուին պատերազմի դաշտին վրայ, պարտաւոր էր հոգածու ըլլալ անոնց վիճակին եւ ջանալ իւր ովսանն օժանդակել օգնութեան ընդհանուր գործին»<sup>1</sup>:

Հայ կարմիր խաչի ընկերությունը բժշկական մարմինը, հոկտեմբերի 15 (28)-ի նիստում բազմակողմանի քննության առնելով վիրավոր հայ զինվորների խնամքի հարցը, կազմել էր լայնածավալ ծրագիր և հետևողականորեն իրականացնում էր այն<sup>2</sup>:

Հայ կարմիր խաչը մեծ աշխատանք ծավալեց. հավաքագրեց երիտասարդ հայ աղջիկների, որոնք խնամում էին վիրավորներին, անցկացրեց հանգանակություն Կ. Պոլսի հայոց շրջանում, որից ստացված գումարներով գնեց մեծ քանակությամբ դեղորայք, վիրակապեր, բժշկական դանազան պարագաներ:

Հոկտեմբերի 26-ին Հայ կարմիր խաչի ընկերությունը Դուրյան արքեպիսկոպոսի նախագահությամբ Աշխատանքի տանը գումարած նիստում որոշեց հաջորդական վիճակագրություններ պատրաստել Պոլսո հիվանդանոցներում դարմանվող վիրավորների մասին, որպեսզի համակարգվի նրանց ցուցաբերվող օգնությունը: Իր գործունեությունն ընդլայնելու համար Հայ կար-

<sup>1</sup> «Աւետարեք», № 46, 16 նոյեմբերի 1912 թ.:

<sup>2</sup> Տե՛ս «Ազատամարտ», № 1091, 27 հոկտեմբերի (9 նոյեմբերի) 1912 թ.:

միր խաչը ամուր կապեր էր հաստատել Ամերիկյան կարմիր խաչի Կ. Պոլսի մասնաճյուղի հետ և հայ վիրավորների համար նրանից օգնություն էր ստանում<sup>1</sup>:

Հոկտեմբերի 28-ին հայոց պատրիարքարանը մայրաքաղաքի հայ ունևորներին կոչ արեց օգնություն ձեռք մեկնել բուժման կարիք ունեցող հայորդիներին: Կոչում ասված էր, որ մարդկային պարտականություն է կարեկցության և օգնության ձեռք մեկնել բոլոր նրանց, ովքեր ստիպված են եղել գնալ մահվանն ընդառաջ և այժմ կարոտ են հանրային հոգաձուլության: Մամուլը ողջունեց պատրիարքարանի նախաձեռնությունը: «Աւետաբերը» խորհուրդ էր տալիս շտապ «մասնախումբ մը կազմել ունևոր և բանիմաց անձերէ», որը պետք է հոգար վիրավորների օգնության ամբողջ գործը: Առաջարկվում էր առաջին հերթին կազմակերպել դրամահավաք: Հավաքված գումարներով պետք է վարձվեին մասնագետ հիվանդապահուհիներ, և ձեռք բերվեին դեղամիջոցներ: Բացի դրանից՝ պատրիարքարանը մայրաքաղաքի բարեսեր ունևոր անձանց կոչ արեց հայ վիրավոր զինվորների մի մասին ընդունել իրենց տները և հոգալ նրանց սննդի ու բուժման ծախսերը<sup>2</sup>:

Հայ կարմիր խաչին օգնություն էին ցուցաբերում հիմնականում Կ. Պոլսի հայ բնակչության ներքին խավերը: Դրան հակառակ՝ քաղաքի հայ հարուստները խուսափում էին նորաստեղծ մարդասիրական կազմակերպությանը դրամական միջոցներ տրամադրելուց, որի պատճառով ենթարկվում էին հայկական մամուլի բուռն քննադատությանը<sup>3</sup>: «Դառը ճշմարտութիւն մըն է,- գրում էր «Առաջամարտը»,- որ մեր բարեկեցիկ դասը գրեթէ սառն անտարբերութեամբ դիտեց ներկայ անցուդարձերը, ո՛չ հետաքրքրուելով Կարմիր Խաչի գործունէութեամբ կամ անձնուիրութեամբ, և ոչ ալ տարուելով Հայուն առասպելական քաջութեան դերակատար՝ հայ զինուորներու ներկայ կացութեամբ:

<sup>1</sup> Տե՛ս «Ազատամարտ», № 1091, 27 հոկտեմբերի (9 նոյեմբերի) 1912 թ.:

<sup>2</sup> Տե՛ս «Աւետաբեր», № 45, 9 նոյեմբերի 1912 թ.:

<sup>3</sup> Նույն տեղում, № 46, 16 նոյեմբերի 1912 թ.:

Պատերազմը իրմէ վերջը կը բերէ սղուլթիւն՝ անօթուլթիւն և հիւանդուլթիւն, ինչ որ ամէնուս ծանօթ է»<sup>1</sup>:

Ինչևիցե, հրապարակ հանելով կամավոր աջակցութիւններ՝ հայերը հույս ունեին շահելու թուրքերի հանդուրժողականութիւնը և ցրելու քրիստոնյաների հանդեպ նրանց զայրուլթը: Բայց դա չէր օգնում, և օրեցօր ավելի վտանգալից էր դառնում հայերի դրուլթիւնը: Մայրաքաղաք հասած տեղեկուլթիւնները վկայում էին, որ հատկապես գավառներում է գնալով է՛լ ավելի անտանելի դառնում հայերի վիճակը:

Պատրիարք Արչարունին թուրքահայ բոլոր թեմերին շրջաբերական ուղարկեց, ուր խոսվում էր ոչ միայն Կ. Պոլսի, այլև մյուս քաղաքների հիվանդանոցների անբավարար վիճակի, վիրավորների բուժման ու խնամքի համար անհրաժեշտ դեղամիջոցների ու այլ պարագաների, ինչպես նաև պարենի մեծ պակասի մասին:

Կ. Պոլսի հայոց պատրիարքարանի և հայ մամուլի մտահոգուլթիւններից էր նաև զոհված հայորդիների ընտանիքներին օգնելու հարցը: Հայուլթիւնը ազգովի պարտավոր էր հոգալու կարիքներն այն խեղճ ընտանիքների, որոնք զրկվել էին իրենց տնտեսական նեցուկներից՝ մատնվելով նյուլթական դառն կացուլթյան: Պատերազմն աննպաստ վիճակի մեջ էր դրել հատկապես ռազմաճակատից շատ հեռու գտնվող գավառները, որոնք խոշոր վնասներ էին կրում ամենից առաջ տնտեսական տեսակետից. այստեղ ժողովուրդը հյուծվում էր ամենաանհրաժեշտ պետքերի պակասից: Քանի որ պետուլթիւնը չի կարող զբաղվել այդպիսի բոլոր ընտանիքների կարիքները հոգալով, ասված էր լրագրական մի հրապարակման մեջ, ուստի անհրաժեշտ է, որ դրանով զբաղվի ազգը: Առաջացել էր հասարակական պահանջ՝ այդ նպատակով ստեղծելու մի հատուկ կազմակերպուլթիւն: «Եթե այդպիսի կազմակերպուլթիւն մը չունենանք, - գրում էր «Աւետարբերը», - [ապա] արիւնոտած սրտով պիտի երթան մեր գիւնուորները պատերազմելու, որովհետեւ անոնց գիտակցու-

---

<sup>1</sup> Տե՛ս «Առաջամարտ» № 1072, 28 նոյեմբերի, (11 դեկտեմբերի) 1912 թ.:

Թեան մէջ միշտ ներկայ պիտի ըլլայ իրենց սիրելիներուն նիւթական թշուառութեան գիտակցութիւնը»<sup>1</sup>: Ապա՝ «Այս առթիւ ոչ միայն կամաւոր նուիրատուութիւններ պէտք է հաւաքել, այլեւ հանդէսներ և ներկայացումներ սարքել և հնար եղածին չափ փութալ ապագայ թշուառութեան առջեւ առնել: Կը յուսանք թէ այս գուտ մարդասիրական գործին մեր Կովկասի և արտասահմանի եղբայրներն ալ կը մասնակցին»<sup>2</sup>:

4. Պոլսի հայոց իշխանութիւնները և հայկական մամուլի օրգանները մտահոգված էին նաև բանակից արձակված հայ զինվորների ճակատագրով:

Ակնհայտ էր, որ եթե նույնիսկ պատերազմն առաջիկայում վերջանար, տուն վերադարձած հայ զինվորներից շատերը պարապ պիտի մնային, որովհետև բանակ գորակոչվելիս ձգել էին իրենց գործերը, և իրենց տեղը զբաղեցրել էին ուրիշները: Ուստի առաջարկներ էին արվում կազմել մի մասնախումբ ևս՝ իր գավառային ճյուղերով հանդերձ, որը պետք է զբաղվեր աշխատանք չունեցողների համար գործ հայթայթելով: «Աւետաբերը» գրում էր. «Սուրբ պատրիարքը, որ վիրաւորները կը մխիթարէ իր այցելութիւններով, կը յուսանք թէ անոնց վիճակին ճշմարիտ և իրական դարման մը տանելու հոգածութեան նախաձեռնարկութիւնն ալ կ'ստանձնէ և ապագային բոլոր Հայ զինուորներուն երախտագիտութեան կ'արժանանայ: Այսպիսի մասնախումբ մը այժմէն կազմակերպութիւնը անհրաժեշտ է, որովհետև պատերազմը վերջանալէն ետքը բոլոր զինուորները կը ցրուին և կարելի չըլլար անոնց մասին ստոյգ տեղեկութիւններ քաղել»<sup>3</sup>:

Ռազմաճակատում ստեղծված ծանր դրութիւնն ընդդիմադիր իթթիհազակականների համար բարենպաստ պայմաններ էր ստեղծել խստիվ քննադատելու կառավարող Իթթիլաֆի գործունեութիւնը: Դա արվում էր ոչ թե երկրի ցավերն ամոքելու, այլ իրենց քաղաքական հակառակորդին վարկազրկելու համար: Նրանք ջանք չէին խնայում ժողովրդին համոզելու, թե Թուր-

<sup>1</sup> «Աւետաբեր», № 45, 9 նոյեմբերի 1912 թ.:

<sup>2</sup> Նույն տեղում:

<sup>3</sup> Նույն տեղում:

քիայի բոլոր դժբախտությունների գլխավոր պատճառը երկիրը կառավարելու Իթթիլաֆի անկարողությունն է: Ամեն ինչ արվում էր խարխուլելու Քեամիլ փաշայի կաբինետի դիրքերը՝ վարչապետին մեղադրելով ոչ միայն անգործություն, այլ նույնիսկ դավաճանություն մեջ:

Իշխանություններն ամեն ինչ անում էին, որպեսզի ուղղաճակատում իրենց բանակների ծանր պարտությունների մասին լուրերը չթափանցեն մայրաքաղաք, բայց դա նրանց չէր հաջողվում: Իթթիլաֆին թշնամի ուժերը՝ իթթիհադական երիտթուրքերը, ամեն ինչ անում էին իշխանություններին հարվածելու համար, այդ թվում՝ ուղղաճակատից եկած լուրերը տարածում էին մայրաքաղաքի բնակչության բոլոր շերտերում:

Վարկաբեկելով գործող կառավարությունը՝ իթթիհադականները ծրագրել էին իշխանությունից հեռացնել քաղաքական հակառակորդներին և երկրում վերահաստատել իրենց մենատիրությունը: Այդ նպատակով նրանք եռանդով ձեռնարկեցին առաջ բերելու անկարգություններ ինչպես թիկունքում, այնպես էլ բանակում, կազմակերպելու հակաթթիլաֆական դավադրական գործողություններ: Իթթիհադականները հատկապես խլուրդի աշխատանք էին տանում սպանների շրջանում, նրանց գրգռում զինվորական հրամանատարության դեմ՝ վերջիններիս մեղադրելով ուղղաճակատում կրած խայտառակ պարտությունների համար: Երիտթուրք պրոպագանդիստները կամավորների անվան տակ ուղարկվում էին ուղղաճակատ՝ պղտորելու զինվորների մտքերը: Նպատակն էր բանակը գործիք դարձնել Իթթիհադի ձեռքին:

Անդրադառնալով Իթթիհադի կոմիտեից թելադրված այդ դավաճանությունը՝ նշանավոր երիտթուրքական գործիչներից Մելան Ջադե Ռիֆայթը տարիներ հետո վերհիշել է, որ բանակում կարգապահության հետքն իսկ չէր մնացել: Իթթիհադ կուսակցությունը պատկանող սպանները զինվորական գործը վարում էին վտանգավոր մեթոդներով, իթթիհադական քարոզիչները, մտնելով զինվորների շարքերը, բարոյալքում էին նրանց: Հայրենիքի փոխարեն նրանց ուղեղում կուսակցական փառասիրություն էր: «Նազըմ փաշան ալ ակնկալուած հեղի-



նակութիւնը եւ հմտութիւնը չէր կրցած ցոյց տալ. ո՛չ բանակին վրայ կրցած էր իշխել եւ ո՛չ ալ զինուորական առաքումները կանոնաւորել: Բոլոր գործերը «Իթթիհատ Թէրագգրին» պատկանող սպաներուն ձգուած էին»<sup>1</sup>:

Մայրաքաղաքում խառնաչփոթ առաջացնելու համար նրանք թուրք-մահմեդական ամբոխին զրգուում էին Կ. Պոլսի բուլղար, հույն և սերբ բնակիչների դեմ:

Սկսուտարի գիշերային Հոմ քոլեջում նոյեմբերի 2-ին տեղի ունեցան ընդհարումներ իսլամ և բուլղար ուսանողների միջև, որի հետևանքով փակվեց վարժարանը: Հաջորդ օրը երկաթուղային կայարանում ամբոխը հարձակվեց Պոլիս բերված 30 բուլղար գերիների վրա, բայց պահակախումբը կարողացավ փրկել դրությունը:

Երկուդ կրելով Իթթիհադի կողմից իշխանությունը զավթելուց՝ Իթթիլաֆի կառավարությունը դիմեց կտրուկ միջոցների: Նախ բանակում պաշտոնազուրկ արվեցին իրենց Իթթիհադական հայացքներով հայտնի մի շարք բարձրաստիճան զինվորականներ, որոնց տեղերը զբաղեցրին կառավարությանը հավատարիմ սպաներ: «Ժամանակ» թերթը գրում էր, որ այդ «հայրենասեր սպաները այս անգամ ալ բանակին պատիւը փրկեցին, երևան հանելով [Իթթիհադի] թաքուն և եղեռնական ծրագիրը»<sup>2</sup>:

Այնուհետև կառավարությունը որոշում ընդունեց վճռական գործողություններ ձեռնարկել Իթթիհադի պարագլուխների դեմ: 1912 թ. նոյեմբերի կեսերին ձերբակալվում են «Միություն և առաջադիմություն» կոմիտեի մի ամբողջ շարք գործիչներ, որոնց թվում էին վակուֆների նախկին նախարար Հայրի բեկը, ներքին գործերի նախարար և Իթթիհադ կոմիտեի գլխավոր քարտուղար Հաջի Ադիլը, լուսավորության նախկին նախարար Ամրուլլա բեկը, Կ. Պոլսից ընտրված նախկին պատգամավոր Հալաճյան էֆենդին, այլ տեղերից ընտրված նախկին պատգա-

---

<sup>1</sup> Մևլան Ջադե Ռիֆաթ, Օսմանյան հեղափոխության մութ ծալքերը և Իթթիհադի հայաջինջ ծրագրերը, Երևան, 1990, էջ 53, 54:

<sup>2</sup> «Ժամանակ», № 1267, 4 (17) նոյեմբերի 1912 թ.:

մավորներ Իսմայիլ Զամփոլադ բեյը, Ռիզա փաշան, Շեզաթի էֆենդին, Ահմեդ Նեսիմը, Մազլիահ Նեսիմը, սենատի քարտուղարներ էդհեմ, Իփեկչի և Զեմիլ էֆենդիները, Սալոնիկի նախկին կուսակալ Քեազիմ բեյը, Տրապիզոնի նախկին կուսակալ և իթթիհադական «Հագզ» թերթի խմբագրապետ Սուլեյման Նազիֆը, «Գալեմ» երգիծաթերթի խմբագիր Սելահ Զիմջոզը, հրապարակագիր Աբդուլլահ Զեդեթը, կենտրոնական հեռագրատան նախկին վարիչ Ֆազլը Նաջիբը, էդիրնեի համալսարանի բժշկական ֆակուլտետի դասախոս հաջի Իբրահիմը՝ որպես ուսանողների ցույցի ղրղիչ, և շատ ուրիշներ: Բացի դրանից՝ կառավարությունը հեռագրեր հղեց Կարին, Գոնիա, էնկյուրի, Տրապիզոն և Իզմիր՝ հրամայելով հակակառավարական քարոզները կանխելու համար որևէ մեկին թույլ չտալ մուտք գործել նշված վայրերում տեղակայված զինվորական մասեր: Կառավարությունը մասնավոր հրահանգի համաձայն՝ նոյեմբերի 10-ին ոստիկանությունը, խուզարկելով «Թանինի» խմբագրությունը, այնտեղ իթթիհադականներին պատկանող 10.000 թուուցիկ բռնագրավեց, որոնցում ամբաստանություններ կային Քեամիլ փաշայի, Գաբրիել Նորատունկյանի և կառավարություն մյուս անդամների հասցեին:

Իթթիհադի կոմիտեի անդամներ, այդ թվում ֆինանսների նախկին նախարար Զավիդ բեյը, ներկայացուցիչների պալատի նախկին նախագահ Ահմեդ Ռիզա բեյը, «Թանին» թերթի նախկին խմբագիր Հուսեին Զավիդ բեյը նախապես հեռացել էին արտասահման և փրկվել ձերբակալությունից:

Երիտթուրքերի ձերբակալման ձևական պատճառ էր համարվել նրանց հակակառավարական քարոզչությունը: Հակաթիթիհադական մամուլը երիտթուրք կուսակցությունը մեղադրում էր, որ նա սրել է մուսուլմանական-քրիստոնեական թշնամությունը, վանել է թուրքիայի նկատմամբ եվրոպայի համակրանքը և, վերջապես, եղել է իտալա-թուրքական ու բալկանյան պատերազմների զրդապատճառներից մեկը:

Արդեն մի քանի օր իթթիհադական առավել ակտիվ մի շարք գործիչների ձերբակալություններով զբաղված ոստիկանությունը նոյեմբերի 4 (17)-ին կատարեց նոր լայնածավալ ձերբա-

կալու[թյուններ և հարցաքննություններ: Այդ օրը կալանվեցին նաև Պոլսի և Սալոնիկի նախկին կուսակալ Հուսեին Քյազիմ բեյը, պառլամենտի նախկին պատգամավոր Ջամբուլաթ բեյը, նախորդ նախարար Թալեաթ բեյը, շարունակվում էին նախկին նախարար Հուսեին Ջավիդ բեյին և այլոց ձերբակալելու փնտրտուքները<sup>1</sup>:

Ոստիկանությունը ձեռք էր գցել Իզմիրից, Սալոնիկից, էդիրներից, Գարահիսարից ընտրված նախկին պատգամավորներ Նեսիմ և Քարասու էֆենդիներին, Ֆայիզ բեյին, Ռիզա փաշային, Մահմուդ Շևքեթ փաշայի երկու թիկնապահներին և այլոց<sup>2</sup>: Նոյեմբերի սկզբին ձերբակալված երիտթուրք նշանավոր գործիչների թիվը հասել էր 40-ի<sup>3</sup>:

Երիտթուրքերին համակիր «Թասվիրը էֆքեար» թերթը գրում էր, որ ձերբակալված անձինք նվիրյալ հայրենասերներ են, որ նրանք ներկա իշխանության դեմ հանդես են գալիս ուղղամտակատներում օսմանյան բանակների կրած խայտառակ պարտությունների պատճառով: «Թասվիրի էֆքեարին» հակադրվելով՝ Իթթիլաֆին համակիր «Իկդամը» ձերբակալվածներին համարում էր հայրենադավներ, որոնք, երկրի համար ծանր վիճակից օգտվելով, ձգտում են տապալել օրինական կառավարությունը<sup>4</sup>: Թերթը գրում էր. «Մէկ ամիսէն աւելի է որ Բ. Դրան առջեւ տեղի ունեցաւ համալսարանական ուսանողներու կազմակերպած ցոյցը: Իսկապէս, այս ցոյցը դաւադրուած էր կարգ մը վտանգաւոր անհատներու կողմէ, որոնք ցոյցը ընել տուին համալսարանականներու ձեռքով, աւելի ցայտուն դարձնելու համար զայն, ամբաստանելով այն տեսակ դահլիճ մը որ խալիֆային ու ազգին վստահութիւնը կը վայլէ: Անոնք ապստամբութեան դրօշը պարզելով՝ կոտրեցին Բ. Դրան ապակիները եւ աշխատեցան իրարանցում առաջ բերել տազնապալի վայրկեանի

<sup>1</sup> Տե՛ս «Ազատամարտ», № 3 (1050), 5 (18) նոյեմբերի 1912 թ.:

<sup>2</sup> Տե՛ս «Առաջամարտ», № 4 (1051), 6 (19) նոյեմբերի 1912 թ.:

<sup>3</sup> Տե՛ս նույն տեղում:

<sup>4</sup> Տե՛ս «Բովթանիա», № 15 (1052), 7 (20) նոյեմբերի 1915 թ.:

մը մէջ: Բնական է որ կառավարութիւնը ձեռնարկէր քննութեան մը, ձերբակալելու եւ պատժելու համար կազմակերպիչներն ու նախաձեռնողները: Ամէնէն քաղաքակրթուած երկիրներուն մէջ անգամ ուրիշ կերպ չեն շարժիր»<sup>1</sup>:

Առայժմ Իթիթիլաֆին մի կերպ հաջողվում էր վերահսկել իրավիճակը:

Երիտթուրքական գործիչների ծավալուն ձերբակալութուններին զուգահեռ՝ Քյամիլ փաշայի կառավարութունը «երկիրը կազմաքանդողներին» նկատմամբ ձեռնարկեց ուրիշ միջոցներ ևս: Հատկապես ուժեղացվեց գրաքննութունը. խիստ վերահսկողութուն սահմանվեց ոչ միայն երիտթուրքական մամուլի, այլև ողջ հրատարակչական գործի վրա:

«Ազատամարտը» ընթերցողներին տեղեկացնում էր. «Զինուորական իշխանութեանց վերջին կարգադրութեան հետեւանքով **Ազատամարտ**, ինչպէս Պոլսոյ միւս թերթերը, կը հրատարակուի գրաքննութեան ենթարկուելէ ետք: Կը խնդրենք մեր ընթերցողներէն ներողամիտ ըլլալ այն անպատեհութիւններուն համար որոնք կրնան առաջ գալ գրաքննութեան հետեւանքով»<sup>2</sup>:

ՀՅ դաշնակցութեան օրգան «Առաջամարտ» թերթը՝ «Ազատամարտ» թերթի շարունակութունը, 1912 թ. նոյեմբերի 6 (19)–ից դադարեցրեց իր գործունեութունը: Կ. Պոլսում լույս տեսնող դաշնակցութեան մյուս օրգանը՝ «Բութանիան», նոյեմբերի 7 (20)–ին տպագրել էր խմբագրութեան հետեւյալ հաղորդագրութունը.

«Յաւով կը լսենք որ **Առաջամարտ** դադարման դատապարտուած է Պոլսոյ Զինուորական Իշխանութեան կողմէ: **Առաջամարտի** տնօրէնութիւնը երէկ իրիկուն այս մասին ստացաւ հետեւեալ պաշտօնագիրը.

«**Առաջամարտ**» թերթին.

«Առաջին զօրաբանակի փոխ–հրամանատարութիւնը կը

---

<sup>1</sup> Տե՛ս «Բութանիա», № 15 (1052), 7 (20) նոյեմբերի 1915 թ.:

<sup>2</sup> Տե՛ս «Ազատամարտ», № 1034, 20 հոկտեմբերի (2 նոյեմբերի) 1912 թ.:

Հաղորդէ թէ՝ Առաջամարտի նոյեմբեր 6ի թիւին մէջ՝ «Պոլսոյ պաշտպանութիւնը» վերնագրին տակ Հրատարակուած Հատուածին այն մասը՝ որ կը վերաբերի Պոլսոյ ապահովութեան՝ դադարեցման արժանի տեսնուած է. ուստի կը Հաղորդուի ձեզի թէ գոցուած է ձեր թերթը»:

Մամուլի Վերատեսչութիւն

6 նոյեմբեր 912»<sup>1</sup>:

Ինչպես արտաքին, այնպես էլ ներքին, Հատկապես իթթի-Հաղականներից եկող վտանգները Հաշվի առնելով՝ իթթիլաֆական կառավարութիւնը Կ. Պոլիսը Հայտարարեց պաշարողական դրութեան մեջ:

Ծանր իրականութիւնն այլևս կասկածի տեղ չէր թողնում, որ օսմանյան պետութեան Համար սկսված է մի ճակատագրական շրջան:

Աչքի առաջ ունենալով Կ. Պոլսի և թուրքական մյուս քաղաքների լարված վիճակը՝ եվրոպական պետութիւնները ձեռք էին առնում լրացուցիչ նախազգուշական միջոցներ: Նրանք ռազմական նոր նավեր ուղարկեցին Կ. Պոլիս, Զմյուռնիա և ուրիշ ծովափնյա քաղաքներ: Բացի դրանից՝ պետութիւնները օսմանյան կառավարութեանը դիմումներ էին Հղում, որ նա Հրամաններ արձակի սկսված անկարգութիւնների դեմ, որպեսզի եվրոպական զորքերի միջամտութեան առիթներ չստեղծվեն:

1912 թ. Հոկտեմբերի 31-ին Կ. Պոլսի թերթերում լույս տեսավ իշխան Սաբահէդդինի բաց ուղերձը սուլթան Մուհամմեդ V-ին: Իշխանը սուլթանին կոչ էր անում կառավարութեանը ստիպել գնալու օսմանյան կայսրութեան պահպանմանն ուղղված վերջին քայլին՝ ազդարարել, թե տվյալ պահին Բ. Դոան ներքին քաղաքականութեան գլխավոր նպատակը կայսրութեան տարածքների ապակենտրոնացումն է: «Եթե մեր վարչական կեանքը [ընթանար] ոչ թե ցեղային, այլ, ինչպես վաղուց ի վեր պաշտպանած ենք, տեղական ապակենտրոնացման ճանապարհով կենտրոնի և գավառների պահանջներին բավարարութիւն

---

<sup>1</sup> «Բուլթանիա», № 15 (1052), 7 (20) նոյեմբերի 1915 թ.:

տալու միջոցով, ապա մեծ պետութիւնները պետք է հարկադրվեին մեզ մոտենալ հարգանքով»<sup>1</sup>:

Ուղերձում Սաբահէդդինը ցավով նկատում էր, որ օսմանյան կայսրութեան մեծագույն թշնամին ո՛չ Խտալիան է, ո՛չ Բալկանը և ո՛չ էլ Եվրոպան, այլ «մենք ենք, մենք՝ թուրքերս»: Թուրքիան կործանողը անգիտակից թուրքն է, նրա մոլեռանդութիւնը: Կայսրութիւնը կործանողը նրա կենսական հյութերը քամող աղետաբեր խտրականութիւնն է: Նա չեչտում էր, որ բալկանյան պատերազմն ավելի քան սթափեցնող ազդեցութիւն պետք է գործի թե՛ օսմանյան քաղաքագետների և թե՛ այն բոլոր անձերի ու պետութիւնների վրա, որոնք իրենց համարում են թուրքիայի բարեկամներ<sup>2</sup>:

Սաբահէդդինի ուղերձում արտահայտված մտքերը պատահական չէին և ոչ էլ նորութիւն էին հասարակութեան համար: Իշխանը դեռ տարիներ առաջ գուշակում էր թուրքիայի գլխին գալիք փորձանքները, եթե նրա ղեկավարները չփոխեին իրենց գործունեութեան աղետաբեր ընթացքը և չորդեգրեին խելացի ու հասարակաչեն քաղաքականութիւն: Նա վաղուց էր առաջ քաշել ապակենտրոնացման, ազգութիւնների և համայնքների համագործակցութեան խնդիրները՝ հիմնված տեղական ինքնուրույն, ազատ կյանքի վրա: Իշխանը և նրա համախոհները տարիներ շարունակ պնդում էին իրենց սկզբունքները, բայց նրանց խոսքն այդպես էլ չէր արժանանում լուրջ ուշադրութեան: Սաբահէդդինը, որը ո՛չ իթթիլաֆական էր և ո՛չ էլ իթթիհադական, կառավարութեանը քննադատում էր սրտի ցավով՝ ռազմաճակատում թուրքական զորքերի կրած պարտութիւնները համարելով անձնական ողբերգութիւն:

Օսմանյան բանակի պարտութիւնները նշանակում էին ինչպես նախորդ իթթիհադի, այնպես էլ իթթիլաֆի վարած քաղաքականութեան ձախողում: Այս պայմաններում, բնականա-

---

<sup>1</sup> «Արևելք», 31 հոկտեմբերի 1912 թ.:

<sup>2</sup> Տե՛ս նույն տեղում:

բար, առաջ էր եկել օսմանյան նոր կուսակցութիւն ստեղծելու պահանջ:

1912 թ. նոյեմբերի վերջերին նոր կուսակցութիւն ստեղծելու նախաձեռնութեամբ Հանդես եկավ Իթթիլաֆի ղեկավարներից «Թանդիմաթ» թերթի խմբագիր Լուսֆի Ֆիքրի բեյը՝ թերթի նոյեմբերի 24-ի (դեկտեմբերի 7-ի) խմբագրականում, որը թարգմանաբար տպագրել է Կ. Պոլսի «Ժամանակ» թերթը: Այնտեղ մասնավորապէս ասված էր.

«Իթթիհատը ո՞վ է, Իթթիլաֆը ի՞նչ է: Ասկէ աւելի արուեստակեալ, ասկէ աւելի չինծու բան մը չի կրնար ըլլալ: Իթթիլաֆի և Իթթիհատի ծրագիրներուն մէջ հիմնական տարբերութիւն մը չկայ: Ու մանաւանդ այս պահուս երկուքն ալ իրենց արժէքը կորսնցուցած են: Ներկայիս, ինծի համար իրարմէ ո՛ր և է տարբերութիւն չունին Իթթիլաֆեան Օսմանցիները Իթթիհատեան Օսմանցիներէն: ... Նոյնիսկ, այս վայրկեանէն սկսելով կ'ուզեմ Իթթիհատի և Իթթիլաֆի անունները մոռանալ ... Այս երկրին մէջ երկու կուսակցութիւն պէտք է, մէկը «նորերու» կուսակցութիւն, կամ ուրիշ անունով բոլորովին Եւրոպայի հետեւող, միւսը «պահպանողական»: Ես պատրաստ եմ առաջին տեսակէ կուսակցութեան յարելու: Իթթիհատի և Իթթիլաֆի նախորդ կուսակցութեանց մէջ գտնուողներէն անոնք որ ուրիշ կուսակցութեան չեն անդամակցած ու ինծի գաղափարակից են, թող հաճին ինձ հետ յարաբերութեան մտնել, որպէս զի որոշ ծրագիրներ մէջտեղ հանենք»<sup>1</sup>:

Բայց, ինչպէս և սպասելի էր, նոր կուսակցութեան ստեղծման գաղափարն ու նպատակը հետագա զարգացում չստացան:

---

<sup>1</sup> «Ժամանակ», № 1288, 25 նոյեմբերի (8 դեկտեմբերի) 1912 թ.:

## ՏՐԱՄԱԴՐՈՒԹՅՈՒՆՆԵՐԻ ՓՈՓՈԽՈՒԹՅՈՒՆ ՄԵՇ ՏԵՐՈՒԹՅՈՒՆՆԵՐԻ ՂԵԿԱՎԱՐ ՇՐՋԱՆՆԵՐՈՒՄ

Եվրոպական ծերացած ու մզլոտած դիվանագիտությունն այլալված էր մնացել այս կայծակնային դեպքերին ի տես: Իր հին status quo-ն ամբողջ 30 տարի պինդ գրկած այդ դիվանագիտությունն էր, որ պատրաստել էր բալկանյան պատերազմի արյունալի ավերները: Հիմա նա, մութ անկյուններում կծկված, ակնապիչ նայում էր, թե որքան անկար է «փոքրիկ հարևանների» խանդավառ հանդգնությունը դեմ հանդիման:

Տերությունները տազնապած էին հետագա զարգացումների հեռանկարով: Բուլղարների կողմից Կոնստանդնուպոլսի գրավումը առաջ կբերեր անկանխատեսելի խառնաշփոթ նրանց բոլորի հարաբերություններում: Ուստի Սոֆիան սպառնալից նախագուշացումներ էր ստանում Պետերբուրգից ու Բեռլինից, Լոնդոնից ու Վիեննայից, Փարիզից ու Հոտմից: Այս մայրաքաղաքներում տազնապած էին, որ Կ. Պոլսի գրավման հետևանքով պատերազմը կարող է վերածվել համաեվրոպականի, ուստի ամեն ինչ անում էին այն սահմանափակելու Բալկանյան թերակղզով:

Թե համաեվրոպական պատերազմի վտանգը ինչպիսի լրջությունամբ էր դրված պետությունների կառավարությունների առջև, բավական է թերթել այդ օրերի հայկական մամուլը, որը բոլոր կողմերով քննություն էր առնում եվրոպական հնարավոր պատերազմի շանսերը, դրա անխուսափելի հետևանքները և առհասարակ դրա հետ կապված բազմազան հարցեր:

Մամուլի հրապարակումներից այն տպավորությունն է ստեղծվում, թե ամբողջ եվրոպան հևիհև վազում էր դեպի մեծ ու ճակատագրական փոթորիկ: Ուստի սկզբում չեզոքություն պահպանած եվրոպական պետությունները, երբ տեսան, որ Թուրքիան եվրոպայի քարտեզից անհետանալու վրա է, «բարեկամական» միջնորդությունամբ կովող կողմերին առաջարկեցին կնքել զինադադար: Նրանց կառավարությունները Պուանկարեին արտոնեցին բալկանյան դաշնակիցներին համոզել կասեցնել կռիվը՝ բանակցությունների սեղանի շուրջ նստելու համար:



Լլոյդ Ջորջը, որը պատերազմի սկզբում Բալկաններում առկա դրուժյունը պահպանելու ամենաջերմ ջատագովներից էր, հոկտեմբերյան կոիվներից հետո ստիպված էր խոստովանել. «Ինչ էլ որ լինի ներկա պատերազմի վախճանը, ազատության սահմանները պիտի ընդարձակվեն, հետևաբար Թուրքիան պետք է պատրաստ լինի մեծ դիջումների»:

Այն բանից հետո, երբ նոյեմբերի 3-ին Փարիզում բուլղար ղեսպանը համոզմունք էր հայտնել, թե բալկանյան զինակիցների համար Եվրոպական Թուրքիայի բաժանումը արդեն որոշված իրողություն է, և որ «մենք պիտի կարողանանք գտնել Արևելյան հարցի արմատական լուծում առանց Եվրոպային հարցնելու»<sup>1</sup>, նույնիսկ գերմանական հայտնի զինվորական ֆոն դեր Հոլցը հայտարարեց, որ ներկայումս Թուրքիայի ռազմական կացությունը շատ տխուր է, և նա հաջողության որևէ չնչին հույս անգամ չպիտի ունենա կովի որևէ ճակատում: Նա միանգամայն անհնար էր համարում, որ բալկանյան ղեկավարի պատճառով Եվրոպայում պատերազմ ծագի, բայց Թուրքիայի շահերից ելնելով՝ նրան առաջարկում էր հնարավորինս շուտ լեզու գտնել իր թշնամիների հետ<sup>2</sup>:

Բալկանյան չորս երկրները, որոնց բանակները հաղթական էին բոլոր ռազմաճակատներում, այդ ժամանակ հակված էին նստելու հաշտության սեղանի շուրջ: Դրա վկայությունն այն էր, որ այդ օրերին բալկանյան դաշնակից չորս երկրների Պետերբուրգի ղեսպանները այցելել էին Ռուսաստանի արտգործնախարար Սազոնովին և հայտնել, որ իրենց կառավարությունները և ժողովուրդները դեմ են մեծ պետությունների միջամտությանը պատերազմին, և որ իրենց պետությունները Թուրքիայի հետ չեն նստի հաշտության բանակցությունների, մինչև որ կատարված չլինեն իրենց ռազմական նպատակները, այն է՝ 1) Չաթալջայի մոտ Թուրքական զորքերի ջախջախում, 2) էդիրների գրավում, 3) Սալոնիկի ու Մանաստրի ազատագրում, 4) Շքոթրայի նվաճում<sup>3</sup>:

---

<sup>1</sup> Տե՛ս «Ազատամարտ», № 1039, 25 հոկտեմբերի (7 նոյեմբերի) 1912 թ.:

<sup>2</sup> Տե՛ս նույն տեղում:

<sup>3</sup> Տե՛ս նույն տեղում, № 1041, 27 հոկտեմբերի (9 նոյեմբերի) 1912 թ.:

Ինչ խոսք, եթե չլիներ եվրոպական պետությունների միջամտությունը, ապա բալկանյան փոքր պետությունները, բացի Ռումինիայից, որը չեզոքություն էր պահպանում, կգրավեին նաև Պոլիսը:

Այնուամենայնիվ, Բուլղարիան և նրա զինակիցները մեծ պետություններին երաշխիքներ տվեցին, որ չեն գրավելու օսմանյան մայրաքաղաքը: Բուլղարները խոստացան, որ չարժվելու են մինչև Պոլսի դռները և կանգ են առնելու նրա արվարձաններում, մինչև որ թուրքական կառավարությունն ուղղակի կամ տերությունների միջնորդությամբ ընդունի իրենց թելադրած պայմանները: Նրանք մասնավորապես հայտարարեցին, թե իրենք Պոլիսը կգրավեն միայն այն պարագայում, եթե քաղաքում տեղի ունենա կոտորած:

Իսկ մյուս բոլոր ռազմաճակատներում շարունակվում էին կատաղի կռիվները:

Արյունալի կռիվների այս պահին բալկանյան պատերազմի հետևողական հակառակորդ Պուանկարեն առաջ քաշեց մի նախագիծ, որով փաստորեն ընդունվել էին Եվրոպական Թուրքիան բաժանելու բալկանյան պետությունների պահանջները, բացառությամբ Սալոնիկի, որը թողել էր Թուրքիայի ինքնիշխանության տակ և պետք է ունենար նույն միջազգային կարգավիճակը, ինչ Պոլիսը: Պարզ էր, որ Պուանկարեն այս առաջարկությունը նախապես համաձայնեցրել էր Ռուսաստանի և Անգլիայի հետ:

Բայց Եռյակ զինակցության անդամները, հատկապես Ավստրիան, որին վճռականապես պաշտպանում էր Գերմանիան, հանդես եկան այդ նախագծի դեմ և տապալեցին այն: Դրանից անմիջապես հետո Ավստրիայի ղեկավար չրջաններում տեղի ունեցան քաղաքական տրամադրությունների կտրուկ փոփոխություններ: Կարճ ժամանակում բալկանյան դաշնակիցների տարած խոչոր հաղթանակներն այդ երկրի կառավարությանը մատնել էին խորը տագնապի, ուստի նա հետագա հաջող գործողությունների ելքեր էր որոնում: Ավստրիական կառավարությունը համոզվել էր, որ ստեղծված նոր իրավիճակում ինքը պետք է ղիվանագիտական կտրուկ չրջադարձ կատարի, որքան

էլ այն լինի անկանխատեսելի: Դա ենթադրում էր ուղղակի հարաբերություն մեջ մտնել բալկանյան դաշինքի ամենաազդեցիկ երկրի՝ Բուլղարիայի հետ և, եթե հնարավոր է, նրան գրավել իր կողմը կամ գոնե մղել չեզոքություն:

1912 թ. հոկտեմբերի 27 (10)-ին Վիեննայում տեղի էր ունեցել Բալկանյան պատերազմին նվիրված գիտական կոնֆերանս: Զեկուցողներից մեկը՝ գերմանացի նշանավոր քաղաքական հրապարակագիր Մաքսիմիլիան Հարտեն, խոսելով ավստրո-բուլղարական առկա հարաբերությունների և ղրանց հեռանկարների մասին, այն միտքն էր արտահայտել, թե քանի որ Ավստրիայի և Բուլղարիայի միջև պատմականորեն թշնամություն չի եղել, ապա դա կարող է երկու երկրների միջև սերտ հարաբերություններ հաստատելու հիմք հանդիսանալ: Ավելին, նա գտնում էր, որ Ավստրիային շատ ձեռնտու կլիներ, եթե Բուլղարիան չափազանց մեծացներ իր տարածքը՝ նույնիսկ գրավելով օսմանյան մայրաքաղաքը, որին վաղուց հավակնում է Ռուսաստանը: Եթե հնարավոր լիներ իրագործել այդ մտահղացումը, ասել էր Մ. Հարտեն, ապա սկիզբ կդրվեր ուս-բուլղարական անզիջում հակամարտությանը, որին կհաջորդեր բալկանյան դաշնության արագ քայքայումը<sup>1</sup>:

Պուանկարեն նոր քայլեր արեց պատերազմը դադարեցնելու համար: Մի քանի օր անց մյուս տերություններին ներկայացրեց հաշտության նոր բանաձևի նախագիծ՝ կազմված հետևյալ երեք կետերից. 1) Մեծ տերություններն ընդունում են գրավված բոլոր տարածքներում քաղաքական և վարչական փոփոխություններ կատարելու բալկանյան դաշնակից պետությունների իրավունքը, 2) Պոլսի և նրա շրջակա տարածքների վրա պահպանվում է սուլթանի գերիշխանության իրավունքը, 3) Տարածքային փոփոխությունները որոշելու և հաստատելու համար ստեղծվում է վեց տերությունների ղեսպաններից կազմված հատուկ խորհուրդ՝ պայմանով, որ այնտեղ իրենց ներկայացուցիչներն ունենան նաև բալկանյան պետությունները:

---

<sup>1</sup> Տե՛ս «Ազատամարտ», № 1047, 2 (15) նոյեմբերի 1912 թ.:

Անտարակույս, Պուանկարեի այս նոր առաջարկը նույնպես ստացել էր Պետերբուրգի և Լոնդոնի համաձայնությունը: Իսկ դա նշանակում էր, որ Եռյակ համաձայնությունն ընդունելու է եվրոպական Թուրքիան բաժանելու՝ բալկանյան պետությունների կողմից ներկայացվելիք պահանջները:

Այս երկրորդ բանաձևի նախագծում աչքի էր զարնում այն պարագան, որ Սալոնիկը տեղ չէր գտել տեքստում. հիշատակված էր միայն Պոլիսը՝ որպես սուլթանի գերիշխանությունը ենթակա քաղաք: Դրանից կարելի էր հետևություն անել, որ Եռյակ համաձայնությունը պատրաստ է Սալոնիկը ևս զիջելու բալկանյան դաշնակիցներին:

Պուանկարեի նախագծի վերջին մասը թույլ էր տալիս եզրակացնելու, որ Անգլիան, Ֆրանսիան և Ռուսաստանը ուզում են նախ ապահովել օսմանյան մայրաքաղաքի պատկանելության հարցի լուծումը, ինչպես նաև վավերացնել բալկանյան պետությունների գրավումները, իսկ մնացած բոլոր վիճելի հարցերը թողնել խաղաղության բանակցություններին: Եռյակ համաձայնությունն այս անգամ Պուանկարեի միջոցով պահանջում էր բալկանյան բոլոր պետությունների մասնակցությունն այդ բանակցություններին՝ մտածելով, որ նրանք այնտեղ ձայնակցելու են Եռյակ համաձայնությանը՝ ծանրացնելով իրենց նժարը:

Ուստի նախապես կարելի էր ենթադրել, որ Պուանկարեի այս նոր բանաձևը նույնպես չի ընդունվի Եռյակ զինակցության կողմից: Այդպես էլ եղավ, թեև բալկանյան ցնցումն արդեն խախտում էր վերջինիս զորությունը և վտանգում նրա ապագան<sup>1</sup>:

Դաշնակիցների կատարյալ հաղթանակներն ամբողջովին կերպարանափոխեցին կացությունը: Անգլիական «Թայմզը» գրում էր, որ բացարձակ հիմարություն է ենթադրել, թե հաղթական բանակները, որոնք, տերությունների ծանուցագրերն ու «հայրական» խրատներն արհամարհելով, նետվել էին պատերազմի դաշտ, այդ նույն մեծերին ունկնդիր լինելով՝ վար կղնեն

---

<sup>1</sup> Տե՛ս «Ազատամարտ», № 1040, 26 հոկտեմբերի (8 նոյեմբերի) 1912 թ.:

զենքերը և կվերադառնան իրենց սահմանները: «Սվինի ծայրով նրանց անհնար է վերադարձնել իրենց տեղերը,- գրում էր թերթը: - Այդպիսի փորձը առաջ կբերի ոչ միայն Ռուսաստանի, այլև ողջ եվրոպական հասարակական կարծիքի փոթորիկ»<sup>1</sup>:

Հիրավի, ինչպիսին էլ լինեին քաղաքական տեսակետները, բովանդակ եվրոպան այլևս անկարող էր գսպել իր զմայլանքի զգացումը դաշնակիցների միացյալ բանակների նկատմամբ, որոնք, վտանգներին աներկյուղ ու անտարբեր, հերոսական խոյանքներով ջախջախել էին հակառակորդի զինական ուժերը:

Բոլոր ճակատներում կրած ջախջախիչ պարտությունները թուրքական իշխանություններին ստիպեցին պատերազմը դադարեցնելու նոր տենդագին քայլեր ձեռնարկել: Լյուլե-Բուրզազի կոիվներից հետո թուրքերին միանշանակ պարզ էր դարձել, որ հակառակորդին կանգնեցնելու միակ միջոցը զինադադարն է: Բայց դա հեշտ լուծվող խնդիր չէր, քանի որ պայմանավորված չէր միայն թուրքական կառավարությունից ցանկությունը ու ջանքերով:

Դա այն պահն էր, երբ պատերազմում դաշնակիցների տարած փայլուն հաղթանակների պայմաններում ինչպես Շոյակ համաձայնությունից, այնպես էլ մանավանդ Շոյակ զինակցությունից երկրներում տեղի էին ունենում հասարակական տրամադրությունների արագ փոփոխություններ՝ ի նպաստ բալկանյան ազգերի:

Ընթերցողին տարօրինակ կարող է թվալ, որ տրամադրությունների այդ փոփոխությունը հատկապես ակնհայտ էր Շոյակ զինակցությունից բլոկում և առանձնապես Ավստրո-Հունգարիայում: Բայց քաղաքականության մեջ զարմանալու ոչինչ չկա, քանզի բոլոր ժամանակներում այն առաջնորդվում է պահի նպատակահարմարություններով և միշտ առաջնային է համարում սեփական երկրի կամ դասակարգի շահի գերակայությունը:

Արդեն հոկտեմբերի երկրորդ կեսի սկզբին Շոյակ երկրները կառավարող շրջանները, այդ թվում Ռուսաստանի արտգործ-

---

<sup>1</sup> «Ազատամարտ», № 1041, 27 հոկտեմբերի (9 նոյեմբերի) 1912 թ.:

նախարարությունը, անձամբ Սազոնովը բալկանյան երկրների մասին իրենց պաշտոնական հայտարարություններում արտահայտվում էին խիստ չափավոր համակրություններ, այն աստիճանի չափավոր, որ թվում էր, թե ռազմաճակատներում տեղի ունեցած կտրուկ փոփոխություններն առանձնապես չեն ոգեշնչում նրանց: Գնալով թուրքներին բալկանյան դաշնակիցների նկատմամբ Ավստրիայի և Ռուսաստանի կառավարությունների մոտեցումների միջև եղած խիստ տարբերությունները: Դրա վկայություններից էին հոկտեմբերի երկրորդ կեսին Սազոնովի արած երկու հայտարարությունները, որոնցով նա զգուշավորության հրավեր էր կարդում Բուլղարիային:

Տրամադրությունների նման փոփոխություն բարեբախտաբար նկատելի չէր համաձայնության մյուս երկու տերությունների՝ Անգլիայի և հատկապես Ֆրանսիայի կառավարությունների գործողություններում:

Այս ամենից տպավորություն էր ստեղծվել, թե Եռյակ համաձայնությունը վարանում է փոխված տեսնել բալկանյան տանջանքները: Դա չէր կարող իր բացասական տպավորությունը թողնել բալկանյան երկրների հանրային կարծիքի վրա: Ահա Եռյակ համաձայնության և հատկապես Ռուսաստանի այդ սխալն էր, որ Ավստրիան իր զինակիցների հետ ցանկացավ օգտագործել միանգամից դուրս գալով իր վերապահ դիրքից՝ վճռականորեն անցավ բալկանյան ազգերի կողմը: Պարզ էր, որ Ավստրիան այս հանկարծական շեղումով նպատակ ուներ իր կողմը գրավելու բալկանյան երկրները՝ դրանով իսկ կտրելով Եռյակ համաձայնության ճամփան դեպի Բալկաններ:

Ինչպես տեսնում ենք, իրենց կայծակնային հաղթանակներով բալկանյան ազգերը շահել էին ոչ միայն Եռյակ համաձայնության, այլև Եռյակ զինակցության համակրանքը, որոնք այժմ հանդես էին գալիս բալկանյան ազգերին ամենալայն զիջումներ անելու, այսինքն՝ Եվրոպական Թուրքիան բաժանելու պահանջով: Օսմանյան կայսրության ամբողջականության պահպանման համար այլևս ոչ ոք չէր ուզում զոհել բալկանյան ժողովուրդների ինչքն ու ոթել նրանց արյունը: Վկայակոչելով “*Neue Freie Presse*” թերթի համապատասխան հոդվածը՝ «Ազատա-

մարտը» գրում էր, որ Եվրոպական Թուրքիայի ամբողջականութ-  
յան բաժանումը պատմություն հրամայականն է: «Սուլթանին  
վեհապետութեան պիտի թողնուի Պոլիսը՝ իր չըջակայքով: Եւ  
այսպիսի Թուրքիա մը ո՛չ պիտի կրնայ ապրիլ, ո՛չ ալ մեռնիլ, եւ  
իր գոյութիւնը ամբողջովին կախուած պիտի մնայ Ռուսիոյ Սե-  
Մովու նաւատորմէն: Թուրքիա ամբողջովին լքուած է Երրեակ  
Համաձայնութենէն: Եւ որովհետեւ Թուրքիա ո՛չ բանակ եւ ո՛չ  
ալ բարեկամ ունի, կորսուած է իսպառ»<sup>1</sup>:

Թուրքիայի համար այդ բախտորոշ պահին՝ Հոկտեմբերի  
վերջին օրը, Գաբրիել Նորատունկյանը բոլոր վեց մեծ տերու-  
թյուններին դիմում հղեց՝ ակտիվորեն միջամտելու և պատե-  
րազմը դադարեցնելու խնդրանքով: Պարզ էր, որ միայն զինա-  
դադարի միջոցով կարելի կլիներ խուսափել հետագա տարած-  
քային կորուստներից:

Նոյեմբերի 1(14)-ին բոլոր 6 մեծ տերությունների՝ Սոֆիա-  
յում հավատարմագրված ղեսպաններն իրենց երկրների կառա-  
վարությունների անունից առանձին-առանձին հետևյալ գրավոր  
հարցումն ուղղեցին բուլղար վարչապետ և արտաքին գործերի  
նախարար Գեչովին. «Սամանյան կառավարությունը դիմած լի-  
նելով մեծ տերություններին՝ նրանց միջնորդությունը խնդրելու  
համար, լիազորված ենք հարցնելու Ձերդ Վսեմությանը, թե  
Բուլղարիան տրամադի՞ր է ընդունելու այս միջնորդությունը և,  
եթե այո՛, խնդրելու, որ հաղորդի, թե ինչ պայմաններով կըն-  
դունի այն»<sup>2</sup>:

Վարչապետ Գեչովն անմիջապես գրավոր պատասխանեց,  
թե իր կառավարությունը Բ. Դուան խնդրանքը պիտի ներկա-  
յացնի բանակի հրամանատարության քննության, նաև  
խորհրդակցի զինակից երկրների կառավարությունների հետ:  
Գեչովի պատասխանը ցույց էր տալիս, որ Բուլղարիան որևէ  
մտադրություն չունի կասեցնելու իր զորքերի հաղթական հար-  
ձակումը:

<sup>1</sup> «Ազատամարտ», № 1043, 29 Հոկտեմբերի (11 նոյեմբերի) 1912 թ.:

<sup>2</sup> «Ազատամարտ», № 1048, 3 (16) նոյեմբերի 1912 թ.:

Օսմանյան հեռագրական գործակալությունը հաղորդում էր, որ Բ. Դոան դեսպանները նմանօրինակ դիմումներ են կատարել նաև Բելգրադում և Աթենքում, բայց և՛ Սերբիան, և՛ Հունաստանը կտրականապես մերժել են՝ Բ. Դոան տերություններին ներկայացրած խնդրանքը<sup>1</sup>:

Բալկանյան դաշնակիցներից յուրաքանչյուրը մոտավոր պատկերացում ուներ հետագա գրավումների մասին, բայց արդեն այդ ժամանակ երևակվում էր որոշ տարբերություններ նրանց մոտեցումներում:

Նոյեմբերի 5-ին ուսական “Речь” թերթի աշխատակիցը տեսակցություն էր ունեցել Պետերբուրգում Բուլղարիայի դեսպանությունից ներկայացուցչի հետ: Վերջինս այսպես էր ներկայացրել բալկանյան դաշնակիցների պահանջները Թուրքիայի հետ հաշտության պայմանագիր կնքելիս.

**Չերնոգորիան** պիտի ստանա Շքոթրայի վիլայեթը, **Սերբիան**՝ ամբողջ Հին Սերբիան և ելք դեպի Ադրիատիկ ծով, **Հունաստանը**՝ Թեսալիան, Էպիրոսի հարավային մասը և Էլբասանը, **Բուլղարիան**՝ Սան-Ստեֆանոյի դաշնագրով գծած սահմանները, դրանից բացի՝ Սալոնիկը, Էդիրնեն, Դեղե-Աղաջը և Քալքիտիկ թերակղզին: Այսպիսով՝ Բալկաններում Թուրքիային պիտի մնար միայն մի հողակտոր, որի սահմանը պիտի անցներ Միտիայից սկսած Էրկինե գետի և Մարիցայի երկարությամբ մինչև Մարիցայի բերանը: **Ռումինիան** որևէ տարածք չէր ստանալու<sup>2</sup>:

Ռումինիայի նկատմամբ անարդարացի վերաբերմունքն առաջ էր բերել ոչ միայն այդ երկրի կառավարության, այլև հասարակության վրդովմունքը: Բնակչության մեջ օրըստօրե ամրապնդվում էր պատերազմական ոգին: Բալկանյան դաշնակիցների և հատկապես Բուլղարիայի հաղթական առաջխաղացումը Ռումինիայի համար զնալով դառնում էր ավելի մտահոգիչ: Ռումին մամուլը չափազանց վերապահ էր և քիչ էր գրում բուլղարների հաղթանակների մասին: Թե՛ կառավարությունը և թե՛

---

<sup>1</sup> Տե՛ս «Ազատամարտ», № 1048, 3 (16) նոյեմբերի 1912 թ.:

<sup>2</sup> Տե՛ս «Ազատամարտ», № 1041, 27 հոկտեմբերի (9 նոյեմբերի) 1912 թ.:



չարքային ուումինները մտածում էին՝ եթե Բուլղարիան տիրանա էդիրներին, եթե բալկանյան դաշնակիցները ստանան այն ամենը, ինչ ուզում են, և եթե Ռուսաստանը կարողանա իրագործել բալկանյան համապլավոնական դաշնություն կազմելու իր ծրագիրը, ապա այդ դեպքում ի՞նչ պիտի աներ Ռումինիան: Եվրոպայից ամբողջովին մեկուսացած երկիրը ի վերջո կդառնա սլավոնական աշխարհի ձայնազուրկ սպասարկու: Այլ խոսքով՝ պահը վճռորոշ է ուումին ժողովրդի և պետության համար, տազնապ էր բարձրացնում մամուլը: Ստեղծվելու է այնպիսի դրություն, գրում էր «Ատվերուլը», որ եթե նույնիսկ ուսական ցարը կամ արտգործնախարար Սազոնովը պատերազմից հետո ցանկանան ինչ-որ չափով հավասարակշռություն ստեղծել Բալկաններում, միևնույնն է, դա նրանց չի հաջողվի, քանզի սլավոնամուլ գաղափարներով տոգորված ուս ժողովուրդը մշտապես կանգնած է լինելու բալկանյան սլավոնների թիկունքում՝ ընդդեմ ուումին ժողովրդի:

Տվյալ պահին Ռումինիայի զինակիցն Ավստրիան էր: Ռումինները միայն նրանից կարող էին օգնություն սպասել և իրենց հերթին օգնության հասնել նրան: Միայն Ավստրիայի ուղղակի և դիվանագիտական աջակցությամբ Ռումինիան կարող էր գոհացում տալ իր հիմնական ձգտմանը, այն է՝ Բուլղարիայից գրավել հիմնականում ուումիններով բնակեցված Դոբրուջան, որը, սակայն, բալկանյան պատերազմում Բուլղարիայի վերջնական հաղթանակի դեպքում կարող էր երազային դառնալ:

Ուստի պատերազմի առաջին իսկ օրերից ուումինական կառավարությունը բազմաթիվ դիվանագիտական ջանքեր էր գործադրում Դոբրուջայի հարցը օրակարգում պահելու և դրա շուրջը տերությունների հետ համաձայնության գալու համար:

Այդ նպատակին էին ուղղված, օրինակ՝ Ռումինիայի արտգործնախարարությունից նախաձեռնություններ հոկտեմբերի 24 (նոյեմբերի 6)-ին Բուխարեստում ուսական դեսպան Սեպեգովի և ավստրիական դեսպան Ֆյուրստենբերգի հանդիպումը կամ Ռումինիայի Ֆերդինանդ իշխանի մեկնումը Վիեննա, որը նույն խնդրով Ավստրիայի Ֆրանց Յոզեֆ կայսրին էր հանձնել Ռումինիայի Կարոլ թագավորի նամակը: Դա պատասխան էր ավստ-

րիական կայսրի կողմից պատերազմի սկզբից ի վեր գրած նրա չորս նամակների, որոնցով նա Ռուսիային կոչ էր արել որքան հնարավոր է շուտ մտնել պատերազմի մեջ՝ ընդդեմ Բալկանյան դաշնակիցների: Բայց Ռուսիայի կառավարությունը չէր շտապում, սպասում էր իրադարձությունների հետագա զարգացմանը<sup>1</sup>:

Տեղեկացված լինելով այդ ամենի մասին՝ ռուսական կառավարությունը Բեսարաբիայի սահմանազլխին կուտակեց մեծաքանակ զորքեր, և անմիջապես սկսվեցին խոշոր զորաշարժեր: Պետերբուրգից նորանոր հեռագրեր հասան Լոնդոն՝ ռուսական նավատորմի համար Կարդիֆից ածխի պաշարներ ձեռք բերելու համար: «Թայմսը» հաղորդում էր, որ ցարն անմիջապես շնորհավորական հեռագիր է ուղարկել Սերբիայի թագավորին՝ նրա բանակի տարած հաղթանակների համար, միաժամանակ գոհունակություն հայտնել, որ այդ ամենը կատարվել է առանց արտաքին միջամտության<sup>2</sup>:

Իրական սպառնալիքներ ստեղծելով Ռուսիայի սահմանազլուխներին՝ Պետերբուրգը միաժամանակ չէր փակում նրա իշխանությունների հետ լարվածությունը թուլացնելու ուղիները: Այդ նպատակին էր ուղղված Նիկոլայ II ցարի հրամանով Ռուսիայի Կարոլ թագավորին ռուսական զորքերի մարշալի կոչում շնորհելը: Ռուսիայի նկատմամբ ռուսական կողմի այդ բացառիկ բարեկամական վերաբերմունքը բուլղարների մեջ առաջ էր բերել երկակի հակասական զգացումներ. ոմանք դա համարում էին իրենց երկրի նկատմամբ ռուսական կողմի բարեկամական վերաբերմունքի արտահայտություն, ուրիշները գտնում էին, որ իրենց թագավորի նկատմամբ ցուցաբերված բացառիկ վերաբերմունքը հոգեբանորեն անկարելի է դարձնում Ռուսիայի կողմից Բուլղարիայի դեմ զենք գործադրելը:

Մեծ տերությունների ղեկավար շրջաններում տրամադրությունների արագ փոփոխությանը նպաստում էին հակապատե-

---

<sup>1</sup> Տե՛ս «Ազատամարտ», № 1042, 28 հոկտեմբերի (10 նոյեմբերի) 1912 թ.:

<sup>2</sup> Տե՛ս նույն տեղում:

րազմական շարժումները, որոնք ծավալվել էին եվրոպական համարյա բոլոր երկրներում:

Նոյեմբերի 4 (17)-ին Փարիզի Սեն-ժերվեի մարզագետնին տեղի ունեցավ պատերազմի դեմ սոցիալիստների կազմակերպած մեծ հանրահավաք՝ 25 հազար ցուցարարներով: Ճառերով հանդես եկան Փրանսիացի և օտար հայտնի գործիչներ, որոնք կառավարությունը կոչ էին անում գործուն միջամտությունը նպաստել արյունահեղության դադարեցմանը բալկանյան ուղեմահակատներում<sup>1</sup>:

Նույն օրը Բեռլինում նույնպես տեղի ունեցավ պատերազմի դեմ ուղղված հանրահավաք: Այն բացեց և գերմաներեն ելույթ ունեցավ Ժորեսը, որը նաև հայտարարեց, որ եթե Բալկանյան պատերազմը վերածվի համաեվրոպականի, ապա ամբողջ Եվրոպայում անխուսափելի կդառնա բանվոր դասակարգի և աշխատավոր մյուս զանգվածների հեղափոխությունը՝ ուղղված կապիտալիստական կարգերի դեմ<sup>2</sup>:

Սոցիալիստները նախատեսել էին նոյեմբերի 7-ին ևս ընդդեմ պատերազմի բողոքի մեծ միտինգ կազմակերպել Բեռլինում, որի ընթացքում ելույթներ պետք է ունենային Ժորեսը, Մակդոնալդը և ուրիշ նշանավոր դեմքեր: Բայց ուստիկանությունն արգելեց նախատեսված միջոցառումը<sup>3</sup>:

Գերմանական կառավարությունը կողմից հակապատերազմական ցույցերի արգելումը մեծ բողոքներ էր առաջ բերել ամբողջ երկրով մեկ: Ուստի իշխանությունները ստիպված սոցիալիստներին կրկին արտոնեցին կազմակերպել ցույցեր ու հանրահավաքներ: Նոյեմբերի 8-ին գերմանական սոցիալիստական կուսակցության կողմից Բեռլինի տարբեր շրջաններում տեղի ունեցան հանրահավաքներ, որոնց մասնակցում էին տասնյակհազարավոր մարդիկ: Ելույթներով հանդես եկան նշանավոր դեմքեր, այդ թվում՝ Ժորեսը, Ավստրիայի պառլամենտի անդամ Ռենները, անգլիացի Օ'Գրեյը և ուրիշ քաղաքական գործիչներ:

<sup>1</sup> Տե՛ս «Առաջամարտ», № 4 (1051), 6 (19) նոյեմբերի 1912 թ.:

<sup>2</sup> Տե՛ս նույն տեղում:

<sup>3</sup> Տե՛ս նույն տեղում, № 3 (1050), 5 (18) նոյեմբերի 1912 թ.:

Ավստրիայի պառլամենտի փոխնախագահ Պերնեսդորֆերն իր երկրի պրոլետարիատի և ավստրիական բոլոր ժողովուրդների անունից ողջույն հղեց Փրանսիական սոցիալիստներին, որոնք հետևողականորեն հանդես են գալիս պատերազմի դեմ, և հույս հայտնեց, որ Ավստրիայի ողջ սոցիալիստները նույնպես պատերազմի նկատմամբ նույն դիրքը կբռնեն:

Գերմանացի սոցիալիստ Շայդեմանն իր ելույթում հայտարարեց, որ Բալկանյան պատերազմը կարող է առիթ դառնալ համաեվրոպական պատերազմի, և որ նման պարագայում ռազմաճակատներ նետված գերմանացի բանվորները երբեք չեն կրակի իրենց Փրանսիացի եղբայրների վրա:

Ելույթ ունեցողներն իրենց ճառերը ավարտում էին «Պատերազմ պատերազմի դեմ» կոչերով<sup>1</sup>:

Պատերազմական գործողությունները չուտափույթ դադարեցնելու տրամադրությունների աճը խթանում էր նաև սլավոնասիրության աննախընթաց վերելքը: Աննախաղեպ համակրանք էր վայելում հատկապես ռուսական սլավոնասիրությունը: Նոյեմբերի 4-ին Ռուսաստանի սլավոնասեր բոլոր ընկերությունները, պայմանավորվածություն համաձայն, կայսրությունով մեկ անցկացրին բազմամարդ ժողովներ, որոնց նպատակն էր ռուս ժողովրդի լայն խավերում վերածնել սլավոնասիրության գաղափարները: Ժողովների ընդհանուր նշանաբանն էր. «Բալկանները՝ բալկանյան ազգերին, Պոլիսը՝ Ռուսաստանին»<sup>2</sup>:

## ԶԻՆԱԴԱԴԱՐ

1912 թ. նոյեմբերի կեսերին համարյա ամբողջ Եվրոպական Թուրքիան արդեն գրավված էր: Բալկանյան դաշինքի բանակները հասել էին Կ. Պոլսի մատույցները: Կռիվների արդյունքները Թուրքերին համոզել էին, որ չեն կարողանալու դիմանալ հակա-

<sup>1</sup> «Բուլթանիա», № 6 (1052), 7 (20) նոյեմբերի 1912 թ.:

<sup>2</sup> Տե՛ս «Ազատամարտ», № 1041, 27 հոկտեմբերի (9 նոյեմբերի) 1912 թ.:

ուակորդի հետագա ճնշմանը, և իրենց վերջնական պարտու-  
թյունն անխուսափելի է:

Դեռևս Հոկտեմբերի 22-ին թուրքական կառավարությունը  
դիմել էր պետություններին՝ խնդրելով միջամտել դեպքերի ըն-  
թացքին, միջնորդություն հարուցել հակառակորդին, որպեսզի  
դադարեցնի մարտական գործողությունները, և հայտարարվի  
զինադադար: Դրանից հետո բալկանյան դաշնակիցների հետ  
պետք է հաշտության բանակցություններ սկսվեին՝ խաղաղու-  
թյան դաշնագիր կնքելու համար<sup>1</sup>:

Միայն նոյեմբերի սկզբներին երևացին զինադադարի առա-  
ջին նշանները: Նախաձեռնողը դարձյալ թուրքական կողմն էր:  
Այս անգամ Բ. Դուռը որոշել էր բուլղարների հետ ուղղակի  
բանակցությունների մեջ մտնել առանց միջնորդների: Թերթերը  
հաղորդում էին, որ Նազրմ փաշան կառավարությունից արդեն  
հրահանգ է ստացել բանագնաց ուղարկել բուլղար ընդհանուր  
բանակատեղին՝ հաղորդակցության մեջ մտնելու և զինադադար  
կնքելու համար<sup>2</sup>:

Իր հերթին Քեամիլ փաշան այդ օրերին անձամբ տեսակցում  
է Կ. Պոլսի բուլղար դեսպանատան թարգման Պոպուկի հետ՝ շո-  
չափելու համար զինադադարի և հաշտության հնարավորու-  
թյունը: Այդ հանդիպումից հետո հատուկ բանագնաց է ուղար-  
կում Սոֆիա՝ Ֆերդինանդ թագավորի մոտ: Միաժամանակ ռազ-  
մական ընդհանուր հրամանատար Նազրմ փաշան զինադադարի  
համար դիմում է Բուլղարիայի պաշտպանության նախարարու-  
թյանը<sup>3</sup>: Բայց բուլղարներն այնպիսի ծանր պայմաններ էին  
առաջարկում, որ թուրքական կողմի բաղձանքը հազիվ թե գո-  
հացում գտնելու լուրջ հույսեր ներշնչեր:

Բալկանյան պատերազմը հիմնովին սասանել էր եվրո-  
պական դիվանագիտության բոլոր էական սյուները:

---

<sup>1</sup> Տե՛ս Բ. Կ. Մиллюков, Воспоминания, том второй (1859-1917), Москва, “Со-  
временник”, 1990, էջ 104, 105:

<sup>2</sup> Տե՛ս «Առաջամարտ», № 4 (1051), 6 (19) նոյեմբերի 1912 թ.:

<sup>3</sup> Տե՛ս «Բուլթանիա», № 6 (1052), 7 (20) նոյեմբերի 1912 թ.:

Իրադարձությունների անսպասելի զարգացումից Ավստրիան, Գերմանիան, Իտալիան, Ֆրանսիան, Անգլիան այն աստիճան էին չփոթված, որ նույնիսկ փորձ չարեցին քննարկելու Կ. Պոլսի առաջարկը և Թուրքիային նոր աղետներից ազատելու համար անմիջապես ողջունեցին Բ. Դոան քայլը: Առանց ժամանակ կորցնելու տերությունները բանակցություններ սկսեցին բալկանյան քառյակի հետ, որպեսզի կանգնեցնեն նրա հաղթական ընթացքը դեպի Կ. Պոլիս: Պետությունները սարսափած էին այն մտքից, որ պատերազմի շարունակումը կարող է բևեռացնել եվրոպական երկրներին և որպես դրա հետևանք առաջ բերել համաեվրոպական մեծ պատերազմ: Պոլսի «Աւետարներ» թերթը գրում էր. «Մինչ Լոնտոնի մէջ Հաշտութեան բանակցութիւնները տեղի կ'ունենան, անդին մարդիկ անձկութեամբ կը բանան ամէն առաւօտ իրենց թերթերը տեսնելու թէ արդեօք Պալքանեան պատերազմին պիտի յաջորդէ՞ աւելի ահարկու Եւրոպական պատերազմը, ուր քսաներկու միլիոն կատաղի կտրիճներ պիտի խոռոխին մահացու գիրկընդխառնումով»<sup>1</sup>:

Նշենք նաև, որ եվրոպական պետությունները փորձում էին կրկնել այն, ինչ կատարեցին 34 տարի առաջ, երբ ոռուսաց հաղթական զորքը հասել էր Սան-Ստեֆանո, կանգնել Կ. Պոլսի դռանը, բայց ստիպված հետ էր քաշվել եվրոպական տերությունների ճնշման տակ:

Չուղենալով օսմանյան մայրաքաղաքի անկումը և իրադարձությունների հետագա անցանկալի զարգացում՝ պետությունները դիմեցին բալկանյան դաշնակիցներին՝ զինադադար գլուխ բերելու համար, բայց անհաջողության մատնվեցին, որովհետև Սերբիան և հատկապես Հունաստանը դեմ արտահայտվեցին զինադադարին և շարունակվեցին մարտական գործողությունները:

Թուրքական կառավարութունը երկյուղում էր, որ պատերազմը շարունակվելու դեպքում ոչ միայն թշնամուն կհանձնվեն Չաթալջան և նույնիսկ Պոլիսը, այլև, օգտվելով կայսրության

---

<sup>1</sup> Տե՛ս «Աւետարներ», № 51, 21 դեկտեմբերի 1912 թ.:

ծանր վիճակից, ապստամբություն կբարձրացնեն արարներն ու քրդերը, որոնք այբանացիների նման պահանջում էին ինքնավարություն: Բ. Դուռը վախենում էր նաև Հայերից, թեև նրանք ընդամենը Հայաստանի բարենորոգումներ էին ուզում: Վախ կար երիտթուրքերից նույնպես, որոնք ծարավի էին նորից իշխանություն գալու<sup>1</sup>:

Պատերազմի սկզբից մինչև զինադադար տևել էր երեք շաբաթ: Զինադադարով հատկապես շահագրգռված էր ռազմաճակատում մարդկային ուժի հսկայական կորուստներ կրած Բուլղարիան:

Բուլղարական բանակներն այլևս ի վիճակի չէին նախկինի պես փայլուն արդյունքների հասնել, քանի որ գտնվում էին ծանրագույն պայմաններում: Զորքերի բարոյական վիճակի վրա մեծապես ազդում էր խոլերայի բռնկումը զորամասերում: Զորքերը տառապում էին սննդամթերքի պակասից, իսկ բժշկասանիտարական ծառայությունը չէր կարողանում ինչպես հարկն է կատարել իր պարտականությունները դեղորայքի ու վիրակապային պիտույքների խիստ պակասի պատճառով:

Գեներալներ Ֆիչևը և Սավովը իրենց թագավորին հղած զաղտնի գրություն մեջ հաղորդել էին, որ թուրքերի հետ զինադադարի կնքումը առաջնահերթ անհրաժեշտություն էր, հակառակ դեպքում բանակի մարտունակության խիստ անկման պայմաններում պետությունը կկանգնի ծանրագույն փորձանքների առջև: Ուստի պատահական չէր, որ երբ զինադադարի առաջարկ արվեց, Բուլղարիայի Ֆերդինանդ թագավորն անմիջապես ընդունեց այն<sup>2</sup>: Սերբիան ու Չերնոգորիան նույնպես, հաշվի առնելով իրենց կրած մեծ կորուստները, ձգտում էին զինադադարի:

Պատերազմի պատճառով մեծապես կրճատվել էր արդյունաբերական ապրանքների և սննդամթերքի ներմուծումը արտասահմանյան երկրներից, որն առաջ էր բերել սոցիալական

---

<sup>1</sup> Տե՛ս «Առաջամարտ», № 1072, 28 նոյեմբերի (11 դեկտեմբերի) 1912 թ.:

<sup>2</sup> Տե՛ս «Ժամանակ», № 1299, 6 (19) դեկտեմբերի 1912 թ.:

լարվածութիւնն Բալկանյան բոլոր երկրներում: Համարյա դադարել էր գերմանական ապրանքների ներմուծումը, բայց դրա փոխարեն ավելացել էր Գերմանիայից թնդանոթների և դրանց արկերի, փամփուշտների, վառողի, զանազան պայթուցիկ նյութերի արտահանումը<sup>1</sup>:

Հսկայական էին նաև Հունաստանի կրած կորուստները: Չնայած դրան՝ նա չհետևեց Բալկանյան դաշինքի մյուս երեք երկրներին և կրկին հրաժարվեց զինադադար հաստատելուց, որովհետև գտնում էր, որ Սերբիայի և հատկապես Բուլղարիայի համեմատութեամբ իր գրավումները միանգամայն անբավարար են<sup>2</sup>: Հունական կառավարութեան այդ ժխտողական քայլն անշուշտ նշանակում էր առաջին լուրջ անհամաձայնութիւն բալկանյան զինակիցների միջև:

Հակասութիւնները հատկապես խորացել էին Հունաստանի և Բուլղարիայի միջև: Վերջինս չէր հաշտվում այն մտքի հետ, որ 1912 թ. հոկտեմբերի 26 (նոյեմբերի 8)–ին հուլյները գրավել էին Սալոնիկը, որի վրա աչք ուներ ինքը<sup>3</sup>:

Մյուս կողմից զինադադարից Հունաստանի հրաժարումը խիստ դժվարացնում էր Թուրքիայի դրութիւնը: Ստորագրելով զինադադարի արձանագրութիւնը՝ նա փաստորեն կապել էր իր ձեռքերը: Իսկ հուլյները, որ հրաժարվել էին ստորագրել զինադադարի համաձայնագիրը, շարունակում էին էգեյան ծովի պաշարումը և խափանում էին պարենով բեռնված թուրքական նավերի երթևեկը, շարունակում կղզիների գրավման գործողութիւնները<sup>4</sup>: Դա նշանակում էր, որ ամբողջութեան մեջ զինադադարը Թուրքիայի համար վնասակար լինելով՝ նաև նվաստացուցիչ էր: Բայց նա այլ ելք չուներ:

---

<sup>1</sup> Տե՛ս «Կովկասի լրագրեր», № 16, 20 հունվարի 1913 թ.:

<sup>2</sup> Տե՛ս *А. Ф. Миллер, Оттоманская империя (Султанская Турция), М., 1946, էջ 36, նաև՝ Արամ Անտոնեան, Պատկերազարդ ընդարձակ պատմութիւն պարսնեան պատերազմին, էջ 1029:*

<sup>3</sup> Տե՛ս *А. А. Моголевич, М. Э. Айрапетян, На путях к мировой войне 1914-1919 гг., стр. 127:*

<sup>4</sup> Տե՛ս «Առաջամարտ», № 1074, 30 նոյեմբերի (13 դեկտեմբերի) 1912 թ.:



Վերջապես, մի ընդհանուր կարծիքի չուրջ համաձայնություն չկալուց հետո, բալկանյան դաշնակից երեք երկրները՝ Բուլղարիան, Սերբիան և Չեռնոգորիան, ռազմաճակատում կարճ դադար առան և Բ. Դոանը ներկայացրին զինադադարի հետևյալ պայմանները.

1. Չաթալայի, Ադրիանուպոլսի (Էդիրնե), Շքոթրայի, Յանիայի և Մանաստրի ամրոցների հանձնում և թուրքական զորքերի նահանջ դեպի Ասիական Թուրքիա,
2. Բոլոր զրաված հողերը դաշնակիցներին անցնելու մասին հայտարարություն Բ. Դոան կողմից,
3. Կ. Պոլսի միջազգայնացում,
4. Նեղուցների բացում,
5. Թուրքիայի կողմից պատերազմական ծախսերի հատուցում դաշնակիցներին<sup>1</sup>:

Նշված ամրոցներն ու քաղաքները զինակից բանակներին հանձնելուց անմիջապես հետո պիտի կնքվեր զինադադար, և սկսվեին հաշտություն բանակցությունները:

Վերջապես, պատերազմը կանգնեցնելու թուրքական կողմի ներկայացրած պաշտոնական խնդրանքից մեկ ամիս անց՝ 1912 թ. նոյեմբերի 20-ին (դեկտեմբերի 3-ին), Չաթալայում կնքվեց զինադադար մի կողմից Թուրքիայի, մյուս կողմից Բուլղարիայի, Սերբիայի և Չեռնոգորիայի միջև: Պատերազմի սկզբից մինչև զինադադար տևել էր երեք շաբաթ:

Զինադադարը կնքվեց 10 օրով, որը լրանալուց հետո երկարացվեց անորոշ ժամանակով՝ մինչև խաղաղության պայմանագրի կնքումը<sup>2</sup>: Միաժամանակ ձեռք բերվեց պայմանավորվածություն, որ 1) հաշտության բանակցությունների վայրը լինելու է Լոնդոնը, 2) Բանակցությունները սկսվելու են դեկտեմբերի 14-ին<sup>3</sup>:

---

<sup>1</sup> Տե՛ս «Առաջամարտ», № 3 (1050), 5 (18) նոյեմբերի 1912 թ.: Նույն տեղում, № 4 (1051), 6 (19) նոյեմբերի 1912 թ.:

<sup>2</sup> Տե՛ս «Մշակ», № 235, 23 հոկտեմբերի 1912 թ.:

<sup>3</sup> Տե՛ս «Կովկասի լրագրեր», № 9, 7 նոյեմբերի 1912 թ.:

Զինադադար կնքելուց հետո Կ. Պոլսում «Դեյլի տեղեգրաֆ» թերթի թղթակիցը տեսակցություն էր ունեցել Թուրքիայի արտգործնախարար Գաբրիել Հֆ. Նորատունկյանի հետ, որը դրական էր գնահատել զինադադարի փաստը՝ շեշտելով, որ Թուրքիան չի ցանկանում շարունակել պատերազմը, որովհետև նորից «մեծ արիւնահեղութին պիտի ըլլայ եւ ահռելի թշուառութիւն պիտի պատահի, ինչ որ ծանր պատասխանատուութիւն յառաջ կը բերէ եւ անոր հետեւանքը կրնայ մեզի շատ սուղի նստիլ»<sup>1</sup>:

Կնքելով զինադադար՝ Թուրքական կառավարությունն առաջին հերթին հետապնդում էր իր բանակը կարգի բերելու, ապա և երկրում ծայր առած ներքին կրքերը հանգստացնելու\* խնդիրները: Այնուհետև նա մտածում էր, որ նախքան Լոնդոնի խաղաղություն կոնֆերանսի սկսելը ինքը կհասցնի անհրաժեշտ դիվանագիտական աշխատանք տանել եվրոպական մեծերի և առաջին հերթին Գերմանիայի ու Ավստրիայի կառավարությունների հետ՝ ակնկալելով՝ նրանց ներկայացուցիչները կոնֆերանսում ճնշում կգործադրեն բալկանյան դաշնակիցների և հատկապես Բուլղարիայի ներկայացուցիչների վրա՝ հրաժարվելու Թուրքիային անիրագործելի պահանջներ ներկայացնելուց:

Անշուշտ, օտար աջակցության անցյալի հաճելի օրինակներն այժմ էլ հույսեր էին ներշնչել Կ. Պոլսի արկածախնդիր կառավարությանը, թե պաշտոնական Եվրոպան աջակցելու է իրեն: Բայց հաղթական զենքն ունեցավ իր հատուկ տրամաբանությունը, որը տարածքային ամբողջականության մասին տարփողողներին հարկադրեց դեռ մինչև զինադադարն ուրիշ սրինգ փչել: Նույն Ավստրո-Հունգարիան, որ նախքան պատերազմը առաջինն էր

---

<sup>1</sup> Տե՛ս «Ժամանակ», № 1289, 26 նոյեմբերի (9 դեկտեմբերի) 1912 թ.:

\* Թուրքական թերթերից մի քանիսը պնդում էին, թե զինադադարի պայմաններից մեկը վերաբերում է պաշարյալ քաղաքների պարենավորման իրականացմանը, բայց հակառակ կողմի աղբյուրները վճռականապես մերժում էին այդ կետի գոյությունը: Ովքեր ծանոթ էին թուրք պաշտոնեությունից գործելու ու մտածելակերպին, համոզված էին, որ նրանք ստում են, որպեսզի հանգստացնեն թուրք հասարակության վրդովված մտքերը:

աղմկում Թուրքիայի տարածքային ամբողջականություն քարացած սկզբունքի անգիջում պաշտպանություն մասին, այժմ էլ առաջինը եղավ, որ, միացած դաշնակից Իտալիային, ամենայն եռանդով առաջ մղեց Ալբանիայի անկախություն հարցը՝ իբր առաջնորդվելով ժողովուրդների ազգային ինքնորոշման սկզբունքով: Իրականում, սակայն, այդ երկու երկրները գործում էին Սերբիայի գրգռված ախորժակի կլանումներից կտորներ «փրկելու» հետին հաշիվներով:

Գնահատելով զինադադարը՝ Նիկոլ Աղբալյանը գրում էր. «Բալկանի թատերաբեմում վերջացել է բալկանյան արյունոտ դրամայի մի գործողությունը և զինադադարի վարագույրն իջել է հազարավոր դիակների, տասնյակ հազարավոր վիրավորների ... վրա»<sup>1</sup>:

Զինադադարի առաջին իսկ օրերը ցույց տվեցին, որ ոչ միայն Ավստրիան ու Իտալիան, այլև մյուս մեծ տերությունները՝ Անգլիան, Ֆրանսիան, նույնիսկ Գերմանիան և առաջին հերթին Ռուսաստանը, արդեն եկել են այն համոզման, որ այլևս անհնարին է Բալկաններում պահպանել տարածքային status quo-ն<sup>2</sup>:

Բալկանյան ազգերի հաղթանակներն էին մեծերի դիվանագիտությունը ստիպել հաշտվել այն մտքի հետ, որ Եվրոպական Թուրքիայի բաժանումն անհրաժեշտ է: Օսմանյան կայսրությունը կանգնել էր Եվրոպայում ունեցած իր վերջին տիրույթներից մեկընդմիջտ զրկվելու իրական հեռանկարի առջև:

Մեծ տերությունների սկզբունքային տեսակետի արմատական փոփոխությունը զայրույթի փոթորիկ առաջ բերեց Կ. Պոլսում:

Իթիթիհադի պարագլուխները, որոնք Եվրոպական Թուրքիայում օսմանյան բանակների կրած պարտությունները վերագրում էին Ռուսաստանին, որը, ըստ նրանց հայտարարությունների, հիմա էլ ինտրիգներով է զբաղված Լոնդոնում<sup>3</sup>, սուլթանից

<sup>1</sup> «Հորիզոն», № 261, 1912 թ.:

<sup>2</sup> А. А. Мозилевич, М. Э. Айрапетян, На путях к мировой войне, 1914-1918 гг., Москва, 1940, стр. 145.

<sup>3</sup> Տե՛ս Գ. Ի. Милоков, Воспоминания, том второй (1859-1917), стр. 104:

կտրուկ պահանջեցին հրաման արձակել, որ Իթթիլաֆի կառավարության կողմից բանակցություններ վարելու լիազորված թուրք պատգամավորները չմեկնեն Լոնդոն, և վերսկսել պատերազմը՝ հակառակ դեպքում սպառնալով հարուցել նոր հեղաշրջում և ի գահ կանչել Աբդուլ Համիդին: Իրենց հերթին ուլեմները կրկին հրապարակ իջան «գյավուրների» դեմ սրբազան պատերազմի կոչերով:

Բալկանյան փոքր պետությունների դեմ մղած կռիվներում պարտություն համար թուրքիայում բոլորը մեղադրում էին իրար: Իթթիլահը դրա հիմնական պատճառը համարում էր Իթթիլաֆի արտաքին ու ներքին ապիկար քաղաքականությունը և պատերազմ վարելու անընդունակությունը՝ մոռանալով, որ Տրիպոլիտանի պատերազմը տանուլ էր տվել իր կառավարությունը: Իթթիլաֆը երիտթուրք պարագլուխներին մեղադրում էր քայքայիչ գործունեության, ծանր պահին աթոռակոծի բորբոքելու համար, երկուսը միասին այսպես էին երկրի բարձր զինվորականությանը, որ անընդունակ եղավ մարտերը վարելու ժամանակի ռազմական արվեստի պահանջներին համապատասխան, իսկ զինվորական մասնագետները թուրք բանակի պարտության հիմնական պատճառը համարում էին Գերմանիայի հետ կապերի ոչ արդյունավետությունը հատկապես ռազմական ոլորտում: Կ. Պոլսի թուրք մամուլը քննադատության կրակի տակ էր առել ամենից առաջ Փոն դեր Հոլցի գլխավորած գերմանացի ռազմական հրահանգիչ ու մարզիչ սպաների կողմից թուրքական բանակը վարժեցնելու ձևերը, գերմանական սպառազինության անբավարար որակը:

«Միություն և առաջադիմություն» կոմիտեի օրգան «Ժենոն թյուրք» թերթը գրում էր. «Հիմա արդեն ժամանակն է, որ մենք դասեր քաղենք մեր հայրենիքի վրա թափված ցավալի դեպքերից: Ֆոն-դեր-Հոլցի այնքան փառաբանված զինվորական մեթոդը և պրուսական մարզչական դպրոցը գլխովին վարկաբեկվեցին մեր աչքում: Գերմանական ռազմական արվեստի շոնդալից տապալման պատճառն այն էր, որ այն ամենն էր, որ համապատասխանում օսմանյան զինվորի հոգեբանությանը: Կռիվը միանգամայն ուրիշ ընթացք ունեցավ, քան զճազրվում

էր թղթի վրա: Մենք ժամանակին պնդում էինք, որ չպետք է չափից ավելի հավատ ու վստահություն տա՞ծել Գերմանիայի պատերազմական գինատեսակներին: Յավոք, այդ մտավախությունը հաստատվեց: Կրուպի թնդանոթներն անորակ գտնվեցին և ուղղակի ջարդուփչուր եղան Կրեզոյի գործարաններում արտադրված թնդանոթների հարվածներից: Պատերազմի օրերին լիովին երևան եկավ գերմանական ռազմական արվեստի կործանարար ազդեցությունը մեր հայրենիքի վրա»<sup>1</sup>:

Հատկանշական է, որ մարտական գործողություններից հետո գերմանական մամուլը նույնպես սկսել էր դժգոհել՝ գրելով, թե բալկանյան ձգնաժամի ընթացքում տապալվել է ոչ միայն Բեռլինի քաղաքականությունը, այլև գերմանական ռազմական արվեստը:

Ինչ խոսք, ճիշտ հասցեներով էին ուղղված այդ մեղադրանքները, բայց հավելենք, որ գլխավոր մեղավորները երկուսն էին, որ ծնունդ էին տվել արյունալի պատերազմին. 1) Եվրոպական մեծ տերությունները, որոնք ոչինչ չարեցին դադարեցնելու անիշխանությունը Թուրքիայում, բալկանյան ազգերի հեծեծանքներն ու ազադակները չլսելու համար բամբակ խցկեցին իրենց ականջները: Հենց այդ պատճառով այդ ազգերը վճռեցին կենաց ու մահու կովով իրենք լուծել իրենց սեփական խնդիրները, 2) Թուրքական իշխանությունները, որոնք իրենց անհետատես, անխոհեմ ու նենգ քաղաքականությամբ հպատակ ժողովուրդներին ստիպեցին գենք վերցնել: Հիրավի, 1912 թ. օսմանյան պետությունը նույն խոշոր կայսրությունը կլինեք, ինչպես 100 տարի առաջ, եթե գոնե սահմանափակ չափերով բարենորոգումներ կատարեք երկրում: Այդ բանը նա չարեց և կորցրեց շատ բան:

Համակերպվե՞լ ստեղծված իրավիճակին և զրկվե՞լ եվրոպական տարածքներից, թե՞ շարունակել պատերազմը իր անխուսափելի նոր գոհերով ու ավերներով. այս հարցը հրամայա-

---

<sup>1</sup> Հոդվածի առանձին հատվածների հայերեն թարգմանությունը տե՛ս «Новое Время», 21 ноября 1912 г.:

բար պատասխան էր պահանջում: Բ. Դուռը տատանվում էր, նախարարները երկյուղում էին ու դողում իրենց աթոռների վրա:

Թուրքիայի կառավարության տատանողական ընթացքին ի պատասխան՝ մեծ տերությունները դիմեցին համապատասխան քայլերի՝ ճնշում գործադրելով Բ. Դուռն վրա: Անգլիան, Իտալիան և Ֆրանսիան ծովային նոր ցույց արեցին Կ. Պոլսի մատուցներում՝ այնտեղ գտնվող ռազմանավերի թիվն ավելացնելով մի քանիսով: Երեք մեծերը օսմանյան կառավարությանը սպառնում էին ուժ գործադրել, եթե նա հրաժարվի բալկանյան քառյակ դաշինքի հետ նստել հաշտության բանակցությունների սեղանի շուրջ և վերսկսի պատերազմական գործողությունները: Արդեն խոսում էին, որ եթե ծովային այդ ցույցը չազդի Թուրքիայի վրա՝ կնքելու հաշտություն, ապա մեծ պետություններն ըստ երևույթին մանղատ կտան Ռուսաստանին՝ գրավելու Հայաստանը: Բացի դրանից՝ մեծ պետությունները կազմեցին հավաքական վերջնագիր, որը պետք է հանձնվեր Բ. Դուռնը: Ռուսաստանը պահանջել էր վերջնագիրը կազմել վճռական տոնով, այսինքն՝ եթե թուրքական կառավարությունը մերժեր այն, ապա դաշնակիցները շարունակելու էին պատերազմը: Բայց Գերմանիայի և Ավստրիայի ներկայացուցիչները հայտնել էին, որ եթե Թուրքիան նույնիսկ մերժի վերջնագիրը, միևնույնն է, հաշտության բանակցությունները պետք է շարունակել: Դա նշանակում էր, որ նրանք արդեն պատրաստվում էին պաշտպանության տակ առնել Թուրքիային: Իսկ զա վկայում էր, որ Հայաստանը գրավելու համար Ռուսաստանին մանղատ տալու մասին խոսակցությունները զուրկ էին որևէ հեռանկարից:

## **ՀԱՇՏՈՒԹՅԱՆ ԲԱՆԱԿՑՈՒԹՅՈՒՆՆԵՐ ԼՈՆԴՈՆՈՒՄ**

Սկսված զինադադարը կողմերին հնարավորություն տվեց վաղօրոք նախատեսված հաշտության բանակցություններ սկսել Լոնդոնում՝ խաղաղության պայմանագիր կնքելու համար: Լոնդոնի դեսպանախորհուրդը կազմվեց Բեռլինի դաշնագիրը

(1878 թ.) ստորագրած 6 տերուլթյունների՝ Լոնդոնում հավատարմագրված դեսպաններից: Շատերի համար պարզ էր, որ այստեղ հավաքվելու են մարդասիրության մասին չաղակրատող գիշատիչներ:

Թուրքիան նախապես հույս էր փայփայում, թե Լոնդոնի հաշտության բանակցությունների ընթացքում բալկանյան դաշնակից երկրների միջև կծագեն անհամաձայնություններ, որոնց շնորհիվ նրանք նվազ պահանջկոտ կլինեն, և դա կնպաստի իրենց օգտին արագ հաշտություն կնքելուն, մանավանդ որ տերուլթյունները և առաջին հերթին Անգլիան ձգտում էին դրան<sup>1</sup>:

Բայց երբ պարզ դարձավ, որ բալկանյան հակառակորդ պետությունների դաշինքը տվյալ պահին անսասան է, թուրքական կառավարությունն շտապեց Լոնդոնի խորհրդաժողովի քննարկմանը ներկայացնել իր նախապայմանները:

Քանի որ Թուրքիան, այնուամենայնիվ, փափագում է խաղաղություն, Եոչակ համաձայնության տերուլթյունները դիմումներ կատարեցին բալկանյան զինակիցներին, որպեսզի նրանց համոզեն հաշտության բանակցությունների ընթացքում հանդես գալ չափավոր պահանջներով<sup>2</sup>:

Ռուսական «Новое Время» թերթի հաղորդումից հասարակայնությունը տեղեկացավ, որ Լոնդոնի խորհրդաժողովի նախօրյակին վարչապետ Քեամիլ փաշան տերուլթյուններին ներկայացրել է հաշտության հետևյալ պայմանները. 1) Թուրքիային է մնում չրջապատման մեջ գտնվող Էդիրենն (Ադրիանուպոլիսը), 2) Բուլղարիան ստանում է Կրբիս-Քիլիսեն, Մուստաֆա փաշան, Գրըշլային, Ներոքուփը և Ճումայի-Պալան. դրանից բացի՝ Բուլղարիայի համար ապահովվում է երկաթուղային ազատ ելք դեպի Էգեյան ծով՝ իրեն թողնելով, որ ընտրի Քավալա կամ Դեղե-Աղաջ նավահանգիստները, 3) Հունաստանը ստանում է Փրևեզան, Կրևենան, Էլասոնիան՝ մինչև Կատերինա, ինչպես նաև Կրետեն, 4) Սերբիային են անցնում Կուամանովոն,

<sup>1</sup> Տե՛ս «Ժամանակ», № 1293, 30 նոյեմբերի (13 դեկտեմբերի) 1912 թ.:

<sup>2</sup> Տե՛ս «Բուլթանիա», № 1062, 14 (27) նոյեմբերի 1912 թ.:

Պրիշտինան, Միտրոպիցան և Նովի Բազար սանջակի ամբողջ արևելյան մասը: Թուրքիան Հանձն է առնում թույլ տալ, որ Սերբիան երկաթուղի կառուցի դեպի Ազրիատիկ ծով՝ նույնիսկ խոստանալով երկաթուղու կառուցման ծախսի մի մասը ինքը վճարել, 5) Չերնոգորիան ստանում է Նովի Բազար սանջակի մնացած մասը՝ Կոսինքեոյով և Պլավայով Հանդերձ, ինչպես նաև ամբողջ Սկուտարի լիճը՝ առանց, սակայն, Սկյուտարի քաղաքի, 6) Ինքնավարութուն կտրվի Այբանիային, Մակեդոնիային և Արչիպելագոսի կղզիներին՝ վերջիններս կենտրոն դարձնելով Սամոսը: Այս երեք ինքնավար շրջանները գտնվելու են Թուրքիայի վեհապետություն տակ, և դրանց կառավարիչները նշանակվելու են Բ. Գոան կողմից, 7) Ստեղծվում է բալկանյան նոր դաշնություն, որը լինելու է մնայուն քաղաքական կազմակերպություն՝ ունենալով համաբալկանյան ընդհանուր մաքսային օրենսդրություն: Թուրքիան մտնելու է բալկանյան դաշնություն մեջ՝ որպես նրա անդամներից մեկը: Առաջադրելով այս պայմանները՝ Քեամիլ փաշան հույս էր հայտնում, որ բալկանյան պետությունները կընդունեն իր այդ առաջարկները, որպեսզի Թուրքիան ստիպված չլինի դիմելու ծայրահեղ քայլերի<sup>1</sup>:

Բայց մեծ տերությունների կառավարությունները չարձագանքեցին Քեամիլ փաշայի այդ առաջարկներին՝ հասկացնել տալով, որ ամեն ինչ պետք է որոշվի առաջիկայում Լոնդոնում:

Կ. Պոլսի «Ստամպոլ» թերթը 1912 թ. նոյեմբերի 30-ին տպագրել էր իր թղթակցի հարցազրույցը Թուրքիայի արտգործնախարարի հետ: Այն հարցին, թե նա ինչպես է գնահատում Օսմանյան կայսրության համար ստեղծված վիճակը, Գաբրիել Նորատունկյանը պատասխանել էր. «Ընդհանուր կացութիւնը քիչ մի բարելաւեցաւ բայց դեռ չպարզուեցաւ: Կացութիւնը վտանգաւոր է չեմ կրնար ըսել, ասիկա չափազանցութիւն պիտի ըլլայ, միայն թէ վերջերս մէջտեղ ելած կարգ մը խնդիրներ տակաւին լուծումի կ'սպասեն: Գալով մեզի, մենք վերապահ ընթացքի կը հետեւինք: Ասիկա չնշանակեր թէ անգործ կը մնանք:

---

<sup>1</sup> Տե՛ս «Քուլթանիա» (Կ. Պոլիս), № 7 (1053), 8 (21) նոյեմբերի 1912 թ.:



Յուզուած խնդիրներէն շատը օսմ. կայսրութեան ապագային հետ կապ ունին եւ Թուրքիա ըսուածին պէս Երրեակ Համաձայնութեան եւ Երրեակ Զինակցութեան միջեւ չէ դրուած: Թուրքիա չուզեր ռեւէ խմբաւորումի կողմը բռնել: Մեզ համար Եւրոպան կազմողը Պերլինի դաշնագրին տակ ստորագրած վեց մեծ տէրութիւններն են եւ ոչ թէ Երրեակ Զինակցութիւնն ու Երրեակ Համաձայնութիւնը:... Թուրքիոյ ապագայ ընթացքին մասին բան մը չենք կրնար ըսել հիմակուրնէ, որչափ ատեն որ Լոնտոնի բանակցութիւններուն արդիւնքը յայտնի չըլլայ»<sup>1</sup>:

Իրենց երկրներից աստիճանաբար Անգլիայի մայրաքաղաք մեկնեցին հաշտութեան ժողովի պատվիրակութիւնները, որոնք գլխավորում էին պետական ու քաղաքական նշանավոր գործիչներ: Պատվիրակութիւնների կազմերն էին. Թուրքիա՝ առևտրի և երկրագործութեան նախարար Ռեչիդ փաշա (նախագահ), ծովային փոխնախարար Սուլիև փաշա և Բեռլինում օսմանյան դեսպան Օսման Նիզամի փաշա\*, Բուլղարիա՝ Սոպրանիի նախագահ դոկտ. Մ. Տանև (նախագահ), Լոնդոնում բուլղար դեսպան Մ. Մաջառով, նախկին արտաքին գործերի նախարար Բաբրիկով, Սերբիա՝ Սկուպչինայի նախագահ Մ. Անտրա Նիկոլիչ (նախագահ), նախկին վարչապետ Մ. Ստոյան Նովակովիչ, Փարիզում Սերբիայի դեսպան Մ. Նեսիչ, բանակի սպարակույտի պետ գեն. Պոյովիչ և գնդապետ Պավլովիչ, Հունաստան՝ վարչապետ էլ. Վենիզելոս (նախագահ), նախկին արտգործնախարար Մ. Սկոլուտիս, Վիեննայում հունական դեսպան դոկտ.

---

<sup>1</sup> «Ստամպոլ» թերթի թղթակցի հարցազրույցի թարգմանութիւնը տե՛ս «Ժամանակ», № 1294, 1 (14) դեկտեմբերի 1912 թ.:

\* Թուրքական պատվիրակութեան կազմում նախապես որոշված էր եղել ընդգրկել նաև Լոնդոնում Թուրքիայի դեսպան Թևֆիզ փաշային, բայց նա հրաժարվել էր: Մի առիթով արտգործնախարար Գաբրիել Նորատունկյանն ասել էր. «Թեպֆիզ փաշային երբ առաջարկեցինք մեր երեք պատուիրակներէն մէկը ըլլալ, պատասխանեց թէ անպատեհութիւն կրնայ առաջ գալ երբ պատուիրակներէն մէկը միեւնոյն ատեն դեսպան մը ըլլայ եւ այն ալ Լոնտոնի դեսպան: Մէկ անձի վրայ երկու պաշտօնի միացումը կարելի չէ: Այս առարկութիւնները մեզի արդարանալի թուեցան եւ ուրիշ պատուիրակ մը անուանեցինք» (Տե՛ս «Ժամանակ», № 1294, 1 (14) դեկտեմբերի 1912 թ.):

Մթրայթ, Լոնդոնում ղեսպան Մ. Կենատիուս, Փարիզի Համալսարանում միջազգային իրավունքի դասախոս պրոֆ. Բոլիտիս և երկու գինվորականներ, **Չերնոգորիա՝ Մ. Մրուչեկովիչ**<sup>1</sup>:

Վեհաժողովին Թուրքիան ձգտում էր ներկայանալ ոչ իբրև պարտված կողմ, իսկ Բալկանյան պետությունները ուզում էին այնտեղ ներկայանալ իբրև հաղթողներ՝ իրենց կամքը թելադրողի իրավունքով: Դեպքերի ընթացքը, սակայն, վերահսկում էին «չեզոք» մեծերը: Համենայն դեպս դաշնակից պետությունների գորքը չէր գրավել Պոլիսը, քանի որ այստեղ բախվում էին բոլոր մեծ պետությունների շահերը\*:

Նախքան Լոնդոն հասնելը բոլոր պատվիրակությունների ղեկավարները Փարիզով մեկնելիս «Թան» թերթին տվել էին պաշտոնական հայտարարություններ: Ռեչիդ փաշան ասել էր, որ եթե Լոնդոնում բանակցող կողմերից մեկը փորձի մյուսին թելադրել անընդունելի պայմաններ, ապա անխուսափելիորեն կվերսկսվեն թշնամությունները: Եթե այսօր պատերազմ չկա, ապա դրա պատճառը անկայուն զինադադարն է միայն, նշել էր նա և ապա շեշտել, թե «Յունաստանի հետ չպիտի բանակցինք, մինչև որ զինադադարի պայմանները չստորագրեն:... Չենք կրնար խօսակցիլ պետութեան մը հետ, որ իր դիւանագիտական դիրքը ամրացնելու համար պատերազմի բաղդին վրայ կը վստահի»<sup>2</sup>: Հունական պատվիրակության ղեկավարը վստահություն էր հայտնել՝ ասելով. «Բանակցութիւնները թէեւ յուզումնալից պիտի ըլլան, բայց վերջնական արդիւնքին վստահ ենք»<sup>3</sup>: Նույն տեսակետին էր էլ. Վենիզելոսը: Մ. Նովակովիչը պարզորոշ

---

<sup>1</sup> Տե՛ս «Ժամանակ», № 3 (16) դեկտեմբերի 1912 թ.:

\* Թուրքիայի Համար գլխավոր անընդունելի պայմանը էզիրների (Ադրիանուպոլիս) նկատմամբ բուլղարների պահանջն էր: Զուր չէ, որ օսմանյան պատվիրակության Լոնդոն մեկնելուց առաջ սուլթանը նրա անդամներին ասել էր. «Ամեն ինչըրում կարող եք համաձայնել մեր հակառակորդների հետ, բայց չեմ ուզում, որ նրանց զիջեք էզիրներն, ուր հանգչում են ձեր նախահայրերը» (տե՛ս «Ժամանակ», № 10 (1302), 9 դեկտեմբերի 1912 թ.):

<sup>2</sup> Տե՛ս «Ժամանակ», № 1297, 4 (17) դեկտեմբերի 1912 թ.:

<sup>3</sup> Տե՛ս նույն տեղում:

չեչտում էր, որ «Սերպիա որոշած է հաչտութեան բանակցութեանց մեջ սերպիական գորաց տարած յաղթանակի պտուղներուն պահպանումը պահանջել»: Մ. Մրուչեկովիչը հայտնում էր, թե «պահանջելու ենք մեր գրաված տարածքները մեզի մնան»<sup>1</sup>:

Բալկանյան բոլոր չորս պատվիրակութիւնները պայմանավորվել էին, որ Թուրքիայի հետ պիտի բանակցեն հետեյալ հիմնական կետերի շուրջ. 1) Թուրք և բուլղար, թուրք և սերբ, թուրք և հույն, թուրք և գարաղաղյան սահմանագլուխների ճշտում, 2) Տնտեսական խնդիրներ, 3) Տարածքային խնդիրներ, որոնց թվում մեծ խնդիրները երեքն էին՝ էդիրնե, Ադրիատիկ և կղզիներ<sup>2</sup>:

Լոնդոն հասած պատվիրակութիւնների ղեկավարները այս երեք հենակետային դիրքերից շարունակում էին պաչտոնական հայտարարութիւններ անել:

«Նոյն ֆրայե պրեսե» թերթի թղթակցի հետ ունեցած հանդիպմանը բուլղար պատվիրակութիւնի ղեկավար Տաննն ասել էր, որ խորհրդաժողովը բացվելու է երկուշաբթի, և այդ օրն էլ «մեր պատվիրակներն անպայման պետք է պնդեն Ադրիանուպոլսի և Դեղե-Աղաջի հանձնման վրա: Եթե թուրքերը մերժեն այդ պահանջը, արդեն երեքշաբթի կարելի կլինի հաչտութիւնի բանակցութիւնները ձախողված համարել և 48 ժամ հետո պատերազմական գործողութիւնները պետք է վերսկսվեն, որին կատարելապես պատրաստ ենք: Մենք, այնուհետև, հակառակ մեր նախկին փափագի, այլևս հաչվի չառնելով միջազգային շահերը, կբայենք Կ. Պոլսի վրա: Դա ինքնին կարող է հասկանալի լինել»: Ապա՝ «Մենք հաչտութիւն ենք ուզում, բայց եթե դա հնարավոր չլինի, ապա մինչ այդ ցույց տված ոգևորությամբ կշարունակենք պատերազմը՝ մինչև ամբողջ Եվրոպական Թուրքիայի ոչնչացումը: Այս պայմաններում Ադրիանուպոլսից հրաժարվելը բացարձակապես անհնարին է»<sup>3</sup>:

<sup>1</sup> Տե՛ս «Ժամանակ», № 1297, 4 (17) դեկտեմբերի 1912 թ.:

<sup>2</sup> Տե՛ս նույն տեղում, ինչպես նաև՝ «Բուլթանիա», № 11 (24) նոյեմբերի 1912 թ.:

<sup>3</sup> "Neue freie Presse" թերթի թղթակցի հարցազրույցի հայերեն թարգմանութիւնը տե՛ս «Առաջամարտ» (Կ. Պոլիս), № 20 (1078), 5 (18) դեկտեմբերի 1912 թ.:

Գերմանական մի ուրիշ պարբերականի՝ “*Berliner Tagesblatt*” թերթի աշխատակիցներից մեկը առիթ էր ունեցել Հանդիպելու Լոնդոնում բուլղար ղեսպան և զինվորական կցորդ Կանչևի հետ: Նա ասել էր. «Առանց Ադրիանուպոլսի հաշտություն կնքելը բացարձակապես անհնար է: Եթե կարճ ժամանակում այդ մասին համաձայնություն չկայացվի, ապա պատերազմի վերսկսումն անխուսափելի է»:

Թղթակցի այն հարցին, թե այդ բանը հնարավոր է, երբ լուրջ հակասություններ են ծագում Բուլղարիայի և Հունաստանի միջև Մակեդոնիայի խնդրում, բուլղարացին բավարարվել էր հակահարցեր տալով: «Ասե՛ք խնդրեմ,- ասել էր նա,- արդյո՞ք եվրոպական դիվանագիտությունը լավ տեղյակ է մեր միջև գոյացած համաձայնության: Մի՞թե կարելի է միայն գոյություն չունեցող վատ տեղեկություններով առաջնորդվել»<sup>1</sup>:

Թուրքական կառավարության ղեկավար շրջաններում սկսել էր խորանալ այն համոզումը, որ Ադրիանուպոլսի հանձնումը անխուսափելի է, իսկ վարչապետ Քյամիլ փաշան բացեիբաց ասում էր, որ դա հնարավորություն կտա խաղաղության կնքման, որի շնորհիվ հնարավոր կլինի փկել Եվրոպական Թուրքիայի դեռ թշնամիների կողմից չգրավված մասերը: Նա համոզված էր, որ հակառակ թուրք բարձր զինվորականության ինքնագոհ հայտարարությունների, Չաթալջայի գծերը չեն կարող երկար ժամանակ դիմադրել բալկանյան զինակիցների միացյալ և կազդուրված բանակներին:

Քյամիլ փաշայի բռնած դիրքն ընդհարվում էր երիտթուրքական կոմիտեի կատաղի դիմադրությանը: «Բութանիա» թերթի թղթակիցը Բալկաններից հաղորդում էր, թե երիտթուրքերը բանակում կազմել են մի ընդհատակյա մարմին, որը կրում է “*Providence de la Patrie*” անունը: «Այդ մարմնի կնիքով,- գրում էր թղթակիցը,- երկու սպառնական նամակներ զրկած են՝ մեկը Քեամիլ փաշայի և մյուսը Նորատունկյանի: Այս պարագաները

---

<sup>1</sup> Սույն հարցազրույցը տե՛ս «Առաջամարտ» (Կ. Պոլիս), № 20 (1078), 5 (18) դեկտեմբերի 1912 թ.:

ցույց կուտան, թե ինչպիսի ընդդիմութիւն կայ»<sup>1</sup>, - գրում էր թղթակիցը:

Նոյեմբերի 25-ին Բ. Դուռը պաշտոնապես Հայտնեց, թե արտգործնախարար Գաբրիել էֆ. Նորատունկյանը չի գնալու Լոնդոն, քանի որ նրա ներկայութիւնն անհրաժեշտ է համարվում Կ. Պոլսում:

Այդ պաշտոնական տեղեկութիւնն անհամապատասխան էր իրողութեանը: Նորատունկյանն ինքն էր հրաժարվել պատվիրակի պաշտոնից՝ նկատի առնելով իր հայ լինելը և Լոնդոն հասած հայոց դիմումին պատասխանելու դժվարին հարցից խուսափելու համար: Պատվիրակութեան անդամ նշանակված ազգութեամբ հայ Հրանտ Ապրոն նույնպես հրաժարվեց Լոնդոն գնալուց<sup>2</sup>:

Չնայած թուրքական պետութեան նշված հայ պաշտոնյաները հրաժարվեցին մասնակցութիւն բերել հաշտութեան ժողովին, բայց Կ. Պոլսից Լոնդոն ուղևորվեցին հայազգի մի խումբ հասարակական գործիչներ՝ այնտեղ հայաստանի ինքնավարութեան հարցը հարուցելու համար:

Արդեն դեկտեմբերի 2-ին բոլորը հավաքված էին Լոնդոնում: 1912 թ. դեկտեմբերի 3(16)-ի առավոտյան Լոնդոնի Սեյնթ Ջեյմս պալատում\* բացվեց հաշտութեան ժողովը\*\*, և սկսվեցին բանակցութիւնները: Պատերազմող հինգ երկրների կառավարութիւնների ուղարկած պատվիրակները պիտի աշխատեին, փոխադարձ համաձայնութեամբ հաշտութիւն կնքելով, վերջ տալ կռիւներին:

---

<sup>1</sup> «Բուլթանիա», № 28 (1106), 9 (22) հունվարի 1913 թ.:

<sup>2</sup> Տե՛ս «Մշակ», № 276, 12 դեկտեմբերի 1912 թ.:

\* Տե՛ս «Ժամանակ», № 1314, 21 դեկտեմբերի 1912 թ. (3 հունվարի 1913 թ.):

\*\* Տերութիւններից ոմանք (Ռուսաստան, Գերմանիա, Իտալիա) նախապես հակված էին հաշտութեան ժողովը հրավիրել Փրանսիայի Նիսի շրջանում՝ նկատի ունենալով Անգլիայում եղանակի անբարենպաստ լինելը, Լոնդոնում վրա հասած ուժեղ ցրտերը, բայց ի վերջո, այնուամենայնիվ, բոլորը կանգ առան Լոնդոնի վրա (տե՛ս «Ժամանակ», № 1283, 20 նոյեմբերի (3 դեկտեմբերի) 1912 թ.):

Պատվիրակությունների կազմը՝ հաշված նաև խորհրդականներին, 30 հոգի էր: Անգլիայի արտգործնախարար էրվարդ Գրեյը բարիգալուստի խոսքեր ասելուց հետո մեկնեց բանակցությունների համար հատկացված սրահից: Բուն բանակցությունները սկսվեցին հաջորդ օրվա՝ դեկտեմբերի 4 (17)-ի առավոտյան<sup>1</sup>:

Հաշտության ժողովի հետ համարյա միաժամանակ՝ դեկտեմբերի 4 (16)-ին, Լոնդոնում բացվեց մի ուրիշ ժողով ևս՝ **Դեսպանաժողովը** (կամ **Դեսպանախորհուրդը**), որը գործնական առնչություն չունեց Հաշտության ժողովի հետ, բայց ըստ էության լինելու էր նրան կից մի կոմիտե, որը պետք է քննության առներ եվրոպական տեսակետները Հաշտության ժողովում քննարկվող հարցերի վերաբերյալ\*: «Հիմնականում հենց այդտեղ էին տեղափոխվել բոլոր տարաձայնությունները, որոնք բորբոքվում էին ավստրիական դիվանագետների կողմից»:

Դեսպանաժողովի անդամներն էին Լոնդոնում հավատարմագրված եվրոպական հինգ մեծ պետությունների, ինչպես նաև Իսպանիայի և Ռուսաստանի դեսպանները:

Հայերը և թուրքական կայսրության մյուս ոչ թուրք ժողովուրդները տենչում էին, որ թուրք կառավարությունը Հաշտության ձեռք մեկնի բալկանյան գիւնակիցներին: Հայկական մամուլը հույս ուներ, որ Հաշտության ժողովը վերջ կդնի կայսրության բոլոր ժողովուրդների տառապանքներին: Դաշնակցության «Բուլթանիա» թերթը գրում էր. «Քաղաքական հորիզոնը, որ վերջին շաբթուն խիստ մոռյլ եւ սպառնալից երեւոյթ մը ունէր, արդէն իսկ սկսած է պայծառանալ եւ յուսադրիչ դէպքերու նշանները բերել: Պալքանեան դաշնակիցներու եւ Թուրքիոյ միջեւ խաղաղութեան եւ գիւնադուլի բանակցութիւնները կը կարծուի թէ գոհացուցիչ ելքի մը պիտի յանգին»<sup>2</sup>:

---

<sup>1</sup> Տե՛ս «Ժամանակ», № 1301, 8 (21) դեկտեմբերի 1912 թ.:

\* Հարկ է նշել, որ ուսումնասիրողներից ոմանք Լոնդոնի Հաշտության ժողովի և Դեսպանաժողովի միջև տարբերություն չեն տեսնում:

<sup>2</sup> «Բուլթանիա», № 110 (1056), 11 (24) նոյեմբերի 1912 թ.:

Հայերի մեջ հույս էր արթնացել հատկապես այն բանից հետո, երբ Կ. Պոլսի ուսական ղեսպանը Բ. Դոանը խորհուրդ էր տվել խոհեմություն հանդես բերել, մի կողմ ձգել ինքնասիրությունը, մոռանալ եվրոպական տերությունների հակասություններից օգտվելու, նրանց միմյանց դեմ հանելու վաղեմի սովորությունը և խոհարհավելով ուժեղի առջև՝ բանակցել իր նախկին վասալների հետ:

Անգլիական «Դեյլի տելեգրաֆ» թերթը տպագրել էր մի նշանավոր պրոֆեսորի հեղինակած հոդվածը, որը թարգմանաբար արտատպել էր Կ. Պոլսի «Բիւզանդիոնը»: Հոդվածում նշված էր, որ «Բրիտանական մայրաքաղաքին մեջ կսկսին դարմանալ թէ այն պահուն, երբ Մակեդոնիոյ ճակատագիրը վիճաբանութեան առարկայ կ'ըլլայ, կարծես թէ բոլորովին կ'մոռացուի տառապանքի եւ ցաւի անոր քոյրը՝ Հայաստանը, վասն զի ուրիշ կերպով կարելի չէ բացատրել անգլ. Սորհրդարանին, Մամուլին եւ քրիստոնեայ եկեղեցիին լուռութիւնը: Այս տեսակ տագնապալից ատեն մը ամէն անոնք որ արդարութեան, գլխութեան ու ճշմարտութեան անունով կ'գործեն, իրապէս ոճրագործութիւն մը ըրած պիտի ըլլան երբ չխօսին ի նպաստ ժողովրդեան մը որ Անգլիոյ պաշտպանեալն է: Երբ Աւստրիա, առանց հրացան մը իսկ պարպելու եւ առանց պարտաւորիչ դաշնադրութեամբ մը կապուած ըլլալու Ալպանիոյ, կ'յաջողի անոր ինքնօրէնութիւնը ձեռք բերել, Անգլիա ի՞նչպէս պիտի չկրնայ յաջողացնել Հայաստանի ազատագրումը, որուն նկատմամբ հանդիսական ու ծանօթ յանձնառութիւններ ըրած է»<sup>1</sup>:

Հոդվածագիրն այնուհետև շեշտում էր, որ եթե ղեսպանաժողովում Անգլիայի արտգործնախարարը օրինակ վերցնի Ավստրիայի արտգործնախարարից, որն ատամներով պաշտպանում է Ալբանիայի շահերը, ապա Հայաստանի խնդիրը նույնպես կարող է քննություն առնվել: Հոդվածագիրը դեմ էր արտահայտվում այն պայմանագրին, որը չի ներառի «այնքան աշխատած ու եվրոպային դիմած ժողովրդի մը ձայնը»<sup>2</sup>: Դրա հետևանքն այն

<sup>1</sup> «Բիւզանդիոն», 18 հունվարի 1913 թ.:

<sup>2</sup> Նույն տեղում:

կլինի, շարունակում էր հողվածագիրը, որ նախկին հարատահարումները նոր թափ կառնեն՝ արյունով ողողելով Հայաստանը: «Այս թշուառ ու յուսահատ ժողովուրդը շատ անագորոյն փորձերու ենթարկուեցաւ եւ դեռ պիտի ենթարկուի: Նա խորիստ պատմութիւն մը ունի, բայց արինալի: Չենք կրնար հաւատալ որ Եւրոպա այս անգամ ալ անողոք պիտի ըլլայ անոր նկատմամբ»<sup>1</sup>:

Հայերին հույսի շող էր երևացել: Հենց այդ օրերին ռուսական մամուլում հրապարակվել էին մի շարք հողվածներ, որոնց հեղինակները իրենց կառավարությունը հուշում էին Լոնդոնի հաշտություն ժողովում անպայման առաջ քաշել Թուրքիայի հայերին քուրդ ավազակախմբերից և թուրք ջարդարարներից պաշտպանելու խնդիրը: Հայկական հարցը լրջորեն սկսել էր հետաքրքրել նաև ռուսաց եկեղեցուն և կայսրության սլավոնամետ կազմակերպություններին:

Ավելորդ չէ հիշել, որ այդ օրերին «Սլավոնական քաղաքակրթություն» անվամբ ընկերությունը Մոսկվայում գումարել էր մի կարևոր նիստ, ուր հայտնի ռուս քաղաքական գործիչ, Պետական դումայի նախկին անդամ Եզերսկին ղեկուցում էր կարգացել Արևելյան հարցին վերաբերող թեմայով՝ հատկապես կանգ առնելով Հայկական հարցի վրա: Նա չեշտել էր, որ Հայաստանի խնդիրն այնպիսի այժմեականություն է ստացել, որ չի կարող անտարբեր թողնել ոչ ռուսական մամուլին և ո՛չ էլ առավելապես ռուսական ղեկավար շրջաններին<sup>2</sup>:

Նախքան հաշտություն ժողովում Թուրքիայի պատվիրակության հետ հանդիպելը բալկանյան դաշնակիցների ներկայացուցիչները առանձին խորհրդակցություն ունեցան, որտեղ որոշվեց Թուրքիային ներկայացնել միասնական պահանջ, որի գլխավոր կետերն էին դեռևս նրա ձեռքին գտնվող Ադրիանուպոլսի (էդիրնե), Շքոթրայի (Սկյուտարի) և Յունիայի (Յանինա) հանձնումը: Հաստատաբար ու միաձայն հայտնելով այդ պահանջը՝ դաշնա-

<sup>1</sup> «Բիւզանդիոն», 18 հունվարի 1913 թ.:

<sup>2</sup> Տե՛ս «Ազատամարտ», № 1046, 1 (14) նոյեմբերի 1912 թ.:



կիցները միաժամանակ համաձայնություն եկան գրավված հոդերի բաժանումը իրենց միջև թողնել հետագային<sup>1</sup>:

Դեկտեմբերի 14-ին տեղի ունեցավ չորս դաշնակիցների ու Թուրքիայի ներկայացուցիչների առաջին հանդիպումը: Թուրքական պատվիրակության ղեկավար Ռեչիդ փաշան հայտարարեց, թե իրենք իրենց կառավարությունից լիազորված են բանակցելու միայն բուլղար, սերբ և գարադաղցի պատվիրակների հետ՝ բացառելով Հունաստանի պատվիրակությունը այն պատճառաբանությամբ, թե հունական կողմը չի ստորագրել զինադադարի արձանագրությունը: Դրան ի պատասխան՝ բալկանյան չորս պատվիրակությունները միաձայն հայտարարեցին, թե այդ դեպքում իրենք ընդհանրապես դադարեցնում են բանակցությունները<sup>2</sup>:

Բոլորը հասկանում էին, որ ծայրահեղորեն դժվար է լինելու հաշտության ժողովում համաձայնություն հասնելը: Կասկած չկար, որ երկու բանակցող կողմերն առաջին հերթին սեղանին են դնելու ոչ թե չափավոր, այլ ծայրահեղ պահանջներ, որպեսզի վիճաբանություններից ու փոխադարձ սակարկություններից հետո կարողանան առավելագույնը ստանալ: Հատկապես տարած հաղթանակներով շացած բալկանյան դաշնակից պետությունների կողմից լիազորված պատվիրակությունները անչեղորեն առաջնորդվելու էին իրենց կառավարությունների պատրաստած ծրագրերի ու հրահանգների համաձայն: Եվ դա բնական էր, քանզի ռազմաճակատում ստեղծված վիճակը ենթադրում էր, որ նվազ զիջող կողմը պետք է լիներ բալկանյան զինակցությունը, որի զորքերը եկել-հասել էին Ջաթալջայի ամրությունների առջև: Ուրեմն, կամա թե ակամա, օսմանյան կողմն էր, որ բանակցությունների ընթացքում պետք է լիներ ավելի չափավոր<sup>3</sup>:

Իհարկե, այդ ամենը տրամաբանական էր, բայց մյուս կող-

---

<sup>1</sup> Տե՛ս «Առաջամարտ» (Կ. Պոլիս), № 1087, 15 (28) դեկտեմբերի 1912 թ.:

<sup>2</sup> Տե՛ս նույն տեղում:

<sup>3</sup> Տե՛ս «Բուլթանիա», № 1053, 8 (21) նոյեմբերի 1912 թ.:

մից խիստ կասկածելի էր, որ դաշնակիցների պահանջները հնարավոր կլինի համաձայնեցնել Բ. Դուան հետ: Թուրքիան հեշտու-  
թյամբ կթողնե՞ր արդյոք իր եվրոպական տիրույթները: Ալբա-  
նիայի խնդրում բալկանյան զինակիցներն անխուսափելիորեն  
բախվելու էին Ավստրիայի, Իտալիայի, Ռուսաստանի չահերին:  
Բուլղարիան հայտարարել էր, որ եթե իր զորքերով չըջապատ-  
ված Ադրիանուպոլիսը (էդիրնե) իրեն չթողնվի, ապա հաշտու-  
թյուն կնքելն անհնարին է\*, իսկ եվրոպական հասարակական  
կարծիքն անարդար էր համարում Ադրիանուպոլիսը և Շքոթրան  
դաշնակիցներին հանձնելը, քանի որ այդ ամրոցները, թեև չըջա-  
պատված դաշնակիցների զորքերով, բայց դեռ թուրքերի ձեռքին  
էին<sup>1</sup>:

Հաշտության բանակցությունների ընթացքում յուրաքանչ-  
յուր պատվիրակություն ներկայացրեց իր պահանջները:

Առավել արմատական դիրքերից էր հանդես գալիս **Բուլղա-  
րիան**: «Թուրքիան պետք է ծովով բաժանել Եվրոպայից»<sup>2</sup>, - այս  
էր բուլղարների հիմնական պահանջը: Նրանք նպատակ ունեին  
դուրս գալ էգեյան ծով և հիմնավորվել նրա եզերքի մի մասում՝  
դրանով իսկ իրենց երկրի համար մուտք բացելով դեպի Հարա-  
վային (Միջերկրական) ծով: էգեյան ծովեզերքի այդ մասը պետք

---

\* Բուլղարներն ինչո՞ւ էին պնդում էդիրնեն իրենց հանձնել: Բուլղար  
պատվիրակներից մեկը այդ մասին Փարիզում հայտարարություն էր արել  
«Թան» թերթին, որը թարգմանաբար արտատպել էր «Ժամանակը»: «Ինք-  
նասիրութեան կամ ձեռնունայն Սոփիա չդատնալու դիմումով չէ, որ էտիրնէի  
մասին կը պնդենք,- ասել էր նա: - Մեր տեսակէտներէն աւելի հեռուները կ'եր-  
թան: Ամէն բանէ առաջ թրքական լուծէն մեր քրիստոնեայ եղբայրները ազա-  
տելու համար է որ պատերազմեցանք, արդ, անոնց մեծ մասը այս լուծին տակ  
ձգելը ուրիշ պատերազմ մը պատրաստել կը նշանակէ, ինչպէս գիտէք, էտիր-  
նէի բնակչութեան մեծ մասը պուլկար է: Պէտք է որ Թուրքիոյ քրիստոնեայ  
հպատակներուն ազատագրումը կատարեալ ըլլայ, առանց որու նոր կնճոռ-  
տութիւններ պիտի ծագին» (Տե՛ս «Ժամանակ», № 1308, 15 (28) դեկտեմբերի  
1913 թ.):

<sup>1</sup> Տե՛ս «Ժամանակ», № , 3 (16) դեկտեմբերի 1912 թ.:

<sup>2</sup> Տե՛ս «Ժամանակ», № 1313, 20 դեկտեմբերի 1912 թ. (2 Հունվարի  
1913 թ.):

է ներառեր Դեղե Աղաջի նավահանգիստը և Քավալան: Բայց ամենակարևորը. Բուլղարական թագավորությունը պիտի պարփակեր Բալկանյան թերակղզու սիրտը Հանդիսացող Մակեդոնիա լեռներկիրը, որի արևելյան կողմի բնակիչների մեծ մասը բուլղարներ էին, արևմտյան մասում կային հույներ, ալբաններ, թուրքեր, քուցավալախներ:

Եռյակ Համաձայնությունների տերությունները, մասնավորապես Ռուսաստանը և Ֆրանսիան բուլղարական կառավարությունը կոչ էին անում վերջնականապես հրաժարվել Կ. Պոլիս մտնելու գաղափարից, որի փոխարեն խոստանում էին պատերազմի ավարտից անմիջապես հետո նրան տալ մեծ փոխառություն: Բայց Բուլղարիայի կառավարություն, բանակի և բուլղար ժողովրդի անզուսպ տենչանքը առայժմ մնում էր Կ. Պոլիս մտնելը:

Բուլղարական պահանջների դեմ վճռականորեն հանդես էր գալիս Ռումինիան, որը թեև չէր մտնում բալկանյան դաշինքի մեջ, հետևապես մասնակցություն չունեց լոնդոնյան բանակցություններին, բայց իր կառավարություն մակարդակով և մամուլով մեղադրանքներ էր ներկայացնում Բուլղարիային «ազահություն Համար»:

Ավելին, 1912 թ. դեկտեմբերի 28-ին Ռումինիայի կառավարությունը վերջնագրի ներկայացրեց Բուլղարիայի կառավարությանը և պահանջեց քանդել Սիլիստրայի, Բալչըքի և Մեջիդիեի ամրությունները, որոնք սպառնալիք են իր երկրի անվտանգությանը: Վերջնագրի Համաձայն՝ բուլղարական կողմը պարտավոր էր 48 ժամվա ընթացքում պատասխան տալ իր պահանջին, այլապես ումին բանակը հրաման կստանար գրավել պահանջված ումինաբնակ հողերը, ինչպես նաև կհայտարարվեր ընդհանուր զորահավաք<sup>1</sup>: Ռումինիայի ձեռնարկած քայլերին մեծապես աջակցում էր Ավստրիան, որը նրան թելադրում էր առանց հետաձգելու զորք մտցնել Սիլիստրիայի նահանգ և գրավել այն<sup>2</sup>: Ինչ խոսք, այդ ամենը թուլացնում էր բուլղարների դիրքը

---

<sup>1</sup> Տե՛ս «Ժամանակ», № 1322, 29 դեկտեմբերի 1912 թ. (11 հունվարի 1913 թ.):

<sup>2</sup> Տե՛ս «Ժամանակ», № 1334, 30 (26) հունվարի 1913 թ.:

Հաշտության բանակցություններում:

Հաշտության բանակցությունների ընթացքում մոտավորապես Բուլղարիայի չափ ընդարձակում էր պահանջում Սերբիան: Նա ձգտում էր տիրել Նովի Բազար սանջակի մի մասը՝ Հին Սերբիան՝ Սկոպլե (Սկյուբ, Ուսկյուբ) և Ֆրիդրենտ մեծ քաղաքներով: Ավելին, նա երազում էր իրեն միացնել Ալբանիան<sup>1</sup>, գոնե նրա Հյուսիսային մասը: Սերբիայի համար բախտորոշ էր դեպի Ադրիատիկ ծով դուրս գալը, ուստի ձգտում էր Ալբանիայի վրայով ուղղվել դեպի Ալբանիո և Դուրացցո նավահանգիստները: Ավստրիան ամեն զնով փորձում էր խափանել Սերբիայի ձգտումը և այդ նպատակով արգելք էր հանդիսանում դեպի Ալբանիա սերբական բանակի առաջխաղացմանը: «Առաջամարտը» գրում էր, որ ինչ էլ որ լինի, Ռուսաստանը պաշտպանելու է Սերբիայի շահերը և ձգտելու է՝ Ադրիատիկում ունենալ նավահանգիստ<sup>2</sup>: Հաշտության ժողովում Սերբիայի ներկայացրած պահանջների շուրջ ծավալված վիճաբանությունների ընթացքում Ռուսաստանի ներկայացուցիչների բռնած դիրքը դա էր ապացուցում: Եվ եթե Ռուսաստանի սպառնալիքներն ուղղված չլինեին Ավստրիային, ապա վերջինս վաղուց իր թաթը երկարած կլիներ դեպի Մակեդոնիա և Ալբանիա: Ադրիատիկի ափին նավահանգիստ ունենալու սերբ կառավորություն փափագը Եռյակ գլխակցություն և Եռյակ համաձայնություն միջև Հաշտություն ժողովում դարձել էր կոպիտանձոր:

Հունաստանը պայքարում էր իրեն միացնելու Էպիրոսը, ինչպես և Խալկեսոիք թերակղզին: Նա պահանջում էր նաև իրեն հանձնել Կրետեն (որի համար նա շատ երկար տարիներ պայքարել էր) և Էգեյանի մի քանի կղզիներ: Նա իրենն էր համարում նաև Մակեդոնիայի գլխավոր քաղաք Սալոնիկը, որի ապագան, սակայն, կախված էր մեծ պետությունների վճռից, քանզի այն միջազգային կարևորություն ունեցող նավահանգիստ-քաղաք էր: Բուլղարիան ևս չէր ուզում այն զիջել Հունաստանին<sup>3</sup>: Թեր-

<sup>1</sup> Տե՛ս «Առաջամարտ», № 1072, 28 նոյեմբերի 1912 թ.:

<sup>2</sup> Տե՛ս նույն տեղում:

<sup>3</sup> Տե՛ս նույն տեղում:

Թերը հաղորդում էին, որ, ի վերջո, Թուրքիան նույնիսկ կարող է հունաստանին զիջել Սալոնիկը, բայց էգեյան ծովի կղզիները՝ երբեք: Այդ կղզիներում 500.000 հույնի դիմաց ապրում էր ընդամենը 24.000 թուրք: Դրանք արդեն Թուրքիայի համար ներկայացնում էին որպես նոր Մակեդոնիա, այսինքն՝ մի հրաբուխ, որը սպառնում էր լայնածավալ ապստամբություններով<sup>1</sup>: Ռոդոս կղզու և չրջակա կղզիների հունական գյուղերում սկսվել էին ցույցեր՝ հունաստանին միանալու օգտին<sup>2</sup>: Ոչ ոք չէր կասկածում, որ դրանք շուտով վերածելու են զինված ապստամբություն:

**Ջերնոգորիան** մաքառում էր, որպեսզի ընդարձակվի Նովի Բազար սանջակի և Շքոթրա (Սկյուտարի) քաղաքի հաշվին, ինչպես նաև պայքարում էր դեպի Ալբանիա ընդարձակվելու համար<sup>3</sup>:

**Ալբանիայի** պահանջը ինքնավարությունը չէր՝ սուլթանի քաղաքական գերիշխանությունը ենթարկվելու պայմանով: Ալբանացիները կատարյալ անկախություն էին ուզում՝ Կ. Պոլսից բոլորովին բաժանված<sup>4</sup>: Նիկոլ Աղբալյանն իր մի հոդվածում («Հորիզոն», № 96, 1913) նշում էր, որ եթե բալկանյան ինքնիշխան երկրներին հաջողվի իրար մեջ բաժանել Ալբանիան (մի բան, որ նա համարում էր ճակատագրական սխալ), ապա դրանով իսկ կիսակվի Ավստրիայի ճանապարհը դեպի ծով: Ահա թե ինչու Ավստրիան չահագրգռված է այնպես գծել Ալբանիայի սահմանները, որ Սերբիան հնարավորություն չունենա դուրս գալու Ադրիատիկ: Բացի դրանից՝ Ալբանիան եռյակ զինակցություն ձեռքին գործիք կլինի «Բալկանի մանր տերութեանց»:

Քանի որ Բալկաններում **Ավստրիայի** հիմնական հակառակորդը Սերբիան էր, ուստի Լոնդոնում նրա գլխավոր հարվածներն ուղղված էին դաշնակիցներից հենց այդ երկրի դեմ: Նա իր

---

<sup>1</sup> Տե՛ս «Կովկասի լրաբեր», № 8, 11 հունվարի 1913 թ.:

<sup>2</sup> Տե՛ս նույն տեղում, № 7, 10 հունվարի 1913 թ.:

<sup>3</sup> Տե՛ս «Առաջամարտ», № 1072, 28 նոյեմբերի 1912 թ.:

<sup>4</sup> Տե՛ս «Ժամանակ», № 1308, 15 (28) դեկտեմբերի 1912 թ.:

ձեռքն ամուր դրել էր 1908 թ. Օսմանյան հեղափոխություն օրերին գրաված Բոսնիա-Հերցեգովինայի վրա, որը Սերբիայի բնական ճամփան էր դեպի Ադրիատիկ ծով: Դեսպանաժողովում նրա ներկայացուցիչները հայտարարում էին, որ այդ տարածքով դեպի ծով դուռ բացելու Սերբիայի ամեն փորձ պատճառ կդառնա նրան պատերազմ հայտարարելու<sup>1</sup>: Օսմանյան կայսրությունից Ալբանիայի անկախությունն ի նպաստ հայտարարություններով նա Սերբիայի առջև միաժամանակ փակում էր նաև դեպի Ադրիատիկ այդ վերջին ճանապարհը<sup>2</sup>: Ալբանական խնդրում Ավստրիան առաջնորդվում էր ոչ թե ալբանացիների համար օգուտ փնտրելու բարի նկատումով, այլ այնտեղ իր համար կովան ստեղծելու քաղաքական տենչով: Ավստրիան միաժամանակ վճռականապես դեմ էր Սալոնիկը դաշնակիցներից որևէ մեկի ձեռքն անցնելուն և ձգտում էր այն դարձնել միջազգային նավահանգիստ: Նա նաև կտրականապես դեմ էր Հոնիական կղզիները Հունաստանին տալուն:

**Գերմանիան** լիովին համերաշխ էր Ավստրիայի հետ. Լոնդոնի դեսպանաժողովում նրա ներկայացուցիչները մշտապես հանդես էին գալիս ավստրիացիների հետ սերտ գործակցությունամբ: Բեռլինը չէր դադարում մշտապես հիշեցնել, որ եթե Ավստրիան ռազմական տեսակետից նեղ վիճակի մեջ հայտնվի, ապա Գերմանիան անմիջապես օգնություն կչտապի նրան: “Die Zeit” թերթը հաղորդում էր, որ գերմանական ռազմական նավատորմը Միջերկրական ծովում է և այնտեղ պատրաստ սպասելու է մինչև Արևելյան տազնապի վերջը: Եվ եթե Ավստրիան Սերբիայի դեմ ռազմական գործողություններ ձեռնարկի, ապա այդ նավատորմը անմիջապես դրվելու է ավստրիացի ծովակալի հրամանի տակ<sup>3</sup>:

Ինչպես հաշտություն ժողովում, այնպես էլ Դեսպանաժողո-

---

<sup>1</sup> Տե՛ս «Առաջամարտ», № 1080, 7 (20) դեկտեմբերի 1912 թ.:

<sup>2</sup> Տե՛ս «Բուլթանիա», № 1054, 9 (22) նոյեմբերի 1912 թ.:

<sup>3</sup> “Die Zeit”-ի հոդվածի հաղորդումը տե՛ս «Ժամանակ», № 1326, 2 (15) հունվարի 1913 թ.:

վում ավատորո-գերմանական շահերը մշտապես բախվում էին **Ռուսաստանի** շահերին, քանի որ նրանք **Բալկաններում** հետապնդում էին տրամագծորեն հակառակ նպատակներ: Դա պատահական չէր, քանզի առաջինները **Թուրքիայի** ավանդական դաշնակիցներն էին, իսկ **Ռուսաստանը՝** նույն **Թուրքիայի** ավանդական հակառակորդը:

Լոնդոնում իրենց շահերին լարված հետամուտ էին նաև մյուս մեծերը՝ **Անգլիան, Ֆրանսիան և Իտալիան:**

Նախկինի պես **Անգլիան** շահագրգռված էր **Թուրքիայում** իր տնտեսական արտոնությունների պահպանմամբ, ուստի մշտապես **Բ. Դոանը** հավաստիացնում էր, թե ինքը ամեն ինչ անելու է, որպեսզի **Թուրքիան** պատերազմից դուրս գա նվազագույն կորուստներով:

**Թուրքական** իշխանություններին նման հավաստիացումներ էր անում նաև **Ֆրանսիան**, թեև ավելի համեստ ձևակերպումներով: **Ավելին, Փարիզը** երբեմն-երբեմն **Բ. Դոանը** հասկացնել էր տալիս, որ **Թեկուզ** անցանկալի կորուստներով, բայց **Թուրքիան** այլ ելք չունի, քան ընդառաջ գնալու դաշնակիցների հիմնական պահանջներին: **Ֆրանսիայի** նախագահ **Մ. Պուանկարեն** 1912 թ. դեկտեմբերի սկզբներին խորհրդարանում հայտարարություն էր արել ի նպաստ «**Բալկանը** բալկանյան ժողովուրդներին» սկզբունքի<sup>1</sup>:

Ի տարբերություն իրենց կառավարությունների՝ անգլիական և ֆրանսիական մամուլը **Թուրքիային** խորհուրդ էր տալիս ընդունել բալկանյան զինակիցների ներկայացրած պայմանները, խնայել սեփական ժողովրդին, որի տված զոհերը բավական էին մի քանի պատերազմների համար:

**Թուրքիայի** նկատմամբ ավելի արմատական էր տրամադրված **Իտալիան**, որը պահանջում էր օսմաններին լիովին դուրս մղել **Բալկաններից**, միաժամանակ փնտրում էր այնտեղ մուտք գործելու զանազան միջոցներ, մասնավորապես՝ ամեն կերպ ձգտում էր ամրանալ **Տրիեստում:** Միաժամանակ հանդես գալով

---

<sup>1</sup> Տե՛ս «**Ժամանակ**», № 1308, 15 (28) դեկտեմբերի 1912 թ.:

Ալբանիայի Հարավային սահմաններն ընդարձակելու ցանկությունամբ՝ նա իրականում նպատակ ուներ մեծապես զորացնել իր զորքերը Ադրիատիկում:

Բանակցությունների ընթացքում եվրոպական դիվանագիտությունն այն հայտարարությունները, թե պատերազմի ելքը չպիտի որևէ փոփոխություն մտցնի Բալկանյան status quo-ում, հետզհետե ինքնաբերաբար հօդս ցնդեցին՝ տեղի տալով նորանոր բանաձևերի, որոնք սնկի պես սկսեցին բուսնել այն հաղթանակներից հետո, որոնք բալկանյան զինակից բանակները տարան՝ աստիճան առ աստիճան մոտենալով մինչև օսմանյան մայրաքաղաքի դռներին: Մյուս կողմից բալկանյան պետությունները ևս մոռացել էին նախկինում արած իրենց հայտարարությունները, թե իրենք նետվում են պատերազմի հորձանքի մեջ ոչ թե հողային գրավումների համար, այլ Մակեդոնիայի իրենց դժբախտ ցեղակիցների մարտիրոսությունը վերջ տալու, նրանց թուրքական հոռի վարչությունն ժանիքներից ազատելու համար: Նրանցից յուրաքանչյուրի հավակնությունները մեծանում էին օր օրի: Զուր չէ, որ «Ժամանակ» թերթը գրում էր, թե «...արդեն կրնանք գուշակել որ Թուրքիան, իր Եւրոպական հողամասերէն մեծ մաս մը պիտի զիջի զինակից պետություններուն, քանի որ հաշտութեան բանակցութիւններու խնդրանքը իրմէ է որ կ'ըլլայ, եւ հաշտութիւնը պիտի կնքուի առնուազն Չաթալճայի ամրութիւններուն ստորոտը, եւ ոչ թէ Սօֆիա»<sup>1</sup>:

Թուրքերը չէին հաշտվում status quo-ից եվրոպական կառավարությունների հրաժարվելու փաստին: Ահմեդ Ռիզա բեյը դա համարում էր միջազգայնորեն ընդունված կանոնների աննախադեպ դրժում<sup>2</sup>:

Անչուշտ, հայերի մտքում հարց էր ծագում, թե ո՞րն է իրենց ձեռնտու. Թուրքիայի եվրոպական մասի հողերը զինակիցներին անցնելը<sup>3</sup>, թե՞ ստատուսքվոյի պահպանումը: «Տարակույս չկայ,- գրում էր «Ժամանակի» աշխատակից Աշոտ Պազպազ-

<sup>1</sup> Տե՛ս «Ժամանակ», № 1280, 17 (30) նոյեմբերի 1912 թ.:

<sup>2</sup> Տե՛ս «Հեռաձայն», № 14, 5 (18) փետրվարի 1913 թ.:



յանը,- որ իբրեւ օսմանցիներ, իբր այս երկրի իրաւահաւասար քաղաքացիներ, երբէք չպիտի ուզէինք բթաչափ մը հող իսկ պակասժ տեսնել անոր սահմաններէն, սակայն եւ այնպէս այդ հարցումին մենք դրական պատասխան պիտի տանք, որովհետեւ մեզի այնպէս կը թուի թէ Օսմ. պետութիւնը միշտ կորսնցուցած է իր ընդարձակութեան պատճառով, եւ պիտի չահի՝ իր սահմանները նեղցնելով»<sup>1</sup>:

Այս միտքն առանձին մեկնաբանութեան կարիք չունի, քանի որ այն տրամաբանութեան մակերեսին է:

Ելնելով իրենց փորձից՝ հայերը համոզված էին, որ Լոնդոնի հաշտութեան ժողովը և Դեսպանաժողովը ի վիճակի չեն ընդունելու անկողմնակալ որոշումներ և արագորեն վերջ տալու պատերազմին: Եվրոպան իրականում չահագրգռված է պատերազմող կողմերի թուլացումով:

Կ. Պոլսի «Ժամանակ» թերթը, հավատ չտածելով եվրոպական կառավարութիւններին թափած կոկորդիլոսի արցունքների նկատմամբ, գրում էր. «Եւրոպա չահ ունի Պալքանեան ազգերը սնանկութեան վիճակի հասցնելուն մէջ. Եւրոպա չահ ունի Տաճկաստանը իրեն գերի ընելուն մէջ: Որքան աւելի պարտքերու մէջ մխրճուինք՝ թէ՛ մենք եւ թէ՛ մեր դրացիները, աւելի եղ կը քսենք Եւրոպացիներու հացին: Եւրոպացին կ'ուզէ ինչ արդիւնաւոր աղբիւր կայ Տաճկաստանի մէջ իր ձեռքը անցցնել, ճամբաներու, թիւնէլներու արտօնութիւններ կորզել մեզմէ, խաններ, պուրսեր, հրապարակներ առնել յաջող պայմաններով, եւ մեր վերջին ջիղերը կտրտել որ ապագային երբէք ի վիճակի չըլլանք ազատօրէն շարժելու: Եւրոպայի չահն է որ կը պահանջէ պատերազմին շարունակութիւնը, որովհետեւ քանի պատերազմը շարունակուի, մենք ալ, մեր դրացիներն ալ կը պարտաւորուինք խոշոր տոկոսներով ու տնաքանդ պայմաններով փոխառութեան դիմելու միշտ Եւրոպացուց»<sup>2</sup>:

Իսկ ո՞րն է ելքը օսմանյան հայրենիքի համար, հարցնում էր

<sup>1</sup> «Ժամանակ», № 1280, 17 (30) նոյեմբերի 1912 թ.:

<sup>2</sup> Տե՛ս «Ժամանակ», № 1373, 19 փետրվարի (4 մարտի) 1913 թ.:

Թերթի խմբագրականի հեղինակը, և ինքն էլ պատասխանում.  
«Անհրաժեշտ է ուղղակի դիմել մեր թշնամիներին (բալկանյան  
դաշնակիցներին:– Ն. Ս.) և ամենահաջող պայմաններով խաղա-  
ղություն կնքել»<sup>1</sup>:

Հաշտության դեսպանաժողովում բանակցող կողմերի ան-  
զիջում վեճերը խափանում էին նրա առաջընթացը: Որպեսզի  
Թուրքերը համաձայնություն տային ընդունելու հույն պատվի-  
րակների լիազորությունները, պահանջվեց մի քանի նիստ: Դրա  
դիմաց նրանք պահանջեցին պարենավորել Ադրիանուպոլսի  
(Էդիրնեի) բնակչությանը: Բալկանյան պետությունների պատ-  
վիրակները հայտարարեցին, որ այդ հարցը դուրս է դեսպանա-  
ժողովի իրավասությունից, և որ այն արդեն կարգադրված է զի-  
նադադարի պայմանագրով: Այդ նոր կացություն պայմաններում  
Թուրքական պատվիրակությունն ընդունեց հունական կողմի  
լիազորությունները<sup>2</sup>:

Չնայած դրան՝ բանակցությունների ընթացքում Թուրքա-  
կան պատվիրակությունն ամեն կերպ ձգձգում էր հարցերի  
քննարկումը՝ նպատակ ունենալով առաջ բերել տարաձայնու-  
թյուններ զինակիցների միջև<sup>3</sup>: Թուրքերի այդ գործելակերպի դեմ  
բողոքում էին դաշնակիցների ներկայացուցիչները: Հույն պատ-  
վիրակության ղեկավար Վենիզելոսն անհանգստություն էր  
հայտնում, թե տասն օր է, ինչ իրենք գտնվում են Լոնդոնում՝  
առանց մի քայլ առաջ անելու: Թուրքերի կողմից բանակցու-  
թյունների ձգձգումը, ասում էր նա, նպատակ ունի ժամանակ  
չահել և առաջ բերել հակասություններ Բալկանյան միության  
մեջ<sup>4</sup>:

Դեկտեմբերի 24-ից դեսպանաժողովների նիստերը վերջա-  
պես դարձան արդյունավետ: Այդ նույն նիստում բալկանյան պե-  
տությունները Թուրքական կողմին ներկայացրին հետևյալ  
միասնական ու ամբողջական պահանջները. 1) Բուլղարիայի և

<sup>1</sup> Տե՛ս «Ժամանակ», № 1373, 19 փետրվարի (4 մարտի) 1913 թ.:

<sup>2</sup> Տե՛ս «Առաջամարտ» (Կ. Պոլիս), № 1083, 24 դեկտեմբերի 1912 թ.:

<sup>3</sup> Տե՛ս «Ժամանակ», № 1313, 20 դեկտեմբերի 1912 թ.:

<sup>4</sup> Տե՛ս «Առաջամարտ», № 1083, 24 դեկտեմբերի 1912 թ.:

Թուրքիայի սահմանների ճշտում, 2) էդիրնեից, Շքոթրայից, Հարավային Ալբանիայից և Էպիրոսից օսմանյան զորքերի արագ դուրսբերում և այդ տարածքների անձնատվություն, 3) Արչիպելագոսի կղզիների հանձնում, 4) Եվրոպայում և Ասիայում Թուրքիայի տիրապետության տակ գտնվող քրիստոնյաների վիճակի բարելավում, 5) Չաթալջայի ամրությունների քանդում, 6) Բալկանյան երկրների հետ Թուրքիայի կողմից առևտրական նպաստավոր հարաբերությունների հաստատում, 7) Ռազմական տուգանքի վճարում Բալկանյան դաշինքի բոլոր չորս երկրներին<sup>1</sup>:

Քանի որ Լոնդոնի դեսպանաժողովը բալկանյան պատերազմի հետևանքով առաջացած կնճոռտ հարցերի քաղաքական լուծումներից բացի ստիպված էր շատ ժամանակ կորցնել՝ զբաղվելով նաև ֆինանսական և այլ կարգի հարակից հարցերով, ուստի նրա անդամ դեսպանները դիմեցին իրենց կառավարություններին՝ Փարիզում գումարելու մի ուրիշ՝ ֆինանսատնտեսական դեսպանաժողով բալկանյան տագնապից գոյացած տնտեսական բոլոր խնդիրների քննարկման և լուծման համար: Տեղի ընտրությունը պատահական էր. Փարիզն օսմանյան տնտեսական շահերի գլխավոր կենտրոնն էր, ֆրանսիական դրամագլուխը կայսրության բոլոր խնդիրներում ուներ գերակշիռ դեր: Ուստի այդ դեսպանաժողովը, չունենալով քաղաքական բնույթ, իր կազմում ընդգրկեց մեծ թվով առաջատար տնտեսագետների և ֆինանսիստների<sup>2</sup>:

Եթե բանակցությունների ընթացքում դաշնակիցների առաջադրած յոթ պահանջներից թուրքական կողմը վեցի չուրջ այնուամենայնիվ երկխոսության մեջ էր մտնում, ապա կտրականապես մերժում էր անգամ քննության առնել պատերազմական տուգանք վճարելու պահանջը<sup>3</sup>:

Բալկանյան զինակցության չորս երկրները Թուրքիային էին

<sup>1</sup> Տե՛ս «Առաջամարտ», № 1084, 25 դեկտեմբերի 1912 թ.:

<sup>2</sup> «Հեռագայն», № 11, 2 (15) փետրվարի 1913 թ.:

<sup>3</sup> Տե՛ս «Բուլթանիա», № 9 (1055), 10 (23) նոյեմբերի 1912 թ.:

ներկայացրել պատերազմում իրենց կատարած ծախսերը մա-  
րելու հարց: Նրանք պահանջում էին 800 միլիոն ֆրանկ պատե-  
րազմական տուգանք, որից 700 միլիոնը պահանջում էր Բուլ-  
ղարիան<sup>1</sup>:

Եվրոպական մեծերը դեմ էին, որ Թուրքիան պատերազմա-  
կան տուգանք վճարի դաշնակիցներին, և հատկապես Բուլղա-  
րիային<sup>2</sup>:

Թուրքիան, անշուշտ, ի վիճակի չէր իր կողմից որոշակի  
պայմաններ դնելու հակառակորդների առջև, քանի որ հոժար էր  
որևէ զիջումի՝ պայմանով, որ բուլղարները մայրաքաղաք  
չմտնեն, և գոնե այդ նվաստացումը չկրեն, ինչպես նաև երաշ-  
խավորվի գրավված տարածքների մուսուլման բնակչության  
անվտանգությունը: «Թուրքիոյ կողմէ իբրև գլխաւոր առաջարկ  
կը նկատուի գրաւուած գաւառներու միւսիլման հասարակու-  
թեան կրօնական իրաւասութեանց եւ ազատութեան պահպա-  
նումը...»<sup>3</sup>, - գրում էր «Բուլթանիան»:

Քեամիլ փաշան գտնում էր, որ մեծ պետությունները պետք  
է դաշնակիցներին հետ պահեն պատերազմական տուգանք  
պահանջելու մտքից, այլապես իր երկրի ֆինանսատնտեսական  
դրությունը չի հաջողվի փրկել լիակատար քայքայումից<sup>4</sup>:

Եվրոպական մեծերի համար անցանկալի էր Թուրքիայի  
տնտեսության վերջնական փլուզումը, հետևապես դեմ էին  
դաշնակիցների պահանջած մեծածավալ ռազմատուգանքին:  
Այդ առթիվ Նիկոլ Աղբալյանը «Հորիզոնում» գրում էր. «Եվրո-  
պան, որ մեծամեծ պահանջներ ունի Թուրքիայից, չէր կարող  
թույլ տալ, որ իր դիմացը իբրև պարտապան կանգներ պատե-  
րազմից ու հոռի վարչությունից քայքայված մի երկիր»<sup>5</sup>:

Թուրքիան, որը պատրաստ էր եվրոպական իր տիրույթնե-  
րից դաշնակից երկրներին լայն տարածքներ զիջելու, բայց երբեք

---

<sup>1</sup> Տե՛ս «Բուլթանիա», № 1060, 25 նոյեմբերի 1912 թ.:

<sup>2</sup> Տե՛ս «Ժամանակ», № 1287, 24 նոյեմբերի (7 դեկտեմբերի) 1912 թ.:

<sup>3</sup> «Բուլթանիա», № 1056, 11 (24) նոյեմբերի 1912 թ.:

<sup>4</sup> Տե՛ս «Կովկասի լրագրեր», № 44, 26 փետրվարի 1913 թ.:

<sup>5</sup> «Հորիզոն», № 56, 1913 թ.:

չէր համաձայնի հաղթողներին վճարել պատերազմական տու-  
գանք, քանի որ երկրում այլևս միջոցներ չկային. դատարկ էր  
պետական գանձարանը:

Պատերազմական տուգանք վճարելու դեմ հանդես էին գա-  
լիս կայսրութեան ազգային փոքրամասնութիւնները՝ հատկա-  
պես հույները, արաբներն ու հայերը: Հայկական մամուլը «չափը  
կորցրած» էր համարում բալկանյան դաշնակիցների պահանջ-  
ները:

«Բուլթանիա» թերթի հոդվածագիրը համոզված էր, որ  
«Թուրքիան չի կարող իր ատամների տակ դրված այդ դժվարին  
պատառը կուլ տալ, այլ ավելի պատվավոր կհամարի կովել  
մինչև վերջին շունչը»<sup>1</sup>:

Կ. Պոլսի «Հեռաձայնը» գրում էր. «Մեծ անիրաւութիւն մը  
կ'ըլլայ պատերազմ[ական] տուգանք վճարելու բեռը Անատոլիի  
նահանգներուն վրայ բեռցնել:... [Թուրքիան] Եւրոպայի մէջ իր  
հողին մեծագոյն մասը պիտի տայ, ու շատ ծանր կ'ըլլայ, այդ  
կորուստէն զատ դրամական բեռ մըն ալ աւելցնել»<sup>2</sup>:

Նույն թերթը մի ուրիշ համարում նշում էր, թե թուրքահա-  
յութիւնը հատկապես տազնապած է, որ մեջտեղ է հանվել պա-  
տերազմական տուգանքի հարցը, և եթե մեծ տերութիւններն  
ընդառաջ գնան Թուրքիայից տուգանք ստանալու Բուլղարիայի  
պահանջին, ապա անտանելի վիճակ կստեղծվի երկրի տնտեսու-  
թեան համար, մեծապես կծանրանա նաև քայքայման եզրին  
հայտնված հայութեան դրութիւնը: Թերթն անխղճութիւն էր  
համարում «կոտորակուած Թուրքիայէն ատանկ անիրաւ պա-  
հանջ մը ընել»<sup>3</sup>:

Վիճակը բարդանում էր հատկապես այն պատճառով, որ  
տերութիւնները, նրանց ֆինանսական հաստատութիւնները,  
այդ թվում նույնիսկ գերմանական խոշոր բանկերը հայտարա-  
րում էին, որ խուսափում են պատերազմը շարունակելու համար

---

<sup>1</sup> Տե՛ս «Բուլթանիա», № 10 (1056), 11 (24) նոյեմբերի 1912 թ.:

<sup>2</sup> «Հեռաձայն» № 8, 30 հունվարի (12 փետրվարի) 1913 թ.:

<sup>3</sup> «Հեռաձայն» № 24, 15 (28) փետրվարի 1913 թ.:

Թուրքիային ֆինանսական օգնություն ցույց տալուց<sup>1</sup>:

Պատերազմական տուգանք վճարելու բալկանյան դաշնակիցների պահանջը հունից հանել էր թուրքական կողմին: Քեամիլ փաշան հայտարարեց, թե զինադադար կնքելուց ի վեր իր կառավարությունը կարողացել է վերագտնել իրեն, կարգի է բերել զինուժը, և «եթե մեր թշնամիներն ուզում են հաշտություն կնքել, չենք ենթարկվի մեզ ստորացնող որևէ ճնշման»<sup>2</sup>:

Օսմանյան պատգամավորական ժողովի նախագահ Խալիլ բեյի «Թան» թերթին արած հայտարարությունը նույնպես միանգամայն համապատասխան էր այն իրավիճակին, որ Թուրքիայի համար ստեղծվել էր 1912 թ. վերջավորությունը: «Էդիրնեն չենք ուզում տալ և չենք կարող տալ: Նմանապես չենք կարող տալ Փոքր Ասիայի եզերքի կղզիները, - ասել էր նա: - Եթե Եվրոպան կպնդի, որ Ասիա քաշվենք, այդ դեպքում թող մեզ տա այնտեղ ապրելու միջոցներ: Ֆրանսիայում մեզ պարսավում են, թե նետվել ենք Գերմանիայի գիրկը: Իրա՛վ է, որ Գերմանիան իր համակրանքը և դրամը չի զլացել մեզ և դեռ Աբդուլ Համիդի ժամանակներից մեր բանակի մարզումը կատարում են գերմանացի զինվորական հրահանգիչները: Բայց նոր Թուրքիան նաև Ֆրանսիայի բարեկամն է: Ես հուսահատ չեմ: Մենք պատերազմում 200.000 զինվոր կորցրինք, բայց տակավին ունենք 300.000 զինվոր լավ վիճակում: Ընդունում ենք պարտությունը, բայց ոչ երբեք նվաստացուցիչ հաշտությունը: Եվրոպան որևէ շահ չունի նպաստելու Թուրքիայի ոչնչացմանը»<sup>3</sup>:

“Berliner Tagesblat” թերթի թղթակիցը տեսակցություն էր ունեցել Թուրքիայի արտգործնախարար Գ. Նորատունկյանի հետ: Նախարարն ասել էր, որ եթե հաշտության բանակցությունները ձախողվեն, ապա Թուրքիան կատարելապես պատրաստ է շարունակելու պատերազմը, որովհետև Անատոլիայից նորանոր գնդեր են հասնում Պոլիս, և երկիրը պատրաստ է նոր փոր-

<sup>1</sup> Տե՛ս «Կովկասի լրագրեր», № 13, 17 հունվարի 1913 թ.:

<sup>2</sup> Տե՛ս «Առաջամարտ», № 1072, 28 նոյեմբերի (10 դեկտեմբերի) 1912 թ.:

<sup>3</sup> «Թան»-ում Խալիլ բեյի հայտարարության թարգմանությունը տե՛ս «ժամանակ», № 1339, 17 (30) հունվարի 1913 թ.:

ձուլթյունների: Թուրքիային պիտի մնան էդիրենն, Թրակիան, Սալոնիկը: Թուրքիան դեռ ապագա ունի, շարունակել էր Նորատունկյանը, Օսմանյան պետությունը լեցուն է անսպառ աղբյուրներով և օգնության միջոցներով: Ընդհակառակը, բալկանյան պետությունների ուժերը գրեթե մոտ են սպառվելուն, իսկ Թուրքիան տնտեսական անհաշիվ աղբյուրներ ունի իր տրամադրություն տակ<sup>1</sup>:

Նույն մտքերը Գ. Նորատունկյանը զարգացրել էր «Թան» թերթում լույս տեսած հարցազրույցում՝ ասելով, որ իր համար Թուրքիայի վիճակը բնավ հուսահատական չէ, և որ Բ. Դուռը հարկադրված չէ կատարելու բալկանյան դաշնակիցների պահանջները և պատրաստ է «վերսկսելու թշնամությունները»<sup>2</sup>:

Ի պատասխան թուրքական կողմի դիրքերի կոշտացման՝ դեսպանաժողովի ղեկավարների 21-ի նիստում բալկանյան պատվիրակները համատեղ վերջնագիր ներկայացրին թուրքական պատվիրակությանը՝ առաջադրելով հետևյալ պահանջները. 24 ժամում պարպել Յանինան, Շքոթրան (Սկյուտարի), էդիրենն (Ադրիանուպոլիս) և Ջաթալջայի գիծը, հակառակ դեպքում պատերազմական գործողությունները պետք է վերսկսվեն, և դաշնակիցները պետք է մտնեն Կոստանդնուպոլիս: Դա նշանակում էր, որ Թուրքիան ամբողջովին պետք է հրաժարվեր իր եվրոպական մասից՝ պահելով միայն Պոլիսը՝ փոքրիկ հողաբաժնով: Դաշնակիցները պահանջում էին պատասխանել մինչև ղեկավարների 25-ը՝ չեղարկելով, որ ինչ էլ լինեն թուրքերի պատասխանառաջարկները, եթե թուրք կառավարությունը գոհացում չտա զինակիցների ներկայացրած վերջնագրի բոլոր պահանջներին, նրանք անմիջապես պիտի խզեն բանակցությունները և չորս օր անց վերսկսեն պատերազմական գործողությունները<sup>3</sup>: Դեկ-

---

<sup>1</sup> Սույն հարցազրույցի հայերեն թարգմանությունը տես «Առաջամարտ», № 1069, 24 նոյեմբերի (6 դեկտեմբերի) 1912 թ.:

<sup>2</sup> Տե՛ս «Ժամանակ», № 1312, 19 դեկտեմբերի 1912 թ. (1 հունվարի 1913 թ.):

<sup>3</sup> Տե՛ս «Բուխանիա», № 1095, 25 դեկտեմբերի 1912 թ. (7 հունվարի 1913 թ.):

տեմբերի 22-ին Բ. Դուռը՝ նախարարական խորհրդի նիստից հետո իր հերթին հեռագիր հղեց Լոնդոնում թուրքաց պատվիրակությունը, որով հանձնարարում էր անմիջապես խզել բանակցությունները, եթե բալկանյան զինակիցները չարունակեն պնդել վերջնագրով Հայտնած իրենց պայմանները: Նախարարների խորհուրդը պատերազմի վերսկսումը նկատել էր անխուսափելի, եթե եվրոպական մեծերի անակնկալ միջամտությունը չփոխեր իրերի դրությունը<sup>1</sup>:

Պետերբուրգի թերթերը հաղորդում էին, թե ոուսաց արտաքին գործերի նախարար Սազոնովը դրանից անմիջապես հետո Ռուսաստանում թուրքիայի դեսպանին հայտարարել է, որ եթե իր երկիրը չհամաձայնի հաշտություն կնքել, այն ժամանակ Ռուսաստանն իր նավատորմը կչարժի դեպի Բոսֆոր, միաժամանակ կգրավի Հայաստանը<sup>2</sup>:

Զինակից պատվիրակների կողմից Բ. Դոանը ներկայացրած վերջնագիրը ի վերջո քննություն առնվեց թուրքաց նախարարների խորհրդի 1912 թ. դեկտեմբերի 23-ի նիստում, որը տեղի ունեցավ Քեամիլ փաշայի Սարաջհանե ապարանքում: Հիվանդություն պատճառով նիստին բացակայում էր վարչապետը, բայց ներկա էին բոլոր նախարարները: Առաջինը հանդես եկավ արտաքին գործերի նախարար Գաբրիել էֆ. Նորատունկյանը: Նա ներկաներին ներկայացրեց օսմանյան պատվիրակությունից ստացված հեռագրերը, ապա արտահայտեց իր տեսակետը հետագա անելիքների մասին: Ահա նրա ասածի համառոտագրությունը. օսմանյան կառավարությունը հետևում է խաղաղասեր ուղղության, իսկ անձամբ ինքը պատերազմի վերսկսումը և նոր արյունահեղություն համար դուռ բացելը համարում է հանցանք: Բայց եթե բալկանյան զինակիցները չընդունեն խաղաղություն հաստատելու թուրքիայի պայմանները և վերսկսեն պատերազմական գործողությունները, այդ դեպքում իրենք

---

<sup>1</sup> Տե՛ս «Ազդակ» (Կ. Պոլիս), № 1094, 23 դեկտեմբերի 1912 թ. (5 Հունվարի 1913 թ.):

<sup>2</sup> Տե՛ս «Կովկասի լրագրեր», № 9, 13 Հունվարի 1913 թ.:



ստիպված կլինեն շարունակելու կոիվը, որի հետևանքով երկու կողմերից կկործանվեն հազարավոր նոր երիտասարդ կյանքեր<sup>1</sup>։ Նախարարների խորհրդի նիստում մտքերի լայն փոխանակություն չծավալվեց։ Քվեարկության դրվեց արտգործնախարարի՝ ավելի մեղմ ձևակերպումներ պարունակող առաջարկությունը, որն ընդունվեց միաձայն։ Նիստից անմիջապես հետո Գաբրիել էՖ. Նորատունկյանը հենց տեղում պատրաստեց Լոնդոնի օսմանյան պատվիրակներին ուղղված հրահանգ, ուր ցուցումներ էր տրված, թե ինչ պետք է անել, եթե ստիպված լինեն խզել հարաբերությունները։ Միաժամանակ ասված էր, որ հարաբերությունների խզումով պատերազմն անմիջապես չի վերսկսվի, այլ միայն այն ժամանակ, երբ Բ. Դուռը ստանա մեծ պետությունների հավանությունը։ Եվ որովհետև անկարելի բան էր, որ այդ պետությունները հավանություն տային պատերազմը շարունակելուն, հետևաբար հենց նրանք էլ վեճը լուծելու մի ձև պետք է գտնեին<sup>2</sup>։

Նախարարների խորհրդի ղեկտեմբերի 23-ի նիստում Գ. Նորատունկյանի ելույթին և նրա առաջարկության մեջ տեղ գտած հավասարակշռված ու խոհեմ ձևակերպումների փաստին դրական անդրադարձ էր եղել եվրոպական մամուլում։ Փարիզյան «Իլյուստրասիոն» չաբաթաթերթը լույս էր ընծայել «Մաթեն» թերթի խմբագրապետ Ստեֆան Լոզանի «Թուրքիայի սնարի մոտ» գրքի մասին գրախոսական, որում ճշգրիտ ուրվագծված էին Թուրքիայի բազմահմուտ նախարար Գաբրիել Նորատունկյանի մեծ ծառայությունը թուրքական տերությունը։ Գրախոսականում աչքաթող չէր առնված նաև օսմանյան կայսրությունն անուրանալի մեծ ծառայություններ մատուցած թուրքահայությունը, որի արժանի զավակն էր Նորատունկյանը<sup>3</sup>։

Հակառակ այդ և նման գնահատականների՝ իթթիհադական

---

<sup>1</sup> Տե՛ս «Ժամանակ», № 1317, 24 դեկտեմբերի 1912 թ. (6 հունվարի 1913 թ.):

<sup>2</sup> Տե՛ս նույն տեղում:

<sup>3</sup> Տե՛ս «Ժամանակ», № 1338, 16 (29) հունվարի 1913 թ.:

«Թասպիրը էֆքյար» Թերթը 1912 թ. դեկտեմբերի 31-ի համարում Ռուսաստանի կողմից Բուլղարիային ենթադրյալ աջակցություն ցույց տված լինելու կապակցությունը շատ ծանր ամբաստանություններ էր ուղղում Նորատունկյանի հասցեին: Թերթը գրում էր. «Եթե մենք կառավարություն տեղը լինեինք, մի քիչ կմտածեինք, թե ռուսական շոգենավով փոխադրված զնդակները հայրենիքի հարազատ զինվորների կրծքին պիտի ուղղվեն այն ժամանակ, երբ արտաքին գործոց նախարար Նորատունկյան էֆենդին ամեն օր տեսակցություն է ունենում ռուս դեսպանի հետ: Մի՞թե Նորատունկյան էֆենդուն պաշտոն են տվել, որ նա խանգարի մեր արտաքին գործերը, աղարտի երկրի փառքն ու արժանապատվությունը, առիթը ներկայանալիս հրապարակ բերի Արևելյան Անատոլուի խնդիրը: Թող մի քիչ էլ մտածի իսլամ ազգի իրավունքների մասին»<sup>1</sup>:

«Թասպիրը էֆքյարի» հոդվածագրին առարկում էին Թուրք բարձրաստիճան պաշտոնյաներից շատերը: Նրանք համոզված ասում էին, որ Գաբրիել Նորատունկյանը Թուրքիայի պետական պաշտոնեություն չըջանակում միակ մարդն է, որ գիտի, թե ինչ է զիվանագիտությունը, և կարող է Թուրքիան արտաքին աշխարհում ներկայացնել արժանավորապես: Նրա կազմած պաշտոնագրերը պարզապես անթերի էին: Նրան գիտեին որպես արտակարգ սուր հիշողությամբ և հարուստ գիտելիքներով օժտված մարդու: Նա կենդանի հանրագիտարան էր բոլոր այն տնտեսական-քաղաքական վավերագիր-դաշնագրերի, որ Թուրքիան կնքել էր ուրիշ պետությունների հետ: Նորատունկյանը հնարիմացություն և ճարտարություն ուներ՝ միջազգային իրավունքի վրա հենվելով պաշտպանել իր ստանձնած դատերը: Դիվանագիտական նրա անժխտելի կարողություններն էին, որ Թուրք պաշտոնեությունը հարկադրում էին պատկառանք տածել նրա նկատմամբ՝ առանց նրան հայ լինելու համար սիրելու<sup>2</sup>:

---

<sup>1</sup> «Թասպիրը էֆքյար» Թերթի սույն հոդվածը թարգմանաբար արտասույված է «Մշակ» Թերթի 1913 թ. հունվարի 30-ի համարում (№ 22):

<sup>2</sup> Տե՛ս «Մշակ», № 22, 30 հունվարի 1913 թ.:

Այն բանից հետո, երբ Լոնդոնում ստացվեց Բ. Դոան պատասխանը, դեկտեմբերի 25-ին Հաչտուիթյան ժողովը դադարեցրեց իր նիստերը<sup>1</sup>: Դա ոչ այլ ինչ էր, քան բանակցությունների խզում, որին ժամ առ ժամ բոլորը սպասում էին դեկտեմբերի 23-ից ի վեր: Իբրև հույսի վերջին խարիսխ տակավին մնում էր եվրոպական պետությունների միջամտության հավանականությունը:

Բայց դեսպանաժողովում ընթացող վեճերը պառակտում էին առաջ բերում մեծ պետությունների մոտեցումներում և դրանց չահերը նետում դիվանագիտական հակընդդեմ ճակատներ: Թրքաբալկանյան վեճում չկար հայացքների ներդաշնակություն, չկար փոխըմբռնում այդ պետությունների դեկավարների հայացքներում, հետևապես չկար նաև միակամ ազդեցիկ միջամտության ցանկություն՝ փոթորկվող ալիքների մեջ տարուբերվող պատերազմանավի դեկը ուղղելու դեպի խաղաղ հանգրվան:

Այդ անորոշ սպասողականության մեջ հուսատու նշան եղավ թերևս անգլիացի դիվանագետների առաջարկը՝ էդիրենն վերածել չեզոք գոտու, այն դեռել եվրոպական հակակշռի ու հսկողության տակ՝ դրանով իսկ հաղթահարելով բուլղարների և օսմանների անհամաձայնությունը գոնե այդ մի հարցում: Բայց այդ առաջարկն արձագանք չունեցավ ո՛չ բուլղարական և ո՛չ էլ թուրքական կառավարական շրջաններում:

Այսպես թե այնպես, համաձայն գինադադարի կանխավ ընդունած պայմանի, պատերազմը պետք է վերսկսվեր բանակցությունների խզումից չորս օր հետո:

Ուրեմն առաջիկա մի քանի օրերին Չաթալջայի շուրջ բանակած հարյուրհազարավոր զինվորների առջև ուրվագծվում էր նորից արյան ճապաղիքների մեջ նետվելու, կյանքի ու մահվան արանքում դեգերելու պատկերը: Վրա էին հասնում նոր արյունամած ժամանակներ հինգ երկրների բազմամիլիոն ժողո-

---

<sup>1</sup> Տե՛ս «Բուլթանիա», № 1096, 26 դեկտեմբերի 1912 թ. (8 հունվարի 1913 թ.):

վուրդների համար, որոնք շարունակելու էին կրել պատերազմի նոր, ավելի ծանր հետևանքները:

Ահա այդքան խեղճ, այդքան անզոր էին մարդկային բանականությունը, երկրների դիվանագիտությունը:

Առաջին համաշխարհային իմպերիալիստական պատերազմի նախօրեին Լոնդոնի կոնֆերանսը բացահայտորեն տվեց մեծ տերությունների վերջնական բաժանումը երկու մեծ թշնամի ճամբարների, ավելի խորացրեց հակասությունները Եռյակ դաշինքի ու Եռյակ համաձայնության միջև և ցույց տվեց, որ աշխարհի իմպերիալիստական գիշատիչների միջև վճռական մենամարտը առաջիկա մեկ-երկու տարիներին դառնալու է անխուսափելի:

## **ԲԱՆԱԿՑՈՒԹՅՈՒՆՆԵՐԻ ԶԱՆՈՂՈՒՄԸ՝ ՄՈՏ**

Լոնդոնի հաշտության ժողովը չէր կարողանում համաձայնություն բերել պատերազմող կողմերին:

Բալկանյան ռազմաճակատներում Թուրքիայի կրած պարտությունները, Լոնդոնի կոնֆերանսի անհաջող ընթացքը և վարչապետ Քյամիլ փաշայի կառավարության ձախողումներն ընդդիմության մեջ գտնվող երիտթուրքերին տալիս էին իշխանությունը զավթելու մեծ հնարավորություններ:

Թուրքական երկու հիմնական կուսակցությունների՝ իշխանության վրա գտնվող Իթթիլաֆի և ընդդիմադիր Իթթիհադի միջև ծայրաստիճան սրված հակասություններն ամեն բույս մի նոր առիթի դեպքում կարող էին հանգուցալուծվել: Եվ այդ առիթը ներկայացավ: Իթթիլաֆի կառավարությունը տերություններին խոստացել էր բուլղարներին հանձնել Ադրիանուպոլիսը՝ որպես խաղաղության գին: Դա համարելով հայրենիքի դավաճանություն՝ երիտթուրքերը սկսեցին նախապատրաստել պետական հեղաշրջում:

Դեկտեմբերի 16-ին Կ. Պոլսում տեղի ունեցած բազմահազարանոց ցույցի ընթացքում մեկը մյուսին հաջորդած երիտթուրք ճառասոսները գործող իշխանություններին մեղադրում

էին, թե նա հայրենիքն արդեն ծախել է անհավատներին: Նրանցից մեկը՝ մի մոլլա, բարձրաձայն աղաղակում էր, թե Աբդուլ Համիդին հաջորդած բոլոր կառավարութիւնները դավաճաններ են: Իսկ օրվա իշխանութիւնը, անկարող լինելով իր ուզած ուղղութիւնը տալու ժողովրդի ազգասիրական զգացմունքներին, ընկնում էր այս ու այն կողմ, որպեսզի ապացուցի, թե ինքը չի կամենում հաշտութիւն կնքել, այլ դա անում է ժողովրդի թեւադրանքով:

Իրենց երկրում ծայր առած զանգվածային դժգոհութիւնների և սպառնալիքների ճնշման տակ Լոնդոնի հաշտութեան ժողովի թուրք պատվիրակները հայտարարեցին, թե հրաժարվում են մասնակցել դրա նիստերին, մինչև որ դաշնակիցները ցույց չտան զիջման նշաններ, հրաժարվեն էդիրների և էգեյան ծովի կղզիների նկատմամբ ունեցած հավակնութիւններից: Բայց դաշնակիցները մերժում էին տեղի տալ:

Հակառակ Բ. Դոան և օսմանյան պատվիրակների պնդումներին՝ էդիրների հարցը դեսպանների համար արդեն լուծված իրողութիւն էր, որոնք միաձայնութեամբ վճռել էին դրանք հանձնել Բուլղարիային՝ էդվարդ Գրեյի թելադրութեան հիման վրա: Միակ դժվարութիւնն Օսմանյան կառավարութեան վրա ճնշում գործադրելն էր, որպեսզի նա արիւթիւն ունենար ստորագրելու էդիրների հանձնումը: Ուստի դրա համար ամեն միջոց պիտի գործադրվեր՝ մեղմութեամբ թե սպառնալիքով, այն ընդունելի դարձնելու համար:

Ոչ պակաս կարևոր էր էգեյան կղզիների խնդիրը, որի շուրջը դեսպանաժողովում սկսվել էր անհամաձայնութեան նշաններ երևալ: Անգլիան և Ֆրանսիան բացարձակապես համաձայն էին դրանք ամբողջովին հանձնել Հունաստանին: Նույն կարծիքին էր նաև Ավստրո-Հունգարիան<sup>1</sup>: Անհամաձայն էին Ռուսաստանը և Իտալիան:

1913 թ. հունվարի 5 (18)-ին, վերջապես համախոհութեան գալով, վեց մեծ տերութիւնները՝ Ավստրիան, Անգլիան, Ֆրան-

---

<sup>1</sup> «Բուլթանիա», № 25, 4 (17) հունվարի 1913 թ.:

սիան, Ռուսաստանը, Գերմանիան և Իտալիան, Կ. Պոլսի իրենց ղեսպաններին միջոցով Բ. Դոանը պաշտոնապես ներկայացրին ծանուցագիր, որով արդեն վերջնականապես ընդունվում էր Բալկանյան դաշնակիցների հաղթանակների իրողությունը և զրավյալ տարածքները նրանց թողնելու անխուսափելիությունը:

Ծանուցագրում ասված էր, որ փափագելով պատերազմի վերսկսման առաջն առնել՝ տերություններն օսմանյան կառավարության ուշադրությունը հրավիրում են այն ծանր պատասխանատվության վրա, որի առջև նա կանգնած է: Պատերազմական գործողությունների դադարեցումը և խաղաղության հաստատումը հրամայական անհրաժեշտություն են, որոնք բխում են ինչպես Բալկանյան դաշնակիցների, այնպես էլ Թուրքիայի շահերից: Պատերազմի վերսկսումը նոր տառապանքներ կբերի երկու կողմերին, ասված էր ծանուցագրում, ավելին՝ այն սպառնում է նաև օսմանյան մայրաքաղաքին, ինչպես նաև թշնամություններն աննախընթաց ծավալների կհասցնի կայսրության օսմանյան տարածքներում: Ուստի առողջ տրամաբանությունը թելադրում է ամեն կերպ արգելել արյունահեղություն չարունակումը: Դրա դիմաց մեծ պետությունները խոստանում էին հաշտություն կնքելուց հետո նյութական ու բարոյական մեծ օգնություն ցույց տալ Թուրքիային՝ դարմանելու պատերազմի վնասները, ամրապնդելու իր դիրքերը Պոլսում և պետության ընդարձակ հողերի վրա, մի բան, որը բխում է և՛ Եվրոպայի, և՛ Թուրքիայի ընդհանուր շահերից: Իսկ այդ ամենը հնարավոր կլինի, եթե Ադրիանուպոլիսը հանձնվի բալկանյան դաշնակիցներին՝ նրանց թողնելով նաև էգեյան ծովի կղզիների բախտի որոշումը: Դրա փոխարեն հիշյալ պետությունները պիտի ապահովեին Ադրիանուպոլսի իսլամների շահերը, այդ քաղաքի մզկիթների և սուրբ վայրերի նկատմամբ հարգանքը: Միաժամանակ նրանք այնպես պետք է անեին, որ Արշիպելագոսի կղզիներին իրենց տված լուծումը որևէ կերպ չվնասի Թուրքիայի ապահովությանը<sup>1</sup>:

---

<sup>1</sup> Տե՛ս «Բուլթանիա», № 27 (1105), 6 (19) հունվարի 1913 թ.:

Եռյակ համաձայնությունների երկրների կառավարություններին համար նկատելի էր, որ նույնիսկ խաղաղություն պարտադրող վեց տերությունների կողմից Բ. Դոանը ներկայացված համաձայնագրի պայմանները կարող էին հեշտությամբ խախտվել նրա ավանդական բարեկամ Գերմանիայի բռնած տատանողական դիրքի պատճառով: Դա մեծ վտանգ էր Բալկաններում խաղաղությունը վերականգնելու ճանապարհին:

Եվրոպական հավասարակշռության առանցքը շարունակում էր մնալ Գերմանիայի հետ Անգլիայի քաղաքական հակամարտությունը, որի նկատմամբ իրենց շահերի աստիճանով դիրքավորված էին մայրցամաքի մյուս քաղաքական ուժերը:

Գերմանիայում առաջ էր եկել քաղաքագետների մի խումբ, որի ներկայացուցիչները (Մաքսիմիլյան Հարտ, կոմս Փոն Շլիեֆեն և ուրիշներ), որոնք գտնում էին, որ այժմ արդեն խախտված է եվրոպական հավասարակշռությունը, և դա ամենից առաջ՝ հենց ի վնաս Գերմանիայի: Որպես դրա ապացույց Հարտը մատնացույց էր անում երեք պատճառ, որոնք ամենից առաջ ուժեղացնում էին իր գլխավոր թշնամի Անգլիայի միջազգային դիրքերը: Այդ պատճառներն էին. 1) Եվրոպական Թուրքիայի ոչնչացումը, որը գերմանականության բնական դաշնակիցն էր, և նրանք միասին կարողանում էին զսպել սլավոնականության տարածումը, 2) Բրիտանական բոլոր գաղութների վճիռը՝ մասնակցելու մետրոպոլիայի լայնամասշտաբ սպառազինմանը, որը մեծապես պիտի հզորացնի նրա ռազմական կարողությունը և նպաստի Բրիտանական համաշխարհային կայսրության ստեղծմանը, 3) Սլավոնական տարրի իշխանության քաղաքական կազմակերպումն ու զորացումը Արևելյան Եվրոպայում՝ ընդդեմ գերմանական առաջխաղացմանը դեպի Արևելք<sup>1</sup>:

Հարտի կարծիքով, կազմակերպված ու ներդաշնակ սլավոնականությունը շատ շուտով գերմանականությունը պիտի մղի երկրորդական-երրորդական դիրքեր: Եվ եթե Գերմանիան հենց հիմա չդիմի բռնի միջամտության և չզսպի ծառայող սլավոնա-

---

<sup>1</sup> Տե՛ս «Բուժանիա», № 28 (1106), 9 (22) հունվարի 1913 թ.:

կանուխյան վտանգը, ապա արդեն մոտ ապագայում հնարավորություն չի լինի փրկելու գերմանականության վտանգված դիրքերը: Պետք է հնարավորինս շուտ ջախջախել նրա ճանապարհին ընկած բոլոր մեծ արգելքները: Եվ որքան ուշ գա պատերազմը, այնքան կզղիացած պիտի մնա Գերմանիան, այնքան ավելի կասկածելի կդառնան գերմանականության հաղթանակի հնարավորությունները:

**Դա պատերազմի անմիջական թելադրությունն էր:**

Նույնքան վտանգավոր էին երկար ժամանակ գերմանական զինվորական ուժերի շտաբի պետ եղած կոմս Շլիեֆենի հայացքները: Նա զգուշացնում էր Եվրոպայի գործերից Գերմանիային մեկուսացնելու վտանգից և իր կառավարությունը շտապեցնում էր թշնամիներին հարվածել օր առաջ, և դրա սկիզբը պետք է լինի զինադադարի խախտումը Բալկաններում:

Իթիհհհհհհհհհ կառավարությունը, այլ ելք չգտնելով, ի վերջո որոշել էր ընդունել մեծ տերությունների կառավարությունների ներկայացրած պայմանները, մանավանդ որ ռազմաճակատի կործանարար պարտություններին գումարվել էր ներքին տնտեսական ճգնաժամը:

1913 թ. հունվարի առաջին իսկ օրերից Կ. Պոլսի թերթերը ողբալի գույներով էին ներկայացնում Թուրքիայի ֆինանսական վիճակը: «Բուլթանիան» գրում էր, որ իրեն հասած տեղեկությունների համաձայն՝ կառավարությունը նույնիսկ մտադրություն ունի երկու ամսով հետաձգել պաշտոնյաների ամսականների վճարումը՝ հույս ունենալով, որ ազդու միջոցներով կկարողանա դրամ հայթայթել<sup>1</sup>: Բայց այդ դրամը կարելի էր հայթայթել միայն Եվրոպայում և առաջին հերթին Ֆրանսիայում, որն իր գործընկեր պետությունների հետ Բ. Դոանն էր ներկայացրել խաղաղության գնալու պարտադրանքը:

Բայց խաղաղություն հաստատելու կառավարության տված համաձայնությունը պետք է հաստատվեր պառլամենտում, որտեղ պատգամավորների մի մեծ խումբ կտրականապես դեմ էր

---

<sup>1</sup> «Բուլթանիա», № 28 (1106), 9 (22) հունվարի 1913 թ.:



արտահայտվում կառավարությունը: Ի վերջո պառլամենտը նույնպես շատ դժվարություններ տվեց իր համաձայնությունը:

Կայսրություն համար այդ բախտորոշ պահին սուլթանն ու կառավարությունը չէին ուզում բավարարվել դրանով, ուստի որոշեցին հրավիրել հասարակության բոլոր լայն շերտերը ներկայացնող գործիչների բազմամարդ մի խորհրդաժողով, որը պետք է վերջնական վճիռ տար հարցի լուծմանը: Խորհրդաժողովը ստացավ «Օսմանյան երևելիների ժողով» անվանումը:

Սուլթանի իրազեկով Տոլմա-Բախչե կայսերական պալատի մեծ դահլիճում 1913 թ. հունվարի 9 (22)-ին կայացավ օսմանյան երևելիների ժողովը: Մասնակցում էին 90-ի չափ անձինք՝ մեծ մասամբ պառլամենտի պատգամավորներ, ղինվորականներ և ուլեմներ: Բացի վարչապետից և կառավարության անդամներից՝ հրավիրյալների մեջ էին նախորդ վարչապետներ Մուխթար և Սաիդ փաշաները, Ռումելիի գազասքերը, Շերիի ժողովի նախագահը, նախորդ ծովային նախարար Խուրչուղ փաշան, ընդհանուր շտաբի պետ Իզզեթ փաշան, վճռաբեկ դատարանի նախագահ Ալի Հայդար բեյը, ընդհանուր դատախազ Իսմայիլ էֆենդին, Պոլսի քաղաքապետ Ջեմիլ փաշան, ուրիշ բարձրաստիճան պաշտոնյաներ, կայսերական ընտանիքի անդամներ և այլք: Հայերից ներկա էին չորս հոգի՝ Արամ Երամյանը, Ջարեհ Տիլպերը, Մանուկ Ազարյանը և, իհարկե, Գաբրիել Նորատունկյանը<sup>1</sup>:

Վարչապետ Քեամիլ փաշան սուլթանի ողջույնները հաղորդելուց հետո անդրադարձավ երկրի ներքին ու արտաքին կացությունը, պարզեց Բ. Դոան և Եվրոպայի հարաբերությունների վիճակը, հանգամանորեն կանգ առավ այն պայմանների վրա, որոնց համաձայն օսմանյան կառավարությունը հոժարակամ էր հաշտություն կնքելու բալկանյան պետությունների հետ:

Ապա հանդես եկավ ռազմական նախարար Նազըմ փաշան, որը ներկայացրեց պատերազմական անցքերը առաջին օրերից սկսած, օսմանյան բանակի մղած կռիվների արդյունքը և կրած

---

<sup>1</sup> Տե՛ս «Բուլթանիա», № 29 (1107), 10 (23) հունվարի 1913 թ.:

ձախողանքների պատճառները, այնուհետև անդրադարձ կատարեց բանակի ընդհանուր վիճակին զինադադար կնքելուց հետո<sup>1</sup>:

Վարչապետի հրավերով ամբիոն բարձրացավ արտաքին գործերի նախարար Գաբրիել Նորատունկյանը, որը հանգամանորեն պարզեց քաղաքական կացությունը զիվանագիտական ասպարեզում, բացահայտեց բովանդակությունն այն հիմնական ծանուցագրերի, որոնք պատերազմի սկզբից ի վեր փոխանակվել էին տերությունների ու բալկանյան զինակիցների, մյուս կողմից Բ. Գոան միջև՝ հատկապես ներկայացնելով մեծ պետությունների վերջին հավաքական ծանուցագրին կառավարություն կողմից տված պատասխանը:

Երկրի Ֆինանսական կացության մասին զեկուցումով Հանդես եկավ նախարար Աբդուլուհահման բեյը: Նա շեշտեց, որ երկրի Ֆինանսական համակարգը լիակատար փլուզման եզրին է, որից հնարավոր ելքը բազմամիլիոն նոր վարկերի ստացումն է հատկապես Ֆրանսիայից:

Այնուհետև սկսվեց մտքերի լայն փոխանակում, իսկ զբոսում հազարավոր մարդիկ սպասում էին, թե ինչ որոշում է ընդունելու օսմանյան երևելիների ժողովը: Գրեթե բոլոր ելույթ ունեցողները իրենց համերաշխությունը հայտնեցին կառավարություն անդամների արտահայտած տեսակետներին, օսմանյան շահերին մեծապես նպաստավոր համարեցին հաշտության շուտափույթ կնքումը, մանավանդ ողջունեցին մեծ պետությունների վերջին հավաքական ծանուցագիրը, որով նրանք խոստանում էին տնտեսական մեծ օժանդակություն օսմանյան կառավարությանը: Բացի մի քանիսից, մյուս բոլոր ելույթ ունեցողները, այդ թվում նախկին վարչապետ Սայիդ փաշան, արտահայտվեցին հաշտությանն ի նպաստ: Միաժամանակ երախտագիտություն հայտնեցին եվրոպական մեծ պետություններին մինչ այդ թուրքիային ցուցաբերած բազմաբնույթ օժանդակության համար՝ ակնկալելով, որ այն կլինի շարունակական:

---

<sup>1</sup> Տե՛ս «Բուլթանիսա», № 29 (1107), 10 (23) հունվարի 1913 թ.:

## ՀԱՅԿԱԿԱՆ ՎԱՇՏՏԸ ԽԱՂԱՂ ՀԱՆԳՐՎԱՆՈՒՄ

Իսկ Հայկական վաշտը III բրիգադի կազմում շարունակում էր մնալ Մարմարա ծովի ափին, ուր հասել էր դեկտեմբերի 15-ին և հանգիստ էր առնում հունարնակ Պանաղոս գյուղի շրջակայքում Ռոդոսթո քաղաքից 8 կիլոմետրի վրա:

Դեկտեմբերի 30-ին Պանաղոսում բրիգադի հրամանատարություն կողմից կատարվում է վաշտի զինվորների հաշվառում և նոր ցուցակագրում: Արդյունքում պարզվել էր, որ այնտեղ մնացել է 131 մարդ<sup>1</sup>: Պատերազմական գործողությունների սկզբին, ինչպես տեսանք վերը, Հայկական վաշտում կար 273 զինվոր: Դա նշանակում էր, որ վաշտի անդամներից սպանվել կամ վիրավորվել է 142-ը<sup>2</sup>:


Այս տողերը գրելիս կրկին վերհիշեցի շուշեցի մտավորականի խորհրդատվությունները բալկանյան դաժան պատերազմի մասին: «Հեռագրերը բալկանյան պատերազմի թատերաբեմից աղետալի լուրեր են բերում այս կամ այն դիրքում ընդհարման ժամանակ սպանվածների թվի մասին, որ երբեմն հասնում է 3 կամ 5 հազարի: Դիակները թաղելու ժամանակ չի լինում, ուստի շատ հաճախ դրանք նավթով այրում, ոչնչացնում են: Կզա ժամանակ, իհարկե, որ ինչպես Բորոդինոյի դաշտում, այդտեղ էլ նույնպես նրանց հիշատակին մի-մի կոթող կկանգնեցնեն՝ անմահացնելու համար քաջարի զինվորների հիշատակը: Բայց այս ամենն ինչո՞ւ համար, - շարունակում էր իր մտորումները Հովնանը: - Ինչո՞ւ է կոտորվում ժողովրդի ղեռահաս սերունդը: Ինչո՞ւ համար են թավալգլոր լինում հազարավոր զինվորները պատերազմի դաշտում, ինչո՞ւ համար է հազարավոր մայրերի ու քույրերի արտասուքը, ինչ կլինի հազարավոր որբերի և այրիների վիճակը: Չէ՞ որ պատերազմից հետո սկսվելու է երկրորդ ներքին անտանելի պատերազմը՝ հառաչանքի, ախերի, տնքոցների, հեծկլտոցի պատերազմը: Որքան զինվորներ կմնան

<sup>1</sup> Державен военноисторически архив Велико Търново, ф. 437, оп. 1, е. 1, л. 53, 56, 58, е. 2, л. 7, 8, 8\*, 9, 74, 22\*, 24\*, 26, 28\*, 29.

<sup>2</sup> Տե՛ս «Սоходъ», София, № 59/63, 21 ապրիլի 1941, էջ 8:

կաղ, խեղանդամ, կույր, աշխատելու անընդունակ, աղքատու-  
թյան ճիրաններում տանջվելիս: Պատերազմը սարսափելի էր և  
յուր բոլոր կողմերով: Երկրագունդը ողբում է այդ սարսափելի  
պատերազմը, որովհետև երիտասարդ տարիքում ոչնչանում է  
մի ահագին սերունդ»<sup>1</sup>:

№ 199.



# Երևան

на отъезденіи въ-успѣшныи  
отъ II Брелска рота  
при XII Лозенградска дивизіи .



ДЪРЖАВЕН ВОЕННОИСТОРИЧЕСКИ АРХИВ  
ВЕЛИКО ТЪРНОВО  
ВЪРНО СОРИГИНАЛА  
437 от 9 а. е. 2 80  
Цукектор [signature] Изготвѣна: 14

с. Панаѡсѡсѡ 11. Августу 1913.

**Հայկական վաշտի թվականի վերջին ցուցակը**

<sup>1</sup> ՀԱԱ, ֆ. 227, ց. 1, դ. 606, թ. 1-2:

Իհարկե, կարելի է հասկանալ շուշեցի մտավորականի հոգու տվայտանքները, պատերազմի՝ որպես բռնություն ղեմ նրա պացիֆիստական ընդվզումը: Հիրավի, Պոնտոսում 22 օր բանակելուց հետո Մակեդոնա-Օդրինյան աշխարհագրորի III բրիգադի Հայկական վաչտը 1913 թ. հունվարի 6-ին հրաման է ստանում ծովափով շարունակել առաջխաղացումը: Առջևում Ռոդոսթո քաղաքն էր:

Առջևից ձիավարում էր բրիգադի հրամանատար Պրոտոգերովը՝ իր շտաբի անդամների հետ, կողքից՝ Անդրանիկը: Նրանց հետևում էր Հայկական վաչտը՝ 270 մարտիկներով:

Առավոտյան վաչտը ծածանվող դրոշներով մտնում է Ռոդոսթո, որի բնակչության շուրջ կեսը հայեր էին: Ամբողջ հայ գաղութը տեղեկացված էր և ծայրից ծայր լցվել էր փողոցները: Բոլորը գերագույն ցնծություն մեջ էին:

Քրիստոսի ծննդյան օրն էր, և քաղաքի հայկական եկեղեցում պատարագ էր: Պրոտոգերովը, Անդրանիկը և վաչտը՝ Նժդեհի գլխավորությամբ, մտնում են եկեղեցի: Ժողովրդի հոծ բազմությունն այլևս չէր լսում պատարագիչ հայսրբին. նրանց ուշադրությունն ամբողջովին կենտրոնացած էր դեպի վաչտը: Ցնծություն էր, աղմուկ, բացականչություններ:

Որոշ ժամանակ անց վաչտը դուրս է գալիս տաճարից և բազում շարվում: Այստեղ բրիգադի հրամանատար Պրոտոգերովը դիմում է հայ զինվորներին հետևյալ խոսքերով. «Դո՛ւք, հայերդ, բոլորդ էլ հերոսներ եք և բոլորդ կովեցիք առյուծների նման՝ Ուզուն-Համիրներում և Բալկան-Թերեսիում: Այսօր... «Քաջության խաչեր» են հանձնվելու ձեզ: «Քաջության խաչը» տրվում է ամենախիզախներին: Թող այս խաչերը, որոնք պիտի ստանան ձեր ընկերները, իբրև պարծանք հանդիսանան ամբողջ վաչտի համար և թող աստված տա, որ այս վաչտը լինի ապագա հայկական բանակի հիմքը»<sup>1</sup>:

Բրիգադի հրամանատարի խոսքերին հետևում է երկարաշունչ «ուռու՛»-ն: Նվազախումբը հնչեցնում էր «Ծումի Մարի-

---

<sup>1</sup> ՀԱԱ, ֆ. 370, ց. 2, գ. 93, թ. 10:

53


# II Երմենսկա քոտա



437  
1  
1

## Շուրջի

На отмененіи по формуле, указанъ  
въ § 2 отъ заповѣдъ по III артикула на  
македонско-сръбското отъменіе по № 2



с. Панагюрица, 30 Декември 1912 год. - С ч. вчерашна



ДЪРЖАВЕН ВОЕННОИСТОРИЧЕСКИ АРХИВ  
ВЕЛИКО ТЪРНОВО

ВЯРНО СОРИГИНАЛА

Ф. 437, оп. 1, а. е. 53  
Директор ..... Изготвил: .....

1912 թ. դեկտեմբերի 30-ին Պանաղոս պուղում Հայկական վաշտի կազմի  
Հաշվառման ցուցակի առաջին էջը:

ցա» Հիմնը, որի հնչյունների տակ սկսվում է «Քաջության խաչերի» հանձնումը:

Պրոտոգերովը «Քաջության խաչով» առաջինը «զարդարում» է Անդրանիկի կուրծքը: Մանկական երգչախումբը կատարում է հայ ազգային հերոսին նվիրված «Իբրև արծիվ սավառնում ես...» երգը: Մի սրտառուչ տրամադրություն էր տիրում հայերի հոգիներում, որոնք բուռն ծափահարություններով շնորհավորում են հայոց զորավարին: Ժողովրդի ցնծությունը սահման չունեք: Շատերն արտասվում էին: Բրիգադի հրամանատարը, անչափ հուզված, հավաքվածներին դիմում է այս խոսքերով. «Մի ժողովուրդ, որ այսպես գնահատում և հարգում է իր հերոսներին, երբե՛ք չի մեռնի: Այս ժողովրդի ազատությունը մոտ է, նրա ապագան՝ պայծառ: Կեցցե՛ Անդրանիկը»<sup>1</sup>: Նորից մանկական երգչախումբը հնչեցնում է «Իբրև արծիվ սավառնում ես...» երգը, նորից ծափահարություններ, նորից երկարաչունչ «ուռոռ...»:

Անդրանիկի անունն իսկ բավական էր թրթռացնելու հայկական հոգու ամենազգայուն լարերը: Բոլորը երջանիկ էին, որ իրենց կողքին է առասպելական հերոսը:

Նվագախմբի հնչյունների տակ պարզևատրվում են վաչտի առավել հերոսացած կամավորները: Պարզևատրվածներին շնորհավորում են նրանց մարտական ընկերները: Պարզևատրման արարողությունը վերջանալուց հետո Ռոզոսթոյի կառավարիչ դուկտ, Իվան Դմիտրովն իր մոտ ճաշկերույթի է հրավիրում Պրոտոգերովին, Անդրանիկին, Գարեգինին և ավագ աշխարհազորական Ղուկասին: Կառավարիչը հակիրճ ելույթ է ունենում՝ ասելով. «Եթե փողոցում հանդիպեք մի հայի, դուք նրան անմիջապես կճանաչեք. նրա աչքերում հանգած է ուրախություն կրակը, իսկ դեմքին դրոշմված է անհուն վշտի կնիքը: Իսկ երբ խոսում է, նրա ձայնի մեջ զգացվում է ազատության ծարավը»: Եվ դուկտ. Դմիտրովը բոլորի համար անսպասելի հայերեն արտասանում է «Արաքսի արտասուքը» բանաստեղ-

---

<sup>1</sup> ՀԱԱ, ֆ. 370, ց. 2, գ. 93, թ. 10:

ծուլթյունը, ապա ասում, որ Արաքս գետից լավող աղմուկը հայ ժողովրդի հեկեկանքներն են, որ գետի ջրերն իրենց հետ բերում են, և որոնք կարծես վերջ չունեն: Բայց դա թվացյալ է, ասում է նա: Կգա օրը, երբ Բուլղարիայի մեծ բարեկամ ժողովուրդը նույնպես ձեռք կբերի իր փայփայած ազատությունը<sup>1</sup>:

Իսկ դրսում հարյուրավոր հայեր շրջապատել էին վաչտի մարտիկներին, և ամեն մեկն ուզում էր իր տուն հյուր տանել գոնե նրանցից մեկին: Փոթորկալից խանդավառ պահ էր: Մարդիկ պարզապես հափշտակում էին հայ կամավոր զինվորներին:

Մինչև ուշ գիշեր Ռոդոսթոյի հայերի տներում հայ զինվորները բերկրանք ու հիացմունք էին վայելում: Նրանց սիրում, փայփայում էին՝ չիմանալով է՛լ ինչպես արտահայտել իրենց փոթորկվող զգացմունքները:

Դրսում մինչև ուշ գիշեր շարունակվում էր Ռոդոսթոյի հայերի հոժ բազմության խրախճանքը՝ պարերը, երգերը, արտասանությունները: Արխիվային փաստաթղթում կարդում ենք. «Կատարյալ կոիվ էր, միմյանց ձեռքից խլում էին, վիճում, տաքանում: Ամենքն էլ ուզում էին այդ օրն իրենց տանը մի թանկագին հյուր ունենալ»<sup>2</sup>:

Մյուս օրը՝ վաղ առավոտյան, վաչտը կազմ ու պատրաստ էր ճանապարհ ընկնելու: Ռոդոսթոյի հայերը եկել էին ճանապարհելու Հայկական վաչտի ավագ հրամանատար, ազգային հերոս Անդրանիկին, վաչտի հրամանատար Գարեգինին և հերոս զինվորներին:

Հնչում է հրամանատար Գարեգինի ձայնը՝ «առա՛ջ, ... մա՛րչ»

Վաչտը քայլում է առաջ:

1912 թ. դեկտեմբերի 16-ին Հայկական վաչտը հրաման ստացավ պաշտպանել Մարմարա ծովի ափերի իրեն հատկացված հատվածը: Այստեղ մնալով մինչև 1913 թ. մարտի 22-ը՝ վաչտը միաժամանակ կատարում էր պարեկային ծառայություն:

---

<sup>1</sup> ՀԱԱ, ֆ. 370, ց. 2, գ. 93, թ. 11:

<sup>2</sup> ՀԱԱ, ֆ. 370, ց. 3, գ. 21, թ. 3:



## ԵՐԻՏԹՈՒՐՔԱԿԱՆ ՀԵՂԱՇՐՋՈՒՄԸ

Երիտթուրքերի ղեկավարությունը քնած չէր: Օսմանյան երևելիների ժողովի ավարտին հաջորդած օրը՝ 1913 թ. հունվարի 10-ին, մոտ 200 հոգուց բաղկացած մի զինված խումբ էնվեր բեյի և Թալեաթ փաշայի գլխավորությամբ շրջապատում է Բ. Դոան շենքը և առանց ժամանակ կորցնելու գրոհում: Էնվերն իր զինակիցներով խուժում է այն սրահը, որտեղ նախարարների խորհրդի հերթական նիստում քննարկվում էր վեց տերությունների հավաքական ծանուցագրին տրվելիք պատասխանի տեքստը, որը չափավոր տոնով կազմել էր արտգործնախարար Գաբրիել Նորատունկյանը: Հեղաշրջման ընթացքում սպանվում է ռազմական նախարար Նազըմ փաշան, ձերբակալվում են վարչապետ Քեամիլ փաշան և կառավարության անդամները: Էնվեր և Թալեաթ փաշաների ձեռքն է անցնում Գաբրիել Նորատունկյանի գրած պատասխանի տեքստը:

Կազմվում է իթթիհադական կառավարություն՝ նախկին ռազմական նախարար Մահմուդ Շեքեթ փաշայի գլխավորությամբ, ինչպես նաև 20 հոգուց բաղկացած Ազգային պաշտպանություն կոմիտե:

Օրինական կառավարության բռնի տապալումից հետո նրա անդամները ձերբակալվում են կամ փախչում տարբեր ուղղություններով:

Էնվեր-Թալեաթ-Ջեմալ եռապետությունը նոր կորովով ձեռնամուխ եղավ երկիրն իր «թշնամիներից մաքրելու» գործին: Շուրջ 1300 զորավարներ և սպաներ պաշտոնաթող եղան: Վարչական բոլոր պաշտոնները, նույնիսկ քիչ կարևորները, վստահվեցին միայն երիտթուրքերին: Ենթարկվելով անգույթ ճնշումների՝ ընդդիմադիր նշանավոր գործիչների մեծ մասը ստիպված եղավ անցնել արտասահման և հաստատվել Փարիզում, Աթենքում, Սալոնիկում, Կահիրեում և այլուր<sup>1</sup>:

---

<sup>55</sup> Տե՛ս Անտրէ Մանտէլսթամ, Օսմանեան կայսրութեան ճակատագիրը: Առաջին մաս, Երիտասարդ թուրքերը պատերազմէն առաջ, թարգմ. Միքայել Շամտանձեան, Կ. Պոլիս, 1919, էջ 88:

Իթիթիլաֆի կառավարությունն անակնկալ անկման և իշխանությունը երիտթուրքերի կողմից հաստատվելու մասին Կ. Պոլսից ստացված տեղեկությունները ծանր տպավորություն էին թողել Եվրոպայի և Ռուսաստանի ֆինանսական ու քաղաքական շրջաններում: Լոնդոնի բորսայում գներն անմիջապես ընկել էին: Մամուլը միաբերան դատապարտում էր երիտթուրքերի հեղաշրջումը: «Թայմսը» գրում էր. «Երիտասարդ թուրքերը սխալվում են՝ հույսը դնելով մեծ տերությունների անհամաձայնությունների վրա: Թուրք ժողովուրդը շուտով կտեսնի, որ միակ ճիշտ ուղին Քեամիլ փաշայի ընտրածն էր: «Դեյլի Տելեգրաֆը», «Դեյլի Նյուսը», «Դեյլի էքսպրեսը» և ուրիշ թերթեր մատնանշում էին, որ Թուրքիան ոտք է դնում վտանգավոր ուղու վրա»<sup>1</sup>:

Իտալական «Պոպոլո-Ռոմանո» թերթը գրում էր. «Եթե ճիշտ են [մեր] ռազմական և ֆինանսական նախարարների հաղորդած տեղեկությունները թուրքական զորքի և երկրի ֆինանսական ողբալի վիճակի մասին, ապա, ուրեմն, անկասկած է, որ երիտասարդ թուրքերի նոր հեղաշրջումը կարող է վերջանալ թուրքական պետության ոչնչացմամբ ոչ միայն նրա եվրոպական մասում»<sup>2</sup>:

Հեղաշրջումը միանգամայն անսպասելի էր Լոնդոնի դեսպանաժողովի մասնակիցների համար, որոնք, սակայն, համոզված էին, որ եթե կրկին վերսկսվեն պատերազմական գործողությունները, ապա իրենց երկրները համախորհուրդ կխափանեն պատերազմը:

Իշխանությունը զավթելով՝ երիտթուրք պարագլուխներն անմիջապես հայտարարեցին, որ մերժում են Լոնդոնյան բանակցություններում Բալկանյան երկրների կողմից ներկայացրած տարածքային բոլոր պահանջները: Միաժամանակ, հեղաշրջումն արդարացնելու համար երիտթուրք պարագլուխները երկրով մեկ սկսեցին ներկայացնել իրենց երկու գլխավոր նպատակները.

1) էղիրենն և էգեյան կղզիները երբեք չզիջել բալկանյան

---

<sup>1</sup> Տե՛ս «Մշակ», № 8, 13 հունվարի 1913 թ.:

<sup>2</sup> Տե՛ս նույն տեղում:

Թշնամիներին, 2) չարունակել պատերազմը նրանց դեմ:

Ստեղծված հանգամանքներում, երբ Թուրքերը ծայրահեղորեն ընկճված էին իրենց բանակի գլխին տեղացած անօրինակ հարվածներից և կարոտ էին մի խրախուսական կազդուրիչ խոսքի՝ իթիհհադականների մարտակոչը ոգևորություն էր առաջ բերում Թուրքերի, քրդերի, չերքեզների և ընդհանրապես կայսրության մահմեդականների մեջ:

Հեղաշրջումից անմիջապես հետո երիտթուրքերը զանգվածների շրջանում լայն քարոզչություն ծավալեցին ցույց տալու համար, թե 1908 թվականին իշխանություն գալուց հետո ընկած կարճ ժամանակում իրենք ինչպիսի հսկայական աշխատանք են տարել երկիրն աբդուլհամիդյան ռեժիմի ստեղծած ճահճից դուրս բերելու համար: Թվարկելով իրենց կատարած գործերը՝ նրանք հատկապես մատնացույց էին անում բանակում կատարած բարեփոխումները, աշխատավարձերի կանոնավոր վճարումը զինվորականությանը, սպայական կազմի և քաղաքացիական պաշտոնյաների շրջանում զտումը, կառավարական շատ բաժանմունքներում նոր կարգերի ներմուծումը, ճանապարհային հաղորդակցություն բարելավումը, պետություն եկամուտների աճը և այլն:

Երիտթուրքերը միաժամանակ ցույց էին տալիս, թե իթիհիլաֆականների իշխանություն գալուց հետո ինչպիսի ծանր կորուստներ են կրել երկիրը և հատկապես բանակը: Նրանք չեչտադրում էին, որ զինվորական կարգապահությունն ընկել է աներևակայելի չափերով, զորքի մեջ խարխլված է իշխանության հեղինակությունը, զինվորը չի վստահում իր հրամանատարին, իսկ դա նշանակում է, որ երկիրը կորած է: Հենց զինվորական կարգապահության անկումն է ռազմաճակատում կրած պարտությունների գլխավոր պատճառը<sup>1</sup>:

Շուքրի փաշան կառավարությունից հրաման ստացավ բնում խեղդել Ազրիանուպոլսի բնակչության, հատկապես քաղաքի ոչ Թուրք բնակիչների ամենափոքր իսկ դժգոհությունն ու

---

<sup>1</sup> Տե՛ս «Հորիզոն», № 11, 16 հունվարի 1913 թ.:

բողոքը և նրանց պատրաստել դիմագրավելու նոր փորձություններին:

Ադրիանուպոլսի քրիստոնյա բնակչության կողմից լիազորված քաղաքի հույն մետրոպոլիտը, հայոց առաջնորդը և երկու անվանի քաղաքացիներ (մեկը հայ Լևոն Փունդուկչյանը, մյուսը՝ հույն) ներկայացան բերդապետ Շուքրի փաշային: Նկարագրելով սովից ու հիվանդություններից կոտորվող իրենց ազգակիցների անել վիճակը՝ նրանք խնդրեցին սննդամթերքով ապահովել կամ իրավունք տալ դուրս գալու քաղաքից: Շուքրի փաշայի պատասխանը եղավ կտրուկ. նա հրամայեց կախել պատվիրակներին: Երկու եպիսկոպոսները և երկու անվանի քաղաքացիներն անմիջապես կախաղան հանվեցին<sup>1</sup>:

Երիտթուրքական հեղաշրջումը ողջունած թուրքերը մտածում էին, որ Իթիթհազդի կոմիտեի կազմած կառավարության գլխավորությունամբ օսմանյան բանակը ռազմաճակատում անպայման հաղթանակներ կտանի, որը թույլ կտա արմատական բեկում առաջ բերել պատերազմում և նպաստավոր հաշտություն կնքել: Իսկ թուրքերի այն շերտերը, որոնք ընկճված էին իրենց գորքերի ջախջախիչ պարտություններից, չէին հավատում երիտթուրք պարագլուխների արկածախնդրական ձեռնարկի հաջողությանը, ուստի հուսադրող խոսքի կարիք էին զգում: Ահա թե ինչու երիտթուրքերն ամենուրեք հնչեցնում էին հայրենասիրական մարտակոչեր՝ նրանց մղելով դեպի կոխվ:

Անցա՞ծ էր արդյոք փոթորիկը՝ դժվար էր մարգարեանալ, քանզի դրությունն անորոշ էր: Թուրքական զորքը Չաթալջայի ամրություններում էր, իսկ բուլղարական զորքը՝ նրա դիմաց: Զինադադար էր, բայց երկու կողմերն էլ ժողովում էին ուժերը. հին գորքերի շարքերը համալրվում էին նորերով: Երկու կողմերն էլ տենդորեն շարունակում էին պատրաստություններ տեսնել:

Անդրադառնալով կայսրությանը սպասվող գալիք հավանական վտանգներին՝ Կ. Պոլսի «Բուլթանիա» թերթը գրում էր, որ եթե իշխանությունն վերադարձած Իթիթհազդ ցանկություն ունի

---

<sup>1</sup> Տե՛ս «Կովկասի լրագրեր», № 25, 31 հունվարի 1913 թ.:

վերակսելու պատերազմական գործողությունները, ապա դա կարող է ճակատագրական լինել կայսրությունից գոյություն համար: Տերությունները երիտթուրքերին տիրաբար համոզում էին հանձնել Ադրիանուպոլիսը՝ հանուն Եվրոպայի խաղաղության: Ադրիանուպոլիսին կառչած մնալը վտանգում էր նաև կայսրության մայրաքաղաքը, որի պաշտպանությունն այլևս անկարելի էր, քանզի փաստորեն ջախջախված էր բանակը, խոչոր կորուստներ էր կրել նավատորմը:

Չնայած Եվրոպայի հորդորներին՝ Բ. Դուռը վճռական էր տրամադրված չհանձնել Ադրիանուպոլիսը՝ պատճառաբանելով, թե քաղաքը թուրքերի պատմության խոչոր սյուններից մեկն է, մահմեդական անկախության վերջին մնացորդը, Թուրքիայի կյանքի ու մահվան խնդիրը:

Այլ կերպ էր մտածում «Բուլթանիա» թերթի խմբագիրը, որը գտնում էր, որ Թուրքիայի համար մնացած ամենամեծ արժեքը ոչ թե Ադրիանուպոլիսն է, այլ բանակը: Հետևապես պետք չէ հանուն այդ քաղաքի պահպանման զոհաբերել կայսրության իրական ամենամեծ արժեքը:

«Բանակը զոհել Ատրիանուպոլիսին՝ թիրիմացություն պիտի ըլլար, - գրում էր «Բուլթանիան»:- Թուրքիան այժմ ուրիշ բան չունի բանակէն դատ, ոչինչ աւելի քան ներկայ թնդանօթներու եւ վառօդի պաշարը, ոչինչ աւելի քան այժմ ունեցած զէնք կրելու կարողութիւնը, եւ Չաթալճայի ճակատամարտը ո՛չ թէ Ադրիանուպոլիսի, այլ պետութեան գոյութեան համար պիտի մղուի»<sup>1</sup>:

«Բուլթանիայի» խմբագիրը շեշտում էր, որ կործանման եզրին կանգնած երկրի կառավարությունը պարտավոր է հաշվի նստել իրողությունների հետ, այլապես սպառնալիքի տակ կզրկեն նաև Փոքր Ասիայի օսմանյան տիրույթները: Եվ եթե Բ. Դուռն ուզում է, որ այդ տիրույթները մնան Օսմանյան կայսրության կազմում, ապա ամենից առաջ նա պետք է պահպանի իր զինված ուժերը: «Եթէ օսմանեան պետութիւնը կորսնցնէ իր բանակը, երբ դժբախտութիւնը հալածէ իր զօրավարները եւ

---

<sup>1</sup> «Բուլթանիա», № 130, 11 (24) Հունվարի 1913 թ.:

քայքայուած ամբողջ բանակը թափի մայրաքաղաքին վրայ, այն ատեն Վոսփորի ափերէն մինչեւ Եփրատի բերանը խոռվութիւններ պիտի պայթին եւ արդէն ներքին շատ թոյլ կապերով միացած պետութիւնը կտոր-կտոր պիտի ըլլայ»<sup>1</sup>: Ապա՝ «Ո՞վ կրնար Թուրքիոյ երաշխաւորել թէ Չաթալճայի բանակին կոնակէն յանկարծ ապստամբութիւն պիտի չբռնկի, թէ Հայաստանի մէջ միտերուած ատելութիւնը պիտի չբորբոքի, թէ Արաբիան խալիֆայութենէն պիտի չզատուի»<sup>2</sup>: Այնուհետեւ՝ «Ազրիանուպոլիս չի կրնար փրկուիլ: Սուլթանին բանակը չաբաթներով ու ամիսներով կրնայ Չաթալճայի խրամներուն մէջ մնալ՝ թշնամիին յարձակումը արգիլելու համար. սակայն, պետութիւն մը, որ օտար գործարաններէն կ'օգտուի իր սպառազինութեան համար, եւ որուն վրայ Մեծ Պետութիւնները դրամական իշխանութիւն հաստատեր են, կը նմանի մարդու մը՝ որուն երակներէն արիւնը կը քամուի: Ամենամեծ պաշարն իսկ կը սպառի եւ Թուրքիոյ տկարութեան վայրկեանը անողոք կերպով կը մոտենայ»<sup>3</sup>:

Հեղաշրջումից հետո Էնվեր բեյը մեկնեց Չաթալճա: Դա նշանակում էր, որ ռազմաճակատի այդ հատվածը բախտորոշ դեր է ունենալու օսմանյան պետութեան ճակատագրում:

Հունվարի 14-ին իր աշխատանքներն ընդհատեց Լոնդոնի խաղաղութեան դեսպանաժողովը:

«Բուլթանիա» թերթի թղթակիցը 1913 թ. Հունվարի 15-ին սերբական ռազմաճակատից հաղորդում էր, որ Սերբիայի և Չերնոգորիայի պատվիրակները նախորդ օրը հավաքվել են գաղտնի խորհրդակցութեան և ընդունել Թուրքիային ուղղված նախազգուշական խիստ վերջնագրի տեքստ: Մտքերի փոխանակութեան արդյունքում խորհրդակցութեան անդամները հանգել են այն եզրակացութեան, որ մեծ պետութիւնները, չնայած իրենց ամպագոռոզ հայտարարութիւններին, բնավ տրամադիր չեն ճնշում բանեցնելու Թուրքիայի վրա, որպէսզի սա իր գորքերը դուրս բերի Էդիրնեից ու քաղաքը հանձնի դաշնակից-

<sup>1</sup> «Բուլթանիա», № 130, 11 (24) Հունվարի 1913 թ.:

<sup>2</sup> Նույն տեղում:

<sup>3</sup> Նույն տեղում:

ներին: Ըստ այդմ խորհրդակցությունը որոշել էր պաշտոնական հայտարարություն անել, որ զինադադարը ավարտված է, և խզված են համարվում բանակցությունները: Որոշման մեջ հայտարարվում էր, որ հակառակ մեծ պետությունների սպասումների՝ պատերազմական գործողություններն առաջինը վերսկսելու են Սերբիան ու Չերնոգորիան:

Բալկանյան երկու երկրների այս դեմառչը խիստ բացասական տպավորություն թողեց Եվրոպայում, որի մամուլի օրգանները այն որակեցին «տակտից զուրկ», «ոչ դիվանագիտական»: Բոլոր մեծ տերությունները, այդ թվում Ռուսաստանի կառավարությունը, բալկանյան քաոսակին խորհուրդ էին տալիս անխուհեմ քայլ չանել, հրաժարվել Բ. Դոանը զինադադարի խզման համար վերջնագիր տալուց:

Զինադադարի խզումը որևէ կարևորություն չուներ Եվրոպայի շահերի առումով, բայց բուլղարների կացությունը տեսակետից խիստ հատկանշական էր: Սրանք ասում էին, որ իրենց համար անտանելի է հաշտության կնքման երկարաձգումը, բայց թշնամության վերսկսումն ավելի անընդունելի է և աներևակայելի ծանր կնաստի իրենց երկրին: Զինադադարի բուլղար պատվիրակները սպառնում էին պատերազմը վերսկսելու դեպքում ավելի պահանջկոտ դառնալ, այն է՝ սահմանազուլսը երկարացնել մինչև Մարմարա ծով և ավելացնել իրենց կողմից պահանջվող պատերազմական տուգանքի չափը: Վկայակոչելով, թե իրենց բանակը պատերազմում տվել է 25.000 սպանված, և այժմ երկիրը կես միլիոն զինվոր է պահում զենքի տակ, հետևաբար բուլղարները գտնում էին, որ Թուրքիան պարտավոր է վճարել իրենց կատարած ծախսերի մի մասը<sup>1</sup>: Ի պատասխան դրա՝ թուրք մամուլը այդ ամենը համարում էր «պարապ խոսքեր»: «Բուլղարներն այլևս մի թիզ հող չեն երազի, չեն տեսնի այլևս օսմանյան ոսկու գույնը»<sup>2</sup>, - գրում էր «ժեռն Թուրքը»: Թերթն ընթերցողների ուշադրությունը հրավիրում էր այն բանին, որ Եվրոպան չահագրգռված չէ Թուրքիայի նոր պարտություններով:

<sup>1</sup> «Հեռաձայն», № 2, 24 հունվարի (6 փետրվարի) 1913 թ.:

<sup>2</sup> «ժեռն Թուրքի» հոդվածի թարգմանությունը տե՛ս նույն տեղում:

## ԽԱՆԴԱՎԱՌՈՒԹՅՈՒՆԻՑ ՎՀԱՏՈՒԹՅՈՒՆ՝ ՄԻ ՔԱՅԼ

Թեև Իթիֆհադը դարձյալ երկրում դրույթյան տերն էր, բայց վարկաբեկված էր և հեղինակազրկված: «Երիտթուրք» բառն այլևս ոգևորիչ և հուսադրող գաղափար չէր, և այդ պատճառով ժողովուրդն ամենևին վստահություն չուներ իշխանությունների նկատմամբ: Հրապարակը զբաղեցնող նշանավոր քաղաքական և պետական գործիչներն այլևս կորցրել էին իրենց երբեմնի հմայքը:

Ոչ միայն Իթիֆհադն ու ընդդիմադիր դարձած Իթիֆլաֆը, այլև մյուս կուսակցությունները եռանդուն մաքառում էին միմյանց դեմ, փոխադարձաբար վարկաբեկում իրար: Ամեն ըոպե կարող էր բռնկվել ընդհարում և տեղի ունենալ իշխանափոխություն: Այս պայմաններում թուրք հասարակությունը վերնախավում առաջ էին գալիս կարոտախտի դրսևորումներ սուլթան Համիդի ժամանակների նկատմամբ: Սուլթանական նախկին կարգերի վերականգնումը երազող ուժերը չարախնդում էին, խոսում այն մասին, որ կայսրության կործանման պատճառը 1908 թ. հեղափոխությունն էր, որ Երիտթուրքերը, ապա նաև Իթիֆլաֆականները չկարողացան պահպանել այն հզոր կայսրությունը ամբողջականությունը, որի սահմաններն անխախտ էին մնացել Աբդուլ Համիդի երեսնամյա կառավարման տարիներին:

Օսմանյան գահի չուրջ նույնպես սկսել էին ծփալ դավադրական ալեկոծումներ, որոնք ամեն ըոպե կարող էին ձեռնարկները փոխել:

Բռնի ուժով կատարված իշխանափոխությունը հետևանքն անխուսափելիորեն պիտի լիներ բռնապետությունը:

Հեղաշրջումից անմիջապես հետո ամբողջ ծավալով բախվել էին օսմանյան սահմանադրությունը՝ իր բազմաթիվ զուտ մերկապարանոց դրույթներով, և այդ դրույթների հետ բացարձակապես հաշվի չնստող նորաստեղծ դիկտատուրան:

Թուրքիայի սնանկ վիճակի պայմաններում բռնապետության կողմից սահմանադրությունը մի կողմ նետելը համեմատաբար առաջադեմ թուրք տարրերը դիտում էին որպես համիդյան



մղձավանջի վերականգնման նախերգանք, իսկ ազգային պահպանողական շրջանակների կարծիքով ելքը տվյալ երեքուկուսթյան պայմաններում երկրի փրկության դիկտատորական ռեժիմ հաստատելը, հաստատականություն դրսևորելը և ուժցուցադրելն էր, բոլոր պաշտոնյաներին ու զորքը հնազանդության մեջ պահելը:

Հաչվի առնելով թուրքերի շրջանում իշխող այս երկու հակադիր տեսակետները՝ երիտթուրք պարագլուխները ձգտում էին անել անհնարինը՝ միաձուլելու դիկտատուրան սահմանադրությանը, այսինքն՝ հանդես էին գալիս թե՛ մեկի և թե՛ մյուսի կողմնակից, որպեսզի սահմանադրական երևային Եվրոպայի աչքում և միաժամանակ դիկտատոր լինեին երկրի ներսում: Տակնուվրա անելով քաղաքական, իրավական և բարոյականության բոլոր հասկացությունները՝ Իթթիհադը հայտարարում էր, թե երկրում միաժամանակ հաստատված են սահմանադրական դիկտատուրա և դիկտատորական սահմանադրություն:

Իրականում, սակայն, իրողությունն այն էր, որ Մահմուդ Շևքեթ փաշան և էնվեր բեյն իրենց ձեռքն էին վերցրել պետական բոլոր գործերը՝ հետին դիրքեր մղելով թե՛ սուլթանի գերիշխանությունը և թե՛ պառլամենտի իրավասությունները:

Սուլթանը հայտնվել էր կալանավորի վիճակում:

Ներքին անլուծելի կնճռոտ խնդիրները «հարթելուն» զուգընթաց՝ Շևքեթ փաշայի կառավարությունը չհապաղեց հանդես գալ ռազմատենչ հայտարարություններով և պատերազմը վերսկսելու պատրաստություններով:

Հունվարի 11-ին Շևքեթ փաշայի և էնվեր բեյի ուղեկցությամբ սուլթանը զնաց մզկիթ և կատարեց սելամիքի արարողություն: Հանդիսությանն առաջին անգամ մասնակցում էր Մերձավոր Ասիայից եկած քրդական հեծելազունըր: Այդ օրերին Կ. Պոլսում էին գտնվում օսմանյան բանակի 4-րդ և 5-րդ դիվիզիաները, որոնց անձնակազմերը բաղկացած էին քրդերից: Հենց քրդերի շրջանում էին մեծ հաջողությամբ քարոզչություն մղում պատերազմի կողմնակիցները: Հավաքվելով միտինգների՝ քուրդ զինվորները համառորեն պահանջում էին շարունակել պատերազմը: Սկսուտարին մոտակա Սելիմիե զորանոցում բանակած

քրդական գնդերի զինվորների հուզումն այնպիսի սաստկություն էր հասել, որ սուլթանն իր թիկնապահներից մի քանիսին ուղարկել էր նրանց հանգստացնելու:

Կատարելով կորցրածը կովով հետ բերելու մասին հեղաշրջումից առաջ տված խոստումները՝ երիտթուրքերը հեղաշրջման հաջորդ օրվանից իսկ սկսեցին անխտիր զորակոչել 35-45 տարեկան տղամարդկանց: Հայ և հույն պատրիարքների բուռն բողոքները նշանակություն չունեցան<sup>1</sup>:

«Դեպի Ազրիանուպոլիս», «Դեպի Չաթալջա», - աղաղակում էին Կ. Պոլսում:

Դեպի աշխարհագրական այդ կետերն էին ուղղված օսմանցի հայրենասերների հայացքները:

Պետական հեղաշրջումից 3 օր հետո էնվերը այցելեց Չաթալջայի ամրությունները՝ ստուգելու օսմանյան բանակի մարտունակությունը: Պատերազմի փափագով բռնկված զորքերի մի մասը հունվարի 13-16-ը Կ. Պոլսից անցավ Դարդանել, իսկ մյուս մասը՝ Չաթալջայի գիծը: Պատերազմաբեմ գնացող զորքերի թվում էին նաև կայսրության ասիական մասից եկած քրդական գնդերը՝ հիմնականում հեծյալ: Ճակատ գնացող զորքերի տեղ հասնելուն պես այնտեղից մայրաքաղաք էին բերվում նոսրացած և վերագինման կարոտ զորամասերը:

Շեքեթ փաշայի կաբինետը իրեն հոչակեց ազգային պաշտպանություն կառավարություն և հրապարակ նետեց օսմանյան զենքի հեղինակության խնդիրը: «Չենք կարող զիջել Ազրիանուպոլիսը և պատրաստ ենք ամեն զոհողության», - ասում էին նորանշանակ նախարարները:

Իթիհազի նոր կառավարությունը զբաղեցնող առաջնահերթ գործը, բնականաբար, պետք է լիներ տերությունների հավաքական վերջնագրին պատասխան տալը, որը առանց այն էլ այդքան հապաղել էր:

Պատասխանի տեքստը կազմելիս կառավարության անդամները զեմ առան իրենց համար անլուծելի խնդրի: Նախարարներ-

---

<sup>1</sup> Տե՛ս «Մշակ», № 14, 20 հունվարի 1913 թ.:

րից ոչ մեկը գրչի մարդ չէր, և ոչ ոք չգիտեր, թե ինչպես է նման փաստաթուղթ կազմվում: Շվարած նախարարները վարչապետին խնդրեցին նվաստութուն չհամարել նորից դիմելու պաշտոնաթող Գաբրիել Նորատունկյանին, որպեսզի նա գոնե խորհուրդներով օգնի կազմելու վերջնագրի տեքստը<sup>1</sup>:

Ի վերջո Գ. Նորատունկյանի օգնությամբ հունվարի 14-ին կազմվեց պատասխանը, որը հաջորդ օրը՝ հունվարի 15-ին, հանձնվեց տերութունների Կ. Պոլսի ներկայացուցիչներին:

Հաշտության բանակցությունների դրական լուծման ամենամեծ խոչընդոտն Ադրիանուպոլիսը այս կամ այն պատերազմող կողմին պատկանելու հավակնությունն էր: Բուլղարները համարում էին, որ Ադրիանուպոլսին տիրանալը բուլղար ժողովրդի մեծագույն տենչանքն է եղել և կմնա այդպիսին, ուստի առանց այդ քաղաքն ստանալու ինքը կգրկվի հաղթանակների էական արդյունքից, և ապագա պատերազմների հիմնական պատճառն այդ քաղաքն է լինելու:

Իսկ Թուրքիան տրամադիր չէր գիջելու Ադրիանուպոլիսը: Դա նշանակում էր, որ անխուսափելի է դառնում պատերազմի վերսկսումը:

Եվրոպական պետությունները ստիպված նոր վերջնագրի ներկայացրին Թուրքիային՝ հորդորելով գնալ վերջին գիջումների և բանը չհասցնել պատերազմի վերսկսման:

Միաժամանակ հունական նավատորմն առանձին վճռակա-նությամբ հետամուտ եղավ թուրքական նավատորմի շարժումներին և աշխատում էր ծանր հարվածներ հասցնել նրան: Հունական ծովային ուժերի այդօրինակ գործողությունների ամենամեծ շարժառիթներից մեկն այն էր, որ Թուրքիայի կառավարությունը թույլ չտան երկրի ասիական մասից չոգենավերով զինվորներ փոխադրել կայսրության եվրոպական ցամաք:

Դրությունը սպառնազին էր դառնում և հղի էր անակնկալներով: Արդյո՞ք երիտթուրք կառավարությունը լրջորեն որոշել էր պատերազմել, թե՞ ցուցադրական այդ աղմուկով սակարկում

---

<sup>1</sup> Տե՛ս «Մշակ», № 21, 29 հունվարի 1913 թ.:

էր բալկանյան պետութիւնների և Եվրոպայի հետ:

Մի բան ակներև էր. Թուրք իշխանութիւնը իր հազար ու մի խաղերից հերթական աճպարարութիւնն էր անում՝ այն տարբերությամբ սակայն, որ այս մեկը տեղի էր ունենում ձգնաժամային օրերում, երբ ամեն մի սխալ կարող էր ճակատագրական լինել: Երիտթուրքերը լավ էին հասկանում այդ բանը: Իթիթհադը Քեամիլ փաշայի դահլիճից տարբերվելու նպատակով չէր զավթել իշխանութիւնը, այլ պետական հեղաշրջում էր կատարել պարզապէս կառավարութեան պաշտոններ գրավելու համար: Միևնույնն է, նա ստիպված անելու էր այն, ինչ իր նախորդն էր պարտադրված անելու: Եթե Թուրքիայի արտակարգ ծանր վիճակը և տվյալ պահին պետութեան նկատմամբ մեծ տերութիւնների դիրքը լավ ըմբռնելով հանդերձ՝ Մահմուդ Շեքեթ փաշան պատերազմը շարունակելու տխմարութիւնը գործեր և դրանով իսկ անբուժելի հարված հասցնել իր երկրին, ապա նա դրանով իր կամքից անկախ մարդկութեանը կմատուցել մեծ ծառայութիւն՝ մեկընդմիջտ վերջ տալով արևելյան խնդրին:

Բայց այդպէս չեղավ, քանի որ երիտթուրք պարագլուխները շատ լավ էլ հասկանում էին, որ բալկանյան ձգնաժամի հետևանքները Տրիպոլիսի պատերազմի համեմատութեամբ կարող են շատ ավելի ծանր լինել: Իսկ ո՞վ կարող էր երաշխավոր լինել, որ Ասիական Թուրքիայի խնդիրը պետութեան համար չէր դառնալու ավելի ահարկու, քան Եվրոպական Թուրքիայի հարցը:

Բալկանյան ազգերը միացյալ ուժերով միանգամից փոխել էին Թուրքիայի քարտեզը: Օսմանյան մայրաքաղաք Պոլիսը գրեթե դարձել էր սահմանակից քաղաք: Գլուխները կորցրած Թուրքերը խիստ խուճապահար էին: Անխուսափելի էին դարձել Թուրքիայում նոր հեղափոխութեան բռնկումը և սուլթանի գահընկեցութիւնը:

Պատահական չէ, որ երիտթուրքերի՝ հեղաշրջման առաջին օրերի խանդավառութիւնն ու հոխորտանքները չորս-հինգ օր հետո նախ փոխվեցին վհատութեան, ապա՝ զգաստութեան:

Հենց երիտթուրքերի մտավախութիւնն էր պատճառը, որ տերութիւնների նոտայի պատասխանում Շեքեթ փաշայի կառավարութիւնը նաև ցանկութիւն էր հայտնել շուտափույթ

հաշտություն կնքելու և վերջ դնելու պատերազմին: Ընդգծելով, որ օսմանյան կառավարությունը մինչև այժմ իբր խաղաղասիրություն անհրաժեշտ ապացույցներ է տվել, Բ. Դուռը շեշտում էր, որ Ադրիանուպոլիսը հանձնելու մասին լուրերն անգամ զայրույթի փոթորիկ են առաջ բերում ողջ երկրում, քանի որ այնտեղի բնակչությունը մահմեդական է, և փաստորեն այն Թուրքիայի երկրորդ մայրաքաղաքն է և նրա անբաժանելի մասը: Քեամիլ փաշայի կառավարության անկման հիմնական պատճառը հենց Ադրիանուպոլիսը Թուրքիայից օտարելու փորձն էր, ասված էր փաստաթղթում:

Պատասխան-ծանուցագրում այնուամենայնիվ նշված էր, որ չնայած դրան՝ Թուրքիան խաղաղասիրություն գերազույն ապացույց տալու նպատակով համաձայն է զիջելու Ադրիանուպոլիսի մի մասը, որն ընկած է Մարիցա գետի աջ ափին՝ պայմանով, որ գետի ձախ ափին գտնվող թաղամասերը, ուր գտնվում են հինավուրց մզկիթները, դամբարաններն ու հուշարձանները, թողնվեն Թուրքիայի իշխանության ներքո<sup>1</sup>:

Էգեյան ծովի կղզիների հարցով Բ. Դուռը հայտնում էր, որ Չանաքկալեի (Դարդանեղի) շրջակայքում գտնվող, զինվորական բերդերի վերածված կղզիները անհրաժեշտ են մայրաքաղաքի պաշտպանության համար, իսկ մնացածները երկրի ասիական նահանգների անբաժան մասն են: Բայց կառավարությունը համաձայն էր այդ հարցի լուծումը նույնպես թողնել մեծ պետություններին՝ հավատալով, որ նրանք հաշվի կառնեն վերոհիշյալ պատճառաբանությունները:

Թուրքական այս ծանուցագիր-պատասխանը բալկանյան դաշնակիցները չընդունեցին:

---

<sup>1</sup> Տե՛ս «Մշակ», № 13, 19 հունվարի 1913 թ.:

## ՊԱՏԵՐԱԶՄԻ ՎԵՐՍԿՍՈՒՄԸ ԵՎ ԸՆԹԱՅՔԸ

Իթթիհադի կառավարութիւնը տենդագին աշխատանք ծավալեց ռազմաճակատի ամրացման, զորքերի համալրման ուղղութեամբ: Կայսրութեան արևելյան նահանգներից մեծ թվով զինվորական ուժեր ռազմաճակատ նետվեցին: Նախարարների խորհրդի որոշման համաձայն՝ մեծ վեղիր Շեքեթ փաշան Անատոլիայում և կայսրութեան արևելյան նահանգներում տեղաբաշխված բոլոր զորքերի հրամանատարներին մի շրջաբերական ուղարկեց, որով պատվիրում էր տեղի զինվորական ուժերի մեծ մասը ուղարկել ռազմաճակատ<sup>1</sup>, միաժամանակ քրդերից ու արաբներից և առհասարակ մահմեդականներից կազմել առանձին կամավորական զորախմբեր և դրանք ուղարկել ռուս-թուրքական սահմանագլուխ՝ հարկ եղած դեպքում այն պաշտպանելու համար<sup>2</sup>:

Մզկիթներում խոջաներն անդադար ճառեր էին արտասանում՝ մուսուլման բնակչութեան մոլեռանդութիւնը գրգռելու համար<sup>3</sup>: Երիտթուրք ազիտատորները ամեն տեղ էին՝ պաշտպանական խրամատներում ու բերդապահ զորքերի մեջ, զորանոցներում ու պահեստայինների հավաքներում, ռազմական գործարաններում և այլուր: Բայց արդյունքները գոհացուցիչ չէին: Թուրք հրամանատարներից ոմանք խոստովանում էին, որ զորքն այլևս անընդունակ է շարունակելու պատերազմը: Այդ հողի վրա թուրքական բանակում տիրում էր պառակտում: Սպաները, բաժանված լինելով քաղաքական խմբավորումների, գործում էին իրենց վերադասների կարգադրութիւնների համաձայն: Զորքի մի մասը, երկար ժամանակ անգործ մնալուց հոգնած, կամենում էր տուն վերադառնալ: Հատկապես արաբական զորամասերը նեղվում էին ցրտից:

<sup>1</sup> Տե՛ս «Աւետաբեր», № 8, 22 փետրվարի 1913 թ.:

<sup>2</sup> Տե՛ս «Մշակ», № 19, 26 հունվարի 1913 թ., նաև՝ «Կովկասի լրագրեր», № 21, 26 հունվարի 1913 թ.:

<sup>3</sup> Տե՛ս «Կովկասի լրագրեր», № 20, 25 հունվարի 1913 թ.:

Մյուս կողմից Բալկանյան պատերազմը ուժեղացրել էր մեծ տերութունների տարաբնույթ նկրտումները: Գերմանիան Փոքր Ասիայի կողմերում ավելի ամուր հաստատվելու բուռն ձգտումով հանկարծ հայոց մեջ «նշմարել էր» առաքինություններ և նրանց նկատմամբ սիրալիր էր դարձել: Ռուսաստանը պատերազմի շնորհիվ ողջ սլավոնական աշխարհում անսահմանորեն բարձրացրել էր իր հեղինակությունն ու վարկը՝ դրանից բխող բոլոր հետևանքներով: Անգլիան Քուվեյթի կողմից եռանդուն գործունեություն էր ծավալել՝ Միջագետքում մասնավոր առավելություններ ձեռք ձգելու համար: Ֆրանսիան աչքը սևեռել էր Սիրիայի վրա: Եվ որ հատկանշական է, այդ տերություններից ամեն մեկը համոզված էր, որ մարդասիրության ու առաջադիմության մասին իր քարոզների ու գործելակերպի միջև չկա որևէ հակասություն:

Հաշվի չառնելով այդ ամենը՝ իթթիհադական կառավարությունը 1913 թ. հունվարի 29-ին խզեց 1912 թ. դեկտեմբերին սկսված հաշտության բանակցությունները:

Բարձրաստիճան հրամանատարները վճռական էին պատերազմի վերսկսման դեպքում կովել մինչև արյան վերջին կաթիլը: Թուրքական գլխավոր բանակը եռանդուն պատրաստություններ էր տեսնում<sup>1</sup>:

Նախքան պատերազմի երկրորդ շրջանի սկսվելը բուլղարական հետախուզությունը հայտնի էր դարձել, որ թուրքական բանակի գլխավոր շտաբի մշակած ռազմական պլանի համաձայն՝ Գալիպոլիում կուտակված մեծաքանակ զորքը պետք է ճակատային հարվածով խփեր բուլղարական զորախմբին ու ջախջախեր, ապա ուղղություն վերցնելով դեպի Ադրիանուպոլիս՝ պարտության մատներ քաղաքը շրջապատած բուլղար ու սերբ զորքերին և օգնության ձեռք մեկներ թուրքական կայազորին:

Բայց, ինչպես ցույց տվեցին հետագա իրադարձությունները, այդ ծրագիրը տապալվեց պատերազմը վերսկսելու հենց սկզբին:

---

<sup>1</sup> Տե՛ս «Կովկասի լրագրեր», № 18, 23 հունվարի 1913 թ.:

Թուրքական բանակի դեմ այժմ կազմուպատրաստ կանգնած էին գերագանցապես բուլղարական զորքեր: Մակեդոնական և ալբանական ճակատների փաստացի վերացումը Հանգեցրել էր այն բանին, որ սերբական և հունական զորքերի մեծ մասն արդեն զբաղված էր գրաված տարածքների պաշտպանությունամբ. նրանք ռազմակալել էին Մակեդոնիայի մեծ մասը, որտեղ արդեն չկային Թուրքական զորքեր:

1913 թ. հունվարի 17 (30)-ին Բուլղարիան Թուրքիային հայտարարեց զինադադարը չեղյալ հայտարարելու մասին: Պատերազմը վերսկսվեց 1913 թ. հունվարի 22 (փետրվարի 3)-ին: Հունվարի 24-ին գեներալ Սավոլը իր Դեմոտեկս բանակատեղիից հրաման ուղղեց բանակի զինվորներին ու սպաներին: Հրամանում մասնավորապես ասված էր. «Այժմ, երբ մենք արդեն լիովին պատրաստ ենք, աւելի պատրաստ, քան պատերազմից առաջ, մեզ հարկաւոր է կրկին ջարդել շուտափոյթ հաւաքած անվարժ խուժանը եւ հաշտութեան պայմանները թելադրել կուի դաշտում: Թոյլ կը տա՞ք արդեօք դուք, որպէս զի թշնամուն մնայ ձեր ընկերների արիւնով թրջւած հողը: Յիչեցէ՛ք, որ Լոզենգրադի, Կոչանի, Բունար-Հիսարի, Լիւլէ-Բուրգասի, Չաթալջայի եւ Օդրինի մօտ ընկած մարտիկների հոգիները նայում են ձեզ երկնքի բարձունքից: Թոյլ կը տա՞ն արդեօք մեր հայրերը, մայրերը, ամուսինները եւ զաւակները, որ մենք տուն դառնանք առանց թշնամուն ծովի այն կողմը վանելու ... Ուրեմն Աստուծոյ օգնութեամբ եւ զէնքը ձեռքին յառա՛ջ դէպի նոր եւ աւելի պանծալի գործեր»<sup>1</sup>:

Պատերազմի վերսկսման առթիվ պատասխանելով իրեն ուղղած հարցին՝ բուլղար զորավար Բոբերիկովն ասել էր, որ մինչև Չաթալջա ընկած տարածություն վրա բուլղարական բանակն ունի 280.000 զինվոր, որից 100.000-ը զորավար Իվանովի հրամանատարությունամբ պաշարել է էդիրենն, 25.000-ը Դիմիտրիևի հրամանատարությունամբ գտնվում է Դերկոս-Չաթալջա գծին, և 50.000 զինվոր զորավար Կուտինչևի հրամանատարու-

---

<sup>1</sup> «Կովկասի լրագրեր», № 21, 26 հունվարի 1913 թ.:



Թյամբ դիրք է բռնել Մարմարայի եզերքներից մինչև Էգեյանի ափերը: Դրանից բացի՝ բուլղարներն իրենց տրամադրություն տակ ունեին 70.000 պահեստային և 15.000 մակեդոնացի կամավոր: Այդ բոլոր բանակների ընդհանուր հրամանատարը զորավար Սավոփն էր<sup>1</sup>:

Պատերազմը վերսկսվելուց հետո առաջին մեկ-երկու շաբաթներին ոչ մի կողմ չկարողացավ որևէ էական հաջողության հասնել: Սակայն 1913 թ. հունվարի 23-ին բուլղարական ուժերը Կավաք-սուի մոտերքում ջախջախեցին թուրքական գալիպոլական գործը, որը հալածվելով մեծ արագությամբ նահանջեց դեպի Բուլաիր: Այստեղ նույնպես հունվարի 26-27-ին տեղի ունեցան դաժան կռիվներ, որոնք թուրքերի համար ավարտվեցին ջախջախիչ պարտություններով՝ խոր մտատանջության մեջ գցելով Մահմուդ Ենքեթ փաշայի կառավարությունը<sup>2</sup>: Այս հաղթությունից շնորհիվ՝ այժմ բուլղարների ձեռքում էր Մարմարա ծովից մինչև Բուլաիր ընկած գրեթե ամբողջ ծովափը<sup>3</sup>:

Անհետևանք անցան Մարմարա ծովի եզերքը՝ Շարքո, Ռոդոսթո և Սիլիվրիա, գործեր հանելու փորձերը: Թուրք զորավարները հանգեցին այն համոզման, որ անկարելի է ափ դուրս գալ բուլղարների գրաված ծովեզերքներում: Ուստի թուրք և քուրդ զորամասերը, հատկապես Շարքոյի մոտ մեծամեծ կորուստներ կրելով, ստիպված եղան փախչել նավահանգիստներ և մտնել փոխադրող նավերը:

Սև ծովից Միդիայի վրա կատարած հարձակման փորձը նույնպես հարյուրավոր թուրք զինվորների կորստյան պատճառ դարձավ, և գործողությունը վերջացավ անարդյունք:

Այդ կատաղի կռիվներում թուրքերը տվեցին մեծ կորուստներ՝ ավելի քան 15 հազար սպանված ու վիրավոր<sup>4</sup>: Բուլղարներ-

---

<sup>1</sup> Զորավար Բորրիկովի հարցազրույցը տե՛ս «Ժամանակ», № 1345, 21 հունվարի (3 փետրվարի) 1913 թ.:

<sup>2</sup> Տե՛ս «Կովկասի լրագրեր», № 21, 26 հունվարի 1913 թ.:

<sup>3</sup> Տե՛ս «Կովկասի լրագրեր», № 54, 9 մարտի 1913 թ.:

<sup>4</sup> Տե՛ս «Կովկասի լրագրեր», № 26, 1 փետրվարի 1913 թ.:

րի ձեռքն էին անցել թնդանոթներ, մեծ թվով այլ զինատեսակներ:

Չաթալջայի ուղղությամբ թուրքերը մի քանի հարձակումներ ձեռնարկեցին՝ նավերից արձակած թնդանոթային կրակները աջակցությամբ: Մարտի 7-ին նրանք առաջ շարժեցին հետևակային հինգ դիվիզիա՝ հրանոթային համակարգերով հանդերձ: Կովի մեջ մտան նաև հեծելազորային զորամասեր: Այստեղ էին նետվել նաև Փոքր Ասիայից նավերով բալկանյան ռազմաձևատ հասած մի քանի տասնյակ քրդական հեծելազորային հարյուրակներ: Քրդերը, նաև չերքեզներն ու լազերը երդվել էին Չաթալջայում ցույց տալ իրենց խիզախությունը և կովելու հմտությունները: Բայց նրանց մասնակցությունը չփոխեց ընդհանուր կացությունը: Հատկապես քրդերը, մեծ կորուստներ տալով, նահանջեցին: Բուլղարների հաղթանակները առանձնապես տպավորիչ էին ճակատի ձախ հատվածում: Միայն ճակատի աջ թևում բուլղար բանակը հետ քաշվեց Չաթալջայից՝ ուժերը համալրելու և վերադասավորելու համար:

1912-1913 թթ. ձմեռը սաստիկ էր, և ռազմաճակատի դաշտերին տեղացել էր առատ ձյուն: Գալիպոլիում սառել էին մեծ թվով քրդեր և արաբներ: Վերջիններիս զորամասերը համարյա լիովին չարքից դուրս էին եկել՝ այլևս չկարողանալով մասնակցել մարտերին: Ամենուրեք նկատելի էին թուրքական բանակի մատակարարման անկանոնությունը և վատ հանդերձավորումը<sup>1</sup>: Չնայած այդ ամենին՝ թուրքերը շարունակում էին Բուլաիրի և Գալիպոլիի մոտ նոր ճակատներ բացելու պատրաստություններ տեսնել:

Հունվարի 26-ին Դերկոսի մոտ տեղի ունեցած երեքօրյա կովում բուլղարներն անհաջողություն կրելով նահանջում են՝ տալով զգալի թվով զոհեր ու մարտի դաշտում թողնելով 10 թնդանոթ<sup>2</sup>:

Դերկոսից ու Ադրիանուպոլսից բացի՝ ռազմաճակատի մյուս

---

<sup>1</sup> Տե՛ս *Н. Сокольский, Очерки современной Турции*, էջ 3-4:

<sup>2</sup> Տե՛ս «Մշակ», № 20, 27 հունվարի 1913 թ.:

հատվածներում բուլղարները հաղթական էին:

Պատերազմի սկզբից բալկանյան զինակիցների զորքերի կողմից չըջապատված էին նաև Շքոթրա և Յանինա բերդաքաղաքները: Հատկապես վերջինը, որը գտնվում էր գլխավոր թատերաբեմից շատ հեռու, կտրվել էր հաղորդակցություն բոլոր միջոցներից, նույնիսկ անթել հեռագրով չէր կարողանում հաղորդակցվել Կ. Պոլսի հետ, սակայն ինքնուրույն կարողանում էր առաջ տանել դիմադրություն գործը՝ հրամանատար էսադ փաչայի գլխավորությամբ: Այնուամենայնիվ, այլևս չդիմանալով հույների վճռական հարձակմանը, Յանինան ընկավ<sup>1</sup>:

Նախկին արտգործնախարար Գաբրիել Նորատունկյանը Թուրքիայի նոր պարտությունների համար մեղադրում էր մեծ տերություններին, որոնք «նախընտրեցին մեզի մինակ թողուլ պալքանեան զինակիցներուն հետ»<sup>2</sup>:

Ռազմաճակատներում թուրքերի կրած ջախջախիչ պարտությունները հուզումների նոր ալիք էին բարձրացրել մահմեդական երկրներում՝ Եգիպտոսում, Լիբիայում, Միջագետքում և այլուր:

Թուրքիայի ջերմ պաշտպանությունամբ առաջվա պես աչքի էին ընկնում Հնդկաստանի մահմեդականները, որոնք դիմում էին զանազան հակաքրիստոնեական գործողությունների: Հնդկաստանում լույս տեսնող անգլալեզու թերթերը դրությունն այդ երկրում համարում էին չափազանց լուրջ<sup>3</sup>. տեղի մուսուլմանական ծայրահեղ տարրերը բալկանյան ազգերի դեմ իրենց թշնամանքն ուղղում էին անգլիացի գաղութարարների վարչակազմի դեմ, իրականացնում ահաբեկչական գործողություններ՝ սպանություններ ու պայթյուններ:

Անվերապահորեն Թուրքիայի կողմն էր ճապոնացիների համակրանքը: Օսմանյան թերթերը տպագրել էին Թուրքիայի

---

<sup>1</sup> «Ժամանակ», № 1381, 22 փետրվարի 1913 թ., նաև՝ նույն տեղում, № 1382, 28 փետրվարի (13 մարտի) 1913 թ.:

<sup>2</sup> Տե՛ս «Ժամանակ», № 1380, 26 փետրվարի (11 մարտի) 1913 թ.:

<sup>3</sup> Տե՛ս «Կովկասի լրագրեր», № 32, 8 փետրվարի 1913 թ.:

Համալսարանականներին ուղղած Տոկիոյի Համալսարանի դասախոսների և ուսանողների հեռագիրը, ուր ասված էր, թե իրենք ցույց են կազմակերպել՝ ի պաշտպանություն թուրք ժողովրդի և ընդդեմ բալկանյան դաշնակիցների, իրենց կառավարութանը խնդրել են անտարբեր չմնալ թուրքիայի դժվարությունների հանդեպ: Միաժամանակ նրանք թուրք Համալսարանականներին կոչ էին արել ակտիվ մասնակից լինել երկրի թշնամիների դեմ գնալով ծավալվող դյուցազնական պայքարին<sup>1</sup>:

Այդ օրերին ինչպես եվրոպական, այնպես էլ թուրքական մամուլի զանազան օրգաններում հաճախ էին տպագրվում հոդվածներ ու բողոքներ, որոնցով թուրք Հայրենասերները, գրական, հասարակական, քաղաքական գործիչները դիմումներով փորձում էին չարժեղ եվրոպայի քաղաքակիրթ երկրների մարդասիրական վեհ զգացմունքները, բողոքում, թե բուլղարներն ու սերբերը անմարդկային արարքներ են ցուցաբերում մահմեդականների նկատմամբ: Միևնույն ժամանակ նրանք զարմանք էին հայտնում, որ եվրոպական երկրների պետական մարմիններն անտարբեր են թուրքերի հանդեպ, որոնք զոհ են գնում բալկանյան երկրների զինվորների ոճրագործ արարքներին: Իթիբհադի կառավարությունը այդ ամենը որակում էր որպես միջազգային համապատասխան դաշնագրերի և մարդասիրական չգրված օրենքների խախտում:

Թուրքերի՝ եվրոպական կառավարություններին ուղղված բողոքները տպագրվում էին նաև Կ. Պոլսի «Բյուզանդիոն», «Լուսարձակ», «Արևելք», «Ժամանակ» և այլ, Կովկասի «Մշակ», «Հորիզոն», «Բաքու» և ուրիշ հայկական թերթերում: Հայկական մամուլում այդ բողոքները մեկնաբանվում էին միանգամայն այլ կերպ:

Հայ մամուլը խիստ դատապարտելի էր համարում բուլղարների, սերբերի, հույների կողմից գերի թուրք զինվորների և խաղաղ բնակիչների նկատմամբ բռնի արարքները, եթե, իհարկե, դրանք համապատասխանում էին իրականությունը: Միաժամա-

---

<sup>1</sup> Տե՛ս «Հեռագրայն», № 2, 24 հունվարի (6 փետրվարի) 1913 թ.:

նակ հայկական թերթերը հիշեցնում էին հայերի դեմ թուրքերի, քրդերի, չերքեզների կատարած ոճրագործությունները, որոնք տեղ են տասնամյակներ և այժմ էլ շարունակվում են:

«Մշակը» գրում էր. «Այսօր գլխություն, արդարություն հայցող և աղաղակող, Եվրոպայի անտարբերությունը դատապարտող թուրքերը թող չմոռանան, որ Թուրքիայում գտնվում է մի ժողովուրդ, որ տասնյակ տարիներով ենթարկվեց անխնա, անգութ կոտորածների, ջարդերի, սոսկալի կեղեքումների իրենց իսկ՝ թուրքերի, մահմեդականների կողմից, որ այդ ժողովուրդը օգնություն, գլխության աղերսներ, կոչեր, աղաղակներ էր արձակում՝ ուղղված քաղաքակիրթ Եվրոպային, լուսավոր թուրքերին, որ այդ ժողովուրդը հիմնվում էր նույնպես միջազգային ակտերի ու դաշնագրերի հոգվածների ու տրամադրությունների վրա: Տասնյակ տարիներ այդ ժողովուրդը արյունաքամ էր լինում, կրում անտանելի տանջանքներ, աղերսում էր թեթևացումն, ամոքումն իր ցավերի, և սակայն ոչ ոք նրան օգնության չէր հասնում, ոչ ոք նրա լացին ու կոծին ականջ չէր դնում, ոչ ոք միջամտություն չէր գործում»<sup>1</sup>:

Իսկ ինչո՞ւ ոչ ոք չէր մտահոգվում հայերի անտանելի վիճակով, և այսօր էլ շարունակվում են նրանց տանջանքները, հարց էին տալիս հայ հողավածագիրները, և իրենք էլ պատասխանում. որովհետև իրենք՝ թուրքերը, սաստիկ զայրանում և ընդդիմանում էին, երբ Եվրոպայում որևէ թխու խոսք էր ասվում իրենց հասցեին, հերքում, ուրանում էին իրենց կատարած ոճիրները, մերժում կեղեքումների և սպանությունների փաստերը, սպառնում էին՝ ասելով, թե ոչ ոք իրավունք չունի միջամտելու իրենց երկրի ներքին գործերին: Նրանք հայերի դրությունը ավելի քան բարձր ու նախանձելի էին համարում, ծաղրածանակի էին ենթարկվում նրանց բարձրացրած աղիողորմ բողոքները:

Եվ ահա հիմա թուրքերն են ստիպված օգնություն հայցում և պահանջում Եվրոպայի միջամտությունը, բայց ոչ ոք չէր արձագանքում նրանց պահանջին ու խնդրանքներին:

---

<sup>1</sup> «Մշակ», № 34, 13 փետրվարի 1913 թ.:

Բալկանյան պատերազմի երկրորդ շրջանում դաշնակիցների տարած նոր հաղթանակները սուգի էին մատնել թուրքերին, իսկ Եվրոպայի հակաթուրք տարրերի մեջ առաջ էին բերել ոգևորութան մեծ ալիք: Վերջիններս հույս ունեին, որ չուտով թուրքիան կդառնա երկրորդական-երրորդական պետություն: Ավելին, նրանց մեջ եղան ոչ քիչ թվով լավատեսներ և երազողներ, որոնք համոզված էին, թե հաղթական դաշնակիցները թուրքիային Եվրոպայից արտաքսելուց հետո կանգ չեն առնի կես ճանապարհին և, ներխուժելով Փոքր Ասիա, օսմանյան անարգ լծից կազատագրեն նաև հայերին:

Այդ կարծիքին էր նաև, օրինակ, Փրանսիացի հայտնի հրապարակախոս Հանրի Ռոչֆորը, որը հայերի օգտին գրած իր կրակոտ հոդվածներից մեկում հետևյալ անկարելի հեռանկարն է գծում. «Ինձ անհնարին է թվում, որ այնպիսի անձինք, որպիսիք հունաց, բուլղարական և սերբական թագավորներն են, կարող են թույլ տալ, որ շարունակվեն հայ ժողովրդի սարսափելի տանջանքները: Նրանց փառավոր հաղթանակները հույս են ներշնչում, որ դրանից հետո նրանք թուրքական լծից ազատելու են այդ դժբախտ ազգին»<sup>1</sup>:

Նման երազային, սին մտքերն արձագանք և հավանություն էին գտնում հայկական սահմանափակ շրջաններում միայն, իսկ հայ գործիչների մեջ, հայ մամուլի էջերում առաջացնում զարմանք ու տարակուսանք:

«Կովկասի լրագրեր» թերթը, օրինակ, գրում էր, թե բալկանյան ազգերն ինչո՞ւ պետք է հայերի համար թուրքիայի խորքերում արյուն թափեն: Չէ՞ որ այդ ազգերը «ո՛չ ցեղով, ո՛չ կրոնով, ո՛չ լեզվով և ո՛չ էլ քաղաքական շահերով որևէ առնչություն չունեն հայերի հետ ... Դաշնակից երկրների ղեկավարները չեն, որ իրենց առանց այն էլ ուժասպառ բանակները պիտի առաջ շարժեն, որպեսզի վերջ տան Ասիայի խորքերում տվայտող մի փոքր ժողովրդի տանջանքներին:

---

<sup>1</sup> «Կովկասի լրագրեր» (Թիֆլիս), № 33, 9 փետրվարի 1913 թ.:

Բանաստեղծությունը լավ է իր տեղում, բայց ծիծաղելի է քաղաքականություն մեջ»<sup>1</sup>:

Ամեն օր ուղեգրերից լուրեր էին հասնում, որ թուրքական բանակի հայ զինվորները, որոնք մարտի դաշտերում շարունակում էին անձնագրահավաքի նորանոր օրինակներ տալ, թուրք հրամանատարների ու մահմեդական զինվորների կողմից առաջվա պես ենթարկվում են հալածանքների ու ծաղրուծանակի, գուրկ են գոյատևելու տարրական պայմաններից: Պակաս դժոխսային չէր պատերազմի ընթացքում թուրքական բանակների շարքերում կռված և բալկանյան երկրների գործերին գերի ընկած հայ երիտասարդների վիճակը:

Դա էր վկայում, օրինակ՝ Բելգրադ այցելած դաշնակցական հայ գործիչներից մեկը, որը ՀՅԴ Արևմտյան բյուրոյին ուղարկած 1913 թ. փետրվարի 1 (14) թվակիր նամակով նկարագրել էր չորս ամիս ի վեր Սերբիայի մայրաքաղաքի քեմպերում գտնվող 134 գերի հայ զինվորների անտանելի վիճակը: Նա մեջբերում էր այդ գերիներից մեկի պատմածը: «Բացի շաբաթ և կիրակի օրերին, - ասել էր նա, - ամեն օր, օրական 7-8 ժամ, առանց ձյուն-ձմեռի նայելու, առանց մեր կեանքին քչիկ մը խնայելու, անասուններու նման կաշխատեցնեն մեզի, մեր առողջությունը...»<sup>\*</sup>, մեզմե շատեր առանց կոշիկի և նույնիսկ առանց շապիկի մնացած ըլլալով, շարժիլու կարողություն չէ մնացած»: Նա պատմել էր, որ իրենք ամբողջ օրը շալակով քար ու կիր են կրում, որի դիմաց ամեն մեկը ստանում է մի կտոր կորեկի հաց և պղտոր ջուր<sup>2</sup>:

Բալկանյան դաշնակիցների գործերին գերի ընկած թուրքական բանակների հայ զինվորների դժնդակ վիճակի մասին ժամանակի հայկական մամուլում նույնպես կան բազմաթիվ վկայություններ:

Առաջվա պես թուրքական գործառնների հայ զինվորները

---

<sup>1</sup> «Նովկասի լրագրեր», № 34, 10 փետրվարի 1913 թ.:

<sup>\*</sup> Մի բառ չի հասկացվում:

<sup>2</sup> ՀՊԱ, ֆ. 282, ց. 1, գ. 6, թ. 4-5:

ուզմաճակատում բիրտ հալածանքների էին ենթարկվում թուրք, քուրդ, չերքեզ, լազ և մահմեդական հավատի ուրիշ ազգերի զինվորների կողմից:

Նման պայմաններում նույնիսկ կային հայ գործիչներ, որոնք Հայաստանում մնացած հայ երիտասարդներին նախկին խանդավառությամբ կոչ էին անում «վազել ուզմաճակատ»՝ «հանուն օսմանյան միասնական հայրենիքի»: Դրանիցից էր Խարբերդի հայոց առաջնորդ Պսակ վարդապետը: Նահանգապետարանի պաշտոնաթերթ «Մամուրեթ-իւլ-Ազիզ»-ում հանդես գալով հողվածով՝ իր ազգակիցներին կոչ էր արել է՛լ ավելի մեծ եռանդով մասնակցություն ունենալ «Հայրենիքի պաշտպանությունը»: Նա գրել էր. «Մեկ սիրտ ըլլանք: Անցեալը թողելով, մեր բոլոր սրտով դեպի ապագան վազենք: Պատերազմի դաշտ երթանք, կուրծք տանք թշնամիին: Փրկութիւննիս մեկ մեկու կապուած է, մեր ապագան ալ նորէն իրարմէ կախուած է: Թուրք, քիւրտ եւ հայ Անատոլուի մեջ մինչեւ այս վայրկեանս եղբոր պէս ապրած են եւ ասկե վերջն ալ մէկ սիրտ ապրելու իրաւունք վաստկեր են:... Թշնամին երբ մեր մեջի ցրտութիւնը զգայ, բերդը ներսէն առնել կուզէ: Մեր փառահեղ նախնեաց ապրած հայրենիքը պաշտպանենք: ... Աչքերնիս բանանք: Զի թողունք որ թշնամիին աղտոտ ոտքերը այս մաքուր հողը կոխկրտեն... Բաւական է որքան իրար ինկանք: Կուսակցութիւններու խնդիրներով իրարու թշնամի եղանք: Ժամանակը փափուկ եւ խիստ կարեւոր է: Հայրենիքը մեղք է: ... Զինուորութենէ չի փախչինք: Մեր պետական տուրքերը կանոնաւորութեամբ վճարենք, եւ մեր նախահայրերուն փառահեղ զաւակները ըլլալնիս ապացուցանենք»<sup>1</sup>:

Վերակազմյալ հնչակյան կուսակցության Խարբերդի նահանգային վարչություն 1913 թ. փետրվարի 22-ի հայտարարություն մեջ ասված էր, որ Պսակ վարդապետը խեղաթյուրում է իրականությունը և դրանով ծառայություն է մատուցում թուրքահայ ժողովրդի թշնամիներին: «Իրականութեան բոլորո-

<sup>1</sup> ՀԱԱ, ֆ. 282, ց. 1, գ. 42, թ. 2:



վին հակառակ է այն հաւաստումը թէ Անատոլուի մեջ թուրքն ու քիւրտը մինչեւ այսօր եղբօր պէս ապրած են հայերուն հետ: Այս հաւաստումը սուտ կը հանէ թրքահայ արիւնոտ պատմութիւնը, սուտ կը հանէ 95-96ի եւ Կիլիկիոյ ահաւոր ջարդերը..., հայերի ներկայիս անտանելի վիճակը»: Մինչդեռ հայը կայսրութեան մեջ «հանդիպում է միշտ միայն թշնամութեան, ատելութեան, որը շատ անգամ քաջալերում, հրահրում է կառաւարութենէն... Մենք մեր բոլոր ոյժովը կը բողոքենք այդ յողուածին հեղինակին դէմ, կենսական ճշմարտութիւններ այսպէս խեղաթիւրելու համար...»<sup>1</sup>:

Պատերազմը վերսկսելուց ի վեր ռազմաճակատում թուրքական բանակի նոր խոշոր պարտութիւններէից հետո երիտթուրք կառավարութիւնը համոզվեց, որ այլ ելք չի մնացել, քան հաշտութեան աղերսանքներ ուղղել և առաջարկներ անել: Այն ամբարտապան և խրոխտ խոսքերը, որ շոպլում էին Մահմուդ Շեքեթ փաշան և էնվեր բեյը սկզբում՝ կամենալով ազդեցութիւն գործել թուրք ժողովրդի վրա, շուտով չքացան: Բ. Դուռը դարձյալ զինադադարի էր ձգտում:

Տերութիւնները միայն մի դեպքում կարող էին առաջարկել իրենց միջնորդութիւնը, այն է՝ եթե թուրքիան բացեիրբաց հայտարարեր, թե պատրաստ է Ադրիանուպոլիսը զիջելու բուլղարներին, իսկ էգեյան կղզիները՝ հույներին: Այլապես մեծ պետութիւնների կառավարութիւնները կորցրած կլինեին իրենց արժանապատվութիւնն ու հեղինակութիւնը, քանզի նրանք թուրքիային շարունակ խորհուրդ էին տվել կատարել այդ զիջումները, բայց Կ. Պոլսում նրանց չէին լսել, ավելին՝ առաջ էին բերել պետական հարված՝ որպէս բողոք այդ խորհուրդների դեմ: Իբրև դրա հետևանք՝ բալկանյան դաշնակիցները ստիպված կրկին մերկացրել էին սուրը և հայտարարել, թե իրենք հաշտութիւն կարող են կնքել միայն պատերազմի դաշտում:

Այս իրադրութեան մեջ իշխանութիւնը բռնութեամբ զավթած երիտթուրքերի կառավարութեան դրութիւնը դարձել էր

---

<sup>1</sup> ՀԱԱ, ֆ. 282, ց. 1, գ. 42, թ. 2:

աննախանձելի. գնալով արագորեն աճում էին նրա թշնամիների շարքերը երկրի ներսում: Սպայությունը կառավարությունը տապալելու բացահայտ կոչեր էր անում: Հակաիթիժհադական «Զինվորական միության» սպաները սպառնացել էին նոր զինադադար կամ հաշտություն կնքելու դեպքում անմիջապես գալ Կ. Պոլիս և իրենց ձեռքով դատաստան տեսնել երիտթուրք պարագլուխների հետ: Իշխանությունները լրագրողներին արգելել էին գրել նախարարական տազնապի, ինչպես նաև նյութեր տպագրել «Զինվորական միությանը» անդամակցելու համար կասկածվող սպաների ձերբակալությունների և արտաքսումների մասին: Պնդումներ կային, թե Իթիժհադի կոմիտեն Կ. Պոլսում գեներ է բաժանել իր բոլոր ակումբներին: Նա երկյուղում էր, որովհետև ամեն տեղ, նույնիսկ ոստիկանություն մեջ, բացահայտվել էին կառավարություն դեմ ուղղված դավադրություններ: Չնայած այդ ձեռնարկումներին՝ Մահմուդ Շևքեթ փաշայի կաբինետի անկումը դարձել էր օրվա խնդիր: Այդ էր պատճառը, որ «Միություն և Առաջադիմություն» կոմիտեն, մի քանի օր շարունակ քննելով ստեղծված վիճակը, հանգել էր այն եզրակացություն, որ անհրաժեշտ է շարունակել պատերազմը: Թալեաթ բեյը և գրող Բաբան-գադեն՝ իբրև կոմիտեի պատվիրակներ, գնացին Բ. Դուռ և հաղորդեցին կոմիտեի վճիռը<sup>1</sup>:

Բայց որոշում ընդունելը մի բան է, այն կատարելը՝ ուրիշ բան: Ռազմաճակատից նորանոր տազնապալի լուրեր էին հասնում մայրաքաղաք: Բոլոր ճակատներում նախաձեռնությունը բալկանյան դաշնակիցների ձեռքին էր: «Թուրքիոյ զինուորական ոյժին վրայ հիացողները մնացին բոլորովին ապշած՝ Պալքանեան դաշնակցութեան տարած փառաւոր յաղթանակներու եւ թրքական բանակի կրած ջախջախիչ պարտութեան առաջ»<sup>2</sup>: Թուրքերն արդեն պարզ գիտակցում էին, որ հեռու չէ այն ժամանակը, երբ թշնամական բանակները կարող են հաղթական լինել և՛ Ադրիանուպոլսում, և՛ Չաթալջայում, իսկ դա նշանակում

<sup>1</sup> Տե՛ս «Կովկասի լրագրեր», № 47, 1 մարտի 1913 թ.:

<sup>2</sup> «Հնչակ», № 1, հունվար, 1913, էջ 9:

էր Կ. Պոլսի հանձնում և կայսրութեան մայրամուտի սկիզբ: Այժմ թուրքական իշխանութիւնների գլխավոր խնդիրն էր դառնում գոնե բավարար չափով հողեր պահպանել Թրակիայում՝ ապահովելու համար Մարմարա ծովի, Դարդանելի, Կ. Պոլսի և Փոքր Ասիայի անվտանգութիւնը<sup>1</sup>:

Վարչապետ Շեքեթ փաշան ստիպված դիմեց Անգլիայի արտաքին գործերի նախարար Էդուարդ Գրեյին և բանակցութիւնները վերականգնելու համար խնդրեց նրա միջնորդութիւնը: Սակայն Գրեյը պատասխանեց, թե թուրքական կառավարութիւնը նախ և առաջ պետք է մոտավորապես ձևակերպի այն զիջումները, որ նա մտադիր է անելու բալկանյան դաշնակիցներին, որպեսզի հնարավոր լինի նրանց համոզել նորից դինադադար հայտարարել և վերսկսել հաշտութեան բանակցութիւնները:

Այլևս ոչ մի կասկած չկար, որ թուրքերը Էդուարդ Գրեյին ամենից առաջ հայտնելու են, թե ընդմիջտ զիջում են Ադրիանուպոլիսը և կղզիները, որպեսզի բալկանյան դաշնակիցները համաձայնեն թուրքերի հետ հաշտութեան բանակցութիւններ սկսել: Այդ դեպքում պետք կլիներ, իհարկե, նոր զիջումներ ևս անել, որովհետև այն պահանջները, որոնցով դաշնակիցները բավարարվում էին բանակցութիւններն սկսվելուց առաջ, այժմ, երբ նրանք ստիպված նորից գենքի էին դիմել և ահագին կորուստներ կրել, բնականաբար, այլևս չէին կարող գոհանալ նախկին ակնկալածով:

Չնայած իրենց նկատմամբ Անգլիայի ցուցաբերած կոշտ վերաբերմունքին՝ երիտթուրքերը հույս էին փայփայում, թե, այնուամենայնիւ, իրենց կհաջողվի վերսկսվելիք բանակցութիւնների ընթացքում Թուրքիայի ավանդական դաշնակիցներ Գերմանիայի և Ավստրիայի օգնութեամբ պահպանել Ադրիանուպոլիսը և կղզիների գոնե մի մասը: Նրանց մեջ այդ հույսն արթնացրել էին Կ. Պոլսում Գերմանիայի դեսպան Վանգենհայմը և Ավստրիայի դեսպան մարկիզ Պալավիչինին՝ իրենց խրախու-

---

<sup>1</sup> Տե՛ս «Կովկասի լրաբեր», № 35, 12 փետրվարի 1913 թ.:

սական զրույցներով, ինչպես նաև գերմանական մամուլի օրգանները՝ հուսադրական բնույթի հոդվածներով: Թուրք կառավարությունը նաև մեծ հույսեր էր կապել ստացված հետախուզական տվյալների հետ, ըստ որոնց՝ բալկանյան դաշնակիցների շարքերում կարծես թե սկսված են անհամաձայնություններ, որոնք պատերազմը շարունակվելու դեպքում կարող են խորանալ:

Մանավանդ հույս էր ներշնչում Ռուսինիայի բռնած բացասական դիրքը բալկանյան դաշինքի և հատկապես իր անմիջական հարևան Բուլղարիայի նկատմամբ: Ռուսինիան չէր կարողանում ձեռքերը ծալած հանգիստ նստել ու դիտել, թե հաշտությունից հետո ինչպիսի մեծ փոփոխություններ է կրելու Բալկանյան թերակղզու քարտեզը, որի հետևանքով բալկանյան մյուս պետությունները կունենային ընդարձակ նվաճումներ, իսկ ինքը կմնար ձեռնունայն: Անկասկած, Թուրքիայի դեմ պատերազմը վերսկսվելու դեպքում Ռուսինիան նույնպես իր պահանջները կդնէր բալկանյան պետությունների սեղանին: Ամենից առաջ նա անվերապահորեն իրենն էր համարում Սիլիստրիան, ապա նաև պահանջներ ուներ դաշնակիցների բանակների կողմից գրավված Թուրքական ուրիշ տարածքների հանդեպ: Ռուսինական կառավարությունը հատկապես թշնամանքով էր տրամադրված Բուլղարիայի նկատմամբ: Կանխատեսելով առաջիկա շաբաթներին իր համար ստեղծվելիք տեսանելի անբարենպաստ դասավորումները՝ նա հայտարարեց, թե Բուլղարիայի դեմ պատերազմելու համար ինքն արդեն զենքի տակ է դրել 300.000 մարդ<sup>1</sup>:

Վերջապես տվյալ պահին Թուրքիայի համար չափազանց շահեկան էր, որ Ռուսաստանը նույնպես խիստ շահագրգռություն էր հանդես բերում պատերազմական գործողությունները դադարեցնելու հարցում, թեև պատերազմի սկզբին դեմ չի եղել, որ բուլղարները գրավեն ոչ միայն ամբողջ Ռումելիան, այլև Կ. Պոլիսը: Բայց այժմ նրա վերաբերմունքը փոխվել էր: Ռուսական

---

<sup>1</sup> Տե՛ս «Կովկասի լրագրեր», № 37, 14 փետրվարի 1913 թ.:

կառավարութիւնը կտրականապէս դեմ հանդես եկավ Կ. Պոլսի և նեղուցները Բուլղարիային հանձնելուն: Նա մտահոգ էր, որ բուլղարների կողմից Կ. Պոլսի գրավումը կարող է պատճառ դառնալ համաեվրոպական պատերազմի բռնկման, որին իր երկիրը այդ պահին պատրաստ չէր<sup>1</sup>: Նրա այդ վճռական միջամտութեան շնորհիվ, ինչպէս նաև բուլղարական բանակում սկսված խուլերայի պատճառով կանխվեց Կ. Պոլսի գրավումը<sup>2</sup>: Ավելին, հաշվի առնելով պատերազմում Թուրքիայի համար ստեղծված ծանրագույն վիճակը՝ ուսական մամուլը Պետերբուրգի կառավարութեանը խորհուրդ էր տալիս ուղղակի բանակցութիւններ սկսել Բ. Դուան հետ Օսմանյան կայսրութիւնը ետյակ համաձայնութեան դաշինքի մեջ ընդգրկելու հարցի շուրջը<sup>3</sup>:

Մարտի վերջերին Պետերբուրգն արդեն հակվել էր այդ մտքին: Հավանութիւն տալով Ռուսաստանի մտադրութեանը՝ Ֆրանսիան նույնպէս Բուլղարիային խորհուրդ էր տվել հրաժարվել Կ. Պոլսի մտնելուց և փոխարենը խոստացել էր, ինչպէս վերը նշվել է, պատերազմից անմիջապէս հետո մեծ փոխառութիւն բացել նրա համար:

Կ. Պոլսի նկատմամբ բուլղարների պահանջի դեմ հանդես եկող ուսական կողմի դիրքը ջերմ պաշտպանութիւն էր գտնում հունական կառավարութիւնում և հասարակայնութեան մեջ: Սրանք գտնում էին, որ Հունաստանը բարոյաքաղաքական և հատկապէս պատմական ավելի մեծ իրավունք ունի տերը լինելու Կ. Պոլսին, քան Բուլղարիան:

Հայկական «Հեռաձայն» լրագրի փոխանցմամբ՝ Կ. Պոլսում հրատարակվող «Նեոլոգոս» հունարեն թերթը, վճռականապէս հանդես գալով օսմանյան մայրաքաղաքը նվաճելու բուլղարների մտադրութեան դեմ, դեռևս հունվարի վերջերին գրել էր.

---

<sup>1</sup> Տե՛ս «Հեռաձայն», № 14, 5 (18), փետրվարի 1913 թ.:

<sup>2</sup> Տե՛ս *А. Ф. Миллер, Оттоманская империя (Султанская Турция), М., 1946, էջ 36:*

<sup>3</sup> Տե՛ս «Ժամանակ», № 1346, 21 հունվարի (3 փետրվարի) 1913 թ.:

«Յայտնի է թէ Պուլկարիա դարերէ ի վեր Պոլիսը իրեն մայրաքաղաք կ'երազէ, եւ անհիմն չէ **Զարիկրատ է նոս** ( Պոլիսը մերն է:- Ն. Ս.) պուլկարական հայրենաւանդ յանկերգին իրականանալու վախը»<sup>1</sup>:

Բուլղարների և հույների միջև խճորվող հակասություններն արդեն պարզ երևում էին նաև Մակեդոնիայի գլխավոր քաղաք Սալոնիկի խնդրում: Նրանցից ամեն մեկն այդ քաղաքը իրենն էր համարում: Ավելի վճռական էր Հունաստանը, թեև նա Միջերկրական ծով դուրս եկող բազմաթիվ նավահանգիստներ ունեւ<sup>2</sup>: Իր հերթին Բ. Դուռն անհնարին էր գտնում քաղաքի հանձնումը նրանցից որևէ մեկին՝ պատճառաբանելով, որ եթե այն անցնի Բուլղարիայի կամ Հունաստանի ձեռքը, ապա այնտեղի իսլամ, հրեա և հայ բնակչությունը կգաղթի Իզմիր ու Միջերկրականի ուրիշ վայրեր, ուստի լավագույն լուծումն է օսմանյան գերիշխանություն կազմում այն դարձնել միջագային քաղաք՝ նրան կցելով որոշ տարածք: Նրա այդ առաջարկը պաշտպանում էին ոչ միայն Ռուսաստանը, այլև եվրոպական տերությունները:

Բալկանյան պատերազմն իր երկրորդ շրջանն էր բոլորում, այսպես ասած, կատարյալ մթության մեջ: Երկու կողմերն էլ արգելել էին թղթակիցների մուտքը կովի դաշտ, ուստի չկային քիչ թե շատ բավարար տեղեկություններ, թե ինչ է կատարվում Բալկաններում պատերազմը վերսկսելուց հետո: Պատերազմական գործողություններն այս երկրորդ շրջանում ևս թուրքերի համար նույնքան անհաջող էին անցնում, որքան և առաջին փուլում:

Բուլխրի անկումից հետո ոչ մի նշան չկար այլևս կարծելու, թե պատերազմի աստվածը կժպտա թուրքերին: Ընդհակառակը, գործերի ընթացքը ցույց էր տալիս, որ «հայրենիքի պատիվը փրկելու» նշանաբանով հրապարակ նետված երիտասարդ թուրքերը այդ պատիվը պիտի ծախսեին շատ ավելի մեծ գնով, քան Քեամիլ փաշայի հեռատես կարիները:

<sup>1</sup> Տե՛ս «Հեռաձայն», № 12, 21 հունվարի (3 փետրվարի) 1913 թ.:

<sup>2</sup> Տե՛ս «Ժամանակ», № 1420, 7 (20) ապրիլի 1913 թ.:

«Կովկասի լրաբերը» տպագրել էր բուլղարական նախարարներից մեկի հետևյալ խոսքերը. «Մենք կանգ կառնենք միայն այն ժամանակ երբ թուրքերը կստորագրեն հաշտութիւնը հէնց պատերազմի դաշտում եւ գոհացում կըտան մեր բոլոր նոր պահանջներին, որ մենք կառաջադրենք մեր նոր յաղթութիւններին համապատասխան: Լոնդոնի պայմանները պէտք է մոռացուեն»<sup>1</sup>:

«Եւ ուրիշ կերպ չի էլ կարող լինել, իհարկէ»<sup>2</sup>, - մեկ այլ առիթով հավելում էր թերթը:

Բայց օսմանյան զորքերի այդ ծանր պարտություններից հետո էլ երիտթուրքական կառավարութիւնը չէր ընկճվել: Բ. Դոան հրամանով փետրվարի սկզբներին ռազմաճակատի Գալիպոլիի հատված նետվեցին Անատոլիայից շտապ բերված նոր ուժեր: Ծավալված կռիվներում նրանք ավելի մեծ կորուստներ ունեցան՝ կորցնելով իրենց կազմի շուրջ 75 տոկոսը<sup>3</sup>: Այդ ուժերին օգնութեան շտապած ուրիշ զորամասեր չէին կարողանում ափ իջնել, որովհետև բուլղարական դաշտային թնդանութները փոթորկալի կրակ էին տեղում առափնյա ջրերում երևացող թուրքական նավերի վրա: Շոգենավերում գտնվող և դեռևս ափ չհասնված զորքերը մեծ զրկանքներ էին կրում, մանավանդ սաստիկ տառապում էին ցրտից: «Շիրքեթ» ընկերութեան փոքր շոգենավերի մեջ զինվորներն ստիպված էին քնել կանգնած, որովհետև պառկելու տեղ չկար: Կովի գնացող թուրք զորքերին միացած գերմանացի շատ սպաներ հետ էին դարձել՝ չկարողանալով դիմանալ զրկանքներին<sup>4</sup>: Թերթերը հաղորդում էին, որ սով է տիրում Գալիպոլիի և Դարդանելի թուրք զորքերում: Դրութիւնը գնալով դառնում էր հուսահատական:

Թուրքերի կրած ջախջախիչ պարտութիւնների հանրապատկերի վրա բացառութիւն էին երեք քաղաքների բերդերը,

---

<sup>1</sup> Տե՛ս «Ժամանակ», № 1420, 7 (20) ապրիլի 1913 թ.:

<sup>2</sup> Նույն տեղում:

<sup>3</sup> Տե՛ս «Կովկասի լրաբեր», № 37, 14 փետրվարի 1913 թ.:

<sup>4</sup> «Կովկասի լրաբեր», № 37, 14 փետրվարի 1913 թ.:

որոնց հերոսական դիմադրությունն չնորհիվ տպավորություն էր ստեղծվել, թե դրանք միչտ անառիկ են մնալու: Այդ բերդաքաղաքներն էին Ազրիանուպոլիսը, Շքոթրան և Էպիրոս թերակղզու ստրատեգիական կարևոր նշանակություն ունեցող Յանինա քաղաքը:

Հունական զորամասերը Թեսալիայից ներխուժեցին Յանինայի Հյուսիսային տարածքներ: Թուրքերը շտապ ամրացրին քաղաքի պաշտպանական գիծը, որի վրա ունեին 100-ից ավելի տարբեր տեսակի թնդանոթներ: Էսադ փաշայի գլխավորած թուրքական զորքը չորս ամիս տևած կատաղի դիմադրությունից հետո ընկրկեց: Հունական զորամասերը խուժեցին քաղաք և 1913 թ. փետրվարի 22-ից 24-ը գրավեցին այն: Հակառակորդը տվել էր մեծ թվով սպանվածներ ու վիրավորներ: Անձնատուր էր եղել 32-հազարանոց բանակը՝ Էսադ փաշայի գլխավորությամբ<sup>1</sup>: Յանինայի և չրջակայքի հույն բնակչությունը ցնծում էր:

Լայնամասշտաբ գործողություններ էին ծավալվել Չաթալջայի ռազմաճակատում:

Նախորդ ամիսներին թուրքական իշխանությունների ձեռնարկած բազմաբնույթ միջոցառումները նպաստել էին այս հատվածում դրություն ժամանակավոր կայունացմանը: Սակայն Կըրլս-Քիլիսեի, Լյուլե-Բուրգազի, Քարաղաջի հաղթական կռիվներից հետո այդ տարածքներում գտնվող զորքերի պատկանելի մասը բուլղար հրամանատարությունը կենտրոնացրել էր Չաթալջայի ճակատում:

1913 թ. փետրվարին Չաթալջայի ամբողջ գծի երկայնքով թուրքերի ու բուլղարների միջև կատաղի ընդհարումները փոփոխակի հաջողություններով հաջորդում էին իրար, բայց մարտի սկզբին ամրությունների աջ թևի վրա բուլղարական զորքի հարձակումը թուրքերը կարողացան հետ մղել՝ հակառակորդի համար զգալի կորուստներով: Դրանից հետո օսմանյան զորքն ամբողջ ճակատով հակահարձակման անցավ և գրավեց Սըվազ-

---

<sup>1</sup> Տե՛ս «Կովկասի լրաբեր», № 44, 26 փետրվարի 1913 թ.:



քեռ, Քալֆա-քեռ և Աք Ալյան բարձունքները: Թուրքական ուժերը հարձակվեցին նաև նշված դիրքերի արևելյան կողմի վրա փորված բուլղարական խրամատների վրա: Կենտրոնի զորամասերն իրենց հերթին առաջացան և գրավեցին Գատը-քեռյի արևելյան բարձունքները: Այդ արյունալի ընդհարումներից հետո երկու կողմերի զորքերը դադար առան՝ պատրաստվելով վճռական ճակատամարտի<sup>1</sup>:

1913 թ. մարտի 9-ին մեծ պետությունների լոնդոնյան կոնֆերանսի ներկայացուցիչները Բուլղարիայի վարչապետ Գեչովին հանձնեցին մի գրություն, ուր գոհունակություն էր հայտնված այն կապակցությամբ, որ բալկանյան դաշնակից պետությունների կառավարությունները համաձայնություն են տվել իրենց արած միջնորդական առաջարկությանը, այն է՝ մտնել բանակցությունների մեջ Թուրքիայի հետ՝ հաշտություն կնքելու նպատակով: Միաժամանակ տերությունների ներկայացուցիչներն անհրաժեշտ էին համարել նախապես ձևակերպել իրենց հայացքներն այն հիմունքների մասին, որոնք պետք է ընդունվեին բանակցությունների ընթացքում: Դրանք էին.

1) Օսմանյան կայսրության սահմանը Եվրոպայում պետք է անցնի Էնոսից՝ Մարիցա և էրզենո գետերի հոսանքով և վերջանա Մեդիայով. այդ գծից դեպի արևմուտք գտնվող բոլոր հողերը Թուրքիան զիջում է բալկանյան դաշնակիցներին, բացի Ալբանիայից, որի որպես պետության կազմավորումը և սահմանների որոշումը պիտի վերապահվի մեծ պետություններին, 2) էգեյան կղզիների խնդիրը վճռելու են պետությունները, 3) Թուրքիան բոլորովին հրաժարվում է Կրետեի նկատմամբ իր իրավունքներից, 4) Մեծ պետությունները չեն կարող համաձայնություն տալ Թուրքիայի կողմից պատերազմական տուգանք վճարելու մասին բալկանյան դաշնության պետությունների պահանջին:

Սույն հայտարարության հետ միաժամանակ մեծ պետությունները պահանջեցին շտապ դադարեցնել պատերազմական գործողությունները: Գեչովը շնորհակալություն հայտնեց, ապա

---

<sup>1</sup> Տե՛ս «Ժամանակ», № 1389, 7 (20) մարտի 1913 թ.:

չեչտեց, որ նշված առաջարկութեան պաշտոնական պատասխանը կտրվի դաշնակիցների հետ խորհրդակցելուց հետո: Դատեղի ունեցավ, որից հետո Բուլղարիայի կառավարությունը Լոնդոնի կոնֆերանսի իր ներկայացուցչի միջոցով հայտարարեց, որ բալկանյան կռաւիցիան համաձայն չէ արված առաջարկին և շարունակելու է պատերազմը<sup>1</sup>:

Մարտի երկրորդ տասնօրյակի սկզբներից Չաթալջայի բոլոր ճակատներում ծավալվեցին բուռն կռիվներ: Մարտի 12-ին 60.000 զինվոր ունեցող բուլղարական ուժերը հարձակում գործեցին Ինջեիզի շրջանում դիրքավորված օսմանյան զորքի վրա: Տեղի ունեցավ արյունալի ճակատամարտ, որի ընթացքում զոհվեց մոտ 800 բուլղար զինվոր: Այս ուղղությամբ կռիվը շարունակվեց նաև հաջորդ օրը:

Մարտի 13-ին գրեթե 4.000 զինվոր ունեցող բուլղարական երկու զորաբաժիններ հարձակում սկսեցին Չաթալջայի օսմանյան բոլոր դիրքերի վրա: Թուրքերի հրետանին բուռն կրակով մեծ կորուստներ պատճառեց հարձակվողներին, իսկ հետևակը, հակահարձակման անցնելով, նրանց ստիպեց դադարեցնել առաջխաղացումը<sup>2</sup>:

Չաթալջայի վրա բուլղարական զորքի չդադարող գրոհները և թուրքերի կրած մեծ կորուստները առաջ էին բերել զայրույթի ալիք, որը փոխարկվում էր դաժան բռնությունների հատկապես քաղաքի բուլղար և հայ փոքրամասնությունների դեմ: «Կովկասի լրագրերը» հաղորդում էր, որ բուլղարական կառավարությունն այնտեղի մետրոպոլիտից հեռագիր է ստացել, որ թուրք զինվորներն ամեն տեսակ վայրագություններ են կատարում, նույնիսկ առանց որևէ պատճառի սպանում են միանգամայն անմեղ մարդկանց: «Դրությունը խիստ ողբալի է»<sup>3</sup>, - հաղորդել էր նա:

Չնայած թուրքերին հաջողվել էր կանգնեցնել Չաթալջայի վրա գրոհող բուլղարական ուժերին, բայց այդ հզոր ամրու-

<sup>1</sup> Տե՛ս «Կովկասի լրագրեր», № 56, 12 մարտի 1913 թ.:

<sup>2</sup> Տե՛ս «Ժամանակ», № 1396, 14 (27) մարտի 1913 թ.:

<sup>3</sup> Տե՛ս «Կովկասի լրագրեր», № 43, 23 փետրվարի 1913 թ.:

Թյունը պաշտպանող զորքը դաժան ձմռան պայմաններում կրում էր անասելի գրկանքներ: Շարունակվող արյունալի պատերազմը Թուրք զինվորների ու սպանների մեջ դժգոհություն ու բողոքի ալիք էր բարձրացրել<sup>1</sup>: Նրանցից շատերը չէին ենթարկվում զինվորական հրամաններին, պահանջում էին իշխանափոխություն Կ. Պոլսում: Ընդհանուր առմամբ այդ ուղղուղի օսմանյան զորքը երիտթուրքերի նկատմամբ թշնամաբար տրամադրված «Զինվորական միություն» ազդեցություն տակ էր:

Հենց այդ հանգամանքը նկատի ունենալով և հաշվի առնելով, որ Չաթալջան Կ. Պոլսի դուռն է, Թուրք հրամանատարությունը շարունակում էր խիստ միջոցներ կիրառել վիճակից դժգոհողների նկատմամբ, իսկ էնվեր բեյի հրամանի տակ գտնվող դիվիզիան չղթա էր կազմել մայրաքաղաքից մի քանի ժամվա հեռավորությամբ գտնվող Սան-Ստեֆանոյի առաջ, որպեսզի Թուլ չտա Չաթալջան պաշտպանող զորքերին նահանջել Կ. Պոլիս<sup>2</sup>:

Բայց դժգոհությունների առաջն առնել չէր հաջողվում: Չաթալջայում Թուրքական մի քանի զորամասերի հրամանատարներ հայտարարել էին, որ չեն ընդունում Իթթիհադի կառավարությունը: Դրությունն այնքան էր լարվել, որ Կ. Պոլսից չտապ այնտեղ էր մեկնել Մահմուդ Շեքեթ փաշան՝ հարթելու զորամասերի հրամանատարների միջև եղած տարաձայնությունները<sup>3</sup>:

Զինվորների խռովությունները Եվրոպական Թուրքիայից թափանցում էին Մարմարա ծովի ասիական ափը: Կ. Պոլսի ասիական մասի զորանոցներում 1913 թ. փետրվարի կեսերին զինվորները խռովություն էին բարձրացրել՝ պահանջելով երիտթուրքերի կառավարության հրաժարականը: Սուլթանն անհապաղ իր ավագ թիկնապահին ուղարկել էր զինվորների մոտ՝

---

<sup>1</sup> Տե՛ս «Կովկասի լրագրեր», № 43, 23 փետրվարի 1913 թ.:

<sup>2</sup> Տե՛ս նույն տեղում:

<sup>3</sup> Տե՛ս նույն տեղում, № 36, 13 փետրվարի 1913 թ.:

խնդրելով դադարեցնել ընդվզումը: Նա նաև խոստացել էր, որ պատերազմը վերջանալուց անմիջապես Հետո երիտթուրքերի կառավարությունն անպայման հրաժարական է տալու: Լարված բանակցությունների շնորհիվ զորամասը դադարեցրել էր խոտվությունը՝ պայմանով, որ ոչ մի զինվոր կամ սպա չի հետապնդվելու<sup>1</sup>:

«Միություն և առաջադիմություն» կոմիտեի հրամաններով բանակից ազատվում էին մեծ թվով սպաներ: Աճում էին դժգոհությունները նաև ավելի բարձր հրամանատարական կազմում, բայց դրանք հատկապես սուր բնույթ էին ստացել շարքային զինվորների մեջ: «Կովկասի լրաբեր» թերթը հաղորդում էր, որ էսկիչեհիք քաղաքում տեղակայված զորամասերի զինվորների շրջանում մեծ խռովություն է ծագել երիտթուրքական հրամանատարություն կողմից իրենց ռազմաճակատ ուղարկելու կապակցությամբ: Նրանք հայտարարել էին, թե չեն ճանաչում դավադրությունը իշխանություն եկած կառավարությունը: Իշխանությունների դեմ հանդես էին գալիս մանավանդ արաբներից կազմված զորամասերը, որոնք չէին կարողանում զիմանալ խիստ ցրտերին<sup>2</sup>:

Ի պատասխան այդ խռովության՝ կառավարությունը պաշտոնական հաղորդագրություն տարածեց այն մասին, որ դավադիրների մի խումբ 5000 օրինակով տպագրել է մի կոչ՝ ուղղված ժողովրդին ու բանակին: Այդ խումբը մտադիր է եղել զանգվածային հանրահավաք գումարել Բ. Դոան առջև, ապա հոծ շարքերով շարժվել դեպի սուլթանի պալատ և նրան խնդրել իթթի-հադական բոլոր նախարարներին ձերբակալել ու Կ. Պոլսից նրանց հեռացնելու մասին հրաման արձակել: Հաղորդագրության մեջ ասված էր, որ գլխավոր դավադիրները ձերբակալված են և հանձնված զինվորական դատարան<sup>3</sup>:

Հակակառավարական ելույթները զորքերում է՛լ ավելի հա-

---

<sup>1</sup> Տե՛ս «Կովկասի լրաբեր», № 36, 13 փետրվարի 1913 թ.:

<sup>2</sup> Տե՛ս նույն տեղում:

<sup>3</sup> Տե՛ս «Կովկասի լրաբեր», № 40, 19 փետրվարի 1913 թ.:

ճախակի դարձան 1913 թ. մարտին: Երկյուղ կրելով, թե միգուցե հաշտություն կնքելուց հետո կծագի ապստամբություն, Իթթի-հադի կոմիտեն ձեռք առավ ծայրահեղ նախազգուշական միջոցներ: Նրա հրամանով ձերբակալվում էին այն անձինք, որոնք բացահայտորեն թշնամի էին իր կառավարությունը: Կոմիտեն միայն ներքին գործերի նախարարին տվել էր մոտ 3000 հոգու անվանացուցակ, որոնցից 300-ը արդեն ձերբակալված էին: Բարձրաստիճան 70 զինվորականների թվում էր նշանավոր գեներալ Ջալիլ Օսման փաշան<sup>1</sup>:

### ԱԴՐԻԱՆՈՒՊՈԼՍԻ ԱՆԿՈՒՄԸ

Պատերազմը վերակավելուց հետո ամենաարյունալի կոռիվները ծավալվեցին Ադրիանուպոլսի (էդիրնե) նահանգում և հատկապես նրա կենտրոն Ադրիանուպոլիս բերդաքաղաքում:

Ադրիանուպոլսի նահանգը, որ բաժանված էր հինգ սանջակի, եզերված էր երեք ծովերով՝ Սև, Մարմարա և էգեյան: Գլխավոր նավահանգիստներն էին Դեղե Աղաջը, էնոսը, Մաքրին, Ռոդոսթոն, Բուրգազը<sup>2</sup>:

Բ. Դուռը գտնում էր, որ անհնարին է ապահովել Մարմարա ծովի, Դարդանելի և Կ. Պոլսի անվտանգությունը առանց բավարար չափով հողեր պահելու Թրակիայում<sup>3</sup>:

Թուրքերը վճռել էին երբեք թշնամուն չհանձնել Թրակիայի գլխավոր քաղաքը՝ Ադրիանուպոլիսը, որը նվիրական սրբատեղի էր իրենց համար: Այնտեղ էին թաղված թուրքաց պատմության բազմաթիվ կերտողներ: Քաղաքն ուներ շատ մզկիթներ, 12 կամուրջ, ամրակուռ բերդեր:

Ադրիանուպոլիսը թշնամուն հանձնելը Բ. Դուռը բացառում էր՝ նաև հաշվի առնելով այն հանգամանքը, որ Լոնդոնի դես-

<sup>1</sup> Տե՛ս «Կովկասի լրագրեր», № 57, 13 մարտի 1913 թ.:

<sup>2</sup> Տե՛ս «Աւետարներ», № 4, 5 ապրիլի 1913 թ.:

<sup>3</sup> Տե՛ս «Կովկասի լրագրեր», № 35, 12 փետրվարի 1913 թ.:

պանախորհուրդը դեռ 1912 թ. դեկտեմբերի կեսերին որոշել էր այդ քաղաքը թողնել Թուրքիայի տիրապետության տակ<sup>1</sup>:

Թրակիան իրենց պահելու համար թուրքերը բերում էին երկու հիմնական պատճառաբանություն. 1) Ադրիանուպոլիսը դեռ չի գրավված, հետևապես բուլղարները իրավական հիմք չունեն Թրակիան անջատված համարելու Թուրքիայից, 2) Ադրիանուպոլսի նահանգն ունի 1 միլիոն 180 հազարի հասնող բնակչություն, որից 600 հազարը իսլամ են, մյուս ազգություններից են՝ հույն՝ 357 հազար, բուլղար՝ 125 հազար, հայ՝ 27 հազար, այլ ազգեր՝ 21 հազար: Կազմելով նահանգի բնակչության ընդամենը 1/10 մասը՝ բուլղարներն, ըստ նրանց, իրավունք չունենին տիրանալու սույն նահանգին<sup>2</sup>: Պատկերը թուրքերի համար ավելի չահեկան էր. Ադրիանուպոլիս քաղաքն իր արվարձաններով միասին ուներ 124 հազար բնակիչ, որից 58 հազարը իսլամ էին, 36 հազարը՝ հույն, 14 հազարը՝ հրեա, 9 հազարը՝ բուլղար, 4500-ը՝ հայ: Այսինքն՝ քաղաքի բնակչության հարյուրից միայն չորսն էին բուլղար<sup>3</sup>:

Ադրիանուպոլիսը, բնականաբար, խիստ կարևոր արժեք էր Թուրքիայի համար: Թուրք քաղաքական շրջանակներում մտածում էին, որ այդ քաղաքից հրաժարվելով՝ օսմանյան պետությունն ամբողջովին կզրկվի եվրոպական շփումներից և կդառնա զուտ ասիական մի պետություն:

Հարկավ ճիշտ էր այս տեսակետը, գրում էր Կ. Պոլսի «Ազդակը»: «Բայց արդեօ՞ք միայն էտիրենեն պահելով՝ օսմանեան երկիրը կրնայ դառնալ եւրոպական... եւրոպական կամ ասիական պետութեան մը էական յատկանիշը արդեօք եւրոպական կամ ասիական հողին վրայ նահանգ մը աւելի կամ պակաս ունենալուն մէջ կը կայանայ՝ թէ պետական կազմակերպութեան եւ անոր մէջ ապրող ժողովուրդներուն քաղաքակրթական

---

<sup>1</sup> Տե՛ս «Առաջամարտ», № 1093, 22 դեկտեմբերի 1912 թ. (4 հունվարի 1913 թ.):

<sup>2</sup> Տե՛ս «Ժամանակ», № 1311, 18 (31) դեկտեմբերի 1912 թ.:

<sup>3</sup> Տե՛ս նույն տեղում:

աստիճանին մէջ: Ճարտնցին ասիական պետութիւն մըն է, բայց իր էութեամբ նոյնքան եւրոպական է՝ որքան ո՞նէ եւրոպական այլ պետութիւն»<sup>1</sup>:

Բայց Ադրիանուպոլսի հարցում ոչ պակաս, եթե ոչ ավելի, վճռական էին բուլղարները: Նրանք գտնում էին, որ այդ բերդաքաղաքն անփոխարինելի նշանակութիւն կունենա իրենց պետութեան համար: Հրաժարվել դրանից մանավանդ այնքան զոհողութիւններից և աննախադեպ հաջողութիւններից հետո ուրիշ բան չէր նշանակի, եթե ոչ պարզապէս պարտութիւն: Դա նման կլիներ այն բանին, որ այրել մի ամբողջ անտառ՝ միայն մի թուփ մացառ ձեռք բերելու համար:

Բուլղարների վճռականութիւնն ի վերջո կատարեց իր դերը: Լոնդոնի ղեսպանաժողովում երկար բանակցութիւններից հետո 1913 թ. հունվարի կեսերին Բ. Դուռը համաձայնել էր զիջել Մարիցայի աջ ափը՝ իրեն վերապահելով Ադրիանուպոլսի այն թաղերը, ուր գտնվում էին հին դամբարաններն ու մզկիթները<sup>2</sup>: Բայց շատ չանցած՝ թուրքական կողմը, խախտելով ձեռք բերած պայմանավորվածութիւնը, հետ էր առել իր առաջարկութիւնը: Դրան ի պատասխան՝ բուլղարական կողմը կոշտացրել էր իր դիրքը և հայտարարել, թե ինքը պահանջում է Մարիցայի երկու ափերը: Դրանից հետո ղեսպանաժողովի թուրքական պատվիրակութիւնը առաջարկել էր Ադրիանուպոլսի գրավումից հետո քաղաքի գերեզմանատները, մզկիթներն ու դամբարանները տրվեն օտար հպատակութեան: Բուլղարական պատվիրակութիւնը հայտարարել էր, թե իր կառավարութիւնը դրական է վերաբերվում այդ առաջարկին<sup>3</sup>:

Թուրքերը այս անգամ էլ զրժեցին պայմանավորվածութիւնը և հայտարարեցին, որ Ադրիանուպոլսի համար իրենք

---

<sup>1</sup> «Ազդակ», № 1094, 23 դեկտեմբերի 1912 թ. (5 հունվարի 1913 թ.):

<sup>2</sup> Տե՛ս «Կովկասի լրագրեր», № 15, 19 հունվարի 1913 թ., տե՛ս նաև «Հեռաձայն», № 2, 24 հունվարի (6 փետրվարի) 1913 թ.: Տե՛ս նաև Ա. Ի. Մոսիլևսկու, М. Э. Айрапетяну, На путях к мировой войне 1914-1918 гг., էջ 142:

<sup>3</sup> Տե՛ս «Ժամանակ», № 1320, 27 դեկտեմբերի 1912 թ. (9 հունվարի 1913 թ.):

կովելու են մինչև վերջին շունչը: Ադրիանուպոլսի (էդիրնեի) նահանգի կուսակալ Սալիլ բեյը հայտարարել էր, որ թշնամու ոչ մի զինվոր չի անցնի քաղաքի պարիսպներից ներս, քանի որ նրա պաշտպաններն ունեն ամեն ինչ՝ անսահման զենք-զինամթերք, պարեն և կենցաղային անհրաժեշտ պարագաներ: Բայց հակառակ դրա՝ ինքը՝ բերդաքաղաքի պաշտպանությունից ղեկավար Շուքրի փաշան\*, գանգատվում էր, որ իր զորքի պարենը բավարար չէ երկարատև պաշտպանությունից համար: «Կովկասի լրաբերն» ավելացնում էր, որ իրեն հասած հավաստի տեղեկություններով բերդաքաղաքի զինվորների մեջ խիստ ընկած է կարգապահությունը, իսկ նրանցից շատերը, չբավարարվելով սննդի չափաբաժնով, ուտելիք են փնտրում մասնավոր տներում<sup>1</sup>:

Ադրիանուպոլսի անկումը կասկած չէր հարուցում մեծ տերությունների շրջանում: Լոնդոնի կոնֆերանսը Թուրքիային հայտարարեց, որ ոչինչ չեն կարող անել նրան օգնելու համար: Դեսպանների լոնդոնյան կոնֆերանսը Թուրքիային հարցում արեց՝ արդյոք նա համաձայն է ընդունելու մեծ տերությունների միջնորդությունը՝ առանց որևէ նախապայմանի: Մեծ տերությունների ձնշման տակ Թուրքիան ստիպված էր համաձայնել: Մշակվեցին նախաստորագրվելիք հաշտության պայմանները, և Թուրքիան ընդունեց դրանք: Սակայն բալկանյան դաշնակիցները չէին շտապում:

1913 թ. հունվարի 21-ից (փետրվարի 3-ից) սկսվեց Ադրիանուպոլսի ուժգին ուժեղացումը: 40.000-անոց բերդապահ զորքը պարիսպները պաշտպանում էր համառությամբ՝ տալով մեծաթիվ զոհեր: Մեկ շաբաթ անց հրանոթային կրակը ուղղվեց նաև

---

\* Շուքրի փաշան դադատանցի էր, մոր կողմից՝ քուրդ: Ծնվել էր 1854 թ.: Կ. Պոլսի ամրություններ կառուցողների վարժարանն ավարտելուց հետո ուսանել էր Գերմանիայում և Ֆրանսիայում: Պանկալթիի զինվորական վարժարանում եղել էր Հրետանու և ֆրանսերենի ուսուցիչ: 12 տարի պաշտոնավարել էր էդիրնեում, որի ամրությունների մեծ մասը կառուցվել էր իր ժամանակ (տե՛ս «Աւետարներ», № 14, 5 ապրիլի 1913 թ.):

<sup>1</sup> Տե՛ս «Կովկասի լրաբեր», № 37, 14 փետրվարի 1913 թ.:



քաղաքի թաղեր՝ հասցնելով մեծ ավերածություններ, ոչնչացնելով նաև գենք-գինամթերքի և սննդի պահեստները<sup>1</sup>: Բուլղարական և հատկապես սերբական պաշարողական թնդանոթները զարհուրելի ավերածություններ էին տարածում Ադրիանուպոլսով մեկ: Ռմբակոծությունը չէր դադարում օրեր շարունակ:

Հունվարի 28-ին և 29-ին թուրքերը փորձեցին ճեղքել շրջապատումը և դուրս գալ բերդից, բայց ստիպված եղան նահանջել՝ տալով 1000-ից ավելի սպանված<sup>2</sup>:

Առանց այն էլ մեծ կորուստներ կրած բուլղար զորքը հետաձգում էր ընդհանուր գրոհը քաղաքի բերդապարիսպների վրա՝ նպատակ ունենալով առայժմ հրանոթային հեռահար կրակով ճնշել թշնամու կրակակետերը, որքան հնարավոր է կենդանի ուժի մեծ կորուստներ պատճառելով նրան՝ նախապատրաստել ընդհանուր հարձակումը: Անդադար հրետակոծություններին ամեն օր գոհ էին գնում ոչ միայն մեծ թվով թուրք բերդապահ զինվորներ, այլև քաղաքի տասնյակ խաղաղ բնակիչներ:

Չնայած դրան՝ Ադրիանուպոլիսը պաշտպանող թուրքական զորքը շարունակում էր համառ դիմադրությունը, որը չէր թուլանում նույնիսկ այն բանից հետո, երբ սերբական բանակի մեծաքանակ ստորաբաժանումներ օգնություն էին եկել բուլղարներին: Թուրքական զորքի շարունակվող հաջող դիմադրությունը մեծապես պայմանավորված էր նրա հրամանատար Շուքրի փաշայի զորավարական տաղանդով ու համառությամբ: Ամիսներ տևած շրջապատման ընթացքում կարճահասակ ու նիհար այդ մարդը իր զորքերին ոգեշնչում էր նաև անձնական օրինակով: Նրա զորավարական արտակարգ շնորհքի և քաջ պահվածքի մասին զրույցներ էին շրջում ռազմաճակատով մեկ: Զուր չէ, որ թե՛ յուրայինները և թե՛ թշնամիները նրան անվանում էին «էդիրնեի առյուծ»<sup>3</sup>:

---

<sup>1</sup> Տե՛ս «Կովկասի լրագրեր», № 19, 24 Հունվարի 1913 թ., № 39, 17 փետրվարի 1913 թ.: Տե՛ս նաև В. А. Жебокрицкий, *Болгария во время балканских войн 1912-1913 гг.*, էջ 112:

<sup>2</sup> Տե՛ս «Կովկասի լրագրեր», № 27, 2 փետրվարի 1913 թ.:

<sup>3</sup> Տե՛ս «Ժամանակ», № 1403, 21 մարտի (3 ապրիլի) 1913 թ.:

Աղբրիանուպոլսի պաշտպանների հերոսական դիմադրությունը բացառություն չէր: Վերը հիշատակած «Համիդիե» հաճանավը շարունակում էր ակոսել Միջերկրականի արևելյան ավազանը: 1912 թ. դեկտեմբերից մինչև 1913 թ. մարտի վերջը «Համիդիեն», տարբեր երկրների դրոշներ պարզած<sup>1</sup>, խորտակել էր 10 նավ՝ հիմնականում հունական, որոնցից չորսը՝ մարտանավեր<sup>2</sup>: Դրանցից էին մեծ տարողություն «Մակեդոնիան»<sup>3</sup> և «Ախելրոսը»: Հույները մարտանավեր էին ուղարկում թուրքական ուղղմանովին հալածելու, բայց հաջողություն չէին հասնում<sup>4</sup>: «Համիդիեն» հարձակվում էր, ավերներ գործում և անհետանում<sup>5</sup>:

Աղբրիանուպոլիսը կամովին հանձնելու պահանջը Բ. Դոան կողմից մերժվելուց հետո բուլղարական զորքը վերսկսեց մարտական գործողությունները և շատ շուտով հասավ քաղաքի ամրությունների մերձակայքը՝ կտրելով դեպի Պոլիս նահանջի ուղիները, միաժամանակ սպառնալով չրջապատել թուրքական կենտրոնական զորախումբը:

1913 թ. մարտի 12 (25) լույս 13 (26)–ի գիշերը նշանավոր է Բալկանյան պատերազմի տարեգրություն մեջ: Բուլղարական 100–հազարանոց զորքերը սերբական զորամիավորումների հետ առաջացան դեպի չրջապատված Աղբրիանուպոլսի ամրությունները<sup>6</sup>: Քաղաքի թուրքական զորքն ուներ 72 հազար զինվոր<sup>7</sup>, որոնք ընդգրկված էին 7 զորաբաժիններում<sup>8</sup>:

---

<sup>1</sup> Տե՛ս «Կովկասի լրաբեր», № 50, 5 մարտի 1913 թ., «Փամանակ», № 1414, 1 (14) ապրիլի 1913 թ.:

<sup>2</sup> Տե՛ս «Փամանակ», № 1333, 10 (23) հունվարի 1913 թ., նույն տեղում, № 1371, 17 փետրվարի (2 մարտի) 1913 թ., «Հեռաձայն», № 16 (1361), 7 (20) փետրվարի 1913 թ.:

<sup>3</sup> Տե՛ս «Փամանակ», № 1422, 9 (22) ապրիլի 1913 թ.,

<sup>4</sup> Տե՛ս «Փամանակ», № 1331, 8 (21) հունվարի 1913 թ.:

<sup>5</sup> Տե՛ս «Փամանակ», № 1384, 2 (15) մարտի 1913 թ.:

<sup>6</sup> Տե՛ս «Կովկասի լրաբեր», № 58, 14 մարտի 1913 թ.:

<sup>7</sup> Տե՛ս «Փամանակ», № 1403, 21 մարտի (3 ապրիլի) 1913 թ.:

<sup>8</sup> Տե՛ս «Փամանակ», № 1406, 24 մարտի (6 ապրիլի) 1913 թ.:

Գիշերվա ժամը 3-ին բուլղար-սերբ գորքերը Հարձակման անցան: Առաջին հերթին գործի դրվեցին Փրանսիական «Կրե-գո» տիպի պաշարման խոշոր թնդանոթները: Հատկապես անվրեպ էր գործում սերբերի հրետանին: Սերբ հրետանավորները կրակի հեղեղ էին թափում պաշարման 38 և դաշտային 60 թնդանոթներից, որոնք գետեղվել էին ուղիղ բերդապարիսպների դիմաց՝ քիչ հեռավորություն վրա<sup>1</sup>: Հենց թնդանոթները վճռեցին բերդաքաղաքի ճակատագիրը՝ տարբեր կողմերից քանդելով բերդապարիսպները, պատճառելով սարսափելի ավերներ: Արևերի բացած ճեղքերով սվինային հարձակումով քաղաք մտան բուլղարական և սերբական ստորաբաժանումները<sup>2</sup>: Միաժամանակ, հրետանին կրակն ուղղեց բնակելի թաղամասերի վրա, վասն զի հարկ էր խորտակել ու քանդել պաշտպանական պատնեշները՝ բացելու գորքի առաջխաղացման ճամփան<sup>3</sup>:

Քաղաքում անասելի խուճապ առաջացավ՝ իսկական Սողոմ-Գոմոր: Ժամ առ ժամ թուլանում էր թուրքական ստորաբաժանումների դիմադրությունը, որոնք ռազմամթերքի մեծ կարիք ունեին<sup>4</sup>: Արևերի պակասություն պատճառով բերդապարիսպների վրա և քաղաքում տեղադրված ավելի քան 500 թնդանոթներից գործում էր միայն 180-ը:

Չնայած ձեռնարկած բոլոր գրոհներին՝ բերդաքաքը այդ օրը արագ գրավելու բուլղար բանակի հրամանատարություն հույսերն ի դերև ելան, քանզի թուրք կայսգորը չէր հանձնվում: Դրա հիմնական պատճառն այն էր, որ քաղաքում դեռևս կային սննդի և զինամթերքի պաշարներ:

Մարտի 13 (25)–ի ամբողջ օրվա ընթացքում կատաղի կռիվներ էին մղվում բերդապարիսպների վրա ու քաղաքի թաղամասերում: Երկուստեք կրում էին հսկայական կորուստներ, բայց թուրքական կողմի զոհերի թիվը անհամեմատ մեծ էր:

---

<sup>1</sup> Տե՛ս «Ժամանակ», № 1408, 26 մարտի (8 ապրիլի) 1913 թ.:

<sup>2</sup> Տե՛ս «Ժամանակ», № 1401, 19 մարտի 1913 թ.:

<sup>3</sup> Տե՛ս «Աւետաբեր», № 14, 5 ապրիլի 1913 թ.:

<sup>4</sup> Տե՛ս «Կովկասի լրաբեր», № 53, 8 մարտի 1913 թ.:

Մարտի լույս 14-ի գիշերը բուլղարները բուռն հարձակում սկսեցին բերդապարիսպների արևելյան ճակատի ամրությունների վրա, ուր մաքառում էր թուրքական մի բազմաքանակ զորամաս: «Նվացուցիչ ուժակոծում մը ամէն կողմէ կը պայթեր՝ սարսափ սփռելով քաղաքին մէջ»<sup>1</sup>, - հաղորդում էր «Ժամանակ» թերթի թղթակիցը:

Մարտի 16-ին՝ բերդաքաղաքի արևելյան ամրությունների անկումից հետո, Շուքրի փաշան համոզվեց, որ կոիվը տանուլ է տրված: Առավոտյան ժամը 8-ին անթել հեռագրով նա հաղորդեց Պոլիս, որ բերդաքաղաքն այլևս հնարավոր չէ պաշտպանել: Դրանից անմիջապես հետո նրա հրամանով օդ հանվեցին սննդապաշարի և ռազմամթերքի պահեստները, պետական շենքերը, ոչնչացվեցին բոլոր ձիերը: Լայնածավալ բռնությունների էին ենթարկվում քաղաքի քրիստոնյաները: Եղան սպանությունների բազմաթիվ դեպքեր: Շուքրի փաշայի հրամանով ռազմական դրություն հայտարարված քաղաքում «կարգը խախտելու համար» կախաղան հանվեցին մի հույն և մի հայ եպիսկոպոսներ<sup>2</sup>:

Երբ պարզ դարձավ, որ մոտ է Ազրիանուպոլսի անկումը, եղավ մի պահ (մարտի 17), երբ «Միություն և Առաջադիմություն» կուսակցություն կոմիտեն, դրությունն այլևս անհուսալի համարելով, մտադիր էր իշխանությունը հանձնել ուրիշների՝ պատասխանատվությունից խուսափելու նպատակով<sup>3</sup>:

Մարտի 13 (26)-ի առավոտյան ժամը 10-ին բուլղարական առաջապահ զորամասերը մոտեցան Ղազի Շուքրի փաշայի զորակայանին: Այդ ժամանակ նա հրամայեց դադարեցնել կրակն ամբողջ գծով մեկ և պարզել սպիտակ դրոշակ: Զորակայան մուտք գործած բուլղար զինվորները փաշային ձերբակալեցին այն պահին, երբ նա իր սենյակում փաստաթղթեր էր այրում: Զերբակալման ժամանակ նրա անձնապահ գունդը, որը կազմ-

---

<sup>1</sup> Տե՛ս «Ժամանակ», № 1406, 24 մարտի (6 ապրիլի) 1913 թ.:

<sup>2</sup> Տե՛ս «Կովկասի լրագրեր», № 26, 1 փետրվարի 1913 թ.:

<sup>3</sup> Տե՛ս «Կովկասի լրագրեր», № 38, 16 փետրվարի 1913 թ.:

ված էր բոսնիացիներից ու ալբանացիներից, փորձեց դիմադրել, բայց փաշան կանխեց մինչև վերջ իրեն հավատարիմ մնացած թիկնազորի մտադրույթունը<sup>1</sup> և հայտարարեց, որ անձնատուր է լինում զորավար Իվանովին<sup>2</sup>: Նա հանձնվեց քաղաքի պաշտպան զորքի մնացորդների հետ:

«Ժամանակ» թերթը մեջբերել էր բուլղարական «Միր» թերթի թղթակցի թուուցիկ հարցազրույցը Շուքրի փաշայի հետ: Այն հարցին, թե ինչպես և ինչու անձնատուր եղան, Շուքրի փաշան պատասխանել էր. «Կը սխալիք, ես անձնատուր չեղայ, այլ ձերբակալուեցայ: Պուլկարները ինձմէ աղէկ գիտեն ատիկա: Պուլկարներու գլխուն հրեղէն լավաներ տեղացուցի: Կարելի եղածին չափ դիմադրեցի, սակայն ճակատագիրը այսպէս է եղեր»<sup>3</sup>:

Շուքրի փաշան ոչինչ ավելին չէր ասել:

Այսպիսով, հինգ ամիս (151 օր) տևած պաշարումից և երեք օրվա արյունալի կռիվներից (45 ժամ) հետո բալկանների ամենամուր բերդաքաղաք Ադրիանուպոլիսը (էդիրնե) ընկավ<sup>4</sup>:

Պատերազմների պատմություն մեջ չի հիշատակված գեթ մի դեպք, երբ այս կամ այն, նույնիսկ անառիկ համարվող բերդը, ի վերջո, չընկնի:

Բերդերի կառուցման նպատակն ամենևին այն չէ, որ հարատև կանգուն մնան հաղթական բանակների առաջ: Դրանք միայն մի նպատակ ունեն՝ կարելիություն չափ երկար ժամանակ կասեցնել թշնամու առաջխաղացումը և անգործություն մատնել նրա բանակը:

Ադրիանուպոլիսը գերազանց հաջողությամբ կատարեց այդ խնդիրը և ընկավ պատվով՝ տասնապատիկ ավել կյանքեր խլե-

---

<sup>1</sup> Տե՛ս «Ժամանակ», № 1406, 24 մարտի (6 ապրիլի) 1913 թ.:

<sup>2</sup> Տե՛ս «Կովկասի լրագրեր», № 60, 16 մարտի 1913 թ.:

<sup>3</sup> Տե՛ս «Ժամանակ», № 1406, 24 մարտի (6 ապրիլի) 1913 թ.:

<sup>4</sup> Տե՛ս «Աւետարներ», № 14, 5 ապրիլի 1913 թ., տե՛ս նաև «Կովկասի լրագրեր», № 59, 15 մարտի 1913 թ., В. А. Жебокрицкий, Болгария во время балканских войн 1912-1913 гг., с. 112:

լով հակառակորդից: Եվ եթե նա կարողացավ այդքան երկար ժամանակ դիմանալ, ապա դրա համար թուրքերն անշուշտ պարտական էին բերդապետ Շուքրի փաշայի երկաթյա կամքին և ռազմական հազվադեպ ընդունակություններին, որոնց համար նա իրավամբ իր սուլթանի կողմից արժանացել էր «Ղազի» («Անհաղթ») տիտղոսին:

Պատերազմում Ադրիանուպոլսի բերդապահ զորքի կատարած դերը թուրքերի համար հսկայական էր: Այն իր շուրջն էր կենտրոնացրել բուլղարական բանակի մի շատ խոշոր մասը և նրան դատապարտել անգործություն: Եթե Ադրիանուպոլիսը Կրրիս-Քիլիսե և մյուս բերդերի պես շուտ ընկած լիներ, ապա բուլղարները վաղուց մտած կլինեին Կ. Պոլիս:

Ադրիանուպոլիսը կիսեց ու թուլացրեց բուլղարական հաղթական բանակը, և դրանով իսկ թուրքերը ժամանակ ստացան այն աստիճան ամրացնելու մայրաքաղաքի նախադուռը համարվող Չաթալջան, որ բուլղարներն իրենց առաջ ունեին գրեթե անխորտակելի մի պատնեշ:

Մեծ կորուստներ տալուց զատ ամբողջապես գերի ընկավ Ադրիանուպոլսի թուրքական կայազորը՝ հրամանատար Շուքրի փաշայի հետ: Գերվեցին ուրիշ 14 փաշաներ ևս: Հաղթողների ձեռքն անցած ավարը, որը գնահատվում էր 150 միլիոն ֆրանկ, հավասարապես պիտի բաժանվեր սերբերի և բուլղարների միջև:

Ադրիանուպոլիսն ընկնելուց հետո թուրքերը չէին ուզում այդ մասին խոսել անգամ, շատերը սին հույսեր էին փայփայում, իսկ անմիտ զանգվածը կերակրվում էր հետին նպատակով հեյուրված ստերով: Նույնիսկ լուրեր էին տարածվում, թե «հերոսական թուրք բանակը գրավել է Բելգրադը»:

Ադրիանուպոլսի այդ մեծ հաղթանակի առթիվ Սոպրանիեում բուլղար վարչապետ Մ. Գեչովը հետևյալ հայտարարությունն էր արել. «Պուլղար զինուորը, իր սերպ եղբօր միացած, իր արիւնով, Պալքանեան պատմութեան մէջ գրեց փառաւոր էջ մը, որ համաշխարհային պատմութեան մէջ յիշատակելի պիտի մնայ: էտիրնէ, թրքական երկրորդ մայրաքաղաքը, Պալքանեան առաջին բերդաքաղաքը, երէկ գրաւուեցաւ: Այն աւանդութիւնը թէ պուլկար զինուորները ամրութեանց դէմ չեն կրնար

պայքարիլ, հիմա օդը ցնդեցաւ: Երէկի յաղթանակը մեծ ուրախութեամբ մը կը լեցնէ պուկար ազգը, որուն ցաւը մեծ է՝ խորհելով այն հերոսներուն՝ որոնք ինկան ձակատամարտի դաշտին վրայ»<sup>1</sup>:

Շուքրի փաշայի անձնատրուիթյան ժամին ձերբակալվեցին նաև քաղաքի պաշարման ժամանակ մեծ դեր խաղացած Ռիֆաթ, Իբրահիմ, Նազըմ, Հյուսամեդդին, Ազիզ փաշաները, Ռիզա, Քյազիմ, Ռեմզի, էյուբ, Ազիլ, Ջեմալ բեյերը<sup>2</sup>:

Գերի վերցվեց 51 հազար զինյալ, որոնց թվում՝ չորս զորաբաժնի և 8 զորագնդի հրամանատարներ, 1200 սպա: Գերված սպաների մեջ կար 64 գերմանացի, որոնց թվում էին զնդապետներ Լեմանը և Տորչևսկին<sup>3</sup>, 18 ուսմիւնացի, 6 բելգիացի<sup>4</sup>:

Մեծ էին մարդկային կորուստները: Եթե հաշվի առնենք, որ Ադրիանուպոլսի պաշարման ժամանակ այստեղ թուրքական զորքի թիվը հասնում էր 72 հազարի, իսկ քաղաքը գրավելուց հետո այդ թիվը իջել էր 50 հազարի, դրանից հետևում է, որ թուրքերը տվել էին 22.000 սպանված ու վիրավոր<sup>5</sup>:

Հաղթողների ձեռքն անցավ հարուստ ավար: Գրավվել էր 460 թնդանոթ, որոնցից չուրջ 300-ը հետագա օրերին ուղարկվեց Չաթալչայի գիծը<sup>6</sup>: Շուքրի փաշայի հրամանով թուրք զինվորները հասցրել էին պայթեցնել զինամթերքի ու սննդի պահեստների մի մասը միայն. մնացածը անխաթար անցավ բուլղար զորամասերի ձեռքը: Քաղաքում թուրքերն ամբարել էին մեծ քանակութամբ սննդամթերքի պաշարներ՝ հատկապես աղ դրած և սառեցրած մսի զգալի պաշար<sup>7</sup>: Պահեստներից հանվեց չուրջ 18 հազար զինվորական վերնահագուստ, այդ թվում՝ 10 հազարից ավելի վերարկու<sup>8</sup>:

---

<sup>1</sup> Տե՛ս «Ժամանակ», № 1401, 19 մարտի (1 ապրիլի) 1913 թ.:

<sup>2</sup> Տե՛ս «Ժամանակ», № 1406, 24 մարտի (6 ապրիլի) 1913 թ.:

<sup>3</sup> Տե՛ս «Ժամանակ», № 1401, 19 մարտի (1 ապրիլի) 1913 թ.:

<sup>4</sup> Տե՛ս «Աւետարներ», № 14, 5 ապրիլի 1913 թ.:

<sup>5</sup> Տե՛ս «Ժամանակ», № 1403, 21 մարտի (3 ապրիլի) 1913 թ.:

<sup>6</sup> Տե՛ս «Աւետարներ», № 14, 5 ապրիլի 1913 թ.:

<sup>7</sup> Տե՛ս «Ժամանակ», № 1326, 2 (15) հունվարի 1913 թ.:

<sup>8</sup> Տե՛ս «Ժամանակ», № 1401, 1 ապրիլի 1913 թ.:

Քիչ չէին դաշնակից զորքերի կորուստները: Քաղաքի գրավման ժամանակ բուլղարների կորուստները կազմել էր 11 հազար մարդ<sup>1</sup>, սերբերինը՝ 1167 սպանված և 1715 վիրավոր<sup>2</sup>:

Քաղաքի անկումից հետո այնտեղ մեծ չփոթ էր ու իրարանցում. փողոցներում ու հրապարակներում խոնված էին բոլորը՝ թուրքեր, բուլղարներ, հույներ, սերբեր, հայեր<sup>3</sup>: «Ժամանակ» թերթը հաղորդում էր, որ քաղաքում ժամ առ ժամ բազմապատկվում է բուլղարական դրոշների թիվը: Մահմեդականներից ոմանք էլ կրծքներին կախում էին խաչ<sup>4</sup>: Միաժամանակ շարունակվում էր բնակիչներից շատերի փախուստը քաղաքից, թեև բուլղարական զինվորական հրամանատարությունը խստիվ արգելել էր խտրական վերաբերմունքը մահմեդականների նկատմամբ: Եթե պատերազմից առաջ Ադրիանուպոլսի բնակիչների թիվը նրա կենտրոնական մասում (առանց արվարձանների) 75.000 էր, ապա 1913 թ. հունվարի դրությամբ իջել էր 50.000-ի, իսկ ապրիլի դրությամբ՝ մոտ 42.000-ի<sup>5</sup>:

Քաղաքի բնակչության կրած բոլոր դժվարությունները կիսում էր բերդաքաղաքի հայ բնակչությունը: Անցած ամիսների ոմբակոծությունների ընթացքում նա մեծ կորուստներ էր կրել: Ադրիանուպոլսում հայերը հիմնականում ապրում էին Աթ-Մեյդան թաղում, որը ոմբակոծության ժամանակ մեծ ավերածությունների էր ենթարկվել: «Հայ այրեր, կիներ ու տղաքներ ի՛նչ տառապանքներու տոկացին, ի՛նչ հերոսութիւններ ցուցուցին, ի՛նչ անձնուիրութեամբ ապրեցան և մեռան...», - գրում էր Կ. Պոլսի «Աւետարներ» թերթի Ադրիանուպոլսի թղթակիցը: Տեղի հայոց թեմի առաջնորդ Ղևոնդ վրդ. Դուրյանը գերազանց էր կատարում հայ համայնքի գոյապահման կազմակերպման գործը: «Եւ հպարտութեամբ կը յիշենք, - նշում էր «Աւետարները», -

---

<sup>1</sup> Տե՛ս «Աւետարներ», № 14, 5 ապրիլի 1913 թ.:

<sup>2</sup> Տե՛ս «Ժամանակ», № 1408, 26 մարտի (8 ապրիլի) 1913 թ.:

<sup>3</sup> Տե՛ս «Ժամանակ», № 1410, 28 մարտի (10 ապրիլի) 1913 թ.:

<sup>4</sup> Տե՛ս «Ժամանակ», № 1409, 27 մարտի (9 ապրիլի) 1913 թ.:

<sup>5</sup> Տե՛ս «Ժամանակ», № 1326, 2 (15) հունվարի 1913 թ.:



Թե այս բազմաթիվ ոչ-պատերազմի հերոսներուն մեջ կը գտնուի նաև Հայ եկեղեցական մը, տեղւոյն Առաջնորդ Ղեւոնդ վարդ. Դուրեան: Մեր լսածին նայելով այս համակրելի եկեղեցականը հրաւիրուած է պաշարումէն առաջ թողուլ իր թեմը եւ Պոլիս գալ, սակայն ան ընդունած չէ այդ հրաւերը՝ նախապատիւ համարելով իր հօտին մէջ մնալ, ինչ որ ալ ըլլայ արդիւնքը: Եւ պաշարման եւ սովի եւ տառապանքի երկար օրերուն մէջ իր ժողովուրդին հետ ապրող, անոնց զրկանքի եւ վիշտի ընկեր ըլլալու յօժարող: Յիսուսի արժանաւոր այս աշակերտին մեր եղբայրական ձեռքը կ'երկարենք, անոր վրայ մեր հիացումը կը յայտնենք եւ Աստուծոյ օրհնութիւնը կը հայցենք»<sup>1</sup>:

Պաշարման ամիսներին Հայ և քրիստոնյա մյուս բնակիչներին անմոռանալի աջակցութիւն ցուցաբերեց քաղաքում ոուսական հյուպատոս Կլիմենկոն: Նրա ջանքերով հյուպատոսարանն իր պաշտպանութեան տակ էր վերցրել քաղաքի ոուսաց գաղութը և քրիստոնյա ազգաբնակչութեանը: Կլիմենկոյի կարգադրութեամբ հյուպատոսարանը սովամահութեան չենթարկվելու համար միջերք և դրամ էր բաժանում իր պաշտպանութեան տակ առած բնակչութեանը:

Ռմբակոծութիւնից սպանված կամ վիրավոր Հայ բնակիչների թվին գումարվել էին թուրքական կայազորում ծառայող Հայ զինվորների կորուստները:

Քաղաքը գրավելիս թուրքական բանակի Հայ զինվորների մի մասը ապաստանել էր հայկական եկեղեցում և հայերի տներում: Շուքրի փաշայի և գերի ընկած բոլոր թուրք զինվորականների նկատմամբ հսկողութիւն սահմանվեց, իսկ գերված Հայ, հույն և հրեա զինվորներն ազատ արձակվեցին: Տեղի առաջնորդի կարգադրութեամբ Հայ գերյալները տեղավորվեցին հայկական վարժարանի շէնքում: Այստեղ մի քանի օր կիսաքաղց վիճակում մնալուց հետո նրանք հեռացան տարբեր կողմեր՝ յուրաքանչյուրն իր գլխի ճարը տեսնելու:

Բուլղար և սերբ կառավարութիւնների հրահանգով Ադրիա-

---

<sup>1</sup> Տե՛ս «Աւետարեք», № 14, 5 ապրիլի 1913 թ.:

նուպոլսի գրավման ժամանակ Թուրքական կայսրոսի կազմում գերի ընկած հայ զինվորները շատ շուտով ազատ արձակվեցին և ստացան որոշ գումար, ապա նրանց Թուլյատրվեց վերադառնալ հայրենիք:

Գերությունից ազատված հայ երիտասարդների մի մասը՝ հիմնականում բրուսացիներ և սասունցիներ, անցավ Կովկաս և հավաքվեց Թիֆլիսում՝ հայրենիք վերադառնալու համար: Բայց այնտեղ նրանց խորհուրդ տվեցին առայժմ չմեկնել Թուրքահայաստան՝ զգուշացնելով, որ Թուրք իշխանություններն անպայման կբռնեն և նորից կուղարկեն պատերազմի դաշտ:

Բայց հայրենիքի կարոտն ուժեղ էր ամեն խոչընդոտից, ուստի նրանց մի մասը մեկնեց Երևան, Ալեքսանդրապոլ և Կարս՝ սահմանին մոտ լինելու, որպեսզի հարմար պահի մեկնեին հայրենիք՝ պաշտպան կանգնելու իրենց հարազատների կյանքին և ունեցվածքին:

Գերված Շուքրի փաշան Ադրիանուպոլսից ուղարկվեց Սոֆիա: Նրա հետ էին թնդանոթաձիգների հրամանատար Իսմայիլ փաշան և էդհեմ փաշան, նաև՝ ուրիշ 10 բարձրաստիճան զորահրամանատարներ<sup>1</sup>:

Մարտի 29-ի վաղ առավոտյան Շուքրի փաշան հասավ Սոֆիայի երկաթուղային կայարան: Նա միայն սուր էր կրում: Բուլղարական կառավարութունը նրան ընդունեց հաղթողին վայել վեհանձնությամբ: Հանգստանալու և կազդուրվելու համար զորավարին տրամադրվեց մայրաքաղաքի ամենաչքեղ ապարանքներից մեկը<sup>2</sup>:

Ադրիանուպոլսի ակնումը Թուրքերին խորը հուսահատություն մատնեց, մյուս կողմից ծնում էր վրեժխնդրություն անհազ զգացումներ: Թուրքական մամուլի համարյա բոլոր օրգանները Թուրք բնակչության մեջ ատելություն էին բորբոքում բոլոր քրիստոնյաների, հատկապես կայսրության քրիստոնյա բնակչության նկատմամբ:

---

<sup>1</sup> Տե՛ս «Ժամանակ», № 1406, 24 մարտի (6 ապրիլի) 1913 թ.:

<sup>2</sup> Տե՛ս «Ժամանակ», № 1409, 21 մարտի (3 ապրիլի) 1913 թ.:

Աղանայում թուրքերեն լույս տեսնող «Բաբաղան» թերթը 1913 № 30-ում բոլոր թուրքերին կոչ էր անում ռիսակալության. «Հայրենակիցներ՛ր, իմացա՞ք, որ թշնամին հազարավոր մարդկային կորուստներ կրելուց և միլիոններ ծախսելուց հետո, վերջապես, գոհացրեց իր ակտորժակը էդիրենն նույնպես գրավելով: Վաղը այնտեղ, ինչպես ամեն տեղ, մեր մզկիթների վրա պիտի տնկվեն խաչեր և մեր մինարեթների վրա զանգեր պիտի կախվեն: Մեր աղջիկների պատիվը պիտի բռնաբարվի, միաժամանակ Ղուրանի էջերը պիտի պատառ-պատառ արվեն: Թշնամին իր խմելիք գինին ներկելու է իսլամական արյան մեջ: Ո՞վ գիտե, թե իր սուր ատամներով նա որչա՞մի թուրքերի միս պիտի ծամի: Հայրենակիցներ, չորս ամսից ի վեր չկարողացանք ազատվել այդ գայլերից, որոնք մեզ շրջապատել են: Մեր նահանգից (Աղանայի – Հ. Ս.) 6-7 անգամ մեծ մի երկիր (նկատի ունի եվրոպական Թուրքիայի մեծ մասը՝ Ռոմելիան – Հ. Ս.) արդեն գտնվում է թշնամու ձեռքում»<sup>1</sup>:

Այնուհետև «Բաբաղանը», այլազգիների նկատմամբ թուրք տարրի դարերով կատարած անմարդկային արյունալի արարքները վերագրելով եվրոպացիներին՝ որպես նրանց հատուկ չարիքներ, գրում էր. «Սովալլուկ թշնամին իսլամական միս կերավ և իր ծարավը հագեցրեց թուրքական արյուն խմելով: Նրա հրամանատարները մեր աղջիկներին ստիպեցին պարել մեր [էդիրենի] մզկիթներում, իսկ մեր գերեզմանատները վերածեցին տոնավաճառների: Հայրենակի՛ց այս բոլորը չմոռանաս»:

Երբ բալկանյան ռազմաճակատներում շարունակվում էին արյունալի կռիվները, երբ պատերազմող կողմերի ներկայացուցիչներին յուրաքանչյուրն այդ նույն ժամանակ Լոնդոնում առավելագույնն էր անում իր երկրի համար ավելի շահեկան արդյունքներ ձեռք բերելու նպատակով, այդ նույն ժամանակ իրենց ազգի հոգսերով ու ապագայով մտահոգ հայ գործիչները, ինչպես նաև Հայաստանի եվրոպական և ռուսաստանյան բարեկամները շարունակում էին մեծ ջանքեր Հայկական նահանգ-

---

<sup>1</sup> «Ժամանակ», № 1409, 21 մարտի (3 ապրիլի) 1913 թ.:

ներում նոր զանգվածային կոտորածների առաջն առնելու համար:

Մահմեդականների վերաբերմունքը քրիստոնյաների նկատմամբ այնքան սպառնալից էր դարձել, որ մեծ պետությունների Կ. Պոլսի ղեսպանները իրենց կառավարություններին հուշում էին Բոսֆորի ջրերում խարիսխ ձգած իրենց ռազմանավերից պահակազորք մտցնել օսմանյան մայրաքաղաք:

Եթե այսպես սպառնալից էր դրությունը Պոլսում՝ եվրոպացիների աչքի առաջ, ապա կարելի էր պատկերացնել, թե ինչպիսին էր վիճակը հայաբնակ խուլ վայրերում, ուր հայկական մեծ կոտորածների հիշողությունը դեռ թարմ էր ամենքի մեջ:

Այժմ հարց էր ծագում, թե Ադրիանուպոլսի անկումով վերջանալու է արդյոք պատերազմը, թե՞ բուլղարները ստիպված պիտի լինեն իրենց բոլոր ուժերը հավաքել՝ խորտակելու նաև Չաթալջան և մտնելու օսմանյան մայրաքաղաք:

Ադրիանուպոլսի անկումով և Չաթալջայի ակնկալվող գրոհով անհանգստացած Ռուսաստանը բուլղարներից պահանջեց անհապաղ դադարեցնել ռազմական գործողությունները: Մտածելով, որ բուլղարները կարող են հիմնավորվել նեղուցներում, Ռուսաստանը մարտական պատրաստության բերեց սևծովյան նավատորմը և պատրաստվեց դեսանտ իջեցնել Կոստանդնուպոլսում:

Ինչպես 1912 թ. նոյեմբերին, այնպես էլ հիմա Ռուսաստանը ձգտում էր այն բանին, որ բուլղարական բանակի Կոնստանդնուպոլիս մտնելու ղեպքում Բոսֆորի ջրերում հզոր ուսական ուժեր կենտրոնացած լինեին, որոնք ընդունակ կլինեին իրենց ներկայությունամբ իսկ անհրաժեշտ ճնշում գործադրելու, եթե Կոստանդնուպոլսի և նեղուցների վերաբերյալ հարցը ընթանար Ռուսաստանի համար ոչ ցանկալի ուղղությամբ: Ուստի նա Բուլղարիային առաջարկեց չնախաձեռնել Չաթալջայի գրոհը և բավարարվել Էնոս-Միդիա գծով: Փոխարենը նա խոստացավ սատարել Բուլղարիայի պահանջները ռազմատուգանքի հարցում:

## ԹՈՒՐԻՔԱԿԱՆ ԲԱՆԱԿԻ ՆՈՐ ՊԱՐՏՈՒԹՅՈՒՆՆԵՐԸ

Թուրք-բալկանյան պատերազմը շարունակվում էր:

Դաշնակից բալկանյան երկրների տարած հաղթանակները մի պահ մոայլվեցին մակեդոնացի մի հույն անարխիստի կողմից 1913 թ. մարտի 5-ին Հունաստանի Գեորգ I թագավորի սպանությամբ<sup>1</sup>: Դա կարճատև հույս ներշնչեց թուրքերին, թե դա կարող է ռազմաճակատի հունական հատվածում նոր բարդությունների պատճառ դառնալ: Բայց այդ սպանությունը ոչ մի փոփոխություն առաջ չբերեց կովի դաշտում, և դաշնակից զորքերը շարունակեցին իրենց հարձակողական գործողությունները:

1913 թ. մարտ ամսին խոչոր հաջողությունների հասան հունական զորքերը: Նրանք ծանր մարտերով առաջացան էգեյան ծովի հարակից եզերքներով և վերջապես գրավեցին Սալոնիկը<sup>2</sup>:

Բալկանյան դաշնակիցների նոր հաղթությունները եվրոպական տերություններին ստիպեցին նորից դիմումներ անել պատերազմող կողմերին՝ վերջ տալու պատերազմին և հաշտություն կնքելու:

Բայց այդ միջոցին տեղի ունեցավ մի ուրիշ դեպք, որը մթազնեց քաղաքական հորիզոնը և սպառնում էր առաջ բերել միջազգային նոր բարդություններ: Չերնոգորցիներն սկսել էին ուժեղացնել Սկյուտարի (Շքոտրա) բերդը, որին տիրանալ էր հավակնում Ալբանիան: 1913 թ. ապրիլի 11 (24)-ին չերնոգորյան զորքերը ուժգին գրոհով մտան Սկյուտար<sup>3</sup>: Գործին խառնվեց Ավստրիան և առաջարկեց բերդը հանձնել իր հովանավորյալ Ալբանիային: Նա գտնում էր, որ Սկյուտարը ապագա անկախ Ալբանիայի ավանդական մայրաքաղաքն է: Բոլորը գիտեին, որ Ավստրիան աչք ունի Ալբանիայի վրա, որը իր ազդեցություն

---

<sup>1</sup> Տե՛ս *К. Рот, История христианских государств Балканского полуострова*, С.-Петербург, 1914, էջ 118:

<sup>2</sup> Նույն տեղում:

<sup>3</sup> Տե՛ս *Еджидио Иветич, Балканските войни*, էջ 181:

տակ գցելով՝ նա այդ երկրի տարածքով նույնպես ելք կունենար դեպի ծով: Այն բանից հետո, երբ Չերնոգորիան անուշադրութեան մատնեց այդ պահանջը, ավստրիական կառավարությունը վերջնագիր ներկայացրեց նրան՝ սպառնալով գործնական միջոցների դիմել, եթե վերջինս համառոի չկատարել Սկյուտարի նկատմամբ իր պահանջը:

Սակայն Չերնոգորիան շարունակում էր պաշարած պահել Սկյուտարը՝ իր հույսը կապելով Ռուսաստանի աջակցությունը, որը, սակայն, պատրանքային եղավ: Թեև Ռուսաստանի հասարակական կարծիքը պահանջում էր անվերապահ աջակցել Չերնոգորիային, բայց կառավարությունը բռնել էր չափազանց զգուշավոր դիրք:

Չերնոգորիայի կողմից կտրական մերժում ստանալուց հետո Ավստրիան դիմեց Լոնդոնի դեսպանախորհրդին և առաջարկեց պետությունների միացյալ ծովային ցույց կազմակերպել: Առաջարկն ընդունվեց:

Սկզբում ենթադրվում էր, որ Ռուսաստանն այնուամենայնիվ չի մասնակցի Չերնոգորիայի դեմ ուղղված ծովային ցույցին, մանավանդ որ երկրի հասարակական կարծիքը սաստիկ վրդովված էր Ավստրիայի դեմ: Բայց կառավարությունը հայտարարեց, որ Ռուսաստանը միանում է եվրոպական մեծերի որոշմանը, թեև իր նավերը չեն ուղարկվելու Չերնոգորիայի ափերը:

Ռուսական դիվանագիտությունը քաջ գիտակցում էր, որ ծովային ցույցը ոչ միայն ուղղված է Չերնոգորիայի, այլև նրա դաշնակիցներ Սերբիայի, Բուլղարիայի և Հունաստանի, լայն առումով սլավոնական աշխարհի, հետևաբար՝ անուղղակի հենց Ռուսաստանի դեմ:

Ռուսական կառավարության այդ զիջողականությունը թելադրված էր համաեվրոպական ընդհանուր աղետալի պատերազմ առաջ գալու վախով, պատերազմ, որին երկիրը դեռ պատրաստ չէր:

Այսպիսով, Եռյակ դաշնություն կազմող պետությունները (Գերմանիա, Ավստրիա, Իտալիա) ապացուցեցին, որ Եռյակ համաձայնության պետությունների (Անգլիա, Ֆրանսիա, Ռուսաստան) համեմատ իրենց ձայնը հնչում է ավելի բարձր:

Ամբողջ քրիստոնյա աշխարհի առաջ նրանք մեկ միլիոն հետամնաց, եվրոպական քաղաքակրթությունը համարյա անհաղորդ ալբանացիների համար ստեղծեցին առանձին պետություն, թեև պետք է նշել, որ մյուս կողմից ալբանացիները արժանի էին այդ մեծ երջանկությունը, քանզի թուրքական բռնակալական լծից իրենց ազատությունը նրանք նվաճել էին գեներլ ուժով:

1913 թ. մարտը պատմության մեջ մտավ որպես Եվրոպական Թուրքիայում օսմանյան վերջին հենակետերի ջախջախման ամիս: Մեկը մյուսի հետևից ընկան մի շարք քաղաքներ: Ադրիանուպոլսի անկումից հետո բուլղարները նետվեցին Կոստանդնուպոլսի վրա և կանգ առան նրանից ոչ հեռու՝ Չաթալջայի ամրությունների դիմաց<sup>1</sup>:

Բուլղարական բանակի հրամանատարության կողմից մշակված ռազմական պլանի համաձայն՝ Չաթալջայի ամրությունների գրավմանը պիտի մասնակցեին 225 հազար բուլղար զինվոր: Այդ ճակատի հրամանատար Բոբրիկովը հայտարարել էր, որ իր բանակի պահպանման օրական ծախսը մեկ միլիոն ֆրանկ է, և որ արդեն ծախսվել է 60 միլիոն<sup>2</sup>: Մարտի 11 (24)-ից մինչև մարտի 19 (ապրիլի 2)-ը Չաթալջայի համար ճակատամարտում թուրքերը հերթական սոսկալի պարտություններ կրեցին:

Հարց էր ծագում. Ադրիանուպոլսի անկումով արդյո՞ք վերջանալու է պատերազմը, թե՞ բուլղարները ստիպված պիտի լինեին հավաքել իրենց վերջին ուժերը, խորտակել նաև Չաթալջան և մտնել Կ. Պոլիս:

---

<sup>67</sup> Տե՛ս Կ. Քոմ, *История христианских государств Балканского полуострова*, էջ 127:

<sup>67</sup> Տե՛ս «Ժամանակ», № 1345, 21 հունվարի (3 փետրվարի) 1913 թ.:

## ՀԱՇՏՈՒԹՅՈՒՆ

Հսկայական էր թուրք-բալկանյան պատերազմում երկու կողմերի զոհերի թիվը:

Թուրքիան տվել էր 200.000 սպանված: Միայն Կըրթս-Քիլիսի, Լյուլե-Քուրգազի և Չաթալջայի մոտ զոհվել էր 50.000 մարդ, որից 30.000-ը՝ Չաթալջայում: Սովից ու տարափոխիկ հիվանդություններից օրական մեռել էր 600-700 մարդ: Գերվել էր 15.000 զինվոր ու սպա: Միայն Մակեդոնիայում ու Թրակիայում անհետ կորել էին 15.000 կին, երեխա, ծեր:

Բալկանյան դաշնակիցների զոհերի թիվը մոտավորապես նույնն էր, որքան Թուրքիայինը:

Այդպիսով, բալկանյան առաջին պատերազմում երկու կողմերից միայն սպանվածների թիվը կազմում էր մոտավորապես 500.000 մարդ: Բազմապատիկ էր վիրավորների թիվը<sup>1</sup>:

Կարելի էր պատկերացնել, թե մարդկային անչնչացած մարմինների ի՞նչ հսկայական կուտակում էր դա: Պետք է նաև երևակայել, թե պատերազմում ամուսինների, եղբայրների, ազգականների ու մերձավորների մահվամբ քանի՛-քանի միլիոնավոր մարդիկ էին նետվել դժբախտությունների գիրկը:

Ընդամենը մի քանի ամսում Թուրքիան կորցնում էր եվրոպական գրեթե բոլոր տիրույթները: Ադրիանուպոլսի և Չաթալջայի անկումը կատարելապես սարսափի էր մատնել թրքությունը, որն այլևս ոչ մի ուժ չուներ կոթնելու եվրոպական մասին:

Այնպես որ՝ երբ եվրոպական տերությունների ներկայացուցիչները կրկին հաշտություն առաջարկ ներկայացրին Բ. Դոանը, վերջինս առանց վարանման անմիջապես ընդունեց այն և 24 ժամը չբոլորած՝ հաղորդեց հաշտություն տրամադիր լինելու և պետությունների ներկայացրած պայմաններն ընդունելու մասին:

Շատ զարմանալի էր. անչափ նվաստացած թուրք ժողո-

---

<sup>1</sup> Տե՛ս «Նոր մամուլ» (Երևան), № 23 (81), 12 մայիսի 1913 թ.:



վուրդն առանց այլևայլության համակերպվում էր ստեղծված նոր դրությանը և ցույց չէր տալիս ոչ մի ըմբոստություն: Բայց հատկապես զարմանալին այն էր, որ նշված իրողություններին համակերպվել էր նաև Իթիֆհադը: Հաշտությունն ապամանազիր կնքելով՝ Կ. Պոլսի երիտթուրքական կառավարությունն ավելի մեծ պատասխանատվություն էր ստանձնում, քան դրանից առաջ հանձն էր առել Քեամիլ փաշայի իթիֆլաֆական կարինետը, որը ժամանակին ընդունել էր պետությունների միջնորդությունը՝ Թուրքիային ապահովելով տնտեսական և քաղաքական առավելություններ:

Թուրքիայի պարտությունը միանգամից լուծում էր երկու մեծ՝ մակեդոնական և ալբանական հարցերը: Դրանով տարօրինակ զուգադիպությունը լուծվում էր նաև 18-րդ դարի վերջին քառորդից սկսած և ամբողջ 19-րդ դարի ընթացքում տևած միջազգային դիվանագիտության ամենակնճոռոտ հարցերից մեկը՝ արևելյան հարցը, հենց այն ազգերի ձեռքով, որոնք այդ հարցի գլխավոր տարրերն էին:

Ահա այս պայմաններում էր, որ եվրոպական մեծ պետությունները բալկանյան դաշնակիցներին հասկացրին, որ իրենք մտադիր չեն Թուրքիային թողնել բախտի քմահաճույքին, թույլ տալ, որ սկսվի օսմանյան կայսրության փլուզումը:

Իբրև հաղթողներ՝ բալկանյան դաշնակից երկրները Թուրքիայից պահանջում էին պատերազմական տուգանք, բայց մեծ պետությունները դեմ էին դրան: Դաշնակիցները դեռ ուժեր ունեին արշավելու Կ. Պոլսի վրա և կատարելու պատմական առաքելություն՝ վերջ տալով թուրքական վայրագ և բարբարոս իշխանությունը, որի գոյությունը հակառակ էր 20-րդ դարի քաղաքակրթական արժեքներին: Բայց մեծ պետությունները փրկում էին նրան:

Ապրիլի 10 (23)-ին ղեսպանների Լոնդոնի կոնֆերանսը դաշնակիցներին առաջարկեց զաղարեցնել ռազմական գործողությունները և հաշտություն բանակցություններ սկսել Թուրքիայի հետ: Կոնֆերանսը նաև կովող կողմերին առաջարկեց հաշտության պայմանագրի նախագիծ: Բայց բալկանյան դաշնակիցները դանդաղում էին այն ընդունել: Բուլղարիան

պահանջում էր, որ պայմանագրում նշվեր այն սահմանագիծը, որն իրեն ավելի կմոտեցնեի Կոստանդնուպոլսին: Սերբիան ազատ ելք էր պահանջում դեպի Ադրիատիկ ծով: Հունաստանը չէր ցանկանում տերութուններին վստահել կղզիների և Ալբանիայի հարավային սահմանների ճակատագրի լուծումը: Բուլղարիայի պահանջները մերժվեցին Լոնդոնի կոնֆերանսի կողմից: Սերբիային դեպի Ադրիատիկ ազատ առևտրային ելք տրամադրելու հարցը որոշվեց ոչ թե ընդգրկել պայմանագրում, այլ՝ Ալբանիայի ստատուսի մեջ: Հունաստանը հատկապես եռանդով էր ներկայացնում իր պահանջները՝ վախենալով, որ կղզիների և Ալբանիայի սահմանի մասին հարցը լուծելու ժամանակ մեծ տերութունները հաշվի չեն նստի իր շահերի հետ:

Այդ ամենին միանում էին Ռումինիային վերաբերող խնդիրները:

Դեսպանների Լոնդոնի կոնֆերանսը բուլղարա-ռումինական հակամարտությունը քննարկելիս որոշեց հարցը տեղափոխել Պետերբուրգում կայանալիք դեսպանների խորհրդակցություն: 1913 թ. մայիսի 9-ին դեսպանների խորհրդակցությունը Պետերբուրգում որոշում կայացրեց, որով Սիլիստրիան անցնում էր Ռումինիային: Ռումինիայի մնացած տարածքային պահանջները մնացին չբավարարված: Բուլղար-ռումինական հակամարտության սրացման ընթացքում Ավստրո-Հունգարիան և Իտալիան Բուլղարիային առաջարկեցին Սալոնիկը՝ որպես հատուցում Սիլիստրիայի դիմաց՝ դրանով ցանկանալով Բուլղարիային իրենց կողմը քաշել, սրել հակասությունները նրա ու Հունաստանի միջև և այսպիսով քայքայել Ռուսաստանի ստեղծած բալկանյան բլոկը, որն առաջին հերթին ուղղված էր Եռյակ զինակցություն դեմ: Պետերբուրգի խորհրդակցությունում Ավստրո-Հունգարիայի և Իտալիայի դեսպանները հանդես եկան Սալոնիկը Բուլղարիային հանձնելու առաջարկությամբ, բայց վճռական դիմադրություն հանդիպեցին Սազոնովի և Ռուսաստանի մյուս երկու դաշնակիցների կողմից<sup>1</sup>:

---

<sup>1</sup> Տե՛ս *А. А. Могилович, М. Э. Айрапетян, На путях к мировой войне 1914-1918 гг., стр. 155:*

Տերությունները, հատկապես Անգլիան, 1913 թ. մայիսի կեսերից Լոնդոնի կոնֆերանսում մեծ ակտիվություն էին հանդես բերում դադարեցնելու ռազմական գործողությունները և պատերազմող կողմերին ստիպելու կնքել հաշտության պայմանագիր: Բայց պայմանագրի ստորագրումը ձգձգվում էր: Վերջապես Անգլիան վճռականապես ասպարեզ իջավ: Արտգործնախարար էդուարդ Գրեյը կտրականապես հորդորեց բալկանյան դաշնակիցներին, որ եթե նրանք չստորագրեն տերությունների մշակած հաշտության նախապայմանների փաստաթուղթը, ապա ինքն այլևս անիմաստ է համարում նրանց ներկայացուցիչների ներկայությունը Լոնդոնում: Նա համանման առաջարկ արեց նաև կոնֆերանսի օսմանյան պատվիրակության ղեկավարին: Բուլղարական և օսմանյան պատվիրակություններն անմիջապես արձագանքեցին Գրեյի առաջարկությանը, իսկ մյուսները հրահանգ ստանալու համար դիմեցին իրենց կառավարություններին, որոնց դրական պատասխանը չուշացավ: Բոլորի արձագանքը եղել էր դրական:

1913 թ. մայիսի 17 (30)-ին ստորագրվեց հաշտության նախական պայմանագիր դաշնակիցների և Թուրքիայի միջև:

Այսպես ավարտվեց 8 ամիս՝ 5 (18) հոկտեմբերի 1912 թ. մինչև 1 (30) մայիսի 1913 թ. տևած առաջին Բալկանյան պատերազմը:

Պայմանագիրը ստորագրելուց հետո Սեյնթ Ջեյմսի պալատում ներկա գտնվող էդուարդ Գրեյը ֆրանսերեն ճառով Անգլիայի թագավորի ու կառավարության անունից գոհունակություն հայտնեց բոլոր պատվիրակներին՝ հաշտության թուղթը ստորագրելու պատրաստակամություն դրսևորելու համար: Հաշտության պայմանագրի կնքումից հետո Գրեյը մի ուրիշ ճառով կատարյալ խաղաղություն ու բարգավաճում մաղթեց պատերազմի բովով անցած բոլոր երկրներին<sup>1</sup>:

Բալկանյան առաջին պատերազմի թողած ավերներն ու մարդկային կորուստները հսկայական էին մասնակից բոլոր երկրների համար:

---

<sup>1</sup> Տե՛ս «Աւետաբեր», № 23, 7 հունիսի 1913 թ.:

Տարածքային և կենդանի ուժի մեծ կորուստներ էր կրել Թուրքիան:

Ինչպես Եվրոպական, այնպես էլ Ասիական Թուրքիայի բաժանումը Եվրոպան համարում էր միայն հեռավոր ապագայի խնդիր: Բայց դիվանագիտությունը սխալվեց. նա չէր նկատել այն պատճառները, որոնք խարխլում էին թուրքական պետության հիմքերը: Դա թույլ էր տվել կարճ ժամանակում ծնկի բերել ահարկու կայսրությունը: Բոլոր այն ծրագրերը, որոնք մշակված էին Թուրքիան միայն հեռավոր ապագայում բաժանելու ենթադրություն վրա, Բալկանյան պատերազմի արդյունքում քանդվեցին:

Տրիպոլիտանական պատերազմում իր աֆրիկյան, իսկ բալկանյան պատերազմում իր եվրոպական երկրները կորցնելուց հետո Օսմանյան կայսրությունը դառնում էր սոսկ ասիական մի պետություն: Բալկանյան պատերազմից առաջ Թուրքիան Եվրոպայում տեր էր 170.000 քառակուսի կիլոմետր կազմող մի երկրամասի: Միայն Եվրոպայում Թուրքիան ուներ այնքան տարածություն, որքան ունեին Բուլղարիան և Հունաստանը միասին վերջրած: Ըստ հաշտության համաժողովին ներկայացրած դաշնակիցների առաջարկի, Եվրոպայում Թուրքիային մնացած հողամասը պիտի պարունակեր Չաթալջայի շրջանը, այսինքն՝ մոտավորապես Ադրիանուպոլսի կուսակալության կեսը, որը կազմում էր 20.000 քառ. կմ: Եվրոպայում թուրքական այդ տարածքը վերածվեց Ասիական Թուրքիայի հավելվածի: Հավելենք նաև, որ ըստ «Պահակ» (Բոստոն) թերթի հաղորդած տվյալների, Օսմանյան կայսրության եկամուտների մեկ քառորդը ստացվում էր Եվրոպական Թուրքիայից, որի կորուստը մեծ հարված էր կայսրության տնտեսության համար<sup>1</sup>:

Կտրուկ տեղաշարժեր էին կատարվել նաև Օսմանյան կայսրության բնակչության թվական կազմում: Մեկ տարի դրանից առաջ նրա բնակչությունը հաշվվում էր 20 միլիոն մարդ, որի 8 միլիոնը՝ Եվրոպայում, 2 միլիոնը՝ Աֆրիկայում: Այժմ այդ կայս-

---

<sup>1</sup> Տե՛ս «Պահակ», № 28, 21 օգոստոսի 1913 թ.:

րությունն ուներ միայն 11 միլիոն ժողովուրդ, որից մեկ միլիոնը Կ. Պոլսում և նրա շրջակայքում: Մինչև պատերազմը Թուրքիայի եվրոպական մասի բնակչութունն իր թվով ավելին էր Բուլղարիայի և Հունաստանի բնակչութունից միասին վերցրած, իսկ այժմ այնտեղ Թուրքիային մնացած 20.000 քառ. կիլոմետրի վրա հաշվվում էր 2 միլիոնից էլ պակաս բնակչութուն:

Մարդկային հսկայական կորուստներ էին ունեցել բոլոր պատերազմող կողմերը: Բուլղարիան, Սերբիան, Հունաստանը, Չեռնոգորիան և Թուրքիան միասին վերցրած տվել էին ոչ պակաս 400.000 սպանված և պատերազմի վրա ծախսել էին 2.6 միլիարդ ռուբլի<sup>1</sup>:

Գնահատելով Թուրքիայի դեմ 1912 թվականին մղված բալկանյան պատերազմի արդյունքները՝ Լենինը գրել է. «Չնայած Բալկաններում կազմակերպվել է միապետութունների դաշինք և ոչ թե հանրապետութունների դաշինք, չնայած դաշինքը գոյացել է պատերազմի շնորհիվ և ոչ թե հեղափոխության, - չնայած դրան, խոշոր առաջընթաց քայլ է արված ամբողջ Արևելյան Եվրոպայում միջնադարի մնացորդները կործանելու համար»<sup>2</sup>:

## **ՀԱՅԿԱԿԱՆ ՎԱՇՏՐԸ ԲԱԼԿԱՆՑԱՆ ԱՌԱՋԻՆ ՊԱՏԵՐԱԶՄԻ ԵՐԿՐՈՐԴ ՓՈՒԼՈՒՄ**

Հայկական վաչտը աշխարհագորի կազմում մասնակցեց բուլղարական առաջին պատերազմի ավարտական փուլի մի շարք մարտերի: Պատվով կատարելով Մարմարա ծովի ափերի պաշտպանությունը՝ նա 1913 թ. հունվարի 22-ին մասնակցում է Մերեֆտի քաղաքի ազատագրմանը: Վաչտի հարձակման տեղամասում թուրքերը մեծ կորուստներ կրեցին, հարյուրավոր ենիչերիներ գերի հանձնվեցին:

Հունվարի 23-ին Շար-Քեո շրջանում վաչտը մարտի բռնվեց

---

<sup>1</sup> Տե՛ս «Պահակ», № 28, 21 օգոստոսի 1913 թ.:

<sup>2</sup> Վ. Ի. Լենին, ԵԼԺ, հատ. 22, էջ 189:

Թուրքական մեծաքանակ ղեսանտի հետ և իր համարձակ գործողութիւններով նպաստեց նրա արագ ջախջախմանն ու Թուրքական զորքի մնացորդներից քաղաքի մաքրմանը: Այդ շրջանում շրջապատված Թշնամու ոչնչացմանն ուղղված դաժան մարտերը շարունակվեցին հինգ օր՝ մինչև 1913 թ. հունվարի 28-ը:

Այդ խոշոր ռազմական գործողութեան ավարտի ընթացքում վաչտը հունվարի 29-ին նորից սկսեց ծովափերի պաշտպանութիւնը և նվիրված ծառայեց մինչև 1913 թ. մարտի 22-ը ներառյալ: Մի քանի անգամ նա հաջողութեամբ խափանեց Թուրքերի՝ ղեսանտ իջեցնելու փորձերը:

Դրանից հետո գերազանց ծառայութեան և մարտական վաստակների համար բուլղարական բանակի հրամանատարութիւնը Անդրանիկ Օզանյանին շնորհեց փոխտեղակալի սպայական կոչում, 8 կրտսեր հրամանատարների՝ կրտսեր ենթասպայի կոչում և 16 զինվորների՝ եֆրեյտորի կոչում:

1913 թ. մարտի 23-ին վաչտն սկսեց անցնել մի երկար ճանապարհ՝ Մարմարա ծովի ափերից մինչև Սոֆիա: Նա անցավ Շչերն, Սակլե (ապրիլի 23-ին), Կեչան (ապրիլի 25-ին), Դեղե-Աղաչ (ապրիլի 29-ին), Գյումյուրջին (մայիսի 1-ին), Պետրի (մայիսի 14-ին), Ստրումիցա (մայիսի 16-ին), Ռադովիչ (մայիսի 18-ին), Շչիպ (մայիսի 19-ին) քաղաքներով և դադար առավ Կոչանում (մայիսի 26-ին):

Բուլղարիայի գերագույն ռազմական հրամանատարութեան հրամանով ջոկատի հրամանատարը հայ կամավորների առջև հարց առաջադրեց՝ ցանկանում են արդյոք նրանք շարունակել ծառայութիւնը բուլղարական բանակում, թե ուզում են վերադառնալ տուն: Վաչտի անձնակազմը միաձայն պատասխանեց, որ իր եղբայրական պարտականութիւնը կատարել է և կուզենար վերադառնալ հայրենիք:

Թուրքիայի հետ Լոնդոնում 1913 թ. մայիսի 17 (30)-ին բալկանյան դաշնակիցների կնքած հաշտութիւնից մեկ օր անց՝ մայիսի 28-ին, հայկական վաչտը կազմացրվեց: Հաջորդ օրը, ծածանելով իր մարտական դրոշը, վաչտը շարժվեց դեպի Բուլղարիայի մայրաքաղաք Սոֆիա, որտեղից էլ նրա զինվորները

ցրվեցին իրենց տները:

Մակեդոնա-Օդրինյան աշխարհագրորի շտաբը Հայկական վաչտի հրամանատարությանը տվեց № 3483 1913 թ. օգոստոսի 1-ին վկայական, որը սկսվում է այս բառերով. «Մակեդոնա-Օդրինյան աշխարհագրորն ստեղծելիս, հաշվի առնելով հայերի համակրանքը Բուլղարիայի նկատմամբ, երկու ժողովուրդների անցյալը և հայերի կողմից առանձին զորամասով պատերազմի մեջ մտնելը, թույլատրվեց կազմավորել առանձին Հայկական վաչտ իր Հայկական ազգային դրոշով, հայ սպաների և զորապետների հրամանատարությամբ»: Այնուհետև փաստաթղթում համառոտ ներկայացվում է վաչտի կազմավորման, նրա մարտական ուղու, առավել աչքի ընկած զինվորների ռազմական քաջագործությունների և ստացած պարգևների մասին<sup>1</sup>:

---

<sup>1</sup> Державен военноисторически архив Велико Търново, ф. 423, оп. 1, е. 1, л. 193.

## **ԳԼՈՒԽ ԵՐՐՈՐԴ**

### **ԲԱԼԿԱՆՑԱՆ ԵՐԿՐՈՐԴ ՊԱՏԵՐԱԶՄԸ ԵՎ ՀԵՏԵՎԱՆՔՆԵՐԸ**

Հազիվ էր վերջացել Թուրք-բալկանյան պատերազմը, արդեն Լոնդոնում ստորագրվել էին խաղաղության նախապայմանները, երբ Բալկաններում նորից սկսեցին որոտալ թնդանոթները:

### **ՊԱՏԵՐԱԶՄԻ ՊԱՏՃԱՌՆԵՐԸ**

Թուրքիայի դեմ մղած պատերազմում Բալկանյան դաշինքի տարած հաղթանակները միանգամայն նոր վիճակ էին ստեղծել Եվրոպայում:

Եթե բալկանյան պատերազմում հաղթանակ տանելուց հետո դաշնակիցներին հաջողվեր առաջիկայում նույնպես պահպանել միասնությունը, ապա հնարավոր էր, որ Բալկաններում ծնունդ առներ մի նոր հզոր դաշնակցային պետություն, որը կրացներ վեց մեծ տերությունների շարքերը՝ սպառնալով դառնալ յոթերորդը: 1913 թ. ապրիլ-մայիս ամիսներին ուրվագծվում էր այդպիսի պետություն ստեղծելու հնարավորությունը:

Վերը նշել ենք, թե բալկանյան դաշնակիցները պատերազմի արդյունքում որքան հողերի էին տիրացել: Ընթերցողին հիշեցնենք, որ այդ տարածքը ձգվում էր Սև ծովից մինչև Կրետե՝ էգեյան ծովը դարձնելով միջերկրյա:

Այդ հսկա տարածքի վրա հնարավոր դաշնակցային պետություն ստեղծելու դեպքում այն կկանգներ Ասիայի դռների մոտ, աղեղնաձև կպատեր Փոքրասիական թերակղզին արևմուտքից,



կապառնար գրավել Գալիպոլի թերակղզին, և դրանով իսկ Դարդանելի նեղուցը կգրկվեր իր կարևոր նշանակությունից: Նման պետությունը պատկանող մի գործեղ ռազմական նավատորմ կարող էր միահեծան վերահսկել Կրետեից Հյուսիս ընկած Արչիպելագոսի ջրերը և այդ նոր պետությունը ծանրակշիռ դեր վերապահել Միջերկրականում:

Արևմուտքում այդ ենթադրյալ պետությունը կհասներ Ադրիատիկին՝ դառնալով Ավստրիայի և Իտալիայի հզոր մրցակիցը: Նա ի վիճակի կլիներ ավստրիական նավատորմի առաջն առնել Ադրիատիկ ծովում և նոր առևտրական ուղիներ բացել Սերբիայի համար, միաժամանակ հօդա ցնդեցնել Սալոնիկին մի օր տեր դառնալու Ավստրիայի տենչանքը: Նոր պետությունը կարող էր սպառնալ մինչև իսկ Ավստրիայի՝ որպես պետության գոյությունը, քանի որ վերջինիս սահմաններից ներս բնակչության մի ստվար մասը սլավոններ էին:

Այդ նոր պետության առաջ իրեն անզոր պիտի զգար հարևան Ռումինիան՝ սեղմված լինելով Ռուսաստանի և դաշնակցային նոր պետության արանքում:

Այս պայմաններում Ռուսաստանի հեղինակությունը Բալկաններում անհունորեն կաճեր, քանի որ հենց սկզբից նա էր եղել Բալկանյան դաշնության գաղափարի պաշտպանը, նրա խրախույսով ու համակրանքով էին բալկանյան ազգերը հասել փայլուն հաջողությունների ռազմադաշտերում: Հեռանկարում երևում էին ավստրիական ազդեցության չքացումը և Ռուսաստանի հեղինակության աննախընթաց ամրապնդումը Բալկանի վրա: Այսպիսի հեռանկարն արդեն կարող էր սպառնալ համաեվրոպական շահերին: Իր ստեղծած դաշնակցային պետության հետ ձեռք ձեռքի՝ Ռուսաստանը կարող էր տեր ու տիրական դառնալ ուժասպառ Թուրքիայում, ուր այնքան մեծ շահեր ունեին Ֆրանսիան, Անգլիան, Գերմանիան:

Բայց յոթերորդ մեծ պետության գաղափարը կոչված չէր իրականություն դառնալու:

Թուրքերի պարտություններին գուզընթաց՝ դաշնակիցների շարքերում դեռ պատերազմի առաջին շաբաթներին մարտավարական խնդիրների շուրջ առաջ էին գալիս տարբեր տարաձայ-

նություններ, որոնք, դառնալով հաճախակի, հետագա ամիսներին այս ու այնտեղ վերաճում էին սուր հակասությունների:

Դեռևս 1912 թ. նոյեմբերյան համարներից մեկում Կ. Պոլսի «Ժամանակ»-ը, վկայակոչելով «Ուեստմինստեր գազեթ» թերթի մի հրապարակումը, «Թուրքերի վերջին հույսը» հոդվածում գրել էր, թե իրերի ներկա վիճակում բալկանյան զինակիցներին հանուն ամբողջ աշխարհի շահի անհրաժեշտ է, որ իրենց և դրացի մեծ տերությունների միջև որևէ վեճ գոյություն չունենա: Զինակիցները չպիտի մոռանան, որ Թուրքիայի վերջին հույսը իր հակառակորդների միջև ծագած գոտությունն է: «Երբ Թուրքիան իրեն վտանգի մեջ կրգգա, իր հակառակորդներու միջև գոտութեան որոմ կցանե եւ այդ գործում շատ վարպետ մըն է»<sup>1</sup>:

Իսկ Հնչակյան սոցիալ-դեմոկրատական կուսակցության պաշտոնաթերթ «Հնչակը», այդ սպառնալիքը միանգամայն հնարավոր համարելով, գրում է. «Իր գոյութիւնը փրկել երեւակայելով, այսօր Թուրքիան յուսադրում է ինքն իրան նրանով, որ բալկանեան չորս յաղթական դաշնակիցները կը պառակտուեն այս կամ այն կուսաճաղիկի պատճառով: Լօնդօնում ներկայումս տեղի ունեցող խաղաղութեան բանակցութիւնների սեղանի վրայ նա գլորում է մերթ այս, մերթ այն թելակծիկը, յուսալով որ նա կը խճճուէ»<sup>2</sup>:

Նույն կարծիքին էր նաև «Բուլթանիա» (Կ. Պոլիս) թերթի խմբագիրը, որը դեռևս 1913 թ. հունվարի 11 (24)-ին «Բնական բախտակիցները» վերտառությամբ հոդվածում կանխատեսել էր, որ եթե բալկանյան դաշնակիցների և Թուրքիայի միջև հաշտության պայմանագիր կնքվի, դա ղեռ չի նշանակում, թե բոլոր հարցերը լուծված են համարվելու: «Դաշնակիցներն իրենց բանակցութիւնները օսմ. պետութեան հետ վերջացնել է եւ իրենց ստանելիքը ստանալէ յետոյ,- կանխատեսում էր հոդվածագիրը,- կը մնայ ղեռ ստացածնին իրենց մէջ բաժանելու՝ սահմանագծման խնդիրը՝ որ կ'երեւի թէ չա՛տ ալ հեշտութեամբ լուծելի

<sup>1</sup> «Ժամանակ», № 1279, 16 (29) նոյեմբերի 1912 թ.:

<sup>2</sup> «Հնչակ», № 1, հունվար, 1913, էջ 3:

խնդիր չէ՛: Ասոր հետ միասին ո՛չ մէկ կասկած որ միջնորդ պետութեանց, կամ ըսենք, հաշտարար պետութեանց անմիջական կամ ապառիկ վարձատրութեանց հարցն ալ պիտի որոշուի, ինչ որ գուցէ աւելի դժուարինն է քան դաշնակիցներու բաժնեյարդարութիւնը:

Բաժնեյարդարութեան եւ վարձատրութեան հարցերը այնքան սերտօրէն կապուած են իրարու հետ՝ որ սահմանները ճշտել դժուարին է, որովհետեւ, ինչպէս Պերլինի մեր թղթակիցն ալ ղիտել տուած էր, Դաշնակից պատերազմող պետութիւններու հաւաքարար եւ անոնցմէ իւրաքանչիւրին ուրոյն ստանալիքը՝ Մեծ Պետութեանց մէն մի խմբակցութեան անդամի համար մասնաւորաբար ներկայ կամ ապագայ շահ ու վնասի հաշուին կ'արձանագրուի:

Այդ կարգի շահ ու վնասի հաշիւները անել բաւիղ մը են, որովհետեւ պետութեանց խմբակցութիւններն ալ իրենց մէջ հակադիր շահեր ունին, ու իրենցմէ ո՛չ մէկին համար կարելի է վճռել թէ այս օրուան շահ համարածը՝ վաղը վնասի շարքին չպիտի անցնի, եւ կամ այս օրուան դաշնակիցը վաղը թշնամի չպիտի ըլլայ:

Քաղաքական աշխարհի բաժնեյարդարութիւնն ու վարձատրութիւնը էպպէս արդարութեան հիմերու վրայ դրուած չըլլալով՝ աւելի ճիշտը մէկ անարդարութիւն ուրիշ անարդարութեամբ սրբագրել ըսել է, եւ կամ ուժեղներու ուժի իրաւունքի անունով ստեղծած յափշտակութիւնն է, հետեւաբար, անոնց արժէքներն ալ կը փոխուին ժամանակի ընթացքին՝ ուժերու ստացած փոխարարներութեանց համեմատութեամբ»<sup>1</sup>:

1913 թ. մայիսի 17 (30)-ին դաշնակիցների և Թուրքիայի միջև Լոնդոնում կնքված հաշտության նախապայմանագիրը, որով Թուրքիան հրաժարվում էր իր բոլոր տիրույթներից էնոս-Մեդիայա գծով, անկարող եղավ լուծելու բոլոր հակասությունները հաղթանակած պետությունների միջև:

Դրա հիմնական պատճառն այն էր, որ Օսմանյան կայսրու-

---

<sup>1</sup> «Բութանիա», № 130, 11 (24) հունվարի 1913 թ.:

Թյան դեմ մղած պատերազմում տարած հաղթանակները, այդ հողի վրա առաջ եկած ազգային խանդավառությունն ու գինովությունը դաշինքի բոլոր երկրներում արթնացրել էին նոր նվաճումների, ցեղային մեծությունն ու հեզեմոնիայի ցնորքներ:

Դեռևս 1913 թ. փետրվարին Սերբիան Բուլղարիայից պահանջեց վերանայել Լոնդոնի կոնֆերանսում սահմանված գոտուց հարավ ընկած տարածքները զիջելու հարցը: Այս պահանջը Բուլղարիան մերժեց:

Թուրքիայի դեմ պատերազմի մեջ մտած Սերբիան հաստատ համոզմունք էր ունեցել, որ վերջապես իրականանալու է դարավոր երազը՝ Բալկաններում Մեծն Դուչանի կայսրություն վերահաստատումը: Սերբական պահանջները տարածվում էին Բոսնիա-Հերցեգովինայից մինչև Կ. Պոլիս:

Հսկայական էին Բալկանյան պատերազմի զոհասեղանին դրված Սերբիայի կորուստները: Բավական է միայն ասել, որ Ադրիանուպոլսի պաշարմանը նա մասնակցում էր 50-հազարանոց բանակով, և առաջինը սերբերը մտան անառիկ համարվող ամրոցը: Բայց հիմա այս երկիրը հայտնվել էր աղքատ ազգականի դերում, և բալկանյան դաշնակիցներից ամենից նվազ ձեռքբերումներ ուներ հենց նա: Մոնաստիր, Պրիլիպ, Իչտիր և մի քանի ուրիշ քաղաքներ, որոնք Թուրքիայից նվաճել էր Սերբիան, եվրոպական մեծերի ծրագրով պետք է անցնեին Բուլղարիային: Սերբ-բուլղար վեճ բորբոքվեց հատկապես Մոնաստիրի շուրջ: Տերությունների խոստումով Սերբիային պետք է անցներ Ալբանիան, այնինչ Ավստրիայի կողմից վերջինիս ինքնավարությունն ամուր սատարելու պատճառով նա զրկվում էր արևմուտքից ծով հասնելու հնարավորությունից: Դա պարտություն էր նաև Ռուսաստանի համար, որը հույս ուներ սլավոնական Սերբիայի վրայով դուրս գալ Ադրիատիկ ծով, այնտեղից՝ Միջերկրական ծով: Սերբիան զրկվում էր նաև հարավից Միջերկրական ծով դուրս գալու հնարավորությունից, որովհետև Սալոնիկն ընկել էր հույների ռազմակալման տակ և Թուրքիայի հետ պայմանագրով անցնելու էր նրան: Բացի դրանից, Հունաստանի և Սերբիայի արանքում ընկած Մակեդոնիայի բուլղարաչառ վայրերը Բուլղարիային էին անցնելու՝ ըստ նրանց միջև նախապես կապած

պայմանի: Իսկ դա նշանակում էր, որ Սերբիայի համար ընդհանրապես առմիշտ վերանում էր Սալոնիկ դուրս գալու հնարավորությունը, որովհետև նրան սահմանակից էր դառնում ոչ թե թույլ Հունաստանը, որի նավատորմը պատերազմի դեպքում անկարող էր Սերբիային որևէ վնաս հասցնելու, իսկ ցամաքային ռազմուժերը սակավաթիվ էին, այլ Բուլղարիան՝ իր օրինակելի և հզոր բանակներով:

Այդպիսով, Սերբիան մնում էր առանց նավահանգստի: Պետությունները «խոստանում էին» Ադրիատիկի ափին Սերբիային տալ մի նավահանգիստ, բայց այդ խոստումը հաստատող կետ չէին մտցնում խաղաղության դաշնագրի մեջ: Բացի դրանից՝ երկաթուղին Սերբիայից այդ ենթադրյալ նավահանգիստ հասնելու համար պետք է անցներ այբանական հողերով՝ միշտ ենթակա Ավստրիայի կողմից սադրանքների և արգելման վտանգի:

Բայց Սերբիայի շահերի ոտնահարումը դրանով չվերջացավ: Բուլղարիան Սերբիայի հետ պայմանավորվել էր պատրաստ պահել հարյուր հազար զինվոր և հարկ եղած դեպքում օգնության ուղարկել նրան՝ ընդդեմ Ավստրիայի: Բուլղարիան, սակայն, հակում էր ցուցաբերում կատարելու իր ստանձնած պարտավորությունը:

Եվ ահա այժմ 1913 թ. հունիսի 11 (24)–ի նոտայով Սերբիան Բուլղարիայից տարածքային հատուցում պահանջեց նրա կողմից գրավված Հարավարևմտյան (Անդրվարդարյան) Մակեդոնիայի շրջանում<sup>1</sup>:

Սերբական կառավարությունը Սոֆիային հիշեցնում էր, որ Բուլղարիայի հետ նախնական համաձայնությունամբ ինքը պետք է կռվի դաշտ հաներ 150 հազար մարդ, բայց իրականում տվել է շատ ավելին՝ 400 հազար: Հետևապես պատերազմի հիմնական ծանրությունն ընկել է ոչ թե Բուլղարիայի, այլ իր երկրի վրա, որը մարդկային վիթխարի կորուստներ է կրել՝ հօգուտ Բալ-

---

<sup>1</sup> Տե՛ս «Նոր մամուլ», № 27, 16 հունիսի 1913 թ.:

կանյան դաշինքի: Ըստ այդմ դրանից անմիջապես հետո Սերբիան և Հունաստանը բանակցություններ սկսեցին Բուլղարիայի դեմ համատեղ հանդես գալու վերաբերյալ: Նրանք գաղտնի համաձայնություն կնքեցին, որով իրենց միջև բաժանում էին գրաված երկրների մեծ մասը: Այդ դաշնագրով երկու պետությունների՝ Սերբիայի և Հունաստանի սահմանները պիտի անցնեին Վարդարի հարավային մասով: Մոնաստիրն ու Զեզելին պիտի պատկանեին Սերբիային, իսկ Սերեսը, Կավալան, Թասոս կղզին՝ Հունաստանին: Դա նշանակում էր, որ սերբերը տեր էին դառնալու մակեդոնական հողերի մեծ մասին: Այդ համաձայնագիրն ինքնին մի թշնամական քայլ էր Բուլղարիայի դեմ, քանի որ այն ստորագրելու պահին բալկանյան դաշինքը դեռ խախտված չէր:

Սերբ-հունական համաձայնագիրը կնքելուց հետո Բելգրադը Սոֆիայից պահանջեց վերաքննել դեռևս Բալկանյան առաջին պատերազմի նախօրյակին կնքված սերբ-բուլղարական պայմանագիրը: Դրանից հետո Սերբիան և Հունաստանը Ռումինիային առաջարկեցին միանալ իրենց: Այդպես էլ եղավ: Բյուզանդիան իր հերթին շտապեց հաշտություն կնքել Թուրքիայի հետ՝ իր բանակը երեկվա դաշնակիցների դեմ նետելու համար: Հիմա նա նույնիսկ հակառակվում էր Ալբանիայից թուրքական զորքերի մնացորդների դուրսբերմանը՝ դրանով իսկ ցանկանալով սերբական բանակի մի մասը գամել այբանական սահմանին:

Մակեդոնիայի բաժանման հարցում դաշինք կնքելով Սերբիայի հետ՝ Հունաստանը, սակայն, մեծ երկյուղ ուներ Բուլղարիայի չափից ավելի հզորացումից, հանդես էր գալիս ժամանակին կնքած սերբ-բուլղարական պայմանագրի վերանայման օգտին, վճռականապես պահանջում էր Մակեդոնիայի հարավարևելյան շրջանները չհանձնել Բուլղարիային, որովհետև այդ դեպքում ինքը կզրկվեր Եվրոպայի հետ երկաթուղային կապից: Պատմական իրավունքների հիմամբ՝ հույները ցանկանում էին իրենց երկրին միացնել ամբողջ Էպիրոսը, Մակեդոնիան, Թրակիան, Կոստանդնուպոլիսը, Արչիպելագոս կղզիները և Փոքր Ասիայի ափերը (Իզմիր և այլն): Ցանկությունը՝ ցանկություն, բայց Հունաստանը արդեն մատնվել էր անձկություն Ալբանիայի հարավային սահմանագլուխը դեռ գծված չլինելու պատճառով:

Դեռևս Թուրքիայի դեմ պատերազմի ամենաթեթ պահին իսկ հույների և բուլղարների միջև մեկ այստեղ, մեկ այնտեղ տեղի էին ունենում կարճատև, բայց կատաղի բախումներ: Ժամանակի հայկական մամուլը հանգամանորեն անդրադարձել է Սերեսի, Դրամայի, Կավալայի և այլ բնակավայրերի շուրջ ծագած վեճերին և ընդհարումներին: Հունական պաշտոնական շրջանները երբեմն-երբեմն դժգոհում էին իրենց պատմական տարածքներում բուլղարական զորքերի «չափից ավելի եռանդուն» գործողությունների համար:

1912 թ. նոյեմբերի սկզբին Կ. Պոլսի «Ժամանակ» թերթը իր խմբագրականում մեջբերել էր “*Berliner Tagesblatt*”-ի հետևյալ տողերը. «Պուլկար եւ հելլեն վերին հրամանատարություններուն միջև կարելոր անհամաձայնություն մը ծայր տուած է: Այլևս կասկածելի է Պալքանեան տերություններուն եղբայրական համագործակցությունը: Յունաստան պատերազմէն առաջ իրեն խոստացուած հողային խոստումներով չի բաւականանար եւ նոր պահանջներ դրած է, ինչ որ լուրջ անհամաձայնություններու տեղի կուտայ»<sup>1</sup>:

**Ձերնոգորիայի** բանակը քաշվել էր Շքոթրայից, և այնտեղ տեղաբաշխվել էր միջազգային զորքը, բայց դրանով խնդիրը վերջնականապես չէր լուծվել:

Նվաճելու ու տիրակալելու այդ ընդհանուր տենչի մեջ **Բուլղարիան** ամենից հախուռն ու ամենից հանդուգն գտնվեց՝ շնորհիվ Բալկանյան առաջին պատերազմի ընթացքում իր փառավոր հաղթանակների: Նա էգեյան ծով էր դուրս գալիս Կավալայի ծոցում և Մարիցա գետաբերանի մոտ, իր սահմաններն առնում Մակեդոնիան և Թրակիան, արևմուտքում հասնում էր մինչև Օխրիդա լճի ափերը՝ ձեռք ձգելով Վարդար գետի արգավանդ հովտի մեծագույն մասը՝ ապագայում Սալոնիկին տիրանալու սպառնալիքով: Նրան էին անցնում Ադրիանուպոլիսը և շրջակա գավառները<sup>2</sup>: Իր և իր կողմից գրավված տարածքների

<sup>1</sup> «Ժամանակ», № 1264, 1 (14) նոյեմբերի 1912 թ.:

<sup>2</sup> Տե՛ս «Նոր Հոսանք» (Թիֆլիս), № 3, մայիս, 1913 թ., էջ 659, 661:

բնակչության թվով Բուլղարիան գերազանցում էր Հունաստանի, Սերբիայի և Չերնոգորիայի բնակչության ընդհանուր թիվը: «Աւետաբեր» թերթի թղթակիցը նախօրերին հանդիպել էր մի բարձրաստիճան սերբ պաշտոնյայի, որը զրույցի ժամանակ չահեկան տեղեկություններ էր տվել բալկանյան պետությունների տարածքային գրավումների մասին և դժգոհություն հայտնել բուլղարների «չափից ավելի մեծ ակնկալությունների» համար: Նա ասել էր, որ պատերազմից առաջ Եվրոպական Թուրքիան ուներ 159.000 քառ. կմ տարածք, Բուլղարիան՝ 96.000, Սերբիան ու Չերնոգորիան միասին՝ 57.000, Հունաստանը՝ 65.000 քառ. կմ: Հաղթական պատերազմում զինակիցները Եվրոպական Թուրքիայից գրավել են 127.000 քառ. կիլոմետր, որից Բուլղարիան իրենն է համարում 96.000 քառ. կիլոմետրը: Դա իրականանալու բան չէ, ասել էր սերբ պաշտոնյան<sup>1</sup>:

Պատերազմում թափած արտակարգ ճիգերը, հսկայական տարածությունների գրավումը Բուլղարիային տվել էին առաջնակարգ դիրք: Նա ունակ էր իրեն թշնամի դարձած երեկվա երեք դաշնակիցների դեմ հավասար զորություն հանելու կովի դաշտ: Զինվորական անօրինակ հաջողությունները գլխապտույտ էին առաջացրել Բուլղարիայի ղեկավար շրջաններում և պատճառ դարձել երկրի իշխող վերնախավի քաղաքական լիակատար կուրություն: Նրան մի պահ թվացել էր, թե կարող է ուզել այն ամենը, ինչ փափագում է, կարող է տեր կանգնել այն ամենին, ինչ ուզում է:

Բուլղարիայի թագավոր Ֆերդինանդը, որ, մի համեստ դուքս լինելով, դարձել էր իշխան, հետո՝ ցար, անակնկալ հաջողություններից հետո հիմա էլ երազում էր դառնալ Մեծ Բուլղարիայի կայսր: Նրա ձգտումներին տոն էին տալիս ազգայնական շրջանները, որոնց երազանքն էր վերստեղծել Սիմեոն ցարի հիմնած Մեծ Բուլղարիան:

Մի խոսքով, Բալկաններում ստեղծվում էր պրուսական տիպի մի մինի կայսրություն՝ մի պատկառելի ուժ, որի կողքին

---

<sup>1</sup> Տե՛ս «Ավետաբեր», № 29, 19 Հուլիսի 1913 թ.:



հազրիվ կարողանային հանգիստ կյանք ունենալ նրա հարևանները:

Բնական է, որ գինակցություն մյուս անդամները, հատկապես սերբերն ու հույները չէին կարող հաշտվել բուլղարների անօրինակ ձեռքբերումների ու ապագայի ծրագրերի հետ: Նրանցից յուրաքանչյուրը ձգտում էր տարած հաղթանակների պտուղներն ինքը ճաշակել:

Եվ այսպես, երեկվա դաշնակիցների հարաբերություններում ծագած հակասությունները, քաղաքական մոլորություններն ու մոտակա անելիքների անորոշությունը նրանց մղեցին ընթանալու տարբեր ուղղություններով՝ նախանշելով նոր աղետներ:

Ընդամենը մի քանի ամիս առաջ էր, որ աղմուկ-թմբուկին հաջորդել էին սրի շաչունը և թնդանոթի որոտը՝ ի սեր Թուրքիայի լծի տակ տառապող քրիստոնյա եղբայրների ազատագրության: Այդ սուրբ գաղափարն անձնագոհ հոգի էր ոգեշնչել բալկանյան դաշնակիցների գինվորներին: Նրանց փառավոր հաղթանակները մեծ հրճվանք էին պատճառում ոչ միայն քրիստոնյա ժողովուրդներին, այլև բոլորին, ովքեր գնահատում էին սրբազան պատերազմը ազգերի ազատագրության համար:

Այժմ, երբ ընդհանուր թշնամին ծնկի էր եկած, բուլղար, սերբ, չերնոգորցի, հույն գինվորները տեսնում էին օր առաջ տուն վերադառնալ և հանգիստ առնել: Իսկ դաշնակից պետությունների կառավարություններն ու թագավորները այդ նույն ժամանակ բոլորովին ուրիշ նպատակներ էին հետապնդում: Նրանք ուղղակի հարբել էին իրենց զորքերի անակնկալ հաջողություններից: «Իսկ ով չգիտե, թե հարբածն ինչեր կարող է անել»<sup>1</sup>, - գրում էր Մոսկվայում լույս տեսնող «Մարտ» թերթի քաղաքական մեկնաբանը:

Բալկանյան երկրների կառավարություններն անընդունակ գտնվեցին զսպելու իրենց իսկ կողմից շղթայազերծված ազգայնամոլական ախորժակները՝ ձեռք բերածը բաժանելու խաղաղությունամբ: Նրանցից ամեն մեկն աշխատում էր ավելի մեծ բա-

---

<sup>1</sup> «Մարտ», № 9, 15 օգոստոսի 1913 թ.:

ժին ստանալ, իսկ երեկվա դաշնակցին որքան հնարավոր է թողնել փոքրը:

Ռազմաճակատում տարած փայլուն հաղթանակները հատկապես գլխապտույտ էին առաջացրել բուլղարների՝ առաջին հերթին՝ նրանց իշխանությունների շրջանում:

Այդ վտանգավոր մոլորությունն առաջիններից մեկը նկատել էին հայկական վաշտի զինվորները և առաջին հերթին՝ հրամանատար Անդրանիկը: Նրանք իրենց բուլղար զինակիցներին նախագգուչացնում էին, որ դա հղի է անկանխատեսելի հետևանքներով: Իրենց իսկ փորձով տեղյակ լինելով օսմանյան դիվանագիտության խարդավանքներին՝ հայերը տազնապում էին ու վախ հայտնում, որ դիվանագիտության մեջ անփորձ բուլղարները չափից ավելի են գնահատում իրենց ուժերը, ուստի հնարավոր է, որ չկարողանան պահպանել այն ամենը, ինչը նվաճել են ժողովրդի տասնյակ հազարավոր զավակների արյան ու տառապանքների գնով: Եվ իրենց զգացածի մասին ունեցած տազնապալի մտքերը նրանք կիսում էին բուլղար հրամանատարների հետ, խորհուրդ տալիս չափավորել ռազմատենչություն եռանդը:

Բայց Անդրանիկի և մյուս հայ գործիչների բարեկամական խորհուրդները Բուլղարիայի իշխանությունները հաշվի չառան: Երեկվա դաշնակիցների հակամարտ ձգտումները զրգոեցին ու բորբոքեցին կրքերը: Դրա պատճառներից մեկն էլ այն էր, որ սերբ-բուլղարական համաձայնագրով նախապես չէր արձանագրվել, թե Թուրքիայի դեմ տարած հաղթանակի դեպքում դաշնակիցներից յուրաքանչյուրն ազատագրված Բալկանների որ մասին պիտի տիրանար: Մագած անհամաձայնությունների պատճառով նրանցից ամեն մեկը ելավ զենքով «պաշտպանելու իր իրավունքները»:

Պատերազմը Մակեդոնիայում դարձավ անխուսափելի:

Ալթենքից, Բելգրադից, Սոֆիայից, Բուխարեստից խելահեղ ժխոր էր բարձրանում: Մինչև վերջին վայրկյանը խաղաղություն տենչող հասարակ մարդիկ հույս ունեին, թե բալկանյան պետությունները միջոց կգտնեն իրենց միջև ծագած իրական կամ մտացածին խնդիրները լուծելու՝ առանց տեղիք տալու ամոթալի արյունահեղության: Բայց այդպես չեղավ:

Ռոմանիայից Կ. Պոլիս եկած ճամփորդներն աղելսարչ նկարագրություններով պատմում էին այնտեղ տիրող ցեղային անհանդուրժողականության, ժողովուրդների իրար նկատմամբ այրող ատելություն մասին: Նրանք պատմում էին, որ ինչպես բալկանյան չորս դաշնակիցների զինվորները 1912 թ. հոկտեմբերին բնաջնջում էին քաղաքների ու գյուղերի իսլամ ժողովրդին, այնպես էլ 1913 թ. ամռանը թուրքերն առաջնալով գլխովին կոտորում էին հույներին, սերբերին, բուլղարներին:

Բուլղարիայի, Սերբիայի և Հունաստանի ժողովուրդների բախտը տնօրինողները իմաստնություն և առաքինություն չունեցան իրենց բանակները ցրելու, սրերը պատյան դնելու: Ընդհակառակը՝ գերադասեցին դարձյալ արյան ու արհավիրքի մեջ նետել իրենց տարաբախտ քաղաքացիներին. թե՛ հաղթողը և թե՛ պարտվողը այդ նոր գեհեներից դուրս պիտի գային ուժասպառ ու արյունաքամ, նյութապես ու բարոյապես սնանկացած, կորցրած ամեն արժանապատվություն:

Հուլիսի սկզբներից ինչպես բուլղարական, այնպես էլ սերբ-հունական զորքերն արագորեն դիրքեր գրավեցին սահմանային ռազմավարական կետերում: Բուլղարիան, Չաթալջայի մոտ թողնելով ընդամենը երկու դիվիզիա, այնտեղից Սերբիայի և Հունաստանի դեմ ուղղեց 292 գումարտակ՝ կազմելով 13 դիվիզիա, որոնք միավորվել էին 5 բանակներում: Մյուս կողմից՝ Բուլղարիայի հակառակորդները նրա դեմ կենտրոնացրին՝ Սերբիան 13 դիվիզիա (200 գումարտակ, այդ թվում՝ 16-ը Չերնոգորիան), որոնք միավորվել էին 3 բանակների մեջ, իսկ Հունաստանը՝ 100 հազար զինվորներից բաղկացած 8 դիվիզիա<sup>1</sup>:

Ասերևակայելի կարճ ժամանակամիջոցում երեկվա դաշնակից երկրների հակաթուրքական ռազմական բլոկի լուծարումը և դրանում բուլղարական կառավարող վերնախավի թույլ տված կոպիտ սխալները մեծ ցավ էին պատճառել Բալկանների հայությունը:

---

<sup>1</sup> Տե՛ս Айрапетян М., На путях к мировой войне 1914-1918 гг., ОГИЗ, Госполитиздат, 1940, стр. 176:

Բուլղար գործիչ Ռոդոսթո-Գայրեոլու նահանգի վերջին նահանգապետ Իվան Դիմիտրովը 1934 թ. օգոստոսի 18-ին “Яворовъ листъ” թերթում տպագրած հոդվածում վերհիշում էր, որ Լոնդոնի հաշտության դաշնագիրը ստորագրելուց հետո բալկանյան հայ գործիչները իրենց արժեքավոր տեղեկագրերով բուլղարական կառավարությունը հորդորում էին ամեն ինչ անել՝ դաշնակիցների հետ լեզու գտնելու և Լոնդոնի դաշնագրով վավերացված էնոս-Միդիա սահմանագիծը պահելու համար:

«Այսօրվա պես հիշում եմ, թե հայերը որքան շատ էին ուզում, որ այլևս պահպանվի բուլղարական ղենքով չահված սահմանն արևելքում և վախենում էին դեպքերի հավանական մի հեղաշրջումից»<sup>1</sup>, – գրում էր Դիմիտրովը: Այնուհետև նա վերհիշում էր, որ հայերի բուռն ցանկությունն էր, որ միջդաշնակցային պատերազմ չծագի՝ իր բոլոր անցանկալի հետևանքներով<sup>2</sup>: Այդ ցանկությունը մարմնավորված էր այն բազմաթիվ տեղեկագրերում, որ հայերը ուղարկում էին բուլղարական իշխանություններին՝ խորհուրդ տալով չափավոր լինել և արդեն նվաճած հաղթանակները վտանգի տակ չդնել: Իվան Դիմիտրովը շարունակում էր. «Հայերը մեզ օգտակար էին իրենց թանկագին խորհուրդներով... Եթե դրանք ժամանակին մեր պատկան իշխանությունների ուշադրություն կենտրոնում լինեին..., հնարավոր կլիներ խուսափել միջդաշնակցային պատերազմից, ինչպես նաև մեր կրած աղետից: Եվ Բուլղարիան կկարողանար պահպանել արևելքում Լոնդոնի դաշնագրով վավերացված իր էնոս-Միդիա սահմանագիծը և ամբողջ Բելոմորեի (էգեյան ծովի) եզերքը՝ մինչև և Ուլկիդիկա: Մեծ օգուտներ կունենայինք, և բացի առաջնակարգ զինվորական ուժի հմայքից, մենք կշահեինք նաև բալկանյան ամենամեծ պետություն անունն ու պատիրը»<sup>3</sup>:

---

<sup>1</sup> “Яворовъ листъ” թերթի նշված համարը պահպանվում է Հայաստանի ազգային արխիվում, ֆ. 370, ց. 2, գ. 93, թ. 3:

<sup>2</sup> Նույն տեղում:

<sup>3</sup> Նույն տեղում:

Առաջին բաղկանյան պատերազմի հետևանքները ոչ միայն չմեղմեցին եվրոպական մեծ տերությունների և Ռուսաստանի կրքերը, այլև է՛լ ավելի ուժեղացրին հակասությունները նրանց միջև: Ապագայի անորոշությունը նրանց մղում էր ռազմական աննախադեպ պատրաստությունների: Ոտրանում էին նաև հակամարտությունները իմպերիալիստական տերությունների միջև:

Մեծ տերությունները վաղուց էին յուրացրել խարդախ ու դաժան գործելակերպ. միմյանցից վրեժ լուծելու համար հաճախ ոչ թե իրենք էին իջնում պատերազմի դաշտ, այլ ուրիշներին էին մղում արյան բաղնիքներ՝ ականատես լինելով մահացու գոտեմարտերի:

Երեկվա դաշնակիցների մեջ առաջ եկած ցեղային անպարտելիության ցնորքներին մեծ պետություններից ամեն կերպ տոն էր տալիս հատկապես Ավստրո-Հունգարիան:

Այս կայսրության իշխանությունները գործում էին երկու ուղղությամբ: Վիեննան կատաղի մրցակցություն էր սկսել նախ Հռոմի դեմ՝ Ալբանիան բաժանելու համար: Ավստրիան ձգտում էր լիակատար իշխանություն ձեռք բերել այդ տարածքի վրա, որպեսզի անհնարին դարձնի Սերբիայի դուրս գալը Ադրիատիկ ծով, միաժամանակ խոչընդոտի Իտալիայի թափանցումը Բալկաններ: Այդ իսկ պատճառով նա ստիպված իր զինված ուժերի մեծ մասը կենտրոնացրել էր Սերբիայի սահմանագլխին:

Ավստրիական էքսպանսիայի մյուս ուղղությունը թուրքական լծից ազատագրված տարածքներն էին: Սլավոնական ազգերից կազմված մի նոր հզոր պետության հնարավոր ստեղծումը մեծագույն անհանգստություն էր պատճառել նրան, քանի որ վտանգն ամենից առաջ կարող էր իրեն սպառնալ: Նա չէր համարձակվի պատերազմ հայտարարել բաղկանյան հաղթած պետություններին՝ առանց մյուս մեծ պետությունների համաձայնության: Մնում էր դիվանագիտական ճանապարհը, մանավանդ որ Եվրոպան, օգտվելով իր ռազմական և նյութական անհամեմատ գերազանցությունից, իր ձեռքն էր առել պարտված Թուրքիային և հաղթական դաշնակիցներին հաշտեցնելու «մարդասիրական» գործը:

Եվ Ավստրիան սկսեց գործել՝ հրապարակ բերելով իր ավանդական հղկված դիվանագիտությունը, նպատակ ունենալով վերջնականապես քանդել բալկանյան զինակցությունը: Նա Բուլղարիային գրգռեց Թուրքիայից գրաված տարածքներից ոչինչ չզիջել Սերբիային և Հունաստանին՝ միաժամանակ խոստանալով նրան ցույց տալ ամեն տեսակի դիվանագիտական աջակցություն: Դրանով Ավստրիան ամենից առաջ փորձում է մահացու հարված հասցնել Բալկաններում Ռուսաստանի ծրագրերին, գրում էր «Աւետաբեր» թերթի քաղաքական մեկնաբանը<sup>1</sup>:

Ավստրիական դիվանագիտության հիմնական գիծը հանդում էր Բուլղարիային Սերբիայի դեմ հանելուն:

Բալկանյան պատերազմում Թուրքիայի կրած պարտությունները հանգիստ չէին տալիս Գերմանիային: Օսմանյան կայսրությունը տասնամյակներ շարունակ նրա համար եղել էր անգնահատելի դաշնակից, որն ամեն կերպ նպաստել էր Ասիայում սփռելու իր տնտեսական ու քաղաքական ազդեցությունը: Հիմա նա կորցնում էր իր ամուր հենարաններից մեկը՝ փոխարենը ձեռք բերելով վտանգավոր հարևաններ՝ հանձինս բալկանյան պետությունների, որոնց նկատմամբ Վիլհելմի կառավարությունը պատերազմի ողջ ընթացքում ցույց էր տվել թշնամական վերաբերմունք: Նա ուշադիր հետևում էր Բալկաններում իրադարձությունների ընթացքին, գաղտնի աջակցում էր իր դաշնակից Ավստրիային և չահագրգռված էր, որ բալկանյան դաշնակիցներն արյունալի նոր կռիվների մեջ մտնեն՝ այս անգամ միմյանց դեմ: Այդ տեսակետից Գերմանիայի գլխավոր հույսը, ինչպես Ավստրիայի պարագայում, մնում էր Ռուսիային, որը վճռականապես անընդունելի էր համարում Բուլղարիայի աննախադեպ հզորացումը:

Գերմանիան միաժամանակ մեծագույն ջանքեր էր գործադրում բազմապատկելու իր ռազմական ուժը, որը մեծ անհանգստություն էր առաջ բերում Անտանտի երկրներում: Ի պա-

---

<sup>1</sup> Տե՛ս «Աւետաբեր», № 29, 19 հուլիսի 1913 թ.:

տասխան Գերմանիայի պատերազմական ձեռնարկների՝ Անգլիան դրան հակադրեց իր ռազմաժողովային ուժերի հզորացումը: Ֆրանսիական կառավարությունն անհապաղ որոշում ընդունեց 1908 թվականից գործող երկամյա զինվորական ծառայությունը նախկինի պես դարձնել եռամյա: Նախատեսվեց բանակի մեծամասշտաբ հզորացում: Ռուսաստանն իր հերթին ձեռնարկեց ղեպի Եվրոպա տանող երկաթուղիների կառուցում՝ պատերազմի ղեպքում գորքերն արագորեն առաջագիծ հասցնելու համար:

Եռյակ զինակցություն մյուս անդամը՝ Իտալիան, ինչպես արդեն նշել ենք, մրցակցություն մեջ էր Ավստրիայի հետ՝ Ալբանիայի վրա լիակատար իշխանություն հաստատելու, ինչպես նաև նրանից հարավ ընկած տարածքները գրավելու համար: Նա նաև ամեն ինչ անում էր՝ խոչընդոտելու Ադրիատիկ ծով դուրս գալու Սերբիայի ձգտումները: Այդ ամենը ուղղված էր նաև նրա վաղեմի երազի իրականացմանը՝ Ադրիատիկ ծովն ամբողջովին իրենով անելուն:

Այս պայմաններում Ռուսաստանը բոլոր ջանքերը գործադրում էր Բալկանյան դաշինքի վերջնական քայքայումը կանգնեցնելու համար: Նա Սերբիայից պահանջեց պահպանել Բուլղարիայի հետ դաշնային պայմանագիրը՝ միաժամանակ Բուլղարիային համոզելով զիջումներ անել նրան:

Նիկոլայ II ցարի բերանով Ռուսաստանը Բուլղարիայի կառավարությունը նախազգուշացնում էր եղբայրասպան պատերազմի հետևանքների մասին: Բայց Սոֆիան բացեիբաց անտեսում էր Պետերբուրգից եկող խորհուրդները:

Այս պայմաններում Ռուսաստանը պնդեց հույն-բուլղարական վեճը փոխանցել Եռյակ համաձայնությունների տերությունների դատին: Զբավարարվելով դրանով՝ նա բալկանյան չորս պետությունների վարչապետներին հրավիրեց ժամանել Պետերբուրգ՝ վիճելի հարցերը համատեղ քննարկելու համար: Բայց նոր պատերազմը խափանելու ուղղությամբ Ռուսաստանի ձեռնարկած բոլոր ջանքերը ապարդյուն անցան: Ավելին, բուլղարական միապետի հանձնարարությամբ հունիսի 1 (14)-ին կազմվում է Դանևի «անգլիջող» կառավարությունը:

Մեկը մյուսի հետևից թույլ տալով կոպիտ վրիպումներ՝ բուլ-

դար ղեկավարութիւնն իր դեմ տրամադրեց նաև Ռուսաստանին:

Ավարատենչ Ավստրիայի խոստումներից շլացած Բուլղարիան նետովեց նրա գիրկը ճիշտ այն պահին, երբ Բալկանյան զինակցութեան և Ռուսաստանի հզոր պաշտպանութեան շնորհիվ պիտի վայելեր անակնկալ հաջողութիւնների պտուղները:

Դա բուլղարական դիվանագիտութեան աններելի սխալն էր:

Պետերբուրգից եկող ձայնին ականջալուր չեղան նաև Սերբիան և Հունաստանը:

Եվ այսպես, Գերմանիայի գլխավորած ռազմաքաղաքական բլոկի անդամ տերութիւնները, ի հեճուկս Ռուսաստանի, կարողացան փոխնիփոխ տկարացնել և աներևակայելի կարճ ժամանակամիջոցում միմյանց դեմ հանել Բալկանյան դաշինքի երեկվա զինակիցներին:

Թուրքիայի հետ հաշտութիւն կնքելու պահին Բալկանյան դաշինքն արդեն լիովին քայքայված էր:

## **ՄԻՋԴԱՇՆԱԿՑԱՅԻՆ ՊԱՏԵՐԱԶՄԻ ԸՆԹԱՑՔԸ**

Ստեղծված պայմաններում, երբ ակնհայտ էին Սերբիայի և Հունաստանի մտադրութիւնները, բուլղարացիք սխալ որոշում ընդունեցին՝ նոր պատերազմում նախաձեռնութիւնը վերցնել իրենց վրա՝ հույս կապելով Ավստրիայի աջակցութեանը:

Հունիսի 16 (29)-ին բուլղարական բանակի գլխավոր շտաբը որոշում է ընդունում հարձակում սկսել Մակեդոնիայում տեղակայված սերբական և հունական զորքերի վրա:

1913 թ. հունիսի 17 (30)-ին բուլղարական բանակները հանկարծակի հարձակման անցան սերբական զորքերի դեմ<sup>1</sup>: Վերջիններիս միացել էին չեռնոգորյան փոքր բանակի մնացորդները<sup>2</sup>:

---

<sup>1</sup> Տե՛ս X. 3. Габдуллин, Младотурецкая революция, с. 162.

<sup>2</sup> Տե՛ս «Աւետարեբ», № 28, 12 հուլիսի 1913 թ.:



Սկսվեց Բալկանյան միջդաշնակցային (կամ երկրորդ) պատերազմը (1913 թ. Հունիսի 19-ից 1913 թ. օգոստոսի 10-ը): Բալկաններում յոթերորդ նոր մեծ պետություն ստեղծելու գաղափարը հօդս ցնդեց, և Ավստրիան հանգիստ չունչ քաչեց:

Հունիսի 22-ին (հուլիսի 5-ին) Հունաստանը պատերազմ է հայտարարում Բուլղարիային:

Թեև այդ նողկալի պատերազմի սկզբնապատճառը Բուլղարիան էր, բայց նրա դեմ կռվի դուրս եկած երեք պետությունները՝ Սերբիան, Հունաստանը և Չերնոգորիան, հենց դրան էլ սպասում էին: Իսկ քաղաքակիրթ Եվրոպան այդ բոլորին նայում էր իբրև ցլամարտի հանդիսատես:

Բուլղարիան ստիպված էր կռվել երկու ճակատով՝ արևմուտքում (Վերին Մակեդոնիայում)՝ սերբերի և հարավում (Ստորին Մակեդոնիայում)՝ հույների դեմ: Նրան միաժամանակ վտանգ էր սպառնում երկու կողմից. հյուսիսից գորահավաք էր կատարում Ռումինիան, իսկ հարավից շարժվել էր ուզում պարտված Թուրքիան: Տվյալ պահին Բուլղարիայի համար մեծ վտանգ էր ներկայացնում հատկապես Ռումինիան, որն ամեն կերպ նպաստում էր սերբե-հունական համագործակցության ամրապնդմանը, որպեսզի նրանց հակաբուլղարական գործողություններից օգտվելով՝ լուծի Բուլղարիայի հետ իր տարածքային վեճերը: Ռումինական զորքը կազմ ու պատրաստ էր իր և հակառակորդի արյունը ոթելու:

Սկզբնական շրջանում դժվար էր կանխատեսել, թե նոր պատերազմում ով է լինելու հաղթական, քանզի թե՛ բուլղարները և թե՛ սերբերն ու հույները կռվում էին եռանդուն ազգասիրությունով: Նրանք սանձարձակ կատաղությունով ու չտեսնված վայրագություններով կոտորում ու ջարդում էին միմյանց՝ ազատագրված բալկանյան տարածքները իրար ձեռքից հափշտակելու համար:

Քրիստոնյա երկրների միջև ծագած այս պատերազմը նույնպես ցույց տվեց, թե որքան սնանկ էր բալկանյան առաջին պատերազմի նախօրերին Բուլղարիայի թագավորի առաջ քաչած արհեստածին տեսակետը, թե՛ այն իր բնույթով կրոնական է, պատերազմ է խաչի ու մահիկի միջև:

«Բիւզանդիոնը» գրում էր, որ բոլոր պատերազմները թելադրված են երկրների քաղաքական և տնտեսական շահերով: Նույն պատճառներով է, որ Եվրոպայի քրիստոնյա երկրները միմյանց դեմ դարեր շարունակ պատերազմներ են մղել, մինչև որ ճշտել են իրենց ազգային սահմանները: Նույն պատճառներով է, որ իսլամ թուրքերն ու պարսիկները բազում պատերազմներ են մղել իրար դեմ, մինչև նույն Դուրանյան գերդաստանից սերած սելջուկներն ու թուրքերը միմյանց կոտորել են Անատոլիային տիրանալու համար, արյունալի են եղել արաբների ու թուրքերի դարավոր կռիվները: Սխալ է կռիվների ու պատերազմների հիմնական պատճառները փնտրել կրոնների տարբերությունների մեջ<sup>1</sup>:

«Ուաչն» ու «Ազատության դրոշակը» մի կողմ էին չպրտված: Այն, ինչ կարելի էր լուծել ուղեղով, հիմա պիտի լուծեին թնդանոթները:

Ուրիշների բախտը տնօրինողները տաքացնում էին ձեռքերը մարդկային նոր կյանքեր լափող կրակին:

Երկրի՝ Մեծ Բուլղարիա ստեղծելու հավակնություններով տարված ղեկավարների խենթ արկածախնդրությունը նրանց դեմ հանեց եվրոպական հասարակական կարծիքը: Եղբայրասպան կռիվներն ու կոտորածը հուսախաբույթյան դառը զգացումով ընդունեցին բալկանյան ժողովուրդների բոլոր բարեկամները, քանզի խորտակվում էր կնքված միությունը, և տկարանում էին Բալկանյան դաշնության բոլոր երկրներն առանձին-առանձին: Չէ՞ որ նույն բարեկամներն էին, որ անհուն ոգևորությունը ու հիացմունքով էին դիմավորել Բալկանյան պետությունների եղբայրական դաշինքի ստեղծումը, նրանց ձեռք բերած անախտադեպ հաղթանակները թուրքական բանակների դեմ մղած արյունահեղ կռիվներում:

Հունիսի 24 (հուլիսի 7)-ին բուլղարները Պիրոտում հասնում են կարճատև հաջողության: Հունիսի 26 (հուլիսի 9)-ին հույները մտնում են Ստրումիցա: Հաջորդ օրը Ռումինիան պատերազմ է

---

<sup>1</sup> Տե՛ս «Բիւզանդիոն», № 5083, 29 հունիսի (12 հուլիսի) 1913 թ.:

Հայտարարում Բուլղարիային և ռազմակալում Դոբրուժան, իսկ Հունիսի 28 (Հուլիսի 11)–ին Հույները գրավում են Կավալան:

Հունիսի 30 (Հուլիսի 13)–ին Հրաժարական է տալիս Տանկի բուլղարական կառավարությունը: Սոֆիայում ձևավորվում է Ռոզոսլավովի վարչակազմը:

Մինչ Սերբիան և Հունաստանը պատրաստվում էին ըմբռնչվել իրենց հաղթանակների պտուղները, Ռումինիան, օգտվելով դրացի Բուլղարիայի ծանր վիճակից (անընդհատ կռիվներում նա ուժասպառ էր եղել), միացավ Սերբիային և Հունաստանին<sup>1</sup>:

Բուլղարական բանակը ձախողված նահանջում էր ահագին կորուստներով, իսկ Սերբիայի և Հունաստանի ռազմուժը նույնքան և զուցե ավելի մեծ կորուստներով առաջանում էր՝ հակառակորդին պարտություն մատնելով ամենուր:

Կարծես դա բավական չէր. ռումինական բանակն էլ պատրաստվեց խուժել Հյուսիսից և տարածվել բուլղարական հողերի վրա:

Սոֆիայում Ռումինիայի դեսպանը 1913 թ. Հուլիսի 10 (23)–ին բուլղարական կառավարությանը հանձնեց ծանուցագիր, որում ասված էր, թե Բուլղարիան պատերազմ է գրգռել միջագային օրենքի բոլոր կանոններին հակառակ, ուստի Ռումինիան անհրաժեշտ է գտնում ռազմական գործողություններ ձեռնարկել և բանակին հրամայել մտնել Բուլղարիայի սահմաններից ներս:

Հուլիսի 11 (24)–ին Հունական և սերբական բանակներին հաջողվեց միանալ Սթրումժայում: Բուլղարիայի պարտությունն այլևս անուրանալի էր, և նա խնդրեց հաշտության բանակցություններ սկսել:

Նույն օրը ռումինական բանակն անցավ Բուլղարիայի սահմանը և գրավեց Սիլիստրիան՝ շրջակա ամրություններով: Հուլիսի 12 (25)–ին բանակը տարածվեց սահմանագլխի ամբողջ գծով մեկ, իսկ Հուլիսի 13 (26)–ին առաջացավ դեպի հարավ: Բուլղարական կառավարությունը հրամայել էր որևէ դիմադրություն

---

<sup>1</sup> Տե՛ս X. 3. Габидуллин, Младотурецкая революция, с. 162.

ցույց չտալ ուումինական բանակին: Վեց օրվա ընթացքում ուումինացիները գրավեցին այն բոլոր տարածքները, որ նախատեսել էին ռազմական պլանով<sup>1</sup>, և ընդհուպ մոտեցան Վառնային:

Այդ օրերին հույները իրենց հերթին գրավել էին Դոյրան, Կևկելի, Ավրաթ Հիսար, Դեմիր Հիսար, Լահանա, Սերեզ և Դրամա մեծ ու փոքր քաղաքները:

Հուլիսի 10 (23)-ին ուումինական զորքերը հայտնվում են համարյա Սոֆիայի մատույցներին:

Հուլիսի 12 (25)-ին հույները գրավում են Ալեքսանդրուպոլը (Դեղեաղաջ): Նույն օրը սերբական և ուումինական զորքերը Վիդինի մոտ (Բուլղարիա) արդեն հանդիպում են իրար և միավորվում: Այդ օրը նրանք անցնում են Բուլղարիայի պետական սահմանը և ներխուժում երկիր: Հուլիսի 16 (29)-ին հայտարարվում է Մակեդոնիան Սերբիայի և Հունաստանի միջև բաժանելու մասին:

Վերահաս վտանգին ի տես՝ բուլղարական կառավարությունը ձեռնարկում էր միջոցներ՝ ամրացնելու Սոֆիայի մատույցները և բուն մայրաքաղաքը:

Լիովին ուժասպառ եղած Բուլղարիան 1913 թ. Հուլիսին ստիպված էր հանձնվել հաղթողների դատին և խաղաղություն խնդրել<sup>2</sup>: Հուլիսի 16 (29)-ին ռազմական գործողությունները դադարեցին:

Բալկանյան պետությունների եղբայրասպան պատերազմից օգուտ քաղեց ընդարձակ հողատարածքներ, մարդկային մեծ զանգվածներ և հսկայական հարստություններ կորցրած, ընկճված և հուսահատ ոսոխը: Չնայած նա գլխովին ջախջախվել էր, բայց բախտի մի խաղով նրան վիճակվել էր հասնել անկանխատեսելի հաջողությունների:

1913 թ. Հուլիսի 16-ին Բ. Դոանը տեղի ունեցած արտակարգ նիստում վարչապետը հայտարարեց, թե Թուրքիան ավելի շուտ կհամաձայնի կորցնել Հայաստանը, քան Ադրիանուպոլիսը:

---

<sup>1</sup> Համբարձում Երամեան, Յուշարձան Վան-Վասպուրականի, հատոր Բ, էջ 158:

<sup>2</sup> Տե՛ս «Մշակ», № 3, 5 հունվարի 1914 թ.:

Որոշվեց վերագրավել կորցրած տարածքների գոնե մի մասը:

Չաթալջայի բանակը հրաման ստացավ առաջ ընթանալ: Ուրիշ ուղղութիւններով (հատկապէս Գելիբոլուից և Մարմարայի եզերքից) հարձակման անցան թուրքական այլ զորամասեր:

Հուլիսի 19-ին Բ. Դուռը եվրոպական պետութիւններին մի ծանուցագրով հայտնեց, որ ինքը չեղյալ է հայտարարում թուրք-բուլղարական էնոս-Միեդիա սահմանագիծը, որը հաստատված է 1913 թ. մայիսի 17 (30)-ի հաշտութիւն պայմանագրով, միաժամանակ առաջ քաշեց նոր սահմանագծի պահանջ, որը սկսվում է էնոսից և, հետևելով Մարիցայի հոսանքին, բարձրանում է դեպի հյուսիս՝ Ադրիանուպոլիսը թողնելով Թուրքիային: Միայն այդ սահմանագիծը կարող է ռազմավարական արժեք ունենալ ու ապահովել Կ. Պոլսի և Դարդանելի պաշտպանութիւնը, ասված էր Թուրքիայի կառավարութիւն ծանուցագրում:

Վերջին օրերին բուլղարները նույնիսկ փորձ չարեցին պաշտպանելու Ադրիանուպոլսի (էդիրնէի) վիլայեթը:

Ավելի քան չորս հարյուրամյակ շարունակ օսմանյան բռնակալներն իշխել էին Բալկաններում: Հիմա նրանց կրկին ներկայացել էր պահճը՝ նորից տեր դառնալու 19-րդ դարի ազգային-ազատագրական պայքարի միջոցով և Ռուսաստանի աջակցութեամբ անկախութիւն հասած բալկանյան երկրներին: Թվում էր, թե եվրոպական ցամաքամասի վրա վերստին ընդարձակվելու թուրքերի հույսերն արդեն չքացել էին: Բայց այս անգամ էլ թուրքերը գերազանց օգտագործեցին հանգամանքներն ու պահճը:

Թուրքական իշխանութիւնները շատ լավ գիտեին, թե ինչ ասել է եվրոպական կոնֆերանս, կոնֆերանսի վճիռներ, դիվանագետների խորխտանքներ: Այդ ամենի արժեքը նրանց լավ հայտնի էր: Նրանք քաջ գիտեին նաև, որ դիվանագիտութիւն գլխավոր փաստարկը բռնի ուժն է, ուստի համոզված էին, որ տերութիւնների դիվանագետները երբեք մի ընդհանուր համոզմունքի չեն գալու, իսկ զատ-զատ ի վիճակի չեն լինելու խանգարելու իրենց գործողութիւնները:

Երիտթուրքերը ամենից առաջ նպատակ էին դրել վերստին գրավել Ադրիանուպոլիսը, այնուհետև անցնել Մարիցա գետը, իրենց հաղթական դրոշը պարզել բուլղարական հողերի վրա, ապա պատժիչ գործողություններ ձեռնարկել Սերբիայի, Չերնոգորիայի և Հունաստանի նկատմամբ:

Ոգեչնչված հակառակորդի պարտություններից՝ օսմանյան զորամասերը էնվեր փաշայի գլխավորությունյամբ հարձակման անցան Ադրիանուպոլիս (էդիրնե) քաղաքի ուղղությամբ և առանց լուրջ դիմադրություն հանդիպելու գրավեցին Ռոդոսթոն, Չորլուն, Սիլիվրին, Մալգարան, Կըրխ-Քիլիսեն և մեծ ու փոքր ուրիշ բնակավայրեր, համարյա ամբողջ Թրակիան:

Բուլղարական զորքն այլևս անկարող էր լուրջ դիմադրություն ցույց տալու: Թուրքական թերթերը գրում էին, թե Բ. Դուռը մտադիր է Օսմանյան հեղափոխություն անաջիկա տարեդարձը մեծ շուքով նշել Ադրիանուպոլսում<sup>1</sup>:

Առանց ճակատամարտ տալու բուլղարները թողեցին բերադաքաղաքը: Էնվերը չահնեց ձրի հաղթանակի պսակը:

Դաշնակցության «Դրոշակը» ցավով պիտի նշեր, որ «քրքջացող և գոռոզ տևտոնը (գերմանացին – Ն. Ս.) բերկրանքով դիտում էր իր օսմանցի հովանաւորեալի վերադարձը դեպի էստիրնե»<sup>2</sup>:

Թուրքական հրամանատարությունը վերատիրված Ադրիանուպոլսում տեղակայեց մեծաթիվ զորք, տենդագին աշխատանքներ սկսվեցին էլ ավելի ամրացնելու բերդապարիսպները:

Ադրիանուպոլսի վերագրավումը երիտթուրքական իշխանությունների համար հրաշալի առիթ էր իրենց խիստ ընկած վարկը վերստին բարձրացնելու համար:

Թուրքական բանակի հետագա առաջխաղացումը դեպի Մարիցայի աջ ափը նոր տազնապ էր առաջացրել ողջ Բալկաններում և լուրջ մտահոգություններ՝ Եվրոպայում, քանզի արդեն խախտվել էր Լոնդոնի դաշնագրով սահմանված սահմանագիծը Թուրքիայի և Բուլղարիայի միջև:

<sup>1</sup> Տե՛ս «Աւետարեք», № 29, 19 Հուլիսի 1913 թ.:

<sup>2</sup> «Դրոշակ», № 1, Հունվար, 1914, էջ 1:

Ի՞նչ պիտի լիներ եվրոպական պետությունների դիրքը Լոնդոնի դաշնադրությունից առաջ: Արդյո՞ք նրանք պիտի ընդունեին կատարված իրողությունը, թե՞ ոչ:

Նախ Ադրիանուպոլսի և Թրակիայի կորուստը Բուլղարիայի համար ստեղծում էր մի չափազանց լուրջ կացություն, որովհետև դրանով անպայման խախտվում էր բալկանյան հավասարակշռությունը, այսինքն՝ այն հիմնական սկզբունքը, որ Բուխարեստի դաշնադրության անկյունաքարն էր:

Հուլիսի 17 (30)-ին Բուխարեստում բացվեց Հաշտություն կոնֆերանսը, և Հայտարարվեց կրակի դադարեցում: Հաջորդ օրը՝ Հուլիսի 18 (31)-ին, կնքվում է Հաշտության պայմանագիր բալկանյան երկրորդ պատերազմի մասնակից բոլոր կողմերի միջև:

Հաշտության պայմանագրով Թուրքիային վերադարձվեց նրա եվրոպական տիրույթների մի մասը՝ Ադրիանուպոլիս քաղաքով հանդերձ: Սուլթանի իշխանության տակ եղած օսմանյան տերության եվրոպական մասի 185.700 քառ. կմ տարածությունից Թուրքերին տրվեց իրենց վերադարձված 29.200 քառ. կիլոմետրը, այսինքը՝ նախկին ունեցածի հազիվ 1/6 մասը<sup>1</sup>:

Թուրքիայի կորցրած տարածքները բաժանվեցին հետևյալ կերպ. ամենից շատ ստացավ Հունաստանը՝ 56.000 քառ. կմ, Սերբիային բաժին ընկավ 39.000 քառ. կմ, Ալբանիան, որը վերածվել էր անկախ նոր պետության, վերահսկում էր 30.300 քառ. կիլոմետրը: Չերնոգորիան ձեռք բերեց միայն 5.100 քառ. կիլոմետր<sup>2</sup>:

Ինչ վերաբերում էր Բուլղարիային, որը պատերազմի ընթացքում Թուրքիայից նվաճել էր 57.000 քառ. կմ տարածք, ստացավ միայն դրա 26.100 քառ. կիլոմետրը, այսինքն՝ իր կողմից զրաված տարածքներից կեսից էլ պակասը<sup>3</sup>: Բայց դա դեռ ամբողջը չէր. նա ստիպված եղավ նաև իր ազգային տարածք-

---

<sup>1</sup> Տե՛ս «Մշակ», № 3, 5 Հունվարի 1914 թ.:

<sup>2</sup> Տե՛ս նույն տեղում:

<sup>3</sup> Տե՛ս նույն տեղում:

ներից Ռուսինիային զիջել 8340 քառ. կմ տարածություն<sup>1</sup>:

Բուխարեստի պայմանագիրը ծայրահեղ ստորագուցիչ էր Բուլղարիայի համար: Երեկվա հաղթական բուլղարական պետությունը հիմա մնացել էր ձեռնունայն ու գլխիկոր: Բուլղարացիները ստացել էին մի վերք, որը բուժելու համար շատ տարիներ էին պետք:

1913 թ. Հուլիսի 24-ին Պետերբուրգի հայկական խմբակի անդամներ Ա. Սարուխանյանը և Ս. Տիգրանյանը այցելեցին Պետերբուրգի բուլղարական դեսպանատուն և ոուսաց մայրաքաղաքի հայերի անունից դեսպան Բորչևին հավաստեցին իրենց բարեկամությունը, միաժամանակ բուլղար ժողովրդին ցավակցություն հայտնեցին Բալկանյան երկրորդ պատերազմի ժամանակ նրան բաժին ընկած ծանր փորձությունների համար: Ապա պատվիրակությունը շնորհակալություն հայտնեց եղբայրական բուլղար ժողովրդին՝ Բուլղարիայում ապրող հայերի նկատմամբ ցուցաբերած սիրալիր վերաբերմունքի համար: Դեսպանը, զգացված այդ այցելությունից, շեշտեց, որ երկու ժողովուրդների բարեկամությունն ավելի ամրապնդվեց պատերազմական փորձությունների օրերին<sup>2</sup>:

Բուլղարների պարտությունը ծանր էր նստել հայության վրա: Առաջին և երկրորդ պատերազմներում հայերը կրել էին մարդկային մեծ կորուստներ ու նյութական հսկայական վնասներ: Փոխվել էր բալկանյան երկրներում նրանց տեղաբաշխման պատկերը:

Եթե 1912 թ. Հունաստանի հայերը մի պատկառելի թիվ էին կազմում, ապա երկրորդ պատերազմի հետևանքով մոտ 1000 հայ անցել էր հունական տիրապետության տակ՝ Թրակիայում: Իսկ Բուլղարիայի և Ռուսինիայի հայերի թիվն ավելացավ թուրքական բանակում ծառայող հայ ռազմագերիների և Եվրոպական Թուրքիայից դեպի այդ երկրներ փախուստ տված հայ ընտանիքների հաշվին:

<sup>1</sup> Տե՛ս «Մշակ», № 3, 5 Հունվարի 1914 թ.:

<sup>2</sup> Տե՛ս “Протоколы заседаний Петербургского армянского кружка”, том I, էջ 294:



Դեռևս հուլիսի 12-ին Բ. Դուռը հրաման էր արձակել Թուրքիայի կողմից վերագրավված բոլոր շրջաններից հայերին արտաքսելու մասին՝ առանց բացատրության և հիմնավորումների: Եվ դա այն դեպքում, երբ երկու պատերազմների ողջ ընթացքում Կ. Պոլսի հայկական թերթերն առանց բացառության կանգնած էին կառավարության կողքին: Հայ հարուստներն իրենց թվի համեմատ բանակի հիմնադրամին ավելի շատ նվիրատվություններ էին արել, քան իսլամները: Ոչ մի թուրք իր փողի քսակն այնքան առատաձեռն չէր բացել, ինչպես մեծահարուստ Հովհաննես բեյը, որը բանակին տվել էր 175 հազար ուրբլուն համարժեք օսմանյան ոսկի:

Այդ ամենի դիմաց ի՞նչ շահեցին հայերը:

Նույնիսկ ամենաարյունահեղ կոռիվների ժամանակ, երբ թուրք զորամասերում ծառայող հայերը հերոսության ու անձնագոհության օրինակներ էին ցույց տալիս մուսուլման զինվորներից շատերին, վերջիններս չէին դադարում ատել նրանց, ամեն առիթով զազրախոսում ու այպանում էին «գյաուրների» անձը, հավատն ու պատիվը:

Պատերազմից դարձող հայերը, տեսնելով իրենց նկատմամբ իշխանությունների և մուսուլման բնակչության բիրտ վերաբերմունքը, Պոլսից փախան Ռուսաստան և Ամերիկա: Ինչպես տեսանք, Ռոդոսթոյում հայ բնակիչները խմբովին կոտորվեցին: Հայերը նորանոր հալածանքների ենթարկվեցին բուն Հայաստանում:

Հայերի ակնհայտ ու իրական ծառայությունների հանդեպ Թուրքիայի ցուցաբերած այս ապերախտ վերաբերմունքից հետո հայ մարդը կարո՞ղ էր այլևս ուրիշ անգամ, եթե պահանջեր պահել, կրկին իր կյանքն ու դրամը տալ այն երկրի կառավարությանը, որ իրեն մերժում էր մարդկային ամենատարրական իրավունքները, նույնիսկ կյանքի ապահովությունը:

Առաջին համաշխարհային պատերազմի սկզբին Բալկանյան առաջին պատերազմին մասնակցած հայ կամավորական զորամասի մարտիկները Անդրանիկի, Նժդեհի, Թորգոմի գլխավորությամբ Դանուբի վրայով անցան Անդրկովկաս և ձեռնարկեցին հայ կամավորական զորամասերի ստեղծմանը, կովեցին ուսա-

կան բանակների շարքերում՝ ներդնելով իրենց ռազմական փորձն ու հմտությունը:

Եղբայրասպան պատերազմը ողջ հայությունը ճակատագրական զանցանք համարեց: Եվ դա ոչ միայն այն պատճառով, որ այդ հիմար պատերազմի երեսից անհուն նոր տառապանքներ պիտի կրեին բալկանյան ազգերը և առաջին հերթին իրեն շատ հոգեհարազատ բուլղար ժողովուրդը, այլև այն պատճառով, որ դրանից նորանոր աղետներ էին սպասվում նաև իրենց հայրենիքին՝ Հայաստանին:

Եվ օրինաչափ էր, որ հայկական վաշտը մասնակցություն չունեցավ Բալկանյան երկրորդ պատերազմին: Անդրանիկն այն համարել էր անմիտ ու դատապարտելի: Մանկամտություն համարելով Սոֆիայի անհեռատես քաղաքականությունը՝ նա կանխատեսել էր բուլղարական բանակի ջախջախիչ պարտությունը: Իր տեսակետը նա հայտնել էր նաև բանակի հրամանատարությունը: Շատ տարիներ հետո բուլղար ռազմական գործիչներից ոմանք խոստովանում էին, որ եթե իրենց կառավարությունն ունկնդիր լիներ հայ ժողովրդի ազգային հերոսին, ապա չէր կանգնի ամոթալի պարտության իրողության առջև:

Վերը նշել էինք, որ Ռոդոսթո-Գալիպոլու նահանգի վերջին նահանգապետ Իվան Դիմիտրովը 1937 թ. օգոստոսի 18-ին “Ябо-ровъ листъ” թերթում տպագրած հոդվածում վերհիշել էր երկրորդ պատերազմի նախօրյակին հայ գործիչների կողմից իրենց արած նախազգուշացումներն ու խորհուրդները, այն է՝ չմտնել նոր արյունահեղության մեջ, քանի որ դա կարող է կործանարար լինել իրենց երկրի համար: Ցավոք, այդ խորհուրդներին բուլղար պատկան մարմիններն ունկնդիր չեղան<sup>1</sup>:

Եվ հիմա, երբ երկրորդ պատերազմը սկսված էր, և բուլղարները մեկը մյուսի հետևից պարտություններ էին կրում, հայերը կրկին դիմել էին բուլղարական իշխանություններին:

Իվան Դիմիտրովը վկայում էր. «Լոնդոնի հաշտության պայ-

---

<sup>1</sup> Տե՛ս *Айрапетян М., На путях к мировой войне 1914-1918 гг., ОГИЗ, Госполитиздат, 1940, стр. 194.*

մանագրից հետո, երբ այլևս հայտնի էր, որ մեր արևելյան սահմանը կլինի Էնոս-Միդիան, առանց դեպի Մարմարա ելքի և առանց Ռոդոսթոյի-Թրակիայի, հայերը, նրանց հայտնի ներկայացուցիչները ինձ, որպես նահանգապետի, առաջարկեցին թույլ տալ Ռոդոսթոյի և ամբողջ արևելյան Թրակիայի հայերից կազմել ջոկատներ, որոնք կմիավորվեն 20-հազարանոց մի բանակի մեջ: Այդ բանակը, որը պիտի ունենար իր հրամանատարն ու հրահանգիչները, սպաներն ու ենթասպաները, կոչված պիտի լինեին պաշտպանելու Չաթալջա-Բուլայիր սահմանագիծը, արգելք հանդիսանալու թուրքերի առաջխաղացմանը Բուլղարիայի, հետևապես նաև՝ Եվրոպայի ուղղությամբ: Դա հնարավորություն կտար պահպանել այն հողատարածքը, որը Միդիա-Էնոս և Մարմարայից մինչև Բուլայիր ու Չաթալջա գծից ներս է: Դրանով իսկ այդ տարածքը կհռչակվեր չեզոք գոտի, որը Բուլղարիան կբաժաներ թուրքիայից: Արդյո՞ք թրակիացի հայերի ներկայացուցիչները այս առաջարկն ինձ արել էին, հայ ռևոլյուցիոներ Գարեգին Նժդեհի և զորավար Անդրանիկի կողմից, չգիտեմ: Բայց անկասկած նրանք մեծ հմայք ունեին Ռոդոսթոյի հայկական շրջանակներում և ամբողջ Թրակիայի հայ բնակչության մեջ»<sup>1</sup>:

Ի. Դիմիտրովը համոզված էր, որ, այդ ձեռնարկը պիտի լինեին զգայացունց ամբողջ Եվրոպայում և ամբողջ աշխարհում: «Մեր ազգային աղետը, - գրում էր նա, - միաժամանակ աղետն էր նաև ոչ միայն Բալկանյան թերակղզում ապրող հայ ազգաբնակչության, այլև ամբողջ հայ ժողովրդի: Նա այնքա՛ն ջերմորեն նվիրված էր մեր դատին, որ այդ տարվա մեր անմոռանալի ողբերգական կործանումը նրանն էր նաև»<sup>2</sup>:

Այնուհետև, վերհիշելով անցած-գնացածը, Դիմիտրովը սրտի ցավով եզրահանգում էր, որ եթե Բուլղարիայի ղեկավարները ականջալուր լինեին միջդաշնակցային պատերազմից խուսափելու հայ գործիչների հորդորներին, ապա «Բուլղարիան

---

<sup>1</sup> Իվան Դիմիտրովի Հողվածը տե՛ս ՀԱԱ, ֆ. 370, ց. 2, գ. 93, թ. 3 (Թերթի պատճենը):

<sup>2</sup> Նույն տեղում:

կկարողանար պահպանել արևելքում Լոնդոնի դաշնագրով վավերացված իր էնոս-Միդիա սահմանագիծը և ամբողջ Բելոմորեի ծովեզերքը՝ մինչև Նավկիրա: Մեծ օգուտներ կունենայինք և, բացի առաջնակարգ զինվորական ուժի հմայքից, մենք կշահեինք նաև բալկանյան ամենամեծ պետություն անունն ու պատիվը»:

Իսկ Թուրքիան խրախճանքի օրեր էր ապրում: Արբեցած անակնկալ, երկնառաք հաջողությունից (առանց մի կաթիլ արյուն թափելու նա տիրացել էր կորցրած երկրների մի մասին) և օգտվելով անհեռատես բալկանյան դաշնակիցների միջև տեղի ունեցած արյունալի դրամայից և շարունակվող թշնամությունից՝ մտածում էր ավելի առաջ գնալ:

«Հնչակը» աղեկեզ գրում էր. «Անշուշտ, թրքական կայսրություն էր, ճակատագիրը աւելի շուտ եւ բոլորովին այլ կերպ կտօրինուէր, եթէ Բալքանեան պետութիւնները իրարու հետ մի ընդհանուր համաձայնութեան կամ դաշնակցութեան յանգած լինէին, բայց որովհետեւ նրանք բոլորն էլ առանձին առանձին վեր առած մեծամոլական ձգտումներով են տոգորուած, ուստի եւ միմեանց նկատմամբ հակամարտական ձգտումներ ունեն, քան համերաշխական, եւ հէնց այդ առիթից մեծապէս օգտուում է ինքը տաճիկը իր տիրապետութիւնը [Բալկաններում] պահելու...»<sup>2</sup>:

1913 թ. Հունիսի 16 (29) -ից մինչև օգոստոսի 10 տևած<sup>3</sup> երկրորդ Բալկանյան պատերազմի հետևանքները երիտթուրքերին հիմք տվեցին պատերազմում թուրքական բանակի պարտություն պատասխանատվությունը բարդել իթթիլաֆական Մուխտար և Քեամիլ փաշաների կառավարությունների վրա, իսկ հաղթության պատիվը վերագրել իրենց:

Բալկանյան դաշինքի քայքայումով, դեպի Ավստրիա Բուլղարիայի կողմնորոշումով և ազատագրված տարածքների մի

---

<sup>1</sup> Իվան Դիմիտրովի Հոդվածը տե՛ս ՀԱԱ, ֆ. 370, ց. 2, գ. 93, թ. 3 (Թերթի պատճենը):

<sup>2</sup> «Հնչակ», № 7, Հուլիս, 1907, էջ 80:

<sup>3</sup> Տե՛ս X. 3. Габдуллин, Младотурецкая революция, с. 162.

մասի՝ Թուրքիայի կողմից վերագրավումով տեղի ունեցավ պանսլավոնիզմի գաղափարախոսությունների վիժումը, ձախողվեց Բալկաններում ուսական քաղաքականությունը:

Այսպիսով՝ մի ամբողջ տարի տևած նախճիրներին ու մոլեզնություններին, որոնց «Բալկանյան պատերազմ» էին անվանում, փոխարինելու էր գալիս այսպես կոչված «խաղաղությունը»՝ խուլ ատելությունների ու անդադար դավերի ժամանակաշրջանը: Խաբուսիկ է այդ խաղաղությունը, գրում էր «Աւետաբերը»: Մարդկությունն անհրաժեշտ է «իրական խաղաղությունը՝ հիմնուած ազգերու իրաւունքին եւ ճշմարիտ արդարութեան վրայ»<sup>1</sup>:

Բալկանյան երկու պատերազմներից հետո Թուրքիան չհաշտվեց իր կրած պարտությունների հետ, բայց թվում էր, թե գոնե ինչ-որ տեղ պետք է բավարարված լիներ, որ ճակատագրի մի խաղով վերատիրացել էր իր կորցրած տարածքների մի շատ կարևոր ու շատ արժեքավոր մասին: Բայց այդպես չեղավ: Ընդհակառակը՝ կայսրությունով մեկ ծայր առավ ազգայնամոլական մի աննկարագրելի նոր ալիք: Ամենուր բորբոքվում էր թշնամանքը բուլղարների, ինչպես նաև նրանց աջակից եղած հայությունն ակատամբ:

Պատերազմից անմիջապես հետո Իթիհհադի տեղական կոմիտեների պատասխանատու քարտուղարներն այդ օրերին թուրք ժողովրդին դիմում էին մարդատյաց կոչերով՝ թուրքերի հարյուրամյակների գազանությունների մեղքերը բարդելով քրիստոնյաների վրա:

Ահա այդ դիմում-կոչերից մեկում տեղ գտած «մտքի գոհարները».

«Դաժան թշնամին սպանդանոց է դարձրել մեր հայրենիքը: Նա անգթորեն սպանում էր մեր հայրենակիցներին, կտրատում սպիտակամորուս ճերունիների ձեռքերն ու ոտքերը, չիկացած երկաթով խանձում նրանց աչքերը, հալած կապար լցնում հոգևորականների բերանը..., կտրատում է կանանց կուրծքը,

---

<sup>1</sup> «Աւետաբեր», № 39, 27 սեպտեմբերի 1913 թ.:

պատուում նրանց արգանդը և դուրս բերում Հասունացող պտուղը: Մանուկներին, մուսուլմանների հեզ փոքրիկներին սվինի ծայրն առած խորովում է խարույկի վրա: Մարդկային այրված մսի մուխն ու գարշահոտը բռնել է երկինքը: Գետնի վրա քայլելու տեղ չկար, ամեն տեղ թափված էին դիակներ, կտրված գլուխներ, մարդկային փորոտիք: Թշնամին հրկիզում էր գյուղերն ու ագարակները, ծառերից կախում մեր պատանիներին, հափշտակում մեր ջրի նման մաքուր աղջիկներին: Թշնամին հրճվում էր ավերածությունն ու բռնությունն տեսարաններով և հանգիստ ծխում է իր ծխամորճը... գետերը կարմրեցին մուսուլմանական արյունով...:

Բավ է քնել: Բաց արեք ձեր աչքերը, արթնացեք անհոգ քնից: Պատերազմ է: Դա երկու ազգի պատերազմ չէ: Ո՛չ, դա խաչի և կիսալուսնի, քրիստոնեություն և մահմեդականություն պատերազմ է: Եվ եթե մենք մտածենք, որ պատերազմը վերջացել է, և անհավատները հանգիստ են թողել մեզ, ապա չարաչար կսխալվենք... Մեր թշնամիները գաղտնի պատրաստվում են... Բայց մենք ոչխարներ չենք: Մենք թույլ չենք տա, որ նրանք կապեն մեր ձեռքերն ու ոտքերը, թույլ չենք տա, որ մեզ խեղդեն...

Թող հայրենասիրական սրբազան հուրը վառվի մեր սրտերում և այրի եվրոպան... Մեր մեծ ազգն արդեն բաց է արել իր աչքերը: Եվ հասկացել է, թե ո՛վ է մեր բարեկամը և ո՛վ է մեր թշնամին: Եվ եթե քրիստոնեական եվրոպան հավաքել է խաչակիրները բանակ, ապա մենք կկազմենք կիսալուսնի մուսուլմանական բանակ.....»<sup>1</sup>:

Այս հորինովի սարսափելի տեսարանները նկարագրելուց հետո կոչի հեղինակները դիմում էին կայսրության թուրք բնակչությանը՝ վրեժխնդիր լինել այդ բոլորի համար: Բալկանյան ժողովուրդները, նրանց զինվորները 1912-1913 թթ. գազանություններ չեն գործել, դա թուրքերի ավանդական գործելաոճն էր: Քանի որ այդ ժամանակ Իթթիհադի ձեռքը շատ կարճ էր եվրոպայից կամ բալկանյան ժողովուրդներից վրեժխնդիր լինելու համար, մնում էր եզրակացնել, որ կոչ-դիմումը անմիջակա-

<sup>1</sup> Рашид Нури Гюнтегин, Зеленая ночь, Москва, 1963, стр. 60-61.

նորեն հետապնդել էր հայության համատարած կոտորած նախապատրաստելու գաղափարը: Նման կոչ-դիմումներ տարածվում էին Անատոլիայի բազմաթիվ բնակավայրերում:

1913 թ., երբ նմանօրինակ սադրիչ ահազանգերի պակաս չկար, Իթիթհազի կոմիտեի ցուցումով հայ առևտրականների և արհեստավորների ապրանքների դեմ բոյկոտ հայտարարվեց: Այն սկսվեց Սեբաստիայում և շուտով տարածվեց ամբողջ Անատոլիայում: Բոյկոտը, սակայն, էական արդյունք չտվեց, որովհետև ապաշնորհ և միանգամայն անընդունակ թուրք արհեստավորները ի վիճակի չէին բավարարելու թուրք հարուստ վերնախավի արդեն նրբացած ճաշակը, իսկ թուրք առևտրականները, որոնք մասնագիտացել էին միայն անասունների, արմտիքի ու չոր մրգի մեծածախ առևտրի մեջ, շատ ապաշնորհ էին մանուֆակտուրայի և պերճանքի առարկաների գծով շուկայի պահանջը հաշվի առնելու և բավարարելու համար: Կոմպրադորական կապիտալը գերազանցապես քրիստոնյաների, հատկապես հայերի ձեռքին էր, և կապը արտասահմանյան ֆիրմաների հետ նրանք էին պահպանում: Բոյկոտի՝ որպես «Ազգային նախաձեռնություն» վրա առաջին հերթին ծիծաղում էին մեծահարուստ թուրքերը, որոնք քմծիծաղելով վիժեցրին այդ նախաձեռնությունը: Բայց ապարդյուն անցած բոյկոտն է՛լ ավելի զայրացրեց թուրք ազգային թույլ բուրժուազիային:

Թեև Ադրիանուպոլսի և չրջակա տարածքների վերագրավումը անցողիկ հույսեր ու ոգևորություն էին առաջ բերել թուրքերի մոտ, բայց բոլորը գիտակցում էին, որ ընդամենը երկու տարում աֆրիկյան տիրույթներում և Բալկաններում իրենց կրած կորուստներն այնքան մեծ են ու անդառնալի, որ այլևս խոսք լինել չի կարող օսմանյան հզոր կայսրության մասին, քանզի այն վերածվել է միջին կարողություն պետության:

Տրիպոլիտանական և Բալկանյան պատերազմներում (1911-1913 թթ.) Թուրքիայի կրած տարածքային կորուստներին լույս է սփռում ստորև բերած աղյուսակը (1914 թ. հունվարի 1-ի դրությամբ)<sup>1</sup>:

<sup>1</sup> Տե՛ս Н. Сокольский, Очерки современной Турции, էջ 3:

	1911 թ.	1914 թ.	Կորուստներ
	Հունվարի 1	Հունվարի 1	
	Քառակուսի կիլոմետրերով		
Եվրոպական Թուրքիա	169.317	27.206	150.729
Ասիական Թուրքիա	1.766.800	1.766.800	-
Աֆրիկյան Տրիպոլի	1.051.000	-	1.051.000
Ամբողջ օսմանյան կայսրություն	2.987.117	1.794.006	1.201.729

Ինչպես ցույց է տալիս աղյուսակը, 1914 թ. պատերազմից առաջ՝ սկսած 1911 թ., Թուրքիան կորցրել էր իր նախկին տարածքի 1/3-ից ավելին. զրկվել էր ամբողջ Բալկաններից՝ բացառությամբ Ադրիանուպոլսի ու Կոստանդնուպոլսի միջև ընկած տարածքի, կորցրել էր նաև իր աֆրիկյան բոլոր տիրույթները:

### ՌՈՂՈՍԹՈՑԻ ԵՎ ՄԱԼԳԱՐԱՑԻ ՀԱՅՆԻ ԶԱՐԴԸ

«Բիւզանդիոն» թերթի խմբագիրը Հույս ուներ, որ Թրակիա վերադարձած Թուրքերը տեղացիներից վրեժ չեն լուծի: Նա Համոզված էր, որ Բ. Դուռը Պոլսին մոտ գավառներ կուղարկի կարող և լուսամիտ կառավարիչներ, արդարասեր և ուղղամիտ դատավորներ՝ «օսմանյան արդարութիւնը» անխտիր բաշխելու և՛ իսլամին հետևողին, և՛ քրիստոնյային ու հրեային: «Հետեւաբար այս կամ այն տարրի կողմէ այս կամ այն տարրէն վրէժ լուծելու խօսքեր չեն կրնար ըլլալ, եւ նոյն իսկ պուլկարներէն վրէժ հանելու համար անոնց վրայ բանակ մը զրկելու տաքքլուխ խորհուրդները այսուհետ խոհական մտածութեան մի կողմ թողուած կրնան սեպուիլ այլեւս: Ռուսիա սպառնալիք ըրած ըլլայ թէ ոչ, Բ. Դրան հեռատես իմաստութիւնն կը բաւեր այնպիսի ձեռնարկի մը բոլոր վտանգներն աչքի առջև բերելու»<sup>1</sup>:

<sup>1</sup> «Բիւզանդիոն», № 5083, 29 Հունիսի (12 Հուլիսի) 1913 թ.:



Հակառակ այդ լավատեսությունն՝ Բալկաններում Հայերի կացությունը 1913 թ. Հուլիս-օգոստոս ամիսներին գնալով ծանրացավ նորանոր անակնկալ աղետներով:

Վերագրավված տարածքներում թուրքերը՝ թուրք զինվորականությունը և տեղացի թուրք ամբոխը, վրեժխնդրության թույնով լի, սկսեցին քրիստոնյաների նկատմամբ արյունալի հաշվհարդար տեսնել: Նորից պրկվեց դարավոր ոսոխի սպանիչ ձեռքը, նորից կենդանանում էր մահաբեր հիդրան, որին կյանքի կոչողը եղան երեկվա դաշնակիցների բիրտ ազահությունը և քաղաքական տհասությունը:

Առաջին հարվածն այս անգամ էլ ստացան Հայերը, որոնք բարյացակամ վերաբերմունք էին ցուցաբերել բուլղար զորքերի հանդեպ: Եվ հիմա, «Աւետարների» թղթակցի խոսքերով, նրանք «ո՛չ ազգակից և ո՛չ կրոնակից պետութիւն մը ունին, որուն պաշտպանութեան հոյս ունենան...»<sup>1</sup>:

Հարվածը նախ հասավ Ռոդոսթոյի (Թեքիրդաղ) Հայերին:

Ռոդոսթոյի բուլղարական կարճատև ռազմակալման օրերին Հայերից ոչ ոք մահմեդականների նկատմամբ որևէ վատ արարք թույլ չէր տվել\*: Բայց ահա այժմ թուրքերը և ուրիշ մահմեդականներ մտնում էին Հայերի տները և, անտեղի ռիսակալություններ ու ցասումով լի, նրանց վերագրում էին այնպիսի արարքներ, որոնցից բոլորովին անտեղյակ էին:

Ուստի Հայերը կազմեցին մի պատվիրակություն, որը երկարատև տեսակցություն ունեցավ մյուլթասերիֆի (գավառապետի) հետ: Հանդիպման ժամանակ պատվիրակությունը ջանաց նրան համոզել, որ Հայերը բուլղարների քաղաք մուտք գործե-

---

<sup>1</sup> «Աւետարներ», № 31, 2 օգոստոսի 1913 թ.:

\* Չնայած դրան՝ դեռ 1912 թ. նոյեմբերի կեսերին Օսմանյան կառավարությունը Կ. Պոլսում կազմել էր մի հանձնախումբ, որին հանձնարարված էր տեղեկություններ հավաքել Ռումելիայի մուսուլմանների ջարդի մասին: Հանձնաժողովը, կատարելով ուսումնասիրություններ, իր եզրակացության մեջ ջարդերի հիմնական մեղավորներ էր համարել նաև Հայերին, որոնք, իբր, դրանով ամուսն էին Ասիայում ապրող իրենց եղբայրների վրեժը (տես՝ «Կովկասի լրագրեր», № 22, 27 հունվարի 1913 թ.):

լուց հետո՝ անցած 7-8 ամիսների ընթացքում, որևէ թուրք բնակչի խեթ աչքով չեն նայել: Ավելին, պատվիրակությունը պատրաստակամություն հայտնեց մի տեղեկանք կազմել ու ներկայացնել, որում թվարկված կլինեին այն ծառայությունները, որ Ռոդոսթոյի հայերն այդ ժամանակամիջոցում ցույց էին տվել քաղաքի թուրքերին:

Բուլղարական զորքն արդեն հեռացել էր քաղաքից՝ այնտեղ թողնելով քաղաքացիական իշխանությունը և մի փոքր զորամաս՝ քաղաքը պաշտոնապես թուրքերին փոխանցելու համար:

Հուլիսի 1-ին՝ երկուշաբթի առավոտյան, նավահանգիստ մտավ անգլիական «Իմոջրեն» պահականավոր: Հայերը շունչ առան՝ մտածելով, թե անգլիացիները գուցե մի քանի օր մնան քաղաքում: Բայց նավը շուտով մեկնեց: Նրանք վախից փակեցին խանութները և տուն գնացին: Մինչ իրիկուն խուժանք, պտտվելով հայերի թաղերով, խուժում էր նրանց տները և զենք փնտրելու պատրվակով կատարում ամեն անօրենություն՝ աշխատելով ընդհանուր ջարդ սկսելու համար գտնել հարմար առիթ: Թեև դա տեղի չունեցավ, բայց ծայր էին առել ծեծն ու ջարդը<sup>1</sup>:

Թուրքական զորքերը առաջանալով մոտեցան Ռոդոսթո քաղաքին: Բուլղարական զորքերը և քաղաքի բուլղար իշխանությունները հունիսի 30-ին նախապես հեռացել էին քաղաքից: Այնտեղ մնացել էին միայն մի քանի պահակ բուլղար զինվորներ ու ժանդարմներ, գայմագամը (նահանգապետը) և կոմիսար Մկրտիչ Թաքիրղադյանը՝ քաղաքի հանձնման արարողությունը կատարելու համար:

Նույն օրը՝ հուլիսի 1-ին, Խազ-Օղլուի կողմից երևաց երեք չոզենավ: Նրանցից մեկը լեցուն էր զինվորներով, մյուս երկուսը մարտանավեր էին: Ամենքը նավամատույց իջան՝ թուրքերին դիմավորելու: Այնտեղ գնացին նաև բուլղար գայմագամը և կոմիսարը, որպեսզի ժամանածներին առաջնորդեին քաղաք, այն պաշտոնապես հանձնեին թուրքերին և մեկնեին: Սակայն բուլղար պաշտոնյաներին անակնկալ էր սպասվում: Զինվորները նավից դուրս գալուն պես, դրոշակ բարձրացրած, սկսեցին քաղաքը գրավելու գործողությունը:

<sup>1</sup> Տե՛ս «Մշակ», № 158, 16 հուլիսի 1913 թ.:

Առաջինը սպանվեց քաղաքի հայազգի կոմիսարը՝ Մկրտիչ Էֆենդին, որը պատրաստվում էր հանձնել քաղաքը: Թուրք բնակչությունը այդ գործողություններին արձագանքում էր ուրախությամբ: Նույն պահին տեղացի թուրքերի կողմից սպանվեցին մի քանի բուլղար ժանդարմներ, հայ և հույն քաղաքացիներ<sup>1</sup>:

Երբ ցերեկվա ժամը 1-ին, նավահանգիստ մտան թուրքական ականակիր նավեր՝ չորս հարյուր զինվորով՝ հիմնականում ազգությամբ լազեր, որոնք ցամաք իջնելուն պես սկսեցին հրացանային կրակ տեղալ իրենց դիմավորելու եկած բուլղար զորամասի վրա<sup>1</sup>:

Նկատելով փախչող բուլղարական բանակի ժանդարմին, որն ազգությամբ հայ էր, լազերն ընկան նրա հետևից և կրնկակոխ մտան տունը, ուր փորձում էր թաքնվել ժանդարմը: Լազերը, առանց ժամանակ կորցնելու, զնդակահարեցին նրան և տանը գտնվող երկու հայ կանանց: Դա ազդանշան եղավ, որ հայերի թաղում սկսվի կոտորածը<sup>2</sup>:

Կոտորածին մասնակցում էին ոչ միայն զինվորականները, այլև քաղաքի թուրքերը, որոնք չէին մոռացել այն օրը (1913 թ. հունվարի 6), երբ հայկական կամավորական վաշտը Անդրանիկի գլխավորությամբ մտել էր Ռոդոսթո, և տեղի հայերը նրան դիմավորել էին ցնծությամբ<sup>3</sup>:

Իրենց հերթին չրջակա գյուղերից քաղաք խուժած թուրքերը որոնում էին թաքնված հայերին, լրացնում պակասը՝ կողոպտելով և սպանելով նրանց:

Այդ վայրկյանից խուճապը տիրեց ժողովրդին: Հայերն անմիջապես փակեցին խանութներն ու փախան տները: Շատերը, զենքերի ձայնից անակնկալի եկած, չկարողացան փախչել: Ընդհանուր ջարդի վտանգը դառնում էր իրական: Հայերն ու հույները լցվեցին իրենց տները:

Մինչև իրիկուն մահմեդական խուժանը շարունակում էր իր ոճրագործությունները՝ առանց, սակայն, համատարած ջարդ կատարելու: Դրա պատճառը տեղի հայերի ողջամտությունն էր. նրանցից ոչ մեկը ինքնապաշտպանական գործողության չդիմեց:

---

<sup>1</sup> Տե՛ս «Մշակ», № 158, 16 հուլիսի 1913 թ.:

Նրանց մի անխոհեմ քայլը կարող էր մեծ աղետների առջև կանգնեցնել քաղաքի ողջ ոչ թուրք բնակչությունը:

Հայերի խանութները շարունակում էին փակ մնալ: Քաղաքի իշխանությունները նրանց կարգադրում էին դրանք բացել, իսկ խանութպանները չէին համարձակվում: Հենց կարգադրության օրը մի հայ փողոցում հարձակման էր ենթարկվել և մահացու վիրավորվել:

Կառավարչությունը քաղաքի քրիստոնյա և հրեա բնակչությունը ազդարարություն ուղղեց՝ պահանջելով, որ բոլոր նրանք, ովքեր բուլղարական գրավման ժամանակ զենք են ունեցել, անմիջապես հանձնեն թուրքական իշխանություններին՝ հակառակ պարագայում սպառնալով ամենախիստ պատիժներով:

Հուլիսի 2-ին՝ երեքշաբթի, օսմանյան զինվորները, բաժանված խմբերի՝ յուրաքանչյուրում՝ 4-5 հոգի զինյալ բաշիբոզուկներ, հարձակվում են շուկայում գտնվող հայերի վրա և սպանում նրանցից հինգին: Քանի որ թուրք զինվորները անհամբեր ձեռնարկել էին թալանի գործը, ուստի հայերը ժամանակ են ունենում փախչել տները:

Շուկայում թալանն ավարտելուց հետո թուրք զինվորները և նրանց շուրջը համախմբված խուժանը տեղի հրեա և թուրք հարևանների ցուցումներով թաքնված բուլղարներ և զենք փնտրելու պատրվակով մտնում են հայերի տները՝ չորթելու ոսկեղեն ու դրամ:

Նույն ժամանակ թուրք խուժանը խմբերով հարձակվում է դաշտում աշխատող հայերի վրա և սպանում նրանց: Սպանվածների մեծ մասը Ադրիանուպոլսի պաշտպանությունը մասնակցած նախկին զինվորներ էին<sup>1</sup>:

Չնայած խստիվ արգելված էր քաղաքից դուրս գալը, բայց հայ կանայք ու այրեր, զնալով հրամանատարի մոտ, խնդրել էին հանձնել իրենց զավակների մարմինները, բայց մերժում էին ստացել:

---

<sup>1</sup> Տե՛ս «Մշակ», № 158, 16 Հուլիսի 1913 թ.:

<sup>2</sup> Տե՛ս նույն տեղում:

<sup>3</sup> Տե՛ս նույն տեղում:

Հայ բնակչության մեծ մասն ապաստան էր գտել տեղի օտար հյուպատոսարաններում: Նրանց մի մեծ խմբի պաշտպանություն էր տվել անգլիական հյուպատոսը: Ավատրիահայատակ Մովսես բեյի տանը հաշվվում էր ավելի քան 300 մարդ<sup>2</sup>:

Հուլիսի 3-ի (չորեքշաբթի) կեսօրից հետո Ռոզոսթո հասան քաղաքային և զինվորական թուրք պաշտոնյաներ, որոնց հետ՝ նաև 320 ոստիկաններ և մոտ 150 զինվորներ:

Հայերի նոր գնդակահարություններ տեղի ունեցան ուղղակի փողոցներում: Այդ օրը սպանվեց հինգ տասնյակից ավելի մարդ: Նրանց թվում էին Մովսես բեյը, Եղիա Պետրոս Սագրզլեանը, բուլղարական բանակի՝ գերի ընկած 15 Հայ զինվորներ, որոնց թվում Եղիա Ճյուպարյանը, Սարգիս Մահմուդյանը, Գաբրիել Սարգսյանը, Սիմոն Կարապետյանը, Հովհաննես Մանուկյանը և այլք<sup>3</sup>:

Նույն օրը քաղաք եկավ նաև Կ. Պոլսի Հայոց պատրիարքարանի պատվիրակությունը: Գավառապետին շնորհավորական այցելություն տալուց և առաջնորդարանում հանդիպում ունենալուց հետո պատվիրակներն այցելեցին գերեզմանատուն, ուր ամփոփված էին քաղաքում նահատակված Հայերի մարմինները: Մինչ նրանք գերեզմանատանն էին, կառքերով այնտեղ բերվեցին բազմաթիվ կացնահարված դիակներ: Ջարհուրելի տեսարանը խուսափում էին նայել հյուպատոսարանների այնտեղ գտնվող աշխատակիցները: Հայ տղամարդիկ, մի կողմ քաշված, արտասովում էին, իսկ կանանց արձակած ձիչերը, լացն ու կոծն ականջ էին խլացնում:

Ռոզոսթոյում սպանված ու վիրավոր Հայերի թիվն անցել էր 700-ից: Դեռևս բուլղարների կողմից Ռոզոսթոն գրավելու ժամանակ թուրք զինվորների հետ գերի էին ընկել նաև թուրքական բանակի շուրջ 100 Հայ զինվորներ: Եվ ահա այժմ, երբ Ռոզոսթոն թուրքերի կողմից վերստին գրավվեց, բուլղարների

---

<sup>1</sup> Տե՛ս «Մշակ», № 150, 11 Հուլիսի 1913 թ.:

<sup>2</sup> Տե՛ս Հ. Միմոնյան, Անդրանիկի ժամանակը, էջ 355-359:

<sup>3</sup> Տե՛ս «Մշակ», № 190, 30 Հուլիսի 1913 թ.:

գերի ընկած հայ զինվորները զատվեցին գերի ընկած թուրք զինվորներից, ձերբակալվեցին ու հանձնվեցին ռազմադաշտային դատարանին: Վերջինս որոշեց նրանց արտոբել էրզրումի վիլայեթ և բանտարկել, իսկ բանտարկության ժամկետը լրանալուց հետո կրկին զինվորական ծառայություն ուղարկել: Ռազմաճակատում կռված երեկվա հայ զինվորները, չընկալված հեծյալ թուրք զինվորներով, հետիոտն քշվում էին դեպի էրզրում: Շաբաթներ շարունակ նրանք առաջ էին գնում քաղցած ու վհատ: Ականատեսը վկայում է, որ նրանցից մի քանիսի ոտքերին վերքեր էին առաջացել, որի պատճառով դժվարանում էին քայլել: Զիավոր թուրք զինվորները նրանց հրմշտում էին և մտրակի հարվածներով առաջ քշում: «Քյաֆիր հայեր, – ասում էին թուրքերը, – դուք եք Ռոմելին բուլղարների ձեռքը մատնողները: Ա՛յ ձեր ...»:

Քայլում էր խումբը նախատինքների տարափի տակ, լուռ համբերություն, ցավին ու տանջանքին ենթակա: Այդ ստորացուցիչ տեսարանի հայ ականատեսը ցավով ու զայրույթով շարունակում էր. «Հայո՛ց ազգ, ջահել զավակներիդ արյունն իսկ նվիրեցիր անհազ Մոլոքին–օսմանյան պետություն – ու էլի նա արհամարհեց քեզ, թքեց մարայներիդ երեսին ու արյունին, ոտնակոխ արեց քո բոլոր սրբությունները»<sup>1</sup>:

Մարմարա ծովի մոտ՝ Ռոդոսթո ու Քեչան քաղաքների միջև, կար Մալգարա անունով մի գյուղ (գյուղաքաղաք): Դա դրախտանման բնակավայր էր՝ հայախոս ու ժրջան ազգաբնակչություն, հայ, հույն և թուրք խառը բնակիչներով: Գյուղի բացարձակ մեծամասնությունը հայեր էին: Բացի հողագործներից՝ գյուղն ուներ մեծ թվով արհեստավորներ:

Հունիսի 14 (27)–ին՝ բուլղարական զորքի հեռանալիս, նրա հետ գյուղը լքեցին մոտ 50 հայ ընտանիքներ՝ հաստատվելու համար Բուլղարիայում<sup>2</sup>: Հուլիսի սկզբին թուրքական մի զորամաս՝ հիմնականում արաբներից բաղկացած, Ալի փաշայի հրա-

---

<sup>1</sup> Տե՛ս Վարդան Յ. Ոռչիկեան, Մալկարայի հայ գաղութը (1610–1922 թուականներ), էջ 82:

<sup>2</sup> Տե՛ս «Մշակ», № 158, 16 Հուլիսի 1913 թ.:

մանատարութեամբ մտնում է Մալգարա: Ժողովուրդը հեզ ու խաղաղ պատրաստ էր հպատակվելու օսմանյան բանակին, ինչպես առաջ հպատակութիւն էր հայտնել բուլղար բանակին:

Երեք օր գոնե արտաքննապես հանգիստ մնալուց հետո չորրորդ օրը թուրք զորքը հարձակման անցավ գյուղի հայ բնակչութեան վրա: Առաջին խոչտանգվածներից էին Սիմոն աղան, Պետրոս Սազգյան աղան, որոնք Մալգարայի հայոց երևելիներից էին: Գյուղացիները սարսափահար փակվեցին տներում: Շուկան հրդեհելուց և այնտեղ գտնվող հայերի խանութները նախապես կողոպտելուց հետո թուրք զինվորները ձեռնամուխ եղան նրանց բնաջնջմանը: Նախ թալանի ենթարկեցին տները, որից հետո այնտեղից դուրս բերեցին հայ ընտանիքներին և, առանց մեծ ու փոքր հաշվի առնելու, բոլորին գնդակահարեցին հենց տների շենին, սանդուղքների վրա, բակերում: Հայերին սպանելու ժամանակ թուրք զինվորները ատելութեամբ գոչում էին. «Բուլղարների՞ն էիք ուզում, դե հիմա ստացե՛ք»: Նրանք, ովքեր կարողացել էին գյուղից փախչել, իրենց վախճանը գտան դաշտերում: Սպանողը իրագործելուց հետո թուրք զինվորները, որոնց միացել էին գյուղի թուրք բնակիչները, կրակի ձարակ դարձրին հայկական բոլոր թաղերը<sup>1</sup>:

Ականատեսը վերհիշել է, որ Զարդարարները հարյուրավոր տակառներ նավթ էին բերում, լցնում էին հայերի տների ու խանութների վրա և կրակի մատնում: «Սկսվեց հսկայական մի հրդեհ: Բնակավայրի ամենահարուստ մասը վառվում էր: Ահավոր բոցերը վերահաս գիչերվա խավարի միջից բարձրանում էին երկինք և լուսավորում իրենց չորս կողմը: Հայերը լքեցին իրենց տները և ապաստանեցին մոտակա այգիներում: Ամբողջ գիչերը հրդեհը շարունակվեց, իր բոցերի մեջ առնելով նորանոր տներ ու խանութներ: Մեր բնակարանների մեծ մասը տախտակաչեն էր, չորացած ատաղձը մարխի նման վառվում էր՝ բարձր բոցեր արձակելով»<sup>2</sup>:

<sup>1</sup> Մշակ», № 176, 11 օգոստոսի 1913 թ.:

<sup>2</sup> Օնիկ Փանիկյան, Մահից դեպի կյանք, «Հայաստան» հրատ., Երևան, 1965, էջ 88, 89:

Զինվորների և գյուղացիների ոճրագործություններին ակտիվ մասնակցում էին հարևան թուրք գյուղացիները:

Թուրք կանոնավոր բանակը, այսպիսով, մայրաքաղաք Պոլսից ոչ շատ հեռու արդեն խաղաղ ժամանակ ստոր վրեժխնդրության դիմեց անմեղ հայերի նկատմամբ՝ այն խժոժությունների համար, որ բուլղարական բանակը կատարել էր թուրք բնակչության նկատմամբ Մալգարան գրավելուց հետո:

Ռոդոսթոյի և Մալգարայի ջարդը սաստիկ հուզում էր առաջ բերել Կոնստանդնուպոլսի հայ ազգաբնակչության մեջ: Կ. Պոլսի ազգային պատրիարքարանի կողմից մի պատվիրակություն ներկայացավ ներքին գործերի նախարար Թալեաթ բեյին և նրան հանձնեց հիշատակագիր նշված վայրերում հայերի ջարդի առիթով<sup>1</sup>: Հիշատակագրով պատրիարքարանը խնդրում էր. 1) Ոստիվ պատժել կոտորածի բոլոր պատասխանատուներին, 2) Թույլ չտալ, որ տեղական իշխանությունները խուզարկեն կենդանի մնացած հայերի տները, 3) Արձակել ձերբակալված հայերին, 4) Հրամայել, որ դյուրություններ տրվեն հավաքելու սպանված հայերի՝ դաշտերում թափված դիակները և թաղել գերեզմանատներում, 5) Զեռնարկել հարկ եղած միջոցներ նոր աղետների առաջն առնելու համար:

Սակայն թուրք կառավարությունը ոչ միայն միջոցներ չձեռնարկեց ջարդերի պատճառները քննելու և մեղավորներին պատժելու համար, այլև, ինչպես միշտ, մեղքը բարդեց զոհերի վրա<sup>2</sup>: Մալգարա ուղարկած հանձնաժողովը, փոխանակ հայտնաբերելու մարդասպաններին, ձերբակալել տվեց կենդանի մնացած 24 հայերի, որոնք նետվեցին բանտեր, իսկ նրանցից մի քանիսն անհետ կորան:

---

<sup>1</sup> Տե՛ս «Նոր մամուլ» (Երևան), № 31, 14 հուլիսի 1913 թ.:

<sup>2</sup> Տե՛ս «Աւետարեք», № 31, 2 օգոստոսի 1913 թ.:



## ԿՈՏՐԱԾ ՏԱՇՏԱԿԻ ԱՌԱՋ

Բուլղարիան, որ իր ազգային անկախությունը ձեռք էր բերել՝ չնորհիվ ուսսական ազատարար գործերի, ապա ուսսական պետություն հռվանավորությունը ու աջակցությունը դարձել Բալկանների ամենագործ պետությունը, իր քաղաքական ու զինվորական սխալների հետևանքով աներևակայելի կարճ ժամանակում ոչ միայն կորցրեց գրաված տարածքների ամենակարևոր մասը ու սեփական երկրի կենսական հատվածը (Սիլիստերի և այլն), այլև փրուզեց իր զինվորական փառավոր համբավը:

Հայերը սրտի խոր ցավով էին հետևում բուլղարական գործերի նահանջին: Չէ՞ որ փառքով պսակված Բալկանյան պատերազմը վերջանում էր անփառունակ: «Դրոշակը» դառնությունը գրում էր, որ Բուլղարիայի բախտի անիվը շուտ եկավ՝ ցնծություն պատճառելով նրա թշնամիներին և խոր վիշտ՝ բեկամներին<sup>1</sup>:

Անդրադառնալով անօրինակ ճգնաժամի մեջ ընկած Բուլղարիայի ծանրագույն վիճակին՝ «Դրոշակն» իր մի ուրիշ համարում հիշեցնում էր, որ այդպիսի ցնցումներ երկիրը չէր տեսել 1876-ի զարհուրելի օրերից ի վեր, երբ Բատակը՝ բուլղարական Սասունը՝ արյունալվա և անօգնական, հազարավոր խողխողված դիակների միջից Եվրոպայի ականջներին էր ուղղել իր աղիողորմ կանչերը...<sup>2</sup>: Այն ժամանակ հանդես եկավ մի Գլադստոն, որն իր պերճ ու հեղինակավոր լեզվի ողջ ուժով խարանեց սուլթանական բռնապետությունը և պաշտպան կանգնեց կոտորվող ժողովրդին, իսկ քիչ հետո հյուսիսից հնչեց մեծ ցեղակցի՝ Ռուսաստանի օգնության աղաղակը: Իսկ հիմա բախտի մի անողորմ դիմադարձությունը Եվրոպան երես էր թեքել «բուլղար» անունից, և նա այլևս չունեք որևէ պաշտպան: Նույնիսկ նրա ազատարար ազգականը՝ հզոր Ռուսաստանը, մի կողմ էր քաշվել<sup>3</sup>:

Իսկ «Աւետարեք» թերթի հողվածագիրը նկատում էր, որ

<sup>1</sup> Տե՛ս «Դրոշակ», № 1, Հունվար, 1914, էջ 1:

<sup>2</sup> Տե՛ս «Դրոշակ», № 7-8, Հուլիս-օգոստոս, 1913, էջ 121:

<sup>3</sup> Տե՛ս նույն տեղում:

երբ Բուլղարիան հարձակում սկսեց իր զինակիցների դեմ, պետք է իմանար՝ որքան էլ լավ բանակ, որքան էլ քաջամարտիկ զինվորներ ու զորավարներ ունենար, դարձյալ իր ուժերը չպիտի ներեին հաղթող դուրս գալու նոր պատերազմից: Զորավար Սավվը որքան մեծատաղանդ ուղղմական, նույնքան կարճատես քաղաքական գործիչ դուրս եկավ: Ռուսաստյաց Ստամբուլովյան կուսակցությունը, շարունակում էր «Աւետարեբրի» հոգվածագիրը, նեղ ազգայնական ձգտումներով իր հպարտ հայրենիքը ծանր ճգնաժամի ենթարկեց: Եվ եթե չլինեք Ռուսաստանի և նրա դաշնակիցների միջամտությունը, Բուլղարիան, անշուշտ, որպես պետություն կկործանվեք, քանի որ ուժ չունեք շարունակելու կոիվը միաժամանակ մի քանի ձակատներով<sup>1</sup>:

Բուլղարական մամուլը բուռն քննադատություն տակ էր առել երկրի զիվանագիտությունը, որ «քանդեց բուլղար զենքով չինված գործը»: Մամուլը դատափետում էր սեփական զիվանագիտությունն ամենից առաջ այն պատճառով, որ նա, անհեռատեսություն հանդես բերելով, բալկանյան զինակցությունը կնքելու ժամանակ դաշինքի անդամների հետ նախապես չէր համաձայնեցրել, թե գրավելիք որ տարածքները որին պետք է անցնեն: Բայց այդ հարցում աններելի անհոգություն էին հանդես բերել դաշինքի բոլոր անդամները: Դեռևս զինակցությունը կնքելուց շատ չանցած՝ 1912 թ. դեկտեմբերի սկզբին, «Կովկասի լրագրերը» զարմանքով գրել էր, թե ինչու դաշինքի անդամները չեն քննարկել պատերազմի արդյունքների և տարածքային բաժանումների հարցը, այլ իրենց առջև դրել են միայն մի խնդիր՝ պատերազմ սկսել Թուրքիայի դեմ և այն պսակել հաղթությամբ: Թերթի մեկնաբանը դա համարում էր բուլղար զիվանագիտության աններելի խտտորում<sup>2</sup>:

Բալկանյան երկրորդ պատերազմից ամենից շատ օգտվել էին Թուրքիան և Ռուսիան (վերջինիս Բուլղարիայից անցել էր հարավային Դորբուջան), իսկ ամենից շատ տանուլ էր տվել Բուլղարիան՝ Բալկանյան առաջին պատերազմի հաղթական հերոսը:

<sup>1</sup> Տե՛ս «Աւետարեբր», № 30, 26 հուլիսի 1913 թ.:

<sup>2</sup> Տե՛ս «Կովկասի լրագրեր», № 29, 1 դեկտեմբերի 1913 թ.:

Բուլղարական մամուլի և հասարակայնությունների քննադատությունը կենտրոնում երկրի ղեկավարությունն էր, որը չափազանց խստապահանջ եղավ իր նախկին դաշնակիցների նկատմամբ, որոնք իրենց հերթին նախանձով էին լցվել նրա նկատմամբ և ամեն առիթից օգտվում էին վերջինիս ուժաթափ անելու համար<sup>73</sup>:

Իսկ կոնկրետ ուլքե<sup>74</sup> էին մեղավոր ու պատասխանատու մահառիթ վրիպումների համար՝ Դանե<sup>75</sup>, Սավո<sup>76</sup>վը, Ֆերդինանդ<sup>77</sup>ը... Բոլորը միասին, բայց առավել ևս՝ զորավար Սավովը, որը, նոր պատերազմի նախօրյակին ռազմաճակատից Սոֆիա գալով, պահանջել էր ամենայն խստություններ վարվել Սերբիայի հետ, ոչ մի դեպքում տեղիք չտալ նրա նկրտումներին, այլապես ինքը չի անսա ոչ մեկի խորհրդին, նույնիսկ թագավորի հրամանին և ինչպես հարկն է դաս կտա Բելգրադին:

Միատ քննադատություն տակ էին նաև դոկտ. Դանելը և նույնիսկ Ֆերդինանդ թագավորը, որոնք, զորավար Սավովի հետ միասին տուրք տալով հիմար փառասիրությունը, մի քանի չաբաթների ընթացքում կորցրել էին այն ամենը, ինչ ամիսների ու տարիների հետևողական աշխատանքով և անհամար կյանքերի գնով ձեռք էին ձգել: Իսկ հիմա<sup>78</sup>:

«Դրօչակը» սրտի խոր ցավով գրում էր, որ հազարավոր բուլղար գյուղացիներ ու արհեստավորներ իրենց գլուխը դրեցին այդ եղբերական սխալների համար: Բանակը՝ Ջարդուփչուր, մարտադաշտերում՝ 30.000 ամենաընտիր երիտասարդների կոտորած, 50.000 վիրավորներ ու հաշմանդամներ<sup>79</sup>, իսկ արդյունքը՝

---

<sup>73</sup> Տե՛ս «Աւետարեք», № 30, 26 Հուլիսի 1913 թ.:

<sup>74</sup> Իսկ եթե այդ ամենին գումարվում են Բալկանյան առաջին պատերազմում բուլղարների կրած մարդկային կորուստները, ապա պատկերը լինում է սոսկալի: Երկու պատերազմներում Բուլղարիայի կրած մարդկային կորուստների մասին պատմական գրականության մեջ բերվում են տարբեր թվեր: Օրինակ՝ Ա. Մ. Շնիտմանը բուլղար սպանված զինվորականների թիվը հաշվում է 70 հազար, վիրավորներինը՝ է՛լ ավելի շատ (տե՛ս А. М. Шнитман, *Большевическая газета "Правда" и болгарское рабочее движение (1912-1914 гг.)*, Мурманск, 1962, էջ 10): Թեոդիկը գոհերի թիվը ներկայացնում է 52.716, վիրավորները՝ 102.853 (տե՛ս Թեոդիկ, *Ամենուն տարեցույցը. Ազատ Հայուն պղտիկ հանրագիտարանը*, Կ. Պոլիս, 1914, էջ 324):

այնքան չնչին: Մակեդոնիան՝ նրա տիրապետությունից խուսափած, Ադրիանուպոլիսը՝ ձեռքից հանած, բուն բուլղարական հողերի մի պատկանելի տարածություն՝ անցած ումինի ձեռքը: Այնինչ հույներն ու սերբերը գրեթե կրկնապատեցին իրենց հողերն ու բնակչությունը<sup>1</sup>: Իսկ ժողովուրդը՝ այդ հավիտենական նահատակը և քավության նոխազը, այդպես էլ չիմացավ, թե ինչու և ինչպես կատարվեց այդ հրեշավոր ու անպատիվ ողբերգությունը:

Բալկանյան երկրորդ պատերազմից հետո ի՞նչ մնաց Բուլղարիային: Մնացին մի փորձառություն միայն, դառը մի դաս, մի մեծ վիչտ և մի փոքր հույս:

Այդ պատերազմի հետևանքով Բալկաններում առաջ եկան նոր հակասություններ և խորացան թշնամությունները: Դեռ Բալկանյան առաջին պատերազմի սկզբներին Կ. Պոլսի «Աւետաբեր» թերթի խմբագիրը, հետևելով մեծ տերությունների կառավարությունների դիվանագիտական խաղերին և վերլուծելով միջազգային գործընթացները, եզրահանգել էր. «Կրնանք ըսել, թե ներկայ պատերազմը իր հետևանքներով եւրոպական մեծ տրամի մը առաջին գործողութիւնն է»<sup>2</sup>:

---

<sup>1</sup> Տե՛ս «Դրօշակ», № 7-8, հուլիս-օգոստոս 1913 թ., էջ 123:

<sup>2</sup> «Աւետաբեր», № 46, 16 նոյեմբերի 1912 թ.:

## **ԳԼՈՒԽ ԶՈՐՐՈՐԴ**

### **ԲԱԼԿԱՆՅԱՆ ՊԱՏԵՐԱԶՄՆԵՐԻ ՊԱՏՃԱՌԱԾ ՄԵԾ ԱՂԵՏՆԵՐԸ ՀԱՅ ԺՈՂՈՎՐԴԻՆ**

Թեև Թուրքիայի հայկական նահանգները շատ հեռու էին Բալկաններից, բայց այնտեղ ընթացող արյունալի ռազմական գործողությունները ծանր հետևանքներ ունեցան հայ ժողովրդի համար:

Տիրապետող ազգերը, տարված իրենց գերակայություն իդեալներով, սովորաբար անցնում են սեփական ուժերի սահմանները և հետո անկարող են լինում պահպանելու իրենց գրաված հողերը: Նույնը կրկնվեց նաև Բալկանների մեծ մասը գավթած Թուրքիայի պարագայում:

### **ՀԱՅԵՐԻ ՀՈՂԵՐԻ ՎՐԱ ՄՈՒՀԱԶԻՐՆԵՐԻ ԲՆԱԿԵՑՈՒՄԸ**

Պատերազմի ընթացքում օսմանյան բանակի կրած ջախջախիչ պարտությունների հետևանքով Ռոմելիայի հարյուրավոր գյուղերի թուրք բնակչությունը, երկյուղ կրելով մոտեցող բուլղարական զորքերից և հարևան քրիստոնյաների վրեժխնդրությունից, թողած տուն ու տեղ, ուղղություն վերցրեց դեպի Անատոլիա: Թուրքական իշխանությունները և թերթերը Ռոմելիայի թուրք բնակչությանը կոչ էին անում չլքել իրենց բնակավայրերը, չգաղթել և նոր խնդիրներ չստեղծել իրենց և կառավարություն համար, բայց դա չէր հաջողվում. 250 հազար թուրք գաղթականները կամ մուհաջիրները Թրակիայի սահմանագլխից հեղեղի նման շարունակում էին թափվել Կ. Պոլիս: Բալկաններից մայրաքաղաք հասնող գաղթականների թվում կային մեծ թվով

զնչուններ: Աստիճանաբար մայրաքաղաք էին վերադառնում նաև Ջարդուփչուր եղած օսմանյան զորքերի մնացորդները:

Եվրոպայում Թուրքիայի տիրապետություն օրերը հաշվված են: Ավելին, շատերը նույնիսկ կարծում էին, որ շուտով Թուրքերը քաշվելու են նաև Կ. Պոլսից, օսմանյան պետությունը պարփակվելու է Փոքր Ասիայում, նրա մայրաքաղաքը փոխադրվելու է Բուրսա՝ խալիֆայության նախկին աթոռանիստը:

Եվրոպական և ուսսական քաղաքագետներին ու մամուլի օրգաններին հետաքրքրում էր, թե այդ նոր սահմաններում կայսրությունը կթուլանա՞ այն աստիճանի, որ բռնի երկրորդական պետություն դառնալու ճանապարհը, թե՞ ընդհակառակը՝ նա իր մեջ ուժ կգտնի վերածնվելու և կրկին հզորանալու:

Ոմանք կարծիք էին հայտնում, թե Եվրոպայից հեռանալն ու այլևս մակեդոնական, ալբանական, կրետեական խնդիրներից ձերբազատվելը շահավետ են լինելու Թուրքիայի համար, քանի որ իրենից թոթափելով տնտեսական որևէ օգուտ չբերող բալկանյան վիլայեթները՝ կտնտեսի հսկայական գումարներ, որ նա ծախսում էր այդ տարածքներում տեղաբաշխված զորքերը պահպանելու: Ահա այդ տնտեսված գումարները նոր պայմաններում Թուրքիային հնարավորություն կտային բարելավել տնտեսությունը և մեծապես ուժեղանալ:

Թվում էր, թե Բալկանյան առաջին պատերազմում քրիստոնյա պետությունների տարած հաղթանակը նպաստելու է Թուրքահայաստանի հարցի լուծմանը: Բայց շատ շուտով պարզ դարձավ, որ Ադրիանուպոլսի և Չաթալջայի անկումը բացասական հետևանքներ ունեցավ Թուրքահայերի վրա՝ դժբախտության մի նոր դուռ բացելով նրանց համար:

Թուրքերի տիրապետության վերջին դարը քայքայման, անկման, ավերումի, ջարդերի մի այնպիսի քստմնելի տարեգրություն էր, որ զարմանալի չէր լինի, եթե նրա պատմության այս նույն էջերը հարատանային նմանը չունեցող նոր ոճրագործություններով: Իսկ այդ պահին դրա համար ոչինչ էլ չէր պակասում՝ և՛ հոգեվարքի հասած հուսահատություն, և՛ պարտվածի կատաղություն:

Ռուսելիայից Թուրք գաղթականություն (մուհաջիրների)

չարժը դեպի օսմանյան մայրաքաղաք և ավելի հեռուներ սկսել էր դեռևս պատերազմի սկզբից՝ բուլղարական բանակների կողմից այնտեղի հարյուրավոր թուրքաբնակ գյուղերը գրավելու նախօրերին և հետո: Թուրք բնակչությունը նախօրոք փախչում էր՝ երկյուղ կրելով մոտեցող բուլղարական զորամասերի մարտիկներից և իրենց հարևան քրիստոնյանների վրեժխնդրությունից\*:

Թեև Հայաստանը շատ հեռու էր Բալկաններից, բայց այնտեղ ընթացող արյունալի ռազմական գործողությունները ծանրագույն հետևանքներ ունեցան թուրքահայությունից համար:

Բալկանյան պատերազմներն ավելի խորացրին առանց այն էլ օսմանյան ռազմաբռնապետական կարգերի ճնշման տակ աղքատություն եզրին հասած հայությունից տնտեսությունից քայքայումը: Ռազմաճակատ ուղարկվեցին հազարավոր հայորդիներ, որոնցից շատերն ընկան կռվի դաշտերում կամ դարձան հաշմանդամ:

Դեռ մինչև մուհաջիրների գալը՝ պատերազմի առաջին ամիսներին, հայերի տնտեսությունն արդեն փլուզման եզրին էր հասել: Սրինակ՝ չհաշված քրդերի կողմից իրականացվող մշտական հափշտակումները՝ հայ գյուղացուն մնացած խոշոր եղջերավորների մեծ մասը իշխանությունների կողմից բռնագրավվել էր որպես բանակի համար մսացու կամ բանակում օգտագործվում էր որպես փոխադրամիջոց: Ռազմաճակատի կարիքների համար բռնագրավված էին նաև հայերի բոլոր ձիերն ու ջորինեբը:

1912 թ. դեկտեմբերի 4 (17)-ին «Իկդում» թերթում թուրք գրագետ Համդուլլա Սուբհի բեյը տպագրել էր «Հայերը և մենք» խորագրով հոդված, ուր անդրադարձել էր նաև մուհաջիրների

---

\* Կ. Պոլսում 1912 թ. նոյեմբերի կեսերին օսմանյան կառավարությունը կազմել էր մի հանձնախումբ, որին հանձնարարված էր տեղեկություններ հավաքել Ռումելիայի մուսուլմանների ջարդի մասին: Հանձնաժողովը իր եզրակացությունից մեջ ջարդերի մեղավորներ էր համարել նաև հայերին, որոնք, իբր, Ասիայում ապրող իրենց եղբայրների վրեժն էին լուծել (տե՛ս «Վոլկասի լրագրեր», № 22, 27 հունվարի 1913 թ. ):

խնդրին՝ նշելով, որ սրանք, գաղթելով Ասիական Թուրքիա, իրենց գայրույթն ամենից առաջ թափելու են հայերի գլխին: Հողվածագիրը գաղթող թուրքերին հիշեցնում էր, որ Ռումելիայի հայերը հարևան ու դրկից թուրքերին խորհուրդ են տվել չլքել իրենց բնակավայրերը և իրենց նոր փորձանքների չենթարկել: «Գաղթող իսլամ հայրենակիցներուն տունները երթալով, վկայում էր Սուբհի բեյը,– անոնք (հայերը:– Հ. Ս.) կ'ըսէին (թուրք հարևաններին:– Հ. Ս.)... Մի գաղթէք, մինչեւ որ այս օրերը անցնին: Միասին նստինք, մի՛ քանդեք ձեր բոյնը...»<sup>1</sup>: Սուբհի բեյը, սակայն, համոզված չէր, որ Ռումելիայից գաղթող թուրքերը Անատոլիայում նման մարդասիրական վերաբերմունք են ցուցաբերելու հայերի հանդեպ:

“Gazette de Lausanne” թերթը (Լոզան) 1913 թ. ապրիլի 19-ին գրում էր. «Թուրքերի և բալկանյան դաշնակիցների միջև խաղաղության մոտալուտ կնքումը ավելի հրատապ է դարձնելու հայկական խնդիրը: Երկյուղ կա, որ պարտությունից հուսահատ թուրք զինվորները իրենց բնակություն վայրեր վերադառնալուց հետո պիտի փորձեն վրեժխնդիր լինել բոլոր ժողովուրդներից ամենադժբախտ այս անգնն ժողովրդից»:

Երբ մուհաջիրական շարժումը դեռ նոր էր սկսվել, ռուսական “Речь” թերթը նախազգուշացնում էր. «Իրապես Փոքր Ասիան Թուրքիոյ սիրտն է, բուն իսկ Թուրքիան է: Եւրոպական Թուրքիայէն թուրք ժողովուրդին գաղթումը դէպի Փոքր Ասիա, աւելի պիտի բարդացնէ հոն ոչ-թուրք ազգութիւններու վիճակը, որոնք վաղուց կը կարօտին գոյութիւն ունեցող պայմաններու բարւոքման: Եթէ հիմա իսկ ձեռք չառնուին անհրաժեշտ միջոցներ, այն ատեն լուրջ բարդութեանց երեւան գալը Փոքր Ասիայի մէջ՝ անխուսափելի է»<sup>2</sup>:

Հողագրկված ու տնագրկված մուհաջիրները իրենց ընտանիքներով ժամանակավոր դադար էին առնում մայրաքաղաքի

<sup>1</sup> Համդուլլա Սուբհի բեյի սույն Հողվածի թարգմանությունը տե՛ս «Ժամանակ», № 1298, 5 (18) դեկտեմբերի 1912 թ.:

<sup>2</sup> “Речь”-ի Հողվածի թարգմանությունը տե՛ս «Բուլթանիա», № 1097, 27 դեկտեմբերի 1912 թ. (9 Հունվարի 1913 թ.):



մերձակա տարածքներում: Այստեղ նրանք կառավարությունից ստանում էին ճանապարհածախս, ինչպես նաև նշանակված վայրերում հիմնավորվելու համար բավականաչափ գումար: Բայց դա բոլորը չէր: Նրանք նաև խոստումներ չէին ստացել, որ Անատոլիայում ունենալու են և՛ հող, և՛ անասուններ, և՛ տուն:

«Բուլթանիա» թերթը գրում էր, որ հարյուրհազարավոր մուհաջիրները չեն կարող երկար ժամանակ մնալ օսմանյան մայրաքաղաքում և նրա մերձակայքում, քանի որ բացառապես երկրագործներ են: Ուստի «ասոնք կ'անցնին Պոլսէն իրենց ընտանիքներով ու իրենց անասուններով և եզան կառքերով՝ ճիչդ այնպես, ինչպես կ'անցնենին 500 տարի առաջ դեպի Եվրոպա»<sup>1</sup>:

Մուհաջիրական շարժումը պատերազմի առաջին խսկ օրերից տագնապի էր մատնել Կ. Պոլսի հայկական իշխանություններին: Նրանք համոզված էին, որ քրիստոնյաների դեմ կատաղի ատելությունամբ լցված մուհաջիրները բարբարոս հորդանների պես պիտի հեղեղեն Հայաստանը: Բոլոր Հայ գործիչները հասկանում էին, որ մուհաջիրական շարժման դեմն առնելու համար հայերը որևէ ազդու միջոց չունեն: Նրանք սարսափում էին այն մտքից, որ թուրք և քուրդ վիրավոր զինվորները ռազմաճակատում քրիստոնյա պետությունների զորքերից կրած ծանր զրկանքների համար դիմելու են լայնածավալ խժղժուլթյունների Անատոլիայի քրիստոնյաների հանդեպ:

Մուհաջիրներն ուղղություն վերցրին դեպի Անատոլիայի խորքերը: Համարյա միաժամանակ իրենց տներն էին վերադառնում բանակի 400 հազար թուրք, քուրդ, արաբ զինվորներ, որոնցից վիրավորներին թուլյատրված էր տուն տանել իրենց զենքը: Զորացրված զինվորների պատկառելի մասը հայաստանցի թուրքեր ու քրդեր էին կամ այլազգի մուսուլմաններ:

Բալկաններից հեռացած 250-հազարանոց թուրք զանգվածից 150 հազարը դեգերելով 1913 թ. գարնանը հասավ Հայաս-

---

<sup>1</sup> “Речы”-ի հոդվածի թարգմանությունը տե՛ս «Բուլթանիա», № 1097, 27 դեկտեմբերի 1912 թ. (9 հունվարի 1913 թ.):

տան: Ծաբաթների ընթացքում մուհաջիրները հաստատվեցին քաղաքամերձ արվարձաններում կամ խմբերով ուղղվեցին գավառներ<sup>1</sup>: Քրիստոնյաների դեմ գրգռված՝ նրանք որոճում էին ջիհադ՝ սպառնալով «փոշու վերածել» նրանց:

Հայաստան թափանցած հազարավոր թուրք ընտանիքներ գեների ուժով յուրացնում էին հայերի հողերը որպես նոր սեփականատերեր՝ ավելի ստվարացնելով կեղեքիչների ու տղրուկների արդեն իսկ ստվար բանակը: Նրանք տեր էին դառնում՝ տեր դառնալով ունեզրկվածների ողջ ունեցվածքին՝ տանը, անասուններին, այգիներին ու վարելահողերին: Նախկին տնատերերը դառնում էին եկվորների ճորտերը:

Պատրիարք Արչարունին բողոքներ էր ներկայացնում Բ. Դուանը՝ հիշեցնելով, որ Հայաստանում կան լայնատարած պետական ազատ հողեր, որոնք կարելի է բաժանել թուրք գաղթականներին և նրանց համար պայմաններ ստեղծել<sup>2</sup>: Պատրիարքի բողոքները ոչ մի արձագանք չունեցան: Եվ եթե միջոցներ չձեռնարկվեին ժամ առաջ ստանալու Ռուսաստանի պաշտպանությունը՝ նրա կողմից Հայաստանը գրավելու սպառնալիքով, ապա մեկ-երկու տարի հետո հայ գյուղացիների հողերից կմնային լոկ պատառներ<sup>3</sup>: Պատճառաբանությունը մեկն էր. վերջին տարիներին Հայաստանից հեռացել են 250.000 հայեր, և հողերը մնացել են անտեր, անմշակ<sup>4</sup>:

Բալկաններից գաղթած թուրք ընտանիքներին բնակեցնելով Հայաստանում՝ երիտթուրք իշխանությունները գլխավորապես նպատակ ունեին այնտեղ լուծել իրենց համար շատ կարևոր ժողովրդագրական հարցեր: Անատոլիա եկած հարյուրհազարավոր մուհաջիրներին իթթիհազըր ոչ թե դժբախտություն էր համարում, այլ մեծագույն բարիք: Նրանց գալով Փոքր Ասիայի թրքությունը և՛ թվաքանակով, և՛ որակապես պիտի աճեր:

---

<sup>1</sup> Տե՛ս Վահան Մինախորեան, 1915 թվականը: Արհավիրքի օրեր, Թեհրան, 2006, էջ 64-65:

<sup>2</sup> Տե՛ս «Բութանիա», № 29 (1107), 10 (23) հունվարի 1913 թ.:

<sup>3</sup> Տե՛ս «Ժամանակ», № 1311, 18 (31) դեկտեմբերի 1912 թ.:

<sup>4</sup> Տե՛ս «Աշխատանք» (վան), № 43-139, 7 սեպտեմբերի 1913 թ.:

Կատեղծվեր մի մեծ ու համասեռ ընդհանուր զանգված:

1913 թ. գարնան վերջերին Իթիթիհադը եկել էր վերջնական եզրակացություն, որ կայսրություն հետագա գոյություն պահպանման համար անհրաժեշտ է երկիրը դարձնել միատարր, այսինքն՝ թուրքացնել, որը հնարավորություն կտար կայսրությունը մեկընդմիջտ գերծ պահելու ներքին հակասություններից, իսկ հայերի դեպքում՝ վերացնել Եվրոպայի կողմից պարբերաբար կրկնվող միջամտությունները՝ Հայաստանի նահանգներում բարենորոգումներ կատարելու և բնակչության վիճակը բարելավելու պահանջներով: Եվ առաջ եկավ հայ ժողովրդին սեփական հայրենիքից դուրս մղելու կամ տեղում ոչնչացնելու անմարդկային գաղափարը:

Ժամանակը սուղ էր, և երիտթուրքերը շտապում էին:

### **ՔՐԴԵՐԻ ՆՈՐ «ՔԱԶԱԳՈՐԾՈՒԹՅՈՒՆՆԵՐԸ»**

Հայաստանում քրդերի մեծ մասը բնակվում էր գավառներում: Ամեն մի աշիրեթապետի ազդեցությունը որոշակի էր. իբրև տարածքի տեր՝ իշխում էր տեղի հայ և քուրդ բնակչության վրա: Նա կարող էր իր ուզած տուրքը գանձել, պատժել կամ սպանել ցանկացածին, պետք եղած ժամանակ հավաքել իր աշիրեթի տղամարդկանց և, առանց կառավարություն հավանությունը նախապես առնելու, կովի գնալ իր ցեղակից աշիրեթների կամ ուրիշների դեմ: Քաղաքներից հեռու բնակվող աշիրեթները պետությունը ո՛չ տուրք էին տալիս, ո՛չ զինվոր և ոչ էլ գիտեին, թե իրենց գլխին կա արդյոք կառավարություն:

Քաղաքներում ապրող քրդերը բաժանված էին կաբիլների և նույնպես ունեին իրենց պետերն ու աղաները: Սրանք անում էին այն, ինչ ուզում էին՝ մնալով անպատիժ, չնայած իրենց մտքի անկարողությունն ու տգիտությունը՝ առատ ամսականներով պաշտոնավարում էին տեղական կառավարչություններում: Քաղաքներում ապրող քրդերը, որոնք արդեն համարյա թուրքացել էին, միջնորդի դեր էին կատարում կառավարության և աշիրեթապետների միջև:

Հենց այս երեք ուժերն էին՝ աշիրեթ-կաբիլ-կառավարութիւն, որ հիերարխիա կազմած՝ քանդում էին Հայաստանը:

Կառավարութիւնն ամեն ինչ անում էր, որ քուրդ աղան և նրա ծառաները դպրոցի երես չտեսնեն: Սրանց կրոնական զգացումները վառ պահելու համար նա իր ծախսով քրդական գյուղերում մզկիթներ էր սարքում, կրոնապետներին տալիս էր առատ ամսականներ և այլն:

Այսպիսով, վիլայեթի ամբողջ քուրդ բնակչութիւնը, կախված լինելով աշիրեթապետներից ու քաղաքների աղաներից, դուրացնում էր Հայաստանում թուրք կառավարութեան գործը: Շատ ավելի խելացի լինելով քուրդ վերնախավից՝ իշխանութիւնը ուղղութիւն էր տալիս նրանց գործողութիւններին, որոնք կոչված էին իր դարավոր երկրից հային վերացնելու նպատակին:

Այդ քաղաքականութիւնը շարունակվում էր նաև Բալկանյան պատերազմի օրերին:

Պատերազմը վերջանալուց հետո քուրդ հեծելախմբերը, որոնք նույնպես Բալկաններում կռվել էին բուլղարների դեմ, աստիճանաբար վերադարձան իրենց բնակչութեան վայրերը: Հասնելով Հայաստան՝ նրանք, ինչպես միշտ, կատաղած ու վայրագ մոլեռանդութեամբ, իրենց դիվահարութեան մոլուցքը թափեցին հայերի վրա: Չպետք է մարգարե լինել պատկերացնելու, թե ուզումաղաչտերից վերադարձած քրդերը ինչ տիրական իրավունքով էին վարվում հայերի հետ: Պատերազմական արհաւիրքների ազդեցութեան տակ նրանք ավելի էին վայրենացել և դարձել լիովին անկառավարելի: Տեղական իշխանութիւնները հատուկ ուշադրութեան էին արժանացնում նրանց, փայփայում ու փառաբանում էին՝ իբրև հայրենիքի անդամաձան զինվորների: Իսկ որ քրդերից ոչ պակաս Բալկաններում կռվել էին թուրքական բանակի հայ զինվորները, դա կառավարութիւնը հաշիվ էր առնում:

Եթե նույնիսկ պատերազմը հաջող ավարտվեր թուրքերի համար, սրանք, միևնույնն է, ամենևին չէին արգելի հայերի նկատմամբ քրդերի «սխրագործութիւնները», մանավանդ միմյանց հաջորդող պարտութիւններն ավելի ու ավելի էին գրգռում

նրանց ամբողջային կրքերը քրիստոնյաների հանդեպ:

Թուրքահայաստանից օրեցօր ստացվում էին նորանոր մղձավանջային լուրեր: Թե ինչ էին անում այնտեղ թուրքերն ու քրդերը, չէին կարող պատմել հայ կանանց ու երեխաների արցունքները, իսկ անասելի սարսափ և տառապանքներ ապրող խաղաղ հայ բնակչության տանջանքը, նրա կատարյալ տառապանքը օտարներին միայն հեռավոր պատկերացում էին տալիս հայոց ողբերգական վիճակի մասին:

Սոսկում ու ցնցում: Մեկ այստեղ, մեկ այնտեղ հոսում էր խոնարհված ցեղի արյունը: Վայրագ բռնությունները, ունեցվածքի կողոպուտը, անմեղ մարդկանց սպանությունները, բռնաբարություններն ու մյուս վայրագությունները փոխարինել էին աշխատանքին և խղճին:

Արմեն Գարոն իր հուշերում նկարագրել է հայ գյուղացու անտանելի դրությունը: «Ես ինքս,- վկայում էր նա,- անձամբ գնացի այդ չրջանը (Մշո դաշտը:- Հ. Ս.) մօտէն տեսնելու մեր ժողովրդի նիւթական դրութիւնը: Մշեցիք ինձ պատմեցին իրենց քաջած նեղութեանց մասին եւ այն հսկայական զոհողութեանց, որ իրենք ըրեր էին մեր ազատագրական շարժմանց համար: Ամբողջ Մշոյ դաշտին մէջ միայն չորս ձի էր մնացեր հայերուն մօտ: Եւ այդ հարիւր հազարի հասնող գիւղացիութեան մէջ միայն Մուշադչէնի Գասպար աղային տանը կարելի էր քանի մը ձեռք անկողին գտնել, իսկ մնացածները թաղիքի մէջ կը պառկէին: Քիւրտերն ու թուրք զինուորները տարեր էին ամէն բան ...»<sup>1</sup>:

Վասպուրականի զարդը՝ Վանա լիճը, չորս կողմից չրջապատված բազմաթիւ լեռներով, սուր-սուր գագաթներով և պճնազարդ բլուրներով, իր գեղանի ափերի վրա ուներ բազմաթիւ հայաբնակ գավառներ՝ Վանը, Արճեշը, Ալջավազը մի կողմից, մյուս կողմից՝ Հայոց Զորը, Խոշապը, Գեավաչը, Կարճկանը, Շատախը, Նորդուզը, Մոկսը, Կարկառը: Այստեղի հայությունը, ավանդ, այժմ տվայտում էր սովից, հարստահարումներից ու

---

<sup>1</sup> «Հայրենիք», № 2, դեկտեմբեր, 1922, էջ 40:

բոնություններից: Այդ բոլոր գավառներն իսկական դժոխք էին դարձել հազարամյակներ շարունակ այդ հողի վրա ապրած բնակչության համար:

Կյանքի ու ինչքի ապահովությունից կատարելապես զուրկ էր Տարոնը: Տեղի քրդերի կողմից հայ բնակչության սոսկառիթ ու քաջալերված հալածանքն ու ճնշումները՝ միացած չջանված արտերի պատճառով մոլեգնող սովին, անտանելի կացություն էին ստեղծել:

Վիճակը նույնն էր հայկական մյուս տարածքներում:

«Ներկան հուսահատական» վերնագրով հրապարակման մեջ «Բուլթանիա» գրում էր. «Այս օրերս առեւանգումներ ու սպանություններ այնքան ընդհանրական դարձած են, որ ո՛չ մէկ հայ կը համարձակի առանձին ճամբորդել: Ամեն օր լուրեր կը հասնին ոչխարներու եւ անասուններու յափշտակման: Միմիայն մէկ գավառին մէջ 5000 ոչխար յափշտակուած է: Աղթամարի դպրոցին քննիչը իր ընկերներով միասին սպաննուած եւ իրենց մարմինները անգթօրեւն յօշոտուած էին: Տեղեկագրութիւնները ո՛չ թե մեկ, այլ եւ իրարմէ այնքան հեռու բոլոր գաւառներէն կուգան, ինչպէս Վան, Ատանա, Պիթլիս ու Հաճըն»<sup>1</sup>: Քրդերին լիակատար սանձազերծել էր հարևան հայերի ունեցվածքն ամենատմարդի եղանակներով հափշտակելու մոլուցքը: Չղաղարող ոճրագործություններով նրանք հայերին ստիպում էին հեռանալ իրենց բնակություն վայրերից:

Թեև քրդերն արյունակցական և ազգակցական կապ չունեին թուրքերի հետ, բայց պատմական տվյալ ժամանակահատվածում վերջիններս նրանց ամենուր օգտագործում էին Օսմանյան կայսրության լիակատար թուրքացման գործընթացն արագացնելու համար:

«Դրոշակը» ցավով նշում էր, որ կառավարությունը շարունակում է զինել ու կազմակերպել քրդական հրոսակներին, որոնք անպատիժ ավերում են հայի տնտեսությունը, խլում նրա ապրուստի վերջին միջոցները<sup>2</sup>:

<sup>1</sup> «Բուլթանիա», № 29 (1107), 10 (23) հունվարի 1913 թ.:

<sup>2</sup> Տե՛ս «Դրոշակ», № 4, ապրիլ, 1913, էջ 50 :

Սոֆիայում լույս տեսնող «Բուլղարիա» թերթը գրում էր, որ «չի կարելի հաշտվել այն մտքի հետ, որ քրդերը շարունակում են սրել իրենց ատամները: Հազարավոր նոր հայեր պիտի մորթուվեն»<sup>1</sup>:

Թուրքահայոց Ազգային ժողովում պատգամավոր Վահան Փափազյանը բերում էր տազնապալից թվեր ու փաստեր: Նա ասում էր, թե սովորական բան է դարձել, որ որևէ քուրդ բեկ իր ղուլամներին ուղարկում է այս կամ այն հայ գյուղացու արդեն հասունացած արտը հնձելու, վերջինիս սիրտը ճմլվում է, բայց լռում է վախից: Հետագա օրերին ու շաբաթներին նույն բեկը նույն արտի կամ հայ գյուղացու պարտեզի մասին արդեն խոսում է որպես իր սեփականություն: Հայը ստիպված հաշտվում է այդ վիճակին նույնպես: Ուրիշ թուրքեր ու քրդեր, կաշառելով կալվածքների դիվանատան պաշտոնյաներին, ձեռք են բերում կեղծ կալվածագրեր և դրանց ուժով տիրանում հայերի հողերին:

## ԳԱՂԹ

«Դրօշակը» գրում էր, որ Իթթիհադը «բացարձակ կերպով հետապնդում է մի նպատակ... շտապով հրով ու սրով դատարկել Հայաստանը հայերից... Քաղաքական այդ նենգ նպատակին հասնելու համար են կոտորում, թալանում հայերին, իսլամացնում հայ կանանց»<sup>2</sup>:

Ազգային ժողովի պատգամավորները ցավով նշում էին, որ թուրքահայը բառիս բուն իմաստով անտարբեր է դարձել մայր եկեղեցու նկատմամբ, որովհետև նրա առաջին հոգսը դարձել է իր ֆիզիկական գոյություն պահպանումը:

Կրոնապաշտ հայը դյուրությամբ պատրաստ էր կրոնափոխ լինելու, միայն թե ապրեր: Դավանափոխությունն ընդարձակ

---

<sup>1</sup> Թերթի հոդվածի թարգմանությունը տե՛ս «Առաջամարտ» (Կ. Պոլիս), 11 դեկտեմբերի 1912 թ.:

<sup>2</sup> «Դրօշակ», № 4, ապրիլ, 1913, էջ 50:

ծավալներ էր ընդունում: Հյուպատոսական տեղեկությունների համաձայն՝ հազարավոր հայեր խնդրագրերով պատրաստակամություն էին հայտնում ընդունելու ուղղափառություն, կաթոլիկություն կամ բողոքականություն:

Բայց դա ղեռ բոլորը չէր. փոխելով կրոնը՝ թուրքահայերի մի մասը կորցնում էր նաև մայրենի լեզուն: Հայ լեզուն դադարում էր հնչել հայ մանուկների ու պատանիների շուրթերից: Եվ այդ կորստաբեր ու կործանարար երևույթը կատարվում էր հետզհետե նոսրացող ժողովրդի մեջ:

Այլևս անտանելի էր կացությունը: Զրկված ապրուստի միջոցներից և զգված իր կյանքից՝ հայը վերցնում է գաղթականի ցուպը: Նա փախչում էր նզովյալ «սահմանադրական» երկրից: Լքելով պապերի՝ հազարավոր տարիների մշակած հողերը, ամբողջ գյուղեր ու գավառներ՝ գաղթողների երկար շարքերը ստիպված էին իրենց բախտը որոնել օտար ափերում:

Թուրքահայոց Ազգային ժողովը մի քանի անգամ քննությունն առավ հայերի գաղթը մեղմելու հնարավորությունների հարցը, բայց անօգուտ: Պատգամավորները բերում էին այսպիսի թվեր. Քղի փոքր գյուղաքաղաքից մեկ օրում գաղթել է շուրջ 100 հայ, Երզնկայից մեկ շաբաթում՝ 1000 հոգի: Նշելով, որ համիդյան ռեժիմի ամենադաժան օրերին անգամ հայերի գաղթը այսպիսի ծավալներ չէր ունեցել, նրանք կոնկրետ տվյալներով ցույց էին տալիս, որ եթե 1903-1907 հինգ տարիների ընթացքում Հայաստանից միայն Ամերիկա էր գաղթել 10.000 հայ, ապա հաջորդ հինգ տարիներին՝ շուրջ 20.000 հոգի<sup>1</sup>: Դեպի Ամերիկա գաղթը գնալով ավելի աղետալի ընթացք էր ստանում: Մեծ էր նաև և Եվրոպա մեկնողների թիվը:

Միայն Պոլսից ամեն շաբաթ տարբեր երկրներ էր մեկնում 200 անձ<sup>2</sup>: Օտար երկրներ մեկնողները գնում էին ընտանիքներով՝ կին, ծեր, երեխա, ինչը նշանակում էր, թե մեկնում են անդարձ:

---

<sup>1</sup> Տե՛ս «Մշակ», № 148, 9 օգոստոսի 1914 թ.:

<sup>2</sup> «Վեճ» (Փարիզ), № 2, նոյեմբեր-դեկտեմբեր, 1933, էջ 86:



Նրանք Կաղզվանի և Սարիղամիչի վրայով դիմում էին դեպի Ռուսաստան: Թեև դեռ չատ տեղերում ձյուն ու սառնամանիք էր, բայց դա արգելք չէր գաղթողների համար:

Գաղթողների մի մասը, նախազգալով, որ գարնան բացվելուն պես սկսելու են հին զուլումները, ավեր ու թալան, խոհեմություն էին համարում իրենց ձգել ռուսական հողը: Իսկ մյուս մասը, գլխավորապես զինապարտություն տուրքի երիտասարդները, չցանկանալով զինվորություն գնալ և սպանվել հեռավոր Զաթալջայում, այլևս չկարողանալով տանել բռնություններն ու տուգանքները, գրոշներով ծախում էին ամեն ինչ և անցնում ռուսական սահմանը: Գաղթող հայերին ռուսական իշխանությունները տալիս էին Ռուսաստանում ապրելու ժամանակավոր վկայականներ<sup>1</sup>:

Ռուսաց հյուպատոսների վիճակագրության համաձայն՝ միայն 1913 թ. ապրիլին Նարբերդի շրջանից գաղթել էր ավելի քան 1000 հայ, էրզրումի վիլայեթից դարձյալ մի ամսում՝ 1276 հոգի<sup>2</sup>: Միայն Բիթլիսի վիլայեթը ամեն տարի լքում էր 30 հազար հայ<sup>3</sup>:

Գաղթին նպաստում էր նաև ռազմաճակատից վերադարձած թուրքական բանակի հայ զինվորների համար ստեղծված անտանելի դրությունը: Պատերազմի ժամանակ հայ զինվորներին միշտ կանգնեցնում էին առաջին շարքերում, որպեսզի թշնամու գնդակների առաջին զոհերը նրանք լինեին: Հիմա նրանք, ինչպես արդեն նշվել է, թուրքական զորանոցներում ենթարկվում էին ծաղրուծանակի ու կտտանքների: Զորացրվելուց անմիջապես հետո նրանք նույնպես գաղթում էին: Նրանց հետ գնում էին նաև զինակոչի տարիքի երիտասարդները:

Փախչում էին խորտակվող ժողովրդի ամենակենսունակ ուժերը: Գաղթային հոսանքը սպառնում էր դատարկել Հայաստան աշխարհը:

<sup>1</sup> Տե՛ս «Ժամանակ», № 1311, 18 (31) դեկտեմբերի 1912 թ. :

<sup>2</sup> Տե՛ս «Մշակ», № 116, 30 մայիսի 1913 թ.:

<sup>3</sup> Տե՛ս *Ариадна Тыркова, Старая Турция и младотурки. Год в Константинополе*, էջ 71:

Էրզրումի ուսական հյուպատոսության խորհրդական Վիչինսկին, չրջագայելով Թուրքահայաստանում, իր նոթագրության մեջ շոչափելով հայերի արտագաղթի հարցը, նշում էր, որ դա վերջին ժամանակներին այնպիսի լայն չափերի է հասել, որ կարելի է վստահորեն ասել՝ եթե մոտ ապագայում լուրջ միջոցներ չձեռնարկվեն արևմտահայերի դժբախտությունը թեթևացնելու և ընդհանրապես հայկական հարցը լուծելու համար, ապա դա անխուսափելիորեն կհանգեցնի հայերի զանգվածային վտարմանը Թուրքիայից: «Այդ հարցի նկատմամբ մենք (Ռուսական իշխանությունները:– Ն. Ս.) չենք կարող անտարբեր լինել»<sup>1</sup>,– եզրահանգում էր Վիչինսկին:

Այդ կործանարար ընթացքը կանխելու մղումով հայ մամուլը տագնապ էր հնչեցնում: Բայց ասողին այլևս լսող չկար:

Իրենց հերթին Հայոց ազգային ժողովը, ապա և Վարչությունը 1913 թ. հունիսին հանդես եկան հայությունն ուղղված կոչով՝ ոչ մի դեպքում չգաղթել: Գաղթը սպառնում է դատարկել Հայաստան աշխարհը: Հիչեցում էր արվում, թե հայ ազգը ներկայումս, առավել քան երբեք, պետք է կառչած մնա իր հողին, շարունակի ապրել իր պայերի երկրում և պահպանի ազգի գոյությունը<sup>2</sup>:

Հմայակ եպիսկ. Դիմաքսյանը Ազգային ժողովի նիստերից մեկում ունեցած ելույթում ասում էր. «Մենք ապրելու համար այն վիճակին ենք հասած, որ կեանք մը կը մուրանք: Սեղճ հայ ժողովուրդը արցունքով կը թողու հայրենի օջախները, դիմելու համար օտարութեան: Գաղթականութեանը ջարդն ավելի սոսկալի է և մեր գոյութեան կը սպառնա: Ազգային ժողովը պետք է հույս տա այս ժողովրդին և խրախուսե, որ պահ մը ևս համբերատարութեամբ սպասեն և պինդ փարին իրենց հայրենի ավանդութեանց: Մամուլն ալ կրնայ օգտակար ըլլալ, խրախուսելով որ գեթ այս օրերուն չգաղթեն և սպասեն հայոց խնդրանքներուն նկատի առնելուն\*»: Մեր խնդրանքները շատ

<sup>1</sup> ЦГВИА, ф. 2000 с, оп. 1, д. 991, лл. 432-433.

<sup>2</sup> Տե՛ս «Տաճար», №18, 29 հունիսի 1913 թ.:

\* Նկատի ունենալ Հայաստանի բարենորոգումների ծրագրի գործադրումը Թուրքահայաստանում:

չափավոր են. կեանքի, պատվի ու ինչքի ապահովություն միայն կը պահանջենք, ինչ որ եթե տրուի, արդեն գաղթող չըլլար»<sup>1</sup>:

Դիմաքայանն ինչ իմանար, որ Համաշխարհային վերահասավերիչ պատերազմի ժամանակ հայերը նգովելու են իրենց՝ օր առաջ հայրենիքն ազգովին չլքելու համար:

Հարություն Շահրիկյանը, Ազգային ժողովում հանդես գալով, նշում էր, որ Թուրքահայաստանի նահանգներից «Սև ծովէն (Պոլիս) եկող բոլոր շոգենավերը գրեթե լեցուն են հայ գաղթականներով, որոնք արտասահման կերթան: Այս կերպով, սակայն, հայ ժողովուրդը պարզապես անձնասպանության կը դիմե, փճացնելով իր պահանջները և իրավունքները»<sup>2</sup>: Նա նշում էր, որ ազգը՝ իբրև իրավական միություն, իրավունք չունի բռնություն մը պահելու այն անհատին, որն այս կամ այն պատճառով ուզում է փոխել իր ազգությունը: Հազիվ թե որևէ ազգ օգուտ ունենա այդպիսի մարդուց, որը միայն ստիպողաբար է մնում այդ հավաքականության մեջ: Մի՞թե, օրինակ՝ հայերին ձեռնտու է իրենց մեջ ունենալ այնպիսի անհատներ, որոնք իրենց համարում են ոռուս, ամերիկացի, թուրք կամ վրացի և այդ մասին բացեիբաց հայտարարում են: Որքան ազգի մեջ քիչ լինեն այդպիսի անհատներ, այնքան լավ, քանզի նրանք ունակ չեն մասնակցելու ազգի ստեղծագործական կյանքին: Բայց երբ հայ կյանքով ապրած, հայեցի դաստիարակություն ստացած, իր ազգն ու երկիրը սիրող հայորդին թողնում ու հեռանում է անծանոթ հորիզոններ՝ այնտեղ ձուլվելու հեռանկարով, ապա «այդպիսի հայր դրուժան է», եզրահանգում էր Շահրիկյանը<sup>3</sup>:

Վահան Թեքեյանը, որը գաղթը մասնակի կոտորածից ավելի աղետաբեր էր համարում, ասում էր, որ Ամերիկա մեկնողներն ընդմիջտ կորած են հայության համար, որ գաղթողները գտնե պետք է ժամանակավոր ապաստան գտնեն հայրենիքից ոչ հեռու, նախընտրելի է ոռուսական Անդրկովկասը, որտեղից վե-

<sup>1</sup> Մատենադարան, Արշակ Այվոյաճյանի արխիվ, թղթ. 41, վավ. 65, թ. 19:

<sup>2</sup> Տե՛ս նույն տեղում, թղթ. 35, վավ. 3, թ. 27:

<sup>3</sup> Տե՛ս նույն տեղում, թ. 31:

րադառնալը դյուրին կլինի, եթե իրավիճակը Թուրքիայում փոխվի:

Ռուսաստան մեկնելը թերևս չարիքի փոքրագույնն էր, բայց դա նույնպես փրկություն չէր, քանզի նրանք, այնտեղ էլ անարգված, անպատված, աղքատության դուռը հասած, թափառում էին մի երկրամասից մյուսը՝ ապաստան փնտրելով:

Մեծ չարիքի առաջն առնելու համար հայ քաղաքական ու հասարակական գործիչները հորդորում էին ժողովրդի զանգվածներին՝ չգաղթել, տոկալ ու մնալ պապերի երկրում ու սպասել իրադարձությունների հետագա զարգացմանը՝ հույս ունենալով, որ միգրացե Հայաստանում ստեղծվեն տանելի պայմաններ:

Տվյալ բախտորոշ պահին Թուրքահայոց ղեկավարությունը կարող էր իրական ու շոշափելի միայն մի բան անել. աջակցել տերությունների և ամենից առաջ Ռուսաստանի դիվանագետների ջանքերին՝ մինչև վերջ հասցնելու Հայաստանի բարենորոգումների սկսած գործը:

Հայերը մեծ հույսեր էին կապում հատկապես Ռուսաստանի հետ: Հենց նրա թափած դիվանագիտական ջանքերով մեծ տերություններն առաջին անգամ համախոհություններ որոշել էին լրջորեն զբաղվել Հայաստանի բարենորոգումներով: Հայկական շրջանակները խանդավառված էին, թե, վերջապես, եվրոպացիների թափած ջանքերը դժբախտ հայկական նահանգներին հանգստություն կբերեն: Իսկ Ռուսական կառավարությունը չէր կորցնում հույսը, որ, այնուամենայնիվ, մեծ տերությունների հետ միասին հնարավոր է լինելու ավարտին հասցնել Հայաստանի բարենորոգումների սկսված գործը և գոնե տարրական կարգուկանոն հաստատել հայկական նահանգներում:

4. Պոլսի «Աւետաբերը» հույս էր հայտնում, որ մեծ տերությունների ձեռնարկած բարենորոգումները լույս են բերելու տառապյալ Հայաստանին: «Ինչ որ ալ ըլլա սակայն,- գրում էր թերթը,- հայոց համար ներելի չէ յուսահատիլ եւ յուսահատական միջոցներու դիմել լքելով հայրենի հողը: ... Միջոցներ կը ծրագրուին համոզելու համար գաղթել ուզողները քիչ մըն ալ համբերեն, քիչ մըն ալ դիմանան, քիչ մըն ալ տառապին այն

յոյսով որ այս կամ այն կերպով օր մը անշուշտ աւելի ապահով եւ աւելի երջանիկ կեանք մը պիտի կրնան վարել իրենց պատմական պատուական հայրենիքին մէջ: Գիտնալով հանդերձ խոստումներու եւ քաղաքական երեւոյթներու իսկական արժէքը՝ չմոռնանք թէ հողը մշակողն է հողին տէրը եւ գիշերուան ամէնէն խաւար ժամը կարապետն է Արշալոյսին»<sup>1</sup>:

Բայց հայութեան համար արշալույսը չբացվեց: Մոտենում էր հայ ժողովրդի հազարամյակների պատմութեան ամենաողբերգական էջը՝ 1915 թվականը:

---

<sup>1</sup> «Աւետարներ», № 28, 12 Հունիսի 1913 թ.:

## ԱՆՁՆԱՆՈՒՆՆԵՐԻ ՑԱՆԿ

### Ա

Աբղուլլահ փաշա (թուրքական բանակի հրամանատար) – 106, 155

Աբղուլուհման բեյ (թուրքիայի ֆինանսների նախարար) – 338

Աբղուլ Գատեր (քուրդ հայտնի շեյխ) – 203

Աբղուլ Համիդ II (սուլթան Համիդ) – 31, 68, 84, 112, 253, 300, 326, 333, 352

Աբղուլ Մեջիդ (օսմանյան սուլթան) – 84

Ագիլ բեյ (Ադրիանուպոլսի պաշտպանության մասնակից) – 391

Ագարյան Բարունակ (Հայկական վաշտի մարտիկ) – 132

Ագարյան Մանուկ – 337

Ագիդ փաշա (Ադրիանուպոլսի պաշտպանության մասնակից) – 391

Ագիդբեկով Մեչադի բեկ (Բաքվի 26 կոմիսարներից) – 109, 110

Աթանասով Նիկոլա (բուլղար գրող) – 89

Ալի Ռիզա փաշա (թուրքական բանակի հրամանատար) – 106, 446

Ալլահվերդի (Հայ բժիշկ) – 266

Ալպոյաճյան Արշակ (պատմաբան) – 467

Ախունդով Բ. (բժիշկ) – 110

Ակունի էդուարդ (Ուաշատուր Մալումյան, Հասարակական-քաղաքական գործիչ, հրապարակախոս, ՀՅԴ անդամ) – 216, 262, 263

Ահարոնյան Ավետիս (գրող, ՀՅԴ գործիչ) – 216

Ահմեդ Մուխտար փաշա (Օսմանյան կայսրության մեծ վեզիր) – 141, 149, 254, 337, 436

Աղայան Ծատուր (խորհրդային պատմաբան) – 4, 119, 123

Աղասիբան Սելպի (թուրքական բանակի Հայ զինվոր) – 219

Աղասիբան Ստեփան (թուրքական բանակի Հայ զինվոր) – 219

Աղբալյան Նիկոլ (Նիկողայոս) – 28, 39, 199, 204, 299, 317, 324

Ամրուլլա բեկ (թուրքիայի լուսավորության նախարար) – 273

Անդրանիկ Օղանյան – 4, 122-126, 128, 129, 133-137, 223, 224, 226, 228-230, 234, 240, 242, 246-248, 341, 343, 344, 406, 418, 433-435, 445

Անտինյան Կարապետ (Հայկական վաշտի մարտիկ) – 132

Անտոնյան Արամ (գրող, պատմաբան, հրապարակախոս) – 4, 11, 61, 63, 64, 71, 72, 76, 77, 93, 145, 158, 167, 169, 207, 296

Աշըբյան Հովհաննես (բժիշկ) – 213

Ապրո Հրանտ բեյ (թուրքիայի արտգործնախարարության աշխատակից) – 309

Ասադուլահ Ահմեդ (թուրք նավթարդյունաբերող) – 110

Ասլան (Հայ կամավոր բուլղարական բանակում) – 238

Ասլանյան Արմենակ (Հայկական վաշտի մարտիկ) – 236

Ասլանյան Հովհաննես (Հայկական վաչառի մարտիկ) – 132  
 Ասկերյան Փոլ (Բուլղարիայում ՀՅԴ գործիչ) – 125  
 Ավետիսյան Հովհաննես (Հայկական վաչառի մարտիկ) – 236  
 Ավետիքյան Գրիգոր (Հայկական վաչառի մարտիկ) – 132  
 Ավերով Գեորգիոս (Հույն ձեռնարկատեր, բարեգործ) – 104  
 Արամ (Հայ կամավոր բուլղարական բանակում) – 238  
 Արզումանյան Մակիչ (խորհրդային պատմաբան) – 4  
 Արթինի որդի Հովհաննես (Թուրքական բանակի Հայ զինվոր) – 266  
 Արչարունի Հովհաննես Իսթանպուլցի (Կ. Պոլսի Հայոց պատրիարք) – 81, 211, 220, 222, 267, 270, 458  
 Աքչուրան Յուսուֆ (Թաթար գործիչ, թուրքականուխյան տեսաբան) – 72

**Բ**

Բաբախանյան Առաքել (Լեռ, պատմաբան) – 199  
 Բաբան-զաղե (Թուրք գրող) – 370  
 Բաբրիկով Ստեֆան (Բուլղարիայի արտգործնախարար) – 305  
 Բալբևչի (Հայ կամավոր բուլղարական բանակում) – 238  
 Բաղդասարյան Մուշեղ (Հայկական վաչառի մարտիկ) – 132  
 Բաղրամյան Հովհաննես (ԽՍՀՄ մարշալ) – 235  
 Բերար Վիքտոր ("Pour les Peuples d'Orient" թերթի տնօրեններից) – 250  
 Բերբերյան Ռուբեն (տնտեսագետ) – 45, 66

Բերթխոլդ կոմս (Բերտհոլդ, Ավստրո-Հունգարիայի արտգործնախարար) – 154  
 Բլամենաց (Կ. Պոլսում Զերնոգորիայի ներկայացուցիչ) – 92-94  
 Բորչև Ստեֆան (Ռուսաստանում Բուլղարիայի ղեսպան) – 432  
 Բորրիկով (բուլղարացի Հրամանատար) – 360, 361, 399  
 Բոյաջյան Հակոբ Էֆենդի (պառլամենտի պատգամավոր Ռոդոսթոյից) – 72  
 Բոլիտիս (Փարիզի Համալսարանի միջազգային իրավունքի դասախոս) – 306  
 Բուչիչ (Սերբիայի վարչապետ) – 189

**Գ**

Գաղասքեր Ռումելի (Շերիի ժողովի նախագահ) – 337  
 Գալրյան Գրիգոր (Թուրքական բանակի Հայ զինվոր) – 266  
 Գասպար աղա (Մուշաղչենի աղա) – 461  
 Գավրոշ (Հայ կամավոր բուլղարական բանակում) – 238  
 Գարիբալդի Զուզեպե (Իտալիայի ազգային Հերոս) – 104  
 Գարիբալդի Ռիչտոի (Զուզեպե Գարիբալդիի որդին, Իտալիայից բալկանյան պատերազմում կամավորների Հրամանատար) – 104, 197  
 Գարո Արմեն (Փաստրոմաճյան Գարեգին, ՀՅԴ գործիչ, Թուրքիայի պառլամենտի անդամ) – 461  
 Գենաղիև Նիկոլա (Բուլղարիայի նախարար) – 45  
 Գենև Նիկոլա (Մակեդոնա-Օդրիյան

- աշխարհագրորի հրամանատար) – 119, 129, 228, 242
- Գեշով Իվան (Բուլղարիայի վարչապետ) – 40, 41, 67, 83, 151, 178, 287, 377, 390
- Գեորգիևիչ Վլադալեն (Սերբիայի վարչապետ) – 30-32
- Գիրս Միխայիլ Նիկոլայիչ (Թուրքիայում Ռուսաստանի դեսպան) – 77, 261
- Գլադստոն Ուիլյամ (Մեծ Բրիտանիայի վարչապետ) – 33, 449
- Գրեյ Էդուարդ (Անգլիայի արտգործնախարար) – 25, 310, 333, 371, 403
- Գևորգ I (Հունաստանի թագավոր) – 27, 43, 196, 397
- Գևորգյան Մարգար (Հայկական վաշտի մարտիկ) – 132
- Գևորգյան Մթեմեն (Թուրքական բանակի Հայ զինվոր) – 266

## Գ

- Դանիլո Պետրովիչ (Զերնոգորիայի գաճաժառանգ) – 104
- Դանիլ Ալի բեյ (Օսմանյան կայսրության ներքին գործերի նախարար) – 59
- Դանն (Բուլղարիայի Առաջադիմական կուսակցության ղեկավար, Ազգային ժողովի նախագահ) – 243-245, 305, 307, 423, 427, 451
- Դամյանով Միլան («Մակեդոնա-Օդրինյան աշխարհագրորի միության» նախագահ) – 230, 233
- Դավթյան Գրիգոր (Թուրքական բանակի Հայ զինվոր) – 208, 219
- Դերվիշ Հիմա բեյ (Թուրք քաղաքական գործիչ) – 71, 75

- Դիմաքսյան Հմայակ եպիսկոպոս – 466, 467
- Դիմիտրև Ռադկո (Բուլղարիայի երկրորդ բանակի հրամանատար) – 102, 140, 141, 155, 170, 360
- Դիմիտրով Իվան (Ռուդոլֆ-Փայլերուլուի նահանգապետ) – 120, 121, 123, 245, 343, 420, 434-436
- Դորոշևիչ Վլաս (ռուս լրագրող, հրապարակախոս) – 108
- Դրավինգով Պետար (մայր, Մակեդոնա-Օդրինյան աշխարհագրոր շտաբի պետ) – 129, 242
- Դուրանյան գերդաստան (գերդաստան, որից ծագել են սելջուկներն ու թուրքերը) – 426
- Դուրյան Եղիշե Իսթանպուլցի արք. (Կ. Պոլսի Հայոց պատրիարք, Հայ կարմիր խաչ ընկերության նախագահ) – 267
- Դուրյան Ղևոնդ վարդ. (Ազրիանուպոլսի Հայոց թեմի առաջնորդ) – 392, 393

## Ե

- Եզերսկի (Ռուսաստանի Պետական դոմայի անդամ) – 312
- Եղիայան Գարեգին (Թուրքական բանակի Հայ զինվոր) – 266
- Երամյան Արամ – 337
- Երամյան Համբարձում (մանկավարժ, պատմաբան) – 206, 428
- Երանոսյան Երանոս (Բալչըկ քաղաքի Հեռագրատան պետ) – 88
- Եփրեմ խան (Եփրեմ Դավթյան, Հայ ազատագրական պայքարի նշանավոր գործիչ, պարսկական Հեղափոխության ղեկավարներից) – 214, 215



- Զավարյան Սիմոն (ՀՅԳ Հիմնադիրներ-  
րից) – 251
- Զարդարյան Ռուբեն (գրող) – 176, 198
- Զեքի փաշա (Թուրքական բանակի  
հրամանատար) – 185
- Զիվկովիչ (սերբ գործավար) – 185
- Զոհրաբյան Հովհաննես (Հայկական  
վաչտի մարտիկ) – 238
- Զոհրապ (Հայ բժիշկ) – 267

Է

- Էդհեմ (օսմանյան սենատի քարտու-  
ղար) – 274
- Էդհեմ (բարձրաստիճան զորահրամա-  
նատար) – 394
- Էլմասճյան Պողոս (Պյոլդիվ քաղաքի  
փոստի հեռագրավար) – 88
- Էմանուելիտին (Թուրքական պառլա-  
մենտի Հույն պատգամավոր) – 72
- Էմիրզե (Հայ բժիշկ) – 266
- Էյուր բեյ (Ազրիանուպոլսի պաշտպա-  
նություն մասնակից) – 391
- Էնգելս Փրիդրիխ – 9, 21, 26, 39
- Էնվեր բեյ (ապա՝ փաշա, երիտթուր-  
քերի առաջնորդներից, ռազմական  
նախարար) – 345, 350, 353, 354,  
369, 379, 430
- Էոմեր Նաջի բեյ (իթիհադական ազ-  
դեցիկ գործիչ) – 71
- Էսադ փաշա (Յանիա բերդաքաղաքի  
Թուրքական զորքերի հրամանա-  
տար) – 159, 363, 376
- Էրենթալ Ալոիս ֆոն (Ավստրո-Հուն-  
գարիայի արտգործնախարար) –  
31, 36
- Էքմեքչյան Պարույր (Հայկական վաչ-  
տի մարտիկ) – 132

- Թագվորյան Գաբրիել (Հայ գրող,  
հրապարակախոս) – 218
- Թագվորյան Կարապետ (Պյոլդիվ  
քաղաքից իրավաբան) – 88
- Թագվորյան Նշան (Պյոլդիվ քաղա-  
քից բժիշկ) – 88
- Թալեաթ բեյ (ապա՝ փաշա, Օսման-  
յան կայսրության ներքին գործերի  
նախարար) – 63, 72-74, 275, 345,  
370, 448
- Թաշճյան Ազնիվ (Անդրանիկ Օզանյա-  
նի կնոջ՝ Վերոնիկայի քույրը) – 248
- Թաքիրզադյան Մկրտիչ Էֆենդի  
(Ռուղոսթոյի կոմիսար) – 442, 443
- Թեոդիկ (Թեոդիկ, Թեոդորոս Լապճին-  
յան, գրող) – 105, 451
- Թերզյան Մինաս (Թուրքական բանա-  
կի Հայ զինվոր) – 266
- Թեփեյան Գալուստ (Հայկական վաչ-  
տի մարտիկ) – 236
- Թեքեյան Վահան (բանաստեղծ,  
խմբագիր, ՌԱԿ գործիչ) – 91, 467
- Թոթովենց Վահան (գրող, արձակա-  
գիր) – 123
- Թորգոմ Արսեն Խարիտոնի (երրորդ  
վաչտի հրամանատար) – 119, 122,  
238, 433
- Թոփչիրաչիև Ալի Մարզան բեկ (Ազր-  
բեյջանի պառլամենտի խոսնակ) –  
109
- Թոքաթյան Մկրտիչ (ձեռներց, բարե-  
գործ) – 265
- Թևֆիզ փաշա (Լոնդոնում Թուրքիայի  
ղեսպան) – 305

**Ժ**

Ժիվկովիչ Միխայիլ (գեներալ, Սերբիայի չորրորդ բանակի հրամանատար) – 103

Ժորես Ժան (Ֆրանսիայի սոցիալիստների պարագլուխ, Ազգային ժողովի անդամ) – 250, 251, 291

**Ի**

Իբրահիմ (էդիրնեի համալսարանի բժշկական ֆակուլտետի դասախոս) – 274

Իբրահիմ փաշա (Ադրիանուպոլսի պաշտպանութիւնի մասնակից) – 391

Իզգեթ փաշա (Թուրքական ընդհանուր շտաբի պետ) – 337

Իզվոլսկի Ալեքսանդր (Ռուսաստանի արտգործնախարար, ապա՝ Ֆրանսիայում Ռուսաստանի դեսպան) – 34

Իսահակյան Ավետիք – 199

Իսմայիլ Ալի փաշա (Մաքրիզյուղի հիվանդանոցների ընդհանուր բժշկապետ) – 267

Իսմայիլ բեյ (Թուրք հրանոթաձիգների հրամանատար) – 71, 394

Իսմայիլ բեյ (Լոնդոնում Թուրքիայի դեսպան) – 206

Իսմայիլ Էֆենդի (Թուրքիայի ընդհանուր դատախազ) – 337

Իսմայիլ փաշա (1877-78 թթ. ռուս-թուրքական պատերազմի ռուսական բանակի հրամանատար) – 79

Իվանով Նիկոլա (Բուլղարիայի երկրորդ բանակի հրամանատար) – 102, 139, 146, 170, 360, 389

Իվեկչի (օսմանյան սենատի քարտուղար) – 274

Իփլիբջյան (հայ անվանի վիրաբույժ) – 267

**Լ**

Լեման (գերմանացի գնդապետ) – 391  
Լենին Վլադիմիր – 235, 405

Լիոնել (գնդապետ, «Թայմսի» զինվորական տեսաբան) – 156, 167

Լյապոչևիչ (Սերբիայի Ազգային ժողովի պատգամավոր) – 116

Լոզան Ստեֆան («Մաթեն» թերթի խմբագրապետ) – 329

Լոթի Պիեռ (ֆրանսիացի բանաստեղծ) – 214, 215

Լուկաչ Լ. (Հունգարիայի հայազգի վարչապետ) – 182

**Խ**

Խալիլ բեյ (Ադրիանուպոլսի նահանգի կուսակալ) – 384

Խալիլ բեյ (Իթիհադական, Թուրքիայի խորհրդարանի նախագահ) – 326

Խանջյան (հայ բժիշկ) – 266

Խաչատրյան Արամ (հայկական վաչտի մարտիկ) – 132

Խաչատրյան Զաքար (հայկական վաչտի մարտիկ) – 132

Խաչիկյան Կարապետ (թուրքական բանակի հայ զինվոր) – 219

Խոյսկի Ֆաթալի խան (Ադրբեջանի վարչապետ) – 109

Խրիմյան Մկրտիչ (Ամենայն հայոց կաթողիկոս) – 79

Խոչիկեան Վարդան – 241, 446

Խուրշուր փաշա (Թուրքիայի ծովային նախարար) – 337

**Կ**

- Կանչև (Լոնդոնում բուլղար դեսպան  
և զինվորական կցորդ) – 308
- Կասլերովիչ (Սերբիայի Ազգային ժո-  
ղովի պատգամավոր) – 116
- Կավինճյան Գասպար (Թուրքական  
բանակի Հայ զինվոր) – 208
- Կարապետյան Արշակ (Մակեդոնա-  
Օդրինյան վաչտի Հայ մարտիկ) –  
236, 238
- Կարապետյան Գառնիկ (Հայկական  
վաչտի մարտիկ) – 236
- Կարապետյան Համբարձում (խորհրդ-  
դային շրջանի պատմաբան) – 4
- Կարապետյան Նիկողայոս (Հայկա-  
կան վաչտի մարտիկ) – 132
- Կարապետյան Միմոն (բուլղարական  
բանակի Հայ զինվոր) – 444
- Կարաջորջիչ Ալեքսանդր (Սերբիայի  
Թագաժառանգ) – 103
- Կարոլ I (Ռումինիայի Թագավոր) –  
289, 290
- Կենատիրուս (Լոնդոնում Հունաստանի  
դեսպան) – 306
- Կերճիկով Միխայել (մակեդոնական  
նշանավոր հեղափոխական) – 142
- Կլիմենևկո (Ազրիանուպոլսում Ռու-  
սաստանի Հյուպատոս) – 393
- Կոնչլմար ֆոն դեր Գոլց փաշա (ֆոն  
դեր Կոլց, ֆոն դեր Հոլց, գերմա-  
նական ռազմական գործիչ, գեներ-  
րալ-ֆելդմարշալ, Թուրքիայում  
գերմանական ռազմական առաքե-  
լույթյան ղեկավարը) – 254-256,  
281, 300
- Կոնև («Լոգենգրադյան» անվանյալ  
12-րդ դրուժինայի հրամանատար)  
– 129, 131, 241, 242
- Կոստանտին (Հունաստանի Թագա-

ժառանգ) – 103

- Կոստանտինով Դիմիտր (Հայկական  
վաչտի սանիտար) – 242
- Կորովյան Միհրան (Հայկական վաչ-  
տի մարտիկ) – 236
- Կրիվարիս (Թուրքիայում Հունաստա-  
նի դեսպան) – 148
- Կունդիրիտտիս Պավլոս (ծովակալ,  
Հունաստանի ռազմածովային ու-  
ժերի հրամանատար) – 104
- Կուտինչև Վասիլ (Բուլղարիայի առա-  
ջին բանակի հրամանատար) –  
102, 140, 170, 360

**Հ**

- Հալաճյան Օսկան Էֆենդի (օսմանյան  
պատգամավոր՝ ընտրված Կ. Պոլ-  
սից) – 212, 273
- Հակոբ (Թուրքական բանակի Հայ  
զինվոր) – 208
- Հակոբյան Զատիկ (Թուրքական  
բանակի Հայ զինվոր) – 266
- Համիտ – տե՛ս Աբդուլ Համիդ II
- Հայդար Ալի բեյ (վճռաբեկ դատարա-  
նի նախագահ) – 337
- Հայրապետյան Գառնիկ (Հայկական  
վաչտի մարտիկ) – 132
- Հայրի բեկ (Թուրքիայի վակուֆների  
նախարար) – 273
- Համբարձումյան Կարապետ (բուլղա-  
րական բանակի 26-րդ վաչտի Հայ  
մարտիկ) – 238
- Համդուլլահ Սուբհի բեյ (հոգվածա-  
գիր) – 208, 455, 456
- Հանտոտ Գաբրիել (Ֆրանսիայի արտ-  
գործնախարար) – 112
- Հաջի Ադիլ (Իթթիհատ Կոմիտեի  
գլխավոր քարտուղար) – 273

Հաջինսկի Մեհթի բեյ (լրագրող) – 110  
Հասարակության Միմոն (Մակեդոնա-Օդ-  
րինյան վաչտի Հայ մարտիկ) – 238  
Հարթվինգ Ն. (Սերբիայում Ռուսաս-  
տանի դեսպան) – 25  
Հարտե Մաքսիմիլիան (գերմանացի  
նշանավոր քաղաքական հրապա-  
րակագիր) – 181, 283, 335  
Հարուժյունյան Կարապետ (թուրքա-  
կան բանակի Հայ զինվոր) – 266  
Հարուժյունյան Մանուկ (Հայկական  
վաչտի մարտիկ) – 132  
Հիլմի փաշա – 96  
Հինդլյան Ստեփան (բուլղարահայ  
իրավաբան և հասարակական  
գործիչ) – 91  
Հյուսամեղդին փաշա (Ադրիանուպոլ-  
սի պաշտպանություն մասնակից)  
– 391  
Հովհաննես բեյ (մեծահարուստ) – 433  
Հովնան (Հովհան, շուշեցի մտավորա-  
կան) – 100, 339

## Ղ

Ղասարյան Զոհրապ (խորհրդային  
չրջանի պատմաբան) – 4  
Ղարաբեկյան Արամ (Հայկական վաչ-  
տի մարտիկ) – 132  
Ղարիբջանյան Գևորգ (խորհրդային  
պատմաբան) – 4  
Ղուկաս (Հայկական վաչտի ավագ  
աշխարհազորական) – 343

## Ճ

Ճանքյան Պողոս (թուրքական բանա-  
կի Հայ զինվոր) – 219  
Ճապիր փաշա (Վանի զինվորական

հրամանատար) – 206  
Ճյուպարյան Եղիա (բուլղարական  
բանակի Հայ զինվոր) – 444

## Մ

Մազլիսոհ Նեսիմ (պառլամենտի հրեա  
պատգամավոր) – 72  
Մակարյան Ասատուր – 230  
Մակդոնալդ (Ֆրանսիայի նշանավոր  
քաղաքական գործիչ) – 291  
Մահմուդ Մուխտար փաշա (թուրքա-  
կան բանակի ռազմածովային  
հրամանատար) – 106, 141, 143,  
208  
Մամիկոնյան Հ. («Ավետաբեր» թեր-  
թի տեսաբան) – 139  
Մանգասարյան Սարգիս (Հայկական  
վաչտի մարտիկ) – 132  
Մանդելշտամ Անդրեյ (Վ. Պոլսում  
ռուսական դեսպանատան առաջին  
թարգման) – 345  
Մանուկյան Հովհաննես (բուլղա-  
րական բանակի Հայ զինվոր) – 444  
Մանուկյան Սամվել (թուրքական  
բանակի Հայ զինվոր) – 266  
Մաջառով Մ. (Լոնդոնում բուլղար  
դեսպան) – 305  
Մարգարյան Մկրտիչ (Հայկական  
վաչտի մարտիկ) – 132  
Մարմարյան Ա. (Վ. Թոթովենցի կեղ-  
ծանունը) – տե՛ս Թոթովենց Վա-  
հան  
Մարտինովիչ Միտար (չերնոգորցի  
զորահրամանատար) – 104  
Մարտիրոսյան Բարկեն (բուլղարա-  
կան բանակի 26-րդ վաչտի Հայ  
մարտիկ) – 238  
Մարտիրոսյան Գրիգոր (Հայկական

վաչտի մարտիկ) – 236  
Մարտիրոսյան Սողոմոն (Հայկական  
վաչտի մարտիկ) – 132  
Մարքս Կարլ – 9, 21, 26, 39  
Մեծն Դուչան (Ստեփան Ուրոշ IV,  
Սերբիայի թագավոր) – 412  
Մեկապյան Սարգիս (ՀՅԳ գործիչ  
Բուլղարիայում) – 125  
Մեհմեդ II (օսմանյան սուլթան) – 5,  
72, 74, 75  
Մեհմեդ Ալի բեյ (Իթթիլիաֆի նշանա-  
վոր գործիչ) – 209  
Մեհմուդյան Սարգիս (բուլղարական  
բանակի Հայ զինվոր) – 444  
Միլովանովիչ Միլովան (Սերբիայի  
վարչապետ) – 40, 41  
Միխայլովսկի (ոռս նշանավոր ռազ-  
մագետ-գրող) – 108, 183  
Մինախուրյան Վահան (էսէռ գործիչ)  
– 458  
Մինայան Արտաշես (Հայկական  
վաչտի մարտիկ) – 132  
Մինայան Ղուկաս (Հասարակական  
գործիչ) – 122  
Միրզոյան Գեղեոն (բուլղարական  
բանակի 26-րդ վաչտի Հայ մար-  
տիկ) – 238  
Մկրտիչյան Հայկ (Թուրքական բանա-  
կի Հայ զինվոր) – 219  
Մոճիկյան Գրիգոր (Թուրքական բա-  
նակի պահեստի սպա) – 266  
Մովսես բեյ (Ռոդոսթոյի բնակիչ) –  
444  
Մրուչեկովիչ Մ. – 306, 307  
Մութուֆյան (Հայ բժիշկ) – 267  
Մուխտար բեյ (Չերնոգորիայում  
Թուրքիայի ներկայացուցիչ) – 93  
Մուհամմեդ Ռիչադ V (Մեհմեդ Ռե-  
չադ, օսմանյան սուլթան) – 60, 95,  
277

Մուրադ III (օսմանյան սուլթան) – 84  
Մուրադյան Ասլան (Հայկական վաչ-  
տի մարտիկ) – 132

### Յ

Յան Սորեսկի (Լեհաստանի թագա-  
վոր) – 7  
Յանկովիչ Բոժիգար (Սերբիայի եր-  
րորդ բանակի Հրամանատար) –  
103  
Յավեր Մեհմեդ փաշա (գեներալ) –  
228, 230, 234, 235  
Յավորով (Պեյո Կրաչկալով, բուլղա-  
րացի բանաստեղծ) – 89-91, 121,  
245, 246  
Յովանովիչ Լյուբոմիր (Սերբիայի Ազ-  
գային ժողովի նախագահ) – 188  
Յովսէփեան Արշակ Յովսէփի (Թուր-  
քական բանակի Հայ զինվոր) –  
219  
Յուվան (բուլղար զինվոր Թուրքական  
բանակում) – 205

### Ն

Նազարյան Լիպարիտ (Լեռիյան Ռ., Կ.  
Պոլսի «Բագինի» խմբագիր) – 122  
Նազրմ փաշա (Ադրիանուպոլսի  
պաշտպանության մասնակից) –  
391  
Նազրմ փաշա (Թուրքիայի ռազմա-  
կան նախարար) – 105, 112, 149,  
163, 166, 168, 197, 211, 212, 272,  
293, 337, 345  
Նազիֆ Սուլեյման (Տրապիզոնի կու-  
սակալ, իթթիհնադական «Հազգ»  
թերթի խմբագրապետ) – 274  
Նայիլ բեյ (օսմանյան բանակի զորա-  
վար) – 161

Նապոլեոն Բոնապարտ – 160  
 Նաջիր Ֆազլը (կենտրոնական հեռագրատան վարիչ) – 274  
 Նաջին էոմիր (իթիթիհադական նշանավոր գործիչ) – 72  
 Նեսիմ Ահմեդ (օսմանյան պատգամավոր) – 274, 275  
 Նեսիմ Մազլիահ (օսմանյան պատգամավոր) – 274  
 Նեսիչ Մ. (Փարիզում Սերբիայի դեսպան) – 305  
 Ներատուվիչ (Թուրքիայում Սերբիայի դեսպան) – 149  
 Ներսիսյան Վարդան (Հայկական վաչտի մարտիկ) – 132  
 Նոդեն Գարեգին – 122, 124, 129, 131, 133-136, 233, 234, 246, 341, 343, 344, 433, 435  
 Նիզամի Օսման փաշա (Բեռլինում Թուրքիայի դեսպան) – 305  
 Նիկոլա I Պետրովիչ (Պետրո իշխան, Չերնոգորիայի իշխան, ապա՝ Թագավոր) – 37, 43, 83, 92, 95, 104  
 Նիկոլայ II – 25, 41, 52, 290, 423  
 Նիկոլիչ Անտրա Մ. (Սերբիայի Ազգային ժողովի նախագահ) – 305  
 Նիկոլիչ (Սերբիայի արդարադատության նախարար) – 188  
 Նիբոլով (մայր Դովինգովի համհարդ կապիտան) – 242  
 Նշանյան Յակոբ (Թուրքական բանակի Հայ զինվոր) – 219  
 Նշանյան Տրդատ (Հայկական վաչտի մարտիկ) – 132  
 Նովակովիչ Ստոյան (Սերբիայի վարչապետ) – 305, 306  
 Նորատունկյան Գաբրիել էֆենդի (Օսմանյան կայսրության արտգործնախարար) – 59, 61-64, 74, 75, 77, 78, 82, 92, 93, 149, 153, 154,

175, 176, 261, 274, 287, 298, 304, 305, 308, 309, 326-330, 337, 338, 345, 355, 363

## Շ

Շահրիկյան Հարություն (Ատոմ, ՀՅԴ անդամ) – 467  
 Շամտանճյան Միքայել (Թարգմանիչ) – 345  
 Շայգեման (գերմանացի սոցիալիստ) – 292  
 Շերբեթճյան Հակոբ (իթիթիհադական գործիչ) – 255  
 Շերիտճյան (Հայ բժիշկ) – 267  
 Շլիեֆեն ֆոն կոմս Ալֆրեդ (գերմանական ռազմական տեսարան, գեներալ-ֆելդմարշալ) – 335, 336  
 Շնիտման Ա. Մ. (բուլղարացի պատմաբան) – 451  
 Շուքրի փաշա (Ադրիանուպոլսի պաշտպանության ղեկավար) – 159, 347, 384, 385, 388-391, 393, 394  
 Շեզաթի էֆենդի (օսմանյան պատգամավոր) – 274  
 Շեքեթ Մահմուդ փաշա (Թուրքիայի ռազմական նախարար, օսմանյան պատգամավոր) – 106, 275, 345, 353, 354, 356, 358, 361, 369-371, 379

## Չ

Չարիկով Ն. (Թուրքիայում Ռուսաստանի դեսպան) – 25  
 Չաուչ Հովհաննես (բուլղարական բանակի հերոս մարտիկ) – 238  
 Չաբրյան Հովսեփ (Թուրքական բանակի Հայ զինվոր) – 219

Զիյան (Հայ բժիշկ) – 267  
Զուպանյան Անիկտոս (Հայ բժիշկ) – 213  
Զուպանյան Արչակ (գրող, գրականագետ) – 208  
Զորմիզյան Դանիել (բուլղարական բանակի 26-րդ վաչտի Հայ մարտիկ) – 238

## Պ

Պազպազյան Աշոտ («Ժամանակ» թերթի աշխատակից) – 320, 321  
Պայավիչին Յոհան ֆոն (Կ. Պոլսում Ավստրիայի դեսպան) – 261, 371  
Պայաքյան Գրիգորիս վրդ. (եկեղեցական, ազգային, Հասարակական գործիչ) – 220  
Պայթազար (Հայ բժիշկ) – 266, 267  
Պասիչ Նիկոլա (Սերբիայի վարչագետ) – 83, 188  
Պավլովիչ (Սերբիայի բանակի գնդագետ) – 305  
Պաուսան (Կ. Պոլսի թուրք ժանդարմների գերմանացի Հրամանատար) – 260  
Պետար I (Պետեր, Սերբիայի թագավոր) – 43, 188  
Պետիկյան Ասատուր (Հասարակական գործիչ Բուլղարիայում) – 122  
Պետրոսյան Գևորգ (Հայկական վաչտի մարտիկ) – 132  
Պետրոսյան Հովհաննես (Հայկական վաչտի մարտիկ) – 132  
Պերնեսդորֆեր (Ավստրիայի պաուլամենտի փոխնախագահ) – 292  
Պլավա Լեոն (բուլղար մեծ մտածող) – 89  
Պողոս (Հայ կամավոր Ռոդոսթոյից) – 234

Պողոսյան Կարո (Հայկական վաչտի մարտիկ) – 236  
Պոման (ֆրանսիացի զինվորական, թուրքական ոստիկանական զորքերի Հրամանատար) – 172  
Պոմոն Մ. Ա. («Դեյլի Տելեգրաֆի» չրջիկ թղթակից) – 208  
Պոյովիչ (գեներալ, Սերբիայի բանակի սպայակույտի պետ) – 305  
Պոնբառ Մ. (Ֆրանսիայի դեսպանը Կ. Պոլսում) – 220  
Պոպուկ (Կ. Պոլսում Բուլղարիայի դեսպանատան թարգման) – 293  
Պսակ ծ. վարդապետ (Նարբերդի Հայոց առաջնորդ) – 368  
Պրեսանս Ֆրանսիս դը (Ֆրանսիացի Հայասեր) – 250  
Պրոտոգերով Ալեքսանդր (բուլղարական գեներալ) – 54, 119, 123, 124, 129, 223, 341, 343  
Պուանկարե Ռայմոնդ (Փուանքարե, Ֆրանսիայի վարչապետ, արտգործնախարար) – 25, 114, 115, 153, 280, 282-284, 319  
Պուտնիկ Ռադոմիր (գեներալ, սերբական բանակի Հրամանատար, Սերբիայի զլխավոր շտաբի ղեկավար) – 103

## Ջ

Ջալայեդդին շեյխ (քուրդ Համբավավոր շեյխ) – 79  
Ջամփուլադ Իսմայիլ բեյ (օսմանյան պատգամավոր) – 274, 275  
Ջավիդ բեյ (Թուրքիայի ֆինանսների նախարար) – 274  
Ջավիդ Հուսեյն բեյ («Թանին» թերթի խմբագիր) – 274, 275  
Ջեմալ Ահմեդ փաշա (իթիհազական

Լեռնապետություն անդամ, Թուրքիայի ծովային նախարար) – 345  
 Զեմալ բեյ (Ադրիանուպոլսի պաշտպանություն մասնակից) – 391  
 Զեմալբեղդին Արիֆ բեյ (փաստաբաններին ընկերություն նախագահ) – 72  
 Զեմալբեղդին Էֆենդի (չեյս ուլ իսլամ) – 149  
 Զեմալ Էֆենդի (օսմանյան սենատի քարտուղար) – 274  
 Զեմալ Թոփուզու փաշա (Կ. Պոլսի քաղաքապետ) – 337  
 Զիմջոզ Սելահ («Գալեմ» երգիծաթերթի խմբագիր) – 274  
 Զիվանչիր Բեյբութ խան (Ադրբեջանի ներքին գործերի նախարար) – 110  
 Զորջ Լյոզ (Մեծ Բրիտանիայի վարչապետ) – 281  
 Զևդեթ Արդուլահ (Հրապարակագիր) – 274

## Ռ

Ռաուֆ բեյ («Համիդիե» մարտանավի Հրամանատար) – 159  
 Ռենենկամպֆ Պավել (ռուսական բանակի զորավար) – 58  
 Ռեմզի բեյ (Ադրիանուպոլսի պաշտպանություն մասնակից) – 391  
 Ռեչիդ փաշա (Օսմանյան կայսրություն ներքին գործերի նախարար) – 149, 305, 306, 313  
 Ռըներ (Ավստրիայի խորհրդարանի անդամ) – 291  
 Ռիզա Ահմեդ փաշա (օսմանյան պատգամավոր, օսմանյան ներկայացուցիչների պալատի նախագահ) – 274, 275, 320

Ռիզա բեյ (Ադրիանուպոլսի պաշտպանություն մասնակից) – 391  
 Ռիֆաթ Մելան Զադե (նշանավոր երիտթուրքական գործիչ) – 272, 273  
 Ռիֆաթ փաշա (Ադրիանուպոլսի պաշտպանություն մասնակից) – 391  
 Ռոդոսլավով Վասիլ (Բուլղարիայի վարչապետ) – 427  
 Ռոչֆոր Հանրի (ֆրանսիացի Հրապարակախոս) – 366  
 Ռոտ ժան Մ. – 213

## Ս

Սարահեղդին իշխան – 277, 278  
 Սագյան Պետրոս (Մալգարայի երևելի Հայերից) – 447  
 Սագրդյան Եղիա Պետրոս (Ռոդոսթոյի բնակիչ) – 444  
 Սագրդով (Բուլղարիայի Ազգային ժողովի պատգամավոր) – 116  
 Սագոնով Սերգեյ (Ռուսաստանի արտգործնախարար) – 25, 33, 34, 51, 52, 85, 281, 286, 289, 328, 402  
 Սալիահ փաշա (թուրքական բանակի Հեծելազորային ուժերի Հրամանատար) – 155  
 Սայիդ փաշա (Օսմանյան կայսրություն վարչապետ) – 63, 337, 338  
 Սանդանակի Յան (բուլղարական Հեղափոխական) – 58  
 Սապունտզակիս Կոստանտինոս (Հունական բանակի զենեարալ) – 103  
 Սավով Միխայիլ (բուլղարական բանակի զենեարալ, զորահրամանատար) – 45, 102, 173, 295, 360, 361, 450, 451



Սարաֆով (Բուլղարիայի դեսպանը Թուրքիայում) – 149

Սարաֆով Բորիս (ճակեղոնական ազատագրական շարժման նշանավոր գործիչ) – 123

Սարգսյան Գաբրիել (բուլղարական բանակի հայ զինվոր) – 444

Սարուխանյան Ա. (Պետերբուրգի հայ քաղաքական գործիչ) – 432

Սեպեգով (Բուխարեստում Ռուսաստանի դեսպան) – 289

Սերթյան (հայ բժիշկ) – 267

Սթրայթ (Վիեննայում Հունաստանի դեսպան) – 306

Սիրանյան Հովսեփ (հայ կաթոլիկ վարդապետ) – 77

Սիմեոն ցար (Բուլղարիայի թագավոր) – 416

Սիմոն աղա (Մալգարայի երևելի հայերից) – 447

Սիմոնյան Հրաչիկ – 123, 126, 175, 179, 216, 234, 250, 268, 322, 374, 395, 430, 445, 456, 461, 466

Սիրունի (Ճորոյան) Հակոբ (բանասեր, խմբագիր) – 47, 49, 204

Սկոլուտիս Մ. (Հունաստանի արտգործնախարար) – 305

Սյունի Արմեն (Արչակ Մնացականյան, բալկանյան առաջին պատերազմի մասնակից) – 4, 124, 128, 136, 137, 223, 224, 228–230, 234, 241

Սոխրապյան Հակոբ (հայկական վաշտի մարտիկ) – 236

Սվաճյան Երվանդ Մ. (հայ բժիշկ) – 213

Սվաճյան Հովհաննես (Բաղարջիկ քաղաքի հետազոտող պաշտոնյա) – 88

Ստեպանովիչ Ստեպա (սերբ գորահրամանատար) – 103, 189

Ստեփանյան Արթին (թուրքական բանակի հայ զինվոր) – 219

Ստեփանյան Գառնիկ (հայկական վաշտի մարտիկ) – 132

Ստրուվե (ֆրանսիացի զինվորական) – 172

Սուլիև փաշա (Թուրքիայի ծովային փոխնախարար) – 305

## Վ

Վազներ “Reichspost” Թերթի ռազմաճակատային թղթակից) – 163

Վայիան (ֆրանսիացի քաղաքական գործիչ) – 250

Վանգենհայմ Հանս (Գերմանիայի դեսպանը Կ. Պոլսում) – 371

Վարանդյան Միքայել (ՀՅԴ գործիչ, պատմաբան) – 122, 250

Վարդազարյան Կարապետ (բուլղարական բանակի սպա) – 122

Վեխտեր (Կիդերլեն-Վիխտեր, Ալֆրեդ ֆոն, Գերմանիայի արտգործնախարար) – 154

Վենիգելուս էլեֆտերիոս (Հունաստանի վարչապետ) – 43, 45, 305, 306, 322

Վերոնիկա (Անդրանիկ Օզանյանի կինը) – 248

Վիլբրքս (անգլիացի գործարար) – 16

Վիլհելմ II (Գերմանիայի կայսր) – 17, 25, 112, 422

Վիշինսկի Եվգենի (էրզրումի ռուսական հյուպատոսության խորհրդական, հետագայում՝ գեներալ-մայոր, 1917 թ.՝ Հայկական կորպուսի շտաբի պետ) – 466

Վրացյան Սիմոն (ՀՀ վարչապետ, ՀՅԴ գործիչ) – 176, 198, 199

Վուկոտիչ Յանկո (չերնոգորական

արևելյան դիվիզիայի հրամանատար) – 104, 192

## Տ

Տանև Ստոյան տե՛ս Դանև

Տիգրան էֆենդի – 207

Տիգրանյան Սիրական (ՀՅԴ գործիչ, Պետերբուրգի հայկական խմբակի բյուրոյի անդամ) – 432

Տիլպեր Զարեհ – 337

Տորչևակի (գերմանացի գեղապետ) – 391

Տրոցկի Լև (Բրոնչտեյն, նշանավոր հեղափոխական) – 128, 133-136, 234, 236

## Ու

Ուրահդուլահ (Ուրեյդուլահ, քուրդ գործիչ, շեյխ) – 72, 79

Ուրխան (օսմանյան սուլթան) – 35

## Փ

Փանիկյան Սնիկ (Սնիկ Զարմունի, բանաստեղծ, փիլիսոփա, արձակագիր, թարգմանիչ) – 447

Փաշայան դոկտ. (ՀՅԴ գործիչ) – 72, 73

Փափազյան Մ. («Ազատամարտի» թղթակիցը Բալկաններում) – 204

Փափազյան Վահան (Կոմս, ՀՅԴ գործիչ, Թուրքիայի պառլամենտի անդամ) – 463

## Ք

Քամպոն (Ֆրանսիայի արտգործնախարար) – 154

Քարասու էֆենդի (օսմանյան պատգամավոր) – 275

Քեազիմ բեյ Հուսեյն (Քյազիմ բեյ, Սալոնիկի կուսակալ) – 274, 275

Քեամիլ փաշա (Քյամիլ փաշա, Օսմանյան կայսրության վարչապետ) – 63, 82, 149, 173, 261, 272, 274, 276, 293, 303, 304, 308, 324, 326, 328, 332, 337, 345, 346, 356, 357, 374, 401, 436

Քելեկյան Տիրան էֆենդի (ոսմկավար, խմբագիր) – 70

Քեմալ, Ալի բեյ (խմբագիր, լրագրող) – 63, 71, 256, 257

Քեչեյան Բյուզանդ («Բիւզանդիոն» թերթի խմբագիր) – 203

Քեռի (Արշակ Գավաֆյան, հայ ազգային-ազատագրական շարժման գործիչ) – 215

Քյազիմ բեյ (Ադրիանուպոլսի պաշտպանության մասնակից) – 391

Քյուրքչյան Գարեգին (հայ բժիշկ) – 267

## Օ

Օ՛Գրեյ (անգլիացի քաղաքական գործիչ) – 291

Օզանյան Գագիկ (գրականագետ, Անդրանիկ Օզանյանի հորեղբոր որդին) – 248

Օհանես էֆենդի (պահեստի հայ սպա) – 207

Օսման Զալիլ փաշա (թուրք նշանավոր գեներալ) – 381

Օսման փաշա (Երզնկայի գորամիա-

վորման հրամանատար) – 206  
Օտտո Անտրիզ (Տրոցկու կեղծանու-  
նը) – տե՛ս Տրոցկի Լև

### Ֆ

Ֆագիբ (սերբ գնդապետ) – 59  
Ֆաթիհ սուլթան Մեհմեդ – տե՛ս Մեհ-  
մեդ II  
Ֆայիզ բեյ (օսմանյան պատգամա-  
վոր) – 275  
Ֆեհմի Հասան (արաբ իթթիհազական  
գործիչ) – 72  
Ֆեներճյան Լևոն (Հասարակական  
գործիչ Բուլղարիայում) – 122  
Ֆերդինանդ (Ռումինիայի իշխան) –  
289  
Ֆերդինանդ I (Բուլղարիայի թագա-  
վոր) – 25, 43, 45, 54, 102, 108, 110-  
112, 151, 293, 295, 416, 451  
Ֆիլիպով Ս. (բուլղարական բանակի  
գնդապետ) – 121, 235  
Ֆիլոսոֆով (ոուս լրագրող) – 108, 109

Ֆիչև Իվան (բուլղարական բանակի  
գեներալ) – 43, 45, 101, 103, 295  
Ֆիցմորիս Ջ. (Կ. Պոլսում Անգլիայի  
ղեսպանությունն առաջին թարգ-  
ման, էրզրումում նախկին հյուպա-  
տոս) – 261  
Ֆիքրի Լութֆի բեյ (Թուրքիայի  
խորհրդարանի պատգամավոր  
Դերսիմից) – 279  
Ֆյուրստենբերգ Կարլ էմիլ (Բուխս-  
րեստում ավստրիական ղեսպան)  
– 289  
Ֆնտգյան (Հայ բժիշկ) – 267  
Ֆրանց Յոզեֆ (Ավստրիայի կայսր) –  
184, 289  
Ֆուադ բեյ (Թուրքիայի ռազմական  
նախարարությունն խորհրդական) –  
62, 70  
Ֆունդուկչյան Լևոն (Ազրիանուպոլսի  
անվանի քաղաքացի) – 348  
Ֆուրնեի Տարթիժ դը (Ֆրանսիական  
ռազմական նավատորմի ծովա-  
կալ) – 172

## ՏԵՂԱՆՈՒՆՆԵՐԻ ՑԱՆԿ

### Ա

- Ագարակ (Ագրակ, բնակավայր Մեղ-  
րու շրջանում) – 124
- Ագրումիցա (քաղաք Բալկաններում)  
– 189
- Ադանա (Ատանա, նահանգ, գավառ և  
քաղաք Կիլիկիայում) – 167, 214,  
245, 395, 462
- Ադրբեջան – 109
- Ադրիանուպոլիս (Էդիրնե, Էտիրնե,  
Օդրին, Օդրինե) – 53, 55, 102, 119,  
138-141, 143-148, 150, 152, 156,  
158, 160-166, 169, 170, 224, 248,  
274, 275, 281, 288, 289, 297, 303,  
306-308, 312, 314, 322, 323, 326,  
327, 331-334, 346-350, 354, 355,  
357, 359, 360, 362, 369-371, 376,  
381-386, 388-396, 399, 400, 404,  
412, 415, 428-431, 439, 440, 444,  
452, 454
- Ադրիական – տե՛ս Ադրիատիկ ծով
- Ադրիատիկ ծով – 5, 11, 12, 28, 36, 37,  
104, 159, 180, 181, 183, 184, 190,  
191, 288, 304, 307, 316-318, 320,  
402, 409, 412, 413, 421, 423
- Աթենք – 71, 85, 197, 220, 288, 345,  
418
- Աթինատա (Թուրքերեն՝ Աթենքը) –  
տե՛ս Աթենք
- Աթ-Մեյդան (Թաղամաս Ադրիանու-  
պոլիսում) – 392
- Ալաշկերտ (գավառակ Բայազետի  
գավառում) – 80
- Ալբանիա (Ալպանիա) – 11, 12, 28-30,  
53, 105, 180, 181, 238, 244, 262,  
299, 304, 311, 314, 316-318, 320,  
323, 377, 397, 402, 412, 414, 421,  
423, 431
- Ալեսիո (նավահանգիստ Ադրիատիկի  
ափին, նախկին Լիեչ) – 36, 316
- Ալեքսանդրապոլ – 394
- Ալեքսանդրիա – 159
- Ալեքսանդրուպոլիս – տե՛ս Դեզե-  
Ադաջ
- Ալթայ – 27
- Ալժիր – 6, 7, 179
- Ալջավազ (գավառակ վանի նահան-  
գում) – 461
- Ախա-Կումայի (ավագուտներ Թուրք-  
մենիայում) – 110
- Աղթամար – 462
- Ամերիկա – 58, 198, 199, 222, 433, 464,  
467
- Այաչ (նավահանգիստ Ադրիատիկի  
ափին, նախկին Տիրացցոն) – 36,  
181
- Այդումուչ (Թուրքարենակ գյուղ բուլ-  
ղար-Թուրքական սահմանին) –  
224
- Անատոլիա (Անատոլու) – 20, 148,  
150, 151, 164, 239, 240, 255, 257,  
325, 326, 358, 368, 369, 375, 426,  
439, 453, 456-458
- Անգլիա – 8-10, 13, 14, 16, 19, 21, 25,  
46, 50, 51, 62, 85-87, 117, 128, 153,  
172, 184, 282, 284, 286, 294, 299,  
302, 303, 305, 309-311, 319, 333,  
335, 359, 371, 398, 403, 409, 423
- Անդրկովկաս – 81, 110, 433, 467
- Անխիալո (ծովափնյա գյուղաքաղաք

Բուլղարիայում) – 90  
Անկարա – 274  
Առնաուտքեո (բնակավայր Ադրիա-  
նապոլսի մոտակայքում) – 147,  
165  
Ասիա – 8, 12, 64, 236, 263, 323, 326,  
366, 408, 422, 441, 455  
Ավստրիա – տե՛ս Ավստրո-Հունգա-  
րիա  
Ավստրո-Հունգարիա – 7, 10-14, 17,  
20-25, 27-29, 31-39, 44, 46-51, 57,  
83, 85, 86, 97, 98, 107, 117, 154,  
181-184, 190, 195, 282, 283, 285,  
286, 289, 291, 292, 294, 298, 299,  
302, 311, 314-318, 333, 371, 397,  
398, 402, 409, 412, 413, 421-425,  
436  
Ավրաթ Հիսար (բնակավայր Սոֆիայի  
մատուցյներում) – 428  
Ատլանտյան օվկիանոս – 7  
Արաբական թերակղզի – 8  
Արաբստան (Արաբիա) – 76, 350  
Արարատ (լեռ) – 241, 242, 244  
Արաքս (գետ) – 343, 344  
Արդա (գետ Բուլղարիայի Հարավում  
և Հունաստանի Հյուսիս-արևել-  
քում) – 224, 228  
Արճեչ (գավառ Վանի նահանգում) –  
461  
Արմենիա – տե՛ս Հայաստան  
Արչիպելագոսի կղզիներ – 304, 323,  
334, 409, 414  
Արտա (քաղաք Հունաստանում) – 103  
Արևելյան Անատոլու – 330  
Արևելյան Եվրոպա – 335, 405  
Արևելյան Ռոդոպներ (չրճան Սոլունի  
վիլայեթում) – 53  
Արևելյան Ռումելիա տե՛ս Ռումելիա  
Արևելք – 79, 112, 244, 257, 335, 364

Արևմտյան Լիբիա – 8  
Արևմտյան Հայաստան տե՛ս Հայաս-  
տան  
Արևմտյան Սերբիա – տե՛ս Սերբիա  
Արևմուտք տե՛ս նաև Եվրոպա – 7, 79,  
112, 257, 409  
Աք Ալան (բարձունք Չաթալջայի  
մոտակայքում) – 377  
Աֆրիկա – 8, 404  
Աֆրիկյան Տրիպոլի – 440

## Բ

Բաբանեբարի – 138  
Բաղարջիկ (Պաղարճրկ, քաղաք Բուլ-  
ղարիայում) – 88  
Բաթում – 8  
Բալթիկ ծով – 14  
Բալթյան նավահանգիստներ – 11  
Բալկան-Դերեսի (Բալկան-Թերեսի) –  
230, 341  
Բալկանյան թերակղզի – 3, 9, 22, 26,  
29, 31, 33, 39, 44, 45, 53, 87, 120,  
122, 127, 162, 180, 238, 280, 315,  
372, 397, 399, 435  
Բալկաններ (Բալկան, Պալքաններ) –  
8, 11, 12, 17-20, 23, 25-28, 30, 32,  
33, 38-40, 42, 44-47, 49, 51, 53, 54,  
58, 64-66, 68-70, 82, 84, 86, 97, 99,  
101, 107-109, 112, 115-117, 125,  
128, 133, 134, 154, 189, 204, 240,  
248, 249, 262, 278, 281, 286, 288,  
289, 292, 299, 308, 317, 319, 335,  
336, 374, 390, 405, 408, 409, 412,  
416, 418, 419, 421, 422, 425, 429,  
430, 436, 437, 439-441, 449, 452,  
453, 455, 457, 458, 460  
Բալչըկ (քաղաք Բուլղարիայի Հյու-  
սիս-արևելքում) – 88, 315

- Բաղդադ – 16, 18, 19  
 Բայազետ – 79  
 Բանիա – 223  
 Բանակո (քաղաք Բուլղարիայի Հա-  
 րավ-արևմուտքում) – 240  
 Բասրա (վիլայեթ Թուրքիայում) – 16,  
 18  
 Բավարիա – 31  
 Բատակ (քաղաք Բուլղարիայի Հարա-  
 վում) – 449  
 Բաբու – 4, 109, 110, 124, 364  
 Բելգրադ – 25, 57, 71, 73, 85, 181, 184,  
 188, 189, 191, 288, 367, 390, 414,  
 418, 451  
 Բելոմորե – տե՛ս Էգեյան ծով  
 Բելյուլթ (Պէյրուլթ) – 11, 16, 199, 251  
 Բենդեմքեն (քնակավայր Ադրիանու-  
 պոլիս-Պոլիս մայրուղու վրա) –  
 164  
 Բեռլին (Պերլին, Պէրլին) – 16-18, 20,  
 25, 68, 81, 84, 87, 97, 154, 243, 244,  
 254, 280, 291, 301, 302, 305, 318,  
 411  
 Բեսարաբիա – 32, 47, 290  
 Բերա (Թաղամաս Կ. Պոլսում) – 63,  
 74, 76, 258, 259, 265  
 Բերանա (քաղաք Չերնոգորիայում) –  
 56, 191  
 Բիթլիս (Պիթլիս) – 462, 465  
 Բիտոլի (Բիտոլիա, նաՀանգ  
 Մակեդոնիայում) – 40, 53, 190  
 Բյուզանդիոն (Հունական գաղութ,  
 Հետագայում քաղաք Բոսֆորի  
 եվրոպական ափին) – 426  
 Բյուզանդիա – 5, 13, 35, 37, 172, 174,  
 414  
 Բոսնիա – տե՛ս Բոսնիա-Հերցեգովինա  
 Բոսնիա-Հերցեգովինա – 5, 8, 24, 28,  
 31, 35, 84, 107, 318, 412  
 Բոսֆորի նեղուց (Բոսֆոր, Վոսֆոր,  
 Վոսֆոր) – 23, 85, 174, 176, 177,  
 182, 260, 263, 328, 350, 396  
 Բորոզինո (գյուղ Մոսկվայի մատույց-  
 ներում) – 339  
 Բրիտոլիա – տե՛ս Մոնաստիր  
 Բուլթանիա (նաՀանգ Փոքր Ասիայում)  
 – 23, 34, 38, 48, 165, 168, 170, 171,  
 181, 195, 200, 201, 260, 264, 275-  
 277, 292, 293, 303, 304, 307-310,  
 313, 318, 323-325, 327, 331, 333-  
 338, 348-350, 410, 411, 456-458,  
 462  
 Բուլաիր (քաղաք Գալիբոլուի չրջա-  
 նում) – 361, 362, 374, 435  
 Բուլղարիա (Բուլղարական պետու-  
 թյուն, Բուլղարական Թագավորու-  
 թյուն, Մեծ Բուլղարիա, Պուկա-  
 րիա, Պուկարի) – 3, 4, 8, 11, 23-  
 25, 27-30, 32-43, 45-49, 51-59, 64,  
 65, 67, 74, 81-84, 86-90, 96, 101-  
 109, 111, 116, 119-128, 133, 135,  
 140, 148, 150, 160, 162, 169, 172-  
 175, 177, 178, 190, 204, 222, 225,  
 231, 243-246, 248, 254, 255, 282,  
 283, 286-290, 293, 295-298, 303,  
 305, 308, 314-316, 322, 324, 325,  
 330, 333, 344, 360, 372-374, 377,  
 378, 385, 389, 396, 398, 401, 402,  
 404-407, 412-416, 418-420, 422-  
 428, 430-432, 435, 436, 446, 449-  
 452, 463  
 Բուխարեստ – 48, 49, 289, 418, 431,  
 432  
 Բունար Հիսար – տե՛ս Փունար Հիսար  
 Բուրգաս (Բուրգաս, քաղաք Բուլղա-  
 րիայում) – 150, 164, 381  
 Բուրսա (խալիֆայություն նախկին  
 աթոռանիստը) – 35, 454

**Գ**

- Գալիբրու (Գալիպոլի, քաղաք Եվրոպական Թուրքիայում) – 120, 359, 362, 375, 409, 420, 429, 434
- Գալֆաբեո (Քալֆա-բեո, բնակավայր Ադրիանուպոլսի մոտակայքում) – 165, 377
- Գանտիլլի (Թաղամաս Կ. Պոլսում) – 219
- Գատը-բեո (բարձունք Չաթալջայի մատույցներում) – 377
- ԳարաՀիսար – տե՛ս Շապին Գարա-Հիսար
- Գարաճաբեո (բնակավայր Չաթալջայի մատույցներում) – 162
- Գարաֆերիա (Վերիա, քաղաք Հունաստանում) – 193, 194
- Գերմանական Արևելյան Աֆրիկա – 17
- Գերմանական Հարավարևմտյան Աֆրիկա – 17
- Գերմանա-Հոմեական կայսրություն – 6
- Գերմանիա – 10, 13, 14, 16-21, 31, 33, 36, 46, 48-51, 85, 86, 97, 107, 117, 154, 156, 180, 182-184, 235, 260, 282, 294, 296, 298-302, 309, 318, 326, 334-336, 371, 384, 398, 409, 422-424
- Գըրջայի (Գյավաչ, Գեավաչ, բնակավայր Չաթալջայի մատույցներում) – 303, 461
- Գյումուչսու (Թաղամաս Կ. Պոլսում) – 266
- Գյումյուրջինե (Գյումուրջինե, Գյումուրջի, քաղաք Մարիցա գետի ափին) – 230, 240, 406
- Գոնիա (քաղաք, գավառ և նահանգ Թուրքիայում) – 274

- Գումգարու (Թաղամաս Կ. Պոլսում) – 219, 260
- Գեգել (բնակավայր Կ. Պոլսի մոտ) – 264

**Դ**

- Դալմաթիա (պատմական տարածք Բալկանյան թերակղզու հյուսիսարևմուտքում) – 36
- Դամասկոս – 16
- Դանուբ (գետ) – 5, 70, 433
- Դարդանելի նեղուց (Դարդանել, Չանաքկալե) – 23, 159, 172, 177, 182, 221, 259, 354, 357, 371, 375, 381, 409, 429
- Դեղե-Աղաջ (Դեղե-Աղաջ, Դեղեաղաջ, Տեսե-Աղաճ, նավահանգիստ Բալկաններում) – 247, 288, 303, 307, 315, 381, 406, 428
- Դերկոր (բնակավայր Մարմարա ծովի ափին) – 164
- Դեմիր Հիսար (քաղաք Մակեդոնիայում) – 428
- Դերկոս – 360, 362
- Դեչիչ – 191
- Դիմոթեքա (Դիմոթեկա, Դեմոտեկ, Դեմոտեկա) – 139, 165, 240, 360
- Դորրուջան (պատմական չրջան Բալկանյան թերակղզում, այժմ՝ Բուլղարիայի և Ռումինիայի տարածքում) – 289, 427, 450
- Դոլն-Բանիա (քաղաք Սոֆիայի չրջանում) – 223
- Դոյրան (բնակավայր Մակեդոնիայում) – 428
- Դրամա (քաղաք Հունաստանում) – 415, 428
- Դուրացցո (նավահանգիստ Ադրիատիկ ծովի ափին) – 316

**Ե**

Եգիպտոս – 5, 8, 16, 84, 159, 363  
 Եմեն – 263  
 Ենի-Փափու (Թաղամաս Կ. Պոլսում) – 260  
 Ենիջե (քաղաք Սալոնիկի մոտակայքում) – 193, 194  
 Ենի-քեո (արվարձան Կ. Պոլսում) – 158  
 Եվրոպա – 5, 8–10, 12, 15, 16, 20, 21, 23, 26, 27, 31, 32, 37, 39, 44, 46, 53, 61, 64, 68, 69, 71, 75, 77–79, 88, 92, 96, 98–100, 102, 106, 112–115, 117–119, 135, 141, 160, 172, 173, 176, 177, 197, 240, 243, 245, 250, 257, 260, 262, 263, 274, 278–281, 285, 289, 291, 298, 299, 305, 311, 312, 314, 321, 323–326, 334, 336, 337, 346, 349, 351, 353, 356, 364–366, 377, 404, 408, 414, 421, 423, 425, 426, 430, 435, 438, 449, 454, 457, 459, 464  
 Երզնկա (գավառ Էրզրումի նահանգում) – 206, 464  
 Երուսաղեմ – 16, 112  
 Երևան – 79, 123, 129, 228, 235, 273, 394, 400, 447, 448  
 Եփրատ գետ – 350

**Զ**

Զմյուռնիա – 16, 76, 79, 167, 274, 275, 277, 374, 414

**Է**

Էգեյան ծով (Բևրոմորե) – 28, 36, 96, 97, 159, 170, 182, 184, 190, 193,

238, 296, 303, 314, 316, 317, 333, 334, 357, 361, 381, 397, 408, 415, 420, 436

Էգեյան կղզիներ – 32, 316, 333, 334, 346, 369, 377

Էգեյան Մակեդոնիա (չրջան Սոլունի վիլայեթում) – 53

Էգեն տե՛ս Էրզնո գետ – 144

Էդիրնե տե՛ս Ադրիանուպոլիս

Էլասոնիա (բնակավայր Հունաստանում) – 196, 303

Էլբասան (չրջան Ալբանիայում) – 288

Էլզաս–Լոթարինգիա – 10

Էյուպ (բարձրունք Կ. Պոլսի մոտ) – 175

Էնկյուրի տե՛ս Անկարա

Էնոս (նավահանգիստ-քաղաք) – 238, 377, 381, 396, 411, 420, 429, 435, 436

Էպիրոս (Եպիրոս, պատմաշխարհագրական չրջան՝ բաժանված Հունաստանի և Ալբանիայի միջև) – 43, 53, 105, 288, 316, 323, 376, 414

Էջմիածին – 79

Էսկիշեհիր (քաղաք Թուրքիայի Հյուսիս-արևմուտքում) – 380

Էսկի-պապա (բնակավայր Լյոլե-Քար-գազի մատույցներում) – 158

Էտիրնե տե՛ս Ադրիանուպոլիս  
 Էրզնո գետ (Էգեն, Էրկինե) – 144, 288, 377

Էրեյլի – 151

Էրզրում – տե՛ս Կարին

**Թ**

Թաթավալա (Թաղամաս Կ. Պոլսում) – 258

Թալիմհանե (Թաղամաս Կ. Պոլսում) – 258



- Թաման (Թամանյան թերակղզի) – 7  
Թասոս կղզի (կղզի էգեյան ծովի  
Հյուսիսում) – 414  
Թարապոչ (բերդ) – 95, 96  
Թաքսիմի Հրապարակ (Հրապարակ Կ.  
Պոլսում) – 74  
Թեթովո (քաղաք Մակեդոնիայի  
Հյուսիս-արևելքում) – 188  
Թեհրան – 458  
Թեսալիա (մարզ Հունաստանում) –  
288, 376  
Թիֆլիս – 13, 22, 28, 125, 243, 366,  
394, 415  
Թոփխանե (Թաղամաս Կ. Պոլսում) –  
259  
Թոքթ (քաղաք Փոքր Ասիայում) –  
265  
Թրակիա (Արևելյան Թրակիա, Արև-  
մտյան Թրակիա) – 38, 53, 101, 102,  
105, 119, 121, 129, 140, 144, 163,  
166, 172, 183, 230, 233, 238, 245,  
327, 371, 381, 382, 400, 414, 415,  
430-432, 435, 440, 453  
Թրակիական թերակղզի (Թրակիա-  
կան-Իլլիրիական թերակղզի) – 9,  
26  
Թուզի – 96  
Թունիս – 6, 8  
Թուրքիա (Օսմանյան կայսրություն,  
Օսմանյան պետություն, Օսմանյան  
տերություն, Ասիական Թուրքիա,  
Եվրոպական Թուրքիա, Տաճկաս-  
տան) – 3, 5-9, 12, 15-27, 29-43,  
46-53, 55, 56, 59, 60-62, 65-68, 72,  
77, 78, 81-87, 93, 94, 96-101, 103-  
108, 110, 113, 117, 118, 120-122,  
125-128, 133, 144, 145, 147-149,  
156, 157, 162, 166, 176, 177, 179,  
180, 188, 195, 197-199, 201-204,  
206, 215, 216, 218, 234, 219, 238-  
240, 243, 245-247, 249, 250-258,  
260-264, 271, 274, 277, 278, 280-  
282, 284, 286-288, 292, 294, 296-  
308, 310, 312-314, 317-321, 323-  
330, 332, 334-336, 338, 345, 346,  
349-352, 355-357, 360, 362-366,  
369-373, 377, 379, 382, 384, 395,  
399-401, 403-406, 408-412, 414-  
418, 421, 422, 424, 425, 428-433,  
435-437, 439, 440, 450, 453, 454,  
456, 462, 465, 466, 468  
Թուրքմենիա – 110
- Ի**
- Իզդետին-բեռ – 157  
Իզմիր – տես Զմյուռնիա  
Իկարիա (կղզի Հունաստանում, էգե-  
յան ծովում) – 39  
Ինջերիզ – 378  
Իշխանաց կղզիներ (կղզեխումբ Կ.  
Պոլսի մոտ՝ Մարմարա ծովում) –  
259  
Իշտիր – 412  
Իոնիա – 185  
Իսպանիա – 310  
Իտալիա – 10, 11, 14, 19, 29, 51, 60, 97,  
98, 103, 106, 154, 183, 184, 190,  
196, 197, 278, 294, 299, 302, 309,  
314, 319, 333, 334, 398, 402, 409,  
421, 423  
Իփեկ – 192
- Լ**
- ԼաՀանա – 428  
Լայպցիգ – 160  
Լարիսա (քաղաք Հունաստանում) –  
196  
Լապ գետ (գետ Կոստովոյի Հյուսիս-

արևելքում) – 186

Լեհաստան – 6, 7

Լեմնոս (կղզի Էգեյան ծովում) – 193

Լիբանան – 5, 33, 243

Լիբիա – 106, 363

Լիեչ – տե՛ս Ալեսիո

Լիմին (Լեմնոս կղզու կենտրոնը) – 193

Լյուլե-Բուրգազ (քաղաք և շրջան Կրկարելիի նահանգում), (տե՛ս նաև Բուրգաս, Բուրգազ) – 144, 154, 150, 155-158, 162-164, 169, 214, 285, 360, 376, 400

Լոզան – 106, 216, 456

Լոզենգրադ – տե՛ս Կրկարելի

Լոնդոն – 51, 85, 128, 146, 153, 172, 175, 206, 280, 284, 290, 294, 297-300, 302-310, 312, 317-319, 321-323, 328, 329, 331-333, 346, 350, 375, 378, 381, 383-395, 398, 401-403, 406, 408, 410-412, 420, 430, 431, 434, 436

### Խ

Նագ-Օղլու – 442

Նավկետիք թերակղզի – տե՛ս Քալքիտիկ թերակղզի

Նասզյուղ (Թաղամաս Կ. Պոլսում) – 258

Նասքովո (քաղաք Բուլղարիայում) – 124, 223, 224, 240

Նարբերդ – 368, 465

Նիոս (կղզի Հունաստանում) – 238

Նոչապ (զավառ Վանի նահանգում) – 461

Նոտին (քաղաք Ռեչ Պոսպոլիտայում, այժմ՝ Ուկրաինայում) – 7

ՆորՀրդային Միություն – 235

### Մ

Մայրազույն Արևելք – 18, 19

### Կ

Կարկաթա (քաղաք Հնդկաստանում) – 179

Կահիրե – 345

Կաղզվան – 465

Կամերուն – 17

Կավալա (քաղաք Հունաստանում) – 414, 415, 427

Կավալայի ծոց – 415

Կավաք-սու – 361

Կատերինա – 303

Կարամանի բեյլիկություն (Ֆեոդալական իշխանություն Կիլիկիայում) – 5

Կարաբուրուն (բերդ Իդմիրի նահանգում) – 196

Կարդիֆ (քաղաք Ուելսում) – 290

Կարին – 76, 107, 167, 217, 274, 446, 465, 466

Կարկառ (շրջան Վանի նահանգում) – 461

Կարճկան (զավառակ Վանի նահանգում) – 461

Կարմիր ծով – 159

Կարս – 8, 79, 394

Կեչան – տե՛ս Քեչան

Կեսարիա (քաղաք) – 76

Կէտիկ-Փաչա (Թաղամաս Կ. Պոլսում) – 219

Կիլիկիա – 20, 240, 369

Կիպրոս – 8

Կիրենեյիկա (Ղարբ Թարապուլուս-Տրիպոլիս կամ Տրիպոլիտանիա, պատմական մարզ Հյուսիսային Աֆրիկայում, ներկայիս՝ Լիբիա) –

- 8, 16, 300, 356, 440
- Կյուստենդիլ** (քաղաք Հարավարևմտյան Բուլղարիայում) – 103, 185, 188
- Կոչանա** (բնակավայր Ջերնոգորիայում) – 56, 360, 406
- Կոսթիվար** (քաղաք Մակեդոնիայում) – 188
- Կոսինքե** – 304
- Կոսովո** – 40, 53-55, 76, 103-105, 185, 186
- Կոսովոպոլիս** – տե՛ս Կոսովո
- Կոստանդնուպոլիս** (Կ. Պոլիս, Պոլիս, Պոլիս, Ստամբուլ) – 4, 8, 9, 16, 19, 23, 25, 29, 31, 34, 35, 37, 47, 49, 50, 59, 61-63, 65, 69-71, 75-79, 82, 84, 92-94, 105, 106, 110, 123-125, 127, 138, 144-150, 152, 157, 162, 164-166, 171-179, 189, 191, 197, 198, 202, 204, 205, 209, 214, 216, 218-222, 239, 240, 243, 246-249, 252, 253, 256, 258-262, 264-266, 268-271, 273, 275-277, 279, 280, 282-284, 287, 292-294, 297-300, 302, 304-309, 311, 313, 315, 317, 321, 322, 325-328, 332, 334, 336, 337, 345, 346, 348, 353-356, 363, 364, 369-374, 379-382, 384, 386, 388-390, 392, 393, 396, 399, 401, 402, 405, 410, 412, 414, 415, 419, 429, 433, 440, 441, 444, 448, 451-455, 457, 463, 465, 467, 468
- Կոստենեց** (քաղաք Սոֆիայի մերձակայքում) – 240
- Կովկաս** – 13, 48, 110, 121, 125, 127, 135, 159, 175, 178, 198, 204, 210, 215, 271, 296, 297, 364, 394
- Կոջայի** (քաղաք Արդա գետի ափին) – 224, 228, 235, 240
- Կրալևո** (քաղաք Բուլղարիայում) – 103
- Կրատովո** (քաղաք Կոսովոյում) – 185
- Կրետե** (կղզի) – 8, 32, 37, 84, 103, 238, 303, 316, 377, 408, 409
- Կրկլարելի** (Կրրիս-Քիլիսե, Գրրգ Քիլիսե, Քրրք Քիլիսե, սանջակ, քաղաք Թուրքիայի Հյուսիսարևմուտքում) – 138-143, 155, 156, 191, 210, 214, 247, 303, 360, 376, 390, 400, 430
- Կուբան** (պատմաշխարհագրական չրջան Հյուսիսային Կովկասում) – 7
- Կուլինա** (բնակավայր Սալոնիկի մոտակայքում) – 193
- Կումանովա** (քաղաք Մակեդոնիայում) – 186, 187, 303
- Կևեկի** (բնակավայր Սոֆիայի մոտակայքում) – 428

## Հ

- Հարեպ** – 16, 167
- Հաճրն** (քաղաք Կիլիկիայում) – 462
- Համբուրգ** – 126
- Համդալու** (քաղաք Շապին-Գարահիսարի մոտ) – 248
- Հայաստան** (Արևմտյան Հայաստան, Թուրքահայաստան, Տաճկահայաստան, Երկիր) – 4, 6, 13, 18, 19, 21, 27, 68, 77, 79, 81, 123, 127, 203, 216, 217, 221, 222, 229, 236-238, 242, 244, 245, 250, 295, 302, 309, 311, 312, 328, 350, 368, 394, 395, 420, 428, 433, 434, 447, 454, 455, 457-461, 463-466
- Հայոց Զոր** (գավառ Վասպուրականում) – 461
- Հաջի-Ֆաբրլ** (բնակավայր Թուրքիայում) – 157
- Հատրմբեո** (բնակավայր Թուրքիա-

յում) – 139, 165, 258

Հարավային Ալբանիա – տե՛ս Ալբանիա

Հարավարևմտյան (Անդրվարդարյան) Մակեդոնիա – տե՛ս Մակեդոնիա

Հեռավոր Արևելք – 13

Հյուսիսային ծոց – 14

Հյուսիսարևմտյան Ալբանիա – տե՛ս Ալբանիա

Հնդկաստան – 16, 19, 179, 363

Հոնիական կղզիներ (կղզիախումբ Հոնիական ծովում, Բալկանյան թերակղզու արևմտյան ափերի մոտ) – 318

Հոոմ – 280, 421

Հունաստան (Յունաստան, Հին Հունաստան) – 3, 5, 7, 12, 27-29, 32, 36, 37, 40, 42, 43, 45, 57, 59, 83, 84, 87, 96, 101, 102, 105-107, 148, 164, 169, 172, 174, 175, 192, 195, 196, 219-222, 255, 288, 294, 296, 303, 305, 306, 308, 313, 316-318, 333, 373, 374, 397, 398, 402, 404, 405, 412-416, 419, 422, 424, 425, 427, 428, 430-432

Հունգարիա – 6, 7, 182

## Ղ

Ղալաթիա (Թաղամաս Կ. Պոլսում) – 76, 259

Ղարաղաղ (Ղարատաղ, բնակավայր Չերնոգորիայում) – 92, 93

Ղրիմ – 5, 7, 78

## Ճ

Ճավա (կղզի Ինդոնեզիայում, որի վրա է Զակարտա մայրաքաղաքը) – 179

Ճոմայի-Պալա – 303

## Մ

Մալգարա (քաղաք և շրջան Թուրքիայի Թեբրիզաղի նահանգում) – 430, 440, 446-448

Մալթա – 159

Մալկարա (Հայաբնակ գյուղ Եվրոպական Թուրքիայում) – 240, 241, 446

Մալկուչի – 192

Մակեդոնիա (Վերին Մակեդոնիա, Ստորին Մակեդոնիա) – 3, 5, 19, 32, 37-41, 43, 53-58, 62, 67, 68, 70, 75-77, 81, 87, 101, 103, 105, 111, 119, 121, 142, 154, 163, 177, 182, 184, 193, 195, 196, 199, 230, 233, 238, 245, 304, 308, 311, 315-317, 320, 360, 374, 386, 400, 412-415, 418, 424, 425, 428, 452

Մանաստիր (Մանասթր, Մանաստր) – 193, 281, 297

Մանասթրը-դաղ – 157, 193

Մաստանլու (Մաստանլյու, քաղաք Բուլղարիայում) – 224, 229, 232, 240

Մարաշ – 166

Մարիցա (գետ Բալկանյան թերակղզում) – 230, 234, 238, 288, 341, 343, 357, 377, 383, 415, 429, 430

Մարմարա ծով – 34, 162, 164, 165, 170, 173, 224, 241, 339, 344, 351, 361, 371, 379, 381, 405, 406, 429, 435, 446

Մարոկո – 6, 7, 199

Մաքրիգյուղ (Թաղամաս Կ. Պոլսում) – 258, 266, 267, 381

Մեդիրե (քաղաք Թուրքիայում) – 209, 211

Մեդիա (Մեդիայա, Միդիա, Միտիա, քաղաք Եվրոպական Թուրքիայում,

Սև ծովի ափին) – 238, 288, 361,  
377, 396, 411, 420, 429, 435, 436  
Մեղուա – 192  
Մելիքների (բնակավայր էգիբրների մեր-  
ձակայքում) – 164  
Մեհրամյի գյուղ (բնակավայր Եվրո-  
պական թուրքիայում) – 230, 231,  
235  
Մեղրի (քաղաք Սյունիքում) – 124  
Մեջիդիե – 315  
Մերեֆտի (քաղաք Մարմարա ծովի  
ափին) – 405  
Մերձավոր Արևելք – 23, 46, 51, 214,  
263  
Մերձավոր Ասիա – 262, 353  
Մերտադ – 185  
Մեցոպոլ (քաղաք Հունաստանի էպի-  
րոսի շրջանում) – 196  
Մեքքա – 263  
Միջագետք – 16–18, 20, 240, 359, 363  
Միջերկրական ծով (Միջերկրական,  
Հարավային ծով) – 8, 9, 14–17, 19,  
46, 159, 314, 318, 374, 386, 409, 412  
Միջին Ասիա – 26, 27  
Միջին Արևելք – 18  
Միտիլենա (կղզի Հունաստանում) –  
238  
Միտրոպոլիս (քաղաք Կոստոլոյում) –  
304  
Մշո դաշտ – 461  
Մոլդավիա – 5  
Մոխաջ (քաղաք Հունգարիայում) – 5  
Մոկս (չրջան Վանի նահանգում) –  
461  
Մոնչիլգրադ (քաղաք Բուլղարիայի  
Հարավում) – 228  
Մոնաստիր (Մանաստր, քաղաք Մա-  
կեդոնիայի Բիտոլի նահանգում) –  
40, 53, 103, 190, 194, 297, 412, 414  
Մոնտենեգրո (բնակավայր Չերնոգո-

րիայում) – 92  
Մոսկվա – 34, 38, 58, 92, 101, 105, 128,  
133, 134, 147, 293, 196, 299, 312,  
373, 417, 438  
Մոտաուր Արևելք – տե՛ս Մերձավոր  
Արևելք  
Մորավա գետ (գետ Կենտրոնական  
Եվրոպայում) – 186  
Մորավիա (պատմական շրջան Չե-  
խիայում) – 103, 190  
Մուկղեն (քաղաք Չինաստանի Հյու-  
սիս-արևելքում) – 105  
Մուչաղչէն (գյուղ Բիթլիսի նահան-  
գում) – 461  
Մուստաֆա-Փաշա – 152, 164, 303

## Յ

Յամբոլ (քաղաք, մարզ Բուլղարիա-  
յում) – 102  
Յոնանիսանա (Յանինա, Յանիա, Յա-  
նիյա, Յանիցա, Յունիա, Եանինա,  
Եպիրոս, քաղաք Հունաստանի  
Հյուսիս-արևմուտքում) – 43, 53,  
159, 194, 196, 206, 207, 297, 312,  
327, 363, 376  
Յունաստան – տե՛ս Հունաստան

## Ն

Նեապոլիս (քաղաք Հունաստանում) –  
220  
Նիչ (քաղաք Բալկաններում) – 103,  
188  
Նիս (չրջան Ֆրանսիայում) – 309  
Նյու Յորք – 222  
Նովի Բագար (Նովո-Բագար, պատ-  
մական շրջան Սերբիայի և Չերնո-  
գորիայի սահմանին) – 20, 35, 36,  
54, 58, 59, 98, 104, 185, 186, 189,

304, 316, 317  
Նորդուզ (գավառակ Վանի նահանգում) – 461  
Ներքոբոփ – 303

## Շ

Շապին-Փարահիսար (քաղաք Արևմտյան Հայաստանում) – 248, 275  
Շատախ (գավառակ Վանի նահանգում) – 461  
Շար-Քեո – 405  
Շարքո – 361  
Շեպչանիկ – 191  
Շիչի (Թաղամաս Կ. Պոլսում) – 258, 259, 265  
Շիպ (Շիպ, Իստիք) – 189, 406  
Շկոդրա (Շքոթրա, Թուրքերեն Իսկոդրա, քաղաք, վիլայեթ Ալբանիայում) – 53, 96, 169, 185, 281, 288, 297, 312, 314, 317, 323, 327, 363, 376, 397, 415  
Շկոդրա լիճ (Շքոթրա, լիճ Ալբանիայի և Չերնոգորիայի սահմանին) – 104, 192  
Շչերն – 406  
Շչիպ – տե՛ս Շիպ  
Շվեյցարիա – 106, 199, 239  
Շուշի – 100

## Չ

Չաթալջա (Չաթալճա, չրջան Եվրոպական Թուրքիայում, Սև ծովի ափին) – 153, 162-167, 169-171, 174, 178, 281, 294, 297, 308, 313, 320, 323, 327, 331, 348-350, 354, 360, 362, 370, 376, 378-391, 396, 399, 400, 404, 419, 429, 435, 454, 465

Չանաքկալեի նեղուց – տե՛ս Դարդանեղի նեղուց  
Չեթինե – տե՛ս Յետինե  
Չեթինետե – տե՛ս Յետինե  
Չեխա – 28  
Չեկմերդչե – 164  
Չերնոգորիա (Փարաղաղ, Ղարաղաղ, Մոտենեգրո, Սև լեռ) – 3, 11, 20, 25, 27, 36, 37, 40, 42, 43, 45, 55-57, 83, 84, 86, 87, 92-97, 104-107, 172, 191, 192, 255, 288, 295, 297, 304, 306, 317, 350, 351, 398, 405, 415, 416, 419, 425, 430, 431  
Չիրպան (քաղաք Բուլղարիայում) – 91  
Չորլու (քաղաք և չրջան Եվրոպական Թուրքիայում) – 139, 163-165, 167, 171, 430

## Պ

Պալքաններ – տե՛ս Բալկաններ  
Պաղեստին – 5, 99  
Պանագոս (Հունարենակ գյուղ Մարմարա ծովի ափին) – 241, 339, 342  
Պանկալթի (Թաղամաս Կ. Պոլսում) – 259, 384  
Պապը Ալի (Հրապարակ Կ. Պոլսում) – 64, 92, 259  
Պարմարալ – 25  
Պարսից ծոց – 7, 16, 18  
Պարսկաստան (Հարավային Պարսկաստան) – 6, 16, 19, 121, 125, 199, 215  
Պելկրատա (արևմտահայերեն Բելգրադ) – տե՛ս Բելգրադ  
Պեշիկթաչ (Կ. Պոլսի Թաղամաս) – 63  
Պետերբուրգ – 12, 24-26, 35, 38, 40, 49, 50, 52, 101, 124, 128, 133, 134, 153, 173, 280, 281, 284, 288, 290,

328, 373, 402, 423, 424, 432  
Պետրի – 406  
Պիթլիա – տե՛ս Բիթլիս  
Պիրեա – 221, 222  
Պիրոտ (քաղաք Սերբիայում) – 426  
Պլավա (քաղաք Չեռնոգորիայում) – 192, 304  
Պլովդիվ (Փլովտիվ) – 88, 101, 122, 240, 241  
Պոդոլիա (պատմաաշխարհագրական տարածաչրջան Արևելյան Եվրոպայում) – 6, 7  
Պոնտոս – 341  
Պորտ-Սայիդ (քաղաք Եգիպտոսի Հյուսիս-արևելքում) – 159  
Պրիզրեն (քաղաք Կոսովոյում) – 104  
Պրիլիպ – 412  
Պրիշտինա (Պրիշտինա, քաղաք Կոսովոյում) – 185, 304  
Պրուսիա – 33, 105  
Պուլկարիա – տե՛ս Բուլղարիա

## Ջ

Ջևգելի – 414

## Ռ

Ռադովիչ – 406  
Ռիգա – 126  
Ռիլո (քաղաք Բուլղարիայում) – 151  
Ռիսկի վանք (գտնվում է Բուլղարիայի Կյուստենդիլի շրջանում) – 122, 129  
Ռոդոպյան շրջան (շրջան Հունաստանում) – 224  
Ռոդոս կղզի (կղզի Էգեյան ծովի Հարավարևելյան մասում) – 317  
Ռոդոսթո (Թեբրիդաղ, քաղաք Եվրոպական Թուրքիայում, Մարմարա

ծովի ափին) – 72, 120, 151, 152, 234, 240, 241, 339, 341, 343, 344, 361, 381, 420, 430, 433-435, 440-442, 444-446, 448

Ռումելիա (Արևելյան Ռումելիա, Ռումելիա, Ռումելի, Ռոմելի, Ռումէլի, տարածաչրջան Եվրոպական Թուրքիայում, որը ներառում էր Թրակիան և Մակեդոնիայի մի մասը) – 48, 52, 60, 69, 70, 76, 87, 158, 240, 372, 395, 419, 441, 446, 453-456

Ռումինիա – 7, 25, 28, 32, 44, 47-49, 51, 58, 65, 84, 99, 128, 262, 282, 288-290, 315, 372, 402, 409, 414, 422, 425-427, 432, 450

Ռուսաստան (Մեծ Ռուսիա, Ռուսական կայսրութուն) – 4, 7-14, 19, 20, 23-25, 27, 31-34, 38, 39, 44-47, 49-52, 57, 58, 75, 78, 79, 82, 84-86, 94, 96, 97, 102, 104, 108-110, 114, 117-119, 125-127, 133, 150, 154, 173, 174, 176-178, 181-183, 190, 213, 241, 243, 244, 250, 281-287, 289, 292, 299, 302, 309, 310, 314-316, 319, 328, 330, 333, 334, 346, 351, 359, 372-374, 396, 398, 402, 409, 412, 421-424, 429, 433, 440, 449, 450, 458, 465, 468

## Ս

Սակլե – 406

Սալոնիկ (Սալոնիկներ, Սոլուն, Սելանիկ) – 16, 24, 40, 43, 46, 53, 99, 103, 152, 193-195, 230, 264, 274, 275, 281, 282, 284, 288, 296, 316-318, 327, 345, 374, 397, 402, 409, 412, 413, 415

- Սամաթիա (Թաղամաս Կ. Պոլսում) – 260
- Սամկով – 223
- Սամոս (կղզի Հունաստանում, Էգեյան ծովում) – 39, 238, 304
- ՍանՋակ (չրջան Սերբիայի և Ջերնո-գորիայի միջև) – 104, 105
- Սան-Ստեֆանո (Կ. Պոլսի արվարձան) – 24, 172, 260, 288, 294, 379
- Սասուն – 449
- Սարիղամիշ – 465
- Սաքսոնիա – 31
- Սեբաստիա – 439
- Սելիմիե (գորանոց Ալյուտարի մոտ) – 353
- Սելմեն – 223, 240
- Սենթ Ջեյմս (Թաղամաս Լոնդոնում) – 403
- Սեն-ժերվե (մարզագետին Փարիզում) – 291
- Սենիցա (քաղաք Արևմտյան Սլովակիայում) – 186
- Սերայ – 162
- Սերբիա (Մեծ Սերբիա, Փոքր Սերբիա, Արևմտյան Սերբիա, Հին Սերբիա, Սերբիայի Թագավորություն) – 3, 5, 8, 11, 20, 23, 27-31, 33, 35-37, 39-43, 46, 54-59, 65, 81, 83, 84, 86, 87, 96, 97, 101, 103, 105-107, 115, 148, 169, 172, 174, 180-184, 188-190, 204, 222, 238, 262, 263, 288, 290, 294-297, 299, 303-305, 307, 316-318, 350, 351, 367, 398, 402, 405, 409, 412-414, 416, 419, 421-425, 427, 428, 430, 431, 451
- Սերես (Սերեզ, քաղաք Հունաստանում) – 414, 415, 428
- Սերֆիչե – 193, 196
- Սթրանջա (Սթրանձա, Սթրումջա, լեոներ Բուլղարիայում և Թուրքիայում) – 162, 165, 427
- Սիլիստրիա (Սիլիստրա, նավահանգրստային քաղաք Բուլղարիայի Հյուսիս-արևելքում) – 48, 315, 372, 402, 427, 449
- Սիլիվրին (բնակավայր Թրակիայում) – 361, 430
- Սիմֆերոպոլ – 109
- Սիրիա (Սուրիա, Հյուսիսային Սիրիա) – 5, 20, 167, 240, 359
- Սլովենիա – 28
- Սկյուր – տե՛ս Սկոպլե
- Սկյուզ – 157
- Սկյուպե – տե՛ս Սկոպլե
- Սկյուտար (Կ. Պոլսի Թաղամաս) – 18, 259, 273, 304, 312, 317, 327, 353, 397, 398
- Սկոբելևո (կայարան Բուլղարիայում) – 90
- Սկոպլե (Սկյուպե, Սկյուր) – 40, 53, 189, 316
- Սկուտարի լիճ – 304
- Սյունիք – 124
- Սողոմ Գոմոր (ըստ Հին կտակարանի՝ Հնագույն քաղաքներ Սիդդիմի դաշտում) – 387
- Սոմակով (քաղաք Բուլղարիայում) – 240
- Սոֆիա – 34, 38, 41, 42, 54-56, 58, 64, 67, 71, 73, 75, 85, 101, 103, 104, 119, 121-125, 128, 129, 132-134, 136, 160, 162, 166, 170, 174, 177, 219, 223, 230, 233-236, 240, 262, 280, 287, 293, 314, 320, 339, 394, 406, 413, 414, 418, 423, 427, 428, 434, 451, 463
- Սոֆիատա (Թուրքերեն Սոֆիան) – տե՛ս Սոֆիա
- Սոֆլու – 235, 240
- Սվազբեո – 376



Ստարա-Ջագորա (քաղաք Բուլղարիայի կենտրոնական մասում) – 211

Ստրալջա (կիսակայարան Բուլղարիայում) – 90

Ստրումիցա (քաղաք Մակեդոնիայում) – 164, 406, 426

Սուդան – 8

Սուեզի ջրանցք – 16, 159

Սուլթան Ահմեդի հրապարակ (հրապարակ Կ. Պոլսում) – 74

Սուր (գյուղ Ֆարչըն գավառում) – 266

Սուրբ Խաչ հիվանդանոց (Հայկական հիվանդանոց Կ. Պոլսում) – 265

Սև լեռ – 37, 92

Սև ծով – 15, 150, 164, 287, 361, 381, 408, 467

### Վ

Վալախիա (չրջան Ռումինիայի Հարավում) – 5

Վան – 6, 206, 428, 458, 461, 462

Վանա լիճ – 80, 461

Վառնա (նավահանգստային քաղաք Բուլղարիայում) – 120, 123, 126, 150, 428

Վասպուրական – 206, 428, 461

Վարդար գետ – 41, 185, 187, 188, 194, 414, 415

Վարդարյա – տե՛ս Մակեդոնիա

Վելիա-Կլավար – 185

Վելիկո Տրնովո (քաղաք Բուլղարիայում) – 129, 225, 227, 231, 232, 238, 407

Վենետիկ – 7

Վերիա – տե՛ս Գարաֆերիա

Վիեննա – 5, 6, 7, 25, 118, 181, 280, 283, 289, 305, 421

Վիդին (քաղաք Բուլղարիայում) – 428

Վիդուշ (լեռնազանգված Բուլղարիայում) – 241, 242

Վիդա (քաղաք Կրկարելի նահանգում) – 152, 163

Վիլե – 156

Վոդեն (բնակավայր Կ. Պոլսի մոտ) – 264

Վոսֆոր – տե՛ս Բոսֆորի նեղուց

Վոտինա – 193

Վրանիա (Վրանյա) – 103, 184, 185

### Տ

Տարոն – 462

Տեչիչ (բերդ) – 95, 96

Տեսե-Աղաճ – տե՛ս Դեղե-Աղաջ

Տերքոս (Տերքոզե, գյուղ Կ. Պոլսի մոտ) – 162, 164, 170, 258

Տոգո – 17

Տոլմա-Բախչե (սուլթանի կայսերական պալատ) – 337

Տոկիո – 364

Տոմսկ (քաղաք Ռուսաստանում) – 109

Տրապիզոն – 274

Տրիեստ (քաղաք Հյուսիսային Իտալիայում) – 17, 319

Տրնովո (քաղաք Բոսնիա-Հերցեգովինայում) – 223, 240

Տուզի (բնակավայր Չերնոգորիայում) – 191

### Ր

Րումելի – տե՛ս Ռումելիա

### Ց

Ցետինե (Չեթինե, Չեթինեթե, Չերնո-

գործիայի պատմական մայրաքաղաք) – 71, 94, 95  
Յյուրիխ (քաղաք Շվեյցարիայում) – 199

## Ու

Ուեսթմինսթեր (Ուեստմինստեր, Լոնդոնի պատմական շրջաններից) – 410  
Ուզուն Կեպրու – տե՛ս Ուզուն Քյուվրի  
Ուզուն-Համիդլեր – (լեռնաչղթա Ռոդոպյան շրջանում) – 224-226, 228, 341  
Ուզուն Քյուվրի – 235, 240  
Ուկրաինա (Աջափնյա Ուկրաինա) – 6, 7  
Ուչի (Լոզան քաղաքի թաղամաս) – 106  
Ուսկյուբ – տե՛ս Սկոպլե

## Փ

Փարիզ – 34, 114, 145, 153, 154, 255, 280, 281, 291, 305, 306, 314, 319, 323, 345, 464  
Փեչավար (քաղաք Հնդկաստանում, այժմ Պակիստանում) – 179  
Փերևադա – 194  
Փերլեփե (քաղաք Մակեդոնիայում) – 189  
Փոբր Ասիա – 5, 8, 16-19, 21, 26, 27, 99, 166, 257, 261, 265, 326, 349, 359, 362, 366, 371, 414, 454, 456, 458  
Փոբրասիական թերակղզի – 408  
Փրևեզա – 303  
Փունար Հիսար (քաղաք Կրկյարելի նահանգում) – 143, 144, 154, 157, 158, 163, 169, 360

## Ք

Քալքիտիկ թերակղզի (Նալկիդիկա, Նալկիդի թերակղզի, թերակղզի Հունաստանի Հյուսիս-արևելքում) – 288, 316, 420, 436  
Քալֆա-քեո – 377  
Քավալա – 303, 315  
Քարաղաջ – 376  
Քեպրուտանն – 258  
Քեչան (Կեչան, քաղաք Էդիրնեի շրջանում) – 235, 240, 241, 406, 446  
Քեստենջե (քաղաք Ռումինիայում) – 25  
Քրք-Քիլիսե – տե՛ս Կրկյարելի  
Քդի (գյուղաքաղաք, գավառ Էրզրու-մի նահանգում) – 464  
Քոզանիա – 196  
Քուվեյթ – 359  
Քուրդիստան – 22

## Օ

Օղեսա – 58, 125, 126  
Օդրին (Օդրինե) – 53, 119, 145, 360  
Օխրիզ (Օխրիզա, լիճ Մակեդոնիայի և Ալբանիայի սահմանին) – 190, 415

## Ֆ

Ֆարչըն (գավառ Արևմտյան Հայաստանում) – 266  
Ֆերա – 230  
Ֆերե – 240  
Ֆեներ (Թաղամաս Կ. Պոլսում) – 259  
Ֆերիտիէ (Թաղամաս Կ. Պոլսում) – 219  
Ֆիլիպոպոլ (քաղաք Բուլղարիայում) – 236

<b>Ֆլորին (բնակավայր Կ. Պոլսի մոտ) –</b>	220, 284, 286, 294, 299, 302, 309,
264	315, 319, 326, 333, 334, 336, 338,
<b>Ֆրանսիա – 7-10, 13, 14, 16, 19, 21,</b>	359, 373, 384, 398, 409
25, 46, 50, 51, 75, 85-87, 105, 112,	<b>Ֆրիդրենտ (քաղաք Սերբիայում) –</b>
114, 115, 117, 144, 153, 154, 184,	316

**ԲՈՎԱՆ ԴԱԿՈՒԹՅՈՒՆ**

**ԵՐԿՈՒ ԽՈՍՔ**.....3

**ԳԼՈՒԽ ԱՌԱՋԻՆ**

**ԲԱԼԿԱՆՅԱՆ ՊԱՏԵՐԱԶՄՆԵՐԻ ՆԱԽԸՆԹԱՅԸ** .....5

ԹՈՒՐՔԻԱՅԻ ՏԱՐԱԾՔԱՅԻՆ ԿՈՐՈՒՍՏՆԵՐԸ ԲԱԼԿԱՆՅԱՆ  
    ՊԱՏԵՐԱԶՄՆԵՐԻՑ ԱՌԱՋ .....5  
ՀԱԿԱՍՈՒԹՅՈՒՆՆԵՐԻ ՍՐՈՒՄԸ ԵՎՐՈՊԱԿԱՆ  
    ԻՄՊԵՐԻԱԼԻՍՏԱԿԱՆ ՏԵՐՈՒԹՅՈՒՆՆԵՐԻ ՄԻՋԵՎ  
    20-ՐԴ ԴԱՐԱՍԿԶԲԻՆ..... 10  
ՄԵԾ ՏԵՐՈՒԹՅՈՒՆՆԵՐԻ ՔԱՂԱՔԱԿԱՆՈՒԹՅՈՒՆԸ  
    ԹՈՒՐՔԻԱՅԻ ՆԿԱՏՄԱՄԲ ..... 15  
ԲԱԼԿԱՆՅԱՆ ՍԼԱՎՈՆՆԵՐԸ ԹՈՒՐՔԻԱՅԻ ԵՎ ԱՎՍՏՐԻԱՅԻ  
    ՊԱՏՄԱԿԱՆ ՀԱԿԱՌԱԿՈՐԳՆԵՐ ..... 21  
ԲԱԼԿԱՆՅԱՆ ԴԱՇՆՈՒԹՅԱՆ ԳԱՂԱՓԱՐԻ ՊԱՏՄԱԿԱՆԸ ..... 30  
ՍԵՐԲ-ԲՈՒԼՂԱՐԱԿԱՆ ԳԱՂՏՆԻ ՊԱՅՄԱՆԱԳԻՐԸ ..... 39  
ԲԱԼԿԱՆՅԱՆ ՌԱԶՄԱՔԱՂԱՔԱԿԱՆ «ՊԱՇՏՊԱՆԱԿԱՆ  
    ԴԱՇԻՆՔԻ» ՍՏԵՂԾՈՒՄԸ ..... 43  
ՌՈՒՄԻՆԻԱՅԻ ԳԻՐՔԸ ..... 47  
ՊԱՏԵՐԱԶՄԻ ՈՒՐՎԱԿԱՆԸ ..... 50  
ԲԱԽՏԱԿԻՑ ՀԱԼԱԾՅԱԼ ԺՈՂՈՎՈՒՐԳՆԵՐ ..... 88

**ԳԼՈՒԽ ԵՐԿՐՈՐԴ**

**ՌԱԶՄԱԿԱՆ ԳՈՐԾՈՂՈՒԹՅՈՒՆՆԵՐԸ**

**ՊԱՏԵՐԱԶՄԻ ԱՌԱՋԻՆ ՇՐՋԱՆՈՒՄ** .....92

ՊԱՏԵՐԱԶՄԻ ԲՌՆԿՈՒՄԸ ..... 92  
ՀԱՅԿԱԿԱՆ ՎԱՇՏԻ ԿԱԶՄԱՎՈՐՈՒՄԸ ..... 119  
ԴԱՇՆԱԿԻՑ ԲԱՆԱԿՆԵՐԻ ՓԱՅԼՈՒՆ ՀԱՂԹԱՆԱԿՆԵՐԸ ՊԱՏԵՐԱԶՄԻ  
    ԱՌԱՋԻՆ ՇՐՋԱՆՈՒՄ ..... 137  
ԿՌԻՎՆԵՐԸ ՄՅՈՒՍ ՌԱԶՄԱՃԱԿԱՏՆԵՐՈՒՄ ..... 180  
ՀԱՅ ԶԻՆՎՈՐՆԵՐԸ ՊԱՏԵՐԱԶՄԻ ՀՈՐՋԱՆՈՒՏՈՒՄ ..... 200  
ՕՍՄԱՆՅԱՆ ԲԱՆԱԿԻ ՇԱՐՔԵՐՈՒՄ ..... 222

բոՒԼՂԱՐԱԿԱՆ ԲԱՆԱԿԻ ԿԱԶՄՈՒՄ .....	222
ՀԻԱՑԱԿԱՆ ԳՆԱՀԱՏԱԿԱՆՆԵՐ .....	241
ՀԱԿԸՆԴԴԵՄ ԿԱՐԾԻՔՆԵՐ .....	246
ԹՈՒՐՔԱԿԱՆ ԲԱՆԱԿՆԵՐԻ ՊԱՐՏՈՒԹՅԱՆ ՊԱՏՃԱՌՆԵՐԸ .....	251
ՊՈԼԻՍԸ ՏԱԳՆԱՊՆԵՐԻ ՄԵՋ .....	258
ՏՐԱՄԱԴՐՈՒԹՅՈՒՆՆԵՐԻ ՓՈՓՈԽՈՒԹՅՈՒՆ ՄԵԾ ՏԵՐՈՒԹՅՈՒՆՆԵՐԻ ՂԵԿԱՎԱՐ ՇՐՋԱՆՆԵՐՈՒՄ .....	280
ԶԻՆԱԴԱԴԱՐ .....	292
ՀԱՇՏՈՒԹՅԱՆ ԲԱՆԱԿՑՈՒԹՅՈՒՆՆԵՐ ԼՈՆԴՈՆՈՒՄ .....	302
ԲԱՆԱԿՑՈՒԹՅՈՒՆՆԵՐԻ ԶԱԽՈՂՈՒՄԸ՝ ՄՈՏ .....	332
ՀԱՅԿԱԿԱՆ ՎԱՇՏԸ ԽԱՂԱՂ ՀԱՆԳՐՎԱՆՈՒՄ .....	339
ԵՐԻՏԹՈՒՐՔԱԿԱՆ ՀԵՂԱՇՐՋՈՒՄԸ .....	345
ԽԱՆԴԱՎԱՌՈՒԹՅՈՒՆԻՑ ՎՀԱՏՈՒԹՅՈՒՆ՝ ՄԻ ՔԱՅԼ.....	352
ՊԱՏԵՐԱԶՄԻ ՎԵՐՍԿՍՈՒՄԸ ԵՎ ԸՆԹԱՑՔԸ .....	358
ԱԴՐԻԱՆՈՒՊՈԼՍԻ ԱՆԿՈՒՄԸ.....	381
ԹՈՒՐՔԱԿԱՆ ԲԱՆԱԿԻ ՆՈՐ ՊԱՐՏՈՒԹՅՈՒՆՆԵՐԸ .....	397
ՀԱՇՏՈՒԹՅՈՒՆ.....	400
ՀԱՅԿԱԿԱՆ ՎԱՇՏԸ ԲԱԼԿԱՆՅԱՆ ԱՌԱՋԻՆ ՊԱՏԵՐԱԶՄԻ ԵՐԿՐՈՐԴ ՓՈՒԼՈՒՄ .....	405

**ԳԼՈՒԽ ԵՐՐՈՐԴ**

<b>ԲԱԼԿԱՆՅԱՆ ԵՐԿՐՈՐԴ ՊԱՏԵՐԱԶՄԸ ԵՎ ՀԵՏԵՎԱՆՔՆԵՐԸ .....</b>	<b>408</b>
--	------------

ՊԱՏԵՐԱԶՄԻ ՊԱՏՃԱՌՆԵՐԸ .....	408
ՄԻՋԴԱՇՆԱԿՑԱՅԻՆ ՊԱՏԵՐԱԶՄԻ ԸՆԹԱՑՔԸ .....	424
ՌՈԴՈՍԹՈՅԻ ԵՎ ՄԱԼԳԱՐԱՅԻ ՀԱՅԵՐԻ ԶԱՐԴԸ .....	440
ԿՈՏՐԱՍՏ ՏԱՇՏԱԿԻ ԱՌԱՋ .....	449

**ԳԼՈՒԽ ԶՈՐՐՈՐԴ**

<b>ԲԱԼԿԱՆՅԱՆ ՊԱՏԵՐԱԶՄՆԵՐԻ ՊԱՏՃԱՌԱՍՄ ՄԵԾ ԱՂԵՏՆԵՐԸ ՀԱՅ ԺՈՂՈՎՐԴԻՆ .....</b>	<b>453</b>
ՀԱՅԵՐԻ ՀՈՂԵՐԻ ՎՐԱ ՄՈՒՀԱՋԻՐՆԵՐԻ ԲՆԱԿԵՑՈՒՄԸ .....	453
ՔՐԴԵՐԻ ՆՈՐ «ՔԱԶԱԳՈՐԾՈՒԹՅՈՒՆՆԵՐԸ» .....	459
ԳԱՂԹ .....	463

<b>ԱՆՋՆԱՆՈՒՆՆԵՐԻ ՑԱՆԿ.....</b>	<b>470</b>
--------------------------------	------------

<b>ՏԵՂԱՆՈՒՆՆԵՐԻ ՑԱՆԿ.....</b>	<b>484</b>
-------------------------------	------------

## **ՀՐԱՋԻԿ ՍԻՄՈՆՅԱՆ**

**1912-1913 թթ.  
ԲԱԼԿԱՆՅԱՆ ՊԱՏԵՐԱԶՄՆԵՐԸ  
ԵՎ ՀԱՅԵՐԸ**

**Չափսը՝ 60x84 1/16: Թուղթ՝ օֆսետ:  
Տպագրությունը՝ օֆսետ:  
Տպագր. 31.4 մամուլ: Տպաքանակ՝ 300:**

---

**ԵՊՀ հրատարակչություն, Երևան, Ալեք Մանուկյան 1**